



Philosoph:

9. 4. 4.

9 A. 4



XV
Bachman
Journ. 1747.

B. 5

GERARDI VAN SWIETEN
MED. DOCT.
COMMENTARIA
IN
HERMANNI BOERHAAVE
APHORISMOS
DE
COGNOSCENDIS, ET CURANDIS
MORBIS.

GERALD R. SWEENEY
NEW YORK
COMMUNIST PARTY
OF THE UNITED STATES
OF AMERICA
APRIL 1954
IN
COGNITION OF THE
FEDERAL BUREAU OF INVESTIGATION

GERARDI VAN SWIETEN
MED. DOCT.
COMMENTARIA
IN
HERMANNI BOERHAAVE
APHORISMOS
DE
COGNOSCENDIS, ET CURANDIS
MORBIS.
TOMI PRIMI PARS PRIMA.

*Congreg.
Missionis*



*Domus
Florentina*


T A U R I N I.
EX TYPOGRAPHIA REGIA.
M D C C X L I V.



THE
LIBRARY OF THE
BIBLIOTHECA
MUSEI HISTORICI
ROMAE
FUNDATA 1861
PER LEGATO
ROMANO



ROMA
MUSEO HISTORICO
BIBLIOTHECA



PRAEFATIO.



UM acerbum MAGNI BOE-
RHAAVII funus, Academia,
Civitas, Respublica, imo per or-
bem terrarum lugerent omnes bo-
ni, videbar & mihi non minimam
justi moeroris causam habere, cum irrepara-
bile damnum fecissem, & perdidissem ora-
culum, quod in rebus dubiis semper consu-
lere licuit. Summa enim ingenii perspicua-
cia, & longaevo artis usu, in difficillimis
etiam, atque intricatissimis morbis latentes
causas detegere noverat, atque uno saepe,
vel altero verbulo his tenebris lucem affun-
dere. Dum vero in curandis aegris felix
successus meis aliquando respondebat votis;

PRAEFATIO:

agnovi illico, me omnia debere optimo Magistro, qui cespitantem in gravioribus morbis curandis prudenti consilio toties firmaverat, blande correxerat devium quandoque, neque unquam repulerat interpellantem, licet forte saepius, discendi aviditate, importunum. Probe enim memini, & gratus recordor, me nunquam accessisse hoc oraculum, quin redierim doctior.

Omnia haec impulerunt me, alia quamvis dudum meditantem, ut, sepositis omnibus, primos labores MAGNI PRAECEPTORIS scriptis illustrandis impenderem. Placuit imprimis hoc propositum, quia & gratum sic testari animum, & tanti Viri vestigia premere possem, dum & forte sic prodessem illis, qui salutarem artem addiscere cupiunt.

Institutionum Medicarum explicationem sublimioribus ingeniis relinquens, commentandis *Aphorismis de cognoscendis, & curandis morbis* me accinxi: quibus autem copiis instructus aggredi hoc ausus fuerim, paucis dicam.

Rara certe felicitate mihi contigit, forte unico, viginti fere annorum spatio MAGNI BOERHAAVII institutionibus frui, tam publicis,

PRAEFATIO.

blicis, quam privatis: nec defuit occasio consulendi Magistrum, si quid minus recte percepissem. Cum interim angusto anni Academici curriculo hos Aphorismos explicaret suis Discipulis Auctor, atque prima horum elementa sedulo inculcaret, imo & eadem repetere cogeretur, ut tardioris etiam ingenii auditoribus prodesset, saepe contigit, ut circa finem harum exercitationum domesticarum, invitus quamvis, festinare deberet. Quot autem, & quam utilium rerum jacturam patiebantur auditores, dum tempus deficientem deficeret, noverunt illi, qui interfuerant mecum publicis praelectionibus, quas *De Calculo, Venerea Lue, Nervis, & Nervorum Morbis, & de Corde* habuit BOERHAAVIUS. Plurima enim, quae in privatis cursim tantum, ob temporis angustiam, delibaverat, latius deduxit in publicis. Omnia autem & haec, quatenus explicandis his Aphorismis inservire poterant, in Commentariis his invenientur..

Praeter haec, cuncta, quae ex optimis auctoribus, & imprimis ex antiquorum Medicorum monumentis, in proprios usus collegeram, addidi: patebitque, credo, quam pulchre BOERHAAVII dogmata *Hippocratis, & Galeni*

P R A E F A T I O.

*Galen*i placitis, tot saeculorum consensu probatis, consonent. Simul hic contuli illa, quae attenta harum rerum meditatio suggessit, vel aliquis jam in arte salutari usus me docuit.

Adhibui autem *Hippocratis*, & *Galen*i Opera a *Renato Charterio* edita, in citationibus tamen notavi libros, & capita, ut minori cum difficultate loca allegata etiam in aliis editionibus inveniri possent. Ultimo vero Tomo horum Commentariorum addam Catalogum auctorum, & editionum, ex quibus collegi illa, quae illustrandis, aut confirmandis his Aphorismis convenire credidi. Subjungam & finito operi locupletem indicem.

Ut vero gratum animum publice testarer.

IMMORTALI MEMORIAE
MAGNI BOERHAAVII
H A E C
COMMENTARIA
S A C R A

V O L U I

Lugduni Batavorum
1742.

G. VAN SWIETEN,

REIMPRIMATUR.

Vicarius Generalis S. Officii.

V. Rezia P. & R.

Se ne permette la ristampa.

Morozzo per Sua Eccellenza il Signor Marchese d' Ormea
Gran Cancelliere.

LIBRERIA
MOROSINI

LIBRERIA

INDEX CAPITUM

Hujus primae Partis.

	PAG.
<i>Prolegomena .</i>	<u>1</u>
<i>Morbi fibrae solidae simplicis .</i>	<u>12</u>
— — — <i>debilis , & laxae .</i>	<u>22</u>
— — — <i>rigidae , & elasticae .</i>	<u>42</u>
— — — <i>Vasorum minimorum , & majorum .</i>	<u>48</u>
— — — <i>viscerum debiliū , & laxorum .</i>	<u>52</u>
— — — — <i>fortium , & rigidorum .</i>	<u>63</u>
<i>De simplicissimis humorum vitiis , & spontaneis .</i>	<u>79</u>
<i>Morbi spontanei ex acido humore .</i>	<u>80</u>
— — — <i>a glutinoso spontaneo .</i>	<u>95</u>
— — — <i>ex alcalino spontaneo .</i>	<u>113</u>
<i>De morbis oriundis ab excessu motus circulatorii solo .</i>	<u>134</u>
<i>De morbis , ex defectu circulationis , & plethora .</i>	<u>151</u>
<i>Morbi compositi simplicissimi obstruētio , & vulnus . Obstruētio .</i>	<u>160</u>
<i>De vulnere in genere .</i>	<u>217</u>
<i>Haemorrhagia .</i>	<u>344</u>
<i>Dolor .</i>	<u>355</u>
<i>Convulsio &c .</i>	<u>374</u>
<i>Vulnera Capitis .</i>	<u>390</u>
— — — — <i>Thoracis .</i>	<u>490</u>
— — — — <i>Abdominis .</i>	<u>514</u>

U.S. MARINE

RECORD

1	NAME	...
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

COMMENTARIA I N HERMANNI BOERHAAVE APHORISMOS D E COGNOSCENDIS, ET CURANDIS MORBIS.

PROLEGOMENA.

§. 1.



Mnis humani corporis conditio, quae actiones vi-
tales, naturales, vel & animales laedit, Morbus
vocatur.

Absoluta hic traditur morbi definitio, necessario prae-
mittenda, antequam aliquid certi de morborum cura dici
possit. Ubi vident a sanitate deflectere corpus, morbum adesse dicunt om-
nes: sed pulchre notavit Galenus (a) sanitatem habere latitudinem quandam,
non enim absoluta ipsa est, nec indivisibilis simul, quae est & dicitur sanitas,
verum etiam quae ab hac deficit, modo adhuc usibus nostris non sit inepta.

Perfekte sanum invenire forte arduum foret, in quo nempe nec in solidis,
nec in fluidis, nec in motu fluidorum per canales solidos, deficeret nihil: ex-
terni enim nos ambientis aeris vicissitudine, animi affectibus, alimentis, vel
tenacioris indolis, vel parum largiori copia ingestis &c. sic mutamur quo-
tidae, ut nonnisi laxiori sub significatione sani possumus dici: hinc videtur
hoc sensu Galenus (b) sanitatem definiisse: perfecte sanus nemo dici potest; sed
sani

— A —

(a) De Sanitate tuenda lib. I. cap. 4. Charter. Tom. VI. pag. 45. (b) De Sanita-
te tuenda Lib. VI. cap. 4. Charter. Tom. VI. pag. 170. & de morbo, differentis caps.
Charter. Tom. VII. pag. 1.

Sani dicuntur, qui nulla corporis parte dolent, & ad vitae munera baudquaquam sunt impediti.

Sanitas vero laesa morbus est; sed ut in morbis indagandis haberent ordinem, sani corporis actiones ad tria genera redegerunt Medici, nempe vocaverunt VITALES, NATURALES, ANIMALES. VITALES ACTIONES dicuntur, quibus praesentibus vita adest, quibus absentibus vita abest. Certe possunt in corpore manere solida & fluida dotibus & copia eadem, & abesse vita; sic dum homo aquis submergitur, nihil perit, nihil accedit corpori, sed solus motus deest: hunc si reuscitare potes, redit vita.

In syncopem perfectam delapsus homo mortis imaginem quam bene exhibet! aspersa frigida contractae venae suum sanguinem versus cor derivant, hoc sic irritatum contrahitur, reviviscit mox.

Vita perfecta est sanitas, vita penitus abolita mors, vita laesa morbus.

Post cognitum sanguinis circulum, demonstratum est, quod vita omnium minima adhuc consistat in actione cordis contracti & aperti; sed ut haec fiant, debet superesse motus muscularis cordis, sanguinis venosi influxus in cava cordis, sanguinis arteriosi ex cavis cordis expulso.

Ad actionem autem musculosam cordis requiritur cerebelli, & nervorum: inde ad cor tendentium libera actio, & sanguinis arteriosi per coronarias arterias impulsus.

Ut autem sanguis venosus in cor fluat, requiritur, ut sanguis saltem in qualdam venas adhuc redeat.

Sed in homine nato, ut sanguis ex dextro cordis ventriculo in sinistrum possit transire, requiritur liberum per pulmones iter.

Veteres dixerant, actionem vitalem esse duplicem, pulsus nempe, & respirationem: sed actiones vitales videntur esse omnes illae conditiones, sine quibus vita non potest esse; pulsus autem & respiratio sunt signa externa vitae.

Hinc morbi vitales sunt omnes illi, qui laedunt influxum venosi sanguinis in cava cordis, & expulsionem sanguinis arteriosi ex cavis cordis; omnia enim mortuum genera investigata hoc docuerunt.

An non appareat ex his veritas dicti Hippocratici in ipso principio libri de locis in homine? [e] *Principium corporis mihi quidem nullum esse videtur, sed partes omnes peraeque principium, omnesque finis. Descriptio namque circulo principium non invenitur.*

Certe ad cordis actionem requiritur actio cerebelli per nervos in cor, sed ut cerebellum agat, & spiritus lecernat, & secretos moveat per nervos, requiritur actio cordis pellentis sanguinem per arterias cerebelli: idem de reliquis verum est.

Sic autem agit cor, quatenus communes causas sui motus cum aliis musculis habet, sed adest in corde mira proprietas, qua sine his omnibus motum suum latius diu continuare potest.

Hinc in corde latere vitale principium crediderunt veteres; cordi innatum esse motum dixit Galenus [d.]

Nec

(c) Charter. Tom. VII. pag. 157.
IX. pag. 159.

(d) Adversus Lycum cap. 2. Charter. Tom.

Nec hoc absurdum videbitur cogitanti, quod cor, licet communibus motus muscularis causis per arterias & nervos allatis instructum sit, tamen praeter haec omnia in se ipso recondat vim excitandi motus, quae ex cognita partium fabrica deduci minime potest.

Cor enim rescissum a suis vasis omnibus motum suum continuat, & satis diu quidem: sic cor anguillae de corpore exemptum pullasse perrexit, imo sub recipiente positum, exhausto aere, perrexit pullare per horae spatium (e); cor pectunculi piscis excisum, tranversim in duas partes dissectum, compressum a sanguine purgatum, linteo ab utraque parte detersum, per spatium temporis notabile motum suum retinuit. (f)

Ex similibus experimentis concluderat Galenus, (g) cor non indigere nervis ad suam functionem exercendam &c. illos maxime errare, qui cor musculum esse censent &c. sed esse nativi veluti caloris quendam fontem.

Plurima talia de animalium cordibus recentiori possent experimenta, sed & constitit, idem obtinere in ipso corde humano: Verulamius (h) dicit, *se vidisse hominis cor, qui evisceratus erat (supplici genere apud nos varijs proditores recepto) quod in ignem de more injectum saltabat in altum primo ad sesquipedem, dein gradatim ad minus, durante spatio (ut meminimus) 7, vel 8 minutiorum.*

NATURALES sunt omnes illae actiones, quae faciunt, ut corpus impleatur talibus, qualia amisit; ut tot & talia apponantur, quot & qualia defecerunt. Vita enim se ipsam destruit, per ipsius vitae actiones detrimur quotidie, & nisi ex ingestis reficeremur, brevi deficeremus. Galenus (i) verissime dixit: *quod a singulis partibus defluit, tale est, qualis ipsa pars. Nihil autem eorum, quae edimus aut bibimus, tale prorsus est, hinc necesse habuit natura prius immutare (μετεμύσθαι) & concoquere illa, & alendo corpori similia prius praeparare (προεσκευάζειν).*

Ingesta ergo non sufficiunt ad hanc rem alimenta, sed requiritur creati corporis perfectissima Machina, ut ex illis fiat nutrimentum.

Faucis multa comprehendere solitus Hippocrates dixit: (κ) *alut concoctum.*

Hinc in Aphorismis (l) monuit: *a morbo bene cedenti nihil proficere corpus malum.* designat enim deficere vires coquentes, id est, deficere naturam ipsam.

Natura (μ) antiquum illud Hippocratis vocabulum, a multis tam male explicatum, quid designat? Nihil aliud, nisi aggregatum omnium conditionum physicarum, quae requiruntur, ut vita sit constantissima, durabilissima, & simul agilissima mobilitas, sed hoc est perfecta sanitas: si aliquid deest, est natura deficiens, & ille defectus morbus est.

Non ergo summo Numini injuriam faciunt Medici, dum naturae tam multa tribuunt; per hanc enim intelligunt creati corporis fabricam.

Optime ergo dixerat Helmontius (n) *Naturam esse jussu Dei, qua res est id quod est, & agit, quod agere jussu est.*

A 2

De

[e] Boyle nova Experimenta Pneumatica de Respiratione pag. 18. (f) Boyle de Utilitate Philosoph. Experim. exerc. 1. pag. 112. &c. (g) De anatomi administrat. Lib. VII. cap. 9. Charter. Tom. 4. pag. 135. (h) Historia vitae & mortis pag. 359 (i) Comment. II. in Lib. de alimento Hippocratis. Charter. Tom. VI. pag. 245 (k) De alimento Charter. Tom. VI. pag. 245. (l) 31. Sect. II. Charter. Tom. IX. pag. 73. (m) pag. 38.

De hac dixit Hippocrates [m] *natura omnia omnibus sufficit* [n] (*τίνα ποίηται*) morborum naturae medicae & invenit natura sibi ipsi vias, non ex intellectu [in ex *ἡσυχίας*] a nullo edocta natura & citra disciplinam omnia, quae conveniunt, efficit: & ad hunc locum Hippocratis videtur alluisse Galenus [o] dum scribit (*πῶς γὰρ ζῶν αἰδύναται*) naturae enim animalium a nulla doctae sunt, dicit Hippocrates. Et hanc rem pluribus confirmat exemplis: vitulus enim inermi adhuc fronte ferit, hinnulus molli adhuc ungula calcitrat &c.

Ingestorum ergo manducatio, deglutitio, digestio in ventriculo, & intestinis, chyli secretio, distributio, excrementorum secretio &c. ad actiones naturales reducuntur, quia per haec omnia cibi & potus in nostram convertuntur naturam.

ANIMALES vocaverunt omnes mutationes corporis humani viventis, quae mentem in suis cogitationibus mutant, vel a mente cogitante mutantur.

Omnes ergo haec actiones cogitationem supponunt.

Illud, quod cogitat, dicitur mens, cogitare enim est primum, quod scitur de mente: an hoc cogitare est ipsa mens? certe maneat omnia, prout nunc sunt, si non cogitas, omnia nihil erunt respectu tui, & de mente nil aliud scimus.

Quaedam ex illis actionibus sunt, dum novae oriuntur in mente cogitationes mutato prius organo corporeo, & fere tantum in sua superficie, sive hoc fiat a causa externa, sive a causa interna; sic mens videt objecta, dum bonus est oculus, sed & in morbis saepe credunt aegri se videre objecta externa, quae non adlunt, mutato organo corporeo per causas internas, & non per objecta externa.

Aliae actiones animales sunt, dum mens prius mutata in sua cogitatione corpus mutat, excitando motus musculares: v. g. dum quis vult brachium elevare, mox elevatum est; est enim in homine illa proprietas, ut pro voluntatis arbitrio possit motum excitare, sustinere, dirigere, mutare, sistere, renovare.

Maxime mirum est, quod quum motus sic excitati sint adeo sensibiles, adeo mutantur vi mechanica alia corpora, tamen in sua origine vix videantur corporei, nulla appareat horum causa; id est nulla mutatio physica in corpore praeter rem mutatam, nec, suppresso per voluntatem motu, maneat ullum vestigium.

Et haec omnia sunt sine cognitione causae, nam peritissimus Anatomicus non melius haec perficiet, quam idiota: profunda certe speculationis argumentum.

Reliquae actiones animales ad sensus internos dictos solent referri, memoriam nempe, imaginationem, animi affectus, attentionem &c.

Potest enim mens nostra sine ullo sensuum externorum adminiculo cogitare ratione intimi fontis sui, & quasi in proprio fundo contemplari.

Sic saepe memores sumus, nos habuisse aliquam ideam, quam non possumus nunc nobis praesentem reddere: quaerit in tuo intimo thesauro hoc principium

[m] 6. Epidem. Charter. Tom. IX. pag. 509. & 513.

Tom. IX. pag. 264.

pag. 286.

(n) De alimento Charter.

[o] De usu Partium Lib. I. cap. 3. Charter. Tom. IV.

cipium cogitans, quid hoc sit, & nescit, quid quaerat, distinguit tamen ab omnibus aliis, quae tunc cogitat.

Possunt tamen & intimae illae cogitationes mutari corpore mutato, imo & deleri integre: quoties enim non videmus, sapientissimis viris imaginationem depravari, memoriam aboleri &c. dum atra bilis gravat praecordia?

Et licet dixerit Hippocrates: (p) *qui aliqua parte corporis dolentes ut plurimum dolorem non sentiunt, illis mens laborat* (γῶμα νοσῶν) tamen ille corpus curabat, non mentem: dum enim Abderitarum precibus motus, ut Democritum, quem insanire credebant, curaret, Abderam versus tendere proposuit, salutares jubet Cratevae ut colligat herbas, ut hanc dementia curet. *

Medicina fere semper in corpus agit etiam in illis morbis, ubi nihil in corpore mutatum invenitur, sed tantum cogitationis apparatus mutatio: in quadam maniae specie hoc observatur, verbi gratia, ubi vel sagacissimi Medici nullum possunt culpae in corpore vitium, tamen delirat homo ferociter & sine febre: in his casibus ab omni aeo dederunt talia, quae incredibili vi fundendi & movendi omnia sic totum systema nervorum, valorum, musculorum movent, ut nullibi maneant eadem conditio, hac spe, ut sic turbato toto corpore deliraret illa impressio latens in sensorio communi, unde oriebatur hoc malum.

Sic antiquissimus Melampus, diu ante bellum Trojanum vivens, furentes observaverat ab helleboro sanari capras, & felici successu infantem regis filias curaverat, unde & Hippocrates Melampodium vocavit Helleborum.

§. 2. **Q**uae vero disciplinae Medicae pars docet Morbum in ipso aegroto praesentem detegere, & curare, Praxis appellatur Medica. Sanitatem aegris Medicina promittit. Cels. 1.

Ultimus scopus, ad quem universa artis medicae cognitio collimat, est aegris sanitatem reddere; hinc merito dixit Celsus (q): *ut alimenta sanis corporibus agricultura, sic sanitatem aegris Medicina promittit*. Praxis jam, *αὐτὸ δὲ πρᾶξις* dicta, est illa pars medicae doctrinae, quae docet, quam ratione in homine vivente aegroto per certa signa physica debeat detegi, an praesens sit morbus, & qualis, in quo sit statu, an in initio, ascensu, statu, descensu, qua methodo, & quibus auxiliis praesens jam cognitus morbus tolli possit.

Omnia autem haec determinari debent in aegro decumbente, longe enim aliud quid est descibere pleuritidem, quam ex artis regulis definire, quod homo decumbens laboret pleuritide, cum morbus ille, idem licet nomen servet, vario tamen tempore variam medelam requirat.

Medici nunc artem exercentes vocabantur clinici apud veteres, quia aegri [ἐν κλινῇ] in lectulis decumbabant.

§. 3. **Q**ui ergo actionum vitalium, naturalium, atque animalium exercendarum requisita ignorat, adeoque Vitae causas

(p) Aphor. 6 Sect. 2. Charter. Tom. IX pag. 47.

Si Hippocrati ascribendae sint hae epistolae, ut vulgo fit.

(q) pag. 1. in ipso initio Praefationis,

causas nescit, & sanitatis, ille defectum illarum, id est morbos, cognoscere non poterit.

Medico ergo morbum curaturo necesse est morbum nosse, sed morbus erat laesio functionis ad sanitatem requisitae; qui ergo ignorat requisita ad functionem, quomodo cognoscet, quid deficiat? merito dixerat Galenus: *(r) cuiusque morbi tanta magnitudo est, quantum a naturali statu recedit, quantum vero recedit, is solus novit, qui naturalem habitum ad amissum tenuerit.*

Caecitas v. g. morbi nomen est, designans abolitum visum, sed potest ille morbus ortum ducere a concretionem palpebrarum, obscuracione corneae post inflammationes validas, cicatrices relictas &c. potest humor aqueus turbidus factus, humor crystallinus opacus redditus visum tollere, potest nervus opticus in retinam expansus insensibilis fieri; potest idem nervus in toto suo decursu a cerebri ventriculis ad oculum ulque comprimi a variis tumoribus, exostosi &c. potest in ipsis cerebri ventriculis haerere origo mali &c.

Qui jam per cognitam organi fabricam non novit ex tot possibilibus causis nunc praesentem distinguere, quomodo idonea poterit adhibere auxilia?

Dum in febre ardenti, sanguine fere omni immutabili haerente in arteriis distentis, fiebat caecitas perfecta, frustra fovebantur collyriis oculi, qui puri & limpidi manebant: peritus Medicus omnem spem ponebat in salubri & larga superveniente haemorrhagia narium, depletis sic vas, resolutio sic spissio inflammatorio, redibat integer oculorum usus.

Obijci posset Hippocratis in arte peritiae, tot saeculorum consensu probata, qui orbatus illis inventis pulcherrimis, quibus hodiernum gaudet saeculum, ex sola observatione phaenomenorum in morbis artem salutarem adeo promovit.

Sed certe magnus Hippocrates, si novisset recentiorum inventa, major fuisset.

Unde ergo post tot detecta nova non accessit major arti medicae firmitas? ratio videtur haec esse.

Multa detexit, circa corporis fabricam, recentiorum industria; plura tamen latent & latebunt forte diu: novis his superbiens Medici ad hypotheseos condendas nimis praeconi, ex paucis numero particularibus universales fecerunt in praxi regulas; quae occurrebant in morbis, minus faventia praekonceptae hypothesei, neglexerunt penitus, vel vi detorserunt sic, ut favere viderentur. Sic artem, quam longam sapiens pronuntiaverat antiquitas, voluerunt facere brevem.

Jam dudum haec prurigo generalia condendi & pauca axiomata invaluit, Methodici satis esse credebant, quaedam communia morborum intueri, & quidem horum tria genera esse, unum adstrictum, alterum fluens, tertium mixtum. *(s)*

Qui ergo castis veterum observationibus jungunt recentiorum inventa, videntur habere optima Medicinae fundamenta.

(r) De Methodo Med. ad Glaucon lib. I. cap. 1. Charter. Tom. X. pag. 345.

(s) Celsus in Praefatione. lib. I. pag. 15.

§. 4. **S**anatio porro est morbi [1.] in sanitatem [2.] mutatio; ponit ergo & haec eadem cognita [3.]: quare cognitio & curatio morborum Scientiam dogmatum, quae explicant quae Vita, Sanitasque sit hominis, id est Instituta Physiologica Medica, requirunt.

Prior pars practicae disciplinae versatur circa morborum cognitionem, altera docet, quomodo morbus cognitus curetur.

Sed Sanatio ipsa requirit omnia eadem cognita; est enim Sanatio mutatio corporis viventis talis, ut conditio corporea, quae vocabatur morbus, tollatur, & restitueretur illud, quod ablatum faciebat morbum. In exemplo res patebit evidenter.

Paronychia illa species, in qua sine ullo fere tumore acutissimus dolor ultimam digitorum phalangem occupat, & vel in corpore sanissimo validissima incenditur febris, syncope, phrenitis, convulsionones & ante tertium diem mors saepe fit, totam suam malignitatem peculiari structurae hujus partis debet: tendinibus enim flectentibus duas phalanges extremas digitorum circumponitur ligamentum forte coercens, ad cartilaginis fere firmitatem accedens, Galeno jam descriptum [1]: sub hoc tenacissimo scuto si fiat inflammatio, si ve ligamenti, membranae cellulosae, periostei, vel tendinum vitio hoc fiat, non multum refert, oriuntur omnia illa horrenda symptomata, quia sub duro hoc tegmine cedere non potens locus inflammatus haeret; in tempore vocatus Medicus fabricae peritus jubet audacter scalpello discindi a parte laterali digiti omnia incumbencia ad os usque, sic mutat singularem hujus partis structuram in conditionem communem toti corpori, dolor sedatur statim, & mollissimis applicatis cedit adeo minax malum.

Possent hujus asserti veritas pluribus demonstrari, hoc pro exemplo sufficiat.

§. 5. **I**lla mutatio (4.) motum excitat, sopit, vel dirigit, per applicationem instrumentorum, quae Artifex nosse debet, & regere; hinc ponitur perspecta victus, medicamentorum, & Chirurgiae, materia, praeparatio, usus.

Omnis sanatio requirit vitam superstitem, quam motus humorum vitalium per vasa comitatur, per hunc ~~motum~~ ^{motum} applicata remedia, quae in cadaver nihil agunt: hunc motum, ubi languet in multis morbis chronicis, excitamus, dum furibundo impetu corpus destrueret in morbis acutissimis, sopimus prudenter, dum nimio impetu ruit in quasdam partes, revelendo verius alias partes dirigimus.

Dum languet alba puerita gravatum corpus, debilem vitam acerbis excitamus stimulis, dum acuta phrenitide correptus homo furit, debilitamus vitam sanguinis missione, & per balnea, fomenta, cucurbitas & similia impetum omnem, quantum fieri potest, a capite avertimus.

A 4

Sed

[1] Galen. Admin. Anatom. lib. I. cap. 3. Charter. Tom. IV. pag. 36.

Sed omnia hæc perficiuntur per quaedam instrumenta, quæ applicata corpori ægrotanti illud sic mutant, ut fiat sanitas; hæc autem instrumenta vocantur medicamenta.

Dixit de his Hippocrates (u): *omnia medicamenta sunt, quæ præsentem statum (το παρὸν) dimoveant, vehementiora autem omnia immutant. &c. ægrotanti vero omnia & præsentem statum dimovere conducit.*

Hæc autem instrumenta corpori humano applicantur per viſum, medicamenta, & Chirurgiam.

Primis Medicinæ temporibus horum omnium cura uni incumbere Medico.

Sed circa Herophili & Erasistrati tempora Medicina in tres partes ducta est: ut una eſſet, quæ viſu, altera, quæ medicamentis, tertia, quæ manu mederetur. (x)

Turpe penitus videtur artifiſi propriæ artis instrumenta ignorare, & licet Medicus optime perſequerit, quid in corpore mutandum ſit, ut fiat ſanitas, ſi non noverit illa auxilia, quibus hæc mutatio perfici debet, prodeſſe non poterit.

Nec perſunctorie didiciſſe pharmacorum nomina ſufficit, niſi enim quis horum indolem & attributa noverit, ineptis formulis ſe ludibrio exponet, ægriſque ſuis nocebit ſæpius.

Quantum enim mutant variæ præparationes medicamentorum indolem? Scammonei Syriaci lacryma, ingeſta corpori humano, in putridam aquam ſolvit humores, ſolutos per alvum evacuat, dum vero ſulphuris accenſi vapori exponitur, ut fiat diagridium dictum ſulphuratum, iners fere redditur.

Rhabbarbari radix ſervidæ infuſa aquæ innoxium dat purgans omni ætati & ſexui, decocta diu & fragrantiam & vires amittit.

Sed & varius uſus noſci debet. Jalappæ reſina aſſumta tenacitate ſua ventriculi plicis & inteſtinorum adhaerens hypercathariſm induxit ſæpius, cum ſacchari pauxillo trita, vel vitello ovi fraſta tenacitate illa reſinoſa, datur tutius longe.

Tithymali acerrimum ſuccum ſicubus inſillabat Hippocrates, ne in tranſitu gulam læderet. (y)

Innumera ſimilia adduci poſſent, ut demonſtretur, quam neceſſaria ſit Materiæ Medicæ cognitio.

§. 6. **D**irigitur illa applicatio (5.) a mente præſcia futuri eſſeſſe. quo evigilet Scientia generalis legum, juxta quas actiones illæ exercentur; unde itaque doctrina Signorum, & Methodi Medendi, neceſſaria eſt. Adeoque tradituro Praxin (2.) omnes partes Institutionum Medicarum ſcitu neceſſariæ prius ſunt: Eas ideo ponemus notas, & demonſtratas alibi.

In dirigendis his instrumentis, ut fiat talis mutatio, quam ars requirebat, ut reſtitueretur ſanitas, ſumma hæret difficultas.

Omnia

(u) De locis in homine cap. 16. Charter. Tom. VII. pag. 175.

(x) C. li. Præſatio.

pag. 1.

(y) De viſu acut. Charter. Tom. XI. pag. 183.

Omnia enim medicamenta corpori viventi applicantur, per vitam actuosam sunt, & saepe in variis hominibus diversos, imo oppositos producant effectus, ratione peculiaris idiosyncrasiae: sed hoc nunquam a priori determinari potest, per sola experimenta cognoscitur.

Sed & idem remedium aliter afficit sanum hominem, quam aegrotantem: post aëstivos colores summos incensa bilis, levi stimulo purgante incitata, quam enormes facit saepe dejectiones: sextupla dosis data hydropico languenti fecit nihil: maniacae furentissimae, a paucis granis scammonae ante hunc morbum in syncopen usque mobili, data quinque grana mercurii vitae fecerunt nihil.

Dum in chronicis morbis, tabefactis fere & friabilibus redditus visceribus vomitorium propinatur vel ex minutissima ypecacuanha, quantum imminet periculum!

Omnia haec attendere debet prudens Medicus, nam exhibitum medicamentum extra ejus potestatem est. Monuerat Galenus (2): *sive purgans dederis, sive vomitorium &c. prima exhibitio in tua potestate est, reliqua sibi fortuna vindicat.*

Sed & in morbis toties natura modis incognitis nititur expellere latens morbosum, sive morbi causa fuerit, sive effectus: qui tunc imprudenti consilio remediis oppositis turbat inceptum naturae opus, nocebit semper.

Hinc doctrina signorum & methodi medendi omnino necessaria, hinc adeo operosus in enarrandis signis Hippocrates.

Unde merito concluditur, institutionum medicarum omnes partes requiri cognitatas, antequam praxi addiscendae quis se accingat.

Idem concludit Galenus (3) dicens: *at non propter se caetera omnia ad artem spectantia, aut discimus, aut docemus, aut denique auscultamus, sed quod eorum unumquodque sit ad finem utile.*

§. 7. **M**Orbus (1), quum corpori inhaereat, erit effectus corporeus singularis determinatae causae.

Ex ante dictis in §. 1. patuit, ab omni aëvo Medicos corpus curasse etiam in illis morbis, ubi solae mentis functiones videbantur laesae: morbum quidem & morbi causam corpori inhaerere, quando in corpore sensibilem mutationem percipiebant, dubitaverunt nunquam, sed multis visum fuit magnum paradoxum, idem affirmare de illis morbis, in quibus sola cogitatio laesa apparebat.

Sed videtur illud in nobis principium cogitans, quatenus sibi conscium est, esse immutabile, esse simplex, idem semper & ubique; de quacumque enim re cogito, scio me cogitare, praeterea novi, de qua re cogitem, sed cum omni momento cogitem alia, ergo in me cogitante manet aliquod semper idem, dum innita varietas est, quae me cogitantem afficit.

Hoc autem cogitans principium ex adorandi Creatoris voluntate sic unitum est

(2) Galen. de vnae sectione adversus Erasistratum cap. 7 Charter. Tom. X. pag. 407.

(3) Constat. in Hippocr. et officina Medici. Charter. Tom. XII. pag. 1.

est corpori, ut mutato corpore mutantur cogitationes, & vicissim mutata cogitatione mutari possit corpus.

Totum ergo, quod Medicina potest, est, ut mutato corpore laesam mentis corpori unitae actionem emendet. Saepe autem leve vitium corporis totam mentem turbat. Sic observaverunt, fatuos a nativitate semper fere habere capitis vitiatae figuram: Sic uncia sanguinis effusi sub olla cranii totam humanitatem delet: (b) puer octennis magnis caloribus aeris perdebat memoriam fere omnium, quae didicerat, per duos vel tres dies frigidiuscula tempestas reddebat perditam, calore redeunte eadem redibat calamitas. Innumera alia hanc rem evincunt observata.

In corporis ergo mutatione morbos considerat Medicus.

§. 8. C Ujus accurata ablatio sanat.

Cum ergo sollicita indagatione invenit Medicus, quid in functionibus & sanitate deviet, & a qua causa facta fuerit illa corporis mutatio, quae morbus dicitur, omni artis molimine cognito nititur, ut hanc causam tollat: generale enim habetur axioma, sublata causa tolli effectum.

Notandum hic quammaxime, fieri posse, ut ablata morbi causa, hinc & morbo ipso, maneant tamen in corpore per morbum praegressum mutatae functiones: v. g. homo laborat saeva quartana autumnali, repetitis paroxysmis saepe sic debilitantur solida, sic dissolvuntur fluida, ut nascatur hydrops, datur cortex peruvianus, sanatur febris, manet hydrops: non tamen inde concludi potest, quod sublata morbi causa non tollatur effectus: Cortex enim Peruvianus latentem febris causam sic domuit, ut febris, effectus hujus causae evanescat; sed per febrim mutatum sic fuerat corpus, ut hydropicum fieret, & sublata febre per corticem, causae illae manent, ex quibus hydrops ut effectus sequitur, debilitas nempe nimia in solidis, nimia dissolutio in liquidis.

§. 9. A Ufertur correctio malo singulari, vel per remedium in illud solummodo agens; vel auxilio in omnia simul aequa vi agente. Hanc universalem, illam propriam, Medelam vocabimus.

Duplex modus est, quo tollimus morbos, vel enim directe in morbos agimus, non mutato reliquo corpore, vel totum corpus mutando inertem reddimus, vel eliminamus morbum.

Quartana purgantibus, vomitoriis, sudoriferis frustra tentata, imo per mediam salivationem [ut vidi] constanti typo pergens, tollitur Cortex Peruvianus, qui caeteroquin corpus non observatur mutare, vocatur propria & specifica medela, quia dum febrim tollit, reliquum corpus non mutat. Opium deglutitum in ventriculo haerens doloris sensum tollit, nec turbat corpus. Forte plura talia latent ad alios morbos remedia: felices Medici, si novissent!

Cal.

Calculus ex rene in pelvim, inde in ureterem delabitur, oritur intolerabilis dolor, spasmi abdominales, nausae, vomitus &c. si specificum cognosceret Medicus remedium, quo solvere posset impastum calculum, sanaret statim: sed tali auxilio caremus haftenus. Fomentis, clystribus, venae sectione, decoctis emollientissimis mutat totum corpus Medicus, at laxatis & lubricatis viis expellat hostem; haec vocatur generalis medela.

Haec fere semper agit inducendo alium morbum: dum enim Lue Venerea laborantem hominem salivatione curat Medicus, facit per mensē & ultra aegrotare, ut a diro hoc morbo liberet.

Hic imitatur salutaria naturae molimina, quae turbato saepe toto corpore morbosam causam eliminat.

Per asperae arteriae rimam micula panis illabatur, excitat natura per fideles custodes nervos tussim violentissimam, nec quiescit haec, donec educatur.

Hinc ausus fuit concludere Sydenhamus (c) morbum, quantumlibet ejus causae humano corpori adveniant, nihil esse aliud, quam naturae conamen materiae morbificae exterminacionem in aegri salutem omni ops molientis.

§. 10. U Traque (9) reperitur observatione, similitudine, vel ratiocinio ex hisce binis.

Nullum est dubium, quin medicamenta & medendi methodus inventa sint per observata singularia; haec enim videntur fuisse Medicinae primordia, dum illa, quae in se ipsis, vel aliis aegrotantibus viderant profuisse, suadebant iterum aliis, hac spe ut prodesse similitur.

Dumque videbant, morbum non omnino eundem, similem tamen morbo ante observato, affligere, ex similitudine concluderunt, eandem medelam esse adhibendam.

His binis contenta Empyricorum secta Medicinam absolvi posse contendeat: (d) dicebant enim, diligentes homines haec notasse, quae plerumque melius responderent, dein aegrotantibus ea praecipere coepisse: sic Medicinam ortam, subinde aliorum salute, aliorum interitu, perniciose discernentem a salutaribus.

Quod si morbus incidat ignotus, (e) Medicum protinus visurum, cui morbo id proximum sit, tentaturumque remedia similia illis, quae vicino malo saepe succurrerint. Et per ejus similitudinem opem reperturum &c. latentium vero rerum conjecturas ad rem non pertinere, quia non interfit, quid morbum faciat, sed quid tollat.

Deinde possunt ex his binis casto ratiocinio plurima in arte utilissima deduci, modo nihil admittatur incerti quoad observationes, nihil concludatur ex his, quod repugnet experimentis: pulchro certe monito post examinatas Empyricae & Rationalis Medicorum sectae disceptationes concludit Celsus (f) rationalem quidem Medicinam esse debere: instrui vero ab evidentibus causis; obscuris omnibus, non a cogitatione artificis, sed ab arte ipsa rejectis.

§. 11.

(c) pag. 39. (d) Celsus praefat. Lib. I. pag. 9. (e) Celsus ibid. pag. 10.

(f) ibid. pag. 10.

§. 11. **O**bservatio habetur 1. ex accurata historia morbi, enarrantes causas, naturam, effectusque mali. 2. ex enumeratione exquisita eorum, quae profunt vel nocent, dum casu, vel arte, morbo subministrata sunt. 3. ex introspectis cadaveribus incisus eorum, quorum morbi observati fuerant prius.

1. Dum homo incipit aegrotare, habet in corpore aliquid mutatum a sanitate, aliter non foret morbus; hanc mutationem corporis prius sani sensibus detegere possumus: procedente morbo magis & magis deflectit a sanitate, hinc novae quotidie mutationes apparent, & quae prius apparuerunt, augentur, perstant, minuuntur, vel & desinunt aliquando; omnia haec accurate notata illo ordine, quo se mutuo sequuntur, dant historiam morbi. Sed jam morbus, ut effectus adaequatus, idem est cum sua causa completa, sive proxima dicta, cujus praesentia morbum ponit, cujus absentia morbum tollit. Sed haec causa proxima *raro* simplex est, semper fere composita ex aliis causis, quae singulae non sufficerent morbo producendo, quae junctae simul morbum faciunt. V. g. Pleuritis causa proxima est sanguis inflammatoria spissitudine peccans, adactus in vasa angustiora, aucto simul per febrim motu: nulla ex his tribus causis sola pleuriticidem facit, simul junctae morbum hunc constituunt. Illae jam causae, quae simul unitae causam proximam constituunt, sunt vel praedisponentes (*πρὸςμύσιν*) vel (*προκαίτηται*) dictae, sive occasionales.

V. g. Homo valde plethoricus, calidissima aeris tempestate validos motus musculares faciens, rupta in cerebro arteria fit apoplecticus, causa remota praedisponens erat in hoc homine plethora, causae occasionales erant calor aeris, & impetus sanguinis auctus per motus musculares; sed ille aeris calor, & validus motus musculares non fecissent apoplexiam in hoc homine, nisi adeo fuisset plethoricus.

Pulchre hoc notavit Galenus (g) dicens, corpore nostro ad morbos quasi praeparato, externum quoddam adveniens febris accendit, quod ex se morbum vehementem minime generaret &c. & propter corporis dispositionem unumquodque horum non morbi causa, sed occasio redditur; has causas vocaverunt *πρῆσιν*.

Similia & Celsus habet (h) nihil omnino ob unam causam fit, sed id pro causa apprehenditur, quod contulisse plurimum videtur; potest autem id, dum solum est, non movere, quod iunctum aliis maxime movet.

Qui jam accurata observatione sic causam proximam morbi detexit, intelligit morbi naturam.

Sed morbus, sic cognitus in suis causis, dum pergit, omni momento corpus plus mutat, functiones plus laedit, & novos quasi morbos facit, qui vocantur effectus morbi, vocantur & symptomata; sic enim vocantur omnia illa praeternaturalia, quae ex morbo, ut causa, in corpore aegroto sunt ita, ut distingui tamen queant ab ipso morbo, & ab ejus causa proxima.

V.

(g) Comment. 4. in Hippocrat. de victu acut. Charter. Tom. XI. pag. 178.

(h) In Praefat. lib. 1. pag. 16.

V. g. Pleuriticus prae acerbitate doloris non audet inspirando pectus dilatare, hinc sanguis cordis dextri per pulmonem difficiliter transiens, incipit ibi accumulari, & facit Peripneumoniam, quae tunc est novus morbus ex pleuritide ut causa natus.

2. Homo, qui aegrotat, vivit, vita semper actiuosa est, ergo aliquid movet, agit, vel non agit, acger aliquid bibit vel comedit, vel non: post singula haec fit aliquid boni, vel mali: Medicus jam observat omnia illa, quae sunt tempore morbi, notat nocentia & juvantia, illa prohibet, haec jubet: haec est illa doctrina de juvantibus, & nocentibus tanti in praxi usus, haec videtur arti Medicae dedisse primam fere originem. Vide Celsium (1).

CASU. Dum multa aliquando tentant aegri, sunt saepe mutationes improvisae in morbis, & maxime notabiles, quae saepe animam dederunt pulchris in arte inventis. Galenus (κ) saepe vidit, non paucos febre ardente laborantes, cum jam mediocriter concitatis humores essent, statim ex frigidae potione liberatos.

Epilepsiam sanaverunt manantia capitis ulcera iponte enata, unde & artificialia profutura conclusit Tulpus (1). Vidi in acuta continua febre pessime delirantem hominem mox resipuisse, dum incendium satis vicinam domum occupasse audiret.

VEL ARTE. Licet omnia ex artis regulis adhibuerit Medicus, tamen attempta mente debet spectare eventum, an profuerint, an non: Hippocrates hoc in multis locis sollicitè inculcavit: sic certa dat signa, quibus distinguimus, an purgans datum profuerit, nec ne, dicens (m) si, qualia purgari deest, purgantur, tum confert, tum facile ferunt, si e contra, difficulter. Ab illis enim, quae nocere videmus, abstinendum jubet ratio: ut autem quid certi de nocentibus & juvantibus statuatur, requiritur attenta circumspèctio ad morbi indolem, aliter saepissime adscribetur remedio exhibitio, quod debebat soli morbo; v. g. dum in hemitritaea alternis diebus fit exacerbatio ex morbi natura, male tunc adscriberetur remediis exhibitis molestia ingravescentis circa hoc tempus morbi.

3. Utinam liceret saepius defunctorum cadavera scrutari! quam cauti essent in tractandis morbis Medici, si novissent, post mortem in cadavere sic debere demonstrare, an bene an male de morbi indole judicassent: quot non detegerentur latentes morborum causae? (n) Herophilus & Erasistratus nocentes homines inciderunt vivos, nec crudele putaverunt, paucorum nocentium suppliciiis remedia populis innocentibus omnium saeculorum quaeri: hodie foedum, imo crudele, clamant multi, mortuorum lacerare cadavera, ut viventibus certior medicina fieret. Summa tamen cautela hic opus est: in cadavere enim invenitur tantum ille corporis status, in quo erat, dum morti proximum fuit, plurima inveniuntur per morbum mutata, quae utpote effectus morbi male pro ejus causa venditantur: dum suppurata pleuritide mortui cadaver lustrans Medicus invenit in thoracis cavo ingentem copiam puris, quam male concluderet, pus illud fuisse morbi causam.

Infinita certe docuit prudens cadaverum inspectio, de quibus ne somniascent

(i) In Praefat. pag. 9. (k) Galenus Meth. Med. lib. IX. cap. 16. Charter. Tom. X. pag. 220. 221. (l) Observ. Medic. obs. 8. (m) Aphor. 25. Sect. 2. (n) Celsus Praefat. lib. 1. pag. 7.

sens quidem Medici: quis credidisset per vomitum enormem posse oesophagum rumpi, lienem ingentis molis in pelvim posse prolabi elongatis vasis necessitibus, in ipsa cordis semper moti substantia posse nasci calculos &c.

Dum visa in cadaveribus collegit in Sepulchreto Anatomico Bonerus, & ordine disposuit, latentibus morborum causis indagandis summam attulit lucem.

§. 12. **E**X similitudine concludit, qui observatis jam (11), adeoque cognitis, casum praesentem, hactenus ignotum, comparans de indole & curatione mali incogniti argumentatur, a praeteritis ad futura arguens.

In Exemplo res videbitur satis evidens. Vidit Medicus hominem febre acuta continua cum dolore lateris punctorio, inspirationem impediante, decumbentem, observavit, nec per sputa, nec venae sectionem, & alia auxilia levatum morbum, sed orta dysproea sensim aucta post diuturnos languores exstinctum hominem: notavit quae profuerant, quae nocuerant; in cadavere invenit saccum ingentem pure plenum pulmone compresso suffocasse hominem. Postea invenit alium aegrotantem, in quo observat eadem phaenomena, quae in priori vidit in initio morbi, ex similitudine concludit similem & in hoc aegro eventum metuendum esse: quae priori profuisse visa sunt, adhibet, & omni artis molimine funestum morbi eventum praecavere nititur: hoc vocat ex similitudine, ex analogia concludere.

Dum Epidemici novi morbi latentem rimabatur indolem Sydenhamus, sedulo observabat, quomodo in sanationem, mortem, vel alium morbum abiret, quanam adhiberet inolimina sibi soli sufficiens natura, ut sanaret, haec imitatus postea in simili casu ex analogia conclusit.

§. 13. **Q**ui denique omnia, quae aegro accidunt, observando cognita (11), ad amussim ponderat seorsum singula, comparat deinde inter se universa, confert iis, quae in sanitate contingunt, hincque tandem severitate rationum subacti assurgit in intellectum causae proximae, & auxiliorum ei tollendae aptorum, verum Medici nomen meretur.

Quenam sit idea optimi Medici, sequentibus temporibus futuri, nescimus, sed qui utitur omnibus illis adminiculis, quibus hodierni saeculi felicitate ars Medica illustratur, perfectus dicitur Medicus.

Geometrae docuerunt, quomodo in simplicissima quadam re diu examinata detegantur infinita, de quibus prius non cogitabatur: quid simplicius idea circuli, quam unusquisque facile percipit? sed applicando huic simplicem rectam, quam pulchra deduxerunt inde Geometrae!

Idem & in morborum consideratione verum est; illa enim, quae observatio detexit, data sunt, ex quibus, attentae mentis acumine sedulo illustratis, infinita & saluberrima deducit in arte prudens Medicus.

Haec autem singula seorsum, non perfunctorie consideranda sunt. V. g. dum

dum in quartanae exquisitae initio oritur mirum illud frigus, quod sensim ex minimo gradu (aurae quasi frigidiusculae sensu) in r gorem ascendit tantum, ut membra omnia tam rigida faciat, ut flecti nequeant, saepe omnem tollat sensum sic, ut pedes ad ossa ulque combusserint aegri sine ullo dolore. Quam multa illud Medicum docet! demonstratum enim habetur in physicis, quod ignis absentia, vel non determinatio ad locum, sit frigus, sed ex legibus corporis humani hodie certo concluditur, frigus sequi imminutam circulationem; sed in quartanae initio evidenter videmus imminutam circulationem, cor quidem celerius palpitat, sed auctas resistentias superare impotens ad extrema corporis vitalem sanguinem propellere nequit; hinc primo incipiunt pallere extrema, nasi apex fit pallidissimus, ungues & extrema digitorum pallent, sic & labia &c. & dum frigus omnia contrahit, constrictae venae suos humores majori impetu versus cor dextrum ducunt, cor interim sinistrum non potest evacuare contentum suo cavo sanguinem in arterias plus contractas, hinc circa pulmonem & cor accumulatur sanguis, & inexplicabilem illam anxietatem facit, unde adeo anhelant, & omni respirationis molimine nituntur prementem hanc amovere facinam; hinc concludimus magnum tunc adesse mortis periculum, & metuendum esse, ne stagnans fere in magnis venosis receptaculis sanguis in concrectiones polypolas abeat saepe tota vita non resolvendas.

Hinc non est bonus Medicus, qui tantum notat phaenomena, sed qui illa ponderat, & quae ex illis necessario sequuntur, determinat.

Nec hoc sufficit adhuc, sed requiritur, ut dein COMPARET INTER SE UNIVERSA: sequetur enim post summum quartanae frigus calor sensim increfcentis in summum aestum usque, sed calor distendit, elongat omnia solida, augeat liquorum volumen; sic fibrae solidae per praecedens frigus accuratae, calore sublequente elongabuntur, sed nil plus debilitat solidarum partium fabricam, quam illa vicissitudo alternae contractionis & elongationis: hinc tanta saepe debilitas corporis post quartanam diu toleratam, & plurima, quae inde sequuntur, mala.

Hic est secundus usus illorum, quae in morbis apparent; primus usus erat singula seorsim considerare, & ab omni facie contemplari, deinde his in chartam congestis, ut memoriae succurratur, secundus usus erat, illa considerata combinare, ita usque ad ultimum procedere, sic faciendo ad omnem in arte medica certitudinem possibilem pervenimus.

CONFERT IIS, quae in SANITATE CONTINGUNT. Summi momenti in arte haec regula est. Sapiens Hippocrates in *Prognostico* inde tot laeculis jam probata praecogita deduxit: jubet considerari faciem aegri, an similis sit bene valentium, sed maxime an sibi ipsi, pessimam autem dixit, quae sanorum faciei prorsus contraria est; nalis acutus, oculi concavi &c. faciem postea a Medicis dictam Hippocraticam describens. Decubitus aegri considerans confert cum sanorum decubitu, & in tantum damnat, quantum inde recedit: a moderato homine ferox responsum dat; praeconferuntur aliquid facere, aliquid curare magno studio non consuetum, tamquam pravum & delirio proximum notatur in *Coeleis praenotionibus*: innumera talia apud Hippocratem habentur: haec pro exemplo adduxisse sufficiat.

Nul.

Nullum enim apparet in morbo phaenomenon, quin sit actio laesa, quae in sanitate exercebatur, & morbi magnitudo tanta est, quantus est a sanitate recessus.

HINCQUE TANDEM SEVERITATE &c. Qui enim jam quartanae frigus juxta regulas praedictas expendit, concludet illius causam proximam esse immunitatem circulationem ob cordis vires expellentes minutas, vel resistentias auctas circa fines arteriosos, vel utrumque simul: sed cur distincte hic dicitur, quod sic acquiramus intellectum causae proximae? quia causae remotae plures possibiles esse possunt, nec tam facile intelliguntur omnes.

Sed ex intellectu causae proximae auxilia huic tollendae idonea inveniuntur; dum enim novi quid in quartana faciat hoc frigus, facile concludo quid agendum sit, ut hoc curetur, vel mitigetur saltem: tenuis, tepidus, leviter aromaticus potus, cum levi frictione, diluendo liquida, laxando vasa, excitando parum vires vitales, totum absolvunt. Veteres Medici in balneum aegros deducebant, ut frigus febrile praecaverent.

Dum aliam viam sequebantur Medici, quantum a veritate aberraverunt! dum videbant quaedam corpora effervescere simul mista, & tunc producere frigus, similem causam frigus febrile producere audacter dixerunt: sed mors majus frigus producit, quam in ulla quartana observatur.

§. 14. **O**Rdo itaque optimus describendae historiae & curationi morborum erit, qui

Datur hic casta methodus, qua morbi describi debent, & curari, utinam observaretur semper! multi enim Medici, dum communis consilii causa aliis casus examinandus traditur, non describunt phaenomena observata, sed credunt sufficere, si indicaverint, quid sentiant de morbo, dein agenda ex communi consilio determinanda relinquunt: sed summopere necessarium videtur, ut describantur omnia observata phaenomena per totum morbi decursum, ut alii, qui consuluntur, Medici de morbi genio suum ferre possint iudicium, & legitimam inde agendorum indicationem deducere. Hoc autem optime fieri posse videtur juxta sequentes regulas.

I. Uniuscujusque mali phaenomena individua, propria, communia, considerate cognita, iusto ordine, vera fide, proponit.

I. Phaenomena vocantur omnia illa, quae in morbis apparent a sanitate recedentia; haec jam vel sunt INDIVIDUA & PROPRIA, quae in morbo describendo adfunt semper, & nunquam inde possunt separari: talia v.g. sunt in pleuritide dolor acutus punctuarius inspirando valide auctus cum febre, acuta continua: haec vocantur signa pathognomica.

Praeterea adfunt in morbis phaenomena multis aliis morbis communia, v.g. in pleuritide saepe adest dolor capitis, lumborum &c. quae millenis aliis morbis adfunt, haec vocantur COMMUNIA; omnia autem haec debent notari IUSTO ORDINE, prout sibi mutuo succedunt, aliter tota descriptionis utilitas tollitur: qui simpliciter diceret, variolis laborantem delirasse, nihil proferret,

ret, unde firma prognosis deduci posset: plurimum enim differt, an deliraverit in statu contagii, an post eruptionem variolarum: nisi hoc observassent antiqui Medici, quomodo potuissent ex illis, quae quarto die morbi apparebant, praedicere, quid septimo die futurum esset?

Praeterita dicere, praesentia noscere, futura praedicere, oportet, dixit Hippocrates. (o)

VERA FIDE. Omnia haec debent proponi, prout morbi decursus offert, non autem detorqueri ad praeconceptas hypotheses.

2. Cuncta, quae acciderunt aegro ab iis, quae gessit, ingessit, retinuit, excrevit, vel sibi applicuit, dum morbus adfuit, enarrat.

2. Summi momenti haec regula est, & sine qua omnia in morborum descriptione obscura erunt & turbata: omnia enim haec, quae ingeruntur, vel applicantur corpori, illud mutant, & ab illo vicissim mutantur; sed illas mutationes sollicite distinguere debemus, ne confundantur cum illis, quae ex morbi natura aegro accidunt: ingens enim in decursu morbi varietas est, dum variis tractatur modis. Quantum differre inter se vidit variolas Sydenhamus, dum calido vel frigido regimine tractabantur! quantum exacerbantur omnia in morbis acutis, dum non quiescunt aegri! quam anomala apparuerunt symptomata in morbis ab imprudenter applicatis vel externe tantum Cantharidibus, Mercurio, Arsenico &c.! omnia enim haec non agunt sola, sed cum morbo, nec morbus tunc agit solus, sed cum illis.

3. Auxilia victus, manus, medicamentorum, una cum vera methodo applicandi, prout casus, vel ars obtulit, exponit.

3. Candide enarranda sunt omnia, quae per victum, Chirurgiam, medicamentorum exhibitionem, observata fuerunt proficua vel noxia; dissimulandum nihil est. Hippocrates (p) ingenue fatetur errorem, dum teli laesionem in vulnere capitis a futura non distinxerat; aegrorum plurimi, quorum morbos in Epidemicis descripsit, perierunt. Observatores plerique felices tantum successus narrant, infausos tacent.

4. Ea, quae ex hisce tribus, ut ex datis, juxta (13.) dictam legem effectu rationis verissime deduci queant ita, ut pro regulis Praxios accipi tuto possint, concludendo elicit.

Si jam tria priora collecta habeantur, ex his datis casto ratiocinio possunt deduci regulae fidelissimae, quae Praxi Medicae dirigendae interviunt temper immutabiles. Certa observata dum docuerunt, quartanam febrem, quamdiu durat, epilepticos insultus cohibere, imo saepe radicatus tollere, merito concluditur, quartanam epileptico accidentem esse relinquendam, tollendam minime.

B

Dum

(o) Epidem. L.b. I. Charter. Tom. IX. pag. 38. (p) f. Epidem. Charter. Tom. IX. pag. 340. 341.

Dum ingruentes morbos, tanquam incognitum quid, sollicite observabat Sydenhamus, vidit applicata quaedam male, alia bene cessisse, quasdam vias naturam affectare, opposita his methodo exacerbari omnia: ex illis deduxit methodum medendi, qua tam felix fuit, & tantam jure merito auctoritatem in arte obtinuit.

Debuit haec observationum caedra saepius devorare, dum nova constitutio Epidemica, quamvis satis similis videretur prioribus, iidem tamen tentata remediis infaustos plane exhiberet successus, quod tam candide fateatur; eadem tamen indagacionis via novam, & certam curandi methodum invenit.

Sic moniti ergo talem saepe diversitatem in morbis satis sibi similibus obtinere, per regulas has datas rectam morborum indolem rimari debemus, ut salutari arte aegris prodesse possimus.

§. 15. **M**ultitudo quidem morborum his ordinandis officit.

Qui omnia hodie cognita in arte Medica probe nosset, forte in nulla re plus titubaret morborum historiam descripturus, quam dum deberet determinare, unde inciperet, quomodo pergeret, ubi finiret. Certe vel apud optimos autores varius occurrit ordo; quidam a Chylopoiesi, & ejus actionibus laesis, dein ab Haematopoiesi &c. inceperunt; alii singulas partes corporis a capite ad calcem usque percurrerant, harum morbos narrantes: sed omnibus his methodis magnae insunt difficultates; videtur sequens paragra-
phus simplicissimum ordinem dictare.

§. 16. **S**ed ordinem dictat: 1. clarior morbi notitia. 2. simplicior ejus natura. 3. facillima sanatio. 4. ejus requisita ad alium intelligendum cognitio.

1. Ab evidentissimis enim incipiendum esse, omnis evincit doctrina, & Geometrae optimi veritatis magistri ex paucis postulatis tam evidentibus, ut de illis nemo sanae mentis dubitare possit, sensim procedendo innu-mera pulcherrima deduxerunt.

2. Simplicissimus morbus foret, qui unum tantum haberet phaenomenon, (si forte quis talis existat) si jam alter morbus duo vel tria haberet phaenomena, a priori, tanquam simplicissimo, foret incipiendum: sic enim a simplicissimis ad magis composita omnis ordinata doctrina procedit.

3. Facillima sanatio dicitur illa, cujus requisita morbum consideranti statim apparent, & quae sine magno artis molimine perfici potest.

4. Ad hanc rem quam maxime attendendum est, ut ille morbus prius explicetur, cujus cognitio requiritur necessario, ut alii intelligi possint. Solus Celeberrimus horum Aphorismorum Auctor hac occasione semper applicuerit has quatuor regulas, & deinde deduxerit sequentes conclusiones.

§. 17. **E**X quo fundamento [16.] omnes sequenti serie tractabimus.

§. 18. **M**orborum itaque simplicissimorum species, & curatio praemittenda reliquis.

Haec sponte sequuntur ex praedictis.

§. 19. **S**olidarum ergo partium morbi explicandi & sanandi primum locum postulant.

Omnes morbi sunt vel solidorum, vel fluidorum, vel amborum simul; sed fluidorum indoles longe intricatior est, & magis composita, quam solidorum, hinc secundum praemissas regulas a solidorum morbis est incipiendum.

§. 20. **F**ibrae simplicissimae solidae morbi explicati, sanati, inter hos [19] denique primi sunt.

Inter partes solidas corporis nostri nihil possumus simplicius concipere fibra; vasa enim ex membranis, membranae ex fibris constant: fibra autem vocatur pars corporis humani secundum longitudinem extensa, quae ratione latitudinis suae consideratur habere partes nullas; hinc comparari potest lineae geometricae, quae definitur esse longitudo latitudinis expers: manet jam haec fibra simplicissima, quantumcumque longa fuerit, modo nullam habuerit latitudinem.

MORBI FIBRAE SOLIDAE SIMPLICIS.

§. 21. **I**llae partes, quae ex fluido vasis contento secretae, sibi mutuo vi vitae, & ope glutinis tenuissimi, aequosi, pinguisve, applicatae, Fibram minimam faciunt, sunt minimae, simplicissimae, terrestres, vixque mutabiles per eas causas, quae in nobis viventibus deprehenduntur.

Fibra jam simplicissima constat ex partibus minoribus secundum longitudinem sibi mutuo appositis; hae partes fibram constituentes, non amplius dividendae in minores, vocantur elementa fibrarum. *Elementum enim dicitur, quodcumque minima est pars illius rei, cujus est elementum.* [g] Quae ex binis talibus elementis secundum longitudinem sibi appositis concrevit fibra, est omnium minima, unicum tale elementum, solum consideratum, non facit solidum, sed in fluidis haeret; combinata elementa fibram constituunt.

B 2

Quo-

(g) Galenus de Hippocratis & Platon. Placit. lib. VIII. cap. 2. Charter. Tom. V. pag. 229.

Quomodo jam hae fibrae nascuntur? Certe adultus homo ducentas libras pendens in prima sua origine latuit in spumantis libidinis guttula, & ex tantilla molecula excrevit in tam vastum pondus; totum illud augmentum in solidis partibus per fluida allatum fuit; docent hoc M. L. pighianae observationes in ovo incubato factae, jam tentatae ab Hippocrate [r], ubi ex albuminis attenuato liquido per incubatum intra 21. dies pullus jam solida firma adeo habens ex invisibili molecula crevit.

Sed illud albuminis liquidum debuit per organa fabricata pulli adhuc ulterius attenuari, & perfici, antequam per valcula illa, quae sua parvitate omnem captum fugiunt, potuerit transire.

Et tamen cum hoc fluido subtilissimo vehebantur illa elementa solidarum partium.

Hinc merito concluditur, quod partes illae constituentes fibram solidam sint MINIMAE.

Sed & sunt SIMPLICISSIMAE; si enim aliud simplicius concipi posset, non forent elementa ex data definitione.

TERRESTRES. Audax videtur forte propositum determinare sic horum corpusculorum fibras constituentium naturam; terrestre vocamus illud, quod nec in aqua solvitur, nec ad ignem fluit, sed fixum persistat: sed partes solidae animalium arte chemica omnibus volatilibus orbae tales dant reliquias. Numquid putrefactio, quae terram a reliquis principiis perfectissime separat, hoc evidenter docet: cadaver humanum sub terra defossus per multos annos dum haesit, & postea lustratur, quid exhibet? nisi exsiccatum induerit, ut aliquoties observatum fuit, omnia pristinam figuram retinuerunt, sic ut facies distingui possit, sed levi concussu collabuntur omnia, & reperitur terrae subtilissimae pauculum, quae firma plerumque adhuc ossa tenebat; eadem haec ossa diu aeri aperto exposita, vel igne aperto usta, omnibus sic expulsi, meram terram relinquunt.

VIXQUE MUTABILES &c. Documastae, ubi vividissimo igne metalla explorant cum plumbo fusa, testulas suas inde conficiunt omnium optimas, quae cribri instar plumbum transmittunt, pretiosa metalla retinent: an credibile est tanta ignis vi immutabiles partes a causis in nobis viventibus deprehensis mutari posse? possunt cohaerere inter se, possunt iterum dissolvi, caeteroquin immutabiles.

Mirum videri posset, fixam adeo, & insolubilem terram potuisse latere in subtilissimis liquidis. Chemia hoc fieri docet. Animalium spiritus salini alcalini, igne expressi, limpidissimi, terram gerunt, olea animalium destillationeeducta, purissima quamvis, repetitis destillationibus terram relinquunt, tandemque terra sua deposita evanescunt in auras. Videtur enim terra haec stabilitatem dare reliquis principiis.

Sed requiritur, dum ex his elementis terrestribus fiunt fibrae nostrae solidae, ut cohaerant inter se: hoc in nobis facit vis vitae applicans fibris jam factis nova elementa, quae deperditorum loca supplent; illud vocamus nutritur. Et quantum apparet res factas considerando, dum forte modum, quo fiant, igno-

[r] De natura pueri cap. X. Charter. Tom. V. pag. 320.

ignoramus, sit hoc interpositione GLUTINIS AQUOSI VEL PINGUIS. Aqua enim incredibilem vim habet corpora adunandi; lapidis alabastrini exusta calx, oris halitu dissolanda, [gypsum vocant] aqua addita fit ductilis pasta brevi in lapideam duritiem concrefcens; conchyliæ in calcem usta pollinem exhibent tenuissimum, volatili levitate pulmoni tam saepe noxium, cum aqua subactus ille pulvis dat pastam igne in durissimum lapidem convertendam: & in durissimis animalium partibus, ubi nemo suspicaretur aquam adesse, incredibili copia haeret: dum siccissimum ebur, vel quæ per annos latuerant in officinis cervorum cornua aridissima, ex retortis vitreis destillantur, maxima pars volatilis fit, inque excipulum transit, & magna copia aquæ sic exprimitur, residuum fragile est.

An hoc voluit indicare sapiens Homerus? (f) dum Hectore Graecos ad singulare certamen provocante, hi obmutescerent, iratus Menelaus ipsis annihilationem quasi imprecatus dixit.

'Αἶ' υἷος μὲν γάρ τοι ὄδωρ ἢ γαῖα γίνεσθαι

Vos quidem omnes aqua, & terra fiat.

Sed & pingue gluten terrestres partes cohaerere facit, docent iterum Chemica experimenta: quamdiu enim ultimum illud oleum, nonnisi ignis in aere libero agentis vi separandum, adhaeret partibus animalium, cohaerent adhuc, hoc expulso in cineres fatiscunt: ossa calcinata fragilissima, oleo immissa, iterum cohaerent.

§. 22. **Q**Uare in his [21.], separatim spectatis, nullus occurrit morbus, qui Medicis observatus, sanatusque describitur.

Si jam minima illa elementa, ex quibus adunatis fibra simplicissima fit; separatim spectentur, de illis certe nihil dicere novimus: qui subtili speculatione voluerunt & horum morbos indagare, nihil unquam dixerunt bonæ frugis. Transponi posse, a cohaesione cum aliis dimoveri concepimus; immutabilia autem penitus esse corporum elementa suadet constans per sex mille annos Univerſi facies.

Haec enim minima solidarum partium elementa vel considerantur, dum fluidis inhaerentia per vasa deferuntur, sed tunc horum morbi, licet cognoscerentur, fluidorum forent vitia; vel considerantur, dum adunata solidam partem faciunt, sed tunc non amplius sunt elementa, sed conflatum ex his solidum.

§. 23. **S**ed in fibrâ minima, ex adunatis his [21.] concreta, morbi simplicissimi sequentes, [24. ad 38.] considerari merentur: sunt enim frequentes, & fundamenta jaciunt intellectui aliorum, licet praetervisi, vel non bene cogniti.

Omnium ergo simplicissimi morbi non in elementorum vitiis, quæ forte in æternum nos latebunt; sed in fibrâ minima horum adunatione facta quaerendi sunt. Dum enim vel bina tantum inter se cohaerent elementa, varia cohaesio

B 3

Po:

[f] Homer. Iliad. lib. VII pag. 220.

potest morbum facere: & uti ex sequentibus patebit, nimia vel nimis parva cohaesio in fibris solidis simplicibus, & vasis & visceribus inde formati, infinitis morbis originem dare poterit.

Hi autem morbi fere praetervisi fuerunt; nam nequidem Methodici dieti, quibus de stricto & laxo doctrina solet adscribi, de his simplicissimis morbis egerunt.

Pater ex horum doctrina a Celso (1) descripta. *Satis esse credebant, communia morborum iustueri, Et quidem horum tria genera esse; unum adstrictum, alterum fluent, tertium mixtum. Nam modo parum excernere aegros, modo nimium; modo alia parte parum, alia nimium.*

MORBI FIBRAE DEBILIS ET LAXAE.

§. 24. *Fibrae* (23.) *debilis* vocatur adunatio partium minimarum (21.) cum nisu in cohaesione tam parvo, ut vel illo levi motu solvi queat, qui Sanitatis effectus fit, vel non multum majori.

A quacunque demum causa fiat cohaesio elementorum, fibram constituentium, inter se, poterit facile concipi, quod illa vis, qua cohaerent, possit augeri, possit minui; debent vasa nostra ex fibris conflata cedere posse impulso liquido, & distendi, nec nimis tamen; debet manere cohaesio sine ruptura, hinc requiritur certus & determinatus cohaesionis gradus in fibris nostris, qui si major vel minor fiat, morbum faciet.

Debilis ergo fibrae nunquam poterit definiri, nisi relative: primis post conceptum septimanis hominis rudimentum ad tactum liquefcit, & nisi aequabili pressione ambientis fluidi sustineretur, in informem mucosam massulam collaberetur; tam parva cohaesio fibrarum requirebatur hoc tempore: sed quantum jam robur cohaesionis in his requiritur in adulto!

Sed & in variis partibus ejusdem hominis quam diversa requiritur cohaesionis vis. Longe minor videtur esse cohaesio ultimi solidi, quod mollem pulpam nervi acustici facit, quam illius, quod durum Achillis dictum tendinem constituit.

Hinc fibra solida tunc minus debilis dicitur, quando non potest integrum cohaesione sustinere illum motum, qui ad functionum exercitium in sanitate requiritur.

Neque hoc adhuc sufficit, sed debent semper paulo majorem vim posse sustinere: si enim solida illa ultima haberent tantum talem cohaesione, quae placidum fluidorum per vasa motum in sanitate posset sustinere, non ultra, solveretur statim, ubi aucta circulatio majori momento motus pelleret liquida per vasa: sed a levibus adeo nec ulla prudentia humana evitandis causis augetur circulationis velocitas; audito subito fragore mox cor palpitare ceterime, omnes arteriae pulsant velocius: risus, tussis, sternutatio quantum accelerant sanguinis motum?

In

(1) Lib. 1. in Praefatione pag. 15.

In morbis aliquando apparuit, quam misera sit conditio hominis habentis fibras solidas tam debiles, ut tantum pacatissimo motui sustinendo pares sint.

Qui debili nimis pulmone sanguinem rupta arteriola expuunt, si quiescant, per Venae sectionem minuatur distendentis vasa sanguinis quantitas, nil in visu lumant, quod movere vel irritare potest, satis commode vivunt; si valida tussis mileros corripit, vel imprudenter clament, animi affectu valido agitentur &c., tenera nimis pulmonis vasa, aucto sic impetu transmissi sanguinis, rumpuntur, & undatim profuso sanguine saepe subito pereunt.

§. 25. **H**Anc [24.] antecedunt: 1. impedita ingestorum assimilatio in naturam liquidi vitalis fani; quae debetur jacturae nimiae humoris boni, & inertiae virium solidorum in liquida; vel alimentis magis tenacibus sua indole, quam virium permutantium in corpore virtus est. 2. debilis nimium applicatio partis unius (21.) ad aliam, quae oritur a nimis debili motu liquorum, itque ut plurimum a defectu motus musculorum. 3. nimia distractio fibrae rupturae proxima.

1. Certissimus est, quod constemus illis, quibus nutrimur; sed materies; quae nutrit, praeparatur in corpore, ut nutriat; hinc ingesta sola ad hanc rem non sufficiunt, uti in §. 1. explicatione jam notatum est; sed requiritur actio-
num naturalium integritas, ut fiat illa assimilatio ingestorum in naturam nostram, & restituantur illa, quae vitae actuositas abstulit. Dum conclamatis phisicis vel optima ingerunt alimenta Medici, mirantur non proficere, sed deficit in illis assimilans virtus, sine qua nulla perfici poterit nutritio. Merito igitur damnavit Galenus (u) ad hoc non attendentes Medicos, *nomine quidem methodicos, opere vero ab omni methodo alienos* [αἰδοῦναι], *vinum & carnes dantes, ac tanquam in vas inane* (ἐν ἀ-λύχῳ ἀγγεῖ) *nutrimenta infundentes*.

QUAE DEBETUR JACTURAE NIMIAE HUMORIS BONI. Dum consideramus illa, quae accidunt crudis ingestis, antequam in nostros humores convertuntur, videmus, quod incredibilis copia liquidorum humanorum illis admisceatur. Inter manducandum saliva & mucus oris, linguae, palati, faucium &c., in ventriculo succus gastricus, inde exeuntibus utraque bilis, ingentis pancreatis latex, in omni intestinorum puncto novi admiscetur jam per fabricam corporis elaborati humores: subtilissimis fistulis lacteis receptus chylus lymphae copia ingenti diluitur, in ductu thoracico totius fere corporis lymphae reduce perfunditur, ex hoc tandem guttatim in lubelaviam venam deductus chylus integro sanguinis torrente abreptus absorbetur: hinc merito concludere licet, inter praecipuas assimilationis causas esse numerandam illam miscelam pauci crudi ingesti cum tanta copia humorum coctorum.

Pulchre hanc rem confirmant experimenta: dum robustissimis milicibus per vulnera fere omnis exhaustus fuit sanguis, alimenta avidè quamvis ingesta non

B 4

su-

(u) De ratione victus in morbis acutis ex Hippocratis sententia cap. IV. Charter-
Toni. XI. pag. 189.

subigunt, & mutant in bonum sanguinem, sed hydropes sepulti languent, debilitata totius corporis compage.

Quantus manet languor, & quam diu in foeminis per abortum maxima copia sanguinis orbat!.

Omnes aliae evacuationes nimiae per alvum, urinam, sudorem, &c. idem efficiunt.

INERTIAE VIRIUM SOLIDORUM IN LIQUIDA. Dum chylus recens sanguini ingestus arteriarum pulmonis, & totius corporis efficaciam per aliquod tempus perpeffus est, jam lactis indolem habet, lac autem jam propius ad naturam nostram accedit, quam chylus, post longius spatium, ut Lovverus [x] docuit, feri jam indolem habet; sed toto hoc tempore valorum in fluida actionem expertus est, quae est ille renixus, quo vasa nostra distendens fluidum reprimunt: quo ergo haec vasa firmiora sunt, (modo non nimis rigida cedere possint liquidis impulsis) eo plus agunt, & eo citior, & melior fit subactio ingestorum in naturam nostram.

Dum debilis languida chlorosi torpet puella, ingerit nutrimenta quidem, sed non inde perficit bonum sanguinem, sed lac quasi tantum; unde tota pallet, imo imprudenter secta vena in tali casu vidi sanguinem exivisse album: si in his vires paulo plus valent, plus mutantur ingesta, non tamen perficiuntur integre, tunc oritur color flavelcens, viridescens: deficit enim in his solidarum partium actio in fluida, tument, implentur crudis, sed non fit bona nutritio.

Per ferrum ingestum, & corporis exercitia augeatur in hac puella vis firmarum partium in fluida contenta, incipit tumens subsidere facies, amoeno roseo colore genae, & labia perfunduntur, redit debitus vigor toti corpori.

VEL ALIMENTIS MAGIS TENACIBUS &c. Admixtio maximae copiae humorum coctorum ad pauculum crudi chyli, & actio solidarum partium in contenta fluida, erant bini illi modi, quibus conspirantibus crudum ingestum in nostram convertitur substantiam. Sed, quamvis hae actiones adeo efficaces sint, ut extot, & tam variis ingestis ultimo suo effectu conficiant sanguinem humanum, tamen requiritur in alimentis talis dispositio, ut per has vires purifiantes nostri corporis possint superari. [y] Ipsa enim concoctio est in coquentis substantiam [sic] deductio quaedam ejus, quod concoquitur; corpore igitur secundum naturam habente, quando & concoquendum familiarem habueris naturam respectu coquentis, mutatio, & alteratio totius substantiae coquendi fit, aut maxime ejus partis, paucissimo nobis immerante semicocto.

Dum in uribus obiectis fame pressi coguntur obvia quaevis devorare, languent, debilitantur omnes. Cum [z] propter annonae penuriam pane & libis ex semine lini collis vescerantur Muldelburgi in Zelandia, d'stenta his valde cito hypochondria fuerunt, & facies aliaeque partes tumidae factae, quorum non pauci sic affecti etiam mortui sunt.

Non poterat indomabile gluten seminis lini in bonum nutrimentum converti.

Cum

[x] De Corde. pag. 239. [y] Galen. Comment. 2. in Epidem. 1. Chart. Tom. IX. pag. 55. [z] Dodonaei Stirp. hular. pag. 514.

Cum depravato appetitu arenam, calcem, lanam, & plurima alia absurda devorant puellae, quam debiles, quam pallidae fiunt!

Proportionalis ergo debet esse ingestorum tenacitas viribus assimilantibus, vel non reficitur inde corpus, sed gravatur. Dum teneris infantibus de plebe homines, ex farinosis non fermentatis pultes, solani esculenti tubera &c. ingerunt, tumet miseris abdomen immaniter, decrescit reliquum corpus.

Haec probe cognoscens Hippocrates iussit (a), ut, dum morbus in vigore fuerit, tenuissimum uterentur victu; oppressa enim tunc vi morbi natura impar est validioribus alimentis immutandis, & ex hoc fonte plures saluberrimas in victu regulas deduxit alibi.

2. Dum sanissimus homo suffocatur sub aquis, habet omnia solida, & fluida ac ante, nulla tamen fit assimilatio, nulla restituitur fibra, deficit enim vis vitae distribuens, movens, applicans: licet enim ingerantur in corpustalia, in quibus sunt elementa fibris restituendis idonea, nisi per vim vitae applicentur, firmentur, nulla fit nutritio.

In illis morbis, in quibus vitalis humorum circuitus languet, licet optima dederis nutrimenta, nil proficit; potes haec corpora replere, ut tumeant, graventur, imo suffocentur fere; bene nutrire non poteris; docent hydropici.

Circulationis jam velocitas imminuta est causa praecipua, cur non fiat debita applicatio elementorum ad fibram nutriendam.

In corde autem videtur origo, & fons vitalis motus haerere, per quem motum expulso ex thalamis cordis sanguine dilatantur arteriae omnes, quae postea contractae motum impulsi sanguinis continuant.

Sed inter causas, quae cordis motum faciunt, praecipua forte est venosi sanguinis influxus in cava cordis: diu enim post mortem protruso sanguine venoso versus cordis thalamum dextrum, redit cordis motus, ut certissima docuerunt experimenta: verum turgentes muscoli dum agunt, comprimunt adjacentes venas, sic venosi sanguinis motum versus cor accelerant, hinc cor irritatum citius contrahitur, hinc celerior sanguinis circuitus.

Hanc rem confirmant certissima experimenta: dum bini iisdem parentibus orti fratres vario utuntur vitae genere, dum unus sapientiae studia excolens sedentariam degit vitam, alter venatu, equitatione, bellicis laboribus corpus firmat, quanta in corporis robore est differentia! prior debilis puellae instar labili valetudine fruitur, alter, firmato per labores corpore, Herculeo fere robore gaudet.

Validis cursibus quotidie assuetus equus quiescat in stabulis, optima brevi pinguedine turget, sed simul longe debilior fiet, solitis laboribus impar omnino.

Orum humectat, & corpus reddit debile, labor siccatur, & corpus robustum efficit (b).

3. Nil magis docet impossibilitatem explicandi per principia mechanica singularium corporum naturam, quam cohaesio, mira illa corporum proprietates cohaerent partes ferri inter se, illud ferrum ducitur in tenue filum instrumentis

(a) Aphor. 8. Sect. 1. (b) Hipp. de victus ratione sanorum lib. II. cap. X.
 Quatrec. Tou. VI. pag. 474

tis muscicis applicandum, circumducto vertibulo illud filum sit longius, sit tenuius, pauciores particulae se mutuo tangunt, tandem ulterius diltractum rumpitur, & extrema rupta, licet sibi mutuo applicata, cohaerebunt nunquam: hinc cohaesio potest sensim per gradus ita minui, ut tandem fiat nulla, & circa momentum rupturae vix cohaerent amplius; vel saltem sic tantum cohaerent, ut levissima vi accedente disrumpantur: idem in fibris nostris solidis obtinet.

Dum invitis maleficis per tormenta veritatem exprimunt, solent suspensissimè applicare ad pollices pedum pondera sensim aucta; haec tormenta passi per plures dies vix possunt membra movere, fere paralytici a sola distensione.

Numquid distenta nimis per diu retentam urinam vesica omnem se contrahendi vim amittit? distenti abdominis in gravida muliere cutis & panniculus adiposus, excusso quamvis distendente foetu, tota vita flaccida, & rugosa manent.

§. 26. **P**roducit autem facilem vasculorum ex his (24) conflatorum extensionem, rupturam, in sua liquida contenta inertiam; unde Tumores ab distendentibus, Putrefactiones ab stagnantibus, vel extravasatis liquidis, tum ea, quae ex binis hisce sequuntur, infinita.

Res haec evidenter patet, si supponatur, corpus humanum perfecte sanum statim fieri nimis debile in omnibus fibris solidis: omnia vasa nostra constant fibris inter se inflexis, & intricatis, hinc vasorum omnium robur pendet a robore harum fibrarum, sed major, aut minor cujusque vasis capacitas mensuratur ratione composita ex ratione directa impetus liquidi impulsu, & ratione inversa resistentiae laterum; cum ergo, debilitatis fibris constitutibus latera vasorum, minuatur resistentia laterum, impetu iaterim liquidi impulsu manente eodem, necessario distendentur vasa.

Si pars corporis, pes v.g., exponitur vaporis tepidae aquae, quo nil plus debilitat, tumebit paulo post, & fiet oedematolus.

Dum pergit causa eadem fibras debilitare, a minima vi fiet cohaesio nulla, id est ruptura, uti toties docuerunt tristia exempla, dum tenelli homines tam facile a tussi, cantu, clamore &c. habuerunt ruptam in pulmone arteriam.

IN SUA LIQUIDA CONTENTA INERTIAM. Distenta ab impulso liquido vasa arteriosa suarum fibrarum efficacia reprimunt fluida: dum nituntur minuire fibrae capacitatem vasis, quod constituunt, liquida contenta premunt, compingunt, mutant: & ab his binis omnia in corpore pendunt; dum ergo minuitur fibrarum robur, facile patet, quod vasa ex his constata minus agant in fluida contenta.

TUMORES AB DISTENDENTIBUS. Ratio dista fuit: observata certissima rem demonstrant; dum incipit languida chlorosi debilitari tenera virgo, mox incipiunt laxissima illa sub palpebris loca (*ὀφθαλμοί*, *ὀφθαλμοί* dixerunt veteres Graeci) tumere, dein tota facies turgidula, alba apparet; & dum quotidie increvit humorum moles movenda, non aucta causa motrice, tota incipit tumere in omnibus fere partibus: sic & in primo initio Cacoehymiae Leuco-

phlegmaticae laetantur saepe homines, dum credunt se bene valere, & pinguedine: dum per multos dies aer nebulosus est, corpora omnium hominum apparent inflata, quia partes externae sic quasi in perpetuo ponuntur balneo, unde labefactatae cedunt liquidis distendentibus.

PUTREFACTIONES &c. Quamdiu aequabili motu per vasa circumducuntur humores, nulla nascitur in corpore putredo, omne illud, quod inciperet disponi ad putredinem, solitis corporis viis eliminatur: sed dum debilitata solida non possunt propellere distendentia fluida, fit stagnatio, & in calore aeris communis omnia liquida humana (si forte pinguis exceperis) sibi relicta putrescunt solo lacte excepto, (quod nondum omnes dotes humani liquidi acquisivit) hinc longe plus in calore corporis nostri, qui semper aeris communis calorem superat: idem verum est, dum rupia ob nimiam ténacitūdinem vasa suos effundunt humores.

Si jam haec applicentur variis partibus humani corporis, apparbit, ex simplici hac caula oriri posse infinita & gravissima mala.

Dum tener nimis pulmo imperum sanguinis corde expulsi ferre nequit, ruptis vasis haemoptoe, & toties inde immedicabilis phthisis.

Dum cerebri vasa debilitata vel distenduntur nimis, vel rupta effundunt suos humores, omnes morbi functionum animalium a levissima vertigine ad lethalem apoplexiam usque oriri possunt. Idem in aliis visceribus verum est: haec pro exemplo sufficiunt.

§. 26. **E**X hisce (24. 25. 26.) praefens, futura, praeterita, nescitur: effectus praevидetur; & Curationis requisita perspiciuntur.

Qui jam bene intellexit omnia antedicta, de natura fibrae simplicis nimis debilis, de illis, quae antecedunt hanc debilitatem, de phaenomenis, quae hoc docent, & de effectibus, quae sequuntur; poterit facile definire, an adsit nimia fibrarum debilitas: haec vocatur *diagnosis* in Medicina, sive evidens cognitio morbi praesentis distinctissimi ab omni alio, & denotat morbi naturam individuum: haec diagnosis habetur, si novimus praecessisse tales causas physicas, quae semper antea hunc morbum fecisse deprehensae sunt. Si v. g. homo a propria temperie jam debilis, balneis aquosis, potibus similibus tepidis frequenter usus, inertis otio torpuit, tunc novi praecessisse tales causas, quae fibram debilem faciunt, hoc primum est diagnosis fundamentum. Alterum diagnosis fundamentum est cognitio morbi in sua natura, & effectibus praesentibus, quae, si sensibus patent, per illos observantur; sed morbi recti natura cognoscitur, quando cognoscuntur effectus facti ab hoc morbo ut causa, unde qui novit effectus fibrae debilis, poterit detegere, an adsit, vel non.

Prognosis autem significat, cognoscere aliquid, antequam fiat, unde est cognitio, nata in mente Medici, morbi alicujus certo futuri, qui nondum est: cognoscitur morbus futurus ex causis cognitis talibus, ut nondum faciant morbum, sed quae majores factae, vel aliis unitae faciunt morbum: v. g. si noverit medicus temperiem hominis vergere ad haemoptoen, monebit hunc mor-

morbum ipsi metuendum esse, licet nunquam antea laboraverit; jubebit, ut caveat, ne aromata, vel vinum copiose ingerat, abstineat a clamore, cantu &c. nam prognosin non habetur ex eo, quod cognoscimus causam completam morbi in aegro, tunc enim jam adesset morbus, sed quod cognoscatur causa quaedam physica, praedispiciens ad morbum cognitum, ut pars causae totalis, & quod praevideat Medicus, alteram causam accessuram, quae priorem illam praedispponentem faciet completam: dum pleuritide decumbit aeger, & a Medico petitur prognosin, & ille videt, non esse pessimam, nec tamen resolviri per naturam, nec ulla critica evacuatione, vel metastasi causam morbi materiam eductam fuisse, nec idonea adhibita fuisse medicamenta, tunc praedicet, quod pleuritis illa suppurabitur: haec praedictio non pendebat a pleuritide praesente, sed juncta talibus causis, quae faciunt inflammationem in suppurationem tendere.

Sic evidenter intelligitur, quid sit Diagnosin, quid Prognosin.

Si jam observatae fuerint illae mutationes, quas morbus, per diagnosin cognitus, fecit in corpore sano prius, possum ex his mutationibus visis in aegro concludere, morbum adfuisse; haec vocatur *diagnosin, recordatio*.

CURATIONIS REQUISITA. Hoc jam est magnum illud artis molimen: curare enim est, corporis praesentem conditionem physicam, unde morbus sit, sic permutare, ut salva vita redeat integritas laesarum functionum.

Postquam enim Diagnosin docuit morbi nomen, ejus statum varium incrementi &c. partem affectam, & materiem peccantem in parte affecta, & Prognosin demonstraverit, quanam speranda, quanam metuenda sint; tunc ex his omnibus concluditur, quanam sint agenda: haec vocantur *Indicata*, & scientia sic nata in mente Medici vocatur *Indicatio*.

Semper hic primo consideramus, an morbus naturae sit committendus, an vero ars aliquid addere debeat: vivit enim aeger, & per vitae superstitis effectus multa fiunt, quae nondum sunt; si haec mutatio a vita superstita facta talis est, ut per certa observata constiterit, illam posse causam morbi sic mutare, ut redeat sanitas, nihil agendum est. V. g. si pleuriticus primo morbi stadio tussi rejicit mucosam flavam materiem cum strigementis sanguineis, cum levamine omnium symptomatum, ex fide Veterum observatis novimus, quod si possit haec expectoratio sustineri, intra paucos dies sanabitur aeger: hinc nec venae sectionibus, nec aliis remediis turbabimus salutare hoc naturae molimen, sed dabimus tantum mollissima decocta, quae hanc expurgationem sustinere possunt: sed si v. g. in pleuritico videmus febrem magnam, calorem urentem, tussim siccam, linguae siccitatem, nec ulla observantur signa, quae docent, naturam affectare aliquam metastasin salutarem, tunc novimus, quod si pergant in hoc corpore agere illa, quae nunc agunt, sequetur vel lethalis gangraena, vel, si rarior fuerit morbi indoles, suppuratio, semper bona, ubi materies suppurata poterit extrorsum educi, sed hic magnum instat periculum, ne pus factum in cavum thoracis decidat, & funesto empyemate aegrum necet: hinc tunc concludimus, hic non esse sibi relinquendam naturam, sed validis artis auxiliis mutandum esse sic morbum, ut non fiat suppuratio, vel gangraena: haec autem auxilia ex cognita morbi indole, & causis praegressis patebunt.

§. 18. **H**Aec enim obtinebitur: 1. nutrimento, in quo materies (21) abundet, quodque jam fere ita praeparatum sit, ac in corpore sano, & forti fit. Lac, Ova, Jura carnum, decocta panis bene fermentati, vina austera, primaria sunt. Quae parva copia saepe repetita sumenda. 2. aucto motu solidi, & fluidi per frictiones, unctiones in equo, rheda, navi, ambulationes, cursus, exercitia corporis. 3. leni compressione vasorum, liquidorumque repullu. 4. medicamentis acido austeris, aut & spirituosus fermentatis, prudenter, leniterque usurpatis. 5. omni modo, quo nimia distractio tollitur.

In hoc calu ponitur nullum vitium in toto corpore, nisi sola debilitas fibrarum, hinc ille morbus jam abstracte sumitur: non possumus facile curare fibram praesentem nimis debilem, ut fiat requisitae ad sanitatem rigiditatis, sed futurae ex lege corporis fibrae possumus talia suppeditare elementa, ex quibus per vires vitae fiet fibra satis fortis.

Prima causa debilitatis nimiae fibrarum recensetur impedita assimilatio crudi assumi in ultimum illud coctum, quod est materies omnium subtilissima, per minima vasa delata: sed ut fibrae fiant satis fortes, debet adesse materies debita illis apponenda, sed haec est illa, quae omnium viscerum, & vasorum actiones passa juxta sani corporis leges ultimae elaborationis perfectionem adepta est: sed dum fibrae nimis debiles supponuntur, & omnium vasorum in fluida contenta actio a debito fibrarum robore pendeat, omnes functiones permutantes crudum ingestum in nostram naturam erunt minus efficaces, hinc in tali corpore per vires proprias non poterit praeparari ultima illa materia, quae nutrimento inservit: mirantur hinc saepe Medici, cur optimae carnes debili tali homini ingestae non nutrant, sed hae tantum praebent materiem remotam, unde vitae actiones nutrimentum faciant, & his functionibus laesis frustra dantur optimi cibi.

Dum in utero materno haeret tenellus embryo, matris viribus praeparati humores illum nutriunt, debile enim corpusculum non valeret ex aliis minus assimilatis suum facere nutrimentum; recens nato lac materno in corpore praeparatos humores infundit: sic naturae modum imitata ars medica debilibus talibus corporibus ingerit jam praeparata in corpore sani animalis nutrimenta: inter illa praecipuum est.

LAC. Proprio lacte omnis homo nutritur, & ex eo solo omnia reliqua solida, & fluida vi suae vitae perficit; est enim in viris aequae ac foeminis semper praefens, licet nunquam pepererint, nunquam nutrices fuerint: ex sexagenario sene sola suctione lac educit narratur (c), & ex mammis mulieris non praegnantis (d); est enim chylus, cordis, pulmonis, articularum actiones passus, omnibus humoribus mistus, mammarum mirabili fabrica inde separatus.

Omni jam optimum lac est humanum ad hos usus, utpote naturae nostrae maxime analogum, hinc semper praefendum lacti aliorum animalium:

lac

(c) Miscell. Cur. Dec. II. An. 5. pag. 60. Append.

(d) Miscell. Cur. Dec. I. An. 3. pag. 12.

lac illud debet esse foeminae sanae, quae salubri motu corpus exercet, & victu laudabili utitur, & integro aetatis flore viget, omnium optimum, si quatuor, vel quinque post pastum horis ducatur ubera, tunc enim chylus in lac coctum jam mutatus est, &, alimentorum indole deposita, incipit humanam induere naturam: ingens enim est differentia, prout lac vario post ultimum pastum tempore ducitur; quod statim post ingestos cibos, & potus in mammis colligitur, crudum est, & multum de ingestorum indole retinet, quod duodecim ab ultimo pastu horis ducitur, jam tenue, subflavescent, foetorem suburnosum fere instar feri sanguinis habet; intermedio hinc tempore optimum lac est.

Sed & aliud maxime notandum hic est; omnia animalia, quae lacte materno utuntur, illud ducunt de uberibus, nunquam aeri exponitur lac, sed omnibus suis partibus subtilissimis dives teneris praebetur animalibus: videntur enim lacti inesse subtilissimi spiritus, ultima concoctione in sano corpore elaborati; docent hoc tot nervi concurrentes ad chyli, & lactis officinas, subtilissimus ros exhalans ex lacte recens multo adhuc calido, mirae mutationes observatae in tenellis infantibus a lacte assumto: vidi sic infantem, qui ira furentis nutricis ubera duxerat, mox fuisse convallum, licet sanitissimus fuisset ante.

Sed jam ab omni aetate corpora interitura prae debilitate conati fuerunt Medici refocillare, dum subtilissima illa exhalantia de valido juvenili corpore insinuantur debilissimis corporibus sub iisdem stragulis decumbentibus.

Sic Davidis effectum senectute corpus fovebatur sanitissimae puellae in eodem lectulo decubitu (e); si ergo lac jam penitus frigidatum, vel postea igni admodum iterum exhibeatur, jam subtilissimum illud, quod prae caeteris requirebatur, abest.

Dixit hinc Galeus (f): *veteres vero etiam mulierem lactantem illis, qui tabe decumbebant, adflare voluerunt, quorum sententiae & ipse quoque accedo, & quod familiare id sit, & quod prorsusquam ab ambiente aere refrigeretur, id sumi voluerint.*

Et alibi (g) postquam similia praefatus fuerat, lac comparat femini genitali, quod nec ipsum aliquamdiu extra propria vasa, si modo suam viritatem servabit, morari patitur, sed vel in maris partibus contineri, vel foeminae partes tangere debet: *& sane optimum lac est, si quis ex ipsis manibilibus extraxerit &c.* postea ridens quorundam morositatem addit: *quod cum exhiberi sibi, cum pueris, plerique recusent, utique cum asinis ipsis dare asinum convenit.*

Confirmaverunt jam hanc rem observata plurima. Capivaccius nobilissimae gentis unicum haeredem servavit, dum inter binas florentis aetatis decumbentem nutrices ubera illarum ducere jussit.

Juvenis marasmo vero correptus Bononiae, juvenulae nutricis pulcherri-mae ubera ducebat, & in eodem cum illa lecto dormiebat, unde sic instaurabatur exsuccum corpusculum, ut metuerent, ne intempestiva Venere perderet renascentes ex lactis usu vires (h).

Defe-

(e) Regum lib. III. cap. 1. (f) Method. Med. lib. V. cap. 12. Charter. Tom. X. pag. 127. (g) Method. Medendi lib. VII. cap. 6. Charter. Tom. X. pag. 160. (h) Forcelli observat. Tom. I. lib. IV. pag. 152.

Defectum lactis humani proxime supplet Asininum, post Caprinum, dein Vaccinum.

OVA, quae fragili sub testa tot miracula recondunt, & per immortalis Malpighii observationes tantam lucem animalium generationi affuderunt, ad hunc usum pariter adhibentur.

Albumen ovi, sero sanguinis humani plurimis dotibus conveniens, habet in se materiam, quae calore incubatus mutata intra viginti & unum dies in sacculo colliquamenti latens vitale stamen pulli in tantam molem facit excrefcere, vitellus enim non consumitur, solum albumen videtur nutrimento pulli in ovo servire.

Hinc optimum in se nutrimentum habere merito affirmatur; dixit Hippocrates (i): *volucrum ova validum quid, & nuriens, & inflans habent; validum quidem, quia animalis generatio est; nutriens, quia lac est pulli; inflans, quia ex parva mole in multum diffunduntur.*

Albumen ovi hinc praecipue commendatur ad nutriendos debiles homines, sed dilutum aqua, ut tenacitatem amittat, & levi aromate conditum, ne nimis satuo sapore displiceat; tepida autem aqua dilui debet, servidae enim aquae calore coagulatur in scissilem massam, difficillimae digestionis.

Multum tamen deficit a lactis usu, albuminis enim ovi liquor, antequam nutriat pullum, ejus vasorum, & viscerum actionem experiri debet, cum in lacte jam adsint humores subtilissimi animali fabrica praeparati.

Vitellus autem, licet nutrimentum optimum det, requirit firmiorem viscerum fabricam, nam, ut Harvaeus (κ) post Aristotelem pulchre notaverat, pullus primis ab exclusione diebus vitello, intra suum abdomen concluso, pro nutrimento utitur; albumen autem consumitur illo tempore, quo pullus ex invisibili molecula in ovo ad debitam magnitudinem crescit, hinc videtur facilius in nutrimentum converti posse, quam vitellus.

Videtur ergo Galenus locutus fuisse de ovis coctis, non de crudis, ubi debilibus vitellos commendat praecipue, quia albumen difficile concoquitur (*δυσχερὲς γὰρ ἐστὶν αὐτῷ*) (l) uti clare patet, dum in alio loco de ovis forbilibus loquens similia dicit (m).

JURA CARNIUM. Imprimis si animalia, quorum carnes jusculis parandis adhibentur, viginti quatuor ante mortem horis jejuna manserint, tunc enim omnes crudi humores per fabricam animale mutati sunt in debitam indolem: carnes mactatorum animalium succulentae penitus sunt, sanguis tantum ruber pro maxima parteeductus fuit, reliqui omnes adsunt humores, qui inter coquendum aquae misti debilibus corporibus praebent materiam in sani animalis corpore jam elaboratam; sed inter coquendum pars lubricissima avolat, quae retineri posset, si in machina Papiniana coquerentur; sed decocta sic parata saponaceum nauseosum satis saporem habent, dum pingue carnisbus semper adhaerens ignis, & aquae validissima actione in vase exactissime clauso sic atte-

(i) De ratione victus sanorum lib. II. cap. 5. Charter. Tom. VI. pag. 469.

(κ) Harvaei Exercitat. de generatione Animal. pag. 93. (l) Method. Medendi lib. XII. cap. 6. Charter. Tom. X. pag. 285. (m) Method. Medendi ad Glanc. lib. I. cap. 10. Charter. Tom. X. pag. 355.

attenuatur, ut aquae intime misceatur; praeterea nimis meraca sunt haec julsula, & dilutione indigent: hinc in vasis vulgaribus, quantum fieri potest, altis, & clausis diuturna coctione omne solubile ex carnibus educi potest, sic ut merae solidae fibrae musculosae superfint, julsula haec dein refrigerata pingue supernatans, in frigore plerumque concrefcens, habent, quod sollicite aufendum, ne debiliū ventriculum offēdat cito rancēfcens hoc oleum.

Magnus tamen error foret credere, eo meliora esse in hos usus jura carniū, quo meraciōra, consummata enim dicta indomabili tenacitate debilem ventriculum potius gravant, hinc moderata requiritur dilutio.

Sic tamen decoquendo in vasis vulgaribus multum perit de subtilissima parte, docet gratus, & reficiens halitus ex vasis non bene clausis transpirans, dum carnes decoquuntur.

An ideo ferocissima sunt illa animalia, quae vivas carnes laceratas devorant? certe canes crudas carnes vorantes ferocissimi evadunt.

Solent praeferrī ad julsula carnes ex genere gallinaeo, vitulina dein, post ovilla, bubula denique (*). Si negligitur subtilissimum illud, pro maxima parte exhalans in vulgari coctione, reliquum quod nutrit haeret in parte illa gelatinosa, quam inspissata julsula exhibent; experimenta tunc docuerunt, quod vitulina caro plus habeat de illa parte gelatinosa, quam bubula, ovilla caro adhuc parum plus quam vitulina, pulli carnes minus dant, galli veteris carnes duplum fere respectu carnis vitulinae (o). In loco citato tabula habetur variam in diversis carnibus proportionem exhibens.

Ex vitulina, ovilla, bubula & gallinaei generis carne permixtis optima, & sapidissima habentur julsula, imprimis si his postea pauculum succi citri vel arantiorum adspargatur, ut nimia in putredinem proclivitas tollatur.

DECOCTA PANIS BENE FERMENTATI. Magni usus apud illas gentes, quae calidissimis regionibus viventes stricta & macilentia corpora habent, in quibus in morbis acutis statim omnia in summam vergunt putredinem: requiritur, ut per fermentationem nimia frumentorum glutinositatis frangatur, ne noceat, tunc decocta inde facta scri lactis spissitudinem fere habentia optime profunt, meraciōra lactis cremorem fere aequantia minus facile digeruntur: tali decocto possunt grata aromata, vini pauculum addi, sic magis reficiunt.

Notandum tamen, quod haec ex pane praeparata decocta tantum eo usque perfici possint, ut chylo simillima fiant, quatenus chylus ex ingestis constat, non quatenus admixtis humoribus humanis conficitur: hinc semper de vegetabili natura participant, sed ut ex chylo fiat liquidum humanum, requiritur, pulmonis imprimis, uti & reliquorum viscerum, & vasorum actio: hinc in phthisicis & omnibus aliis, quibus debiles nimis pulmones sunt, in solo fere lactis usu salutis spes posita est: ideo panis decocta longe magis remotam ab ultima perfectione nutrimenti materiam habent, quam lac.

VINA AUSTERA. In vinis omnibus mirus ille inest, & naturae humanae gratissimus stimulus, omnia excitans, omnia calefaciens: dum modica copia ab homine non admodum assueto sumuntur, oritur promptitudo omnium sensuum,

sum-

[*] Herm. Boerh. Mater. Med. pag. 2. [o] Academ. des Sciences An. 1730. Mem. 314. &c.

summa in omnibus membris agilitas, incredibilis laetitia; dum meditationibus exhaustus Philosophus pauculum vini sorbet, mox inde reficitur, & redit menti pacata illa serenitas, & novus quasi vigor. Petulca illa vina, ut Campanum &c. hoc habent, sed cito evanidum, austera vina firmius quasi haerens illud spirituosum magis durabili actione corpori applicant, & simul adstringente vi debiles fibras plus roborant, hinc in hoc calu praeferuntur: omnium optimo successu exhibentur, dum panem biscoctum his vinis madidum deglutiunt omni trihorio, sic non tam cito dilabitur vini virtus, & novam quasi vitam flaccidis primis viis inspirat. In pane & vino robur, & virtus est. [p]

PARVA COPIA &c. Sacpissime hic peccatur, dum, volentes reficere debilia haec corpuscula, nimia copia simul ingesta obruunt; quantae sunt angustiae, dum phthisici plusculum licet optimi nutrimenti ingerentes novo chilo debilem pulmonem gravant nimis! Sapiens naturae institutum jussit, ut debiles infantes saepius, sed parviori copia lac maternum sumerent; nisi hoc observetur, reliqua omnia, utilissima quamvis, proderunt nihil.

2. Inter causas debilitatis nimiae fibrarum debilis nimis applicatio partium ad se mutuo numerabatur, haec tollitur, dum solida fortius agunt in fluida contenta, a solidorum enim in fluida actione, & reactione mutua omnia in corpore pendent: haec autem actio, & reactio instauratur.

FRICTIOE, quae est alterna quasi pressio & relaxatio partium corporis: levis frictio solas venas premit, validior & arterias: premendo venas per frictionem acceleratur sanguinis venosi motus cor versus, hinc cordis excitatur motus, ergo velocior fit propulsio per omnia vasa; potest ideo vis vitalis per frictiones augeri, nullo alieno intra corpus introducto, ad quemvis gradum: potest enim per frictiones frigidissimo hydropico calida excitari febris: in illis corporibus, ubi prae inertia nullum fere ex chylopoieticis visceribus suoungebatur munere, frictiones jejuno homini per totum abdomen factae pannis asperis laneis dederunt mirabiles effectus: hinc veteres, & ad tuendam sanitatem, & ad curandos morbos tanti fecerunt frictiones.

Dum in stabulis equus relinquitur neglecta cutis sordidae depuratione, intra paucos dies fit ad omnia inutilis, dum ferreo pectine quotidie cutis raditur, perfricatur setis, agilis manet per multos annos.

Nec minus quotidie corpora pecudum, quam hominum desfricanda sunt: ac saepe plus prodest pressa manu subegisse terga, quam si largissime cibos praebeas: sic monuit Columella. (q)

Frictiones autem variae erant, & oppositis saepe serviebant usibus; hinc Hippocrates dixit (r): *frictio potest solvere, ligare, carne implere, minuire, dura ligare, mollis solvere, multa minuire, moderata densare*. Dum enim cum oleis mollibus perfricatur pars, laxior fit.

In fibra autem debili curanda frictio pannis laneis asperis calidis, imprimis penetratis fumo accensi succini mastiche &c., ut simul hoc aromaticum roborans thymiana laxis se infinet partibus, maxime prodest; sed lenim hic

C

pro-

[p] Homerus Iliad. lib. IX. circa finem *οἷον αὖτις οἷον (τὸ γὰρ μένος ἐστὶ τὸ αἷμα)* pag. 173. (q) De re Rustica lib. VI. cap. 30. pag. 557. (r) De Medici officina. Charter. Tom. 12. pag. 94.

progrrediendum, nec statim validissimis utendum frictionibus, ne stagnantia multa in distensis nimis vasis, nimia copia cor verius pressa, illud obruant, & suffocent, vel tenera nimis adhuc vasa aucto imprudenter motu frangantur.

VECTIONES IN EQUO. Omni momento tunc viscera abdominalia, imo & thoracica, pendula concutuntur, sibi invicem leniter quasi affricantur, interim aer purus majori impetu in pulmones agit, omnibus his simul conspirantibus incredibiles fiunt mutationes: notandum, debilem hominem non debere equitare pleno ventriculo, sed ante prandium, vel post digestionem fere peractam; distento enim ventriculo non sine molestia hos concussus equi ferunt debiles homines, jam fere vacuis primis viis residuae faeces hoc concussu eliminantur.

Tanti fecit equitationem Sydenhamus, (f) ut non tantum leviora mala, sed tabem tantum non conclamatam, ubi jam nocturnis sudoribus funesta adeo phthisicis diarrhoea accesserat, se curare posse confidat sola equitatione, nec magis efficacem credidit Mercurii in lue venerea, vel corticis Peruviani in febribus intermittentibus usum, quam equitationis in curanda phthisi.

Sed sensim auctis equitationis vehementia, & tempore, non subito, & semel validissima equitatione defatigandum monet, & pulchra ibidem curationum exempla adducit.

Deinde addit, quod licet equo vehi phthisicis praecipue conferat, tamen & itinera curru facta mirandos sane effectus ediderint.

Hinc tam debiles, ut se sustinere non possent equo confidentes, rheda vehantur, donec plus firmato corpore equitationem ferre possint. Ab omni tempore hominum debilissimis, infantibus nempe, profuit gestatio, & in cunis agitatio.

NAVI autem vehi conducit debilibus: si placido navis feratur motu, miram alacritatem perspiratione aucta solet excitare, famem augere, ingestorum digestionem promovere: illa autem, quae fit procelloso in mari, jactatio robustissimum hominem non assuetum vertigine, vomitu, anxietate intolerabili, ipso animi deliquio afficit, hinc casu aliquando inveteratos morbos sic sanari novimus, debilibus tamen tantae in corpore excitatae turbae minime prodesse.

Omnia jam haec imprimis profunt debilibus, quia sine defatigatione multa beneficio motus fruuntur, postquam autem sic inceperunt redire vires, tunc motu musculari firmandum corpus.

Hoc autem fit per **AMBULATIONES, CURSUS, EXERCITIA CORPORIS.**

Nisi enim tales aegri velint his uti, sensim in eandem calamitatem relabuntur: hoc toties dolemus in praxi, dum a languida chlorosi curatae puellae, sedentariam vitam nimis amantes, negligunt restauratum corporis robur sustinere corporis exercitiis, post paucas enim septimanas aequae debiles, aequae pallidae sunt ac ante; volunt ex ingestis nutrir, & nihil agere, nunquam sic inde faciunt bonum sanguinem, sed iners & vappida redit cacochymia. *Civis enim*

(f) In Dissertatione Epistolari pag. 523. 524.

Et labores adversas inter se potestates, mutuo tamen ad sanitatem conferentes, habent, labores namque ea, quae adsunt, solent consumere, cibi vero, & potus, quae vacuata sunt, replere [1].

Quantum autem possit ad firmandum corpus nimis debile motus muscularis, dictum fuit ad num. 2. §. 25.

In his iterum a lenissima ambulatione incipiendum, sensim augendo in cursum usque: profunt imprimis corporis exercitia, quae mentem simul delectant, dum corpus movent, ut pilae ludus, ars gladiatoria &c. Unde & sapiens vetustas praemia propoluit illis, qui in his exercitiis gymnasticis reliquos superarent, ut sic juvenilia corpora ad bellicos labores firmarentur. Cyrus Persis, quos recte instituire semper studuerat, quasi legem dedit, ne ipsi unquam sine labore cibum caperent (u).

3. Maximi momenti est hoc monitum, cum saepe pro desperatis habitis morbi sanati fuerint sola leni compressione valorum, quae nunquam debet esse tanta, ut valorum cavitatem integre tollat, tunc enim vita suffocaretur in parte, sed ut tantum reddat vasa angustiora, quam sine hac compressione fuissent, sic enim cavetur, ne vasa nimis debilia distendantur nimium a fluidis contentis; vasis enim capacitas non a solo distendente liquido, sed ab excessu hujus super resistentiam vasis pendet: sed quo fibra plus distrahitur, eo fit debilior, hinc omne illud, quod distractionem fibrae impedit, causam debilitantem tollit; fasciae jam, vel vestes arctius appressae corpori fulciendo vasa illud suppleant, quod deficiens solidorum robur facere non poterat, nempe impediunt nimiam dilatationem.

In morbis curandis plus per hanc methodum perficitur, quam per omnia alia. Dum hydrops analarca crura, femora, tumida reddidit, & calu, vel arte rupta cute exstillaverit aqua omnis, flaccidae pendulae manent partes, & nisi circumductis fasciis firmaveris, paulo post aeque tumidae fiunt.

Dum asciticis perforato abdomine aquosam colluviem educunt, nisi statim circumductis loris stringant pendulum abdomen, saepe ipso momento lethalis syncope adest, vel postea omnia in pendulas, & laxas partes ruunt, & cito recrelescit dirus hydrops.

Dum dilatatis vasis stagnantia, vel certe minus mota liquida haerent in cruribus, accedente imprimis scorbutica labe, toties erosa cute sunt ulcera illa cacoethe, ad optima quaevis saepe rebellia; fasciae circumductae sic constringunt partes, ut in vasis dilatatis non possint haerere liquida, pro fuerunt toties.

Memini me curasse nobilem puellam, qua in genere nervoso mobiliorem nunquam vidi: a minimo sono, lumine vividiori, convellebatur illico; miros motus cum lacerationis sensu in abdomine sentiens: nec ferulacei turci, nec adeo salubre in his calibus castorei virus, proderant: dum autem fasciis crura, femora, totum abdomen ad mammas usque firmabantur, remisit statim molestum malum, & datis dein idoneis remediis convaleuit, per

C 2

[1] Hippocr. de vict. ratione sanorum lib. I. cap. 2. Charter. Tom. VI. pag. 442.

[u] Mercurialis de Arte Gymnast. pag. 9.

per menses tamen sic, instar Mumiae Aegyptiacae fere, fasciis circumdatis vixit non invita, cum illico tantum inde sentiret solamen.

4. Descripta haecenus fuit curatio debilitatis nimiae in fibra solida simplici, quatenus per usum rerum non naturalium, & chirurgica remedia [fasciarum v. g. circumductionem] perficitur: superest jam talia eligere medicamenta, quae ingesta corpori, & naturae viribus commissa, talem faciunt mutationem, qualis requiritur, ut fiat sanitas. Fibrarum elementa nimis debili cohaesione unita faciebant morbum: requirebantur ergo remedia, quae corpori applicata facerent, ut fortior esset illa cohaesio: talia jam in materia medica habentur.

ACIDO AUSTERA, quae adstringentia vocantur: omnia haec applicata linguae vim suam satis manifeste exerunt; totum enim os exsiccat, constrictis omnibus exhalantium vaporum osculis; lingua ipsa contracta quasi & brevior fit: hinc Galenus (x) dixit, *gustus solius proprium est discernere, quod vim adstringendi habet*. Videtur enim omnibus his medicamentis haec ineffe proprietates, ut applicata corporis partibus faciant elementa fibrarum propius quasi ad se invicem accedere, & plus cohaerere, imo vel mortuorum animalium partibus haec applicata hoc efficiunt: dum enim coria animalium diuturna maceratione omni adhaerente pingui orbaverunt coriarii, haec emollita penitus fere dissolunt, tunc austeris his additis debitum robur reddunt: hoc vocavit Plinius (y) coria perficere, dum de punicis malis dixit: *Corticis major usus ex acerbis ad perficienda coria*. Viliores longe quercus cortices his usibus hodie hic adhibent. Vegetabilia praecipua talibus viribus praedita in materia medica recensentur.

Sed inter acida austera fossilia reliquis fere omnibus palmam praeripit ferri, in acidis vegetabilibus fermentatis soluti, usus; quo miraculi instar tumentia illa frigida debilia corpora reviviscunt: nulla fit inde evacuatio liquidi distendentis, sed novum robur accedit vasis, quo plus contracta promoveant stagnantes fere humores; illi autem, qui evacuando curare volunt hos morbos, plus debilitant.

Dum his utuntur, sentiunt gratum calorem renasci toto corpore, subsident omnia tumentia, color pallidus labiorum, genarum &c. in rutilum sanguineum mutatur, torpor ille, & ad minimos motus anhelitus cedit, & pristina redit agilitas, omnes insurgunt functiones, & nova quasi redit vita.

Idem praestat ferrum in acidulis fontibus medicatis solutum.

SPIRITUOSIS FERMENTATIS. Si alcohol purum affunditur sero sanguinis, vel albumini ovi, illa mox coagulat: si partes solidae animalium in alcohole detineantur, fiunt duriores longe, & contrahuntur in omnem dimensionem; hinc revera vis haec accurtandi solida animalium in alcohole adest, sed simul humores coagulat: hinc in usu spirituum fermentatorum summa cautela opus est, nam duplici hoc effectu inspissandi liquida, & contrahendi solida infinita mala possunt producere, si imprudenter usurpentur. In cadavere ebriosae mulieris lien, pancreas, hepar, pulmones, sicca, scirrhusa, pro parte quasi putrefacta, glan-

[x] Meth. Med. lib. VIII. cap. 1. Charter. Tom. X. pag. 184.

[y] lib. XIII. cap. 19.

glandulae omnes internae, externae, inveniebantur lapideam fere habere duritiem. (z) Plurima similia apud alios leguntur Observatores.

PRUDENTER, LENITERQUE &c. Omnia enim haec assumta primo agunt in ventriculū, & intestina, nunquam integris suis viribus possunt ingredi sanguinem; tunc enim nocerent: unde debent dari pauca copia simul, & repetitis vicibus, ut diluta humoribus nostris sensim intrent in sanguinem. Acerbissimus Acaciae Aegyptiacae succus si ad pauca grana tantum ore retineatur, omnia contrahit, omnia oris interni valcula inhalantia, & exhalantia sic stringit, ut per semiquadrantem horae os totum siccissimum maneat, si itaque illud valorum lacteorum tenerimis orificiis applicaretur, haec constringendo sibi ipsi viam intercluderet: sed dum omnia haec in primas vias agunt imprimis, nec nisi multum diluta ingredi possunt lacteorum olecula, & furtim quasi se sanguini insinuare; hinc non nisi valde jam imminutis viribus ad ultima illa venire possunt. Pulchre hic convenit monitum Galeni (a) dicentis: *Quocirca medicamenti, siue id foras applicatum, siue ex illis fuerit, quae devorantur, vel potantur, potestatem praesentem non oportet considerare, sed qualem habebit, ubi ad affectum locum pervenerit.*

Haec autem acido austera, imprimis validiora, imprudenter adhibita, partim coagulando liquida, partim claudendo omnia vala tenerissima, quae superficiem internam ventriculi, & intestinorum constituunt, miserimos possent producere morbos.

Hinc ferrum in lenibus acidis solum reliquis fere praefertur; quia non tantum vi austera adstringente agit, sed sulphuris sui metallici, naturae humanae adeo amici, miro stimulo vires vitae incitat.

5. Distractio removebat a contactu mutuo minimarum fibrarum elementa: hinc disponebat ad cohaesionem nullam, i. e. rupturam. Status ille proximus rupturae est debilissima cohaesio, minima vi superaddita separanda: omne ergo quod distrahit, minuendo cohaesionem, facit debilitatem. Dum chorda musica appenso pondere tenditur, fit longior, aucto adhuc pondere, extensio augetur, tandem rumpitur. Momento ante rupturam cohaerebat adhuc, sed tam parum, ut exiguo pondere addito rumperetur: qui ergo tunc aufert pondera distrahentia, auget chordae robur.

Idem in nostris fibris verum est: dum enim distendentes causae minuuntur, crescit omni fere momento fibrarum robur, quo nituntur se accurrare. In morbis exempla evidentissima hoc docent. Homini cuidam scirrhusus tumor oesophagum sic presserat sensim auctus, ut ultimis miserrimae vitae mensibus non nisi paucas guttulas lactis aqua diluti, vel tenuis iusculi, & adhuc cum summa molestia, potuerit deglutire. In huius cadavere vidi ventriculū non excedere fere sua capacitate tenuis intestini molem: tot enim septimanis nullo modo distentus fuerat ventriculus, hinc fibrae ejus sensim se sic contraxerant in tam breve spatium.

Mira enim haec proprietates in omnibus nostri corporis partibus firmis obtinet,

C 3

(z) Académ. des Sciences Pan. 1706. Hist. pag. 29.

(a) De Method. Med. ad Glauco. lib. II. cap. 4. Charter. Tom. X. pag. 175.

net, ut si diu in eodem contactu maneant, postea sic cohaerent, ut divelli non possint.

Dum fracto crure decumbit homo, nec Chirurgus subinde articulos leviter flectit, sanatus postea habet immobiles illas articulationes: ligamenta enim, nullo motu articuli per tot septimanas distracta, induruerunt rigida facta.

§. 29. *Laxitas Fibrae* vocatur ea cohaesio partium (21) inter se, quae parva vi potest mutari ita, ut fiat se ipsa longior; unde patet, hanc esse debilitatis (24) speciem, & *flexilitatem* inde pendere; adeoque haec omnia clare ex dictis (21. 22. 23. 24. 25. 26. 27. 28.) intelligi, ut & *imminutam Elasticitatem*. Namque vitrum corpus fragilissimum, arte ductum in filamenta subtiliora arenae filo, cohaeret, estque flexile quaquavorsum minima vi in omnes spiras, absque raptura. Crescit pro subtilitate flexilitas. Ac. reg. sc. 1713. hist. 11.

Laxitas. Debilitas fibrarum nimia dicebatur adesse, quando non poterant, manente cohaesione, sustinere illum impetum, qui ex sanitatis actionibus fieri debebat; vel licet perfectissimae sanitatis efficaciam sustinere possent, aucto parum motu (quod in vita humana inevitabile est) rumpebantur. Laxitas autem nimia adesse intelligitur, quando fibrae impetum vitalis motus sine solutione cohaesionis quidem ferunt, sed a parva vi distractae nimis, fiant se ipsis longiores.

Filum sericeum, appensum pondus sine raptura sustinere non potens, fibrae nimis debilis ideam dat: filum autem ex plumbo mollissimo factum, eodem pondere statim immaniter elongandum sine raptura tam facili, fibrae nimis laxae speciem praebet.

Sed a debita laxitate pendet.

Flexilitas: ut enim omnia illa fiant in corpore, quae per motum humorum, aforum, musculorum, facta quotidie observantur, debebant solidarum partium elementa partim a contactu mutari, partimque in eo permanere, hinc elongari posse; ut flectantur v. g. articuli, debent ligamenta coercentia posse elongari; requiritur hinc certus laxitatis gradus, ut sanitas sit, si augeatur, morbus est.

Imminutam elasticitatem. Fibrarum elasticitas in hoc consistit, quod extendi possint, & ablata vi extendente iterum ad pristinam longitudinem redeant.

Sed tota haec vis est tantum nixus, quo partes minimae fibrarum confluentes se invicem trahunt, dum per elongationem superficierum plus distant, manente tamen cohaesione: si ergo a quacumque causa fibra sit nimis debilis, id est partes ejus se invicem minus valido nixu trahunt, necessario minuitur elasticitas.

Vasa nostra majora ex minoribus componuntur: haec adhuc ex multo minoribus fiunt, sic ut haecenus nullus limes in Anatomicis demonstratus sit: musculi

culi ex minoribus musculis, & quae nobis nudo oculo fibra muscularis apparet, microscopio lustrata fibrarum longe minorum fasciculum exhibet.

Idem in nervis &c. observatur: hinc videntur omnes partes corporis ex infinite parvis similibus constare: hoc autem requirebatur ad flexilitatem partium, & experimento hic allegato patet, quomodo fragilissimum corpus (vitrum) simplici divisione in tenuissima filamenta reddatur ductile adeo, ut, textoriis artibus illud adhiberi posse aliquando, non desperaverit acutissimus Reaumur. (b) Fictitiam ex vitro in fila ducto comam vidi, in qua vitrum sine ruptura poterat in cincinnos crispari.

§. 30. **Q**uin ex iisdem etiam respondetur ad haec quaesita: Cur aquosa, & pingua alimenta dant fibras debiles? Cur frigidis, quiescentibus, crescentibusque debiles? Cur terrestria, austeraque dant fibras fortes? Cur calidis, exercitatisque fortes? Cur elasticitas robur concomitatur?

CUR AQUOSA, ET PINGUA &c. Experimenta hoc docent: durissimae enim animalium partes tepidae aquae, vaporis imprimis expositae, redduntur molliissimae. Annosa cervorum cornua vapore tepidae aquae, vel & ebullientis, ut in praeparatione cornu cervi philosophica officinarum fit, sunt scissilia.

Dum quotidie tepidos potus aquosos sorbiant puellae, quam debiles, quam flaccidae sunt! In libro de liquidorum usu Hippocrati adscripto (c) noxae recensentur, quas calida copiosior adfert utentibus, facit nempe *carnum effusionem, nervorum imbecillitatem, mentis stuporem, haemorrhagias, animi deliquia*.

Debilitas fibrae in facile separabili cohaesione partium consistit, sed aquae elementa parum admodum cohaerent: hinc forte si binae vel plures aquae particulae se interponant elementis fibrarum, videtur inde debilior reddi fibra; si vero singulae haereant aquae particulae inter elementa fibrarum, multo inde rigidiores sunt: elementa enim aquae sola seorsim considerata videntur esse durissima, & immutabilia, & miro modo concrelescere possunt cum aliis corporibus, ut in explicatione §. 21. demonstratum est: hinc forte ratio deduci potest, quare partes animalium aqua madefactae fiant molliiores; exsiccatum iterum longe fiant rigidiores, quam antea fuerant. Possent autem aquam le insinuare inter elementa corporum & illa a contactu removere, docuerunt experimenta: chartarum laciniae aqua madefactae fere sexta parte fiebant longiores. (d)

Similem ob causam pingua mollire solidas partes plurima docent experimenta: rigidissima animalium coria, oleo penetrata, mollescunt; ut debitam flexilitatem retineant muscoli, vaginis oleosis undique vestiantur, ne rigescant ligamenta, attenuatum medullare oleum illis affunditur: dum in decrepita senectute

C 4

nectute

(b) Acad. des Sciences Pan 1713. Mem. pag. 279. [c] Cap. 2. Chorter. Tom. VI. pag. 444. & Aph. 16. Sect. 3. Chorter. Tom. IX. pag. 203. [d] Acad. des Sciences Pan 1714. Mem. pag. 72.

neſtute illud oleum incipit deficere, quanta rigiditas! Dum in obefis nimis abundat, quanta laxitas, quantus tumor totius debilitatae compagis!

CUR FRIGIDIS. Intelliguntur hic frigidi temperie: frigus enim absolute conſideratum elementa ad ſe invicem adducendo roborat. Sed in frigidae temperiei hominibus minor eſt circulatio, ſanguinem habent minus preſſum, cruda minime mutata, elementa ultima minori vi ad invicem applicata; hinc minus cohaerent.

JUNIORIBUS. In prima origine ſua Embryo humanus infinitae parvitatſ fere molecula eſt: auctus dein, & jam ſenſibus obſervabilis, mucī inſtar collabitur, niſi liquidi ambientis preſſione aequabili ſuſtineatur. Recens natus inſane mollis totus, & pulpoſus omnia adhuc offa flexilia habet; procedente aetate firmior fit lenſim: hinc quo origini ſuae propior homo eſt, eo molliores habet omnes partes ſuas: hinc fibrae ejus, licet debitam firmitatem habeant in hac aetate, comparatae tamen cum adulti hominis fibris debiles dici poſſunt: hoc autem requiretur, ut in omnem dīmentionem facile extendi poſſet corpus humanum, ex tantilla molecula in tam magnam molem excreſcens.

QUIESCENTIBUS. vide §. 25. num. 2. Dum nolunt a languidis ſuis morbis curatae puellae, per ſalubrem ferri uſum, exercere corpus, quam cito relabuntur in priſtinum languorem! languentes hydropicos laborare juſſit Hippocrates; acutis morbis decumbentibus abſolutam imperabat quietem: in his enim nimia vitae incitatae per febrim aſtuofitas conſumebat omnia liquida, ſolida reddebat ſicciſſima: hinc tota fere cura acutiſſimorum morborum in eo conſiſtit, ut diatheſis ad hydropem inducatur, id eſt, major debilitas.

CRESCENTIBUS. Humores pulſi per canales conicos plenos a baſi verſus apicem ſemper conantur producere latera ſuorum canalium ſecundum axim longitudinis: quamdiu cedere poſſunt, & elongari canales ab hac vi, creſcit homo: hinc requiritur minus firma cohaeſio, ut cedere poſſint; ſed videmus incrementum omnium velociſſimum: dum origini ſuae propior eſt homo, & tunc fere non reſiſtentia ſolida habet: creſcit enim intra novem mentes ex ſtamine omnem ſenſum fugiente in molem ſedecim, imo viginti aliquando librarum.

Sed & obſervamus in juvene, nondum incrementi apicem adepto, natam febrem facile adhuc elonganda vaſa producere ſenſibili admodum ſtaturae augmento. Requiritur ergo ad incrementum minus firma fibrarum cohaeſio, ut cedere poſſint: dum ergo valido labore nimis durantur juniorum corpora, incremento obex ponitur ante tempus. An ideo, qui caniculos nutriunt, parvitate ſua puellis gratiſſimos, illis junioribus quotidie viſi ſpiricum ingerunt?

CUR TERRESTRIA, ET AUSTERA. De auſteris dictum ſuit §. 28. num. 4. nempe talia corpora videntur per experimenta praedita eſſe tali vi, ut elementa noſtrarum fibrarum ad ſe invicem propius faciant accedere. Terreſtria autem illa bibula corpora attrahunt omnia humida, quae poſſunt attingere; & deinde concreſcunt cum illis firmiſſime: ſiſtula tabacaria recens excocta, nulla cruiſta vitrea obducta, labiis admota, mox pertinaciſſime cohaeret, ſic ut vix ſine laeſione avelli poſſit. Cum ergo aquota, ut ex ante dictis paruit, debilitent fibras; illa, quae aquam abſorbent, inter roborantia recenſeri poſſunt.

Cur

CUR CALIDIS. Calor externus corpori applicatus omnia debilitat; facit enim elementa fibrarum plus distare a se invicem: hinc fibras reddit debiliores. Sed hic intelliguntur calidi temperie, in quibus densi, & compacti humores satis valido motu pelluntur per vasa: in his semper vis assimilans ingesta fortis est, & efficacissima applicatio elementorum fibrarum ad se invicem. Ab his autem robur fibrarum pendet.

Quantum interfit inter calorem excitatum per validum corporis motum, & calorem foci, docemur ubique. Qui hyeme prope focum frigus pellit, furget iners, & debilis; qui valido motu corporis aeris frigus superare potuit, alacris, & agilis manet.

EXERCITATIS. Dictum fuit de hac re §. 25. num. 2. dum duro labore victum sibi, & suis comparat rusticus, quam firma habet omnia, quam robusta! Omnes aeris injurias spernit, durissimos vorans cibos digerit perfectissime: otio, & luxu perditus homo quam debilis, quam misere vivit! Minimam aeris ambientis mutationem sentit illico; & millenis gulae irritamentis, quae satietas, non fames invenit, vix potest languentem excitare ventriculum.

CUR ELASTICITAS &c. Elastica dicuntur corpora, quae distracta redeunt in tot puncta contactus, quot ante distensionem habebant: hinc requiritur valida vis, qua partes distractae se mutuo trahant: sed in hac vi consistit fibrarum robur.

Exemplum sequens hanc rem illustrat. Bini magnetes sibi mutuo applicati cohaerent: si parum removeantur a se invicem, sed mancant tamen in tali distantia, in qua in se mutuo agere possunt, iterum uniuntur: sic & corporis elastici partes distractae a se invicem, ablata causa distrahente, iterum se mutuo attrahunt, & manet pristina cohaesio: dum debili leucophlegmaticae puellae premitur digitis pars corporis, pallacea mollitie cedit, & vix, nec nisi lente, relurgit: si valido homini idem fiat, elasticae partes mox se restituant.

Sic jam descriptus fuit morbus simplicissimus, & data fuit methodus, per quam ejus indolem cognoscimus; Dein enarratae sunt causae, quae illum faciunt: Apparuit porro quinam effectus praeter naturam hic soleant oriri; quomodo futura inde praevideamus; & quomodo ex cognita historia morbi, per sua signa descripti, habeatur indicatio, quae docet, quomodo, & per quae Medicus debeat agere, ut sanet. Tandem ex omnibus illis deducta fuerunt quaedam Corollaria generalia.

Raro autem sola debilitas fibrae solidae simplicis peccat, sed plura mala simul: sed tamen haec debent sic abstracte considerari, ut liquido intelligerentur; unde supponebatur homo perfecte sanus, sed qui momento post haberet a quacunque causa fibras nimis debiles.

MORBI FIBRAE RIGIDAE, ET ELASTICAE.

§. 31. *Rigiditas fibrae nimia* est illa adunatio partium minimarum (21), quae tam valide faciat eas cohaerere, ut non cedant illi actioni fluidorum, quae superare debet hanc resistentiam, ut maneat Sanitas.

Tota nostra vita, & sanitas pendet ab eo, quod omnes fibrae omnium arteriarum sint adeo flexiles, ut a sanguine, cordis vi musculari expulso, possint sic distendi, ut capiant illum sanguinem expulsum: dum enim cor est in sua diastole, arteriae, & venae plenae sunt, aliter non daretur propulsio continuata sanguinis. Memento post cor in sua systole expellit sanguinem in arterias plenas, & per has in venas etiam plenas: hinc si vasa illa infinita vi resisterent suae dilatationi, nec sanguis tamen sit adeo compressibilis, non posset cor evacuari: actum ergo esset de vita. Requiritur igitur fibrarum, haec vasa constituentium, talis laxitas, ut possint cedere distendenti sanguini, a corde expulso in plena haec vasa. Quo jam fiunt rigidiores hae fibrae, eo major fit resistentia.

Hinc, aeque ac in fibra debili dictum, non potest dari absoluta definitio fibrae nimis rigidae, sed tantum cum relatione ad variam aetatem &c. ut tenelli embryonis corculum sufficeret dilatandis vasis, propulsio sanguine, requirebatur tam parva cohaesio, ut muci instar fere diffunderent omnia solida.

§. 32. *Haec* (31) sequitur eas causas, quas requirit sanatio fibrae debilis (28), si diu, & nimis perseverant.

Fibrae nimis debilis historia praemissa est, quia curatio hujus morbi dat intellectum causarum fibrae nimis rigidae. Omnia ergo in cura fibrae nimis debilis hic repetenda forent: sed unicum exemplum sufficiet.

Moderatus labor corpora roborat: nimius exsiccat, & omnia rigida facit. Dum a teneris annis jam nimis laboribus coguntur corpus exercere rustici, saepe quadragesimo anno jam exsucci, & rigidi marasmo senilis pereunt, ante aetatem incurvo corpore vera facti silicernia.

§. 33. *Nata* (31) vero facit vasa, quae ex his fiunt, minus flexibilia, angustiora, breviora, liquidorum motui nimis resistentia, & quae hinc sequuntur; vid. (50. 51. 52. 53.)

Vasa nostra semper renitentur suae distensionis: hinc illorum capacitas pendet ab excessu virium distendentium supra hanc contractilitatem. Quando ergo increvit haec vis contractilis vasorum, eademque manet vis distendens, plus

plus contrahentur vasa, id est, fiunt angustiora. Ultimus hujus morbi gradus est, quando vasa nullo modo cedunt liquidis distendentibus; hinc suffocatur illico motus sanguinis, & fit placidissima illa senilis mors, dum in ultimae senectutis rigida facta omnia resiliunt fluidis impulsis. Simulac quaecumque de causa liquida minuuntur, robur vasorum sic coarctat vasa, ut plene maneant quidem, longe minus tamen distenta.

Homo potest intra 14. dies in febre acuta continua dimidium sui ponderis perdere contractis sic vasis, prout minuitur liquidi copia. Hoc evidenter patet, quia omnia animalia, in quibus augetur robur fibrarum, habent vasa magis contracta.

Dum pastu abundans in stabulis quiescens equus, hinc pinguior factus, sensim aucto motu validis tandem quotidie exercetur laboribus, forte tertiam sui ponderis partem amittit; longe tamen ad labores ferendos erit robustior, & per hoiçe labores consolidatis vasorum fibris, licet postea quiescat in stabulis, non tam cito pinguescet iterum.

BREVIORA. Impetus liquidi impulsus per canales conicos flexiles nititur elongare hos canales; hinc quamdiu fibrarum cohesio hoc patitur, elongantur: docet hoc juniorum incrementum tam notabile, post morbum acutum toleratum. Memini me vidisse, dum uno ictu cunei fortis, & acuti abscedebatur magnus pedis digitus, statim extra aequabilem vulneris superficiem prominuisse binas arterias, fere ad lineae geometricae longitudinem: tantum elongabantur haec vasa in loco tam distito a corde. Quando nimia oritur fibrarum rigiditas, non patiuntur se elongari; imo tandem praevalente fibrarum robore, accurrantur: patet in senibus, qui revera decrescunt.

LIQUIDORUM MOTUI &c. Dum cor pellit per arterias sanguinem, pars impetus a corde communicati impeditur dilatandis arteriis; reliqua pars sanguinem propellit per arterias. Si ergo arteriae fiant minus facile dilatabiles, i. e. rigidiores, plus de motu a corde communicato impendi debet dilatationi arteriarum, minus impendetur sanguinis propulsioni. Hinc patet evidenter, quare fibrae nimis rigidae augeant resistentias liquidis movendis.

Sed a debito motu humorum per vasa pendent omnia in corpore humano: hinc infinita possunt a tam simplici causa oriri mala, de quibus postea in numeris citatis.

§. 34. **E**X quibus (31. 32. 33.) ipsis internoscitur id malum (31.), simulque praevidentur inde secuturi effectus (33.), neque latet curatio.

Ex tribus §§. praecedentibus facile colligitur diagnosi, quae docet, an fibrarum nimia rigiditas adsit; si enim videamus hominem esse macilentum, os internum, & fauces habere sicciore, totam cutim externam esse aridiorem, omnes articulationes minus flexiles; & manere haec omnia, licet impletia adhaereant corpori; concludimus, solida nimis firma esse, liquidis praevalere, illa celerissime diffare. Sunt tales homines macilenti penitus, & simul voracissimi, qui omnia assumpta digerunt velocissime, & de corpore diffant.

Si jam novimus in victu, & medicamentis adhibita illa esse, quae in curatione

ratione fibrae nimis debilis enarrata sunt, praevidemus, hunc morbum nimiae rigiditatis futurum.

Prout jam haec rigiditas nimia in parte, vel in toto fit, varii & mirabiles oriri possunt morbi: observationes enim medicae docuerunt, omnes cognitos canales nostri corporis rigescere posse, saepe a causis adeo subtilibus, ut nulla ratione possint detegi.

Sic aliquando digitus, aliquando brachium integrum ita sensim decrescit, & aridum fit: si enim resistentia valorum a quacumque causa fiat major, minor erit extensio: hinc lentissimus marasmus. Vidi foeminam nondum quadragenariam, cui sine ullo vitio sensibili corporis, sine ulla suspitione internae suppurationis, sine ulla evacuatione sensibili aucta, intra biennium lento marasmo tam exsuccum redditum fuerat corpus, ut squalida cutis ossa tantum tegeret. Forte similes morbos vocaverunt veteres Medici *in visu papes* [e] *ex morbo senectutem*.

In observationibus suis Anatomicis accuratissimis Santorini (f) narrat, dum scrutabatur cadaver hominis, cui dexter oculus vera amaurosi dudum laboraverat, invenisse se nervum opticum ejusdem lateris aequo graciliorem, & colore obcuriorem. In hoc casu videtur a latente causa nimia rigiditas forte orta fuisse in nervo optico dextro. Idem si fiat in aliis organis sensuum, vel in visceribus, infiniti diverſi morbi oriri possunt.

Ex illis omnibus jam facile inveniuntur auxilia ad nimiam rigiditatem tollendam apta, quae recensentur §. sequenti.

§. 35. **H**aec enim efficitur 1. cibo & potu aquosis, lenibusque, sero lactis imprimis, oleribus mollissimis, farinosis dilutis, nec fermentatis. 2. quiete in aere humido frigidiusculo, cum somno pleniore. 3. remediis aquosis externis, internisque, tepide applicatis vel assumptis, insulsis, levissimis, & blandissimis oleis, similiter adhibitis.

1. CIBO ET POTU AQUOSIS &c. Vocamus potum aquosum vel aquam ipsam, vel omnem potum, in quo aqua praedominatur. Cibos aquosos vocamus omnes illos, in quibus aqua maximam partem constituit: ut sunt pulcicae, carniū juicula, & similia. Omnia haec assumpta magnam aquae copiam interno corpori applicant, per omnia vasa deducunt, omnia emolliunt, omnia lubricant; haec enim aquae, & imprimis tepidae virtus est, ut partes animalium durissimas possit emollire: sic cornua, ungues, imo ipsa ossa aqua tepida possumus mollia reddere.

Hinc videmus, omnes illas gentes, quae calidissimis locis viventes strictissima habent corpora, aquam, & aquosa sola fere appetere. Non mirum debet videri, quod serum lactis hic commendetur, cum lactis usus ad roborandas fibras nimis debiles antea laudatus fuerit: sed in sero lactis abest jam subtilissimum

[e] Gisl. Method. Med. lib. VII. cap. 6. Charter. Tom. X. pag. 167. (f) cap. 3. §. 24. pag. 64.

num illud spirituofum, abest pars cafeofa, fupereft fola pars aquofa graminis vi diffolvente dives. Imprimis laudatur ad hos ufus ferum lactis ebutyrati, omni pinguedine butyracea orbem, acidulum; quod hinc in morbis acutis tanti ufus eft. Huc etiam referuntur omnes fucci fructuum horaeorum, bene maturi.

OLERIBUS MOLLISSIMIS. Omnia haec recenfiti funt in Materie Medica Celeberrimi Auctoris: & in omnibus his fere nec magnus odor, nec fapor eft, fed aquofam quafi mucilaginem emollientiffimam exhibent. Jufcula inde facta ftriétis illis atrabiliaris corporibus adeo falubria funt.

FARINOSIS DILUTIS. Dum ftriétiffimis corporibus, in quibus femper funt denfi, & compaéti humores, ingeritur aqua, diffilatur illico, nec diu manet in corpore. Hoc roties dolemus in morbis acutis, quod aqua ingefta illico per fudores, vel urinam dilabatur; fed aquae addiderunt farinofa illa in Materie Medica defcripta hoc effectû, ut femel ingefta aqua farinofa hoc lentore plus quafi haereat, non tam cito expellatur de corpore. Haec videtur effe ratio, quare Hippocrates (g) aquae potum damnet in acutis, dum in eodem libro prifanae ulum adeo laudat. Omnia haec farinofa lentorem aquae conciliant, atque recto & aquae mifcibili oleo (quod purum ex illis exprimi poteft) emolliunt omnia. Solum certe avenae decoctum, magna copia potatum quotidie, fic folvit totius corporis robur vel in validiffimo homine, ut totus inde langueat. Sola farina, fero lactis vel aqua fubacta, fues adeo laxos, adeo pingues noverunt reddere ruflici.

Plurimi in his locis de plebe homines fedentarios labores, nec validos exercentes, interim his farinofis fere folis vitam fufientantes, laxiffima femper habent corpora.

NEC FERMENTATIS. Idem de fuccis fructuum horaeorum verum eft: nam & inter remedia fibrae debilis recensebantur merito fpirituofa fermentata. Per fermentationem enim ex omnibus his nascuntur liquida illa fpirituofa, quae ad summam perfectionem redacta, ignis fere inftar, omnia folida corporis comburunt, & fanguinem denfant in massas irrefolubiles.

2. QUIETE &c. Motus muscularis praecipuum remedium habebatur ad curandam fibram nimis debilem; non mirum ergo fi quies contrarium faciat. Qui citiffime volunt faginare animalia, illa femper ab omni motu prohibent, largo dato fimul pabulo. Hinc in morbis acutis, ubi omnia adeo exficcantur, quietem summam, imprimis in aere frigidiusculo & humido, imperaverunt veteres Medici: frigidus enim, & ficcus aer roborat fibras.

Nihil autem magis laxat corpora, quam tepor lecti, dum fomno largiori indulgent aegri; haerent enim fic in proprio vaporum de corpore exhalantium balneo. Hinc omnia animalia a fomno tument. Dixit ideo Hippocrates (b): *Longiores vero fomni calefacientes colligunt carnem, & corpus diffundendo refolvunt, & imbecillum reddunt.*

Et

[g] De viftu Acutor. Morbor. Charter. Tom. XI. pag. 102. (b) De viftu ratione Sanctorum lib. II. cap. 10. Charter. Tom. VI. pag. 474.

ET ALIBI: (i) in quibuscumque morbis siccitas confert, conducit quam minimum dormire. Quibus vero humiditas confert, non debent in ediam pati, nec cibo, aut potu indigere, neque laborare, & dormire quantum volunt.

3. Primum inter haec, & reliquorum omnium basis est aqua: quae tepida, & in vapores resoluta, vel durissimas animalium partes sic emollire potest, ut diffuant fere. In morbis acutis, ubi saepe aridissima cutis, constrictis penitus vasibus exhalantibus, nihil transpirat, frustra nituntur calidissimis remediis exhibitis provocare sudorem; dum vero nudato corpore tepidae aquae vapori exponuntur aegri, resolutis vasorum osculis, madescit cutis, & brevi post sudoribus diffiunt. Cum autem in his morbis interna aequae sicca sint, ac externa cutis, per clysmata similia injiciuntur, aquosa cum sarinaceis decocta exhibentur, ut emolliantur omnia interna: imo dum nimis diu aquosis his debilitant corpus, saepe oppositum malum, hydropem nempe, inducunt.

Omnia haec aquosa debent applicari tepida: frigida enim densant fibras & roborant; nimis calida sanguinem coagulant, & crustam gangraenolam solida comburunt.

Omnia autem haec insulsa debent esse, quia sales omnia indurant: docent hoc carnes saltae. Summum simul auxilium dant.

OLEOSA BLANDA. Certe coria animalium aqua madefacta fiunt flaccida; sed postea exsiccata plus rigeant: si vero cum oleo perfricentur, manent diutissime mollia: plus enim adhaeret, nec tam cito diffiatur oleum. Dum spatulo constrictae intestinorum fibrae horrendos illos faciunt cruciatus, mollissima olea, ad libras usque potata, & per clysmata injecta, solvunt hoc strictum laxatis fibris.

In morbis acutis, ubi summa ariditas, & nimium solidorum robur per morbum nascitur, vel saepe praefixit, egregie haec conducerent, nisi auctus calor facile rancescentia haec olea corrumperet, & ex blandissimis faceret acerrima: sed tunc decocta ex farinosis illis, in Materia Medica recensitis, oleorum vicem pulchre supplent: ex omnibus enim illis, imprimis siccatis, praelo potest exprimi purum & copiosum oleum, quod in decoctis horum mucilagini unitum sic latet, ut integram vim emolliendi, quam olea habent, seruet, sine ullo metu futurae ranciditatis.

Dum topicum haeret in quodam articulo, rigiditatis nimiae vitium (saepe enim anchyloses fiunt a nimia duritie ligamentorum, qua non patitur se extendi, ut flectatur articulus) optimo cum successu curatur, dum pars affecta lixivio saponis bene perfricatur undique, ut tota terla, nitida, & peripirabilis sit; & tunc vapori tepidae aquae exponatur saepius de die; porro exsiccata pars mollissimo inungatur oleo; & dein lenis fiat distractio nimis rigidorum ligamentorum, flectendo articulum. Inter causas enim fibrae debilis recenscebatur nimia distractio: hinc post haec praemisissa summopere prodest distendere nimis rigidas partes.

Dum volebant emaciatas partes ad pristinum reducere habitum Veteres, irritabant haec loca, ut levis fieret inflammatio, & tumor: sic enim majori impetu, & celeritate huc delati humores plus distendebant vasa nimis stricta.

§. 35. 36. 37. MORBI FIBRAE RIGIDAE, ET ELASTICAE. 47

sta. Dum autem hoc saepius fieret, nimium robur vasorum sic minuebatur, ut cederet humoribus, ex lege sanitatis influentibus; atque ita redibat pristina torositas: sic frictione a somno cum pinguibus multos longo tempore macie tabescentes paucis diebus facile carne implevit Galenus (κ).

Hinc frictiones quidem hic conveniunt, sed cum pinguibus, & tantum ut fiat levis rubor: si enim ultra pergas, discutitur illud, quod frictio attraxit ad partem; hic autem requiritur distensio major vasorum nimis fortium; hoc sollicitè monuit (1) Galenus dicens. *Ideoque ubi carne implere quodlibet corpus volumus, id eo usque calefaciendum nobis est, dum intumescat: ubi vero discutere, & vacuare cupimus, continuandum est eo usque, dum, quod intumuit, subsidat.*

Sic alibi (m) dicit. *Ferulas parvas, ac leves modice illitas gracilibus parvis incutiunt, donec modice attollantur.* Tali percussione nates pueri graciliores brevi auctas fuisse narrat, dum hoc fiebat quotidie, vel alternis diebus, una cum moderata picatione.

Hinc apparet, quomodo frictio oppositos habeat aliquando effectus: fortis nempe, cum pannis asperis, siccis, laneis, imprimis accenso aromatatum fumo penetratis, debiles nimis fibras curat; levis frictio cum pinguibus attrahendo humores, laxando solida, fibras nimis rigidas emollit.

§. 36. **H**inc elasticitas nimia intelligitur, curaturque, quippe rigiditatis (31) ut plurimum comes, & effectus.

Explicatum fuit, quid sit rigiditas, quae semper cum elasticitate eadem proportionem progreditur; perfecte enim rigidum corpus, quod nulla vi flecti posset, non facile invenitur. Hinc cum elasticitas [ut dictum fuit in §. 29.] pendeat ab illa vi, qua partes fibram constituentes nituntur, ut cohaereant, haec autem vis major sit in fibra nimis rigida; patet facile, quod nimia elasticitas rigiditatem nimiam comitetur semper.

Ex a gilla molli facti globi, opposita directione motus concurrentes, quiescunt; in clibano excocti, fiunt elastici, & resiliunt a se mutuo.

§. 37. **C**ur pueris, foeminis, otiosis laxitas? contra vero adultis, viris, exercitatis, fibrarum, adeoque omnium solidarum partium rigiditas? & solutarum valida contractio?

CUR PUERIS. Vide §. 30. nondum enim in his fibrae, & vasa callosa facta sunt, quod vitae actuositate postea fiet.

FOEMINIS. Ab Anatomicis confirmatur, foemininum corpus, caeteris paribus, longe mollius esse corpore virili. Hoc autem a Creatoris instituto pendet, qui sic fecit corpus foemininum, ut sine multo malo possit distendi quam maxime; ut nempe foetum possint locare, & nutrire, & menstruum plenioram accu-

(K) De Sanitate tuenda lib. V. cap. 3. Charter. Tom. VI. pag. 143. (1) Meth. Med. lib. VII. cap. 6. Charter. Tom. X. pag. 162. &c. (m) Meth. Medendi lib. XIV. cap. 16. Charter. Tom. X. pag. 336.

accumulare. Multum etiam huc confert, quod plerumque minus validis laboribus exerceantur, quam viri.

OTIOSIS. Vide §. 25. n. 2., & §. 30.

CONTRA VERO ADULTIS. Quia quo diutius vixit homo, eo vires consolidantes saepius, & fortius applicatae fuerunt fibris: hinc crescente aetate crescit fibrarum robur. Puer omnia habet flexilia, & obliqueiosa membra, decrepitus vero senex in omnibus rigescit, nec ratio dari potest, cur hoc in viris plus fiat, caeteris paribus, quam in foeminis, nisi ex primogenita corporis fabrica ab instituto Creatoris pendente.

EXERCITATIS. Quid corporis exercitia possint in roboranda fibra nimis debili, dictum fuit §. 28. n. 2. Illud enim, quod vocamus tenacitatem in partibus firmis, est continuatae vitae effectus: sed quo minus quis motum animalem superaddit motui vitali, eo solida debiliora manent. Qui nullum opus manibus exerceat, habet manus molles, & teneras; qui valide illis operatur, easdem habebit duras, & callosas, tandemque immobiles, & rigidas.

ET SOLUTARUM &c. Quando unitatis solutio fit in parte solida in corpore vivente, semper partes solutae retrahuntur a se invicem, quia vis illa, qua cohaerent fibrarum elementa, necessario retrahit utrumque extremum: quo ergo haec vis fortior est, eo major fiet hiatus partium separatarum: hinc vulnus in corpore laxo statim coalescit; in corpore rigido plus hiant vulnera inflicta, & difficiliter consolidantur.

MORBI VASORUM MINIMORUM, ET MAJORUM.

§. 38. **V**Asorum minimorum, ex fibris simplicibus (21.23.), applicatu, intertextu, vel intortu, adunatis, factorum morbi ex iisdem causis eandem indolem, effectum, & curationem habent; ergo ex dictis (ab 21. ad 38.) intelliguntur.

Morbis fibrarum consideratis, hincque etiam omnium partium solidarum corporis, quatenus fibris constant, apparuit, ad qualem simplicitatem poterint reduci hi morbi, qui in omnibus partibus solidis occurrunt.

Sicut jam elementa sibi mutuo applicata fibrarum solidam constituunt, sic possumus concipere fibras minimas sibi mutuo apponi in omnibus punctis iterum contiguarum, quando sic cohaerent secundum longitudinem tantum. Si duae tales fibrae sibi mutuo applicentur parallelo ductu, erit membrana omnium minima; si millenae juxta se invicem positae uniantur, erit membrana latior, non crassior. Hinc membrana simplicissima concipitur constare fiberis secundum longitudinem adunatis.

Robur jam fibrarum pendebat a cohaesione elementorum: sed singula ele-
mentaria

menta fibræ, membranam simplicissimam constituentis, coherent cum elementis binarum fibrarum proximarum utrimque; hinc duplo majus robur fibræ aliis fibris utrimque junctæ, respectu roboris in fibra simplici.

Hinc fibrarum robur crescit, dum in membrana simplicissima adunantur. Fibræ autem, quæ ultimos limites membranæ simplicissimæ constituunt, cum tantum ab uno latere continguam aliam fibræ habeant, tantum dimidio majorem vim coæfionis suorum elementorum habent, quam fibræ simplex.

Dum jam intertextis, vel intortis inter se fibris membrana constat; multiplicatis punctis, quibus se contingunt, augetur fibrarum, talem membranam constituentium, robur.

Hinc patet, illam partem membranæ simplicissimæ facillime a coæfione cum reliquis posse separari, quæ marginem constituit.

Si jam concipiatur talis membrana simplicissima convolvi in vas cavum, tunc omnes fibræ inter duas alias fibræ positæ sunt, & nulli tunc habentur margines; sed omnium fibrarum, constituentium membranam simplicissimam in vas cavum convolutam coæfio duplo fortior est, quam in fibra solida simplici.

Illud jam vas, ex tali membrana simplicissima convoluta factum vocatur vas minimum.

Sed omnes morbi talis vasculi minimi tantum pendent a nimia, vel nimis parva vi, qua fibrarum elementa cum se invicem, & cum vicinis coherent. De illis autem jam actum est in morbis fibræ simplicis.

§. 39. **V**asa majora, ex minimis (38), applicatu, intertextu, vel intortu, unitis, conflata habent duo diversa morborum genera. Horum prius pendet ex morbis minimi canalibus (38), majorem hunc componentis, adeoque origo, natura, efficacia, curatio ejus inde (38) peti debet. Posterius vero pendet, 1. a vi, qua fluidum, per majorem hunc canalem fluens, ejus latera extendendo premit: quæ latera, ex aliis minoribus canalibus constantia, hac pressione orbantur suo liquido, uniuntur quoad latera, concrefcunt in fibræ (21. 23.) solidæ, sed crassioris speciem: potestque idem & vicinis communicari vasculis. 2. a liquido cum vasculo proprio concrefcente.

Uti jam fibræ, adunatæ secundum longitudinem, faciebant membranam, sic possumus concipere, vascula minima, ex simplicissima membrana convoluta facta, sibi mutuo applicari, & facere membranam; quæ iterum convoluta faciet vas, non minimum, sed majus jam; non ex fibris, sed ex vasis minimis fibrarum loco conflatum.

Cum jam vasorum horum minimorum sectio perpendicularis ad axim sit circulus, non poterunt singuli circuli adjacentium sibi mutuo vasorum se tangere, nisi in puncto: hinc vascula vicina se mutuo tangunt per lineam, i. e.

D

per

per fibrā simplicissimā: ergo in illis locis contractum iterum augebitur robur talis membranae ex vasculis minimis loco fibrarum conflatae.

Vas ergo minimum constabit ex fibris in membranā adunatis: vas huic proximum magnitudine, sive penultimum simplicitate erit, si ejus membrana constet ex vasculis minimis loco fibrarum: vas antepenultimum simplicitate non constituitur ex vasis minimis, uti penultimum, sed ex vasis minimis, & penultimis; & sic porro, donec ad maxima corporis vasa perveniatur, quae ex omnium vasorum seriebus, quae in corpore inveniuntur, sunt.

Aorta, maximum vas, per injectiones demonstrata fuit constare membranā ex minoribus vasis, sed adhuc magnis conflatis: horum vasorum, aortae membranas constituentium, membranae iterum aliis, sed minoribus constant vasculis; & sic porro, donec ad ultima perveniatur. Simplicissimas olim habitas, & solidas membranas innumeris constare vasculis, docuit arte sua Ruyschius.

Hinc ex multiplici concretionē laterum robur continuo augetur in vasis majoribus; & sic incipimus intelligere, unde robur, & firmitas corporis humani pendeant.

Quaeritur jam, quinam morbi in vasis majoribus oriri possint, non respectu fluidorum contentorum, sed quatenus solida sunt haec vasa. Apparet primo, quod pati possint omnes morbos vasorum minimorum, ex quibus componuntur, sed de his actum est.

POSTERIUS VERO PENDET I. Dum aorta a sanguine ex corde sinistro expulso distenditur, canales constituentes ejus membranas comprimuntur: dum iterum cessat cordis actio, contrahens se aorta liberat hos canales ab hac compressione. Sed dum omni momento sic comprimuntur vascula minima constituenta membranas majorum vasorum, haec sensim sic incipiunt orbari suis liquidis, ut vix detur tempus influxui: tunc concrescunt latera inter se, & aboletur cavitas, & fit membrana, sed crassior, & fortior: cohaesio enim membranae in vas convolutae erat duplo fortior, quam cohaesio fibrarum simplicis, sed dum vas complanatum conc escit, tunc oppositae fibrae concrescunt, & fiet talis membranae, ex vase complanato concreto factae, cohaesio adhuc fortior, quam antea.

Quo jam vis cordis major est, & diutius egit, eo pauciora numero vasa, sed fortiora solida sunt. Hinc ultima senectute robur solidiorum fit immensum; & tandem, cum nimis resistentes canales non pariantur se extendi amplius a liquidis impulsis, fit quies omnium, & fatalis, sed placidissima in summo senio mors. Hinc nimio labore exercitatis animalibus cito venit senectus, callosis factis ante aetatem omnibus vasis.

Ridendi ergo sunt iactatores illi, qui rugas, & gravem senectutem se avertere posse clamant, paucis Elixirii guttis quotidie sumtis, dum inevitabili vitae sanae effectu, callosis factis omnibus vasis, ad fatalem ducimur terminum.

Sapientius certe Medae institutum, quae balneis sovebat exsucca haec corpora: hinc credebatur senibus juventutem reddere (*).

2. A

(*) Palaephatus de incredib. Hist. cap. 44.

2. A LIQUIDO CUM VASCULO &c. Quando liquidum contentum, parte liquidissima orbatum, tandem concrefcit cum proprio vase. Ab omni aevo obfervatum fuit, quod in morbis, in quibus [ut dicebant Veteres] calidum innatum praevaleret humido radicali, five ubi vis vasorum vim liquidorum diftendentium excederet, fanguis fiat talis, ut concrefcit in pellem novacula vix difcindendam: certe plastica eft in liquidis noftris indoles, nec ingefta fiunt humores noftri, antequam illam induerint naturam. Ruyschius [o] ex fuo fanguine, fimplici agitatione ramulo plantae Africanae, fecit membranam deniam cohaerentem.

Hinc facile intelligitur, fanguinem, inflammatoria denfitate in morbis acutis jam nimis in concretionem pronum, orbatum adhuc plus parte liquidiffima per morbi vim, poffe concrefcere cum vafis continentibus.

Sed evidens habemus exemplum, quod vafa majora etiam cum liquido contento poffint concrefcere: magnus enim ille canalis, qui, dum utero materno latebamus, fanguinem ex placenta in hepar deferebat, poftea concrefcit, non in complicatum canalem, quod fieri debuiffet, fi folo collapsu concreviffet, fed in teretis, & folidi funiculi fpeciem mutatus evidens dat argumentum, quod cum contento liquido concreverit.

In vafis ergo majoribus triplici de caufa robur nascitur; 1. a fibrarum robore; 2. a vafis collapsis, vel compressis in membranas concretis; 3. a vafis concretis una cum liquido contento.

§.40. **I**Nde vasorum debilitas, laxitas, robur, rigiditas, elasticitas, de quibus multa imperitis memorantur, clare intelligi poffunt. Et meretur dignitas horum petractionem.

Omnia haec jam explicata funt, recensentur tantum hat paragrapho, ut exhibeant quali fummarium omnium illorum, quae ex fimplici hac doctrina intelligi poffunt: fequentia capitula docebunt, infinitos morbos inde poffe cognofci, & curari.

[o] Thefauro Sexto n. 7., & Thefauro 7. n. 39.



MORBI VISCERUM DEBILIUM, ET LAXORUM.

§. 41. **V**asorum, & viscerum debilitas vocatur illa partium (23. 38. 39.), haec constituentium cohaesio, quae tam levi motu tolli potest, ut imparia sint iis efficiendis, quae Sanitatis, & Vitae ratio ab his postulat.

Viscus solet plerumque definiri, quod sit pars organica corporis, quae humores allatos per suam fabricam plurimum mutat, sic ut haec mutatio profit totius corporis vitae, & sanitati. Sic pulmo viscus est, accipiens omnem sanguinem, & mutans sic, ut aptus evadat fluere per omnia corporis vasa. Sic etiam cor omnem sanguinem recipit, & mutat in motus directione, & miscela: idem de reliquis visceribus verum est.

Constat jam per Anatomicas injectiones omnia viscera constare vasis innumeris, vario ordine in variis visceribus dispositis; & ab his vasis viscerum actionem pendere, qua mutant allatos humores. Si ergo haec vasa debiliora sint, quam requiruntur ad sanitatem, minus agent in contenta fluida, minus illa mutant. Sic debilis nimis pulmo non poterit chylum mutare in bonum sanguinem. Si nimis laxum hepar fuerit in suis vasis, sanguis per illud viscus sine bilis secretionem fluat, & refuset, & nascetur hydrops. Dum nimis debilis ventriculus languet, totum chylicationis opus turbabitur.

§. 42. **Q**uae alia aetate, atque sexu alia sunt.

AETATE. Viscera omnia robur accipiunt, sensim auctum, prout vitae vires diutius in haec egerunt. In prima hinc origine debilissima omnia disfluunt, sensim major accedit firmitas, donec omnia in summo senio rigescant fere. Jam inter maximam illam debilitatem, & maximam firmitatem infiniti gradus mediū intercurrunt vario vitae nostrae tempore.

SEXU. Viris enim hanc legem imposuit Deus, ut in sudore vultus panem lucrentur suum; foeminis vero, ut foetus concepiant, pariant, & nutrant. Apud illas gentes, quae potius naturae consilio, quam legibus vitam suam moderantur, idem obtinet: ad haec autem in diverso sexu varium robur requirebatur.

§. 43. **H**aec debilitas oritur 1. ab debilitate fibrae (24), ejusque causis. (25) 2. a debilitate canalium minimorum (28), atque causis hujus (38); 3. ab inertia liquidi per vasa majora (39) fluentis, quae pendet a minuta copia, fluiditate aquosa aucta,

aucta, motu musculari torpescere: 4. a numero magno canalium minimorum, pro ratione aetatis, nimis diu remanentium.

Duae priores causae jam sunt explicatae.

3. Tota actio omnium viscerum pendet ab eo, quod liquida, vi cordis preffa, dilatent arterias; hae, suo robore, & elasticitate reagentes, promoveant distendentes humores: sed motum semel impressum servant diutius omnia illa, quae sub eodem volumine plus massae corporeae habent, id est, quae sunt solidiora.

Requirebatur ergo in liquidis, cordi vi motis, certus soliditatis gradus, ut motum impressum non tam cito amitterent. Ubi illa debita soliditas abest, dicuntur inertes esse humores: sed haec soliditas conciliatur partibus constituentibus nostrorum humorum per efficaciam vasorum, per quae fluunt, sed haec efficacia est illa vis, qua distenta vasa reagent in humores distendentes. Dum ergo minuta nimis liquidorum copia non satis distenduntur vasa, minus reagent; hinc languent omnia, & debilitantur. Ob hanc etiam causam ubi per vulnera, vel alias causas quaecumque, ingens liquidorum copia subducta est, ex ingestis non fit solidus ruber sanguis, sed omnia in aquosam degenerant tenuitatem.

FLUIDITATE AQUOSA AUCTA. Fuerunt quidam Medici in illa opinione, ac si tunc foret omnium perfectissima corporis conditio, quando omnia liquida nostra essent tenuissima, hincque per omnes canales expeditissima esset via: sed alia lege factum invenitur corpus humanum: respondent diversis vasorum seriebus proportionalis crassitiei fluida; si enim sanguis noster aquae tenuitatem haberet, per patula in superficie corporis interna, & externa vasorum exhalantium officia dilaberetur, vel replerentur omnia cava corporis loca humoribus, teaurioribus quidem, sed non propulsis. Sanguinis enim pars crassissima rubra in arteriis, & venis maximis, rubris nempe, semper manens in sanitate, momentum motus ad vitam, & sanitatem requisiti a binis causis motricibus, corde, & arteriis, recipit, & reliquis communicat: ab hac parte rubra, ad sua vasa continentia attrita, calor noster producitur; simul ac enim illud rubrum incipit deficere, omnia frigent. Docent hoc leucophlegmatici, & pallido morbo languentes puellae.

Hinc adorandus Creator cerebri medullae, collectae in medullam oblongatam, circumposuit majora vasa rubra, ut tenuissima haec vasa, in quibus omnis attritus deficit, foveantur blando tepore.

Ergo inter debilitatis viscerum causas merito recensetur aquosa humorum fluiditas.

Robusti hominis de vena saliens sanguis in scissilem cohaerentem massam statim conerescit: dum debili puellae sanguis mittitur, subrubella, tenuis, vix concreta, effluit aqua.

MOTU MUSCULARI TORPESCENTE. De hac re dictum fuit §. 25. n. 2.

4. Constat certissime, quod in quavis aetatis diversitate requiratur certa callositas, & vasorum quorundam abolitio. Anatomici observaverunt, injectiones felicissimo successu semper factas in junioribus. Videmus sic, procedente aetate, multa aboleri vasa.

Glandula thymus, adeo insignis in recens natis, in adulto homine adeo decrevit, ut vix sui vestigium relinquat. Quae plures infantes successive, plenis lactei nectaris fontibus nutriti mulier, annosa, & strigosa facta, flaccidas, vix mammarum nomine dignas, habet pelliculas. Glandulae vagae mesenterii in profectionis aetatis hominibus abolentur penitus.

Magnus enim robur additur partibus firmis corporis, quando plurima vasa minima compressa concreverunt in sortiores membranas: haec autem concretio nascitur a valido motu, quo liquida feruntur per vasa majora; ergo quo sortior fuerit ille motus, vel quo diutius egit, eo major consolidatio corporis. Hinc in recens nato homine maximus canalium numerus, sed laxa totius corporis compages: in adulto homine, pluribus vasis abolitis, major firmitas.

§. 44. **A**B hac debilitate (41), per suas causas (43) producta, oriuntur multi morbi, qui falso Temperiei, vel Congeniti habentur; primarii sunt; facilis vasorum dilatatio, tumor; facilis horum compressio, inanitas; liquidi stagnatio; Cordi aucta resistentia; liquidorum cruditas; spontanea corruptio; ad actiones vitales, animales, naturales exercendas ineptitudo; & illa omnia, quae ex his sequi solent, quae ut infinita numero, ita difficillima curata, & foecundissima novis morbis producendis sunt; maxime *καχεξία*, & *κακοχυσία*. 2. Facilis vasorum dissolutio ab internis, externive causis, acribus vel motis; effusio, stagnatio, corruptio, evacuatio liquidi ad vitam, sanitatemque necessarii; interceptio motus fluidi per vasa rupta; corruptio eorum, quae hoc motu vigeant, qui rursus varii sunt, maxime *φθίσις*, *έμπτημα*, *ιδρωψ*, *αίτησις*.

Supponitur hic iterum corpus antea sanum nunc habere viscera, & vasa nimis debilia: tunc apparent mutationes laesarum functionum, praecipue sequentes in textu enumeratae.

Cum videatur unicuique homini sua esse, & singularis sanitas, & diversa corpora hominum penitus inter se varia esse, tam in solidis, quam in fluidis, appareat, licet singula sana sint, vocaverunt illam constitutionem singularem corporum, qua differunt ab aliis corporibus etiam sanis, *ιδιωματικόν*; & quae inde pendebant aliquando vitia, habebantur incurabilia, quia jam a prima origine facti corporis credebantur adfuisse: sed morbos illos debilium nimis vasorum, & viscerum non semper congenitae conditioni adscribere possumus.

Nobili de stirpe ortae puellae, molliter educatae, otiosa defluit vita; languet debile corpusculum: primis vitae mensibus priori similis rustica a teneris jam assuescens laboribus viget firmo corporis robore.

Debilitas prioris, & morbi inde pendentes, falso habentur pro congenitis.

Dum robustissimus homo per vulnus omnem fere sanguinem amisit, fit hydropticus: quanta tunc sic dictae vulgo temperiei mutatio!

PRIMARIIS SUNT FACILIS VASORUM DILATATIO, TUMOR. Quomodo viscera quaelibet conficiant humores suos, disputatum fuit a nata Medicina huc usque,

§. 44. MORBI VISCERUM DEBILIMUM, ET LAXORUM. 55

ufque, nec multum boni dixerunt Autores, donec *Ruysebius* demonstraverit ubique in visceribus esse ad fines arteriarum aliam conformationem in variis locis; & videtur viscus factum esse, ut haec conformatio arteriarum maneat: si jam arteriae fiant nimis debiles in quodam viscere, plus dilatantur necessario, cum eadem vis impulsu liquidi distendat vasorum latera minus resistentia: hinc non conficiunt viscera debilitata tales humores, quales in sanitate, sed longe alios; unde turbabitur totum corpus. Sic simul ac fabrica hepatis mutatur, non fit bilis, sed longe alius, & degenerans liquor; ut certa docuerunt observata. Laxata renum vasa sanguinem transmittunt loco urinae.

Sed dilatata vasa tumorem faciunt majorem totius, vel partis: debilia enim vasa, & viscera habentes, faciem habent inflatam, buccas tumidas, fungosum corpore, ut bombyces, quando se parant ad fila explicanda; hinc dum incipit sensum hoc malum lubrepere, saepe quasi aucto corporis habitu laetantur.

FACILIS HORUM COMPRESSIO, & INANITAS. Vasa hominis robusti sibi commissa contrahuntur quidem, ut minuunt cavitatis suae diametrum, sed non collabuntur flaccida, imo contractioni, quae naturali major est, valide resistunt. Hydropico cruri impressa vestigia manent; in sano vero, & robusto homine statim pars pressa rearsurgit.

LIQUIDI STAGNATIO. Cordis enim vis fere tota impenditur dilatandis arteriis: si jam debilitatae arteriae, a sanguine per cordis vim impulsio distentae, se non satis contrahant, manebit sanguis immotus in vas dilatatis: binae enim causae sunt, quae liquida nostra per canales suos movent: 1. Cordis vis, distendens impulsu sanguine vasa. 2. robur, & contractilitas vasorum, cessante cordis actione, propellunt impulsu a corde sanguinem: ubi ergo haec contractilitas vasorum deficit, liquida stagnant.

CORDI AUCTA RESISTENTIA. Hoc mirum forte videtur, cum vasa debilitata facilius cedant impulsu a corde sanguini: sed dum arteriae debilitatae non satis valida systole contrahuntur, manent distentae, & plenae; hinc momento sequenti cor non potest tam facile se evacuare in vasa plena, & distenta jam nimis. Quotidie videmus tumida illa, & pallida corpora, dum quiescunt, se satis bene habere; ad minimum vero motum anhelant, cor palpitat, venae jugulares tument, suffocantur fere: dum enim quiescentibus parca copia sanguinis venosi, lente moti, ad cor deferuntur, illud adhuc exprimitur, sed per motum corporis sanguinis venosi celeritate aucta, cor non valet tam cito acceptum sanguinem per vasa repleta pellere.

LIQUIDORUM CRUDITAS. Omne, quod assumimus, vocatur crudum, quia nostris liquidis alienam naturam habet, nondum a viribus vitae subactum: dum autem viscera debilitantur, illorum vires singulares pereunt, quibus conspirant ad mutanda ingesta in nostram naturam: ut enim bona fiat chylopoiesis, requiritur imprimis, ut omnia viscera chylopoietica sua fabrica confectos affundant humores; requiritur ergo ut tales confecerint: si ergo debilitata fuerint, degeneres a nativa indole humores affudent; unde totum turbabitur chyloficationis opus. Sic debile virginis, Chlorosi laborantis,

corpus ex assumtis vel optimis alimentis non facit bonum sanguinem; sed pallidum quemdam humorem, ac si multum lactis paucò sanguini misceres: & inde sunt mirabiles degeneraciones, & morborum, independentium mirae, & variae species. Ut ingesta mutantur in nostram naturam, omnia viscera conferunt suam symbolam: si nunc unum, vel plura debilitentur, haec assimilatio deficit, & fit aliud longe.

Hinc pulchre monuit Galenus: (p) quod considerandum sit in debilibus reficiendis, *nutrimentum se ipsum non concoquere, nec in partes distribuere, nec alendi partibus assimilare &c.*

SPONTANEA CORRUPTIO. Ingesta in corpus humanum mutantur per omnes actiones omnium vasorum, & viscerum, & assimilantur naturae nostrae; haec mutatio vocatur [*πύξις*] coctio: sed si ingesta tam tenacis indolis fuerint, vel vires corporis adeo imminutae, ut non possint subigere ingesta; tunc haec mutantur quidem in corpore, non autem assimilantur naturae nostrae: sed sequuntur suam naturam, qua in calido, & humido loco sola degenerant in corruptelam acidam, putridam, rancidam &c. haec vocatur corruptio spontanea. In Exemplo res patebit: dura messorum ilia ex pane secalino faciunt bonum sanguinem; sed panis ille calore, simili calori nostri corporis, si foveatur in vase chemico, addita aqua, in acidum pessimum mutatur: robusta viscera superant illam accensitiam; sed debili puellae si ingeratur, ibi suam sequetur naturam panis ille, & accensens cardialgias, tormina &c. faciet.

Non fit haec degeneratio quidem in corpore debili eodem penitus modo ac extra corpus; sed tamen assumta, si non praevalet vis corporis humani assimilans, semper tendunt in spontaneam mutationem.

INEPTITUDO AD ACTIONES VITALES, ANIMALES &c. Omnes actiones nostri corporis quodam sensu dependent a musculari motu; universales enim causae motrices omnium humorum, cor nempe & arteriae, musculosae sunt: sed hae actiones tantum fieri possunt, dum adfunt boni spiritus: sed spirituum confectio ultimam, & perfectissimam requirit assimilationem.

Itaque dum debilia nimis viscera non possunt ingesta ad ultimam elaborationem usque perficere, subtilissimum illud, a quo omnia fere pendent in corpore, incipit deficere. Hinc dum incipit languere chlorosi debilis puella, sensum subrepat insolitus corporis, a minimo motu ingens lassitudo; vertigo, hebetudo omnium sensuum; quae omnia animalem facultatem laesam significant. Cor palpitans a minimo motu, pulsus mollis, & debilis, respiratio anhelosa, vitales actiones imbecilles monstrant; languens, vel hoc miris modis depravatus appetitus, molestia ingens ab assumtis, tarda saepe alvus, urina pallida, cruda, naturales functiones depravatae indicant.

Hinc apparet facile, ex hoc fonte infinitos numero posse oriri morbos, dum omnes functiones corporis sic laedi possunt. Facile etiam inde patet curatio: nis difficultas: debet enim restitui omnium partium deficiens robur; sed hoc non potest fieri, nisi tantum adhuc supersit de natura creata corporis, ut illud, ab impedimentis levatum, & deficientibus instructum, valeat bonum san-

(p) Method. Medendi lib. VII. cap. 6. Charter. Tom. X. pag. 161.

sanguinem facere ex non sanguine, id est, ex ingestis. Hinc dum v. g. pulmo, vel hepar tabe perit, frustra promittitur medicina.

Maxime autem omnium inde fiunt

Kachexia. Malus habitus [de quo postea peculiari capitulo dicitur] talis est debilitas, ut nutritio laesa, & depravata sit per totum corporis habitum simul. Fit haec cachexia, quando omnia liquida, & solida desiccantur ab his conditionibus, quae requiruntur, ut fiat assimilatio: sed omni cachexiae necessario adest *xanochymia*, quae est degeneratio omnium humorum ab his conditionibus, quae requiruntur in sanitate: sed humores nostri suas dotes accipiunt per vim vasorum, & viscerum; haec ergo si sint nimis debilia, necessario degenerant humores.

2. **FACILIS VASORUM DISSOLUTIO.** Requiritur talis cohaesio partium solidarum constituentium canales nostri corporis, ut possint sustinere impetum liquidi, vi cordis impulsus, sine solutione continuitatis: dum jam debilitata est cohaesio haec, metus rupturae est a majori impetu impulsus liquidi: sic toties occurrunt tristes illi casus, ubi ad incrementi sui apicem pervenerunt tenelli homines, quibus vel a nativa laebe, vel non firmato per motus musculares corpore, debilia nimis sunt vasa, quod clamore, cantu, cursu &c. rumpatur in pulmone arteria, sicque una cum sanguine animam vomant, vel postea lenta phthisi marcescant. Quibus debiliora sunt renum vasa, in carpento per strata lapidea rudius vestri sanguinem mingunt toties.

Sed praeterea dictum fuit, debilitatis visceribus degenerare humores in spontaneam corruptelam; hinc semper fieri acriores: blanda enim est humorum nostrorum in sanitate indoles, sic ut sanguis sanus oculo instillatus nullum dolorem faciat: cum ergo liquida acriora debilitatos canales perfluunt, facilis fit solutio horum: docet hoc scorbutus, in quo saepe laxitas totius corporis cum acrimonia humorum concurrunt, unde fractis vasibus sub cute sanguis maculas illas scorbuticas efficit.

Sed erosus sic ab acri liquido, vel fractis nimio impetu moti liquidi vasibus, effunduntur humores contenti; effusi stagnant, quia movens causa deficit; stagnantes corrumpuntur: dum nullus datur aeri accessus, serius quidem hoc fit, corrumpuntur tamen. Effunduntur liquida ex vasibus fractis; abrumpitur continuatio circuitus humorum, dum vasa fracta hiant; omnes functiones, quae a motu liquidorum per integra haec vasa pendebant, abolentur. Hinc dum in variis corporis locis haec fieri possunt, infiniti numero possunt oriri morbi, non facile recensendi, sed ad classes quasdam revocandi, quarum praecipuae sunt sequentes.

Phthisis, a corrumpeo dicta; sed obtinuit apud Medicos, ut hoc vocabulum non sumatur pro qualibet corruptione, sed pro totius corporis in suo habitu consumptione, nata ex cacoehymia purulenta praedominante, ubicumque demum somes ille haeserit in corpore. Debilibus nimis vasibus excisis, vel fractis, effusi humores corrumpuntur, vicina omnia inflammant sua acrimonia: sic sanguis in cavum thoracis effusus putrescit, pulmonem alluens inflammatur, post hanc inflammationem suppuratio secuta vera phthisi pulmonali hominem perdit: sic & intelligitur, quomodo ab eadem causa nasci possit *haemoptoe*, quod

latina

latriori significatione omnem suppurationem denotat, plerumque tamen designat puris collectionem in cavo thoracis.

T^{ro}4. Omnes illi, quibus sensim subrepat hoc malum, laborant debilitate vasorum, & viscerum; & omnis hydrops, non natus ex alio morbo valido praegresso, hanc fere causam agnoscit. In omnibus enim cavis majoribus, & minoribus corporis exhalantes arteriae suos effundunt humores; sed observatum fuit, illam vim, qua minima orificia venosa imbibunt ex cavis corporis locis effusos humores, crescere, & decrescere proportionaliter ad circulationis vires: hinc in morbis acutis, ubi circulatio nimia est, exsiccantur omnia: in languidis chronicis morbis sensim accumulato humore tument omnia. Accedit hoc, quod in summis languoribus diutius videatur persistere vis evacuans arteriae, quam vis refovens venae: hinc in omni corporis diathesi, in qua vitalis vigor imminuitur, aquosa incipiunt accumulari.

Atrophia. Priori videtur prima fronte oppositum malum; sed dum ascite surget immaniter abdomen, videmus gracilescere omnia superiora: nec mirum, quia nimis debilia viscera non possunt conferre singula suam symbolum, ut fiat ultima elaboratio ingestorum, qua mutantur in nostram naturam, & perdita restituuntur: vita enim nostra destruet corpus, nisi reficiatur ex ingestis. Deficere potest ergo ex hac sola causa nutritio: & hic defectus atrophiam dicitur.

§. 45. **Q**Uae [41. 42. 43. 44.] si quis accurate observat, ille, non hujus modo [41.], sed infinitorum, & obscurissimorum morborum originem, praesentiam, eventum internoscet, & solus auxilia impetrandae sanationi valida & tuta inveniet.

Qui omnia ante dicta attenta mente considerat, concludet facile, debilitata actione vasorum in contenta fluida, posse laedi omnes functiones corporis: quia omnium functionum integritas ab actione solidorum in fluida, & fluidorum in solida pendet; hinc veram hanc esse Lernam malorum, unde infiniti morbi pullulant. Ubi vero morborum a debilitate ortorum effectus sensibus obvii sunt, nulla in cognitione causae manet difficultas; sed saepe latentissimi morbi huic tantum causae suam debent originem. Dum nimis debilia pulmonum vasa rupta floridum, & coccineum eruant sanguinem, facile praegressa debilitas, ut mali causa, cognoscitur; sed si similes arteriolae in cerebro ruptae lethalem fecerint effuso sanguine apoplexiam, latens tanti mali causa eadem est. Dum fracta in hepate vasa suos effuderunt humores, qui corrupti stagnando vicina inflammant, tandemque post multas miseras toto hepate consumto certam mortem inferunt; prima hujus mali origo ab eadem causa pendet. Idem in omnibus aliis visceribus verum est.

Nullus videtur melior canon esse in medicina, quam ille, quod in curandis morbis temper ad causam primam, unde omnia reliqua fluxerunt, sit respiciendum: ex hoc fundamento enim solo certa, & valida auxilia deduci possunt. Qui ex debilitate natum hydropem, purgantibus emungendo corpus, curant, post paucos dies mirantur aequae temere omnia, dum omnia ruunt in flaccida haec

haec vasa, nihil fere de ingesto potu per sudorem vel diaphoresim, parum admodum per urinam, excernatur. Qui primam mali causam investigaverunt prudentiores, distendente saburra educta, fasciis laxum corpus stringunt, victu siccio, roborantibus remediis, corporis exercitiis, primam morbi causam, unde omnia fluxerunt, debellant.

§. 46. **I**N applicatione vero horum, praesens debilitas tarditatem jubet; nec enim alibi perniciosior mutatio subita.

Subitam mutationem inducere in omnibus morbis sapiens damnavit Hippocrates (q) dicens, *quod paulatim fit, tutum est, tum alias, tum maxime si quis ab altero ad alterum transeat*. Sed generalis haec regula imprimis in cura debiliū vasorum, & viscerum observanda est. Si quis in hoc casu vel medicamentis stimulantibus, vel motu musculari, humorum per vasa motum imprudenter nimis accelerat, debilia nimis viscera, & vasa, impetu augmentum dum sustinere non possunt, franguntur saepissime, & turpi errore pro remedio mortem infert Medicus.

Qui haemoptoe laborantem ex pulmonis debilitate validis exercitiis statim vellet curare, hoc efficere, ut accelerato sanguinis impetu, nondum consolidatum vulnus rumperetur denuo: hinc requiritur summa hic cautela, & prudens tarditas.

§. 47. **E**Rgo remedia [28.] lente, caute, a primo in ultimum gradum, adhibenda sunt. Quorum usu roboratis vas, motus validus muscutorum adhibeatur, donec omni effectu constet, satis compacta, solidata, & callosa evasisse Vasa, & Viscera.

Omnia jam, quae de curatione fibrae nimis debilis dicta sunt, hic forent rependi. Notandum maxime, per gradus omnia haec augenda esse, donec redeat sanitas. Si per motum muscularem volumus curare hos morbos, incipiendum est a lenissimo; dein sensim, & caute augemus, continuo respiciendo ad effectum observatum in corpore aegri ex hoc motu. Qui hydropicum factum ex sola debilitate vasorum validissimis vellet statim exercere motibus, suffocaret; sed prius imminuta copia aquarum distendentium, laxae partes fasciis firmantur, dantur remedia leviter calefacta, postea validiora, lenis imperatur motus, sensim augendo ad validissima exercitia ulques sic certo firmantur illa corpora, & morbus superabitur.

Sed non sufficit morbum superasse, debent etiam tolli causae, unde necessario rediurum praevidemus. Dum enim hydropici aquas evacuasit, reddidisti tantum corpus tale, quale erat, antequam hydropicum fieret sua sponte: hinc debent laxae tunc roborari partes.

Sed undenam novimus satis firmam jam esse viscerum, prius nimis debiliū compagem? Si calor per totum corpus sit aequabilis, & sanus; in debilibus enim calor deficit: si a potu ingesto non tumeat corpus in parte, vel in toto; sed

sed omnium maxime, si color sit vivus, & ruber in partibus illis, ubi vasa nuda, nulla cute reſta, conſpicua ſunt, in labiis, lingua, ſaucibus, gingivis, oculorum angulis: ex his enim tuto concludimus debitum jam adeſſe viſcerum, & vaſorum omnium robur.

Ubi jam eo uſque cura deduſta eſt, tunc non requiritur ulterior roboratio; nam induceretur oppoſitum vitium nimiae rigiditatis: ſed ſervandum eſt corpus in illo gradu acquiſiti roboris: ſollicite evitanda ſunt omnia illa, quae recenſita fuerunt inter cauſas nimiae debilitatis: niſi enim hoc fiat, cito redibit morbus. Hoc toties dolemus fieri in puellis a chloroſi curatis; dum nolunt abſtinere tepidis illis ſorbtitiunculis, & inerti otio corporis robur reſtauratum perdere malunt, quam exercitio ſanitatē tueri: ſicque ſummum Medicis taedium, ſibi ipsis tandem inſanabilem morbum parant.

§. 44. **H**inc patet, omnia, quae de facultate nutrimentorum traduntur, alias vera, alias falſa eſſe; Exercitia muſculorum roborare fibras; Exercitia veſtionis reſolvere coaſta, roborare laxa, nec diſpergere vires; ipſum ſanguinem, & cruorem in robuſtiſſimis eſſe maxime denſum, lentum, blandum; in teneriſſimis diſſolutum, levem, acrē; infinitos morbos, facie ſummiſſimos, una ſaepe radice haerere poſſe, eaque ſuccifa tolli.

QUAE DE FACULTATE NUTRIMENTORUM &c. Qui absolute de his ſcripſerunt, nunquam potuerunt vera dicere in omni caſu, quia alimentorum facultas non pendet ab alimentis ſolis, ſed omnium maxime a corpore, in quod ingeruntur (vide §. 25. n. 1.) Integrae nationes ſolis vegetabilibus, & aqua vixerunt incolumes; ſolis fere piſcibus, & aqua aliae gentes; omnibus fere limul miſtis, quae terra ſponte, vel arte protulit, quae animalium partes exhibere potuerunt, uti erudita gula docuit alios; & tamen ſatis ſani adhuc vixerunt omnes, vel ſaltem plurimi ex illis, nec nutrimenti varietas tam magnam differentiam attulit. Eſt enim in corpore humano ſano talis facultas, ut, conſpirantibus viſcerum, & vaſorum actionibus omnibus, ex diverſis indole ingeſtis fiat idem omni fere dote ſanguis humanus. Pro vario tamen vaſorum, & viſcerum robore nutrimenta ejusdem indolis nocere, vel prodeſſe poſſunt: fumo & ſale conditae carnes, cum pane atro duris aratoris viſceribus conveniunt: ſi carnum juſcula darentur tali homini, deſiceret prae languore: ſed haec debilibus adeo prolunt, & contra duri tales cibi nocerent ſummo pere. Qui copioſos cibos conſicere queunt, illis ſorbtiones ne dederis, cūm enim excludunt; qui vero non poſſunt, his dato. (r)

Nullum ergo alimentum univerſali titulo ſalubre dici poteſt: & qui rogat, quodnam ſit ſalubre alimentum, idem facit, ac ſi quaereret, quiſnam lit ventus ſecundus, non cognito itinere.

EXERCITIA MUSCULORUM &c. De his vide §. 25. n. 2. & §. 28. n. 2. Sollo motu enim muſculari, nimis exercitato, oppoſitus morbus nimiae rigiditatis

tis fieri potest. Quantum differunt carnes in stabulis faginati bovis a carnibus ejusdem animalis, quod aratrum ducens duro labore exlucca fere omnia habet!

EXERCITIA VECTIONIS &c. Motus musculares firmant corpus, sed fatigant; & quantum spirituum faciunt renasci, tantum perdunt: unde debilissimos his curare est impossibile. Hinc in debilibus substituuntur motibus muscularibus vectiones, & primo quidem lenissimae, dum funi insidentes aegri motu oscillatorio leni agitantur (f): his succedunt gestationes in lecticis; dein vectiones in carpentis molles, postea in curribus per strata viarum motis: tandem aegri tales equos concendant, & per varios gradus velocitatis quadrupedante cursu corpus firmant. Sic difficillimi curatu morbi sanantur, & omnes fere motus muscularis fructus habent aegri sine virium dispendio. Omnia autem haec imprimis triplici de causa profunt; 1. quia pendula viscera illis concussionibus agitata roborantur, & concreta partim his concussionibus, partim auctis valorum, & viscerum viribus, resolvuntur. 2. Quia faeces ex ultima digestionem residuae sic ex primis viis eliminantur in illis, quibus vis horum viscerum deficit: hinc prolunt imprimis una vel altera hora ante cibum ingestum. 3. Quatenus impetus, & efficacia aeris in pulmonum vasa sic augetur, & ambiens atmosphaera, calore corporis statim tepescens, renovatur assiduo; quod imprimis equitando obtinetur.

SANGUINEM, ET CRUOREM IN ROBUSTISSIMIS &c. Densum vocamus sanguinem, quando est maximi ponderis in data mensura: hoc autem pendet a pressione vasorum. Omnia fere quae assumimus, ut & inde paratus chylus, & lac sanguine sunt leviora. Sanguis extravasatus, a vasorum compressione liber, fit se ipso levior. Sanguinis ergo compactio, & soliditas eo majores sunt, quo vasa fortiora plus consolidaverint: hinc in morbis acutis, in quibus nimia actio vasorum est in contentos humores, sanguis fit ponderosior, fit densior. In fortissimis viris sanguis de vena secta, vel vulnere exiliens densus, & niger est: hinc Homerus, (†) ubi Ajax vulnerabat Hectorem, dicit: *ater exsiliabat sanguis*: & alibi (‡) heroum *Sanguinem atrum* dixit. Sed & simul adest tali sanguini *lentor*, quo concrevit statim in unam massam solidam. In sanguine arterioso in robustis hoc semper verum est: & post validos labores, vel in morbis acutis inflammatoriis, sanguis venosus etiam, sic concrevit illico fere. In tali sanguine simul obtinet haec conditio, ut oculo sano immixtus nullum dolorem faciat: adeo *blandus* est sanguis sanus, aliquid lenissimi subfalsi habens, sed dilutum valde; sic ut nulla acrimonia laedat partes acutissimi sensus: omnia enim, quae nimis acria fierent in sanguine, eliminantur de corpore, per vesicam, alvum, sudorem &c.

IN TENERRIMIS DISSOLUTUM &c. Sanguis sani hominis difficulter examinatur hydrostatice, cum statim concrevat, & liber a pressione vasorum, rarefiat illico. Ut aliquam tamen, licet non omnino accuratam (ut ipse fate-

tur

(f) Mercurialis de arte Gymnastica pag. 217. (†) Iliad. lib. VII. pag. 124. *μῆλας ἄτερ ἔσσιλιν ἀναι*. (‡) ibid. pag. 26. *τῶν γὰρ αἵμα κραινὸν ἔσσι*.

tur) hujus rei notitiam haberet Boyleus (x) excepit phiala oblonga fani hominis sanguinem: cum jam quietus stagneret, & bullulae evanuiscent, admirante notavit altitudinem: postea eandem phialam, eloto prius sanguine, replevit aqua ad eandem altitudinem; tuncque invenit, sanguinem fani hominis superare aquae gravitatem specificam circiter una vigesima quinta parte: sed ex paulo ante dictis constat, ex ingestis vi vasorum, & viscerum sanguinem fieri solidiorem, ergo & ponderosorem ingestis ipsis: hinc ubi in tenerimis hominibus illa vis languet, minus consolidatur sanguis; hinc dissolutus magis, & levis, tandem in aquosam tenuitatem degenerat. Docet id ex sola inertia, & debilitate natus hydrops.

Sed plerumque nimiae sanguinis tenuitati comes est major acrimonia: unde tenerimis illis faciles erosiones debilium vasorum: unde haemoptoe, & similia mala. Hinc illis tam frequentes acres illi, & falsi catarrhi.

INFINITOS MORBOS &c. Dum liquida humana per canales proportionalis diametri fluunt, & singulae series decrecentium liquidorum per sua vasa feruntur, omnes omnium vasorum, & viscerum functiones illibatae sunt. Dum debilitata, ab impulsis liquidis nimis dissenta, alienos humores admiserunt, turbantur omnia; hinc infinitorum morborum origo a simplici hac causa pendere potest; omnesque inde orti morbi, restituto naturali vasorum robore, tolli possunt. Unicum sufficit ex innumeris, quae adduci possent, exemplum. Naturaliter adnata oculorum tunica sanguinis rubri in suis vasis nihil habet: hacce vero laxata a quacumque causa sanguis ruber ingreditur, & ibi haeret; facitque ophthalmiam, in initio saepissime aquae frigidae applicatione sanabilem, dum hoc frigore stricta vasa repellunt ingressum sanguinem rubrum, cum in hoc casu emollientia, & laxantia applicantur, augetur saepe malum.

Hinc apparet, quantum usum habeat consideratio simplicis talis morbi, cum viam paret, ut intricatissimi alii, ab eadem origine pendentes, cognoscantur, & curari possint.

§. 49. EX iisdem cognitio, & curatio laxitatis Vasorum, & Viscerum habetur.

Cum laxitas sit debilitatis species, uti antea dictum est, omnia prius enarrata conveniunt.

(x) Hist. Sang. Humani pag 12.

MORBI VISCERUM FORTIUM, ET RIGIDORUM.

§. 50. **R**igiditas nimia Vasorum, & Viscerum nominatur illa partium [23. 38. 39.] haec componentium cohaesio, quae non cedat illi motui, qui illa mutare, & movere debebat, ut fierent ea, quae Sanitatis, & Vitae tempore ab hac mutabilitate fluebant.

Omni vitae nostrae tempore corpus mutatur in suis vasis, dum haec nunquam binis momentis maneant in eadem amplitudine, sed nunc distendantur vi impulsu a corde liquidi, nunc contrahantur in minorem diametrum suo robore. Requiritur ergo talis cohaesio partium, constituentium haec vasa, ut cedere possint: ubi haec cohaesio tanta est, ut non cedant omnino, vel non satis, morbus est nimiae rigiditatis in visceribus, & vasis.

Quid viscera sint, dictum jam fuit §. 41.: & notatum fuit ibi, quod omnia viscera omnes suos effectus singulares faciant per vasorum, quibus constant, fabricam: sed omnia vasa tantum agunt in fluida contenta, quantum reprimunt, & nituntur minuire suas diametros: & ubi semel contracta fuerunt ad minimam suam diametrum, tunc vis haec quiescit, nec agit iterum, nisi ab impulso liquido distendantur rursus vasa. Requiritur ergo in vasis talis flexibilitas, ut cedere possint, & expandi ab impulso liquido; dein, cessante vi impellente, rursus se contrahere.

Sed praeterea requiritur, ut in singulis visceribus, quae sua fabrica praeparatos liquores secernunt per emissaria, ultimi canales secretorii habeant certam, & determinatam amplitudinem, nec dimittant illa, quae retineri debent; aut retineant secernenda: a iusto hoc moderamine tota vita, & sanitas pendet.

In variis jam corporis visceribus varia requiritur vasorum flexibilitas: longe maior certe in corticis cerebri arteriis, quam in renum secretoriis vasculis: hinc iterum nihil hic generaliter definiti potest, sed tantum cum limitatione ad varios usus, quos vita sana requirit.

§. 51. **O**ritur 1. ab omni causa fibrae nimis rigidae [32.] 2. maxime a fibris, valida vi propulsi liquidi vitalis admodum compactis ad se mutuo. 3. ab adunatione canalium minorum orbatorum suo liquido per violentam pressionem, qua vitale liquidum arteriosum canalium majorum latera premit, cuius maxima effectrix causa est valde exercitatus muscularis motus. 4. ab concreto vase in unum solidum cum proprio liquido stagnante, exsiccat, coagulato.

1. De his dictum fuit §. 32.

2. Licet in liquidis forent partes, restituendis elementis, per sanitatis actiones detritis, & deperditis, aptae; requirebatur tamen [ut in cura fibrae debilis dictum] applicatio harum per propullum liquidi vitalis ad loca debita, & quasi appressio ad alia elementa, quae quo validior erat, eo firmitior fibrae inde natae, vel restitutae fabrica. Eadem jam haec vis, quae elementa fibrarum inter se compingit, fibras, ex his adunatis factas, fortius ad se invicem apprimat, & plus cohaerere facit.

3. De hac re §. 39 n. 1. dictum fuit. Maximi enim canales habent suas membranas contextas ex minoribus: sed minimi canales per cordis vim longe minus distenduntur, quam majores, in quos primo quali impetu, & integris suis viribus cor agit: hinc majoribus canalibus distentis, minora vascula, majorum canalium membranas constituentia, complanantur, & impervia fiunt; unde concrefcunt, & inde augetur robur. Motus jam muscularis valde exercitatus, velocius movendo sanguinem venosum versus cor, illius motum auget: hinc major impetus imprimis in maxima vasa, & hinc omnia illa dicta sequuntur. Haec imprimis ratio est, quare debilia corpora motus muscularis tam pulchre roborat.

4. Dictum fuit de hoc §. 39. n. 2.

§. 52. **U**bi obtinet in vasis, producit effectus: 1. similes, vel eosdem iis, qui a fibra nimis rigida [33.] 2. facit in vasis validum nixum, quo fibrae conantur se applicare ad axin sui canalis; arctare cava sua; premere, comprimere, repellere, expellere sua liquida; hinc eorum motui a corde, adeoque & corde resistere; vix dilatari; hinc interrompere aequabilem sanguinis motum, adeoque omnium secretionum; minuere copiam sanguinis aliter uno ictu ex corde expellendi; impedire cordis evacuationem perfectam, polypos sanguinis producere; fluidum comprimendo, & a fluidissimis spoliando, id condensare, suffocationes, mortem creare. 3. vulneratis vasis magnos hiatus creat per vim magnam, qua trahuntur in sua sustentacula partes vasorum; discissis integre cavitates minuit extremas, vel claudit.

1. De his actum est.

2. In canali conico linea ducta ab apice ad centrum basis dicitur axis. Dum canales nostri flexiles distenduntur ab impulso liquido, sunt in statu violento, & fibrae longitudinales, in arcum distentae, nituntur redire in pristinam longitudinem: fibrae orbiculares distractae nituntur redire ad minores diametros. Utraque hac actione latera canalis propius accedunt ad axim: haecque est sola actio canalium nostrorum, quatenus nempe fibrae distentae nituntur se restituere. Quo jam firmitior fabrica, & major elasticitas est horum laterum, eo validior hic nixus est, ut evidenter patet.

Sed dum latera canalis ad axim propius accedunt, necessario minuitur Ca-

vitas

tas: ergo premitur liquidum contentum; & cum liquidum non possit tam cito exprimi per convergentes arteriarum fines, nec retro pelli in cor (obstant enim aortae valvulae) hinc comprimitur, reprimitur, & condensatur; omne enim porosum, & simul flexile corpus in tanto minus spatium redigitur, quanto major est vis comprimens. Haecque videtur esse ratio, quare chylus, & lac, leviora semper sanguine, repetitis vasorum nostrorum actionibus compressa, mutantur in sanguinem solidum, & compactum.

Sed omnia, quae ingrediuntur corpus nostrum, nova liquida, sive ex cibo, & potu, sive per bibula vasa in tota corporis superficie, semper per venas ingrediuntur: hae dilatabiles facile admittunt omnia. Postquam autem haec ingressa sunt arterias, si in his robur supra sanitatis vires increverit, statim distant de corpore: hinc intelligimus, unde homines macilenti, & fortes comedant duplo plus saepe, quam obesi, & otiosi, nec tamen pinguescant, licet parca copia tantum alvum deponant. Ingesta quidem in his ingrediuntur venas lacteas, dein cavam venam, corque dextrum; sed in pulmonis arteriis, & postea per totum systema arteriorum reliqui corporis sic attenuantur, ut per ultima exhalantia corporis vasa dissilari possint, sicque evanescant.

HINC EORUM MOTUI A CORDE &c. Maxime notandum, quod, licet majus robur accedat arteriis, ideo non statim debeat oriri cordi nimia resistentia; nam aucto arteriarum robore, cordis vires augentur: influxus enim venosus sanguinis in cava cordis, trajectio sanguinis arteriosi per cordis substantiam, influxus spirituum in villos musculolos cordis, sunt causae, a quibus motus muscularis cordis pendet. Sed dum aorta validiori vi se contrahit, sanguinem majori celeritate pellit per arterias coronarias in cordis substantiam; simul validiori vi per carotides, & vertebrales sanguinem cerebro, & cerebello applicat; unde major spirituum secretio: deinde ex arteriis in venas sanguinem velocius promovet, sicque sanguinem venosum celerius movendo cor irritat: omnes ergo causae motus muscularis cordis augentur, aucto robore arteriarum.

Quandiu hoc manet aequilibrium, summa permutatio, & celerrima conversio ingesta in naturam nostram fit; magna conciliatur sanguini soliditas: sed nondum inde sanitatis detrimentum. Ubi vero robur arteriarum eo ulque increvit, ut vix pauantur se dilatare; tunc omnia illa mala hic recensita fiunt. Dum enim non dilatantur arteriae, non contrahuntur postea: sed contractio arteriarum praecipua causa est, quae sanguinis motum per vasa facit; cordis enim actio tantum sere dilatat arterias, & in illis dilatatis locat contentum in cavis suis sanguinem: momento post contractae arteriae contentum sanguinem propellunt. Hoc evidenter apparet, dum arteria major vulnerata sanguinem fundit: nunquam enim uno impetu profluit, sed per subsultus: longe minori celeritate exit, quando cor contractum arterias dilatat; longe majori impetu, dum arteriae contrahuntur, & cor est in diastole.

Ubi ergo a quacumque causa tanta fit rigiditas vasorum, ut non patiantur se dilatare, vel saltem non satis, tunc cordis vires non valent expellere contentum in cavis suis sanguinem, tunc cor mirabili quasi tenefino irritatum nititur pluribus ictibus facere, quod unica contractione non potuit; hinc palpitatio cordis, & interruptus pulsus in summo senio toties observata: nam in valde

longaevis vasa majora circa cor cartilaginea, imo ossea, aliquando inventa fuerunt; ut testantur observationes Medicae. Cordis jam motu turbato omnia turbantur in corpore: illud enim sors, & origo motus est. Hinc nulla secretio, nulla excretio manet talis, qualis antea fuerat: sed dum in cordis cavis, & in sinubus, & auriculis incipit haerere sanguis, nascuntur

POLYPI, a Polypo pisce sic dicti, qui plurimis cirris se vicinis affigit morbus frequentissimus, latens admodum, & rebellis.

Malpighius in tractatu de Polypo cordis primus fere obscurae hactenus Polypi historiae lucem affudit, & demonstravit, unde polypi in corde, & majoribus vasibus origo deducatur.

Sanguis enim sani hominis vena missus lentescit statim, & incipit facere crustam concretam, quae repellit a se liquorem flavum fluidum. Massa haec magis, & magis concrefcit, & innatat liquidiori parti expressae; concreta deinde aqua pura lota albescit, fibrosa apparet, discissa exhibet cellulas, ichore rubello plenas.

Experimentum Ruyschii [§. 39.] ante memoratum docet, quomodo semel incipiens nasci talis concretio, ex reliquo sanguine trahat similes partes; & ex illis adunatis fiat membranae quasi species.

Sanguis ergo sani hominis, ut constat ex his experimentis Malpighii, & Ruyschii, constat binis talibus partibus, quae se mutuo repellunt, sed motus vitalis haec miscet inter se: hinc simul ac sanguis in homine vel sanissimo in vasibus magnis aliquandiu quiescit, aut tardius motus copia nimia aggregatur in vasibus distentis, disponitur ad coagulationem flocculentam: flocculi sic nati concrefcunt inter se, sibi quae assimulant, & quasi attrahunt similes partes, & faciunt sic polyposas massulas, quae continuatione ejusdem causae crefcunt saepe in immanem magnitudinem, & vasibus ipsis, cordis columnis, auriculis &c. accrescunt; ut docuerunt in cadaveribus factae observationes [y].

In jugulatis animalibus omni sanguine emisso, circa solum cor dextrum paululum adhuc sanguinis haeret, in massulas oblongas polyposas concreti: hincque apparet ratio, quare post ingentes sanguinis jaecturas polypi saepe circa majora vasa concrefcant, postea miserimos inducentes morbos. Vidi sic foeminam, cui per abortum tanta facta fuerat sanguinis jaectura, ut pro mortua deponeretur; revixit postea, satis commodè se habens dum quiesceret; si vero minimum moveret corpus, mox anxietas intolerabilis, & subitanea omnium virium prostratio, anhelatio miserima, donec quiete sensim rediret pacatior status: sic jam per decem annos haeret lectulo affixa. Videtur in hac foemina idem factum fuisse, ac in jugulatis animalibus, factas nempe polyposas concrectiones lente motum sanguinem transmittere, & viam pracludere celerius moto.

Apparet hoc evidentissime in syncope: quando enim in syncope delapsi vita redit, suspirant, anhelant; concrefcens sanguinis polyposi flocculi in arteria pulmonali, ex ingenti capacitate in tam minutas angustias statim abeunte, sistuntur; contractione cordis, & arteriae pulmonalis, respirationis molimine tunc semper aucto, eunt, redeunt; & aliquando solvuntur: qui autem

saepius

[y] Abrègement Tom. III. pag. 70. Malpigh. de Polypo, & passim apud Observatores.

saepius syncopen patiuntur, nato jam polypo tota vita cordis palpitatio-
nibus obnoxii manent.

Milum hoc frequentissimum foret mobilissimis puellis, quae ab animi
affectu validiore statim animo deficiunt, nisi illarum sanguis vitium oppo-
situm polyposae concretioni haberet: in illis enim, quibus validae vires
sunt, & actiosa vita, sanguis majorem vim concresecendi habet; hinc re-
quirir motum perpetuum, & aequabilem, ne concreseat.

A polyposis autem illis concretionibus, vel in cordis ipsius cavis, vel
circa vala majora natis, oriuntur tam anomala, tam tetra symptomata, ut
causis majoribus adscripta fuerint saepius. Concretio talis polyposa ovi col-
umbini magnitudine, nullibi accreta, sed libere haerens in finitri cordis
cavo, horrenda mala produxit (7).

Angusta spes curae est in polypo confirmato. Jaetantur plurima remedia;
proflunt fere nunquam. Totum autem, quod sperari potest, est, ut redda-
tur sanguis dilutissimus, ab omni concretionem maxime alienus; id est, in-
ducatur per artem cacoehymia nimis diluti sanguinis, ne augeri possit po-
lypus novae materiae appositione; sed tritu omni momento vitae praeterla-
bentis sanguinis deteratur sensim.

3. Si nulla foret in partibus nostris solidis contractilitas, vulnus infictum
non haberet majorem hiatum, quam est crassities instrumenti laedentis: sed
videmus vulnera, vel acutissima novacula inficta, paulo post hiare: vis
enim illa, qua cohaerent partes firmae inter se, facit retrahi utraque ex-
trema. Quo ergo haec vis est major, eo plus recedent partes discissae a se
invicem. Cum vero integre discissa sunt vala, eadem haec vis extrema vasorum
retrahet, & occultabit sub aliis partibus; sicque in hoc casu haemorrhagiae
faciliter sistuntur in robustis, quam in delilibus, quia & vis contractilis
orbicularium fibrarum in arteriis robustorum fortior est.

§. 53. **E**X his (31. 32. 33. 34. 35. 36. 37. 50. 51. 52.) accurate
perspectus clara habetur doctrina, qua noscitur prae-
terita, praesens, futura, agens, & actura vasorum rigiditas,
elasticitas, vis, curatio.

In praecedentibus Capitulis explicata fuit methodus, quomodo diagno-
sis morbi praesentis, anamnesis morbis praeteriti, prognosis futuri, & effe-
ctuum inde sequentium; tandemque indicatio curatoria inveniri possint
§. 27., & 34.

§. 54. **E**Am enim efficiunt 1. remedia curandae rigiditati fibrae
propria [35]. 2. illa maxime, quae liquidi vitalis co-
piam, densitatem, pressionem minuunt. 3. quae motum muscu-
larem suspendunt. 4. ea, quae humectant, leniunt, emolliunt,
diluunt, resolvunt, abstergunt.

E 2

1. De

1. De his dictum fuit.

2. QUAE MINUUNT LIQUIDI VITALIS COPIAM.

In fibra nimis rigida curanda solum considerabatur solidum : in visceribus, & vasis nimis rigidis curandis ratio haberi debet & solidorum, & fluidorum simul. Inter causas nimis rigidorum viscerum §. 31. recensita sunt valida vis propulsi liquidi vitalis, compingens ad se invicem fibras. Liquidum autem vitale vocatur, quod corde expellitur, & in cor refluit. Sed quo plus hujus liquidi vitalis, manente vita, auferatur, eo minor fit solidarum partium actio, & attritus ad fluida contenta; id est, minuitur vitalis circuitus humorum vehementia: minuta enim copia vitalis liquidi, non redit ad eam quantitas. Sed sanguinis per venas allati, in cava cordis influxus inter causas motus cordis excitantes merito numeratur, ut ante dictum fuit [§. 28.] & alibi jam facpius: ergo minuitur cordis contractio muscularis in suo robore, & velocitate. Docet hoc evidenter venae sectio, quae furentem in morbis acutis nimio impetu vitam sic potest compescere, ut incipiant omnia remittere, languere; imo ad animi deliquium deducta hac evacuatione in acutis continuis, ubi valida aggrontantis vires sunt, saepe illico tollitur febris: ut Galeno, sic febrem curanti, adstantium quis dixerit: *o homo jugulasti febrim* (a).

Sed jam antiquis temporibus disputaverunt Medici, quomodo deberet in morbis tolli illa copia nimia vitalis liquidi: simplicissimus, & naturae, toties haemorrhagiis excitatis morbos sanantis, familiaris modus videbatur aperto vase per venae sectionem minuere copiam: sed Erasistrati sectatores damnabant venae sectionem, & exsuperantem sanguinem tolli posse volebant inedia, quam triduanam imperabant aegris suis: famosa illa *diuturnitas* ab Hippocrate in libro de victu acutorum morborum fuit proscripta. Integrum librum Galenus (b) scripsit, ubi & argumentis, & rerum experientis, hanc sententiam refutavit; licet postea a Chemicis quibusdam infeliciter refutatum.

Dum enim per inediam humorum copiam minuere volunt, diffantur subtilissima; crassissimi humores in vasis maximis eo plus condensantur; & simul omnia in putridam acrimoniam disponuntur: venae sectio vero crassissimam humorum nostrorum partem, sanguinem rubrum nempe, educit, viamque facit diluentibus ingessis.

DENSITATEM. In homine sano sanguis semper densitate aquam superat; & dum in aquosam tenuitatem incipit degenerare sanguis, perit omne robur: docent hydropici. Ubi ergo nimium robur in vasis, & visceribus peccat, depletis per venae sectionem vasis, &educta densissima sanguinis parte, ingeruntur aquosa; serum lactis, pitinae hordeaceae &c.: in quibus aqua praedominatur; ut his repleta vasa debilitentur, & quasi dispositio ad hydropem inducatur. In morbis acutis Hippocrates iolis sere aquosis in victu agrorum usus est.

PRESSIÖNEM. Omnia ingesta alimenta, & potulenta sanguine sunt leviora: vis ergo vasorum haec continuata actione compingit, & consolidat in

(a) Method. Medendi lib. IV. cap. 4. Charter. Tom. X. pag. 206.

(b) De venae sectione adversus Erasistratos Charter. Tom. X. pag. 405 &c.

in bonum sanguinem. Quo haec vis vasorum minor est, eo minus compactus ex ingestis nascitur sanguis: docent debiles puellae, quibus subrubellus ichor quasi per vasa fluit, non solidus sanguis. Quo jam vasa pleniora sunt, eo major compressio liquidorum valis contentorum: cordis enim vis, projiciens sanguinem in arterias jam valde distentas, debet comprimere plus sanguinem in arteriis, ut locare ibi possit contentum in suis cavis sanguinem: hinc dum minuitur haec vasorum plenitudo, minuitur & haec pressio causa. Quo jam densiora sunt liquida nostra, eo majori impetu in vasa nostra agunt; cui actioni in sanitate aequalis est vasorum reactio in liquida. Dum ergo minuitur liquidorum nostrorum densitas, minuitur etiam pressio, ut patet. Quo jam celerior est propulsio sanguinis per vasa, eo saepius, eodem dato tempore, applicantur causae condensantes nostris liquidis: hinc in omnibus morbis, in quibus nimius vitae impetus peccat, summam quietem imperavit sapiens antiquitas. Minuta ergo copia, minori conciliata densitate liquidis, minori motu fluidorum per vasa, minuitur pressio; & quod inde necessario sequitur, nimium robur vasorum, & viscerum praefens tollitur, vel futurum praecavetur.

3. Quid motus mulcutorum valeat efficere dictum fuit §. 28. n. 2. §. 37. §. 43. n. 3. §. 48.

4. QUAE HUMEKTANT. Quidnam vocatur humectare in Medicina? Corpus humanum replere pluribus, quam haecenus habebat, liquidis; & simul sic disponere, ut plus, quam solebat antea, retineat: haec duo simul faciunt humectationem. Dum enim ingeritur aqua, non mansura in corpore, perluitur corpus, non humectatur. Aqua tepida pota laxat omnia vasa, sed cum farinosis cocta longe plus emollit, & humectat, sicque efficit, ut repletioni minus resistent vasa. Hoc totum jam verum est respectu solidarum corporis partium; sed ratione fluidorum difficultas magna manet: sanguis enim humanus per vim nimiam vasorum in fluida incipit coire in spissitudinem inflammatoriam; tuncque non facile miscetur aquae ingestae; sic saepe in morbis acutissimis observatur, largam copiam aquae epotam per urinas, & sudores statim dilabi, & post paucas horas urinam esse aequae rubram ac ante, nec levare symptomata. Videtur tunc aqua fluxisse quidem cum sanguine per vasa, non autem cohaesisse sanguini iuxta miscela, sed mox secessisse. Tunc saponem blandissimi, aquae misti, ut sunt omnes succi fructuum horaeorum, oleum mollissimorum, mel, manna, saccharum &c. sic dividunt nimis primum in concretionem sanguinem, ut aquae facilius fiat, & magis durabilis, miscela cum sanguine.

Remedia jam humectantia in materia medica descripta sunt; in quibus omnibus semper praedominatur aqua. Ad sunt simul talia, quae aliquid glutinosi lentoris addunt aquae, nimis cito praeterlapsum; ut sunt omnia farinosa, omnes herbae emollientes. Adduntur & saponacea, quae dividunt nimium sanguinis lentorem: sed imprimis laudabantur pro hoc scopo decocta cancerorum fluviatilium in Graecia, ad siccos illos marasmos ab Hippocratis temporibus jam adeo laudata. In Italia viperinarum carniū decocta tanti sunt. Forte hic decocta auguillarum substitui possent: in his enim omnibus est subviscosus,

humectans, blandus succus, qui plus facit in exsuccis illis corporibus, quam fere sperari posset. Si his decoctis, ex se fatuis, gratis oleribus additis concilietur saporis gratia, summum habetur remedium.

LENIUNT. Quae lenientia dicuntur, sunt talia vel respectu solidorum, vel respectu fluidorum: respectu solidorum lenientia dicuntur, quae nimiam rigiditatem tollunt; respectu fluidorum, quae omne acre stimulum obvolvunt, & inviscent; qualia sunt omnia recensita statim.

EMOLLIUNT. Quae lenientia dicuntur ad emollientium classem pertinent, hac tamen cum diversitate, quod emollientia respiciant tantum solidas partes, lenientia & fluidas, & solidas partes simul.

DILUUNT. Diluere tantum de liquidis dicitur: his vero dilutis solida laxantur. Sed quid diluit? certe aqua unicum proprie diluens est respectu nostri sanguinis; & reliqua omnia, quae diluentia dicuntur, tantum ratione aquae agunt. Salia quidem attenuant, & resolvunt, non diluunt tamen. Spirituosa omnia potius coagulant nostros humores. Aqua autem frigidissima, aequae ac fervida, sanguinem coagulat: hinc sola tepida dat optimum diluens. Haec jam aqua tepida potest omni modo applicari corpori nostro per balnea, vapores, clysmata, somenta &c.

RESOLVUNT. Nimum robur fieri dictum fuit, concretis multis vasis, antea perviis: hinc resolutentia, respectu solidarum partium, deberent habere talem potestatem, ut vasa concreta redderent iterum aperta: hoc vix videtur fieri posse, vel saltem non facile. Sed resolutentia respectu fluidorum sunt omnia illa, quae partes olim fluidas, nunc concretas, iterum solvunt in illas moleculas, ex quibus constabant ante concretionem. Haec autem dividunt concreta vel insinuatione suae molis inter partes cohaerentes, vel stimulorum instar vasorum vim augent, unde major attritus, & saepe divisio concreti: aliquando utrisque his viribus simul conspirantibus agunt.

Sanguis ruber, dum fluit per totum corpus, debet transire per vasa, quorum diameter decimam partem crassitiei capilli non superat: sed sanguis ille, extra corpus dimissus sic concrevit, ut per maximos canales transire non posset: jam resolvens diceretur illud, quod sanguinem concretum posset iterum dividere in particulas adeo parvas, ut per vasa illa minima posset transire.

Prout jam sunt varia genera concrementum humorum, diversa etiam requiruntur resolutentia: quorum praecipua in Materie Medica ad hunc numerum sunt recensita.

Diluentia aquosa enim solvunt omnia mucosa, glutinosa, gummosa, saponacea &c. plurima autem sunt per aquam non resolvenda: sanguis enim noster in aquam tepidam dimissus a concretionem non impeditur.

Salina solventia pleraque, recensita in Materie Medica optime hoc munus absolvunt: inflammatorii concretionibus resolvendis sales neutri optime conveniunt; maxime nitrum, & ejus praeparata pleraque, quod sale marino levius, faciliusque superandum a natura humana, tam pulchro usu in omnibus fere morbis acutis adhibetur. Sales alcalini ad glutinosas lentas concretionem magis laudantur &c.

Sapo-

Saponacea, mitissima imprimis illa ex saccharo, melle, succis &c., sine ullo fere molimine, sine ullis turbis, plurima concreta solvunt: fortiora illa, & chemica acriora, simul excitato majori motu agunt.

Haec omnia autem maxime adjuvantur frictionibus, dum alterna pressione, & relaxatione vasorum resolventia, sanguini mista, teruntur quasi cum concretis fluidis. Sic certe post balneum vaporis moderata frictio, simul interne solventissimis remediis adhibitis, saepe duros glandularum tumores dissipavit, qui resolvi posse vix credebantur.

ABSTERGUNT. Dum viscosum, vel glutinosum aliquod tenacitate sua apprehendit superficiem vasis, & meatus naturales obstruit, si hoc aufertur, dicitur deterfa esse illa pars corporis. Hinc abstergentia sunt resolventia concreti, imprimis saponacea omnia. In illis autem vasis, per quae rapidissimus est humorum motus, non facile inveniuntur talia viscosa vasis adhaerentia, sed in ultimis vasis, vel in receptaculis, ubi colliguntur humores in proprios usus, occurrunt talia. Magnus tamen error foret credere, omnia talia viscosa esse semper morbosa: certe totum os internum, oesophagus, ventriculus &c. tali obidentur muco, quo deficiente pessimi oriuntur morbi: Ad classem abstergentium pertinent omnia, quae diluunt, quae resolvunt; omnium maxime saponacea. Illa autem nimiae rigiditati vasorum, & viscerum curandae profunt, quatenus, obstaculis remotis, per vasa patula liberimus fit humorum transitus: unde aequabilissima facta circulatio non compingit adeo ad se invicem solidas partes, non condensat tanta vi humores.

§. 55. **E**X hisce omnibus [ab 21. ad 55.] morbi Partium Solidarum proprii intelliguntur, curantur; & ex iisdem elarescit, quid respondendum his quaestionibus: Quae diversitas structurae partium solidarum in aetate diversa? Cur homo crescit, perstat, decrescit? Cur in utero materno omnium ocyssime augeatur? Cur laxus, fortis, rigidus fit? Cur humidus, plenus, siccus? Cur morte naturali, vel fato senili, moritur? & quo tum morbo? quinam morbi plerumque singulae aetati proprii? quis victus, quae vita, quae medicamenta, cuique tempori vitae commoda? quatenam fides, quae utilitas doctrinae de stricto & laxo in solidis? Unde desumenda nota certissima iustae mensurae Laxi, & Stricti in homine? &c.

Ex haecenus dictis omnes morbi solidarum partium intelligi possunt, & explicari: pendent enim omnes a mala cohaesione partium, & ex hac doctrina plurima sequuntur, & maximi usus, in Medicina; facili enim sequitur responso ex praedictis ad sequentes quaestiones.

QUAE DIVERSITAS STRUCTURAE &c. Quo propius origini suae est corpus humanum, eo pluribus vasis, fibris, & membranis simplicibus, constat; eo facilius cedunt vasa liquidorum impulsui; eo major proportio encephali, & nervorum

vorum inde: productorum ad reliquas partes. Si recens nati corpusculum lustratur undique, omnia pulposa, mollia, humida sunt; volae manuum, pedum plantae, ubique in omni puncto per minima vascula exhalantia humido madent; nihil sicci, nihil callosi invenitur; sensim facto aetatis augmento plurima ex minimis vasculis incipiunt consolidari: sic vasorum numerus minuitur, solidorum augetur robur; donec tandem in ultima senectute dura accedat exsucco corpori callositas, & minimorum vasorum plurimorum abolitio: unde omnes actiones, quae pendunt a subtilissimi humoris per minima vasa motu, in senibus incipiunt deficere; & solida omnia nimis rigida facta resistunt magna vi fluidis impulsis.

CUR HOMO CRESCIT? Dixerat Hippocrates (c): *Partes autem simul omnes discernuntur, & augentur, neque una prior altera, neque posterior: majores tamen natura minoribus priores conspiciuntur, quum priores non existant.* Dum enim generationis animalium mirabilem historiam, quantum per fidelissimas observationes hodie cognoscitur, consideramus, videntur in embryone partes praeesistentes explicari in majorem molem. Idem & in plantarum propagatione constat, ubi in foecundo semine integra plantula convoluta latet, sensim explicanda. Dum ergo tenello embryone pleraque vasa intorta, & convoluta jacent, oritur resistentia liquidis per haec vasa propellendis; sed liquida pulsa per canales, cum renixu quodam contra hunc motum facto, conantur distendere hos canales, & simul producere latera canalium juxta longitudinem: hinc elongantur omnia, & fit incrementum. Ubi vero, explicatis omnibus vasis, minor fit resistentia liquidis propulsis, fit liberrima circulatio per omnes canales; tuncque cessat illa productio canalium secundum suam longitudinem, quia jam liberrime perfluunt liquida, & vitali motu [ut ante demonstratum est] consolidata canalium latera non patiuntur se distrahi ulterius ab eadem vi: tunc corpus

PERSTAT. Dum copia, & impetus humorum ex corde pulsorum aequilibrantur viribus solidorum resistentium: corpus enim humanum non desinit crescere, quia solida extendi non possunt; sed quia explicatis vasis omnibus liberrima circulatio efficit, ut minus urgeant liquida suos canales: quacumque enim de causa nato obstaculo circa quaedam vasa (etiam in corpore jam adulto) velocitate, & copia humorum manentibus iisdem, videmus partes increcere. Docet hoc uterus gravidarum in tantam molem expansus; hepar, & lien obstructa in immanem magnitudinem excrecentia; cutanea vascula invisibilia a comprimente atheromate vicino insigniter aucta (d).

Fortè a tali latente causa mirabile saepe quarundam partium augmentum. Puellam novi, cui lingua immaniter aucta, extra os infra mentum pendula est, deglutitione, loquela, gestu integerrimis.

DECRESCIT. Inevitabili vitae sanae effectu sensim nascitur tale robur in vasis omnibus, ut incipiant nimis resistere liquidis impulsis. Hinc sensim contra-

hun-

(c) De victus ratione sanorum Lib. I. cap. 9. Charter. Tom. VI. pag. 455.

(d) Simson the System of the vvomb, pag. 24. 25. &c.

huntur omnia; totum corpus aridum, & exsuccum fit; omnis fere pinguedo confumitur, quae tam magnam partem corporeae molis humanae facit; hinc in senum manibus, omni fere pinguedine evanida, nudas quasi tendinum chor-
das videmus: mirabilia illa ligamenta, interi corpora vertebrarum media, eva-
nescent saepe sic, ut fiant nulla, & vertebrae vertebrae tangant: unde minui-
tur corporis proceritas, incurvatur spina dorsi antrorsum, gibbosi fiunt se-
nes, & vera silicernia, tandem senili marasmo pereunt.

CUR IN UTERO MATERNO &c. Rem se sic habere certi sumus: ex in-
visibili enim molecula intra novem menses crescit infans, ut sexdecim libra-
rum pondus saepe aequet, imo exsuperet aliquando. Ratio videtur haec ef-
fe: tenerrima sunt vasa, corculo valide moto valde propinqua, convoluta,
plurima magis resistunt liquidis impulsis; hinc plus elongantur, & distendun-
tur; totus embryo sovetur assidue tepenti calore liquoris amnii: hinc om-
nia servantur laxissima; nutrimentum materni corporis viribus praeeparatum
affunditur continuo, distribuitur aequabilissime.

CUR LAXUS. Si otio ignavus torpeat homo, somno indulgeat, molliissimis
simul utatur cibus, tumebit inertis mole corpus, vires tamen non adeo in-
surgunt, vasa non satis consolidantur: hinc facile distendenda cedunt li-
quidis replentibus.

FORTIS. Dum liquidorum vis praevallet vasorum firmitati, corpus tumet,
& laxum est: dum corporis exercitiis roborata vasa liquidorum impetum
sustinent sine dilatactione nimia, & vasorum robur fluidorum copiae, &
motui aequilibrata vi resistit, tunc fortis dicitur homo; in quo firma cohae-
sio solidarum partium, & debita humorum densitas.

RIGIDUS. Si eadem causae pergant agere, quae corpus reddiderunt
forte, tandem illud facient rigidum: aetas sensim tenellum recens nati ho-
minis corpus firmat, corporis exercitia robur addunt vel debilissimis; pro-
vectior aetas omnia callola rigida facit; nimii labores praeproperam se-
nectutem faciunt.

CUR HUMIDUS. Omnes venae nostrae facillime dilatibiles replentur ab
ingestis novis liquidis; sed arteriarum firmitus robur expellit iterum ingestos
liquores: homo enim sanus, & fortis incredibilem copiam aquae potare po-
test, quae omnis recepta venis cordi traditur, per arterias dein distributa ex-
pellitur de corpore; sequenti enim die pristinum pondus recuperat. Ubi er-
go talis in arteriosis vasis est debilitas, ut venis receptos humores nec mo-
veant satis, nec expellant superfluos, tunc accumulatur liquida, & praeva-
lent solidis, humidamque dictam temperiem inducunt.

PLENUS dicitur homo, quando vasa ejus plus repleta sunt bonis humo-
ribus, quam requiritur ad stabilem sanitatem. In illis talis laxitas est in va-
sis, ut impleantur ad illum terminum, in quo nondum morbus fit; sed si
augeantur plus humores, aut rarefiant a calore, vel alia quacumque causa,
sanitas manere non potest.

SICCUS. Hoc fit simpliciter ab incrementa vasorum robore: quando arte-
riae majore contrahuntur vi, quam requiritur ad perfectam sanitatem, liquida
ex-

expelluntur, siccum fit corpus: hinc aetas, & labores solida roborando corpus siccant.

CUR MORTE NATURALI &c. Mors naturalis dicitur illa, quae inevitabili lege ex creati corporis constitutione sequitur: haec autem fit, quoniam elementa fibrarum ad elementa, fibrae ad fibras, membranae ad membranas, parietes vasorum ad invicem applicantur, & vasa complanata cum aliis similibus concresecunt; sicque tandem, minimis vasis fere omnibus concretis, per sola majora adhuc abolvitur humorum circulus: donec & haec arida, callosa, imo tandem cartilaginea, & ossa facta (ut docuerunt observata) impediant liberam sanguinis expulsionem ex corde: sicque vita definit in placidam, maximeque optabilem, mortem. Ita defecit centenarius major Ludovicus Cornaro. [e]

Hinc inanis Chemicorum jactantia patet, qui magno hiatu fere immortalitatem promittebant; saltem pro lubitu se vitam posse producere clamabant inepti: vide §. 39. n. 1.

ET QUO TUM MORBO. Simplici quiete repleti cordis, non potentis se evacuare in arterias plenas, & tam rigidas, ut a vi cordis distendi non possint.

QUINAM MORBI &c. Pulcherrima est hujus rei consideratio, & maxime necessaria, cum varia aetate variis malis homo obnoxius vivat.

In prima aetate omnibus morbis generis nervosi magis obnoxius vivit homo, quia docent observata, encephalon, ejus producta, medullam spinalem, & nervos, eo majorem habere proportionem ad reliquas partes corporis, quo origini suae est propior: accedit, quod ut cerebrum minus firmum in hac aetate, ita & nervi, cerebri producta, molliores sint, hinc facilius afficiendi, & praeterea tenuioribus involucris tegantur: hinc tam facile convelluntur; vix enim laborat infans minima febricula, quin convellatur: Ab acido primarium viarum nata ventris tormina, susceptum contagium variolosum, vel morbillosum, omnia quae sensus organa afficiunt vividissima actione, ut fragar magnus, lux fulgidissima &c., toties convulsiones excitant: imo Sydenhamus, dentitione defunctos dum convulsione correptos videbat, praeferebat variolas, & quidem boni moris. (f) Hinc cum a tam levibus causis in hac tenera aetate convulsiones oriantur, non adeo illas timuit ante septimum annum Hippocrates; post hanc aetatem, majoribus causis dum excitantur tantum, periculosas pronunciat. (g)

Altera origo morborum in prima aetate est, quod humorum copia solidior robori praevaleat; omnes enim in prima aetate turgiduli, & humidi sunt: hinc tam faciles, & tam mirae mutationes humorum, qui tam saepe per cutim modo nondum bene intellecto mutatam exeunt; docent hoc achorei, herpes, excoriationes pone aures, sub axillis &c. sicque saepe incredibilis copia humidi quotidie excernatur, quod, imprudenter dum cohibebatur, molestissimis morbis toties originem dedit.

Postea circa pubertatis tempus mirae mutationes accidunt toti corpori in utro-

(e) Raadgeving om gesond en lang te leven. pag. 78. (f) pag. 162. (g) In Prognostico & Coacis.

utroque sexu; in masculis testium tumores; varicosae vasorum feminalium inflationes, leni frictione supra vapores accensii succini, simulque purgante levi dato, facile curabiles: in foemellis miri saepe morbi primam menstruum eruptionem praecedunt, & comitantur.

Dum postea ulteriori incremento incipit resistere corpus, nec vasa patiuntur se tam facile extendi, nascitur aequilibrium inter fluidorum impetum, copiamque, & vasorum resistantiam. Pergunt interim bona viscera novos quotidie generare humores: unde facilis vasorum ruptura, hinc haemorrhagiae narium, imputa sanguinis &c.

Adulto dein homini maxima actio vasorum in fluida: hinc densus, & compactus sanguis; unde frequentes tunc morbi acuti inflammatorii.

Ingravescente demum aetate solida magis compacta fiunt, minima vasa sensim concresecunt, & callosa fiunt, omnia, quae a subtilissimis humoribus per minima vasa motis pendent, incipiunt aboleri sensim: hinc omnes actiones cerebri, & nervorum incipiunt debilitari; humores in frigidam, & pituitosam indolem degenerant; per sola majora vasa humorum circuitus adhuc absolvitur; tandemque inevitabili necessitate mors sequitur. *Quia naturae progressum, qui est ad siccitatem, effugere non licet, ideo sensum scimus, & corrumpimur.* (b)

Aetatum varios morbos sollicite notavit Hippocrates. (i)

QUIS VICTUS. Quamdiu in utero materno haesit foetus, a matre praeparatos recepit humores. In lucem editus infans mox materna novit ducere ubera. Lac ergo maternum solum fere infantibus convenit. Dum dentes anteriores prodierunt, solidiora parum, sed prius commansa, exhibenda, & perfricandi saepe, sed non nisi vacuo ventriculo (x): panis bene fermentatus, lacte vel carniurn jusculis affusus, in pulvem mollem convertitur, tunc exhibitus prodest. Quando dentes molares jam prodierunt, durioribus sensim, uti licet: omnia autem calida, vinosa, irritantia &c. nocent infantibus, quia totum genus nervosum adeo mobile habent.

Saepius autem cibandos esse juniores, & puerorum voracitas suadet, & monitum est Hippocratis (l) dicentis, pueros omnium minime jejunium ferre: qui crescunt, plurimum habent calidi innati, hinc plurimo alimento indigent, aliter corpus absumitur.

Adultis, & sanis fere sufficit regula Hippocratica: [m] *valetudinem excolunt, circa satietatem cibis vesci, & impigrum esse ad labores.* Cumque haec aetas morbis acutissimis obnoxia sit, patet calefacientia evitanda esse. Labori autem semper proportionatus sit cibus: longe alio enim, & copiosiori indiget durus arator, quam meditationibus solis incumbens Philosophus.

Senibus autem, (cum & facillime jejunium ferant, & parum habeant calorem,

(b) Galen. de sanitate tuenda Lib. VI. cap. 3. Charter. Tom. VI. pag. 169.

(i) Sect. 3. Aphorism. 24. 25. 26. 27. 28. 29. 30. 31.

(K) Galen. de sanitate tuenda Lib. I. cap. 10. Charter. Tom. VI. pag. 55.

(l) Aphor. 23. & 24. Sect. 1. Charter. Tom. IX. pag. 23. 24.

(m) Epidem. Lib. VI. Charter. Tom. IX. pag. 300.

rem, hinc paucis egent fomitis, a copiosis namque exstinguuntur) (u): mollium ciborum saepe repetita exhibitio prodest: cumque jam edentuli facti fuerint, solo fere lacte, jusculis, ovis, bis pueri facti senes vitam sustineant: imprimis illis prodest moderatus vini ulus, quod ideo lac senum dicitur. Nascitur enim in fermentantibus liquidis aliquid miri spirituosum, quod momentanea actione in cerebrum, & omnes nervos agit efficacissime; imprudenter autem, & nimia copia applicatum corpori humano, ipsam mortem, & subitissimam facere potest: vel & minori violentia agens tristem magis ipsa morte conditionem adfert, amentiam nempe, & alia mala (v). Illud spirituosum in novis illis, & petulcis vinis haerens summum dat restaurans senile. Cornaro singulis annis mense Julio, & Augusto abhorrebat ab omni vino: hinc mox languebat appetitus, & circa medium Augusti debilis penitus factus erat: simulac vero per tres quatuorve dies Septembris mensis initio novum vinum sumeret, mox redibant vires, & crudae in hoc viro senectutis vigor. (p)

QUAE VITA. Tenella aetate, cum agilissimum sit corpus, vix quiescere possunt, & pessime se habent, si a severis nimis parentibus, vel custodibus a ludis pueri cohibeantur penitus. Cum autem nimis cito duris laboribus adhibentur, corpus redditur robustum quidem, sed cito perituum fenili callositate ante aetatem. Sic videmus rusticos, a teneris annis jam nimis laboribus exercitatos, senum instar rigidos, & callosos factos quadragesimo aetatis anno.

Nec minus peccatur, dum severioribus disciplinis nimis cito adhibentur: sic saepe praecoces, & admirandos ingenii fructus exhibent; sed fere semper brevi pereunt, vel postea stupidi, & ad omnia fere inepti vivunt. Qualia exempla passim obvia occurrunt.

Adultis salubri corporis motu vires sustinere, & firmare convenit, ne torpeat corpus, tandemque opima pinguedine sepulti [ut de Ptolomaeo Aegypti Rege dixit Justinus] (q) sensu hominis nimia sagina careant. Quantum boni corpori humano praestent corporis exercitia, dictum §. 28. n. 2.

Senibus autem frictionem cum oleo mane post somnum commendat Galenus (r), jubetque, ut consuetis exerceantur laboribus, vehementia tamen laborum remissa; cumque minima diatae vitia senes sentiant, juvenes autem vix maximos errores, repetitis vicibus cibos molles ut sumant, jubet (s).

QUAE MEDICAMENTA. Infantibus fere tantum videntur conducere illa, quae humorum copiam aliquantum minuunt: Hinc tam bene ferunt lenissima imprimis ex rhabarbaro purgantia. Profunt plerumque & illa, quae acidiae acrimoniae temperandae conducunt, ut absorbentes ex lapidibus cancerorum &c. pulvisculi: deinde quae nimis facilem irritabilitatem generis nervosi aliquantum compescunt, & simul solidas partes moderate roborant: hinc rhabarbarum, cum lapidibus cancerorum, & pauxillo cinamomi, adeo prodest.

In-

(u) Hippocr. Aphor. 13. & 14. Sect. 1. Charter. Tom. IX. pag. 23. 24. (v) H. B. Chem. Tom. 1. pag. 806. 807. (p) Cornaro raadgeving. om gekind en lang te Konnen leven pag. 54. 55. (q) Lib. XXXIV. cap. 2. (r) De Sanitate tuenda lib. V. cap. 3. Charter. Tom. VI. pag. 144. (s) ibid. cap. 4. Charter. Tom. VI. pag. 146.

Increfcente demum ætate nunquam dentur talia, quæ stimulo suo motum humorum nimis incitant: metus enim tunc est, ne tenella rumpantur vasa.

Adultæ ætate profunt imprimis illa, quæ nimiam propensionem humorum in spissitudinem inflammatoriam tollunt.

Senectus autem, cum sit nihil aliud, quam siccum, & frigidum corporis temperamentum aëtorum multitudine proveniens (1), requirit humectantia, & leviter nutritia, additis stimulis spirituosis; sed semper humectantibus mistis.

QUAENAM FIDES, QUÆ UTILITAS &c. Postquam Medicina in duas partes secta erat, quæ singulæ suos habebant sectatores, quorum quidam solis experimentis artem natam esse contendentes, evidentes quidem causas ut necessarias amplectabantur, obscurarum vero causarum, & naturalium actionum quæstionem supervacuum esse credebant, dicebantque, Medicinam non esse inventam post rationem, sed post inventam Medicinam rationem esse quæsitam; hinc experientiarum notitiam tantum necessariam esse contendeabant; vocabantur Empyrici. Alii, qui Rationales dicebantur, non negabant experientia quoque esse necessaria, sed ne ad hæc quidem aditum fieri potuisse, nisi ab aliqua ratione contendeabant: sed præterea abditarum, & morbos continentium causarum notitiam, deinde & evidentium, post hæc etiam naturalium actionum, ideoque & partium interiorum notitiam necessariam esse volebant.

Inter rationales vero Medicos unus ex Asclepiadis sectatoribus Themison, & illo auctore postea alii, artis difficilis compendium parabant, afferentes nullius causæ notitiam quidquam ad curationes pertinere, satisque esse quædam communia morborum intueri: & quidem horum tria esse genera, unum adstrictum, alterum fluens, tertium mixtum; nam modo parum excernere ægros, modo nimium, modo alia parte parum, alia nimium (2).

Hæc fuit prima origo doctrinæ de stricto & laxo, de quo postea Prosper Alpinus in Medicina Methodica tam operose egit: & plurima circa hanc rem apud Caelium Aurelium, Methodicorum sectæ pariter additum, habentur.

Sed proprie strictum, & laxum in solidis tantum partibus obtinet: nec humorum morbi ex hac doctrina facile explicari poterunt; ut postea patebit. Magnum ergo usum habet in Medicina consideratio mutatæ cohaesionis in partibus firmis: nec tamen omnes morbi inde deduci poterunt, ut voluerunt Methodici.

UNDE DESUMENDA NOTA CERTISSIMA &c. Queritur hic, quænam sint signa, quæ doceant, talem obtinere cohaesionem in solidis, ut nec nimis resistant, nec nimis facile cedant distendentibus liquidis: deinde quænam sint signa, quæ nimis validam, vel nimis parvam cohaesionem designant. Quando a pleniori victu, potu copiosiore assumto, aere humidiusculo, non statim tumet, vel saltem non diu tumidum corpus manet; novimus debitum robur inesse vasibus, & visceribus, per quod distendentium liquidorum nimia copia brevi de corpore expellitur. Si simul non decrescat sensim adulti hominis cor

(1) Galen. de Sanitate tuenda lib. V. cap. 9. Charter. Tom. VI. pag. 154. (2) Vide Celsi præfat. lib. I.

corpus, ætatis nimia contractilitate vasis, sicque expulsiis liquidis, sed in eadem nec aucta multum tamen torositate persistet, novimus illud obtinere æquilibrium: si ab ingestis copiosioribus &c. statim tumeat corpus; novimus nimis debilem, nimis facile dilatabilem esse vasorum compagem: si macilentia, exsuffa, arida sint omnia, facile nimium robur vasorum adesse videmus.

§. 56. **V**Ulnus hinc [16.] jam primo pertractandum, post morbos solidi simplicissimos. Sed, quum vitia liquorum spontanea semper trahat secum, de hisce ante vulnera agendum erit, quae nosci debent ante historiam vulnerum absolvendam.

Post explicatos morbos, qui a nimio robore, vel nimia debilitate solidarum partium pendent, videretur agendum esse de cohaesione nulla partium antea cohaerentium, sive de soluta unitate [ut vocant]: sed inter solutae unitatis morbos omnium simplicissimus est vulnus, sive solutio recens facta corpore duro, acuto, & moto. Constat autem certissime, ne minimum posse infligi vulnuculum, quin laesi vasis effundantur humores. Humores vero effusi, non amplius propriis vasis coerciti, stagnant, nec nostri corporis leges sequuntur, sed spontanea corruptela mutantur in alienam indolem. Prius ergo debet explicari, quid humoribus extravasatis accadat, antequam de vulneribus aliquid bonae frugis dici possit.

§. 57. **U**Nde agetur primo de his humorum morbis, qui in illis nascuntur sponte; dum vel sibi ipsis permittuntur, nulla habita ratione vasorum, vel vitio incitati; torpentive nimium, vitalis motus.

Primo ergo considerandum est, quatenam fiat mutatio liquidorum a causis communibus, quae in omnia corpora agunt. Haec autem mutatio vocatur spontanea. Quamdiu autem in vasis nostris haerent liquida, vim corporis nostri experiuntur, & per hanc mutantur. Hinc nunquam sola spontanea mutatio in haec agere potest, sed vasorum, & viscerum efficacia longe aliam mutationem inducit: ergo, nulla habita ratione efficaciae vasorum, in liquida, sola mutatio per communes causas expendi debet: sic lac humanum extra corpus in serum, caseum, & pinguem cremorem abit, quod nunquam in corpore fit.

Sed vitalis motus humorum per vasa nostra facit insignem mutationem in humoribus, imo aliam prorsus naturam inducit. Prout jam ille motus nimis incitatus furibundo quasi impetu agit in acutissimis, vel torpens in languidis morbis silet fere, longe aliae, imo oppositae, saepe mutationes inducuntur: quae ergo necessario etiam debent examinari.

Tria ergo hic considerata sunt, 1. quid fiat humoribus extra vasa positis a causis communibus. 2. quatenam fiat mutatio in his ab aucto motu. 3. quatenam oriuntur a motus defectu.

DE

DE SIMPLICISSIMIS HUMORUM VITIIS, ET SPONTANEIS.

§. 58. **H**umores in homine vivo reperiundi, vel crudi assumptorum naturam retinent hactenus, vel vi actionum naturalium, & miscela fluidorum indolem acquisiverunt nostris liquoribus similem.

Omnes, qui fluunt per vasa nostra, humores vel ingestorum naturam adhuc retinent, vel per miscelam liquidorum humanorum, & vasorum viscerumque vires, propria indole deposita in nostram jam transiverunt naturam.

Quamdiu autem ingesta adhuc aliquid de sua indole retinent, tamdiu cruda dicuntur. Crudus ergo est cibus, & potus, dum deglutiuntur. Chylus in e fastus, in ventriculo, & intestinis, in vasis lacteis, cisterna lumbari, ductu chylifero, in vena magna, in corde dextro, crudus adhuc est, licet tot coctis humoribus jam mistus. Cum per pulmones pellitur, incipit coctio secunda, quae ex chylo lac facit: tandemque per aliquot horas chylus crudus expertus vim vasorum & viscerum, imprimis pulmonis, ingestorum natura deposita, assimilatur nostris humoribus, & coctio absoluta est.

Cumque haec coctio satis longam requirat vel in sano corpore moram, hinc fere semper aliquid crudi, nondum penitus mutati, cum coctis humoribus per vasa fluit, nisi diu a cibo, & potu abstinuerit homo.

§. 59. **P**riores [58] vel ex plantis, vel ex aliis sunt hausti animalibus.

Ex regno enim vegetabili, & animali nutrimenta nostra sumuntur; ex fossilibus vix, nisi forte condimenta quaedam: ut sal marinus, gemmae &c. vel si aquam quis inter fossilia numerare vellet.



MOR.

MORBI SPONTANEI EX ACIDO HUMORE.

§. 60. **L**iquida nostra, confecta ex plantis farinosis, vel ex horaeis fructibus, crudis, fermentativae, si vires vitae nostrae vincunt, eam in nobis indolem acquirunt, quam suae naturae per calorem solae debent. Acrimonia acida, & glutinosum pingue hinc oriuntur maxime. Prior ex fermentatis imprimis, & non fermentatis: posterius ex farinosis cerealibus, vel leguminosis, non fermentatis, neque coctis nascitur; quo spectant etiam illa, quae austeri adstrictu tenacitatem humorum creant.

Acidum dicitur, quod linguae applicatum excitat saporem illum, quem communi consensu acidum omnes vocant [sapor enim verbis describi non potest] quod naribus suppositum, imprimis si calefactum fuerit, odorem spirat, quem omnes vocant acidum. Omne acidum cum testaceis pulveribus, exustis animalium ossibus, creta &c. effervesceit, uti & cum salibus alcalinis. Syrupus florum violarum a levissimis etiam acidis in rubrum colorem coarbitur.

Omne jam illud, in quo recensitae dotes observantur, acidum vocabitur.

Magna jam agitur quaestio, an tale acidum ingestis solis originem debeat, posteaque per vim humani corporis mutetur in non acidum; an vero in liquidis humanis sanis, vel aliorum animalium, acidum prius definitum existere possit naturaliter, sic ut arte inde educi possit.

Si lac exceperis, [& forte quaedam pingua] quod nondum penitus animalem naturam acquisivit, sed in quo ingestorum adhuc indoles praevalet, omnes humores reliqui, sibi relict, in aere aperto putrescunt. Omnia animalia sibi relict, nisi magno calore exsiccantur, putrescunt. Chemica analysis sales volatiles alcalinos inde educit: plurimique, & celeberrimi Chemici inde acidum educi posse negant. Sani hominis de vena saliens sanguis nullam acidi notam habet: urina sana, sanguinis sales abluens, nullum signum acidi dat, etiam in illis, qui acidiorum copiam magnam ingererunt. Contrariam opinionem & specioso ratiocinio, & experimentis descenderunt celeberrimi in arte viri.

Licet enim ingesta mutantur in corpore humano, antequam nutrant, forte tamen non semper omnes suas dotes deponunt. Volucrum, solis piscibus viventium carnes ingratum piscium foetorem retinent, turdorum, rhamni cathartici baccis vescientium carnes purgant. Hinc cum tot acida ingerantur

tur

tur, & acescentia, quaedam posse aliquid pristinae indolis servare, probabile videtur.

Homburgius se ex variorum animalium sanguine, imo & ex ipso sanguine humano, acidum eduxisse destillando affirmat; & quod mirum videtur, inde produxit liquorem, in quo & alcali, & acidum simul aderant separatim haerentia, nec concreta in salem neutrum (x).

Ex viperis, limacibus, mulcis, formicis, acidum destillando eduxit idem Homburgius; phosphorus urinae acidum acre habet (y).

Illud deinde Lemery confirmavit (z): imo salibus volatilibus animalium, destillatione inde eductis, acidum adhuc adhaerere voluit (a).

Acidum autem ex animalium partibus facile educi asserit, si prius macerentur, ut volatilis sal pro magna parte abeat; si addatur sal alcali fixus acida trahens, ac impediens, nec una cum sale volatili eleventur; si in initio adhibeatur ignis modicus, ut volatilissima prius eleventur, si postea valido igne torqueantur, ut exprimatur acidum terrestri parti adhaerens &c. (b).

Liquidorum humanorum sales nulla arte mutati ad salis ammoniaci naturam accedunt proxime: sed ex acido fixante, & volatili alcalino sale simul unitis videtur constare sal ammoniacus: hinc & tale quid in salibus humanis forte obtinet: hinc expulso sale volatili, non mirum foret, in residuo haerere acidum, antea unitum cum sale volatili.

Sed efficacia vasorum, & viscerum in corpore humano sales illi nascuntur. An ergo bina illa principia constituenta aliquando seorsim fluxerunt in humoribus nostris, unita postea? An acida ingesta per vim nostri corporis mutantur sic, ut suam naturam amittant penitus? An vero, non deposita sua natura, cum alcali volatili concreverunt in salis ammoniaci quasi speciem? interim sanguis hominis sani, & urina nullam notam acidi praesentis exhibent.

Saltem hoc certo constat, plurima vegetabilia, & inter illa imprimis farinosa, cerealia, legumina, uti & horaceos fere omnes fructus, in calore tali, qualem habet corpus nostrum, acquirere acidam acrimoniam, vel in glutinosum pingue mutari; eadem vero, ingesta robusto sano corpori, per vim vasorum, & viscerum, & liquidorum humanorum miscelam, sic immutari, ut deposita sua indole in nostram convertantur naturam: dum vero a quacumque causa debile factum corpus minus assimilare valet ingesta, tunc suam sequuntur indolem, & in spontaneam degenerant corruptelam.

Acidi ergo in corpore humano origo videtur deberi ingestis non satis mutatis per corporis vires. Peregrinum ergo corpori acidum est: nullus enim humor, vere animalis dicendus, unquam sua sponte acescit.

Omnia jam vegetabilia, sive fermentata, sive non, quae sibi relicta acescunt, in corpore debili possunt & in acidum mutari: farinosa autem illa omnia cum aqua

F

- (x) Academ. des Sciences 1712. Mem. pag. 10. ad 19. (y) Academ. des Sciences 1712. Mem. 332. ad 302. (z) Academ. des Sciences 1719. pag. 227. 246.
(a) Ibid. 1720. 228. &c. (b) Ibidem 1721. Mem. 51. 52.

aqua lentescunt prius, & glutinosas pastas formant; postea autem acida fiunt, ubi fermentatio tenacitatem illam glutinosam attenuavit.

Acidum autem ex ingestis sic in corpore natum, vel mite, & excoctum est, ut acidi plerique horaeorum fructuum maturorum succi, ut in ribefiis &c. & in fermentatione paratis acidis; vel simul junctum habet austerum acerbum, ut immaturi fructus, & acida quaedam fossilia, quae coagulo indurto humorum augent tenacitatem.

§. 61. **A** Cida haec acrimonia (60) causas habet antecedentes
 1. alimenta ex farinosis, succulentis acidis, recentibus, crudis, ferventibus jam, vel fermentatis, vegetabilium partibus. 2. Inopiam boni sanguinis in corpore haec alimenta assumentem. 3. debilitatem fibrosae compagis (24. 29. 41.) vasorum, & viscerum. 4. defectum animalis motus.

Recententur hic causae, quae acidum in humano corpore producere valent. Hae commodè ad duas classes revocari possunt: sunt enim vel ingesta, ex propria sua indole in acrimoniam acidam degenerantia; vel talia quaecumque, quae debilitant illam virtutem, qua corpus sanum ingesta in suam naturam assimilant.

1. Enumerantur illa, quae materialem causam acido generando praebent.

FARINOSA. Omnes farinae fere satuum, & mitem saporem habent; cum aqua subactae glutinescunt; post fermentationem in liquores spirituosos mutantur; ulterius protracta fermentatione in acre degenerant acetum.

SUCCULENTIS &c. Quales sunt omnes succi fructuum horaeorum bene maturorum, (in immaturis enim austerum inest fermentationi non ita obnoxium) (c), hi succi jam vel sunt acidi, ut specus ribefiorum &c., vel facile post fermentationem in acidum degenerant; dulcis uvarum succus fit acidulum vinum, iterata fermentatione acerrimum acetum.

Quum autem fermentatio ultimo suo effectu acidum producat; hinc quo magis hi succi in fermentationem proni sunt, vel dum jam fermentationem absolverunt, eo citius inde in debilibus corporibus acidum nascitur; minus ergo succus recens pressus uvarum saccharinae dulcedinis fere, plus dum incipit motu intestino agitari, & cum sibilo assidue crepitantes bullas habere, [fervere tunc dicitur], maxime, dum peracta fermentatione in vinum mutatus est, in acidum vergit. Debiles homines vinum potantes mox acidum eructant, nisi fuerit vinum oleosum meracissimum, & non tam cito mutabile.

Sequuntur jam causae efficientes.

2. Omnes actiones vasorum, & viscerum conspirantes ingesta mutant in naturam nostram: hoc autem fit partim vasorum actione, partim miscela fluidorum jam assimilatorum; sanguis autem bonus secondit materialiter in

(c) H. Boerhaave Chem. Tom. II. pag. 173.

in se omnes reliquos humores, bilem, salivam &c., & illi humores a sanguine secreti sequuntur sanguinis naturam; qui bonus est, quando ex assimilatis humoribus constat; crudis vero, dum ingesta adhuc quid retinent de sua natura. Dum ergo boni sanguinis inopia est, deficit primaria vis immutans ingesta in naturam nostram, vide de his & §. 25. n. 1.

3. De his dictum fuit paragraphis citatis; & ibi apparuit, quantum solidorum robur faceret ad coctionem ingestorum. Hinc corpora laxa ab acidis, & acescentibus (id est nondum acidis, sed admodum dispositis, ut acescant) pessime se habent: in calidis vero regionibus, ubi strictissima corpora sunt, acidis maxime delectantur, & inde optime se habent. Romanis militibus, in fervidis regionibus bella gerentibus, familiaris potus erat acetum aquae mistum, *poscum* vocabant (4).

4. Chylus ex ingestis per viscera chylopoietica paratus sanguini parca copia simul miscetur, dumque sic cum sanguine fluit, vasorum, & viscerum efficacia mutatur in lac: tandem post aliquot horas in sanguinem nostrum, deposita priori indole, transit. Totum autem hoc opus circulationis efficacia, & imprimis pulmonis actione perficitur. Quo autem quis motu musculari corpus plus exercet, eo celerior humorum per vasa motus, eo respiratio fortior, & celerior: ergo tanto citior, & facilior ingestorum assimilatio. Durus arator atrum, & jam acidum panem vorans, inde optime se habet; debili homini ingestus talis panis in rodens acidum convertitur, & molestissima cardialgia afficit. Hinc recens natis, qui debile corpusculum vix multum movere possunt, interim solo fere lacte vivunt, toties ab acido morbi: procedente aetate, dum alacriter currunt, nunquam fere quieti, minus his morbis obnoxii vivunt.

§. 62. **S**edem habet jam nata maxime primae digestionis officinas, inde tardius sanguinem, denique omnes humores inficit.

PRIMAE DIGESTIONIS OFFICINAS. Omnis illa mutatio, quae ingestis alimentis accidit per manducationem, ventriculi, intestinorum, vasorum lacteorum, glandularum mesenterii, ductus chyli arteriarum actionem, donec venae subclaviae infunditur chylus, vocatur digestio prima. Omnia vasa, & viscera, quae suos liquores in toto hoc itinere affundunt, ad primae digestionis officinam pertinent. Hujus primae digestionis effectus est chyli productio: sed chylus semper aliquid de ingestorum indole retinet. In secunda vero digestionem (cujus effectus est sanguificatio) totum illud peregrinum deletur, & in nostram naturam tandem convertuntur ingesta. Cum ergo acidum peregrinum sit corpori, & ingestis suam debeat originem; facilius nascetur in illis locis, in quibus crudi humores ingestorum naturam adhuc aliquatenus retinent: longe difficilius autem, ubi ingesta mutata nostris jam assimilata humoribus sanis fluunt.

TAR-

F 2

(4) Nonnius de re cibaria lib. IV. cap. 15. pag. 479.

TARDIUS SANGUINEM. Nec videtur hoc fieri posse, nisi tota digestionis primæ officina acido repleta fuerit. Minima lacteorum, & venarum mesentericarum oscula nihil facile admittunt, quod acre est: contraherentur enim statim terrissima horum vasorum orificia. Deinde chylus in ductu thoracico ingenti copia lymphæ diluitur: & talis chyli, tot jam humoribus diluti, minima copia subclaviam ingreditur; ibique mox torrente sanguinis abripitur, & dispareret. Hinc licet aliquid levis acidi in chilo foret, illud sic dilutum evanesceret. Sed chylus brevi temporis spatio cum sanguine fluens, mammarum fabrica inde separatus, lac dat; quod ductum de uberibus recens acidum invenitur forte nunquam; sibi relictum extra corpus, in calore aeris communis, acidum fieri novimus. An autem, ex mammis dum ducebatur, acidum unquam lac inventum sit vel in debilissimis foeminis, nemo credo hoc facile affirmabit.

Cum ergo lac, adhuc remotum a sanguinis humani perfectione, vel nunquam, vel rarissime invenitur acidum; multo difficilius sanguis ipse acida inficietur labe: infici tamen posse, suadent quaedam in morbis observata.

In morbis languidis aliquando sudor acidum spirans observatur, imo & aliquando in fine acutorum.

Acidulorum vinorum abusus podagram fecit, alcalinorum parco, & repetito sapies usu sanatam.

Atræ sanguinis faex hypochondria occupans, soluta, mota, vomitu excreta, aliquando acidissima inventa fuit; sic ut lapides arrodcret, & cum terrestribus corporibus efferveret fortissime.

Ossa acidis immerfa mollescunt, flexilia fiunt; pleraque alimenta sunt acescentia, quorum indoles mutatur in sano corpore: quando vero hæc vis immutans nimis debilis est, non superatur illa acescentia ingestorum; tunc aliquando ossa, cartilagines &c. flexilia redduntur, ut in Rachitidis (e).

§. 63. **P**roducit ructus acidos, famem, morsum ventriculi, dolores iliacos, flatus, spasmos, inertiam bilis, mutationem ejus variam, chylum acidum, faeces alvi acidum spirantes. Hæc ejus effecta in stomacho, & intestinis,

RUCTUS ACIDOS. Ructus est explosio materiae elasticæ, convulsiva contractione fibrarum oesophagi, & ventriculi compressæ, mox liberatæ: cumque in ventriculo, & intestinis prædominetur acidum, sequitur hos ructus acidos esse debere.

FAMEM. A plurimis causis pendet fames; inter quas & stimuli recensentur, & inter illos imprimis acidi. Minime autem verum est, quod sola acida appetitum excitent, ut voluit Helmontius [f].

Bilis, absinthii succus &c. appetitum languentem excitant: ab acido sæpè fames oritur; non tamen semper ubi fames, ibi acidum adest. Docent hoc rapacissima animalia, quæ solis animalibus vivunt, in quorum ventriculis nunquam acidum; interim voracissima sunt. Infantes acido laborantes sæpè appetitu

petitu valido fruuntur, miranturque nutrices, quod avide comedentes nihil proficiant tamen.

MORSUM VENTRICULI. Sentitur tunc dolor satis acutus sub cartilagine ensiformi in illo loco, quem ierobiculum cordis vocant: dixerunt *καρδιαγίαι*, *καρδιαγία*, quia ventriculi *ὄσ καρδίαι* (cor) dixerunt, uti ex Nicandro, Thucyde, Hippocrate probat Galenus [g], qui & alibi monuit [b]: quod nulla pars tam acutatum habeat sensum, nec utrumque principium una secum afficiat, ut *ὄσ ventriculi*, & *ὄσ νίγιο*, & *Medicis stomachus distus; dum per nervos adeo magnas cerebrum, si us vicinia cor afficit.*

Ventriculus enim imple non videtur adeo sensibilis esse, sed illud orificium superius: dum enim acidum haeret in ventriculo quietum, non inde dolor oritur: sed simulac vel ructus expellens sursum, vel motus, vel mutatus situst corporis illud applicat orificio superiori ventriculi; statim molestissimus doloris sensus adest. Ille ventriculi morsus non semper ab acido, sed & ab alia quacunque acrimonia, irritante cardiacum, oriri potest.

DOLORES ILIACOS. Acidum sic in ventriculo ex ingestis natum, nisi bilis efficacia mutetur, in fistula intestinali mora, & calore acris factum, rodendo, vellicando, enormes dolores facere potest: hinc ventris tormina infantibus adeo frequentia.

FLATUS, SPASMOS. Aer, libere in cavo ventriculo, & intestinis haerens, nihil mali facit: sed docuerunt experimenta, in vivis animalibus capta, quod si intestinum tangatur, v. g. spiritu vitrioli in quodam loco; stringatur illico valido spalmo: si in alio loco parum distante, hoc iterum fiat; stringitur & ibi: mox intermedia pars intestini inflatur ab inclulo aere, rarefacto. Ubi ergo acidum in intestinis haerens irritando spasmos producit, quibus ardetur in diversis locis intestinum, inclusus aer rarefactus illud distendit, & solutis his spasmis, cum impetu exit, vel sursum, ructus faciens, vel deorsum, flatus producens; vel, mutato tantum loco, in intestinis oberrans cum murmure, borborygmus dicitur. Accedit praeterea, quod omnia fermentantia copiosam generent elasticam materiam. Hinc duplici de causa flatulentia oritur ab acido: ab irritatione, qua intestinorum fibrae spalmo contractae inclusum coercent aerem; & a genita materia elastica in omnibus ad fermentationem pronis liquidis; hinc acido laborantes adeo sunt flatulenti.

INERTIAM BILIS. Simulac ex ventriculo per pylorum exit chylus in duodenum, utraque bilis admiscetur, summum auxilium ad mutationem peregrini humoris in naturam inquilini. Sed bilis inter omnes humores nostros non extremacitudo acerrima est, & cito in putredinem prona: hinc circa hepar cada vera eirissime putrescunt. Hujus admissio nimiam saepe chyli accescitiam tollit, omnia dividit, solvit, & ad aequabilissimam miscelam disponit. Hinc cerevicias, ne nimis cito atescant, amarissimis plantis, bilis fere aemulis, lupulo,

F 3

(p) De Hippocr. & Platon. placitis lib. II. cap. 8. Charter. Tom. V. pag. 108. & Comment. in lib. II. Epidem. Charter. Tom. IX. pag. 124. (b) De Symptom. causis lib. I. cap. 7. Charter. Tom. VII. pag. 57. 60.

lo, abstinio &c. concludunt. Ubi ergo praedominatur acidum, bilis natura quasi invertitur, & ejus efficacia iners redditur. Patet hoc in infantibus acido laborantibus: in illorum enim ventriculo colostrum caseosum lactis fecedit, quod a bile, quamdiu bona est, solvitur; & tunc foeces alvinæ flavæ, & æquabiles apparent: sed ubi praedominante acido bilis iners redditur, integra fragmenta caseosa alba per alvum exeunt.

Si bilis aliorum animalium inspissata parum, in minima catapotia redacta, parca copia ingeratur quotidie, saepe satis cito superatur hoc malum. Quamdiu enim bilis iusta temperies adest, illibata fere obtinetur sanitas: dum enim abundat, vel nimis acris est, putridi morbi fiunt; dum vero deficit, vel iners reddita est, morbi fiunt chronici: quorum plurimi a mala digestionē primæ officinæ orti, sensim natis humorum vitiiis, sanitatem opprimunt.

MUTATIONEM EJUS VARIAM. Quamdiu infantes bene se habent, foeces alvinæ flavæ, & æquabiles sunt: dum incipit in his acidum praedominari, foeces excretæ flavescunt quidem, sed post dimidiam horam in aere aperto viridescunt: si augetur malum, jam virides foeces excernuntur; & quidem aliquando tam saturati coloris, ut æruginis instar maculis vix delendis lineæ tingant. Hinc ex colore focum alvinarum in infantibus acidi copia, & acrimonia fere determinari potest.

Verum quidem est, & ab aliis causis æruginosam illam bilem nasci posse, uti alia occasione dicitur; sed in tenera illa ætate fere semper ab acido praedominante fit.

CHYLUM ACIDUM, FOECES ALVI ACIDUM SPIRANTES. Si ventriculus, & intestina acido sic repleta sunt, tunc & chylus poterit acidus esse; ut facile patet: sed non facile oscula minima lacteorum intrabit, quia ab omni acri constringuntur. Tandem & ipsæ foeces alvinæ acidum spirant, quod in infantibus acido laborantibus observatur saepe; tuncque designat totam primæ digestionis officinam acido plenam esse; simulque indicat magnum periculum.

§. 64. **I**N sanguine pallorem, serum chylosum acidum; hinc foeminis lac acidum, aut potius nimium acefcens, sudorem acidum; salivam acidam, producit; inde pruritus, obstructions, pustulae, ulcera, lactis prompta nimis, quin & forte ipsius quoque sanguinis coagula, & ad circuitum ineptitudo exurgunt, tum irritamenta cerebri, nervorumque; unde convulsio, turbata circulatio, mors.

PALLOREM. Omnes, in quibus acidum praedominatur, pallent: patet in infantibus, teneris puellis, & viris laxæ temperiei. Sed pallor ille designat defectum solidissimæ rubrae partis in sanguine. Ubi autem hæc deficit, minor fit assimilatio crudorum in naturam nostram: hinc facilius degeneratio in spontaneam corruptelam. Ergo & pallor ille non tantum ut effectus acidi in corpore geniti considerari debet; sed & ut praesagium acidi futuri, ob debi-

debiliores vires assimilantes. Videntur praeterea acida corpori ingesta pallorem illum facere: acetum labiis applicatum illa pallere facit. Illi, qui acetum ex vino, vel cerevisia parant, quotidie in aere, acidis vaporibus pleno versantes pallent saepe.

SERUM CHYLOSUM ACIDUM. Quod maxime distinguendum a sero cocto sanguinis, quod flavum ad ignem concrefcit, & nunquam nec acidum, nec aescens invenitur; sed spontanea corruptela in putredinem pronum est. Per serum chylosum autem hic intelligitur chylus cum sanguine fluens, nec satis subactus viribus corporis; hinc nimis diu suam naturam servans, qua in acidum vergit: ex chylis enim cum sanguine circumducto fit lac; ex hoc lacte porro serum sanguinis, & sanguis ruber, continuata per horas viginti quatuor circulationis efficacia: sed si debiliior haec vis fuerit, non mutabit, vel saltem non tam cito, lactis naturam: hinc lactis aescencia manebit, & forte in debilissimis acidum fieri poterit in sanguine ipso.

HINC FOEMINIS LAC ACIDUM, AUT POTIUS NIMIUM ACESCENS. Lac raro, si unquam observatur acidum in mammis; sed potest fieri facile tale, ut citissime acescat. Foemina sana, si per viginti quatuor horas nihil assumerit cibi, vel potus, non habebit lac in mammis, sed serum flavescens falsum, a quo abhorrent infantes: ratio est, quia omne lac per vires circulationis jam in serum mutatum est, & ingestorum indole deposita in naturam humoris inquilini transivit. Si jam debiliores fuerint hae vires immutantes, lac diutius retinebit illam dorem, qua in acidum vergit: hinc eo citius acescet, quo minus subactum est. Sed haec subactio pendet a robore sani corporis, & a mora lactis in valis, in quibus cum sanguine fluit: hincque ratio apparet, quare statim post partum, vel ex debilis nutricis uberibus ductum lac, acescat citius.

SUDOREM ACIDUM, & SALIVAM ACIDAM. Rarius forte, nec nisi in debilissimis: facile patet, si sanguis acidum in se habeat, quod & secreti inde humores illud habere possint.

PRURITUS &c. Videmus quod omnia acriora ad cutem delata pruritus, obstructions circa subcutaneos imprimis folliculos, pustulas &c. excitent. In ictericis bilis ad corporis superficiem delata intolerabilem saepe pruritus excitat. Si acida acrimonia infecti humores huc transeant, idem fiet. Rusticorum pueri, immaturos fructus, penitus auferos, dum comedunt, malis saepe cutis morbis cum summo pruritu laborant. In prima aetate miris illis cutis erosionibus infantes laborant saepe.

LACTIS PROMPTA NIMIS COAGULA. Lac nimis jam vergens in aciditatem, in receptaculis galactophoris mammarum stagnans, collectum, ibi forte potest acidum fieri: separabitur tenue a parte caleola serum; effluet per papillas; relictum crassamentum haerens duos tumores, inflammationes &c. facere potest. Longe tamen frequentius mammarum a coagulato lacte inflammationes fiunt, febre prius valida praegressa: tuncque alcalescens potius degenerationis est: forte centies Medici observant, coagulari sic a febre, ubi ne semel id vident factum ab acido (i).

IPSUS QUOQUE SANGUINIS COAGULA. Acida fortissima fossilia sanguinem coagulant: vegetabilia mixiora longe potius illud diluunt: hinc rarius videtur acidum, in corpore ex ingestis natum, posse sanguini inducere coagulum: tamen si atra bilis, quae, ut Veteres jam observaverunt, aliquando tam acida est, ut terram fermentet, lapides rodant instar aquae stygiae, sanguini miscetur, lethale certo inducet sanguini coagulum.

IRRITAMENTA CEREBRI NERVORUMQUE &c. Certum est, si acre quodcumque teneram cerebri, & nervorum fabricam attingere posset, quod turbarentur omnes, quae inde pendent, functiones. Rarius tamen acra ad minima illa vasa perungere possunt. Cavit sollicita natura, dum ubique fidelis custodia impedit, ne admittantur talia. Acerissima quaevis impune in ventriculorum demittunt homines, quae si ad cerebrum deferri possent, illud destruerent. Si oculum tangat levissimus fumus, clauditur illico; si nares, quanta oritur sternutatio; si pulmonem, tussis orta averrit hoc noxium; si quid acris insueti ingrediat ventriculorum, & intestina, quanti vomitus, diarrhoeae &c.

Omnes tere humores totius corporis ex locis propriis deducuntur ad haec loca, ut illud abluant: sed ubi in majoribus omnibus organis lex quaedam admittitur, videtur & eadem obtinere in minimis. Certe cortex cerebri, omnibus vasis sanguinis separatis, fatuum valde saporem habet, & oculo applicatus dolorem nullum facit. Hinc non tam facilis ingressus acrium in minima vasa, ac crediderunt multi; sed alia videtur esse ratio, quare irritamenta cerebri, nervorum, & infinita, quae inde sequuntur, mala oriantur ab acido haerente in primis viis: nervi enim, per ventriculorum, & intestina dispersi, mirum imperium habeant in omnes partes corporis, uti certissima docent exempla. Vermis, reptatu suo irritans nervosas has partes, convulsiones toties facit: hermia suffocata toties subitam mortem, & ante mortem, saepe omnia turbati cerebri signa. Atra bilis haec viscera occupans quam miras mentis alienationes facit: Venena ingesta, in ventriculo adhuc haerentia, totum corpus turbant ad mortem ulque: opium deglutitum, in ventriculo adhuc contentum, solutum vix, omnes dolores pacat, nimias evacuationes sistit &c. hinc videtur acidum natum in primae digestionis officina sola irritatione nervorum, per haec viscera dispersorum, posse mirabiles morbos, imo mortem ipsam facere; neque ad haec producenda requiri, ut acidum sanguini mistum, ad cerebri, & nervorum intima perveniat. Imprimis autem hoc fiet in illa aetate, in qua totum nervorum systema maxime mobile est: hinc toties infantibus acido laborantibus convulsiones accidunt.

§. 65. **E**X his (60. 61. 62. 63. 64. 65.) recitatis praefens, futura, praeterita cognoscitur acida temperies; hinc praenoscuntur ejus effecta; hinc curatio scitur.

PRAESENS acida temperies noscitur, si color in angulis oculorum, ore interno, faucibus, labiis, pallidus sit; ructus fiat acidi; sitis sine ulla; frigus, & laxitas in toto corpore; foeces alvinæ acidam spirent; urina aquosa alba; appetitus satis magnus plerumque.

FUTURA

FUTURA. Si temperiem debilem, & laxam, sanguinem dissolutum, vitam otiofam, magnam jacturam sanguinis prægressam fuisse noverit Medicus; & interim talia alimenta assumpta esse, quæ spontanea mutatione in acidam acrimoniam degenerant; tuto prælagiet futuram brevi in tali corpore acidæ generationem, dum bina hæc juncta videt, aciescentia ingesta, & vires nimis debiles, ut hoc corrigant.

PRAETERITA autem ex modo dictis facile cognoscitur.

EFFECTA, quæ varia erunt, antea jam commemorata, prout vel primas vias solas, vel & ipsum sanguinem jam infecerit acida labe: iterumque ex obliervatis acidæ prædominantis effectis illud adesse cognoscitur.

Ex omnibus autem his curationis requisita patent facile.

§. 66. **Q**UAE perficitur: 1. alimentis acido oppositis ex animalibus, vegetabilibusque. 2. succis bono sanguini similibus ex avibus rapacibus. 3. roborantibus. 4. motu valido. 5. medicamentis acidum absorbentibus, diluentibus, obtundentibus, immutantibus.

Si omnes forent ab acido morbi, ut voluit quaedam Medicorum secta, ars medica longa minime foret, sed brevi compendio tradi posset. Si enim homo acido pessime laboret, viscera tamen omnia adhuc integra habeat, videtur intra paucos dies posse curari; & quidem solo victu, sine medicamentis, si sola aqua pro potu utatur, pro cibo lolis carnibus, vel piscibus, vel illorum jusculis.

1. Nullum animal sponte sua in acidum vergit, in putredinem semper: hinc omnia, quæ ex animalibus petuntur alimenta, acido opposita sunt: imprimis carnes animalium assatæ; tunc enim magis ad oppositam indolem dispositæ sunt: pisces autem imprimis hic conveniunt; qui longe citius putrescunt, quam carnes; imprimis pisces illi, qui alios pisces vorant, uti lucius piscis &c. huc spectant & carniū juscula, & gelatinæ inde factæ: sic gelatina, ex cornu cervi rasura facta, intra biduum aestivo tempore jam putrescit.

VEGETABILIBUS. Pleraque vegetabilia acescunt, non omnia tamen. Amara fere omnia acido resistunt; hinc cerevisias his condiunt, ne acessant. Brassicarum fere omnia genera sibi relicta putrescunt; decoctum certe brassicarum jam aliquid subputridi foetoris habet: plantæ illæ antiscorbuticæ acres, ut cochleariæ, raphani, sinapi &c. putrescunt, non fermentantur; imo & recentes destillatæ talem volatilem alcaligum exhibent: hinc in morbis illis scorbuticis frigidis tantum ulum habent, dum & acido resistunt, & efficaci stimulo languentes functiones excitant.

Pro potu sola aqua; omnes enim cerevisiæ acescunt. Si debilitas vini usum suadeat, fumatur oleosum, meracum, quale Hispanicum, Hungaricum, Canarinum &c. vel detur post vinum assumptum absorbens aliquod, quod acidum vini corrigat.

In materia Medica recensitæ sunt tales aves, quæ aliis animalibus vivunt:

vunt: hinc illarum carnes in alcalinam putredinem magis pronae sunt. Bos solo gramine vivit, & gramine, per corporis efficaciam mutato, constat: ideoque hujus animalis carnes magis quali ad vegetabilis naturam accedunt, sed dum aliis animalibus palcantur aves, materia nutrimenti ingesta jam animale naturam habet, & ulterius adhuc in corpore assumentis perfriscitur, hinc harum avium carnes libidinosum illum dictum saporem habent; & nemo illis diu, sine acidis condimentis vel sale, vivere posset; adeo in putredinem pronae sunt.

Ut autem curetur acidum praedominans in corpore humano, tria requiruntur: 1. ingestio talium alimentorum, quae spontanea mutatione nunquam in acidum, sed in acido oppositam iadolem, vergunt: de his actum fuit binis prioribus numeris hujus paragraphi. 2. Corporis actiones, quae cruda ingesta assimilant in naturam nostram, excitandae, & roborandae sunt: de his agitur numero tertio, & quarto hujus paragraphi. 3. Acidum praesens nociturum debet tolli, vel iners reddi: hoc docet ultimus hujus paragraphi numerus.

3. De his jam dictum fuit n. 4. §. 28. & ob hanc rationem ipsa acida aultera, corpori ingesta, saepe acidum tollunt non admisione suae substantiae, sed ratione effectus ultimi, per quem actionem vasorum, & viscerum in ingesta augent. Plerumque tamen eliguntur illa, in quibus vis roborans sine acido simul praesente adest. Omnibus fere palmam praecipit Momma Brunsvicensis, quae Cereis quasi syrupus in Indias delata summis illis caloribus sine ulla mutatione resistit, & in morbis omnibus languidis plus prodest fere, quam sperari posset: sic & vina omnia, imprimis olecula illa meracissima, quatenus roborant, & motum augent, sunt antacida; imprimis si aromata stimulantia addantur.

4. Quid motus, & exercitia corporis valeant in roborando corpore nimis laxo in solidis partibus, dictum fuit n. 2. §. 28. sed per motum auctum actio vasorum, & viscerum augetur, per quam ingesta mutantur in naturam humoris inquilini, qui semper in putredinem, nunquam in acidum, vergit: dum valido labore corpus exercetur, urina fit longe acrior, & jam aliquid subputridi quasi spirat; sudor flavescens olides exprimitur; imo nimis laboribus corpus ad morbos acutos putridos disponitur. Mirantur saepe Medici, debilia illa corpora, debellato optima quamvis methodo acido, paulo post iidem languere morbis. Fit hoc tantum fere, quia negligunt corporis exercitiis firmare corpus: certo enim semper redit morbus, nisi augetur muscularis motus, vel ejus defectus validis frictionibus supplatur. Hinc rustici, nane fecalino jam acido, lacte ebutytrato &c. quamvis utantur, duro labore haec omnia superant, nec acido inde laborant.

5. ACIDUM ABSORBENTIBUS. Praecipua in Materia Medica enumerata sunt. Sunt autem talia medicamenta, quae habent hanc peculiarem dotem, quod acidum in liquidis latens ad se trahant, illud a reliquis liquidis partibus separent, & cum illo concrecant quasi.

Spiritali aceti purissimo sensim immisi lapides cancerorum in pollinem tritos; oriebatur sibilus, effervescitiae motus, & videbantur dissolvi; sic tamen ut quic-

quiescente liquido, flocculenta plurima secederent, sensimque fundum peterent. Moto vane hi flocculi aequabilissime miscebantur liquido supernatanti. Perrexi addendo lapidum cancrorum pulverem, donec in fundo non diffolutus maneret, & nulla fierent amplius effervescientiae signa. Filtro deinde depuratum liquorem gustans, inveni saporem acidum utcumque, miscens tamen syrupo florum violarum, nulla fiebat coloris mutatio. Purum hunc liquorem ex alta cucurbita superimposito alembico, lenissimo igne destillavi: prodiiit notabilis copia spiritus ardentis, in quo nulla apperebat acidi nota. Hoc spiritu expulso, aucto parum igne prodiiit aqua, quam ex odore, & sapore acidi quid habere suspicabar; tamen haec aqua nec mutabar syrupum florum violarum in rubrum colorem; nec effervecebat cum oleo tartari per deliquium; nec mutabat solutionem mercurii sublimati corrosivi aqua pura factam. Perrexi inspissare residuum liquorem fere ad siccitatem: erat tunc sapore salius, subamaricans: conclusi inde in hoc residuo haerere acidum acetii, unitum cancrorum lapidum pulveri: addidi deinde huius residuo potentius acidum, vitrioli nempe oleum, ut illud excuteret cancrorum lapidibus adhaerens acetii acidum; deinde lenissimo igne ex vasis purissimis destillavi; habuimus spiritum acidum valde, fugacissimum, nares ferientem penetrabilissimo odore.

Cum ergo acetii generatio videatur pendere a combinatione ardentis spiritus cum acido paulo fixiore, quod in vino latebat (κ); apparet clare ex experimento narrato, quod lapides cancrorum habeant hanc vim, ut acidum acetii separent a reliquis acetii partibus, quibus cohaerebat; deinde ut illud acidum sibi uniant sic, ut, quamdiu haec unio manet, non agat ut acidum.

Hinc apparet absorbentium pulverum utilitas: ex se enim inertes fere videntur, efficaces tantum, ubi acido occurrunt: interim nulla acrimonia corpori nocent.

Unicum restat monendum de horum absorbentium usu: solent in officinis supra porphyritem terere hos pulveres in subtilitatem pollinis impalpabilis, ut aequabilius dilui possent in mixturis, nec ingrato sub dentibus stridore displicerent: sed tunc acquirunt hanc proprietatem, ut vel cum aqua pura concrecant, & longe magis adhuc, si in primis viis occurrant glutinosis humoribus; tunc si non adsit sufficiens copia acidi, quod solvere possit, in massas difficulter postea resolubiles, mole & pondere gravantes, concretescunt.

Nulla docuit observatio, pretiosas margaritas ad hos usus praeferrere debere vilibus cancrorum lapidibus.

Omniun autem absorbentium actio, qua acidum domant, videtur tantum in primae digestionis officina obtinere.

DILUENTIBUS. Quae sunt aqua, & deinde omnia talia, in quibus aqua praedominat. Oleum vitrioli comburit omnes partes corporis, quas tangit: idem illud vitrioli oleum dilutum maxima copia aquae, non nocet amplius: sed quia acidum plerumque in debilibus corporibus praedominatur, aquosa autem diluentia, dum acidi vires enervant, simul solidarum partium robur debilitant, (vide §. 35. n. 1. 3.) fibrosae autem compagis debilitas inter causas acris.

acrimoniac acidae in corpore natae recensetur: (vide §. 61. n. 3.) ob hanc ergo causam absorbentia praeseruntur diluentibus.

OBTUNDENTIBUS. Vocantur obtundentia, quae mollibus suis, & imprimis oleosis partibus sic involvunt omnia acria, ut illa inertia reddant: simul omnes partes corporis, quae oleosis imprimis illis obtundentibus teguntur, ab omni rosione defenduntur. Dum lapide infernali, mercurio ublimato corrosivo &c. in quibus concentratissimum acidum metallo soluto adhaeret, Chirurgi erodere olunt corporis partes, pinguius applicatis vicia loca defendunt: dum venena acria ingesta sunt, nil plus profuit, quam olei ingens copia potata. Acerrimum vitrioli acidum, oleo unitum concrefcit in blandum sulphur; quod, insipidum fere, rodens illud acidum continet. Hinc infantibus acido laborantibus mollissima illa olea adeo profunt. Hanc tamen noxam habent, quod simul solidarum partium compagem laxent & debilitent (vide §. 35. n. 3.).

Huc etiam referuntur julecula ex animalium partibus inspissata in gelatinas; quae & glutine suo acidum inviscant, & simul profunt: dum ex propria sua natura in putredinem semper, nunquam in acidum vergunt.

IMMUTANTIBUS. Vocantur haec immutantia, quae acido occurrentia, cum illo uniuntur in novam salis speciem; in quo sale nec acidum, nec alcali praevalet, sed vocatur Chemicis sal neuter, vel sal compositus, optimas resolvendi vires obtinens. Dum oleo vitrioli acidissimo miscetur acris liquor salis tartari per deliquium soluti, ex binis his acerrimis nascitur sal blandum compositus, quem tartarum vitriolatum in officinis vocant; optimum deobstruens remedium.

Tales jam sunt omnes sales alcalini fixi, ex vegetabilium combustorum cineribus elixivando parati: praeterea omnes sales volatiles ex animalibus, & vegetabilibus confecti. Huc & referuntur omnes saponos, ex sale alcalino, sive fixo, sive volatili, & oleo parati.

§. 67. **Q**uorum electio, praeparatio, dosis, applicatio tempestiva, innotescunt Medico ex cognito malo, ejus sede, aegrotante &c.

ELECTIO. Ex recensitis praecedenti paragrapho eliguntur jam illa, quae maxime conveniunt pro varia indole, & sede mali, & varia aegrotantis natura. Terribis infantibus raro damus sales alcalinos, vel fixos, vel volatiles; vel saltem exigua tantum quantitate: quia, nisi statim occurrant acido, sua acrimonia aequae laedere possent, ac acidum ipsum. Sed his damus absorbentia, in quibus nulla laedens acrimonia est; vel saponos, in quibus alcalini salis acrimonia oleo sic obvoluta est, ut non noccat. Interim acido potentissime resistunt. Si acidi rosione exoriat sint intestina, vel ventriculus, ad oleosa confugimus, & gelatinas ex animalium partibus confectas. Si una cum acido lentum glutinosum addit in primis viis, quod absorberet pulveres inviscando inutiles redderet; sales alcalinos fixos adhibemus, qui & omne glutinosum lentum dividunt, & acidum mutant in saltem neutrum. Si jam ipsum sanguinem infecerit acidi labes, simulque frigus

gus & inertia adsint, ut fit plerumque; alcalini volatiles sales mobilissimi profunt, qui simul efficaci stimulo languentem vitam excitant. Profunt tunc & sales alcalini fixi, quatenus in chylo diluti videntur sanguinem ingredi posse. Absorbentium non adeo tunc laudatur usus, quia non facile videntur vasa lactea posse ingredi. Si simul roborandum est corpus, limatura ferri praefertur reliquis.

PRAEPARATIO. Sales alcalini volatiles vel fixi, diluti in aqua pura dantur optime. Ubi metuitur, ne effervescencia facta in concursu acidi, & alcali molestia oriatur flatulentia, alcali cum oleo coctum in saponem exhibemus. Absorbentia non in nimiam tenuitatem trita damus, ut jam monitum fuit in paragrapho praecedenti. Est praeterea alia praeparatio absorbentium in quibuldam officinis, non multi usus, ut videtur: absorbentes pulveres solvunt in aceto stillatitio, solutos praecipitant, affundendo oleum tartari per deliquium; dein subsidentem pulverem ablutum servant: vocant magisteria. Tractavi hac methodo lapides cancerorum, & inveni magisterium inde factum nihil aliud esse, nisi tenerrimum pulvisculum lapidum cancerorum, qui aequae effervescerebat, & solvebatur in aceto stillatitio, ac ante. Hinc satis inutilis videtur hic labor: nec tamen verum est, ut dixerunt quidam, haec magisteria cum acidis non amplius effervescere.

DOSES. In absorbentibus non facile peccatur: tuto enim larga dosi dantur, cum ex se ipsis non adeo actuosa sint, ut nocere possint. Nec in diluentibus, aut obtundentibus, anxia cautela requiritur: sed immutabilia semper acria cum sint, limitatam magis dosim requirunt; uti in Materia Medica notatur.

APPLICATIO TEMPESTIVA. Dum in primis viis haeret acidum, maxime convenit, leni stimulo purgante addito, remedia antacida per totum intestinum tractum deducere, dum in sanguine haeret, volatiles alcalini sales, disposito simul ad sudorem corpore, imprimis profunt.

Dum infans ubera matris ducens acido laborat, possumus acidum praesens tollere, & enervare; sed victum ex alcaliscentibus tali infanti exhibere nequimus; cum praeter lac omnia fere reliqua fastidiat. Hinc tempestiva applicatio tunc requirit, ut matri praescribatur victus talis, qui chylum, & lac reddat quammaxime alienum ab acida acrimonia. De his dictum in §. 66. n. 1. 2. 3. 4.

§. 68. **H**inc patet cur pueris, pigris, virginibus, pauperibus, & certis artificibus, hic morbus familiaris sit.

CUR PUERIS. Solo fere lacte materno vivunt, vel puliculis ex farinosis, pane, lacte animalium: solida omnia habent tenerrima: carent animali motu fere.

PIGRIS. Dum inerti otio torpent, corpus vix moventes, omnium vasorum, & viscerum actiones debilitantur; ingesta non assimilantur, sed spontanea corruptela degenerant: cumque pleraque, quae assumimus, aclescere possint, ut panis, cerevisia, vinum, olera pleraque &c.; hinc non mirum, acido repleti talia corpora.

VIR.

VIRGINIBUS. Quia laxiorem corporis compagem habent; otiosae vitae nimis deditae sunt, ditiores si fuerint; sedentario autem labore victum saepissime quaerunt illae, quibus angusta res est; & aquosis tepidis potibus, saltem in his regionibus, nimis delectantur.

PAUPERIBUS. Qui in his locis raro carnibus uti possunt, lacticiiniis, imprimis lacte ebutyrato, hordeo, avena, fagopyro, oryza &c. oleribus, cerevisia tenui vivunt; & plurimi ex illis sedentario labore victum quaerere debent; vel saltem tales artes exercent, quae non adeo validos motus requirunt.

CUR CERTIS ARTIFICIBUS. Omnes illi, qui tales artes exercent, quae requirunt, ut tota die in aere, acidis halitibus repleto versentur, frequenter acido laborant. Bibula enim in tota superficie corporis venae ex aere multum resorbent; aer talibus plenus inspiratur; per ventriculum & intestina oberrat: hinc totum corpus tandem acido quasi repletur. Hinc videmus pallidos, languidos, tumentes tam saepe illos, qui cerevisias, acetum conficiunt, aquas fortes parant &c. tanta enim copia acidi corpus quotidie ingreditur, ut motu, & robore corporis superari nequeat.



MORBI A GLUTINOSO SPONTANEO.

§. 69. **G**lutinosum pingue ex vegetabilibus habet causas antecedentes, 1. farinosa cruda, austera immatura. 2. inopiam boni sanguinis. 3. debilitatem vasorum, viscerum, bilis. 4. imminutum motum animale. 5. dissipationem liquidioris per laxata vasa fecernentia. 6. retentionem crassioris debilitate instrumentorum excernentium.

Uti multi a solo acido plerisque morbos deducebant; sic alii a pituita derivare illos conati sunt. Ubique hanc damnabant, semper de corpore eliminandam volebant, licet multis in locis corporis naturalis sit, & ab hujus pituitae defectu plurimi, & difficillimi morbi oriantur saepissime.

Glutinosum jam dicitur omne corpus, quod ad fluidi naturam utcumque accedens tale est, ut ejus partes tanta tenacitate cohaereant, ut in filamenta se duci possint. Hinc glutinosum quasi semiliquidae naturae est, sed cum tali partium lentore, ut motae cohaerendo quasi inter se teneant.

In omnibus liquidis humanis, si subtilissima forte, & quaedam excrementitia excipiantur, lentor adest: sanguis, & ejus serum, bilis, saliva &c. aliquam tenacitatem habent, quae ad sanitatem requiritur: simulac enim sanguis plasticum illum lentorem amisit, & in nimiam tenuitatem degeneravit; nascitur hydrops.

Sed & observantur in corpore sano a sanguine secreta liquida, quae optimo jure glutinosa dicenda sunt: v. g. liquor unctuosus articulis lubricandis intervens; mucus naturalis partes membranaceas corporis plurimas defendens, & lubricans; ut in ventriculo, oesophago, intestinis &c. arteriarum interni parietes quoque mucoso tali smegmate obducuntur &c.

Hinc non semper glutinosum damnandum est, tanquam morbosum; cum pituita ex lege corporis nascatur in sanitate illibata, & tam pulchros usus habeat.

In hoc capitulo autem de pituita morbosa agetur, quae vel ingestis, glutinosa nimis tenacitate praeditis; vel abundantius nimis, aut spissioris redditae pituitae naturali originem debet.

Duplicem pituitam Veteres agnoverunt, illud, quodustum, & velut su-
pra modum in succis coctum erat, vocabant phlegma (ἀπὸ αἰτίας πλεγματικές, quodustum esse significat) illud autem albi coloris, quod omnes pituitam vocant, βλέννη (mucum) dixit Prodicus in opere de hominis natura (1).

Prius illud erat phlegma calidum, & phlegma phlegmonodes dictum: posterius

[1] Galen. de natural. facultat. Lib. II. cap. 9. Charter. Tom. V. pag. 50.

posterius erat frigidus lentus humor, qui simpliciter pituita, vel & phlegma frigidum dicebatur.

Phlegma illud calidum in sanguine venis educto, in morbis inflammatoriis, apparere saepe; ubi insulae superficies coriacea tenaci alba lamella regitur: phlegma frigidum in catarrhosis morbis tanta copia secerit.

Causae jam nimiae pituitae recensendae, quatenus ex his praegraviss. in corpore sano nasci, & accumulari potest.

1. Omnes farinae plus minusve cum aqua subaestae, lentescunt. Amylum; farina subtilissima, gluten dat adeo notum: farina seminum lini cum aqua in passam tenacissimam abit, indomabilem corpori, si assumitur, uti dictum §. 25. n. 1. Sed hoc faciunt farinae crudeae imprimis: si enim fermentatio acceperit, licet levis, & incepta tantum, frangitur illa tenacitas; ut in pane fit. Hinc multiplices pauperum morbi, dum farinosis crudis utuntur fere quotidie, & interim plurimi ex illis sedentario labore victum quaerunt.

AUSTERA IMMATURA. Haec talem vim habent, ut & solidarum partium elementa ad se invicem propius accedere faciant, & fluidis lentorem concilient majorem. Dum quis mespili immaturum fructum gustat, sentiet totum os secari, & contrahi, & salivam inspissatam plus lentescere: haec auster deglutita in ventriculo, & intestinis eadem efficiunt. Dum rusticorum pueri immaturos fructus avidè devorant, tumido abdomine, pallido vultu, languore totius corporis poenas toties luunt.

2. Inter illas causas, quae ingesta alimehta mutant in nostros humores, recensebatur merito sanguinis boni copia praefens; ut demonstratum est §. 25. n. 1. & §. 43. n. 3. ubi ergo deficit boni sanguinis idonea copia, glutinosa ingesta suam retinent indolem, nec subiguntur. Magnam jacturam sanguinis passi toto corpore tumidi frigido lentore languent; sanguis enim bonus suo motu, & calore omnia haec lenta attenuat. Hippocrates (m) memorabilem locum habet, qui hoc confirmat; dicit enim: *cum in utero gerat mulier, tota sit cum virore pallida, (χλωμή) quod purus ipsius sanguis quotidie ex corpore desisset, & ad foetum feratur, illique incrementum fiat, & pauciori in corpore sanguine existente, eam ex viridi pallidam esse necesse est.*

3. Vasorum, & viscerum debitum robur cruda ingesta mutat in naturam humoris inquilini. Illud robur auctum lentorem quidem sanguini conciliat, sed calidum dictum, sive phlogisticam diathesim sanguini inducit, penitus oppositam frigido pituitoso lentori, de quo hic agitur: effectus enim fortium vasorum, & viscerum est lentorem glutinosum ingestorum attenuare, & dividere: hinc robusti, & duro labore corpus exercentes farinosa talia assunt sine ulla noxa; debiles, otiosi, his utentes, abdominalia viscera infarcta habent satis subito.

BILIS. Ex viscerum abdominalium sanguine venoso per hepatis fabricam secerit bilis; chylo, ex ventriculo egresso, affunditur; saponacea indole fundit omnia; aequabilissima miscelae apta reddit; glutinosa lenta omnia dividit, & attenuat. Dum vituli solo adhuc utuntur lacte, illud in primo ventri-

triculo horum animalium jam in caseum, & serum dividitur: caseus ille in secundum, & tertium ventriculum delatus sensim fit lentior, & crassior; in quarto ventriculo exsuccus fere: sed dum huic caseo in duodenum delato miscetur bilis, totus resolvitur; tantam habet efficaciam bilis. Hinc bile utuntur saponis instar, ut sericeas velles a sordibus repurgent: tenacissima pigmenta bile diluunt pictiores, ut aequabilissime possent diduci. Ubi ergo inertior sacca bilis minus bene suo munere fungitur, ingesta glutinosa, & pituita naturalis ventriculum, & intestina obducens, accumulatur, in majorem tenacitatem degenerant, & pessimos morbos producant, bile acriori reddita, vel medicamentis amaris saponaceis, bilis vicem supplantibus, curabiles. Accidit saepe in autumnalibus imprimis febribus acriorem saccam, & putridam fere bilem, vel sponte, vel arte evacuari: nisi tunc curati ab his febribus amaris illis, bilis defectum compensantibus, utantur, pituitosis frigidis morbis diu languent.

4. Naturale gluten lubricandis, & defendendis partibus inserviens in quiescentibus hominibus accumulatur semper: hinc laxa, tumidula, glutinosis humoribus plena horum corpora fiunt. Dum enim salubri motu corpus exercetur, liquidorum per vala propulsio augetur: sic averitur omne, quod inciperet haerere. Quiescentibus membris, linimentum illud mucosum articulis lubricandis inserviens, incipit sensim accumulari; sicque saepe anchyloses facit, postea vix curabiles. Ventriculus, & intestina lento glutine in interna sua superficie obducuntur: valido motu dum corpus exercetur, respiratio aucta diaphragmatis, & musculorum abdominalium actione reciproca omnia haec viscera movet, premit, ad se muto quasi affricat; & sic detergantur omnia. Lentum oleosum, quod in quiescentibus bene pastis animalibus tanta accumulatur copia, motu musculari attenuatum dissipatur iterum.

5. Frequens satis causa nati lentoris in liquidis nostris, licet de illa non tam saepe cogitetur: plerique enim humores nostri hanc habent indolem, ut ablati paucis liquidiori concresecant: lentae tales mucosae concretiones ex lymphâ tenuissima perspirante inspissata nasci possunt tam cito, ut incredibile videretur omnibus, nisi certissima observata docerent.

Nares hominis sani, in aere moderate calido degentis, tota die ne unicam liquoris guttam pluunt: totum ergo, quod de naribus exhalat, perspirabile est tenuissimum. Sed si vespertino corripitur frigore tota die in aere calido versatus, sentiet narium pruritum, stertitationem, incipit exire liquor limpidissimus, vocatur coryza: dormiens de nocte incipit a tumente membrana interna narium clausis naribus per os solum posse respirare, sequenti die saepe jam emungit maximam copiam muci spissi; durat hoc per plurimos dies, imo aliquando per menses: dum in somno non sentit homo gravedine laborans irritamenta muci in naribus collecti, matutino tempore evigilans invenit fragmenta tenacia penitus coriacea, ex inspissato mucus nata. Idem jam circa laryngem, asperam arteriam, pulmonem fit: unde post somnum fragmenta densa adeo muci concreti rejiciuntur, ut mirum videatur, suffocationem inde non accidisse: hinc catarrho laborantibus illae luctae, & jactationes, & inomnia

laboriosa, dum dormiunt; quae videntur difficiliorem trajetum vitalis sanguinis per pulmonem indicare.

Quantum ergo peccant saepe, qui sudoriferis, diureticis &c. sanguinem volunt attenuare? Dum, liquidissimis subductis, reliqua facilius in concretionem tendunt.

6. Sanum corpus pituitam generat; quae functa suo munere debet eliminari de corpore: aliter remanens colligitur, & fit pituita morbota. Tota superficies interna asperae arteriae, & bronchiorum pulmonis tenerimo obducitur muco, qui nervos hic dispersos, tam facili irritabilitate praeditos, regit, & defendit: sed in juvene sano optime respirante, sgili, omnis ille mucus suo munere functus dissipatur, vel post somnum paulo majori copia aliquando collectus, levi tussicula excreando educitur facillime. In senili vero aetate, mucus ille iners, lentus, sensim aggeritur, debiliior pulmo, & minus firma latera, hunc educere nequeunt: hinc collectus stertorem facit, & sibilum in parte aerea pulmonis; tandemque tussi repetita, non sine molestia, educitur. Astidue renatus mucus, ob pulmonis vires coquentes imminutas, dilatata plus vasa, & cryptulas mucosas diffuentes, senile illud tussiculofum asthma facit, de quo dixit Hippocrates (n), *raucedines, & grauedines in valde senibus non conueniunt*. Hinc omnia illa, quae lentum illud mucosum attenuant, & simul languentes vires incitant, adeo profunt senibus: nam non tantum in pulmone, sed & in ventriculo, & intestinis &c. mucu aggestio fit; imo & in ipsa vesica: unde toties fenes urinam pituitosam reddunt.

§. 70. **N**ascitur primo in prima officina digestionis, hinc in sanguine, dein in reliquis, inde derivandis liquidis.

Lentum illud gluten, ex ingestis tali indole praeditis natum, semper primo apparebit in ventriculo, & intestinis. Sed non videtur facile glutinosum tale posse ingredi subtilissima lacteorum vasorum, & venarum mesentericarum oscula: sed tales particulae, quae unitae lentum illud mucosum constituiebant, separatae, & dilutae tenuioribus liquidis, possunt se furtim quasi per haec oscula subducere, sicque sanguini misceri, deinde possunt in magnis cavis cordis, & sinu venoso iterum uniri, & lentorem praeternaturalem facere, qui se primo fere semper manifestabit in pulmone, dum recens chylus statim per pulmonis angustias transire debet. Hinc ubi debiliores imprimis homines farinosa non bene fermentata in prandio assumerunt, paucis horis postea dyspnoeam sentiunt, lentiori ethylo difficilius per pulmonem pulso.

Sed languinis indolem sequuntur inde secreta liquida. Hinc ubi semel sanguis tali lentore gravatur, reliqui humores inde secreti plus lentescunt, quam in sanitate requiruntur.

§. 71. **I**N primis viis facit prostratum appetitum; repletionis sensum; nauseam, vomitum; ingesti cruditatem; bilis

incr^a

(n) Aphorism. 40. Sc. 2.

inertiam, ejus inviscationem, & consumtionem; pituitae stomachicae, & intestinalis ortum; alvum tardam, & tumentem, impedimenta chyli parandi, perficiendi, secernendi.

PROSTRATUM APPETITUM. Quando in ventriculo non sunt vires ad digerendum cibos, deficit appetitus; qui redit, simulac ventriculi vires insurgunt: sed nisi debilis fuerit ventriculus, raro lentum illud accumulatur. Cognoscitur huic causae adscribendam esse appetitus deletionem, si sine morbo praegresso, sine signis corruptorum humorum circa ventriculum haerentium, lente & sensim minuatur appetitus, tandemque penitus deficiat. Miseri illi, qui fermentatione paratis spiritibus ardentibus abutuntur, tandem destructo omni ventriculi robore penitus appetitu carent: omnibus illis mane surgentibus nausea molestissima, & tenacis pituitae vomitus.

REFLECTIONIS SENSUM. Semper se plenos, semper saturos dicunt, & de molesto pondere hic haerente conqueruntur. Sic enim factus est ventriculus, ut, dum aliquid contineat non facile digerendum, gravitatem, & anxietatem homines sentiant. Spissius carnum jusculum debiles ex morbo homines quantum gravat!

NAUSEAM, VOMITUM. Lenta haec pituita faucibus adhaerens, vel in ventriculo fluctans, & hinc inde mora irritat sic, ut continua sere nausea fiat, & saepe vomitus molestus; nec facile tamen adhaerens pituita ventriculi lateribus vomitu excutitur: hinc diuturna affligit ab hac causa nausea. Notum est, levem irritationem faucium, & ventriculi, simplici motu mechanico factam, nauseam, & vomitum producere posse. Dum lumbrici in ventriculo repunt, quanta nausea! dum plumula in faucibus movetur, mox nausea, & vomitus. Malum hoc saepe molestum Literatis provectioris aetatis, in quibus aliquando faucium, oesophagi, ventriculi interior tunica sic disponitur, ut membranae narium accidit in catarrhosis hominibus; ex qua saepe per integros menses maxima copia muci depluit.

INGESTI CRUDITATEM. Cibi ingesti pituita tenaci hic haerente obvolvuntur sic, ut humorum, per fabricam viscerum secretorum, huc affluentium efficacia reddatur iners penitus: sed horum humorum, & imprimis bilis actio, praecipuum est chylopoiesis instrumentum. Cum ergo illae causae, quae in homine sano abstergunt, & dividunt omne viscosum in his locis, non potuerunt impedire hujus viscosi aggestionem, multo minus poterunt illud gluten jam hic accumulatum dividere, & attenuare: hinc saepe cibi, imprimis duriore, post multos dies, pituita undique obvoluti, evomuntur.

BILIS INERTIAM. Praecedenti paragrapho dictum fuit, glutinosa in primis viis haerentia, non posse ingredi sanguinem, nisi diluta; sed illas partes, quae unitae viscosum illud lentum faciebant, separatas, & aliis tenuioribus mistas, posse intrare biantia in cavum intestinorum oscula venosa. Haec autem sunt vel vasa lactea, vel venae mesentericae. Sed omne, quod per venas mesentericas ingreditur, directe per venam portarum tendit in hepar. In hepate vero tardissimus circuitus humorum; hinc facilior unio partium glutinosarum

in sanguine hepatico: sed ex hoc sanguine secernitur utraque bilis: & bilis cystica, in suo folliculo collecta, & stagnans, dat magnam opportunitatem adnationi particularum viscosarum. In porcis mactatis laniones aliquando deprehendunt vesiculam fellis immaniter distentam, & bile tam glutinosa plenam, ut in filamenta cohaerentia se distrahi patiatur.

EJUS INVISCATIONEM, ET CONSUMTIONEM. Videtur admodum probabile, hilem, chylo intestinelorum mistam, pro parte iterum reorberbi per venas mesentericas; sic redire in hepar; & postquam efficaciam hujus visceris rursus passa est, de novo secerni. Hinc elaboratissima bilis portio iret, & rediret saepius hanc viam: sed dum bilis tenaci glutine inviscatur, impeditur haec resorptio per venas mesentericas: ideo huic viscoso permista manet, & cum illo, motu peristaltico intestinelorum, ad crassa intestina deducitur: patet ergo, multum bilis tenuissimae sic consumi frustra.

PITUITAE STOMACHICAE, ET INTESTINALIS ORTUM. Morbosae nempe, ex causis explicatis hic natae, & collectae. An & ab iisdem causis deduci potest origo pituitae, vitreae Veteribus dictae? Observatum fuit, saepius per alvum externi splendentes, gelatinae instar tremulas, & purissimi vitri instar pellucidas massas; quae ob tenacitatem glutinosam huc referri posse videntur. Sed plerumque acerrimos abdominis dolores prius toleratos sequitur haec pituita vitrea.

De se ipso narrat Galenus sequentia (*): Memini mihi ipsi accidisse dolorem vehementissimum, ut mihi videretur in intimo ventre terebra perforari, in illo potissimum spatio, per quod a renibus ad vesicam ureteres scinius extendi: injecto deinde oleo rutae, quum id paulo post excernere tentarem, excrevi simul cum gravissimo dolore humorem vitreum a Praxagora appellatum, qui vitro fuso, tum colore, tum consistencia consimilis est, atque id aliis quoque accidere conspexi &c. frigidissimus autem percipitur sensu tactus tum ipsum, qui excernunt, tum si quis confectum ipsum tangere voluerit &c. evacuato hoc humore dolor sedabatur: factetur autem se deceptum fuisse, dum crederetur calculum alterutri ureterum impactum causam doloris fuisse. Acerbus ille dolor inertis pituitae non videtur adscribi posse: hinc videtur pituita illa vitrea differre a pituita naturali accumulata.

ALVUM TARDAM, ET TUMENTEM. Bilis praecipuum stimulum alvi exonerandae facere videtur: hinc reddita acrior choleras, & dysenterias validissimas facit: si impediatur fluere in intestina, ut in Ictericis, alvus tarda fit. Sed antea jam dictum est, bilem inertem fieri, inviscari, consumi, dum glutinum illud in primae digestionis officina accumulatum haeret. Naturaliter intestina sunt contractissima: sed dum pituita spissa intestinale fistulam obturat variis in locis, accumulatur ingesta, tenuissima sola transeunt, crassiora haerent: his aggestis, & intercepto elastico aere, distenduntur miram in molem saepe abdomen; ut toties in pueris, pituita tali aggesta laborantibus, appareat: in quibus prominulum abdomen turget, & omnia reliqua corporis adeo decrescunt, ut keletorum instar appareant, defectu nutritionis. Purgantibus de-

(*) De locis affectis lib. II. cap. 5. Charter. Tom. VII. pag. 405.

deturbata per alvum hac saburra; dein roborantibus exhibitis pulchre curantur, simul perficatio abdomine aromaticis unguentis.

IMPEDIMENTA CHYLI PARANDI &c. Ut enim bonus chylus fiat ex ingesto cibo, & potu, ventriculi, & intestinorum actio requiritur; afflusio bilis utriusque, lymphæ pancreaticæ, succi gastrici, intestinorum &c. sed omnia hæc impediuntur a glutine hic hærente: hinc ad debitam perfectionem non elaboratur chylus. Præterea & glutinosum illud tenuissima venarum mesentericarum, & vasorum lacteorum oscula obstruit; & hinc secretio chyli in intestinis facti impeditur; ac corpus, defectu nutrimenti, vero marasmo consumitur.

§. 72. **I**N sanguine visciditatem, pallorem, immeabilitatem; in vasis obstructions, concretiones, urinam pallidam vix olentem; salivam lentam; tumorem alvum; impeditas secretiones; defectum subtiliorum; sic minimorum canalium coalitum facit.

s pituita ex ingestis glutinosis, vel ex naturali lubricante erio, sed accumulato, nata sanguinem infecerit, fient quæmutatæ sanitatis, quæ observata vocantur effectus glutinæ hærentis.

Distinctissimam ab inflammatorio viscido, uti jam modo hic intelligitur tale viscidum mucosum, quod in aqua concretiones inflammatoriæ sanguinis in aqua non solum visum fuit sæpius, dum imprudenti consilio frigidis, hominibus vena secabatur; pauculum enim rubri concreti at magnæ copiae seri viscidi glutinosi.

omnibus illis locis, ubi cutis abest, sanguinis colorem, per translucentem, observare possumus; uti in lingua, gingivis, oculorum angulis, adnata, palpebrarum interiori superficie in his locis omnia pallida apparent, tunc novimus, vires hærent non esse inflammatoriæ naturæ, sed lentæ pituitæ enim inflammatoria sanguinis tenacitas adest, omnia rubent, pituita prædominatur, pallor, & sigus adiunt. Chylus enim quando sanguinem ingreditur; debetque per circulationis effectum sanguinem rubrum: debilia autem illa corpora, dum hanc

em pericere nequeunt, pallent semper. Cum chlorosi, seu palpiunt laborare toties circa primam menstruum eruptionem nec evidenter patet: dum enim ad incrementi apicem pervenit corpus, incipit æquilibrium inter solida, & fluida nasci: viscopoietica agunt ut ante: gignitur plus boni liquidi: quod corporis, sed molem movendorum, manente eadem causa, totum corpus iners fit, tumet, pallet; non ob iacturam san- quia quotidie chylus albus sanguini affunditur, quem vires lent mutare in sanguinem rubrum. In hoc morbo semper illud

4.0.6v
 050
 01
 021
 021
 74
 056
 56
 544
 05V
 05V
 05V
 55V
 85V
 02V

illud glutinosum lentum nascitur: ut docet pastacea totius corporis mollietates, pallor, inertia.

IMMEABILITATEM. Tandem enim nimis lentescens sanguis non potest pelli amplius per vasa; imprimis cum semper debilior circulatio addit in illis, qui viscoso illo lento abundant. Haec autem immeabilitas imprimis observabitur in vasis minimis, in pulmone & cerebro: hinc horum viscerum actiones tunc turbantur quam maxime: & tandem fere lethargici pereunt; vel oppresso pulmone suffocantur.

IN VASIS OBSTRUCTIONES. Quae longe frequentius a tenacitate inflammatoria nascuntur, quam a pituita frigida. Tamen & inde nasci possunt, dum fluidorum molecularum, lenta viscositate nimis cohaerentes, non patiuntur se dividi per vaporum actionem in illam tenuitatem, quae requiritur, ut transire possint per ultimas vaporum angustias.

CONCRETIONES. Ubi stagnat pituita, in massas coriaceas densas crescere potest; imprimis liquidiori parte dissipata. Docet id narium mucus, in tales concretiones abiens. Similia concreta in faucibus nata saepe excreantur. Idem & in pulmone aliquando fieri, docent quotidiana observata.

URINAM PALLIDAM VIX OLENTEM. Haec semper designat languentes corporis vires: hinc pueris, laxis mulieribus, debilibus senibus, semper talis urina. Quo fortior enim homo est, eo caeteris paribus magis colorata urina est, magisque olida. Sed in robustis glutinosum illud spontaneum raro nascitur: nam acrior in his bilis, validaque viscerum actio; omne lentum dividunt, solis vero debilibus hic morbus familiaris est.

SALIVAM LENTAM. Saliva vel in homine sanissimo lentescit imprimis, quia mucus oris, & vicinarum partium huic miscetur. Sed cum sanguinis naturam sequantur inde secreta liquida, non mirum est, ex sanguine viscidiori secerni lentiores salivam: quae deglutita, & inter manducandum cibis mista, in primae digestionis officina viscidum auget.

TUMOREM ALBUM. Vocaverunt λεῖπον φλέγμα Veteres; unde & λευκορραῖα dixerunt hunc morbum. Dicitur adesse, quando sanguis degenerat in talem cacochymiam, ut rubedinem, & densitatem amittat; & levior factus magis laxam, mucoso frigori accedentem, naturam acquirat: ubi vero sanguis dissolutus in aquosam tenuitatem loca subcutanea hydropico tumore distendit; vocaverunt & simili nomine aliquando Medici; sed melius Veteres vocaverunt tunc hydropem ἀπὸ σάρκα. Apparet facile distinctos esse hos morbos, licet saepe confundantur: in leucophlegmaticis enim frigida pituitosa humorum indoles est; in hydropem in tenuitate aquosam degenerant omnia. Hydrops ἀπὸ σάρκα plerumque ab inferioribus orta, sensim ascendente tumore pergit; leucophlegmatia, pituita in habitum corporis diffusa, magis aequabiliter per totum dispergitur; hinc laxitas, & pastacea mollietates totius corporis: hoc morbo laborantes homines bombycum instar pellucunt fere. Hinc Hippocrates haec distinguens dixit (p): *quum pituita alba corpus destitueris*,

10-

totum corpus tumore albo intumescit &c. si curatus fuerit inchoante morbo, convalescit; sin minus, in hydropem transit morbus, & hominem perimit: & alibi (g) albae pituitae hydrops supervenit.

IMPEDITAS SECRETIONES. Omnes secretiones a sanguine fiunt. Ut ergo illae fiant debito modo, requiritur, ut sanguis bonus addit. Sed debilia haec corpora chylum, & lac album conficiunt; sanguinem solidum rubrum difficillime: hinc albus ille color. Si vires paulo plus valeant, magis mutantur; non tamen integre perficiuntur humores: tunc color oritur flavescens, vel viridescens; ut patet in chlorosi. Ideo vix perspirant, parum mingunt, parcius, & interior bilis secernitur &c. accumulatum illud pituitosum obstruit minora vasa fecerentia, vel distendendo partes comprimit, sicque secretiones impedit.

DEFECTUM SUBTILIORUM. Videmus evidenter in leucophlegmaticis, omnes illas functiones deficere, vel languere, quae a subtilissimo liquido, per minima vasa moto, pendunt. Hinc illa tarditas ad omnes motus musculares, torpor, hebetudo sensuum, oblivio, somnolentia: videtur enim naturae prudenti instituto sanguis ad cerebrum tendens liberari a lentiori minus mobili parte, dum carotis externa ad nares, linguam, os internum &c. deferret sanguinem, unde tanta copia lenti mucii secerentur: & sic solidissimus, & purissimus sanguis ad cerebrum, & cerebellum deferretur, ut inde fiat spirituum secretio. Dum ergo sanguis in pituitosam inertem cacochymiam degenerat, debita spirituum secretio deficit, & omnes, quae ab his pendunt, actiones.

MINIMORUM CANALIUM COALITUM. Certo novimus, magna etiam vasa, orbata liquido transfluente, collapsa concrevisse. Canalis arteriosus, medius inter aortam, & pulmonalem arteriam, tam patulus in foetu, postea concrevit; dum respiratione explicatus pulmo liberam viam facit sanguini, ex corde dextro per arteriam pulmonalem pulso: unde per hunc canalem non amplius fluit sanguis; contigua facta collapsi canalisi latera concreverunt, & satis cito quidem. Sed si hoc fiat in tam magno vase, quid fiet in minimis illis, quae sua parvitate omnem imaginationis vim fugiunt, si orbentur subtilissimo suo liquido? Ex antedictis autem patuit, in hoc morbo deficere illud subtilissimum, quod sub transfusu minima illa vasa aperta servare potest: & ex hac causa toties, post apoplexiam, vel paralyfes ex hac cacochymia glutinosa natas, supersunt immedicabilia mala.

§. 73. **H**inc collisiones, circuitus, secretiones, excretiones, motus vitales, naturales, animales, omnes perturbantur, unde suffocatio, mors.

Omnia, quae in hoc paragrapho recensentur, a debito motu liquidorum sanorum per vasa, requisitum robur habentia, pendunt: ubi ergo nimia sanguinis glutinosa difficiorem trajectum per minora vasa facit, vel & tandem

omnino impedit, necessario sequuntur omnia hic recensita mala. Dum, consideramus illa symptomata, quae in chlorosi laborantibus observantur, haec omnia patebunt evidenter.

In hoc enim morbo, nulla fit COCTIO ingestorum, vel depravata penitus; & omnia in spontaneam abeunt corruptionem. Hinc illi ructus acidi, nidorosi &c. CIRCUITUS humorum penitus turbatur: docet hoc pulsus inordinatus toties in hoc morbo, & frigus, imminutae circulationis sequela: SECRETIONES omnes fere a naturali lege declinant. Viscida saliva, iners bilis, spirituum defectus hoc docuit. EXCRETIONES mutantur omnino: urina pallida, spumosa, vix olens: alvus plerumque tardior: perspiratio vix ulla. VITALES MOTUS perturbantur omnino: respiratio difficilis, ad minimum motum corporis anhelosa: cordis palpitationes enormes saepe: animi deliquia a levissimis causis: pulsus tardus, parvus, dum quiescunt; velox, & inaequalis, dum corpus movent. NATURALES functiones depravatae penitus sunt: Appetitus vel nullus, vel ordinatus absurda quaevis desiderat; dum arenas, calcem, cretam &c. clanculum toties vorant hoc morbo laborantes puellae; unde calamitosissimi saepe morbi. Ab assumtis cibis gravantur, nec inde reficitur corpus; ANIMALES functiones languent omnino. Languida membra, vix trahunt, a minimo corporis motu lassatae illico: sensuum omnium hebetudo, stupor, vertigines molestissimae adfunt. Tandem, immeabili propter nimiam viscositatem haerente in pulmonibus sanguine, suffocantur, vel subtilissimorum spirituum defectu lethargo percutunt.

§. 74. **E**X his (69. 70. 71. 72. 73.) diagnosi, prognosi; anamnesis mali huius patet, nec vero, sanatio quid indicet, obscurum est.

DIAGNOSIS, docens descriptum morbum adesse, ex dictis facile habetur. Si sit solidorum debilitas, boni sanguinis inopia, talia assumpta sint alimentata, in quibus glutinosum illud praedominatur, sedentaria vita fuerit, tuncque sine febre, sine siti, sine ulla nota putredinis, incipiat sensim appetitus deleri, totum corpus tumere, pulsus sit debilis, frigus adlit; certo licet concludere, pituitosum illud frigidum praedominari.

PROGNOSIS. Omnia illa mala recensenda forent in prognosi, quae §. 71., 72., 73. enumerantur. Et ex iisdem praegressi mali ANAMNESIS habetur.

SANATIO. Quomodo obtineri possit, ex iisdem certissime deducitur: haec enim obtinebitur evitatione causarum §. 69., sic enim prohibebitur viscidus generatio; deinde viscidum jam praefens in corpore debet attenuari idoneis remediis, ut non amplius functiones laedere possit.

§. 75. **Q**uae obtinebitur. 1. usu cibi, potusque bene fermentati, sale, & aromate conditi. 2. iusculis volatiliū animalium. 3. roboratione vasorum, & viscerum. 4. aucto motu. 5. medic-

camentis diluentibus, resolventibus, stimulantibus, biliosis, saponaceis. 6. frictu, calore, balneo, vesicatoriis. Cacterum interiora corporis obli lentur glutinosi, vel spissi, caseosi, mucosi, mucilaginosi, leniosi, ceracei, pultacei, amurcosi, calculosi, tartareis, serosis inflammatis, polyposi, meliceratis, steatomatosi, atheomatosis densis, scirrhis concretis. Cavendum religiose, ne perturbetur glutinolum beneficum, naturale, lubricans, inungens, defendens, quod oculis, palpebris, naso, ori, faucibus, gulae, ventriculo, intestinis, pelvi, ureteribus, vesicae, urethrae, vaginis mucilaginosi tendinum, articularum commissuris, laryngi, arteriae asperae, bronchiis, datum in usus necessarios, cum glutinoso morbo. Quod fatali idiorarum, & medicaltrorum errore nimis crebrum.

1. Dum farina cum aqua subigitur, fit lenta, & ductilis pasta, glutinosa penitus: si fermentatio concilietur huic massae, omne illud tenax dividitur, & quidem eo plus, quo fermentatio fortius, & diutius egit in hanc tenacem massam. Optime ergo fermentatus panis requiritur, imprimis biscoctus; tunc enim sponte inter manducandum deliquescit: imprimis si paululo salis, & aromatibus gratissimis, in Materia Medica recensitis, conditur.

Pro potu vinum, vel cerevisia optima, meracior, vino se te praeserenda ad hos usus. Ubi inflammatorium gluten adest, molliissimum hordei decoctum datur; quod frigidum glutinolum, de quo hic agitur, auget: cerevisia vero ex hordeo facta etiam, sed diversa praeparatione, nobile remedium dat in glutinosa frigida sanguinis, & humorum inde secretorum, degeneratione. Hordeum enim in cerevisiae praeparatione aqua perfunditur, & maceratur, donec intumescat, & incipiat germinare; tunc in area spargitur, & bis die vertitur, donec humidum pro maxima parte perdat; dein supra fornacem succitur; vocatur tunc Maltum: illud deinde mola tritum, aquae ferventi infunditur, & in illa relinquitur per aliquot horas: aqua haec soluta hordei tota fere substantia dives, decoquitur in alio vase; deinde fermentata dat cerevisiam, quae suos spiritus tenaciori quasi vinculo ligatos retinet, quam vinum; & hinc magis durabiles effectus in corpore facit. Haec cerevisia, imprimis meracior, nobilissimum remedium exhibet: & Momma Brunsvienensis, cum pane biscocto, saepe sine aliis remediis tales morbos superavit.

2. Illa enim jufcula non adeo habent tenax illud gelatinolum, sed ingesta calore corporis humani illico disponuntur ad incipientem putredinem quasi, quia imprimis laudantur haec jufcula facta ex carnibus avicularum, quae intellectis vivunt; hinc illa dispositio major est, quam in carnibus animalium vegetabilium viventium. Adduntur simul pro condimento aromata aciora: putredo enim vel incipiens tantum omne lentum attenuat; gelatina spississima scissilis ex cornu cervi rasura longa coctione in aqua facta, simulac levissimum putredinis initium oritur, diffuit instar aquae.

3. Quomodo roborari possint vasa, & viscera nimis debilia, dictum est. §. 47.

&

& quotidie videmus, rusticos robustos validissima edulia commode digerere, quae debilius viscera infarcirent pessime: solani esculenti tubera, farinosa non fermentata, durissimas fumo, & sale carnes impune serunt.

4. Frustra Medicus tentat sanare hominem, pituitosa humorum cacochymia laborantem, per pharmaceutica, & victum, si non possit impetrare, ut aeger superet pigritiam, in quam ducit morbi indoles, & laboribus fere ultra potestatem exerceat corpus. Non tamen statim quidem corpus, glutinosum plenum, in fummos motus ducendum est; nam subito mota hac mucosa materie, pulmo obrueretur summo cum periculo: ut toties fit, dum hyemali tempore aggestum glutinosum, verno calore subito susum, & sanguini mistum, in pulmonis angustiis haeret; & suffocat inopinato hominem: sed motus sensim, & per gradus augendus est. Quamdiu debilitas corporis exercitia non permittit, frictions illorum defectum suppleant.

5. MEDICAMENTIS DILUENTIBUS. Sola aqua proprie diluit, & omnia reliqua, quae diluentia dicuntur, tantum agunt ratione aquae. Iners illa frigida pituita, de qua hic agitur, potest aqua dilui, imprimis tepida, & sic resolvitur: sed momentaneum tantum levamen adfert haec pituitae per aquosa diluentia resolutio: aquae enim tepidae usu omnes partes solidae debilitantur; unde augetur causa pituitam produciens in corpore. Hinc adeo fallax haec melata, dum laepe homines sapientiae studiis dediti, accumulata quotidie inertis pituita laborantes, tepidis aquosis potibus levamen sentiunt; dein his indulgentes tandem corpus misere perdunt. Ubi vero subita dilutio pituitae, v.g. in ventriculo fluctuantis, requiritur, tunc profunt.

RESOLVENTIBUS. De his actum fuit §. 54. n. 4. ubi & de diluentibus dictum fuit.

STIMULANTIBUS. Omne, quod applicatum corpori facit augeri motum in toto, vel in parte, posset vocari stimulus: ille enim communis omnium medicamentorum stimulantium effectus est, quocumque demum modo in corpus agant. Inter stimulantia quaedam sunt, quae videntur rigiditate, & figura suarum partium agere, dum acuta superficie lateribus vasorum, per quae cum humoribus nostris fluunt, impacta, irritatione hac celeriores contractiones vasorum faciunt. Plurimorum stimulantium effectum videmus evidentem; modum vero, quo agunt in corpus nostrum, intelligimus non facile.

Verbi gratia: Cinnamomum gratissimo, nec minus efficaci stimulo languentes corporis vires excitat: illud autem, quod in cinnamomo has vires habet, incredibiliter parvum mole, dum liberum est a tenaci vinculo oleoso, quo irretitur, omnem fugit sensum. Oleum ex cinnamomo destillatione productum totum aroma stimulans cinnamomi possidet; illud oleum per aliquot dies expositum aeri libero sine sensibili ponderis jactura fere omnem vim amittit. Quis poterit determinare figuram illius subtilissimi, quod in cinnamomo haerens stimuli vice fungitur? Sed & venenati stimuli quomodo corpus totum turbant, quanto excitant motus? Venenum variolosum, morbiliosum, pestis &c. quam enormi vi agunt? In illis tamen eadem subtilitas omnem indagationem eludit: solis effectus tantum detegitur efficacia.

Sed numquid & animi affectus, mutata solum cogitatione, tam miris modis

dis corpus, validissimas excitant febres, omnes secretiones, omnes excretiones augment, minuunt, turbant?

Hinc stimulantium effectus non semper a figura, pondere, rigiditate partium pendet: sufficit Medico novisse talia, quae applicata corpori motum augment; licet ignoret, quomodo agant.

Omnia autem haec, majori motu, & calore excitatis, videntur agere, sicut ultimo effectui dividere glutinosum iners: illudque sic mutare, ut proprietates sanorum humorum acquirat.

Possit autem sanguinem, qui glutinosi inerti cacochymia gravabatur, sine evacuatione illius viscosi, aucto motu, & efficacia vasorum in liquida contenta, iterum acquirere omnes dotes ad sanitatem requisitas, certissima docent observata.

Chlorosi laborat debilis puella; totum corpus laxo oedemate tumet; palent, & frigent omnia. Dato prius leni vomitorio, vel purgante ex pillulis Ruffi v. g., vel similibus, saburra mucosa in primis viis haerens educitur, ne aliorum medicamentorum efficaciam impediat: dein datur vinum medicatum ex optimis aromatibus, & ferri limatura. Dum his utitur, incipit oriri major calor, levis quasi febricula; quotidie incipit subsidere laxus partium omnium tumor; redit amoenus rubor in cute, labiis, gingivis &c. nulla evacuatione facta praedominantis viscosi, renascitur solidus ruber sanguis; redit omnium functionum integritas.

Prudentissimum certe erat Galeni monitum, dicentis: [*r*] *pituita autem frigida, & humida est, & veluti quoddam semicoctum alimentum: quare non est evacuanda, sed debet in corpore manere, atque alterari.* (ἀλλοιωθῆναι).

Stimulantia in Materie Medica, variis classibus distributa, recensentur.

BILIOSIS. Adeo oppositam inter se habent indolem bilis, & lenta pituita, ut nunquam simul praedominentur: summum enim detergens pituitae est ipsa bilis, omnia solvens, & attenuans. Simulac bilis, impedita fluere in duodenum, regurgitat in sanguinem, totus sanguis sic dissolvitur, ut tandem duodenum icterum sequatur hydrops. In illis hominibus, in quibus lentum illud pituitosum accumulatur, semper bilis copia deficit, vel peccat inertia. Nihil ergo videtur plus convenire, quam ut bilis defectus suppleatur: hoc autem fit, bilem ex alio animali desumptam ingerendo corpori, in quo deficit bilis, vel usu plantarum amararum, abinthii, centaurii &c. Prius maxime naturale videbatur: hinc selexerunt imprimis bilem illorum animalium, quae voracia satis, manducatione tamen, & pluribus aliis digestionis adminiculis, carebant: in illis enim acerrima bilis horum defectum supplere videbatur. Hinc sel lacii piscis, integros pisces vorantis, sel anguillarum, adeo laudatum ad hos usus. Sed & observaverunt Zoographi, ferocissimis animalibus acriorem bilem inesse; hinc sel taurinum inspissatum, ne putresceret, in officinis servant: ex hac bile inspissata facta catapota tanti usus sunt. Forte pretiosissimus lapis Porcinus, *Pedra del Porco* dictus, bili suam efficaciam aequae ac originem debet.

Sa-

SAPONACEIS. Imprimis sapo Venetus, blandissima actione omne glutinum, omne pingue solvens, hic laudabatur. Addebant Medici saponi Veneto vigessimam bilis inspissatae circiter partem, inde facta cataporia exhibebant in hoc casu aegris; & sic utriusque bilis defectum supplere conabantur. Bilis enim hepatica amara nunquam, saponacea penitus, saponi Veneto conveniebat utrumque; bilis cystica parca tantum copia videtur effluere, ob colli vesicae felleae angustiam, intorcionem, situm: sic naturam ars conatur imitari.

6. FRICTU. Quid possint efficere frictiones, dictum §. 28. n. 2. Dum glutinosis infarctum puerorum abdomen tumet, frictiones pannis laneis asperis factae plurimum prosunt; sed debent perfricari mane post somnum, vacuo ventriculo: illo enim disento, non facile illud ferunt. Imo in frictionibus ventrem omnino non contingendum esse voluit Galenus (f): *quum aliqui periculum sit, ne & cibum deterius concoquat, & succus quispium ex eo semiculus in corpus digeratur, & caput turbetur, & stomachus subvertatur.* Vacuo autem ventriculo dum instituuntur frictiones, non est hujus rei periculum.

CALORE. Omnia fere, quae laudantur ad glutinosos morbos sanandos, Medicamenta, sunt talia, quae majorem calorem corpori conciliant. Imprimis hic prodest calor per motum muscularem corporis excitatus, qui semper simul roborat; cum calor foci debilitet potius. Nec nocebit humidi dissipatio per calorem majorem corporis facta, cum in his morbis plerumque simul humidi nimia copia adsit.

BALNEO. Balnea sunt vel humida, vel sicca. Humida laxando, & diluendo agunt: hinc in hoc casu aromaticae herbae adduntur, quae simul roborant, & attenuant, & post balneum frictiones. Balnea sicca calore majori excitato prosunt. Cum autem tota corporis externa superficies bibulas venas habeat, hinc balnea, ex herbis aromaticis facta, possunt laxatis venis bibulis insinuare simul harum herbarum vires.

VESCATORIIS. Sic vocantur illa remedia, quae cuti sanse applicata epidermidem in vesicam, tenui ichore plenam, attollunt. Talia sunt ex acerrimis plantis, raphano, sinapi, ranunculis &c. vel frequentissime ex cantharidibus. Omnia haec calorem excitant illo in loco, cui applicantur; & dein toti corpori caloris augmentum faciunt. Imprudenter applicata corpori febrim, sitim, calorem urentem, halitum cadaverorum, molestissimam stranguriam faciunt, imprimis cantharides: quae ideo a Dioscoride inter venena recensentur. Omnia haec agunt ratione stimuli, quo languentem motum sanguinis excitant, & vi fundente, qua pituitosum iners dividunt, & attenuant: hinc in omnibus morbis languidis, & frigidis tanti usus. Ubi vero humores dissoluti, acres, in putredinem vergentes, & magnus motus adest, non adeo tuto adhiberi posse videntur.

Cae.

CAETERUM INTERIORA CORPORIS OBSIDENTUR &c. Observata Medica docuerunt, posse ex humoribus nostris nasci variis in locis corporis miras concrectiones, & penitus diversae indolis, quae partium, quas occupant, actiones impediunt: unde mirabilium, & latentissimorum morborum origo saepe pendet. Praecipuae talium concrectionum classes hic recensentur.

GLUTINOSIS, VEL SPISISS. Talia oriri posse in corpore, partim ex ingestis, tali indole praeditis, partim ex naturali glutine accumulato, toto hoc Capitulo demonstratum est.

CASEOSIS. Lactis solius productum caseus est; chylus enim non exhibet caseum: sed lac, coagulo addito, separatur in binas partes; serum nempe tenue, & spissum colostrum, quod omni sero expresso caseum exhibet; qui exsiccatum corneam duritiem saepe habet; imo, ut cornua animalium, ductilitatem ab igne acquirit, & destillatione salem volatilem alcalinum exhibet. Sed lac illud continens caseum, qui in tantam duritiem concrelescere potest, fluxit cum sanguine per minimas vasorum pulmonalium angustias: si ergo lacti cum sanguine fluenti accideret talis mutatio, qua fieret leparatio feri, & colostri; quanta fierent mala? Dum in mammarum ductibus galactophoris collectum lac stagnat, & corrumpitur, per papillam stillat tenue serum: colostrum retentum, inflammationes, suppurationes, scirrhum, imo cancerum toties produxit. In cadavere nobilis juvenis tumor inventus in abdomine (*) 7; librarum materia alba plenus, quae partim lactis instar fluida, partim caseosa apparebat.

MUCOSIS. In omnibus illis locis, quae membrana Schneideriana, vera mucii officina, investit, nasci mucum, accumulari, concrelescere in moles saepe non facile postea resolvendas, docent quotidiana observata. Sed magis mirabile videtur in talibus locis corporis mucum nasci, in quibus subtilissimi tantum naturali fabrica partium secernuntur humores: in ipsis enim cerebri ventriculis mucum verum, frigidae apoplexiae causam, invenerunt Observatores (*).

MUCILAGINOSIS. In articulis, majoribus imprimis, manifeste apparent glandulae illae, Haversianae a primo descriptore dictae, quae smegma mucilaginosum fundunt, inserviens lubricationi ossis excepti, & excipientis, & internae superficiei ligamenti articulationem ambientis. Haec mucilago vel nimia spissitudine degenerans, vel nimis quiescente articulo accumulata, miros saepe tumores circa articulos facit, & aliquando immedicabilem ankylosim producit.

LEMOSIS. In homine sano oculi, tenuissima lympa irrorati, splendent: minimo hic orio vitio, copia majori secretum hoc liquidum depluit: postea apparet ibi mucus crassus, viscositate sua haerens, & deturpans oculi pulchritudinem: hic incipit concrelescere in lemas, quae paucas post horas friabiles penitus colliguntur circa angulum majorem oculi. Sic ab humore limpidissimo, a sanguine purissimo secreto, intra paucas horas, dura friabilis nascitur massa.

Cc.

(*) Académ. des Sciences l'an 1739. Hist. pag. 19. 18. (†) Theoph. Boneti Sec. pulchr. lib. 1. pag. 103. 104 105. 108. 118. &c.

CERACEI. Mirabilis casus docuit, oculi humores omnes, adeo limpidos, adeo linceros in sanitate, degenerasse in sebaceam materiam: dum enim prominens oculus extra palpebras, metu majorum malorum extirpabatur, & felici quidem successu; postea oculo extirpato, & discisso paruit, omnes humores oculi sic degenerasse. (u) Sed si in oculis fieri possit, ut in tam alienam indolem degenerent humores, quid non possibile erit in aliis corporis locis? in rugis ani ceracea talis materies naturaliter in suis loculis haeret, quae inspissata, & accumulata tales tumores producere potest (*).

PULTACEI. In abcessibus similem materiam invenit Severinus. (x) Admodum videtur probabile, & in partibus internis similia observata fuisse.

AMURCOSI. Inflammatum hepar, ut reliquae corporis partes, in supurationem aliquando tendit, & saepe consumto friabili viscere non bonum pus fit; sed corrupti ulceris tabus, amurcae similis, per alvum deponitur: imo abcessu ad exteriora verso, talis materia, discissis, vel sponte ruptis integumentis, exit: unde Hippocrates [y] monet, quod qui hepate suppurato uruntur, si effluat velut amurca, pereant.

In abdomine sub peritonaeo tumor invenitur, plenus sanie, faecibus vini rubri tam colore, quam consistentia simili, quantitate pintas circiter duodecim aequans [z].

In tumore, genu sinistram occupante, discisso similem invenit materiem Severinus (a).

CALCULOSI. Nasci in corpore humano calculos, nullus dubitat; imprimis circa urinae vias, renes, ureteres, vesicam, & circa hepar: sed in his locis humores effusi in cavis majoribus stagnant, vel tardius moventur, saltem in hepate: hinc facilius videntur hic posse nasci calculosae concretiones. Sed magis mirabile videtur, in ipsa substantia cordis, nunquam quiescentis, reperiri calculos; [b] ut & quod in cavo abdominis nulli parti affixus calculus reperiatur fuerit. [c] Idem quod bovis robustissimi, qui quater se subdlexerat lanionibus, antequam mactaretur, cerebrum inventum totum lapideum (d) fuerit.

TARTAREI. Sic vocantur concretiones calculosae, quae totam superficiem loci, quem occupant, tartari instar crusta calcuosa tegunt. Placent uterina tali crusta calcuosa aliquando undique tecta observatur: dura mater cerebri lapidea tali materia incrustata fuit inventa [e].

SEROSI INFLAMMATI. Docet hoc sanguis pleuriticorum, in quo densa, coriacea, vix cedens novaculae pellis, ex sero condensato nata, insulae pertinaciter adhaeret: naturaliter enim inest sanguini in concretionem proclivitas; quae in morbis acutis inflammatoris auctur.

Po.

(u) Theoph. Boneti Sepulchr. lib. I. pag. 417. 418. (*) H. Boerhaave Epist. Anat. ad Fred. Ruysch. pag. 11. [x] De reconditia Abkcd. Natur. pag. 183. (y) Coacar. n. 451. & Aphor. 45. Sect. 7. (z) Peyer. Parerg. Anatom. pag. 191. (a) De Recond. Abkcd. Natur. pag. 153. [b] Philosoph. Transactions abridged Tom. 3. pag. 158. (c) Acad. des Sciences l'an 1703 Hist. pag. 46. d) Academi. des Sciences l'an 1703. Mem. pag. 315. (e) Theoph. Boneti Sepulchr. lib. I. pag. 59.

POLYPOSIS. De his vide §. 52. n. 2.

MELICERATIS, STEATOMATOSIS, ATHEROMATOSIS. Haec tantum differunt imprimis inter se ratione diversae consistentiae, quam habet materia contenta. Sic enim Galenus de tumoribus praeter naturam cap. 5. dicit, quod puliculae aliquid simile in atheromatis invenitur; melli vero in ipsis meliceridibus; fevo autem in ipsis steatomatibus: ut plurimum vero tunica quaedam membranosa haec omnia coercet (f). In cute externa folliculi, emissario obstrueto, tumentes, nova aggesta materie, nec evacuata, toties in hos tumores degenerant. In internis & nasci posse similia, docuerunt observationes Medicae. Inter cerebrum, & cerebellum natum steatoma pugni magnitudine, caecitatem primo, post & necem intulit. (g) Verum steatoma, ultra sex libras pendens in cavo pectoris repertum, quod post enormes calamitates tandem suffocavit aegrum (h).

SCIRRHOSIS CONCRETIS. Scirrhum exquisitum vocavit Galenus (i) tumorem praeter naturam, sensu carentem, & durum. Talis autem tumor post male curatas inflammationes toties relinquitur; imprimis circa loca dicta glandulosa. Innumerae possent citari observationes Practicorum, quibus constat, omnia viscera per morbos scirrhusa facta fuisse aliquando.

CAVENDUM RELIGIOSE, NE PERTURBETUR GLUTINOSUM BENEFICUM, NATURALE &c. Maximi momenti monitum est, quod neglectum turpibus erroribus toties ansam dedit. Multi enim fuerunt in illa opinione, cum vita, & sanitas in liberrimo motu fluidorum per vasa consistere tantum ipsis videretur, quod vix posset unquam peccare nimia liquidorum tenuitas: omne crassum, omne tenax dicebatur morbosum. Qui partium humani corporis fabricam, & usum examinaverunt, viderunt evidentissime, lentum mucum in plurimis corporis locis praeparari naturali lege per organa huic scopo interventia, & maxime necessarios usus habere. Palpebrarum limbi toties attriti ad se invicem, nisi molli smeigmate defenderentur, inflammarentur brevi, & excoriati dolerent: docent hoc molestissimae lippitudines toties ab hujus defectu ortae. Nervi per narium ingentia cava dispersi, nisi mucu testis forent, ab aere exsiccarentur brevi, & periret olfactus: omnes partes oris interni, faucium, oesophagi, simili obducuntur linimento, ut deglutienda facile per lubricata loca transirent: Ventriculi, & intestinorum interna superficies, vel in fanissimis animalibus mactatis, lubricissima apparet, inuncta simili mucu, ut tenerimae valvorum, & nervorum extremitates huc patulae, & prominentes defenderentur ab acrimonia, vel asperitate assumtorum; unde in dysenteria, deraiso hoc mucu, tam enormes dolores; non sedandi, nisi ingentis talibus remediis, quae suo glutine defectum hunc suppleant. Omnes viae, quas acris urina transit, talis mucu inunctae sunt: dum deest in urethrae quodam loco talis mucus; molestissima stranguria oritur, quae mucilaginoso althaeae decocto tam pulchre curatur.

(f) Dictionar. Medic. ex Hippocrat. Aretaeo &c. pag. 465. (g) Theoph. Boner. Sepulchr. pag. 422. (h) H. Boerhaave atrocis, & rarissimi Morbi Historia altera. (i) Method. Med. ad Glaucon. lib. II. cap. 6. Charter. Tom. X. pag. 378.

ratur. Tendines mucilaginosi vaginis ambiuntur, ut facilissima fiat mobilitas: dum per validas suppurationes, vel gangraenas destruantur hae vaginae, rigescunt omnia.

In articulis ossium extrema tenuissimo smegmate obliniuntur: dum post summos, & diurnos motus, vel per morbos, aut senium deficit, crepitus, & dolor articularum oritur. Laryngis, asperae arteriae, interna superficies, totum cavum aereum pulmonis, adeo irritabiles nervos habet, ut nisi muco tegerentur, ab ipso aeris actu continua fieret tussis.

Cum omnibus illis locis naturalis sit mucus, male culpatur tanquam morbosus, & pessimo successu de corpore expellitur. Cantharides assumtae cum saeva stranguria mucis sanguinolenti pauculum faciunt exprimi, dera- sis virulenta horum insectorum acrimonia urinae viis: acriora purgantia toties, post saepius evacuata alvum, exprimunt flavescentis glutinis pauculum cum striis sanguineis, summo cum tenesimo, & dolore; est tantum beneficium illud gluten abrasum, unde postea saepe molestissima tormina manent, excoriatis, & dolentibus intestinis. Idem & in aliis locis verum est.



MORBI EX ALCALINO SPONTANEO.

§. 76. **N**onnullae plantae scatent materia, quae sponte corrupta non acefcit, nec coit, fed refolvitur in foetidum volatile, pingue Alkali: tales omnes fere Aromaticae valde acres. Has vero raro affumunt tanta copia, ut morbum creent ex fuo ingenio. Sin autem id contigerit, pertinebit ad acre alcali oleofum.

Alcali, receptum jam in arte nomen, a faliffima herbula Kali dictum videtur, quae vivis flammis ufta relinquit cineres acri fale divites. Pleraque plantae, igne aperto combuftae, relinquunt cineres plus minusve fallos; cineres illi in aqua cocti, filtrati, dant lixivium falum, quod in fiffatum relinquit falem, alcalinum dictum; qui certas habet notas, quibus cognofci potest: (κ) fixus in igne fatis diu; in aere humido deliquescens penitus; faporem habens acrem, igneum, urinofo; odorem nullum; acidis miftis ebullit; fyrupi violarum colorem caeruleum in viridem mutat &c.

Sal ille, ex vegetabilibus valido igne & aperto productus, in corpore nostro nafci nequit; ingeri quidem.

Dum vegetabilia aperto igne comburuntur, exit fumus; qui, lateribus camini adhaerens, pinguem nigram mafam exhibet, fuliginem nempe: haec fuligo deftillata valis chemicis dat magnam copiam falis, concrefcantis ad latera excipuli; qui fal linguam urit cum fapore urinofo, ut fal fixus alcalinus; fimiliter cum acidis effervefcit; colorem fyrupi florum violarum mutat &c. hinc fal alcalinus ob has dotes merito dicitur, fed volatilis, & minime igne mobilis.

Animalium partes, igne examinatae, prima deftillatione dederunt talem falem volatilem alcalinum.

Putredo haftenus explorata animalium, & vegetabilium corpora eo redigit certiffime, ut falinum eorundem principium evadat alcalinum volatile (l).

In quibusdam plantis haeret jam alcalinus volatilis fal, nativa plantae fabrica paratus, nullam artem requirens, ut fe manifeftet. Sinapi femina fraeta mox fpirant halicum illum volatilem alcalinum; cum aceto trita effervefcientiae figna dant; & prima deftillatione ftatim falem volatilem alcalinum exhibent.

Aliae plantae funt, in quibus non adeo manifefta quidem indicia funt praefentis alcalini volatilis; quae tamen fibi relictiae fpontanea corruptela degenerant

H

[κ] H. Boerhaave Chem. Tom. I. pag. 765. [l] H. Boerhaave Chem. Tom. I. pag. 803.

rant in foetidum volatile pingue alcali: harum Catalogus habetur in Materia Medica.

Alcalini ergo origo in corpore nostro pendet vel ab humoribus nostris, corruptis putrida generatione spontanea; vel ab ingestis, quae talem indolem habent, ut sponte sua in putredinem vergant, vel denique ab assumptis salibus alcalinis.

Sales autem alcalini tanta copia vix unquam exhibentur, ut multum nocere possint.

Nec acres illae aromaticae herbae, de quibus in hac paragrapho agitur, facile tanta usurpantur copia, ut inde origo alcalini spontanei in corpore deduci possit. Aliquando tamen accidit, cum fere omnes antiscorbuticae vocentur, imprudenti ad hunc morbum usu sic dissolutum fuisse sanguinem, adeo exesa vala, ut lethales haemorrhagiae, halitus putridissimus, urina foetidissima, foeces alvinae cadaveroso odore, testarentur putredinem inde nata.

§. 77. **E**x animalium partibus confecta nostra liquida varia sunt: 1. pro varietate alimentis, quo se sustinent. 2. pro varietate partis, quae assumitur.

Ut ex ingestis per omnium viscerum conspirantes actiones restituatur illud, quod inevitabili sanitatis effectu perditum erat de solidorum, & fluidorum substantia; requiritur, ut, deposita sua indole, nostram induant naturam ingesta alimenta: hinc quando ad ultimam illam perfectionem pervenerunt, tunc omnia, quantumvis varia, ejusdem fiunt naturae. Sed haec transmutatio non nisi continuata per multas horas actione omnium viscerum, & viscerum perficitur: hinc ingesta satis diu saepe suam naturam retinent, & tunc varia sunt liquida inde confecta ratione diversorum ingestorum: illa autem liquida, quae ex animalium partibus comestis fiunt, differunt inter se imprimis ob duas causas.

1. Omnia enim animalia hoc respectu in tres classes possunt dividi: vel enim vivunt solis vegetabilibus, ut equi, boves, oves &c. vel solis animalibus, ut vanelli, hirundines &c. vel utrisque, ut passeris &c.

2. Dum lac bovinum in calore aeris aestivi relinquitur, accescit brevi; carnes ejusdem animalis putrescunt: qui ergo lac ingerit, alimentum sumit sponte sua accensum; qui carnes ejusdem animalis comedit, nutrimentum sumit sponte in putredinem vergens; si medullam ejusdem animalis quis assumit, haec poterit in debiliore ventriculo imprimis in rancidam corruptelam abire. Apparet ergo varias ejusdem animalis partes penitus diversam spontaneam mutationem habere posse.

§. 78. **A**nimalia enim, quae herbis, & aqua aluntur, chylum acidum, vel facile accensum, adeoque & tale lac habent; quod in nobis suam sequens indolem vegetabili nutrimento simillima patrat. Vid. (61. ad 76.) & lentam materiem caseo pressa

presso similem in primis viis creat; quae singularis hic viscida species.

Chylus ex ingestis alimentis confectus, imo & lac ipsum, magis adhuc sequuntur naturam assumti, quam assumentis. Hinc dum vacca solo gramine, & aqua in pratis vivit, chylus ejus, & lac assumti graminis naturam retinent, & aculentem indolem: hoc satis patet.

ET LENTAM MATERIAM CASEO PRESSO SIMILEM &c. Sanguis humanus & serum sanguinis vim satis magnam concresecendi habent: & hoc videtur proprium esse liquidis humanis: serum sanguinis coagulatur majori calore; lac non ita: sed lac, per 24. horas fluens cum sanguine, mutatur in serum, & tunc hanc vim concresecendi acquirit. Totum hoc debetur efficaciae valorum in liquida; imprimis autem pulmonis actioni. Quo plus ergo liquida, ex alimentis facta, absunt ab illa ultima perfectione, eo minorem vim concresecendi habent. Hinc chylus examinatus vix quid coaguli dat: sed lac, quod tantum est chylus, qui aliquo tempore fluxit cum sanguine per vasa, jam separari potest in tres partes; cremorem nempe, serum, & colostrum subdens; quod omni sero expresso caseum dat: hinc in lacte jam incipit nasci plastica feri sanguinis indoles. A lacte assumto illud colostrum separatur in ventriculo & intestinis; quod, nisi bile affusa dividatur iterum, pessimo lentore intestina obstruit: unde saepe adeo tumet infans abdomen. Postea calore loci, & mora corruptum putridissimum alvi fluxum facit: caseus enim, licet ex lacte aculente separetur, videtur partem lactis maxime animale in se habere; nam caseus, omni cremore ablato, & sero expresso, induratus, acer fit, alcalinus, & chemico examine similia fere exhibet, ac partes animalium.

§. 79. Quae aliis nutriuntur animalibus, omnes fuccos facile alcaliscentes habent.

In illis enim chylus ipse, ingestorum naturam retinens, in alcalinam. putridam potius indolem vergit: hinc plerumque pisces, sine sale, vel acidis condimentis, aut aliis aculentibus simul assumtis, diu ferri nequeunt: hinc animalia rapacia fere omnia foetidum halitum spirant. Dum magnus horum Aphorismo-rum Auctor saevissimis rheumatismi doloribus excruciebatur, proposuit solo carnis vitulinae jusculo, sine ullo sale, vivere, ut leniret dolorem, & simul sustineret vitam: sed ultra quinque dies ferri non potuit, coactus postea ad serum lactis confugere; quo solo per multos dies vixit cum magno doloris levamine.

§. 80. SI alimenta, vi nostri corporis, [58] eo sunt redacta, ut jam liquores fecerint, quales in corpore sano & robusto inveniantur, post abstinentiam a cibo potuque per viginti horas; tum, si sibi relinquuntur in quiete, & calore, vel etiam si moventur valide, naturam adipiscuntur ubique eandem putredinis incipientis.

H 2

In

In praecedentibus paragraphis dictum est de illis mutationibus, quae sunt in humoribus natis ex alimentis ingestis, antequam per vires corporis naturam nostrorum liquidorum acquisiverint: in hac paragrapho explicatur, quomodo mutantur iidem, postquam, deposita ingestorum natura, in nostris humores conversi fuerint. Observaverat Lovverus, (m) quatuor vel quinque horis post largiorem pastum, sanguini, e quacunque vena, vel arteria detracto, magnam chyli lactescens copiam innatare; & in animalibus aeque ac hominibus: postquam vero chylus diutius circumductus fuit cum sanguine, albedine prorsus deposita, in serum attenuatur: hinc longo post pastum intervallo si fiat venae sectio, nulla lactis species supererit, sed serum solummodo cruori coagulato innabit.

Hinc lac emulsum longe alias dotes habet, prout vario post pastum tempore colligitur. Dum enim omni lacte crudiori prius educto, secunda vice post aliquot horas emulgentur animalium majorum ubera, lac colligitur vix acefens amplius: cujus lactis caseus subputridus, foetidus, qualis est Leodienfium, multis adeo placet.

Ubi ergo per viginti, vel plures horas, nihil cibi potusve ingestum fuit, tunc nil amplius de natura crudi ingesti superest, & omnia humorum inquinorum indolem acquisiverunt: sed omnia nostra liquida, sibi relicta in calore aeris communis, putrescunt; licet iolis acidis, & acescentibus vixerit homo: hinc in omnibus his est proxima dispositio ad putredinem. Nihil autem in sanitate unquam in corpore perfecte putridum fit: antequam enim eo usque pervenerit, per excretorias vias de corpore exit.

Longe autem citius in putredinem abeunt humores animalium, si valide moveantur. Si valido cursu, vel alio labore quis corpus exercuerit, quam olidus sudor, quam acris, & foetida redditur urina? Dum febris acuta latentem prehendit mulierem, nisi plurimum potet, intra paucas horas lac fiet tenue, subflavescens, falsum, odoris suburinosis.

§. 81. **I**N alimentis vero ex aliis animalibus, jam statim, ante mutationem corpori nostro adscribendam, illa in putredinem vergens indoles sponte adest.

Mulier sana, & fortis ex solo pane, lacte, cerevisia, fructibus horaeis, paucisque carnibus vivens, inde conficit lac suum; quod intra 24. horas, si potu, & cibo abstineat, potest penitus degenerare in lactescentem indolem. Hoc longe citius fiet, quando alimenta assumta jam ex propria natura in alcalinam indolem vergunt. Hinc dum in Principum aulis saepe solis carnum jusculis vivere debent nutrices, languent, & lac salum subalcalescens habent: simulac acescentia exhibentur, reficiuntur statim.

§. 82. **P**Utredo haec (80. 81.) significat eam conditionem humorum, cujus praesentia aqua multum exhalat; Salina materies attenuata, acido orбата, vel & mutata, a terra, oleo-
que

(m) De Corde pag. 238.

que suo, separata, fit acris volatilis; alcalina; Oleosa pariter, una parte tenuior, terra orba, salii illi acri permista, acris, volatilis, foetens evadit; altera autem olei pars, terrae aqua, sale, & oleo priori orbae permista tenacissime, abit in atram, densam, immeabilem, foecem.

Describuntur jam illae mutationes, quae accidunt humoribus animalium, dum putrescunt.

AQUA MULTUM EXHALAT. Putrefactio potuit paucarum septimanarum spatio vastum balenae, in litus ejectae, cadaver dissipare in auras, ut nuda tantum relinquerentur ossa: habuit ergo vim talem, qua volatilia redderet haec omnia. Sed mobilissima humorum pars aqua est, omni examine chemico humorum animalium primo prodians; haec ergo citissime dissipabitur.

SALINA MATERIES &c. Sanguis recenseductus de animali sano nullam notam alcalini salis exhibet; oculo instillatus nullum dolorem facit: si tempore simili, ac habet corpus sanum, idem sanguis foveatur per triduum, jam corruptus foetet, acris fit, & leni destillatione salem volatilem alcalinum dat. Sed sal natus sanguinis neuter erat, longe fixior: hinc ejus indoles penitus putrefactione mutatur. Quod autem putrefactio possit & acidos sales mutare in alcalinos, docet acidissima acetosa, quae putrefacta salem volatilem alcalinum praebet.

OLEOSA PARITER &c. Ex putrefactis animalium partibus sal volatilis alcalinus, destillationeeductus, nunquam purus apparet; sed flavescent, & oleo subtilissimo, acris, foetido, inquinatus: ergo per putrefactionem oleum sanguinis, adeo fixum naturaliter, fit tam volatile, ut una cum mobilissimo sale volatili alcalino sursum ascendat leni calore.

ALTERA AUTEM OLEI PARS &c. Non enim omne oleum volatile redditur per putrefactionem; sed quaedam pars tantum: reliquum, terrae unitum, pertinacissime cohaeret. Ex urina putrefacta una cum sale volatili prodiit oleum tenue; sed in residua faece haeret ingens olei copia, quod summo resistit igni. Sic & in morbis atrabiliaris videmus, mobilissimis sanguinis partibus dissipatis, residuum tenax, piceum, pertinacissime haerens, amurcae instar, viscera abdominalia gravare, & maxime chronica producere mala.

§. 83. **I**nsecta, pisces, amphibia, animalia volatilia, repentina, gradientia, natantia, homines denique, ex propria sua natura, in hanc putredinem (82) sponte vergunt semper; accescunt nunquam.

Omnia huc usque cognita animalia, demis quibusdam exsuccis insectis, (ad putredinem enim humiditas requiritur, siccatae enim animalium partes nunquam putrescunt) in calore aeris intra 32 & 92 gradum thermometri Fahrenheitiani, sponte putrescunt; eo citius plerumque, quo calor major est intra definitum hunc terminum [maior enim calore fit potius exsiccatio

putredinem impediens] eo lentius, quo descendens calor magis appropinquat ad glaciale frigus. In piscibus plerumque haec putrefactio citissime obtinet; in aliis lentius: nec haecenus constat ullo experimento, animalium partes spontanea degeneratione unquam in acidum degenerasse. Hinc hoc videtur merito pro generali regula posse assumi.

§. 84. **H**ujus putredinis (82) antecedentes causae sunt: 1. cibi ex animalibus comestis, excepto lacte herbaceo (78), maxime ex insectis, piscibus, avibus rapacibus, ex vegetabilibus alcaliscentibus. 2. abundantia boni sanguinis, vel si jam putredini ille proximus. 3. virtus magna vasorum, viscerum, (50. ad 54.) bilis. 4. Stagnatio, vel nimia agitatio, torpente, vel incitato animali motu. 5. Calor ingens diu, & multum conciliatus corpori.

1. Potest sani corporis actio in ingesta alimenta, quae in acidum sua natura vergunt non in putridum alcalinum, illa sic mutare, ut, similia facta humoribus sanis, jam incipientis putredinis naturam adipiscantur (§. 80.). Si ergo ingesta alimenta ex sua indole jam in putredinem vergant, conspirabunt simul ingestorum indoles, & corporis actio in haec ingesta: longe ergo promptior erit dispositio ad putredinem. Hinc solis carnibus, solis piscibus sine ullo sale, sine acido, sine vegetabilibus acescentibus simul assumtis, homo diu vivere nequit; langueret brevi, & abhorreret hos cibos. Sunt tamen animalia, quae solis vivunt carnibus, nec bibunt tamen: hoc de aquilis Gesnerus affirmavit; & certa observata docuerunt hujus rei veritatem: in hominibus tamen capta experimenta docuerunt, quod solis alcaliscentibus vivere sani nequeant diu.

2. Quantum possit boni sanguinis copia in assimilatione ingestorum, dictum fuit §. 25. n. 1.: praecipuum enim auxilium est, quod immutat cruda ingesta in naturam nostrorum humorum. Hinc sanissimi, & plethorici in morbos putridos maxime prona, dum talis constitutio epidemica regnat; debiles, cacochymici, mucosus, lentis humoribus pleni, vix afficiuntur: & ideo athletice valentium periculosus status est. Si plethoricus homo, valido labore corpus exerceat, sudor exit olidissimus; urina rubra, acris, jam subputrida fere. Calor major, qui semper his corporibus, boni sanguinis copia abundantibus, adest, multum auget hanc dispositionem ad putredinem.

3. Bina sunt auxilia praecipua, per quae fit conversio crudi ingesti in naturam humoris inquilini: miscela nempe pauci crudi cum magna copia humorum coctorum; & actio vasorum, & viscerum in hoc crudum. De priori dictum fuit numero praecedenti, de posteriori nunc agitur. Chylum, sanguini mistum, cum illo per multas horas fluit, antequam in serum mutetur; sed continua vasorum actio, & viscerum tandem chylum mutant in serum, & sanguinem: quo fortior ergo haec actio vasorum, & viscerum est, eo citius perficitur haec mutatio. Hinc robusti homines, duro labore corpus exercentes, paucum durum acidum, lac ebutyratum acidum, fumo, & sale induratas carnes, vaso-

vasorum, & viscerum robore digerunt & convertunt in bonum sanguinem: cujus semper haec proprietas est, ut in alcalinam putredinem vergat, acelcat nunquam. Si talibus hominibus darentur juscula, tenerae carnes &c. languerent illico, nisi acidis sumtis domarent nimiam ingestorum proclivitatem in putredinem.

BILIS. Inter liquida corporis sani, si excrementitia excipiantur, nullum acris est, nullum magis vergens in putredinem, quam bilis. Hinc circa illa loca, ubi bilis haeret, cadavera omnium citissime corrumpuntur. Hinc in morbis acutis cito in putredinem degenerans bilis tanta saepe facit mala. Chylo, per pylorum ex ventriculo in duodenum intestinum egresso, mox bilis utraque affunditur; sicque ingestis alimentis per bilem primus quasi humanitatis character imprimitur: aciescentia, vel acida, per bilem incipiunt mutari in oppositam naturam. Praecipuum itaque est chylopoietis instrumentum. Ob hanc causam frigidi pisces, & dentibus carentes, acerrimam bilem habent: si vero bilis vel copia aucta, vel incipiente putredine peccet, corrumpit omnia, & morbos acutissimos omnia putrefaciens excitat.

4. Motus nullus, & motus nimius liquidorum nostrorum, producant putredinem; sicque binæ causae penitus oppositæ producant eundem effectum.

Homo per octoginta & plures annos vivit sine ulla putredine humorum; post mortem, cessante omni motu, flagrantibus omnibus liquidis, intra triduum, aliquando citius putrescit cadaver. Idem in sanissimo homine, aquis submerso, fit, ubi omnes humores adsunt: nil deest, nisi solus motus: brevi putredo nascitur.

NIMIA AGITATIO. Longe adhuc celerius putredinem inducit. Acutissima febris intra 24. horas sic potest corrumpere omnia, ut urina foetida, faeces alvinæ calaverolæ penitus, halitus oris putridissimus, interna omnia jam corrupta testentur.

Inerti otio torpentes toties scorbutus putridissimus, tabesactis visceribus, necat: validissimo motu musculari ardentissima potest excitari febris, omnia putrefaciens.

5. Ubi calor tantus est, ut humidum omne dissipare possit, tunc fit exsiccatio, putrefactionem semper impediens, aliter major calor semper putredinem auget. Carnes animalium hyemali tempore per plurimos dies servari possunt; æstivis caloribus brevi putrido rabo dissolunt: imprimis si cum magno calore simul adsit aeris humiditas. Hippocrates inter æstivos morbos recenset plures, in quibus humores in putredinem degenerant: febres nempe continuas, ardentes, oris exulcerationes, genitalium putredines (m). Dum in calidissimis regionibus, silente vento, diu coguntur manere classarii, putridissimis morbis corripiuntur. Hinc apparet, quam necessarium sit aeris refrigerium morbis acutis putridis, decumbentibus. Galenus (n) putredinis naturam describens dicit: *putredinis est mutatio totius substantiæ corporis putrescentis ad corruptelam ab externo calore; non enim a proprio calore corrumpitur quidquam*

H 4

&c.

[m] Aphor. 21. Sect. 3. (n) Method. Medendi Lib. XI. cap. 8. Charter. Tom. X. pag. 254.

Ecce docem animalia sana per multos annos sine putredine vivencia, si serventur eorum proprius calor &c.

§. 85. **I**n primis viis facit sitim, prostratum appetitum, ructus nidorosos, graveolentiam tabidi, corruptique, sordes ori, linguae, palato, faucibus, amarescentes putridas, nauseam, vomitum putrefactae biliosae materiei, horrorem adversus omnia, nisi aquosa, vel acida, cruditatem putridam, diarrhoeam biliosam, dolores Iliacos inflammatorios, caloris molesti sensum.

Sequuntur jam effectus putredinis natae in corpore humano: & primo quidem illi, qui observantur nasci, quando putridi quid in primis viis haeret.

SITIM. Quae est individua comes putridi hic haerentis: conatur enim natura plurimo potu ingesto abluere hoc putridum. Hoc apparet evidenter in hydropicis, qui in initio raro siticulosi sunt; sed ubi mora & stagnatione incipiunt corrumpi aquae, sitis oritur indomabilis. Hinc inter bona signa numeravit Hippocrates, si hydropici siti careant. Quibus tabefactum hepar est, immaniter sitiunt, a fomite putrido hic haerente.

PROSTRATUM APPETITUM. Potest & a plurimis aliis causis appetitus tolli; sed ubi simul cum prostrato appetitu sitis adest, fere semper ab hac causa fit.

Si quis, quamvis sanissimus, occurrat putrido animalis cadaveri, illo momento, quo crepat dissentium abdomen, in syncopen fere labitur, & satis diu ab omni cibo abhorrebit. Qui ovi, leviter tantum putrefacti, particulam deglutivit, mox omnia fastidit. Quid fet miseris illis, quibus circa ventriculum putridus talis fomes haeret, per interna corporis putrida haec miasmata dispergens? Hinc in morbis a putrida bile, hic haerente, insuperabile ciborum fastidium.

RUCTUS NIDOROSOS. Quomodo ructus fiant, dictum fuit §. 63: dum eructat homo, odor contentorum ventriculo imprimis nares ferit: ubi putridi quid hic haeret, putridus cum ructu exit odor: qui tuac vel ab alimentis ingestis putrescentibus pendet, vel a fomite corruptio in visceribus haerente.

SORDES ORI, LINGUAE &c. Medici prudentes nunquam ab aegris discedunt, nisi prius inspexerint oris interna, & linguam, quae viscerum chylopoieticorum, & pulmonis conditionem tam pulchre saepe demonstrant. Ex ore hominis sani nil nisi limpidissimus ros exhalat: sed in morbis, immeabilibus humoribus obstruentibus extrema haec oscula exhalantium valorum, incipit linguae dorsum imprimis scabrum fieri, siccum; color mutatur in pallidum, flavescentem, fuscum, nigrum tandem; imo aliquando totae gingivae, & dentes ipsi crusta tali obducuntur: distinctum omnino ab aphthis hoc malum, cum quibus saepe confunditur; sordes vocantur melius: quae, postquam redit debita perspiratio per aperta vasa, ab impetu vitalis liquidi a tergo urgentis absteruntur, reditque linguae solita nitiditas. Quando sordes illae ab inflammatio-

ria infimeabilitate nascuntur, plerumque simul magna adest siccitas; si vero a viscoso putrido obstruente, plerumque major humiditas est: nisi binæ hæc causæ simul concurrant, inflammatoria nempe densitas, & putredo, ut in morbis acutis stiepius fit: sed ut linguae superficies apparet, sic & se habet interior superficies oesophagi, ventriculi &c.

GRAVEOLENTIAM TABIDI CORRUPTIQUE. Quando in primis viis, & imprimis circa ventriculum, putridus fomes haeret, mirabiles saepe oriuntur morbi, totum genus nervolum turbantes, omnes cerebri actiones pervertentes; non adeo, ut videretur, putrido liquore venis resorpto, dein communi humorum circulo ad cerebrum delato, sed potius venenatae quasi auræ asfatione turbantur omnia: dum putrida bilis hic collecta, vel per morbi vim nata, stabulantur, immanes capitis dolores, vertigines, deliria, furores &c. in capite caulam, & sedem mali esse, sere persuaderent: sed excussa per lene vomitorium hac laborra, uno momento cessant omnia hæc mala: unde Hippocrates in prognostico, tenebricolam vertiginem, & oris ventriculi mortuum, tanquam signum vomitus bilioli brevi futuri recensuit: & uti putridi cada-veris horrendus foetor hominem vel sanissimum potest in syncope usque deducere, uno momento ablatis omnibus viribus, sic & in internis latens putridum graveolentia sua, & spirituoso quasi afflatu; omnia turbare potest.

NAUSEAM & VOMITUM &c. Omnium humorum acerrima bilis omnium citissime in putredinem vergit: hinc simulac quid putridi in primis viis nascitur, mox bilis mutatur. Sed præterea putridum hic haerens omnem tollit appetitum, sola sere aquosa acida ferunt, quæ facile transeunt; hinc ventriculus vix distenditur: sed ventriculo non distento pylorus semper patet: hinc commercium immediatum ventriculi cum intestino duodeno; in quo omnis humor secretus ex ingenti hepate, pancreate, vesica fellea colligitur, quem intestinum jejunum, tot, rugis clausum, non adeo facile transmittit: hinc hæc in vacuum ventriculum regurgitant, ubi liber datur aeri accessus: hinc citissima putrefactio, unde nausea & vomitus materiae biliolæ putrefactæ in febribus autumnalibus epidemice grassantibus post magnos calores æstivos toxies occurrunt; & nisi illud biliolum corruptum sponte, vel arte excutiat, in fine morbi putridissima diarrhoea oborta, prostratis subitissimè viribus, saepe pereunt aegri.

HORROREM ADVERSUS OMNIA NISI AQUOSA VEL ACIDA. Sedula observatio docuit, & in hominibus & in animalibus morbum natum saepe incitare ad applicationem auxilii, caeterum ignoti; & nasci saepe insuperabile desiderium assumendi quaedam; & contra, horrorem versus alia quaedam, quæ offeruntur. Modum, quo hæc fiunt, non assequimur; veritatem facti certa demonstrant experimenta. Dum summis æstibus exsiccatum corpus, sitis vel invitum coget, ut remedium quaerat. Simulac quid putridi in corpore haeret, mox nascitur omnium facile putrescentium fastidium summum: si acuta febre putrida laboranti carnes offerantur assæ, ne quidem aspectum, feret aeger, vel nidorem carniū: si vero citrea, aurantia mala, fructus horaeos &c. offers, avidissime arripit. Sive jam peritissimus Medicus talidescumbat morbo, sive innocuus infans, hæc fiunt eodem modo: summae prudentiæ

dentiae Medicae est in morbis nata haec desideria observare. Qui ex praconcepta hypothefi in morbis calidissimis omnem negabant potum, omnia acida dampnabant, quam infelices fuerunt in morborum curatione! Sibi foli ad omnia sufficiens natura aquam appetit, & aquosa omnia, ut ablatur putridum, & per urinam vel sudores eliminetur de corpore; acida, ut corrigatur.

CRUDITATEM PUTRIDAM. Quamvis alimenta vi corporis nostri sic mutantur, ut in quiete, & calore, vel & dum valide moventur, incipientis putredinis naturam adipiscantur, ut dictum §. 80., tamen nulla putredo in humoribus sani corporis observatur naturaliter. Hinc omne putridum crudum est: cocti enim humores nostri blandi sunt, nec alcalini, nec acidi: hinc si ingesta alimenta in primis viis, vel & liquida corporis nostri his locis effusa in putredinem abierint, cruditas hic nascitur putrida; quae omni momento augetur, ob aeris liberum accessum, calorem, & humiditatem primarum viarum. & quia tota vis corporis in ingesta agens huc conspirat: hac enim vi alimenta ab omni putredine alie utilissima convertuntur in naturam liquidorum nostrorum, quae omnia putrescere possunt; quanto magis eadem haec vis agens in putrida, vel putredini proxima augebit corruptionem.

DIARRHOEAM BILIOSAM. Dum aliquid putridi haeret in primis viis, bilis facillime putrescens cito corrumpi incipit; corrupta venenato fere stimulo continuas alvi excretiones putridissimas facit: tunc liquamen quasi oleosum putridissimum alvo excernitur. In acutis morbis saepe accidit, ut jam in initio per vim morbi corrupta bilis perpetuam faciat nauseam: nisi tunc excitatio vomitorio illud corruptum biliosum, vel corrigatur acidis, circa finem morbi diarrhoea putridissima biliosa nascitur, fractis jam a praegresso morbo viribus, adeo periculosa. Vitellum ovi putrefactum ad pauca grana datum, validissimam hypercathartim posse facere, observavit Bellinus.

DOLORES ILIACOS INFLAMMATORIOS. Omnis acrimonia potest irritare nervos per intestina dispersos, unde spasmodica contractio, & ab hac inflammatio intestinorum oriri potest: maxime quia ab acri bilioso imprimis saponacea vi abraditur mucus, defendens tenerimas papillas nerveas, per internam tunicam intestinorum dispersas, hinc longe magis sensiles fiunt.

CALORIS MOLESTI SENSUM. Quantum calor per putrefactionem generetur, docet foenum magnis acervis collectum per solam putrefactionem in vivas flammam erumpens. In febribus illis continuis, quas ab effectu putridas vocaverunt, mordax calor diagnosticum signum praecipuum dat: in ardentissimis febribus, dum extrema frigent, ignis urentis vim circa praecordia aegri sentiunt: sed quam subita omnium putrefactio in his febribus adest? Hydrotici crura, mar-moris instar frigida; dum incipit putrescere stagnans lympa, calent, inflammantur. Infans peste mortuus secundo post obitum die adhuc calebat [o].

§. 86. **I**N sanguine producit dissolutionem ejus putridam; acrimoniam alcalinam oleosam volatilem; ineptitudinem ad nutriendum; aptitudinem ad consumendum; minimorum vasculorum destructionem; hinc omnes actiones solidarum, & liquidarum partium turbat, depravat, destruit; unde circulatio, secretio, excretio variat; tum febres ardentes, urinae, & omnia secreta putrida, inflammationes, suppurationes, gangraenae, sphaceli, mors.

DISSOLUTIONEM EJUS PUTRIDAM. Sanguis sani hominis missus de vena post pauca minuta coagulatur in massam homogeneam rubram; de qua postea secedit serum tenuius, remanente parte rubra crassa concreta: sed sanguis talis tempore simili, ac in sano corpore observatur, focus aliquamdiu, incipit putrescere, & simul attenuari; nec amplius concrevit postea. Dum in Ictericis bilis retropremitur in sanguinem, totus sanguis, si diu durat morbus, a bile dissolvitur, & in putredinem disponitur: unde a nimis soluto sanguine hydrops postea iterum sequitur. In scorbuto putrido sic solvitur sanguis, ut propriis valis coerceri renuat, sed ecchymoses, maculas, & validissimas haemorrhagias faciat. In obliuione Bredana dum pestis grassabatur in urbe, sanguis insectorum apparebat lividus, foetidus, non concrevens (p).

ACRIMONIAM ALCALINAM OLEOSAM VOLATILEM. Non videtur in vivente penitus putrescere posse sanguis, (destruētis enim minimis in cerebro, & cerebello vasis, mors prius fieret,) sed tamen proxime eo disponitur; sic ut, ubi aeri libero exponitur, statim in putridam saniem diffuat. Apparet hoc in gingivis scorbuti putrido affectorum, exit enim erosus vas sanguinolenta sanies cadaver olens.

INEPTITUDINEM AD NUTRIENDUM. Albumen ovi, ex quo certo scimus pullum nutrirī, tenacitatem habet satis notabilem: in sero sanguinis, quod per experimenta demonstratur satis simile esse ovi albumini, similis plastica cohaesio inest. In lacte jam incipit tale quid nasci: docet hoc caleus. Hinc videtur ad nutritionem corporis requiri, ut talis cohaesio adsit in nostris humoribus: sed putredo nata hanc tenacitatem tollit. Albumen ovi putrescens instar aquae tenuae fit; serum sanguinis putridum ad ignem non coagulatur amplius; & in illis morbis, ubi putridus sors in corpore haeret, dissolvuntur omnes humores, nutritio deficit, lento marasmo omnia pereunt: docent id phthisici, in quibus a dissoluto nimis sanguine sudores illi nocturni, colliquativus, & putridus omnino alvi fluxus, atrophia, mors.

APTITUDINEM AD CONSUMENDUM. Hoc imprimis patet in illa specie tabis, quae consumtio Aeglis dicitur: in quo morbo, sine notabili fere pulsionis labe, sensim consumuntur corpora. Videtur fere morbus ille originem ducere a nimio ulu carniū, unde humores in nimiam calefactionem prout plastica illa tenacitate carent, unde sudoribus distillant, & sensim contabescunt.

Mini-

MINIMORUM VASCULORUM DESTRUCTIONEM. Urina fales sanguinis nimis acres factos eliminat de corpore: ubi ergo a quacunque causa urinae secretio, vel excretio impeditur, non fit haec sanguinis depuratio. Haec acrimonia ipsis vitae actionibus omni momento augetur: hinc in tenerimis vasis, cerebri nempe, & cerebelli imprimis, laesio apparet; & ideo post illichuriam diuturnam, sopor, delirium, mors. An ideo subtilissimum pestis venenum putrefaciens omnia, destructis minimis vasis, tam subitam mortem inferat?

HINC OMNES ACTIONES &c. Ut fiant actiones in sanitate requisitae, in solidis partibus requiritur debita cohaesio, in fluidis proportionalis ad vasa, per quae fluere debent, crassities. Putrida dissolutione attenuati humores aliena vasa intrant, & blanda indoles in acrem mutatur; hinc necessario in omnibus functionibus corpus a sanitatis legibus recedit. In acutissimis febribus, in quibus tam subita putrefactio fit, statim laesio omnium functionum apparet, ilico degenerant omnes humores. In ipso enim talium morborum initio respiratio anhelosa, & difficilis, pulsusque celerissimus, & saepe inaequalis, vitales functiones laesas demonstrant. Debilitas summa, deliria, sopores &c. animalium functionum laesionem indicant: prostratus appetitus, sitis, nausea, vomitus &c. naturales functiones perturbatas probant; saliva, bilis, sudor, urina, mox degenerant: unde, cum nihil fere de sanitate superstit, tam funestus plerumque eventus.

FEBRES ARDENTES. Hippocrates (g) monuit post statum austrinum humidum, & mollem (*) febres ardentes phreniticas oriri: sed talis aeris constitutio omnia ad putredinem disponit, sic ut carnes mactatorum animalium in tali aere humido, & calido intra paucos dies in tabum putridum disfluant. Ubi exusta atra bilis, fixitate sua pertinaciter adeo haerens, per quaecumque causam sula, corrupta, sanguini miscetur, ardentissima oritur febris subito destruens omnia.

URINAE, & OMNIA SECRETA PUTRIDA. Omnia haec sequuntur indolem sanguinis, unde secretuntur: sed urina naturali lege sales, & olea sanguinis acriora, & putredini proxima, abluit, & expellit de corpore; hinc, sanguine putridis inquinato, urina similem habebit labem; uti & sudor &c.

INFLAMMATIONES, SUPPURATIONES &c. Omne acre irritans stimulo suo inflammationem in toto corpore, vel in parte quadam, facere posse, docent certissima observata. Hinc & putridum natum in corpore sua acrimonia inflammationem facere potest. Sed & praeterea dissoluti per putredinem humores aliena vasa intrant, & saepe per illorum angustias ultimas transire non possunt: hinc alia ratio inflammationis a putredine natae deducitur. Ophthalmiae laborantis nuehae applicuerant lienem recens mactati vituli, reliquerant per 24. horas, totus lien tepore corporis, & humiditate repletus fuerat in olidissimam putrilaginem; & locus, cui applicatus fuerat, validae inflammationis omnia signa habebat. Sed inflammatione nata, sequuntur necessario

(g) Epid. 3. Charter Tom. IX. pag. 159. 160. (*) *quidam* Galenus in Commentariis dicit significare *aurum* cui *super* tranquillum, sine venis, & calidum.

fario inflammationis exitus varii, suppuratio nempe, gangraena, sphacellus; ut postea in inflammationis historia dicitur. Haec non adeo in externis partibus timeatur, sed si in minimis tenerrimorum viscerum vasis haec fiant, summum periculum. Sic in febris acutissimis observatur, per abscessum versus extrema corporis deponi malignos adeo humores, ut fiat subitissima mors partis, & sphacellus ad ossa ulque: ut monuit Hippocrates in prognosticis, quod partes tales penitus nigrae factae decident, superstitae aegro, si malum leviter ferre videatur, & signum aliquod salubre praeterea adsit (r).

§. 87. **E**X his (76. 79. 80. 81. 82. 83. 84. 85. 86.) denuo diagnosi, & prognos, aequae ac Curatio morbi liquido conspicitur.

Quomodo diagnosi, prognos, & indicatio curatoria deducantur ex cognita prius Morbi historia, dictum fuit §. 27. pro exemplo generali. Sic in hoc morbo coactae praegressae §. 84. & effectus morbi nati §. 85. & 86. demonstrant adesse alcalinum spontaneum: ubi vero ex his noscitur illud adesse, pro Prognosi facile concluditur, metuenda esse illa omnia, quae fidelis observatio docuit sequi hunc morbum natum; & quae omnia recensentur §. 85. & 86. deinde ex his bene intellectis curationis requisita facile deducuntur.

§. 88. **Q**uae perficitur. 1. alimentis, potibusque, citò accescentibus, vel jam acidis, quo farinosa in aqua cocta, vel ad initium corruptionis digesta, lac, ejusque producta herbacea, fructus horaei, horum acidi crudi, vel fermentati vinosi, acetosive succi. 2. acidis medicamentis ex vegetabilibus crudis, vel fermentatis, aut salibus, & sulphure vi ignis in acida conversis. 3. Salinis alcali absorbentibus, ut est sal gemmae, marinus, & nitrosus. 4. Aquosis diluentibus. 5. lenibus obtundentibus, qualia farinosa vegetabilia emulsa, vel decocta, sunt; & laudatissimae boli, acidulo balsamico recto, & demulcentissimo viscido, constantes. 6. Saponaceis abstergentibus acidis suboleosis, oxymelle, sapis acetosis. 7. quiete, somno, balneo vaporis, fomentive.

1. Facile apparet totam curam consistere in binis his, ut nempe putridum alcalinum vel expellatur de corpore, vel sic mutetur, ut non noceat amplius: deinde, ut talia pro cibo, & potu ingerantur, quae ex sua indole putrescere nunquam possunt, sed in oppositam acrimoniam, acidam nempe, vergunt: talia jam habentur omnia dicta FARINOSA: cerealia nempe omnia, & matura semina, quae trita in farinam abeunt. Haec enim aqua diluta in calore modico

modico acescunt, quaedam citius, quaedam serius. Avenae, & fecalis decocta citissime acescunt, dein hordeum &c. fecale autem imprimis satis cito in acidum satis acre degenerat, si in aqua coquitur, vel maceratur. Artifices, qui ferri lamellas stanno obducunt, noverunt requiri ad hanc rem, ut ferri tota superficies terribissima sit, tunc enim stannum facile adhaeret: ideo ferri lamellas macerant in aqua acida reddita per fecalis grana addita. (s) Hordei pitana, cremore, succo, in omnibus acutis morbis utebatur Hippocrates, uti passim in ejus operibus habetur.

LAC EJUSQUE PRODUCTA HERBACEA. Lac ipsum purum non satis turo in putridis morbis datur: aciescit quidem omne lac herbaceum, sed habet cremorem pinguem, qui rancescere potest; habet caieum, qui plus jam de animali natura participans, quam reliquae lactis partes, putrescere potest: hinc in acutissimis morbis non nisi plurima aqua dilutum lac conceditur, vel lactis serum; imprimis illud, quod a lacte ebutyrato jam acido per manicam Hippocratis separatur: hoc tenue serum acidulo sapore adeo placens saluberrimum auxilium dat in omni morbo putrido.

FRUCTUS HORAEI. Aegri similibus morbis decumbentes spontaneo appetitu maxime versus hos gratissimos fructus feruntur. Ante multos annos omnes lere oblectabantur Medici, ne sumerent: dum Celeberrimus horum Aphorismorum Auctor Nobili Viro, morbo acuto decumbenti, cerasa, mora, ribesia dabat, publica auctoritate puniendum scelus putabatur: interim, qui hanc methodum adeo calumniabantur, succos horum fructuum cum saccharo in syrupum coctos praescribebant quotidie. Maturorum fructuum succus nulla praeparatione indiget, suum exstinguit, calorem temperat, urinae, & alvi vias laxat, summum solamen languenti ventriculo a putrida bile praebet. Calidissimis in regionibus solis fere his fructibus vivunt sani: aetivis caloribus incenia bilis iaponaceis, & blandis fructuum horaeorum succis felicissime demulcetur. Galenus, qui ubique fere fugacium fructuum ulum damnabat, tanquam pravi penitus succi forent, *illis solis prouesse dixit, qui aestu vehementiori, longiore statuere sese confecerint: tunc enim juveni corporis aequalorem humectantia, & si frigida sumantur, moderate refrigerantia* (1). Sic invitus pulchros fructuum, quos damnaverat, ulus reveniet. Succo illi jam saepe sunt acidi naturaliter, ut in ribesiis, cerasis quibuldam &c. vel cito latius acescunt, facile fermentabiles; tuncque in vini, vel aceti indolem mutantur. Vinum autem ipsum in his morbis prodest, imprimis acidulum, & in morbis ipsis acutissimis; sed multa tunc aqua dilutum. Aprorum carnes vino Rheno conditae ab omni putredine servantur in Germania.

2. EX VEGETABILIBUS. Plurima habentur vegetabilia, in quibus acidum naturaliter invenitur, ut omnes acetosae species, acetosellae, tamarindorum pulpa &c. quae ubique in officinis obvia prostant; unde efficacissima & gratissima simul parari possunt remedia. Huc imprimis refertur fermentatione paratum acidum, tartarus nempe, & acetum omnibus fere pulmam praeripiendis unde

(1) Acad. des Sciences Pan 1715. Mem. 15a. [†] De Aliment. Facult. lib. II. cap. 2. Chiarer. Tom. VI. pag. 316.

unde oxycratum, oxymel, poscam, adeo laudaverunt veteres Medici. Acetum quidem ex omnibus liquidis fermentatis parari potest, melius tamen nunquam fit, quam ex vino: omnes enim vini partes constituentes in aceto videntur adesse, sed alio modo dispositae. Acetum inter praecipua prophylactica ad pestem ipsam ab omnibus recenetur, solo olfactu putridis morbis decubentes adeo reficiens.

AUT SALIBUS & SULPHURE. &c. Omnia fere acida vegetabilia, & imprimis acetum, talem vim habent, ut simul sanguinem plus dissolvant, ipsa putredo nimiam dissolutionem omnium humorum facit; hinc ubi putridum adest una cum nimia dissolutione humorum jam praesente, vel si brevi futura metuitur, tunc acidi spiritus vi ignis ex sale marino, nitro, vitriolo, expressi summum ulum habent; efficacissime enim omni resistunt putredini, dum simul non dissolvunt humores nostros, sed coagulant potius. Huic scopo pulchre intervit spiritus sulphuris per campanam dictus, qui purissimum acidum fossile nihil metallici in se habens praebet.

Quantum autem habeant efficaciam haec acida fossilia, docuit Sydenhamus, qui in variolis pessimis confluentibus spiritum vitrioli potui ordinario mistum pulcherimo cum successu exhibuit, dum incassum alia tentaverat remedia: (*) Sed in his variolis putridissimo tabo omnia diffuunt: hinc apparet, quanta vi putredini resistent haec acida fossilia.

SALINIS ALCALI &c. Sales illi animalium carnibus aspersi omnem putredinem arcent, ut docent quotidiana experimenta. Optimi hinc semper usus, nisi validus simul motus humorum addit; tunc enim metus est, ne sanguis magna copia horum salium gravatus, acrior redditus, & velocius motus, destruat tenerrima vasa. Nitrum tamen inter hos sales levissimum, facilius superabile viribus corporis nostri, tunc praefertur reliquis. Externo usu sales illi soluti in aqua, applicati partibus gangraena corruptis, omnem arcent putredinem.

4. Sales sanguinis nimis acres facti, & olea nimis attenuata, & jam subputrida, naturali corporis lege per urinam eliminantur; aliquando & per sudores: maxime ergo convenit aquosis diluentibus magna copia ingestis haec abluere: copia enim urinae inde augetur, & materiae per sudorem eliminandae suppediatur vehiculum: sed & in omnibus morbis putridis, quamdiu mens constat, sitis ingens aquosa petit, natura sic monstrante viam.

FARINOSA EMULSA, VEL DECOCTA. Haec ratione aquae diluunt; molli vero glutine suboleoso inviscant omne acre, & iners reddunt: hinc tanti usus. Omnia illa farinosa femina, contusa, pressa magnam copiam olei mollissimi dant: sed hoc oleum, cito rancescens, noceret saepius: dum autem cum aqua teruntur, dant liquidum luteum mollissimum, emulum vocant in officinis, in quo idem hoc oleum est, sed sic mutatum, ut non rancefcat, sed aescat citissime. Olei virtus, qua inviscat, & obundit omnem acrimoniam, in emulsis manet, & suturae ranciditatis metus abest.

LAUDATISSIMAE BOLI. Galeni tempore magna jam laude efferebantur, terrae

(*) Sydenham. pag. 259.

terrae illae medicatae dictae; imprimis Terra Lemnia, quae in Lemno insula effodiebatur.

Dioscorides (*) terrae huic caprinum sanguinem miseri credit; & in pastillos dein formari, quos caprae signarent imagine, Galenus (†) bis laboriosum iter in Lemnum insulam suscepit, ut indageret huius terrae indolem, & invenit, nunquam ei miseri hircinum, vel caprinum sanguinem, pingue vero lutum, & omnibus crassioribus elotione inde separatis ad ceræ consistentiam siccatum servari, & in minutas particulas diviso luto sacrum Dianae sigillum imprimi deinde, sicque postea vendi.

Variae tales terrae hodie habentur in officinis; omnium forte optima illa, quae Bolus Armena hodie dicitur. Ad tactum pinguis apparet, & saponacea, coloris pallide rubri, levem nec ingratum odorem habens, facile in mollissimum pollinem teritur, in ore deliquescit fere instar butyri, & saliva integre diluitur; in lapore invenitur levissimum aroma, & simul aliquid exsiccantis adest. In his terris latet acidum, miro modo obvolutum, ut docent Chemicæ observationes. Acidum enim illud vagum, fossile dictum, in terrae visceribus haerens, varia constituit concreta, prout diversis unitur corporibus: sic enim vitriola, alumen, sulphur, idem fere omni dote acidum exhibent. Quia autem omnium facillime, & maxima quidem copia, ex vitriolo educi potest, hinc acidum vitriolicum dicitur. Hoc acidum salii marino, gemmae, nitro mistum expellit acidus horum salium spiritus, unitur parti residuae post expulsum spiritum, & novam salis speciem constituit: sed iidem illi sales, cum magna copia boli armenae misti, igne valido dant similes spiritus, nec hoc fit, quia bolus admista fluorem horum salium impedit, creta enim v. g. admista vel arena non succedit hoc experimentum: inde concluderunt, latere in pinguibus his terris acidum vitriolicum, quod igne aëtuosum redditum excutit acidus horum salium spiritus; nec obstat, quod blandus sapor nullam acrimoniam indicet; sulphur enim insipidum magnam copiam illius acidi recondit.

Hinc pulcherrimus harum terrarum medicatarum usus patet; latente acido omni putredini resistunt, & innocua lenitate demulcent omnia: unde in dysenteris putridis tantum usum habent, modo satis magna dosi exhibeantur: uncia una emulcendo quasi in libra aquae diluta, dein cochleatim sumpta, pulcherrimos effectus praestat; ubi ad pauca grana dantur, nihil efficiunt.

6. In morbis acutis majore motu, & calore pinguedo fusa sanguini miscetur, sicque plethoram quasi oleosam facit: aqua, & aquosa omnia potata, non possunt facile eluere de sanguine hoc oleolum, omni momento acrius jam factum. Hinc adduntur talia, quae saponacea vi omne pingue reddunt aquae miscibile. Veteres mel cum aceto coctum sumebant: hodie & melle, & saccharo utimur, & imprimis inspissatis illis sapis acidulis ex succo sambuci, ribesiorum, berberiffae &c. quae saponacea vi omne concretum resolvunt, & aciditate sua omni putredini resistunt efficacissime.

7. QUIETE. Motus muscularis circulationem auget, & attritum: sed haec austa

(*) Lib. V. cap. 111. [†] De Simpl. Med. Facultat. Lib. IX. cap. 1. n. 2. Chartes. Tom. XIII. pag. 147.

aucta disponunt omnes humores ad putredinem. Dum validissimo cursu quis corpus fatigavit, acris, rubra, foetida redditur ruina; idem in morbis acutis observatur. Ideo Veteres Medici talibus aegrotis summam imperabant quietem, omnem strepitum, omnem lucem arcebat sollicitissime, ut placidus subreperet sopitus omnibus sensibus somnus.

BALNEO VAPORIS. Sic laxatis vasis insinuantur aquosa diluentia, minuebatur attritus, omnes meatus cutanei aperiebantur, ut facilis fieret exhalatio illorum, quae jam nimis acria facta nocerent, si manerent in corpore.

FOMENTIS. Tota cutis bibula resorbet sic applicata remedia, imprimis dum spongiae madidae applicantur ad parotides, axillas, inguina &c. illis enim in locis maxime bibula cutis est, & venae majores prope decurrentes reclusos humores cito sanguini miscant.

§. 89. **U**Nde patet, ubi, & cur, acidus ructus nidorosum sequens bonus? cur, & quibus convalescentibus salis ammoniaci sapor molestus? cur sudor acidum spirans acutis salutaris? quae acrimonia acida, alcalina, biliosa, oleosa sit? Qui morbi propria significatione putridi dici queant? Cur illi fortissimis, plethoricis, praecipue? an unquam in homine vivente illi humores jam vere alcalini reperti sint? rarissime: expertus loquor. Urina in vesica, diu retenta, aut in calculo rariore absorpta, sorte, aliquando, eo pervenire queat. Aliter mors ante fit, tabefactis per acria, necdum alcalina, & pulposis vitalium extremis.

CUR ACIDUS RUCTUS &c. Non semper acidus ructus bonus est; nam in infantibus, & debilibus hominibus, acido laborantibus, saepe molestissimi illi acidi ructus sunt, saevam cardialgiam inducentes; sed ubi prius a putridis, circa ventriculum, & vicinas partes haerentibus, ructus rancidi nidorosi sunt, tunc acidus ructus sequens bonus est, quia denorat, putredinem superatam esse, & oppositum omni putredini praevalere in primis viis acidum: *In diuturnis Lenterius ructus acidus superveniens, qui prius non erat, signum bonum.* Sic Hippocrates in Aphorismis (τ) monuit. Ratio facile patet: quia in lenteria assumta omnia statim demittuntur, nec tamdiu moram patiuntur, ut acida possint fieri; ideo ructus acidi designant, intestina, & ventriculum eo ulque roborata esse, ut ingesta possint retineri diutius, donec acescant.

CUR ET QUIBUS CONVALESCENTIBUS &c. Hoc omnes fere experiuntur, qui a morbis acutissimis resurgunt, quod nempe omnia, quae assunt, apparent falsissima: jus carnum parum meracius falsissimae muriae saporem habere videtur. Idem & in illis, qui a peste convalescebant, observatum dicitur. Fit autem ille sapor, quia per ingesta aciescentia, vel acida alcalinum putridum

tridum praedominans correctum est, & mutatum in speciem quamdam salis compositi blandi. Multum etiam huc facere videtur, quod lingua in morbis acutis semper sordida, & scabra, deciduis illis crustis nitidissima fiat, & simul tenerrimi lenius.

CUR SUDOR ACIDUM SPIRANS &c. In morbis languidis chronicis sudor acidum spirans malum signum dat, effoetas penitus corporis vires demonstrans; in acutis vero designat, tubaciam esse illam diathesim, qua humores in alcalinam putridam vergebant naturam.

QUAE ACRIMONIA ACIDA. Quae ex assumtis acescentibus, non bene subactis per vires valorum, & viscerum nascitur: omnes enim humores vere animales dicendi sponte sua in putredinem vergunt, nunquam in acidum: acida ergo acrimonia solis ingestis debetur.

ALCALINA. Quae & ab ingestis in putredinem pronis oritur, & ab humoribus nostris stagnantibus: quamdiu enim per vasa moventur humores nostri, vix possibile videtur, ut putrescant penitus, & alcalinam naturam induant: tenerrima enim vasa cerebri, & cerebelli tam acres humores ferre non possent sine destructione. Omnis acrimonia alcalina imprimis in excrementis haeret, si adsit: in stercore enim saepe vera putredo adest: urina in morbis putridissimis proxime illuc disponitur.

BILIOSA. Inter humores nostros, exceptis excrementitiis, nullus est, qui plus vergit in putredinem, quam bilis; unde citissime in morbis acutis corrumpitur; hinc biliosa acrimonia acerrima, maxime noxia. Cum enim in morbis acutis aucta sit circulatio, major copia bilis fecernitur, quae blando chylo non obtunditur, ut in sanis fit; sed acris facta, attenuata, sanguini mista, turbat omnia.

OLEOSA. Omnium pessima olei cunjctis, blandissimi etiam, corruptela. Pressum ex amygdalis oleum suavissimum intra paucos dies aestivo tempore sic corrumpitur, ut ex miti acerrimum fiat, & deglutitum faucibus exurat. Medulla ossium adeo blanda, dum corrumpitur, foetore intolerabili, & acrimonia pessima, ossa densissima in cariolium pulvilculum dilabi facit. Tenacitas, qua adhaeret corruptum oleum, partibus quas tangit, augeat malignitatem.

QUI MORBI &c. Omnes illi, qui aucto motu, & calore subtilissime faciunt sic degenerare omnes humores, ut in putredinem quammaxime vergant. Tales sunt imprimis omnes febres acutae continuae, & potissimum illae, quas ab hoc effectu putridas dixerunt Veteres M dici: in quibus, saepe in ipso morbi initio, linguae sordes, urina acris, rubra, foetida, faeces alvinae olidissimae, sudor graveolens, certas putredinis notas exhibent.

CUR ILLI FORTISSIMIS &c. In his enim boni sanguinis abundantia, calor magnus, robusta vasa, & viscera efficiunt, ut omnia ingesta citissime in animale naturam degenerent, id est in putredinem sponte inclinent: unde & observatum saepius fuit, febres putridas epidemice grassantes, imo & ipsam pestim, fortissimos quosque invasisse debiles, senes, chronicis morbis laborantes, mansisse immunes.

An

AN UNQUAM IN HOMINE VIVENTE &c. Effulos humores extra vasa sua, collectos in cavis naturalibus, vel morboſis, poſſe putrefcere, in homine vivente, imprimis ſi liber aeri acceſſus detur, nullum dubium eſt; ſed in ipſo ſanguine, & humoribus inde ſecretis per ſua vaſa motis, veram putredinem obtinere poſſe vitæ tempore, rariffime, ſi unquam, docuerunt obſervata. Imo in ipſa urina, quæ acriores de ſanguine ſales abluir, vel in morbis putridiſſimis, an unquam obſervatum fuit verum alcali? unicum vidi caſum, qui ſere faceret, ut crederem aliquando, quamvis rariffime, hoc fieri poſſe. Decumbebat ſynocha putrida adulta virgo: vocabar decima die morbi; inveni pulſum parvum, celerem, inaequalem; tremulos omnium muſculorum motus, reſpirationem ſublimem, difficilem; mens conſtabat tamen; urina foetorem habebat peſſimum: emiſſa fuerat ante trihorium; mecum abſtuli urinam illico, aſſundi nitri ſpiritum, efferveſcentia fiebat validiſſima: poſt octo oras periit agra. Haec ergo urina vere alcalina erat, ſed per tres horas in libero aere ſteterat; forte, & diu in veſica hæſerat, antequam excerneretur. Sanguis foeminae, febre maligna quaſi Eryſipelatoſa laborantis, per phlebotomiam extractus adeo foetebat, ut ex ejus tetro odore tam Chirurgus, quam adſtantes, in animi plane deliquium inciderent: hoc ſe vidiffe aſſerit Morton (*).

URINA IN VESICA DIU RETENTA &c. Senex in hac urbe rei frumentariae mercator iſchuria laborabat: Chirurgus, in ſimili caſu huic aegro levamen per catheterem immiſſum aſſerre ſolitus, aberat: noluit alteri curam committere aeger: ſic manſit uſque in diem ſequentem, donec rediret in urbem Chirurgus, qui, cathetere immiſſo, eduxit urinam, tam putridam, ut argenteum catheterem Iridis coloribus tingeret, & Chirurgum ipſum, qui incautus hauſerat putridiſſimæ urinae halicum, levi peripneumonia afficeret per aliquot dies. In fungoſo calculo in veſica, vel renibus hærente reſorptam urinam, mora, & calore putridiſſimam fieri poſſe, certiſſimæ docent obſervationes.

ALITER MORS ANTE FIT &c. Tam tenera enima ſunt hæc vaſa, ut omnem ſenſum, omnem ſere imaginationem fugiant: hinc illico deſtruerentur, ſi acria fluida alluerent hæc vaſcula. Qui urinae ſuppreſſione pereunt, ante mortem cerebri functiones læſas habent omnes; tandem lethali ſopore placide moriuntur, aliquando, & convulſi ante mortem. Videtur tunc acceſſum, in ſanitate per urinam excerni ſolitum, deſtrueret tenerrima hæc vaſcula.

§. 90. **H**inc tandem ſcitur, quid mali faciat nimius vel minor liquorum circulantium motus, & quantum ejus effectus variet pro varietate loci, ubi hærent, & humorum, in quos agit? quæ a ſtagnante, vel ab extravafato, nocumenta? imo neque obſcura hinc ratio ortus viſcoſi glutinis, quo lentefcunt humores noſtri; dum ſpiſſa decocta ex animalibus diuturnâ elixatione parata, nimia ingeruntur copia; aut etiam, dum tegumenta animalium

lium, horumque lentae, tenacesque, partes extremae*, avidius assumuntur, aut diutius: etenim alia hinc pituitosi indoles, & distincta ab illa, quae jam exposita in fine [75.]

QUID MALI FACIAT NIMIUS VEL MINOR &c. Ambo faciunt putredinem nasci: sic a validissima inflammatione gangraena, putrefaciens omnia, oritur. Simile malum a defectu circulationis fit, sed lentiori passu incedit: prius malum celerrime destruit omnia.

QUANTUM EJUS EFFECTUS VARIET. &c. Circulatio aucta eo plus agit in corporis partes, quominus distant a corde: hinc in febribus ardentibus intolerabilis ardor circa praecordia: & maximum ab aucto motu humorum, per vasa periculum in illis locis, ubi vasa omnium tenerrima sunt; in cerebro nempe, & cerebello. Sed & ingens discrimen est ratione humorum, in quos agit nimia, vel minor circulatio: bilis per febres citissime corrumpitur; urina statim fit acris, & rubicundior, quia per hanc tales in putredinem vergentes naturaliter abluuntur, reliqui humores corporis non tam cito mutantur.

QUAENAM A STAGNANTE, ET EXTRAVASATO NOCUMENTA. Quamdiu vitalis motus humorum per vasa pergit, omnia manent integra, & ad summum senium homo sine ulla putredine pervenit. Si sanissimus homo sub aquis suffocatur, omnia sunt ut ante; abest solus motus: intra paucos dies putrefcit totus: hinc stagnatio, & extravasatio humorum ad putredinem disponunt: sed ubi nullus datur aeri accessus ad humores stagnantes vel extravasatos, lentius hoc fit. Patet in contusionibus, ubi sub cute integra fractis vasis effusus sanguis stagnat, nec corrumpitur facile, quia nullus datur aeri accessus, & vasa bibula venosa tenuiorem partem continuo resorbent.

IMO NEQUE OBSCURA HINC RATIO &c. Meracissima carniū juscula penitus glutinosa fiunt, & debilem ventriculum gravant, non rescitunt vires; dilutiora autem pulchre nutriunt. Quia autem quod in carniū jusculis nutrit, est illud quod coquendo solvitur in aqua de animalium partibus; hinc concluderunt multi, eo magis nutrire haec juscula, quo spissiora forent; sed tandem fortissimè glutinis instar indomabilem tenacitatem acquirunt, sic ut corporis viribus superari minime possint. Longe peior adhuc tenacitas oritur, dum partes extremae animalium tendinosae, & mucilaginosae sic decoquantur; unde gluten validissimum in Mechanicis paratur. Dum phthisicis decocta pedum vitulinorum exhibentur, hac spe ut nutrant plus miseros; tenacis chylo gravatur debilis pulmo, & maximae fiunt anxietates.

ETENIM ALIA HINC PITUITOSI INDOLES &c. Glutinofum spontaneum, §. 69. & sequentibus descriptum debebat ortum suum vegetabilibus, imprimis lentis farinosis: hoc vel lentorem suum retinebat, & faciebat tunc pessimas obstructions, vel dilutum ingestis, vel affluentibus liquidis poterat fermentari, & acescere. Sed illud glutinosum, quod ex animalium partibus diu in aqua decoctis nascitur, primo tenacitate nocet, & postea corruptum terribi putredine inficit. Gluten vulgare ex animalium partibus confectum, tenacissimum, si diluatur aqua, putrefcit citissime, & horrendum foetorem spargit.

§. 91. **P**ertractatis morbis Solidi, & Fluidi simplicissimis seorsim, agendum sequitur de iis, qui in Solido, & Fluido conjunctum occurrunt simplices quam maxime.

Firma nunc posita sunt fundamenta, quibus simplicissimis quamvis, compositorum, & saepe intricatissimorum morborum cognitio, & cura innititur: post simplicissimos morbos solidarum partium, & spontaneas degenerationes humorum, ordo §. 16. dicat, ut sensim ad magis compositos morbos procedatur. Cum jam, quamdiu vita manet, liquidorum adsit per vasa solida motus, proxime indagandum sequitur, quid fiat in corpore, si motus humorum per vasa fiat nimius, vel minor, quam requiritur ad sanitatem.



DE MORBIS ORIUNDIS AB EXCESSU MOTUS CIR- CULATORII SOLO.

§. 92. **O**Mnia fluida, quae in ullo vase, ab Arteria. magna orto, continentur, ex solo sanguine sunt secreta, qui paulo ante in corde dextro, & sinistro mistus erat, & referebat speciem unius liquidi.

Primus hic morbus est, in quo & fluida & solida simul considerantur; & in hoc capitulo agitur de sola velocitate aucta motus fluidorum per vasa: merito ergo prius agendum de indole, & attributis illius liquidi, quod per vasa fluit.

Sanguis vocatur universale illud liquidum, quod in cor dextrum influit, & quod ex corde sinistro expellitur. Cor omnem sanguinem per venas recipit ab universo corpore; receptum vero reddit per arterias singulis partibus. Ex hoc sanguine omnes partes corporis, omnia viscera faciunt suos humores, varios pro varia singulorum structura. Ergo in sanguine sunt omnia liquida corporis humani, non quoad singulare ingenium, sed quoad materiam, ex qua in singulis partibus per propriam earundem fabricam fit illud, quod in infinita sua idea exprefferat Adorandus corporis humani Creator. Quando nunc hoc factum est, haec materies in singulis partibus, & visceribus mutata, deinde quadam parte, quae extra corpus excernitur, redit ad cor. Sanguis vocatur, dum emittitur ex corde; dum redit ad cor, sanguis dicitur. Haec fiunt tamdiu, quamdiu manet vita.

Hinc fas est dicere, quod ex sanguine humores omnes, quod in sanguine humores omnes sint.

Sanguis conflans ex tot diversis, sed intima miscela simul unitis, apparet homogeneum liquidum rubri coloris: sibi tamen relictus sanguis secedit in distinctas partes.

§. 93. **H**abet tamen, & ibi, & tunc, globos majores, determinatae molis, figurae mutabilis, coloris rubri; sphaeras flavas, rubris sextuplo minores, serosas; tum laticem pellucidum in igne conrescentem; & aquam pellucidam, levio-rem, tenuiorem, partibus minoribus, sed ob pelluciditatem non cernendis, constantem. Priorum congeries sanguis ruber, posterior Serum appellatur. Microscopia utrumque demonstrant.

Leeu-

Leeuvvenhoeckianis observatis haec omnia inniuntur: sanguis enim humanus, per microscopia vilus, partibus sphaericis plurimis simul congestis constat, innatantibus liquido tenuiori pellucido, hinc microscopii aciem eludente. Dum in animalium viventium partibus pellucidis per microscopia conspicitur sanguis per vasa motus, apparet evidentissime, moleculas sanguinis per vasorum angustias pressas, aliis occurrentes, mutari omni momento in sua figura, hinc flexiles esse. Ex ejusdem Leeuvvenhoeckii sententia maximae sanguinis moleculae sunt globi rubri, sex minoribus ad se mutuo appressis constantes; atque hi globuli minores sua adunatione globum rubrum constituentes, flavescerent, & forent globi serosi. Si eadem jam analogia obtineret ad ultima usque, tunc globi serosi ex sex minoribus iterum constarent, haecque divisio pergeret ad subtilissima a sanguine secreta liquida utque: sed experimenta hic deficiunt: nam quae in sanguine habentur subtiliora, quam est pars rubra & serosa, pellucunt omnino. Cum vero inter maximum vas in corpore, aortam nempe, & subtilissimum nervum numerosissimae vasorum, decrefcentium series intercurrent; videtur per singulas vasorum series proportionales fluere humores. Maximarum sanguinis molecularum congeries vocatur sanguis ruber; reliqua omnia tenuiora liquida simul sumta serum sanguinis sic dictum constituunt: in binas enim tales partes distinctissimas sanguis humanus, vasis emissus, secedit sponte.

§. 94. **R**ubrum concretum, & a sero seorsum collectum, sola quiete, & laxitate suarum partium cito resolvitur in serum ita, ut in id omnis fere cruor abeat.

Dum sanissimo homini vena pertunditur, pleno rivo exiens sanguis post pauca minuta conrescit in unam massam rubram; sensim incipit illud rubrum contrahi; exprimitur pars tenuior, omni momento aucta, cui rubra concreta massa plerumque innatat: si effundatur serum sanguinis, post aliquot horas rubra illa massa minor apparet, & feri nova copia adest; sic tandem fere totum illud rubrum convertitur in serum: & hinc apparet, rubram partem sanguinis sensim quasi deliquesce & in serum abire. Ex sententia Leeuvvenhoeckii hoc fieret, quia globuli rubri ex sex minoribus constantes, pressione vasorum jam liberati, sensim dissiliunt in globulos serosos, ex quorum adunatione facti fuerant. Hinc apparet, difficillime posse determinari proportionem inter partem rubram, & serosam sanguinis, cum pars rubra sensim in serum deliquescat.

§. 95. **S**erum diu retentum in aere moderate calido, & humido sola quiete, & laxitate partium resolvitur in tenuius, pellucidius, levius liquidum, quod putrescit sensim, totumque fere avolat volatile. Quae crescunt pro ratione temporis.

Uti pars rubra sanguinis sensim defluebat in serum tenuius, sic & serum si bi relictum sensim attenuatur, incipit putrescere, avolat, paucula tantum soe-

ce residua. Dum autem sic in aere moderate calido, & humido haeret serum sanguinis, quo tenuius fit, eo acrius simul; nec tunc amplius a calore ebullientis aquae, vel ab alcohole coagulatur. In albumine ovi omnia haec eodem modo obtinent: vix enim inveniuntur duo liquida magis similia in omnibus fere phaenomenis, quam albumen ovi, & serum sanguinis.

§. 96. **S**anguis omnis [92.] recens, levi calore, parum superante salubrem, & cum paucò exhalantis dispendio, coit in massam solidam, scissilem, tenacem, non solubilem per aquam, salem, oleum, spiritus. Atque idem fit calore per humidam conciliato, singulari concretione, & simili prioris genere.

In sanguine hominis etiam sanissimi maxima proclivitas est in concretione. Dum rupta nasi arteriola exilit sanguis, statim concretit in solidam placentulam. Haec autem vis concretendi aucto calore increfcit plurimum; imò simulac calor, superans forte decem, vel duodecim gradibus thermometri Fahrenheitiani calorem maximum sani hominis, conciliatur sanguini, concretit totus. Ideo in morbis acutis ab augmento caloris periculum. Sed sanguis semel sic concretus difficillime resolvitur. Plurima sunt, quae sanguini mista praecavere possunt, ne tam facile concretit; sed semel concretus si fuerit, vix resolvitur amplius; nec sales, nec spiritus, nec olea; imò nec saponis ipsi, tunc multum prosunt. Sanguis calore sic inspissatus postea sensim iterum deliquescit in aere aperto; sed tunc putrescit simul: neque videtur haec concretio fieri ideo, quia per calorem dissantur subtilissima, nam in aquam fervidam dimissus de vena exiliens sanguis coagulatur illico in massam scissilem. Eadem jam proprietates in ovi albumine iterum obtinet, quod in aqua ebulliente, integra quamvis ovi testa reclusum, induratur illico.

§. 97. **O**rigo inbedinis [93. 94.], feri concretis, lymphae concretis, [95. 96.] debetur vasorum actioni, circulationis efficaciae; ut chyli, lactis, cruoris, & sanguinis, mutata indoles docet, atque microscopia confirmant.

Sed maxima fuit quaestio, undenam orientur mirabiles illae haestenus recensitae sanguinis proprietates, rubedo illa, feri flavedo, concretio adeo facilis &c. Philosophi quam mira dixerunt! quam vana protulerunt nimis saepe in similibus imprudentes Chemic! nullus interim potuit ulla arte, vel ex optimis cibis facere nequidem unicam sanguinis guttulam: solum corpus humanum suum sibi sanguinem facit ex materia, quae non est sanguis. Nec refert, an corpus humanum parvulum sit, & in initio fere suae existentiae, an vero adultum jam, & firmum, adeo inseparabilis a posita natura corporis humani est praesentia sanguinis, ut in debilissimo infante adsit aequae, ac in robustissimo viro. Imò in Embryone humano, simulac oculis lustrari potest, jam adsit sanguis ruber, & quidem illo tempore, quando nec in placenta, nec in ovi hu-

mani

mani membranis, nec in liquido contento his membranis, vel vestigiis sanguinis rubri apparet. Hinc videmus, quod opifex sanguinis sit corpus humanum in ipso illo tenello mucoso principio.

Quandonam autem in primo hominis rudimento incipiat nasci sanguis ruber, per experimenta non facile potest determinari, sed in ovo incubato rem demonstravit immortalis Malpighius. Ovum Gallinae foecundum, nulla incubatione totum, in sua testa, membranis, albumine, chalazis, vitello, facculo colliquamento, nihil omnino exhibet rubri sanguinis, licet optimis lustretur microscopiis.

In ovo incubato apparebat omni hora mutatio fere, & ad ambitum cicatriculae circa vitellum apparebant per microscopia vasa quaedam visibilia jam; post paucas horas vasa incipiebant distingui a liquore contento: circa horam trigessimam haec vasa habebant colorem subviridescentem; quadagesima hora jam aderat color ferrugineus, (Xerampelinum vocant, quia autumnali tempore folia vitis emarcida hunc colorem habent) simul apparebat, quod omnium horum valorum congeries colligeretur in unum vas, quod ad cicatriculam tendens fiebat in sinu quodam nunc primo apparen- te; qui sinus erat auricula dextra cordis, ut postea apparuit; & in hoc sinu a carina pendulo apparebat pulsus manifestus; & paulo post punctulum rubrum in illo pulsante corpusculo. Idem illud rubrum dein in corde dextro, corde sinistro, & paulo post in canali secundum longitudinem carinae decurrente, qui erat aorta, apparuit. Hinc novimus ex materia non rubra sanguinem rubrum fieri posse, & quidem sine admistione sanguinis rubri praexistentis. Illud rubrum ducit originem in illo pulsante punctulo, ibi enim primo apparet, ubi pulsatio est, & sanguis ruber jam adeit, antequam in rudimentis hepatis pulli appareret ullus color sanguineus: unde veterum Medicorum cadit opinio, hepatis sanguificationis munus adscribentium.

Fortē & aer, sine quo nulla planta, nullum animal vivit, huc facit. Post decimam enim octavam horam incubatus observavit Malpighius [6] cicatriculam ascendere versus obtusum ovi angulum, ubi aer haeret. In adultis chylus in sanguinem mutandus statim per pulmonem fluit, ubi latissima superficie in tenerrimis vasis nudo fere aeri exponitur. Ex sententia veterum Alchemistarum occultum vitae pabulum in aere latebat.

Sed in homine adulto satis simili modo ex alimentis ingestis sanguis nascitur: venae enim lacteae praeparatum in intestinis chylum sic hauriunt, uti vasa illa vitelli hauriebant attenuatum incubatus observavit Malpighius in unum ductum thoracicum concurrunt sic & in pullo omnia haec vasa in unum confluebant intra amnion. Calore incubatus, motu humorum per vasa, vi cordis, aeris conspirante actione in pullo non habente sanguinem rubrum, nascebatur sanguis ruber intra quadraginta octo horas: in homine adulto sano ex chylis fit sanguis viginti quatuor horarum spatio, ut docuerunt Lovveri, & Walaei observata: & ad chyli transmutationem in sanguinem in adulto concurrunt calor corporis, actio valorum, & cordis, aeris vis in pulmone appli-

cata

(b) Vide de omnibus his tractatum de ovo incubato.

cata transfluente cum sanguine chylo: quod autem breviori temporis spatio fiat hoc in adulto homine, quam in nascente pullo, videtur deberi longe validiori actioni vasorum in liquida contenta, respirationi, copiae sanguinis rubri praesistentis.

Dum autem causae illae sanguinem producentes in adulto vel deficiunt pro parte, vel segnius agunt, non nascitur sanguis ruber, sed degenerans liquor; pater hoc in pallido virginum morbo: tunc enim non fit sanguis ruber, sed talis color oritur subviridescens in toto corpore, qualis apparebat in vasculis vitellae, antequam sanguis ruber fieret.

Hinc sanguis se non propagat vi seminali, ut voluerunt quidam: sed fit ex materia non sanguinea in corpore non habente adhuc sanguinem: & uti hoc fiebat in prima origine hominis, sic pergit ad finem vitae usque.

Dum in homine ex chylo sanguis nascitur, observantur varii, & successivi mutationum gradus: chylus enim paulo post pastum deprehenditur sanguini affusus nondum subactus; hinc, dum post sargum pastum mittebatur sanguis, inveniebatur, praeter serum, & partem rubram, in sanguine fluctuans materies alba, dulcis, chylota.

Post aliquot horas chylus cum sanguine circumactus per vasa, mammarum fabrica separatur a sanguine, exhibet lac, quod naturam & a sanguine, & a chylo diversam habet: incipit enim in lacte jam nati illud concretescens, quod in sero sanguinis adest; calcem enim dat, qui in chylo nunquam adest: hinc per artem possumus chyli confectionem imitari in Emulsis, lactis autem indolem nunquam.

Dum per duodecim horas ab omni cibo, & potu abstinet sana mulier, incipit lac fieri salum, & flavescens: si diutius adhuc expectatur, in sanguine nihil habetur, nisi quod ad ignem concrevit instar albuminis ovi, quod in lacte, & chylo nunquam fit.

Hinc licet concludere, quod corpus sani hominis sit faber sui sanguinis, perfecte uti quaelibet planta ex succo fertilis terrae, & toto aere ambiente, suum sibi succum conficit peculiari sua creata fabrica.

In corpore autem humano sanguinis confectio pendet imprimis a circulationis efficacia, per quam vasa agunt in contenta fluida: hinc in robustissimis hominibus sanguis ruberrimus, imo prae saturata rubedine ater fere, illico concretescens, dum quiescit: & in morbis acutis aucta circulatione omnia quamaxime rubent, & ipsum serum sanguinis in scissilem massam abicit in debilibus autem, in quibus longe minor est circulationis efficacia, omnia languent, pallent, & sanguis tenuis vix concretescens adest: dum vero in his per corporis exercitia, & apta remedia augetur circulationis impetus, redit rubor, & debita cohaesio sanguini.

§. 98. **A**Uctus sanguinis per vasa motus oritur Corde saepius, & fortius contracto.

Post intellectam sanguinis humani indolem debebat indagari causa, quae sanguinem moveret. Celeberrimi in arte Viri crediderunt illam in ipso sanguine haerere: viderant enim miscela liquorum inter se posse excitari subito validissimos

diffimos motus, & hinc crediderunt, in sanguine simile quid obtinere. Sed dum in ardentissima febre, rupta nasi arteriola, summo cum impetu exilit sanguis, exceptus vase purissimo, calido licet, quiescit ilico, & nullo signum intestini motus exhibet: hinc in sanguine non haeret causa proprii motus.

Sed cordis actio musculosa contentum sanguinem in cavis suis validissima vi expellit per arterias, quae momento post, cessante cordis actione, sua elasticitate, & vi musculari sanguinem ulterius promonent: hae sunt verae, & solae causae, quae sanguinem movent: sed in corde hujus motus principium haeret, nam arteriae, ubi pervenerunt ad minimum diametrum sua contractione, quiescerent, nisi a sanguine corde expulso dilatarentur iterum: cordis ergo actio musculosa sanguini motum conciliat, quiescente corde, stagnant omnia.

Si ergo cordis actio, idest, ejus contractio (in diastole enim cor non agit, sed patitur) fiat frequentior, simul validior, causa motus sanguinis augebitur: non enim sufficit, ut cor frequentius se contrahat, (nam circa mortem tam numerosae sunt cordis contractiones, ut nullo modo possint numerari, interim circulatio deficere incipit, quia nihil expellitur fere ex corde) sed requiritur ut & simul se fortius contrahat, ut omne contentum in cavis cordis expellatur: fortis enim contractio cordis est, quae totum cor evacuat, debilissima contractio, quae nihil expellit: intermedius gradus sunt debiliores cordis contractiones.

§. 99: **C**OR saepius, & fortius contrahitur: 1. Cerebro, & cerebello in nimiam expressionem liquidi nervosi agente, ut in affectibus animi, & dolore: 2. irritato Corde per accelerationem motus sanguinis venosi, frictione, vel musculis agentibus, pulsus; aut per acre sanguini inhaerens aromaticum, salinum, acidum, alcalinum, purulentum, ichorosum, putrefactum, & quandoque specie contagii, pestis, veneni, nondum definitum mali genus.

In hac paragrapho considerantur illa, quae docuit certa observatio motum cordis excitare, & augere posse.

1. Cor omnes dotes veri musculi habet, & instructum est illis partibus, quae in aliis musculis motui absolvendo interviunt. Destructo nervo ad musculum tendente, tollitur illius musculi actio; compresso cerebro ab effuso humore quocumque omnium musculorum voluntariorum actio cessat; si a quacumque causa fiat celerior influxus spirituum per nervos in musculum, augeatur ejus actio in lumen ipsimum usque. Nervi autem magni, & numerosissimi cordi tribuuntur, nec tamen per hos nervos acutus in corde exercetur sensus: reliqui corporis musculi nimio motu fatigati dolent; cor in acutis febribus, per plurimos dies celerrime motum, nullo dolore sentit: hinc videntur illi nervi cordis motui inservire. Om-

nes jam causae, quae possunt efficere, ut fiat celerior motus spirituum per nervos cordis, augment cordis motum.

Animi autem affectus hoc faciunt potissimum. Rem certissimum esse, agnoscunt omnes, quomodo fiat, explicuit nemo. Pacatissimo homini atrox dicitur contumelia: mutata tantum cogitatione, mutantur omnia: mox cor celerius, & fortius contrahitur, pulsus fit magnus, vehemens; calor augeatur, tumet facies, scintillant oculi, imo ardens febris excitatur aliquando, pergens ad mortem usque.

Dolor autem totum encephalon sic mutare potest, ut fiat delirium, & non amplius sentiat dolor, vel & syncope perfecta: nec ultra possunt tormenta acerbissima procedere. Cum ergo dolor possit sic mutare sensorium commune, poterit & inde prodeuntes nervos afficere. Raro dolor diu cruciat; quin fiat febris (id est cordis contractio celerior) etiam in morbis a febre alienissimis; ut v. g. in podagra. Hinc monuit Galenus (c): *Dolor dum parvus est, atque initio, pulsum edit majorem, vehementiorem, celeriozem, ardentiozem: auctus vero jam, & admodum validus, ut etiam vitale robur offendat, minorem, languidiorem, celeriozem, crebriorem.*

1. IRRITATO CORDE. Praeter causas motus, quas cor cum aliis corporis musculis communes habet, adest in corde singularis proprietas, quam cordis irritabilitatem vocare possemus: dum enim influxus spirituum per nervos in villos cordis, & arteriosi sanguinis motus per cordis substantiam cessat post mortem, potest statu per venas adacto, vel & aqua tepida cordis motus resuscitari; imo cor rescissum ab omnibus vasibus, quibus cohaeret, motum suum per aliquod tempus conservat; & post multas horas quiescens jam, dum pungitur acicula, & fovetur calore, incipit iterum moveri. Physiologi subtiliter explicuerunt, quare alternis vicibus cor paralyticum fiat, & fulmineo quasi spasma iterum convellatur: quomodo causa faciens systolen cordis omni momento pereat, mox itetum renata; illudque ex fabrica, & situ partium deduxerunt: cor tamen de corpore exemptum, nullis amplius partibus cohaerens, eundem motum continuat, & saepe satis diu. Videatur de his §. 1.

SANGUINIS VENOSI. Dum ab animi affectu, vel a re horrida visa, in syncope labitur tenella puella, cordis fit absoluta quies: aspergitur aqua frigida corpori nudato, contractae frigore partes sanguinem venolium versus cor derivant, & resuscitatur cordis motus. Dum Sarpedonem vulneratum anima reliquit, aspirans aura Boreae reviviscere fecit (d), contractis frigore venis: hinc omnia illa, quae accelerant motum venosi sanguinis versus cor, motum cordis augent; imo sic ardentissima febris excitari potest motu musculari nimio, & frictionibus validissimis. Vide de his §. 28. n. 2.

AUT PER ACRE SANGUINI INHAERENS &c. Omnes nostri humores, sani si fuerint, blandi sunt; (sanguis enim sani hominis, oculo instillatus, nullum dolorem facit) tuncque fit aequabilissima circulario: simulac vero acriora sanguini permiscantur, augeatur irritato corde sanguinis per vasa motus, & nascitur

(c) De pulsibus ad tyrones cap. XII. Charter. Tom. VIII. pag. 8. (d) Homer. Iliad. lib. V. pag. 95.

citur febris; quae vel expellit de corpore haec acria, vel sic subigit, ut non amplius nocere possint. Nec refert fere, qualis haec acrimonia fuerit; omnium fere similis effectus est: differunt tantum majori, vel minori gradu, & magis, vel minus durabili actione. In aromatibus, tenaci oleo inclusum h. creas acre non tam facile excuti potest. Sic dum piperis triti magna copia imprudenti consilio fumitur, ad curandam febrem intermittem, saepe mitis tertiana in ardentem febrem mutatur. Qui nimiam copiam salis marini in prandio fumit, pomeridiano tempore febricitabit, fiet, donec copioso potu ingesto praedominans illud salum abluatur. Ipsum acetum, in putridis febribus tanti usus, majori copia sumtum, febrem excitat. Dum vomica in interioribus corporis latens pus colligit, illud reorptum, & sanguini mistum, quotidie febrem incendit, quae sensim corpus depallescens hectica dicitur; dum pus retentum diu in tenuem ichorem mutatur, acrius fit, & reorptum majora mala facit.

Corrupta bilis circa praecordia haerens, vel consumti hepatis putridus tabus enormes febres accendit, nunquam curabiles, nisi putridus ille fomes tolli possit.

Sed in omnibus his acrimonia sensibus detegi potest; sed alii sunt stimuli maxime mirabiles, qui ad nullam cognitam acrimoniae speciem detegere possunt, totum tamen corpus in omnibus suis functionibus turbant.

Contagium Variolarum subtilissimo miasmate, omnes sensus fugiente, afflat vel sanissimum hominem: oritur validissima febris, quae intra paucos dies totum corpus externum, & internum pure varioloso replet: & in hoc pure, ex sanissimis humoribus per morbum nato, haeret eadem vis contagium variolosum propagandi in infinitum; uti docet methodus variolas propagandi per insitionem, dum crudo, & recenti vulnuscule puris variolosi guttulam intillunt. Quis jam explicabit naturam hujus stimuli? quis demonstrabit methodum, qua sani humores, contagio varioloso mutati, venenatam naturam induunt, & infinitam fere vim multiplicandi contagium acquirunt?

Pestis, singulis animalium speciebus propria, & peculiaris, raro plurius animalium speciebus simul accidit. Dum bovina pestis per Europam grassabatur, homines immunes erant ab omni labe, etiam illi, qui insectorum animalium carnibus usi fuerant. Periclitissimi Medici sedula observatione dum indagabant naturam atrocis mali, ingenue fassi sunt, se nihil hic intelligere quoad cognitionem causae, tantum patere mali effectus. Vestibus laneis, pelliceis, linceis, lignis rarioribus, & porosis adhaerens pestilentiale virus iners ibi haerebat, donec corpori humano applicatum fieret actuosum, & quaquaversum se dispergeret multiplicato contagio; quam miris modis tum omnia turbentur in corpore, quam validae accendantur febres &c. apud *Diemerbroeckium*, & alios, qui de peste scripserunt, Auctores videre licet.

Venenorum mirabilis historia confirmat, dari tales stimulos in liquoribus quibuldam venenatorum animalium, qui nullam acrimoniam sensibus ullo modo observabilem habent, interim tamen celerrima actione omnes functiones h. laedunt, validissimaeque febres incendunt. Viperae venenum pro exemplo sufficiat: nobilissimi Redi observatis, & candore freius Charas gustavit succum flavum gingivis viperae adjacentem; invenit saporem similem oleo

amylg.

amygdalarum dulcium (e): dum morsu inflicto vulnuscule pauculum quid ejusdem succi adhaeserat, in nobili Viro imprudenter viperam tractante, saevissima symptomata post pauca minuta oborta sunt (f), vixque ille post multa artis molimina evasit.

§. 100. **A**ustus motus sanguinis per vasa efficit majorem vim pulsi sanguinis in vasa excipientia; majorem renixum valorum in sanguinem; sanguinis sortem compressionem; vasorum, sanguinisque attritum validum ad se mutuo; partium sanguinis attritum validum inter se; calorem majorem totius; sanguinis exsiccationem diffuso aquolo; ejusdem viscositatem inflammatoriam facile concrecentem; sanguinis resolutionem in sales, oleaque volatilia, & acria; valorum auctam ad initia amplitudinem; liquidorum crassiorum in tenuiora vasa impulsu, horum obstructions, destructionesque, inflammationes, suppurationes, gangraenas, sphacelos, scirrhus; & quae ex his infinita sequi possunt.

Recententur jam effectus in solidis, & fluidis partibus corporis humani observati, qui pendent a sanguinis motu aucto.

MAJOREM VIM PULSI SANGUINIS IN VASA RECIENTIA. Arteriae semper plenae sunt: dum ergo cor contractum expellit contentum in suis cavis sanguinem in arterias, debent arteriae dilatari; vel debet tanta copia sanguinis expelli per arteriarum fines, quanta ex corde in arterias pellitur: sed arteriae omnes corporis (exceptis arteriis coronariis) dilatantur illo momento, quo cor contrahitur: hinc cordis tota fere actio dilatandis arteriis impenditur, & hac vi urgentur arteriarum latera, ut recedant ab axi, & distrahantur omnes fibrae arteriarum latera constituentes. Cum vero in §. 98. demonstratum sit, auctum sanguinis motum fieri a frequentiori, & validiori simul cordis contractione, patet vim illam, qua latera arteriarum coguntur recedere ab axi, tunc augeri in ratione composita ex auctis robore, & frequentia contractionum cordis.

MAJOREM RENIXUM VASORUM IN SANGUINEM. Arteriae distenduntur in statu violento; hinc elasticitate, & vi musculari suarum fibrarum nituntur latera propius accedere ad axim; sicque reprimunt sanguinem distendentem: nisi enim arteriae sua vi arctatae expellerent distendentem sanguinem, non posset cor sequenti systole contentum omnem in suis cavis sanguinem expellere in arterias adhuc distentas; accumularetur sensim in cavis cordis sanguis, & suffocaretur circulatio. Quo validior ergo fuerit cordis actio distendens arterias, eo fortius ager vis illa, qua arteriae nituntur arctare proprium cavum; quo saepius eodem temporis spatio cor contrahitur, eo frequentius arteriae contractae reagent in sanguinem distendentem.

San-

[e] Mosis Charas Oper. Tom. III. pag. 138. (f) Ibid. pag. 156.

SANGUINIS FORTEM COMPRESSIONEM. Sanguis in arteriis contentus semper quasi inter duo praela haeret: dum arteriae dilatantur, urget cordis embolus sanguinem a basi arteriae versus apicem: summam interim resistentiam faciunt artieriarum extremi fines adeo angustii: dum arteriae contrahuntur, valvulae resistunt circa basim artieriarum in corde, eadem resistentia manet circa artieriarum fines, hinc, utroque in casu sanguis arteriis contentus comprimitur. Cum autem sanguinis partes constituentes flexiles, & compressibiles sint, ut dictum in §. 93., & causae comprimentes, nempe cordis, & artieriarum actio, augeantur; necessario sequitur, debere fieri validiorem sanguinis compressionem.

VASORUM, SANGUINISQUE ATTRITUM VALIDUM AD SE MUTUO; PARTIUM SANGUINIS VALIDUM ATTRITUM INTER SE. Dum sanguis ex corde pellitur, impingit in latera aortae incurvatae, resistunt huic sanguinis directioni aortae laterum firmum robur, sanguisque in aortae cavo contentus: hinc nulla particula sanguinis, ex corde in aortam expulsi, per bina momenta servat illam directionem motus, quam habebat, dum corde expellebatur; accedit quod aorta, conica cum sit, latissima circa basim in decursu angustetur: cum autem directio sanguinis, corde expulsi in aortam, sit secundum perpendicularares lineas ad aortae basim, necessario brevi post sanguinis particulae in latera incurrent conici hujus canalisi, inde resiliences occurrunt aliis partibus diversa directione motis: hinc perpetuus attritus partium sanguinis inter se, & ad latera vasorum: hinc flexiles sanguinis partes cum sint, decussis eminentibus angulis perpetuo hoc attritu, acquirunt sphaericam figuram: aucto vero sanguinis per vasa motu, ille attritus augebitur pari proportionem.

CALOREM MAJOREM TOTIUS. Ab hoc attritu partium inter se, & ad latera vasorum, calor oritur. Demonstratur evidenter, quia simulac sanguis quiescit, perit omnis calor, & redit sensim corpus ad frigus communis atmosphaerae: dum augetur sanguinis motus per valida exercitia, vel febri, calor augetur: in debilibus, ubi sanguinis circulatio languet, frigus semper adest.

Verissimum hinc Hippocratis effatum: *sanguis non est natura calidus, sed calefit (g).*

SANGUINIS EXSICCATIONEM DIFFLATO AQUOSO. Calor auctus semper mobilissima dissipat: sed, ut ante demonstratum est, calor major nascitur, aucto sanguinis per vasa motu. Totum corpus in omni sua superficie interna, & externa habet vasa exhalantia, quae ex sanguine secernunt, & distillant tenuissimum liquidum: aucta ergo sanguinis applicatione ad haec organa, oritur major secretio. Hinc in omnibus morbis, in quibus calor auctus est, corpus exsiccatur. Dixit ideo Hippocrates (b): *quiescuntque vero ex febre ardente moriuntur, omnes ex siccitate pereunt.*

EJUSDEM VISCOSITATEM INFLAMMATORIAM. &c. In sanguine hominis etiam sanissimi, est naturalis proclivitas in cohaesione, per quam concrevit sponte, dum valis effusus quiescit. Haec cohaesio augetur majori calore,

[g] In fine libelli de corde. Charter. Tom. IV. pag. 271. [b] In fine libri primi de morbis Charter. Tom. VII. pag. 549.

calore, ablata aquosa parte diluente, & auctis viribus comprimentibus sanguinem. Statim demonstratum est, aquosam partem diffiliari aucto motu, pariterque augeri calorem; sed actio vasorum in sanguinem est vera compressio sanguinis contenti, hinc cum celeriori motu sanguinis augeatur & vasorum actio in sanguinem, patet omnes illas causas concurrere, quae sanguinis concretionem faciunt. Tunc nascitur illud phlegma phlegmonodes Veterum, distinctissimum ab inertī frigida mucosa concretionē: vocatur tunc inflammatoria spissitudo, ex validiori compressione elementorum sanguinis ad se invicem nata. Elementa sanguinis sphaerica esse observantur, vel saltem sphaericis proxima; hinc in paucis punctis se invicem tangunt: nimis valida pressione mutata figura, expresso tenuissimo aquolo interposito, pluribus in punctis continua fiunt, & concrecunt: inde coriaceus ille lentor in sanguine pleuriticorum nascitur.

SANGUINIS RESOLUTIONEM IN SALES, & OLEA VOLATILIORA, & ACRIA. Quomodo sales, & olea sanguinis se habeant, omnium optime docet urina, quae verum sanguinis lixivium cum sit, aliat sales, & olea nimis acria jam facta, hincque nocitura. Apparet evidentissime, urinam eo acriore esse, & magis foetidam, quo validior est circulatio: in debilibus hominibus urina pallida, vix olens, non adeo salta, in robustis, & valide exercitatis hominibus urina rubicundior, foetidior, saltā admodum. Motus ergo sanguinis per vasa auctus sales sanguinis reddet acriores, magisque volatiles; olea magis attenuata, sed simul minus blanda; hinc novi iterum nascuntur stimuli augentes circulationem; ex cujus augmento facti erant; siquē morbi effectus morbum auget.

VASORUM AUCTAM AD INITIA AMPLITUDINEM. Cordis vis expellens sanguinem in arterias plenas est causa sola, quae dilatat has arterias: cum ergo cordis haec actio increfcit, pari modo augebitur arteriarum dilatatio. Sed haec dilatatio eo major erit, quo arteria cordi magis vicina est: ergo arteriarum omnium initia magis ampliabantur, dum ad ultimos fines arteriarum vis haec dilatans tanto cum effectu pervenire non possit.

LIQUIDORUM CRASSIORUM IN TENUIORA VASA IMPULSUM. Crassissima sanguinis pars observatur globus ruber, qui naturaliter in maximis vasis tantum haerere potest: proxime sequens magnitudine sanguinis pars poterit ingredi minus vas, quod sua parvitate globum rubrum excludit, & admittit omnia tenuiora. Idem in reliquis decrecentium vasorum scribis obtinet: & videtur sanitas in eo praecipue consistere, quod in singulis vasis maneant liquida proportionalia. Dum ergo aucto sanguinis per vasa motu distenduntur plus initia arteriarum proximae seriei, ingredi poterunt partes crassiores, quae naturaliter in illis vasis non debebant contineri. V. g. dum augetur sic initium arteriae serosae, ex arteria rubrum sanguinem vehente ortae, ingreditur hanc serosam arteriam sanguis ruber. Quod autem revera hoc sic obtineat, docent certissima observata. Homo sanissimus valido cursu corpus moveat, incipiet tota facies tendi, rubere quam maxime in illis locis, ubi naturaliter rubedo non aderat; adnata tunica oculorum tota incipiet in suis vasis rubro sanguine repleri, cum haec vasa naturaliter nunquam sanguinem rubrum habeant.

Post

Post validos motus, aut uestiones in curru rudiores per strata viarum, per dilatatas fistulas renales sanguis transit, & fit mistus cruentus, sola quiete facile curabilis.

HORUM OBSTRUCTIONES, ET DESTRUCTIONES. Arteria, in suo decursu sensim arctior facta, tandem adeo angustatur, ut unam tantum fere sanguinis moleculam transmittat. Dum microscopiis sanguinis circuitus in pelliculis animalium vivorum partibus examinatur, hoc evidenter apparet; pulcherrime imprimis, dum vivae lacertae pulmo per vulnus factum erumpens microscopio lustratur: tunc enim evidenter apparet, circa ultimas arteriarum angustias singulas moleculas liquidi transluentis in oblongam cylindricam figuram mutari, & sic transpirari. Dum ergo v. g. arteria serosa dilatata in suo initio acceperit sanguinem rubrum, ille non poterit transire per ultimas illas arteriae serosae angustias: hinc fiet obstructio hujus canalis, & dum liquidum vitali motu pulsuum urgeat locum obstructum, tenerimum tale vas destruetur facile.

INFLAMMATIONES &c. Dum enim sanguis ruber in minimis canalibus stagnans comprimitur, & atteritur impetu sanguinis a tetro prementis, & per febrim, plerumque comitem, fortius moti, dicitur inflammatio: quae ergo a liquidis crassioribus, in minora vasa dilatata pulsus, frequentissime oritur. Sed nata inflammatione sequuntur omnes inflammationis effectus: dum enim vascula infarctae, una cum impacto, & immeabili humore, vi vitae atteruntur, & soluta abeunt in pinguem album aequabilem humorem, pus dictum, suppuratio fit. Si subito ruptis vasis destruat omnis circuitus humorum viarum per partem affectam, fit gangraena, sive mors partis: quod malum, si ad ossa usque omnia corruerit, iphaelus vocatur. Si circa loca glandulosa inflammatio fiat, saepe tumor durus, indolens, difficillime postea resolvendus oritur, qui scirrhus vocatur.

Quando jam omnia in hac paragrapho dicta considerantur, apparet evidentissime, motum sanguinis circulatorium auctum infinita numero posse producere mala: omnes humores corporis per auctum motum, & calorem majorem inde natum, possunt mutari penitus in morbosam indolem, validiori pressione, distillatione aquosi, coagulo per majorem calorem indurcto, acrimonia majori nata: solidae partes plus atteruntur, imo rumpuntur saepe dilatata vasa ingrediuntur crassiores humores, qui per ultimas vasorum angustias penetrare nequeunt. Dum jam simul consideratur, omnia haec mala obtinere posse in omnibus, & singulis corporis partibus, patet, innumeros morbos nasci posse ex simplici hac causa.

§. 101. **C**ognoscitur ergo aucta circulatio notis ejus causis (99.), & effectis [100.]; sed imprimis pulsu celeri, duroque; respiratione veloce, & laboriosa; calore ingenti.

Summae utilitatis est in Medicina cognoscere, an in morbo peccet nimia circulationis velocitas, vel non. Causae circulationis auctae si adfuerint, si videantur effectus nimii motus, nullum manet dubium: interim quaedam habetur

tur signa nunquam fallacia, quae demonstrant excessum motus circulatorii.

PULSU CELERI, ET DURO. Pulsus celeritas designat, cor intra idem temporis spatium saepius contrahi; durities autem pulsus arteriarum plenitudinem, & sanguinem valide compactum, & denum significat, & inflammatoria viscositate per ultimas vaforum angustias difficiliter permeabilem. Sola celeritas sine duritie pulsus cor saepius contractum, sed non fortius denotat: circa mortem enim pulsus celerissimus, sed parvus simul. Sola durities pulsus sine celeritate potius denotat suffocationem motus circulatorii, ut in summe plethoricis fit.

RESPIRATIONE VELOCE, ET LABORIOSA. Omnis sanguis corde dextro expulsum debet transire per pulmonem, antequam redeat in cor sinistrum: sed cor dextrum sua vi musculosa sola non valeret propellere sanguinem per arteriae pulmonalis angustias, requiritur etiam pulmonis per inspirationem dilatatio, ut expeditum fiat iter sanguini ex corde dextro expulso: quo ergo saepius, & fortius se contrahit intra idem temporis spatium cor dextrum, eo frequentior, & validior requiritur respiratio. Hinc simulac cursu, vel alio quocumque exercitio sanguinis per vasa motus augetur, incrementis respiratio proportionaliter, & fit majori cum molimine. Augetur sic respiratio ob solam velocitatem auctam sanguinis per pulmonem transeuntis: sed dum per majorem motum incipit nasci inflammatoria illa spissitudo, longe magis laboriosa erit, & velox simul respiratio; primum enim virium incipientis immeabilitatis se manifestat in pulmone; unde in morbis acutis inflammatorii velox illa, & laboriosa simul respiratio tam mali est ominis.

CALORE INGENTI. Quamdiu enim liber adhuc transitus est per omnia vasa, aucta celeritate motus, augetur calor, ut demonstratum est in paragrafo praecedenti: ubi vero immeabilis sanguis redditus ad extremas corporis partes usque non valet perungere, fit frigus extremorum; sed circa vitalia viscera calor urens adest tunc, ut in pessimis febribus ardentibus contingit; tuncque fere inter lethalia signa numeratur ab Hippocrate in Prognosticis, & alibi.

§. 102. **R**emedia ergo nimio motui compescendo valida sunt, quae frequentiam, & vim contractionis Cordis imminuunt.

In abstracto simplices hi morbi debent prius considerari: hinc supponitur hic, nihil mutatum esse in corpore, & motum solum circulatorium auctum esse. Remedium ergo erit omne illud, quod causam proximam motus aucti tollere poterit. Causa autem proxima motus circulatorii aucti erat nimis celer, & fortis simul cordis contractio; remedium erit ergo omne illud, quod facere potest, ut cor tardius, & debilius moveatur. Tale autem remedium vel aget in spiritus motores cordis, vel in sanguinem venosum, & arteriosum delatum in cordis fabricam, vel denique in stimulos illos, qui sua irritatione faciunt, ut cor celerius, & fortius contrahatur.

§. 103. **Q**uorum illa Mentem, haec Corpus, spectant.

In §. 99. dictum fuit, quod sola cogitationis mutatio, in sanissimo etiam corpore, possit sic augere cordis motum, ut fiat violentissima febris: nisi tunc possit Medicus illud mutatum in cogitatione tollere, reliqua auxilia nihil agent. Omne autem, quod hoc efficit, non mutato corpore, in mentem agit. Dum iratissimo homini maximus incutitur metus, compescitur ira, non mutato corpore, sed mutata mente in cogitatione sua. Reliqua auxilia, tolerantia causas corporeas aucti motus, in solum corpus agunt.

§. 104. **P**riora sunt, quae magnos affectus, ratiocinio, excitemento contrarii affectus, vel divertendo, sopiunt.

QUAE MAGNOS AFFECTUS RATIOCINIO. In nobis deprehendimus, quod cogitemus, & quod cogitemus res a cogitatione diversas, quae, si tantum intelliguntur illa mentis nostrae perspicacia, tunc nos parum afficiunt, sed in simplici contemplatione nos retinent: docent hoc summi Mathematici, qui saepe vitam sic cogitando consumunt, nec multum afficiuntur ab aliis rebus: sed & contingit nobis perceptio quaedam, quam non possumus ita alteri communicare, tamen a nobis evidentius, & sortius percipitur, quam ipsum verum: sic dum gustamus suavissimum vinum, oritur in nobis idea, quam non possumus explicare, nisi dicendo, quod placeat: sed illud placere tam evidens est, tam valide afficit, ut nulla veritas validius afficere possit: sic si ovum putridum quis gusteret, adeo abhorret, ut quaevis pateretur potius, quam illud iterum assumeret, sic nati motus animi simul cum perceptione sua sere inevitabili necessitate rapiunt totam mentem, ut illud placens faciat perennare, ut illud displicens removeat, vel destruat.

Illud autem gratum, vel ingratum, quod comitatur ideam cogitatam, differt ab idea cogitata, differt a principio cogitante, turbat tamen omnes ideas, turbat ipsam voluntatem, & libertatem quasi tollit, cogens ad volendum, vel nolendum; quia nunc hoc adeo singulare est, vocaverunt animi affectus, animi pathemata, & merito, quia non sumus illorum magistri, sed obsequiosi servi, dum saepissime meliora videmus, & probamus, deteriora tamen vel inviti sequimur.

Dum gratum hoc, & ingratum, quod ideas perceptas comitatur, deflere conabantur superbi Philoiophi, quantopere erraverunt! totum, quod patitur humana conditio, est ut animi affectus regamus ratione: sed haec saepe tam debilis est, ut haec tenacia vincula rumpere nequeat, hinc insistendum diu, ut consuetudine oblectandi firmior facta ratio triumphet: certe summa, & rationis, & religionis lucta vix validissimis animi affectibus resistunt sapientissimi.

EXCITEMENTO CONTRARII AFFECTUS. Sapientissimi legislatores probe gnari, humanam societatem sola ratione regi non posse, propoierunt praemia, & poenas. Supplicii metus furentem ira hominem compellere poterit, ubi

pulcherrima Ethices praecepta frustra adhibebuntur. Summa ergo utilitatis est cognoscere oppositos animi affectus. Iram supprimit summus metus: meticolosissimus homo ira audax fit. Si oberventur illa, quae apparent mutata in corpore in duobus his contrariis animi affectibus, patebit esse penitus opposita.

In irato homine statim nascitur validior, & celerior cordis contractio, pulsus fit plenior, fortior, celerior, tument omnia, & expanduntur etiam in maxillissimis: calor major nascitur toto corpore, omnes fere tenduntur musculi, truces prominent oculi, scintillantes, sanguine suffusi, validissimae sunt exhalationes minarum, jurgiorum &c.: apud Homerum, qui tam pulchre naturam ubique expressit, irati Agamemnonis oculi igni lucenti similes erant (i); irato Achilli ob vi abductam puellam terribiles lucebant oculi (κ): Ajaci suadenti, ut arma caperet, respondet Achilles, *sed mihi tumescit cor ira* &c. (l) dum a Thetide allata arma conspiceret Achilles, statim ira subit, & oculi terribiliter sub palpebris tanquam jubar apparebant (m).

Subito terrore percussus homo pallet, friget, contrahitur toto corpore, pulsus celer, sed parvus, & inaequalis, cor palpitat, summa oppressio circa pulmonem, & suspiria adiunt, omne robur membrorum solvitur, tremor hi totius corporis, vel & aliquando attoniti obrigescunt statuae instar, & vox faucibus haeret. Hinc frigidum timorem dixit Homerus (n), & alibi (o) pallidum timorem vocavit, dum irruentem Menelaum fugit Alexander, *tremor occupavit membra, & retro secessit, & pallor occupavit genas* (p); similia & in pluribus aliis locis habet.

Hinc apparet, oppositos effectus in corpore facere animi affectus contrarios; hincque unum affectum alterius posse esse medelam. Idem, percurrendo alios oppositos sibi mutuo animi affectus, demonstrari possent, hoc pro exemplo sufficiat.

VEL DIVERTENDO. Mirabilis haec obtinet in mente nostra proprietas, quod possumus ideas cogitatas alligare quibusdam signis mere arbitrariis, inter quae signa, & ideas cogitatas nulla occurrit omnino similitudo, tamen postea visis his signis praeliens redditur eadem idea menti. Paucis literis varie adunatis excutiantur in mente ideae, quas ante annos habuimus, quarum idearum omnis perierit memoria, nisi haec signa arbitraria conferassem: idem in animi affectibus verum est: dum victi Turni precibus incipiens flecti Aeneas Pallantis a Turno occisi balteum spectat,

. furis accensus, & ira
Terribilis: Tunc hinc spoliis indute moerum
Eripere ubi? Pallus te hoc vulnere, Pallus
Immolat, & poenam flectato ex sanguine sumit &c. (q)

Dum ergo ideas, per haec signa renovatas, comisatur illud gratum, vel ingratum, animi affectus renascensur acriores, sicque tandem possunt reddi per-

(i) Pag. 7. lib. 1. Iliad. (k) pag. 11. Iliad. lib. I. (l) Iliad. lib. IX. pag. 177.

(m) Iliad. lib. XIX. pag. 340. (n) Iliad. lib. IX. pag. 149. (o) Iliad. lib. XIV. pag. 372. (p) Iliad. lib. III. pag. 30. (q) Virgil. Aeneid. lib. XII. in fine.

petui: tunc illud infinite extensum in cogitatione, quod habebat mens humana, perit, & relabitur in hunc unicum affectum, voluntas antea infinita non vult nisi hoc unicum, tunc vocatur delirium, si summa addit violentia, dicitur furor; si febres adsint, & agitati humores, phrenitis; si haec absint, mania; si simul addit negligentia omnium rerum, stultitia.

Hinc prudentes Medici omnes illas notas corporeas, quae renovant has ideas, sive per sensus, sive per memoriam, tollunt in eis aegro; quaecumque alia ipsis offerunt, ut nascantur aliae ideae, quae sensum minuunt, vel & delectant nimis validam illam impressionem, hoc vocatur *divertere*. Sufficit ad hanc rem, ut quocumque modo mutetur cogitatio, ne eadem idea, diutissime haerens, eandem totam mentem occupet indelebilis possea.

Ubi vero validi animi affectus omnia turbant in corpore, & totum systema nervosum irritant, ut in hysteris tam saepe fit, tunc confugimus ad illa, quae spiritus sopiunt, & omnem cerebri actionem pro tempore silere faciunt: tale imprimis auxilium dat Papaveris succus, qui parca copia sumtus laetissimum facit, qui cogitari potest, sensum, & instar Nепenthes Helenae, omnium malorum oblivionem; aucta dosi somnum inducit, nimia copia tandem apoplexiam. Vini usus in homine non admodum afflueto similis facit, magnam nempe hilaritatem, validos animi affectus lenit, tandem optatam omnium malorum quietem, somnum inducit.

§. 105. **P**osteriora agunt quiete musculorum, laxatione venarum [54], mitigatione acris cysternaeque, diluendo, vel obtundendo (66. 67. 68.), doloris causas tollendo.

Quae paragrapho praecedenti dicta sunt, impetuosissimos illos motus, mutatae cogitationis effectus, compescebant, agendo in mentem ipsam potius, quam in corpus: quae nunc dicuntur, corporeas causas aucti motus tollunt.

QUIETE MUSCULORUM. Inter causas, quibus cordis motus efficitur, numeratur sanguinis venosi influxus in cordis cava, uti antea dictum fuit in §. 25. n. 2., & §. 28. n. 2. sed sanguinis venosi motus versus cor acceleratur musculis motis: pleraeque enim venae, in superficie corporis positae, musculis acumbunt: hinc a musculis turgentibus, dum agunt, comprimuntur, sicque sanguis venis contentus cor versus ducitur, quia directio motus sanguinis per venas est ab apice versus basim. Praeterea musculi, dum agunt, pallent expresso omni sanguine, qui tunc per venas citius redit ad cor: hinc adeo augetur motus sanguinis per motum muscularem. Hoc probe norunt Chirurghi, qui, dum aperta brachii vena tardius fluit sanguis, jubent moveri digitos, & statim celerius effluit sanguis. Hinc Veteres Medici, licet circulationis ignari, in omni morbo, in quo erat nimis motus, imperabant summam quietem, removebant omnia, quae sensus valide afficere poterant, & in tenebris hinc jubebant ut decumberent aegri, ab omni strepitu remoti, in quiete summa.

LAXATIONE VENARUM. In morbis acutissimis, in quibus maxima circulationis velocitas, observatur semper, maximam copiam sanguinis haerere in vas arteriosis, venas vero depleri: contra in morbis languidis, in quibus

circulatio deficit, venae, & omnia corporis cava implentur, arteriae vero deplentur: venarum ergo laxitas, & impletio minutam circulationem comitantur. Sed praeterea laxatae venae, facilius hinc distendendae ab impulso ex arteriis sanguine, plus sanguinis continent; minor ergo redit copia sanguinis ad cor, & minuitur ergo una ex causis praecipuis motus cordis: sed & impetus sanguinis ex arteriis in venas pulsi magis retardatur, quia majori copiae motu venarum in venis occurrit: utramque ob causam minuitur circulationis velocitas.

Quomodo autem laxari possint quaecumque corporis partes, dictum fuit §. 54. omnium optimum est balneum vaporis externae corporis superficiei applicatum: dum simul in interioribus per clysmata, emollientissima decocta epota, & victum similem idem fit. Hanc methodum Hippocrates in morbis acutis ubique adhibuit.

MITIGATIONE ACRI &c. Acris illa cognita, & ad suas classes reduta, ars valet tollere, modo viscera adhuc sint integra. Acrimoniam alcalinam, acidam, aromaticam &c. curare non adeo difficile est: sed ubi mirabiles illi stimuli venenati, miasmata illa contagiosa, nullis sensibus detegenda, sed solis effectibus cognita, sunt causae velocioris motus, tunc ars deficit. Dum sanissimam puellam mordet venenatissimus serpens, a crepitu, quod in apice caudae gerit, nomen habens (*serpens a sonnettes*) paulo post mors sequitur, Medico praesente quidem, sed nullam opem ferente; dum volunt cadaver auferre, tabefactae secedebant carnes (r) paucis tantum post mortem horis. Dum homo sanissimus varioloso contagio afflatur, quod sua subtilitate omnem sensuum aciem eludit, turbantur omnia, validissima febris incenditur, quae tam miro modo omnes totius corporis humores mutat, ut intra quatuordecim dies gangraenoso tabo omnia externa, & interna corporis diffuant. Si ingruente morbo posset ille stimulus opposita antidoto iners reddi, nil sequeretur mali. Hoc est illud divinum (*vis divina*) in morbis, quod toties omnia artis molimina eludit; hoc facit, quod toties nimium motum in morbis non possint comperere Medici. Totum, quod habet ars, est ut vitam debilitet ipsam: per vitam enim actiosa sunt venena, in cadaver nihil agunt; deinde ut diluentibus, ingenti copia potatis, abluat; & emollientissimis simul exhibitis obtundat.

DOLORIS CAUSAS TOLLENDO. Luxato articulo, summus fit dolor; a dolore febris, non curanda, nisi restituto ossis luxato, & sic sublato dolore. De cura doloris postea peculiari capitulo agetur.

[r] Journal des observ. physiques mathemat. & botaniques par le R. P. Louis Feuillée Tom. I. pag 417.

DE MORBIS EX DEFECTU
CIRCULATIONIS, ET
PLETHORA.

§. 106. **D**efectu motus circulatorii morbi fiunt in humoribus illi, qui proxime accedunt ad hos, qui quiescentibus spontanei nascuntur. Modo bene consideretur aer, qui admissus corruptiones spontaneas accelerat, quae aliter, eo secluso, lentiores: [58. ad 80.] adeoque intellectus, & curatio horum inde peti debet. Atque ex his omnibus plethorae indoles, causa, effectus, signa, remedia intelliguntur, si ad sequentia animus advertitur.

Liquida in nobis vel sunt adhuc cruda, & ingestorum naturam pro parte saltem retinent; vel jam acquisiverunt per vim corporis illas dotes, quae liquidis humanis propriae sunt. Si consideremus, quid crudis, vel assimilatis liquidis accidat, dum minuitur circulatio, apparebit evidenter, tales quam proxime fieri mutationes, quae quiescentibus, & sibi relictis acciderent. Sanguis noster, per pauca momenta quiescens, separatur in serum, & rubram partem concretentem: dum multum minuitur circulatio, incipit simile malum nasci, unde toties polypolae concretiones post lentos morbos observantur. Cruda vero omnia ingesta mutantur in nostram naturam circulationis efficacia: haec ergo si minuitur, ingesta suam naturam diutius retinent, & spontanea mutatione corrumpuntur. Sed de his actum fuit in praecedentibus capitulis, hinc jam non repetendis.

Unicum tantum monendum videbatur, quod nempe aeris liber accessus omnes humorum spontaneas degeneraciones acceleret. Nulla enim fermentatio fit, nisi aer accedat; & putrefactio longe tardius oritur, dum aer excluditur: stagnans in tumido abdomine aqua per multos menses haeret, vix corrupta; simul ac aer accesserit, putrefcit citissime.

Dum ultimo graviditatis tempore in dissilientissimis uteri vasis, sanguis fere stagnat, nulla fit corruptio: excusso foetu, aere libere accedente, lochiorum pessimus foetor. Post validas contusiones, dum sub cute integra haeret effusus sanguis, vix putrefcit; sed sensim attenuatus, & resorptus evanescit quasi: si effusus sanguis aeri libero exponatur, putrefcit citissime. Hinc in interioribus corporis dum stagnant, vel tardius moventur humores, cum non detur liber aeri accessus, non tam subita fit degeneratio in putredinem.

Quia vero aucta liquidi movendi moles circulationis velocitatem retardat, hinc huic capitulo subnectitur Plethorae consideratio, in suis causis, indole, signis, & remediis; quae omnia sex sequentibus numeris explicantur.

α. Plethora est copia boni sanguinis major, quam quae ferre possit eas mutationes, quae vitae inevitabiles accidunt, nisi inducantur morbi.

Sanguinis boni abundantia nimia vocatur plethora; hinc ex se nunquam est morbus: supponit enim boni humoris auctam copiam; omnia autem reliqua se bene habere. Ideo Helmontius credidit, plethora male inter morbos recenseri, volens illud, quod bonum est, copia peccare non posse. Sed plethoricus homo potest esse sanus, sed in maximo discrimine, interim velatur. Calore enim aeris ambientis aucto, minimo vitio rerum, non naturalium, affectu animi validiore, summa illa sanitas potest mutari in periculosissimum morbum: sed impossibile est praecavere, quin sanissimo homini haec aliquando accidant. Hinc dixit Hippocrates: (f) *bene habitus athletarum valetudo, si ad summum processerit, periculosa: non possum enim in eodem statu permanere, neque consistere: quia autem non consistent, nec in melius possunt proficere, superest ut in deterius vergant. Ob haec ergo bonum illum habitum haud cunctanter salvere consert &c.*

Non ergo plethora significat omne humorum augmentum, sed tantum boni sanguinis auctam copiam: hinc Galenus (r) dicit, ubi *aequaliter inter se humores sunt adaucti, illud plenitudinem, & plethoram nominant: ubi vero vel flava bile, vel nigra, vel pituita, vel serosis humoribus repletum corpus fuerit, talem affectum cacochymiam, non plethoram vocant.*

Plenitudinem illam nimiam Veteres distinxerunt in eam, quae ad vasa (αφ' ὅτι ὑπερία) esset, & alteram, quae ad vires (αφ' ὅτι ὑπερὰ τὴν δύναμιν) vocabatur. Quando vasa bonis quidem, sed copiosis adeo turgebant humoribus, ut rupturae forent proxima, vel & nimia distensione laederentur functiones, vocabatur simpliciter plenitudo, sive plethora ad vasa: quando autem vasa non nimis plena forent bonis humoribus, plus tamen continerent, quam debilis vitalis vis movere poterat, erat plenitudo, sive plethora ad vires. Plethora ergo ad vasa poterat semper, & absolute diei plenitudo, plethora ad vires non nisi relative. Sic Galenus (u) dicit, duas esse plenitudinis species, vel ad viminū robur, & facultates corporis illam sustentis; vel ad suscipiendam capacitatem, & alibi (x): *Quanto enim gravior sibi videtur homo, tantum & plenitudinem quoad vires crevisse constat: ad eundem modum, quantum auctus fuerit tensionis sensus, tantum & alteram auctam plenitudinem esse novimus, quia a quibusdam κατὰ τὸ ἵσχυον vocari diximus.*

Vulgari tamen sensu per plethoram intelligitur illa plenitudo, quae ad vasa est: & hac significatione plethorae vocabulum in hoc capitulo sumitur.

g. Hanc

(f) Apher. 3. Sect. 1. (t) Meth. Medendi lib. XIII. cap. 6. Charter. Tom. X. pag. 300. (u) De Plenitudine cap. 3. Charter. Tom. VII. pag. 326. (x) De Curandis ratione per venaec lectionem cap. 6. Charter. Tom. X. pag. 414.

β. Hanc generat omnis causa, quae multum laudabilis Chyli, & Sanguinis conficit, simulque horum attenuationem, consumptionem, perspirationem, impedit.

Per ipsius sanitatis actiones inevitabili necessitate deteruntur solida, & dissolantur fluida; hinc per ingesta debebant restitui illa, quae perierant. Si quotidie tantum restituitur corpori, quantum deperditum erat, manet perfectissimum aequilibrium, sanitatis firmissimae summum indicium: ut Sanctorius suis experimentis demonstravit, quod tunc perfectissime valeret corpus, quando quotidie post integram subactionem ingestorum rediret ad solitum pondus. Restitutio deperditi fiebat per bonum chylum, & sanguinem inde factum. Si ergo a quacumque causa major fiat boni chyli, & sanguinis copia, quam requiritur, ut tot, & talia reddantur corpori, quot, & qualia perierant, fiet sensim accumulatio superflui: quae plurimum augebitur, si minuatur efficacia illarum actionum, per quas attenuari, consumi, diffusi de corpore per solitas excretionum vias debebant liquida. Praecipuas causas, unde haec bina fiunt, recenset sequens numerus.

γ. Quo spectat vis contractilis viscerum Chylopoecorum magna, ut & in Corde, & arteriis; simulque laxior venarum, & caeterorum vasculorum compages; cibi blandi facile in chylum resolvendi; somnus multus, animus sedatus; quies musculosa, consuetudo mittendi sanguinis, naturalis, artificialis.

VIS CONTRACTILIS VISCERUM &c. Dum firma, & valida sunt illa viscera, quae ingesta debent mutare in bonum chylum, ex cibo, & potu maxima chyli copia paratur. Dum in corde, & arteriis simile robur obtinet, ex copioso illo chylo bonus sanguis nascitur: venae autem semper ex sua natura laxiores cum sint, cedunt facile distendenti liquido, & illud superfluum recipiunt, nisi per exercitia, & motum majorem depleantur: nam, uti demonstratum est §. 105., quo minor est motus humorum per vasa, eo plus aggregantur in venis humores; quo major motus est, eo plus implentur arteriae, deplentur venae. Dum immanem saepe potentiorum copiam ingurgitant helluones, nisi venae cedere possent, & in se recipere illud superabundans, suffocarentur, & ideo inflatas tunc adeo venas habent. Dum ergo viscera chylopoetica majorem copiam chyli parant, & haematopoetica viscera inde sanguinem faciunt, laxitasque simul major in venis fit, necessario accumulatur boni sanguinis copia.

CIBI BLANDI &c. Omnia aciora suo stimulo motum circulatorium augent, ut dictum §. 99. n. 2.; sed auctus sanguinis motus minuit liquidorum copiam, ut demonstratum est §. 100.: blandi igitur, & molles cibi ex ce-realibus bene maturis, carniū iusculis, juniorum animalium teneris car-nibus, oleis mollissimis, ex quibus omnibus blandi chyli magna copia conficitur, Plethorae producendae favent.

SOMNUS MULTUS. Quantum conducatur laxandis fibris nimis rigidis ple-nior somnus, dictum fuit §. 35. n. 2., sed laxata vasa facilius cedunt disten-denti

denti liquido; hinc major impletio. Praeterea somni tempore restituuntur illa in corpore, quae sensuum, & motuum voluntariorum actionibus perierant; dum vigilamus, consumuntur illa, quae somni tempore accumulata fuerant; hinc defatigati diurnis laboribus post salubrem somnum resurgunt alacres: dum ergo longiori somno indulget homo, plus aggerit quotidie, minus dissipatur; hinc plenitudo nascitur: ideo morbis validissimis exhausta corpora longiori somno tam pulchre restituuntur. Urſi tota hyeme dormientes sine pabulo vitam sustinent.

ANIMUS SEDATUS. Tranquilla mentis serenitas quantum conducat tuendae sanitati, omnibus patet: sed summae sanitatis effectus plethora est: validi animi affectus, & *hyperæſia*, curae etiam corpus depascuntur: hinc elegantissime cecinit Ovidius (y).

*Attenuant vigilantes corpus miserabile curae;
Adducitque cutim macies, & in æra suæ
Corporis omnis abis; vox tantum, atque ossa supersunt.*

Galenus (x) ubi nimiae obesitatis curam tradit, inter alia remedia recenset & animae curas (τὸ ψυχῆς σπουδαίον).

QUIES MUSCULOSA. Postquam divina sententia in peccati poenam homini iustum est, ut in sudore vultus sui panem manducaret, inventum fuit, corporea exercitia ad sanitatem tuendam necessaria esse. Dum in re laeta constituti homines inertes torpent otio, gravissimis morbis pressi desidiae poenas luunt. Hippocrates (a) dixit: homo comedens sanus esse non potest, nisi etiam laboribus exerceatur. Cibi enim, & labores adversas inter se potestates, invicem tamen ad sanitatem conferentes, habent. Labores namque ea, quae adiunguntur, consumere solent; cibi vero, & potus vacuata replere. Et alibi (b) saluberrimam sanitatis regulam tradit; quam se primum mortales docuisse, gloriatur: jubet nempe considerari, utrum cibi labores, an vero cibos labores superent; an moderate inter se habeant, quodcumque enim superetur, ex eo morbi contingunt, ex mutua vero inter se aequalitate sanitas adest.

Illud ergo aequilibrium inter cibos, & labores requiritur, ut tantum dissipetur quotidie, quantum ingestum est: simulac ingestorum copia manente eadem, minuuntur labores, incipit plenitudo nasci. Dum in stabulis bene pasci quiescunt equi, pinguescunt brevi; si per aliquot dies valido exerceantur cursu, dissipatur cito omne illud incrementum.

CONSUETUDO MITTENDI SANGUINIS, NATURALIS, ARTIFICIALIS. Certa observata docent, quod, quo saepius sanguinis iacturam patitur homo, modo non penitus iude debilitetur, eo citius postea sanguine turgeat. Foeminis singulis mensibus naturali lege superfluum evacuat sanguis; eodem iterum temporis intervallo novo sanguine turgent. Viri saepius repetitis venae sectionibus affecti, circa

(y) Metamorph. lib. III. (x) Method. medendi lib. XIV. cap. 15. Charter. Tom. X. pag. 335. (a) De victus ratione sanorum lib. I. cap. 2. Charter. Tom. VI. pag. 448. (b) De victus ratione sanorum lib. III. cap. 3. Charter. Tom. VI. pag. 481.

circa solitum venae sectionis tempus eadem patiuntur mala, quae foeminae a retentis menstruis, sicque tandem virile robur in laxitatem foemineam sere degenerat. Observavit DODARTIUS, (c) sedecim uncias sanguinis per venae sectionemeductas intra quinque dierum spatium restitui in homine non debilitato. Hinc patet, venae sectionem repetitam ad plethoram disponere, tam cito regenerato sanguine; sed forte minus firmo, & simul laxiore reddito corpore, hinc facilius implendo. Vidi foeminam, cui ob validissimos, & saepissime renatos animi affectus, sexagesies, & ultra vena fuerat secta intra anni spatium, quae obessima facta paucorum mensium spatio 150. librarum pondere aucta fuerat; & dum continuo turgeret renato sanguine, nova sanguinem mittendi necessitas urgebat magis quotidie; donec tandem soluto omni corporis robore in hydropem incideret. Non videtur ergo adeo laudabilis haec consuetudo, qua saepies in anno sanis hominibus caetelae gratia sanguis mittitur: debilitatur enim inde corpus, & ad faciliorem repletionem disponitur. Galenus, qui & frequentes in morbis, & audacissimas venae sectiones ad animi deliquium usque iussit intitus, & Medicos a venae sectione abhorrentes *αυωφίδες* vocavit (d), damnavit hanc consuetudinem, dicens: *Nam per annum venam saepius fecere, haud expedire arbitror; quod una cum sanguine vitalis exoneratur spiritus. Atqui si hic copiosius absumatur, tota moles refrigeratur, & omnes naturales operationes deterius perficiuntur.*

δ. Effectus Plethorae omnes pendent a rarefactione, quae maiori velocitati, atque inde nato calori, aut causis aliis, per solam observationem cognoscendis, adscribenda: hinc arteriarum dilatatio tam Sanguiferarum, quam Lymphaticarum; mutata secretio; compressio generis venosi Sanguiferi, & Lymphatici; suffocatio circulatori; inflammatio; vasorum ruptura; suppuratio; gangraena; mors.

EFFECTUS PLETHORAE OMNES PENDENT A RAREFACTIONE. Quando nimia copia boni sanguinis repleta sunt vasa, potest adhuc esse sanitas; sed ubi a quacumque causa sanguis vasibus contentus rarefcit, tunc incipiunt laedi functiones, & cum tunc appareant mutationes quaedam in corpore, haec vocantur effectus plethorae; licet non ab unica hac causa pendeant, & plethora tantum sit causa praedispiciens; rarefactio autem sit causa excitans, sive occasionalis dicta. Ex binis autem his causis, praedispiciente nempe, & excitante, unitis fit causa proxima illorum phaenomenorum, quae tunc apparent: & quia causa excitans, nempe rarefactio, in actum deducit plethorae, quae sola nisi in summo gradu fuerit, non tam cito noceret; hinc illo sensu effectus plethorae dicuntur pendere a rarefactione.

QUAE MAIORI VELOCITATI &c. Simul ac intra idem tempus major copia sanguinis per vasa fluit, dicitur aucta esse velocitas: sed hoc non potest fieri, nisi

(c) Hist. de l'Academie des Sciences l'an. 1707. pag. 234. (d) Meth. medendi Lib. IX. cap. 5. Charter. Tom. X. pag. 210. (e) De Hircudinibus revuls. &c. cap. ultimo circa finem. Charter. Tom. X. pag. 455.

nisi aucto attritu fluidorum ad vasa, unde calor, & a calore rarefactio. Omnes autem causae, quas docuit observatio rarefacere sanguinem, videntur hoc imprimis facere aucta celeritate, & calore inde nato. Sola autem sanguinis rarefactio potest efficere omnia illa, quae a plethora oriuntur. Si enim sanguis fieret duplo rarior, esset respectu valorum res eadem, ac si duplo fuisset factus copiosior: si ergo plethorae accedit rarefactio, omnia, quae a plethora nasci possunt, mala augentur. Hinc patet, quare omnia illa medicamenta, & omnes morbi, qui sanguini velocitate aucta calorem inducunt, rarefacto sanguine, plethorae distendentis symptomata faciant. Pellida, & frigida puella contagium variolosum recepit; mox oritur calor, rubor, inflammatoria tensio valorum; dolor capitis immanis &c. non ab aucta copia sanguinis, sed a rarefactione per calorem majorem ab accelerato sanguinis motu natum.

HINC ARTERIARUM DILATATIO &c. Sanguis auctus copia, vel per rarefactionem majus spatium occupans, necessario plus dilatabit vasa, quibus continetur, hinc aequae arteriae, quam venae distendentur. Sed sanguis ex arteriis non tam facile poterit propelli in distentas nimis venas; hinc major oriatur resistentia circa fines arteriarum. Ergo arteriae plus debent distendi a sanguine ex corde in arteria pulso. Cum autem inter causas, quae faciunt, ut ex eodem sanguine tam varii in variis locis secernantur humores, recensatur a Physiologis varia proportio ramorum secermentum ad truncum, unde oriuntur: patet turbata hac proportionem per dilatationem arteriarum, turbari posse & omnes secretiones.

COMPRESSIO GENERIS VENOSI &c. Plerisque in locis corporis arteriis comites incedunt venae; tumentes nimis arteriae adjacentes venas, debilibus tunicis instructas, comprimunt; venae compressae contentum fluidum versus cor derivant; cor illud pellit in arterias, & venae compressae minus recipere valent; hinc necessario sequitur major adhuc arteriarum dilatatio, & tandem omnis fere sanguis accumulatur in arteriis, dum venae magis comprimuntur, & deplentur.

SUFFOCATIO CIRCULATURI. Sic enim omni momento augetur resistentia sanguini ex corde sinistro expellendo: hinc venae pulmonales non poterunt tam facile suum sanguinem infundere in cor sinistrum: ergo sanguis accumulari incipiet in pulmonis vasis; augebitur resistentia cordi dextro, tandemque suffocabitur circulatio. Sic videmus in summo gradu plethoricos rubere quam maxime, dilatatis arteriis minoribus, jam recipientibus sanguinem rubrum; & tandem incipiunt livescere suffocati fere, & nrisponte vel arte solutis vasis tollatur copia, sicque minuatur calor, & rarefactio, subito saepe pereunt.

INFLAMMATIO. Ob crassiores humores ingressos dilatata nimis vasorum minorum orificia, nec potentes tamen per ultimas horum angustias transire.

VASORUM RUPTURA. Imprimis in illis locis corporis, ubi tenerima sunt: hinc toties in cerebro ruptae arteriae in plethoricos lethalem fecerunt Apoplexiam; fractis a distendente sanguine pulmonum vasis, tam frequens observata fuit in plethoricos Haemoptoe.

Suppu-

SUPPURATIO, GANGRAENA. Inflammationis factae, nec resolutae, communes exitus.

MORS. Quae videtur fieri, quia distenta nimis vasa tantam faciunt resistantiam cordi, ut illud evacuare non possit, unde circulatio suffocatur; vel quia vasa majora, turgentia nimio sanguine, minima vascula in cerebro, cerebello, & nervis comprimunt: vel ubi fractis vasibus humores ad vitam necessarii effluunt. Vel denique quando ruptis vasibus extravasata liquida viscerum vitalium actiones tollunt.

f. Itaque facile cognoscitur praesens; praevidentur futuri effectus.

Plethora praesens cognoscitur, si praegressae sint causae illae, quae nimiam boni sanguinis copiam generant, quae recensitae sunt (β), & (γ) hujus paragraphi: si magna rubedo addit in toto corpore, maxime conspicua in illis locis, in quibus vasa nulla cute recta apparent nuda, ut in oculorum angulis, palpebris internis, adnata oculorum tunica, naribus internis, ore, faucibus, labiis: si magnus calor ad extrema corporis usque invenitur: si venae inflatae sint, una cum pulsu forti pleno: si a motu majore, aeris calore aucto, vino, vel aliis quibuscumque calefacientibus assumptis sentiantur in omnibus musculis corporis mollem plenum distendentem tumorem, uga cum immobilitate quadam, sic ut manuum digitos vix claudere possint: incipiunt tunc segnes fieri, soporosi, oculos habere lacrymantes. Sicque habetur perfecta plethorae diagnosi.

In Prognosi praevidentur futura illa mala quae (δ) in hac paragrapho recensita sunt: & imprimis quod encephali totius functiones turbabuntur, quia in capite omnia plena sunt naturaliter: hinc distentis vasibus majoribus, rubro sanguine plenis, minora reliqua comprimuntur, quia durum calvariae os cedere nequit: hinc a levissima vertigine ad lethalem apoplexiam usque omnes morbi cerebri a plethora nasci possunt.

ζ. Curatio absolvitur missu sanguinis; labore; vigiliis; cibo acriori post evacuationes; omissione evacuationum sensum introducta.

MISSU SANGUINIS. Nimia copia boni sanguinis erat causa omnium malorum enumeratorum: omne ergo, quod hanc copiam minuit, proderit: sed omnium optime copia minuitur missu sanguine; & statim inde oritur levamen omnium symptomatum. Nunquam rectius Medicina curat, quam ubi naturae vias, quibus morbos levat, imitatur: sed videmus & in sanitate, & in morbis, nimiam plenitudinem, a sanguinis copia majori, vel & rarefactione nimia ortam, salutari haemorrhagia, narium imprimis, tam feliciter tolli. Hinc juvenibus, perfecte valentibus, illo aetatis tempore, quo incipiunt vasa, jam fortiora reddita, plus resistere liquidis distendentibus, tam frequens salutaris haec evacuatio est, imprimis incrementis verno calore. Eandem ob causam in fervidissimis morbis narium, haemor-

haemorrhagia toties salutem attulit. Ars postea, salutaria haec naturae conamina imitata, aperta vena sanguinem eduxit; & si signa docerent, arteriosum systema solum esse distentissimum, venas collapsas, ob immeabilem sanguinem, haerentem in arteriis, & non potentem transire in venas, ut in morbis acutis inflammatoriis saepe fit; tunc ausi fuerunt Medici ipsas perturbare arterias: & quia hoc in majoribus arteriis saepe non sine periculo fieri poterat, discissis plurimis minoribus per scarificationes, eundem sere praestabant effectum. Unde in AEGYPTO, ubi acutissimi illi morbi frequentes erant, tanti fecerunt scarificationes, uti testatur *Prosper Alpinus in Medicina Aegyptiorum*.

Quidam, Helmontium secuti imprimis, damnabant sanguinis missionem, tanquam crudelem, & inutilem; credebant abstinencia a cibo, & potu plus minus posse nimiam copiam, cum per insensibilem perspirationem, & alias excretiones, quotidie plures librae humorum expellantur ex corpore, quod totum cibo, & potu iterum restituitur: hinc cum pergerent naturales hae excretiones liquida minuere, nec ingesta iterum redderent deperdita, magis minuebatur copia liquidorum abstinencia a cibo, & potu per viginti quatuor horas, quam vel audacissima venae sectione fieri posset: sed hac methodo subtilissimi tantum de corpore dissilant humores, ruber crassus sanguis majora vasa distendens, vix minuitur, quod imprimis requirebatur; & omnes humores acriores fiunt, dum nihil novi chyli sanguini miscetur.

Sed sanguinis missio nimiam quidem copiam minuit, corpus tamen relinquit aequale facile replendum iterum; imo plus disponit ad novam plethoram generandam, uti dictum (7) in hac paragrapho: hinc requiritur, ut corpus sic firmetur, ut non tam facile boni sanguinis copiam accumulet. Fit hoc imprimis.

LABORE: qui & dissipat illa, quae in otio retinentur; & firmat sic solida, ut non facile cedant liquidis implentibus. Quotidie duris laboribus exercitos, licet voracissimi simul fuerint, plethoricos tamen rarissime quis inveniet. Labores tamen non conveniunt, nisi prius sanguinis missione depleta fuerint vasa; aliter summum periculum foret aëturae valorum adeo distentorum.

VIGILIIS. Inter causas nimiae plenitudinis recensetur & somnus multus (7): vigiliae ergo oppositum praestabunt effectum.

CIBO ACRIORI POST EVACUATIONES. Molles cibi, facile subigendi a visceribus chylopoieticis, magnam chyli copiam largiuntur: unde quotidie sanguinis augetur quantitas, nisi validiori motu humorum diffusetur superfluum. Hinc recens natis mollissimum lac, jam materno in corpore subactum, dedit natura, quia incrementum adeo velox in hac aetate requirebat quotidianum humorum augmentum: ubi vero contrarium requiritur, ut in plethorae curatione, tunc duriore cibi, non tam facile subigendi, & acriora simul aromatica condimenta stimulantia profunt: quia sic & minus chyli, adeoque caeteris paribus & minus sanguinis conficietur; & aucto motu per acres stimulos, non fiet tam facilis aggestio humorum. Sed antequam evacuantibus minuta fuit

fuit distendentis liquidi copia, acria assumpta nocerent summopere, ob magnam metum rupturæ valorum nimis plenorum, si simul accederet per stimulantia factum motus augmentum.

OMISSIONE EVACUATIONUM SENSIM INTRODUCITA. Quantum disponent crebrae sanguinis missiones ad novam plethoram, dictum fuit l. 7. hujus §. Hinc evacuationes illae omittendae sunt; sed non potest simul & semel hoc fieri, quia omnis subita mutatio a consuetis ad insolita semper mala est; & imprimis in hoc casu. Per frequentes enim sanguinis missiones assuescit corpus, ut majorem sanguinis copiam accumulet; quae nisi tollatur, omnes plethorae effectus sequentur; & ideo sensim minuendae sunt solitae illae evacuationes quoad quantitatem; majusve temporis intervallum inter singulas interponendum; ut sic gradatim minuantur sine ullo periculo. Hoc dum sic fit, imitatur salutare naturae institutum in foeminis circa illud tempus, quo menstrua incipiunt deficere: naturaliter enim sensim minuantur copia, & majori temporis intervallo tantum prodeunt, donec penitus desinant: si vero subito cesset solitus menstruorum fluxus, pessima inde solent sequi mala.



MOR-

MORBI COMPOSITI SIMPLICISSIMI, OBSTRUCTIO, ET VULNUS.

OBSTRUCTIO.

§. 107. **O**bstructio est obturatio canalis, transitum tollens liquido per eum transjiciundo, vitali, sano, vel morbofo, orta ex excessu molis tranfiturae supra capacitatem vas sis transmissuri.

Omnium simplicissimus morbus inter compositos foret Vulnus, supponens tantum separatam cohaesionem partium solidarum: sed nullum potest fieri vulnus ullius momenti, quin effundantur liquida vasis contenta; quae tunc effusam suam sequuntur naturam: hinc spontaneae degeneraciones liquidorum prius debebant considerari. Praeterea canales dilcissi in vulnere primo emittunt contenta liquida; postea clauduntur, & tenuiora liquida dimitunt; tandem, illis obturatis fit obstructio, & cessat liquidi effluxus, ut in historia Vulneris in genere patebit. Hinc secundum dicta in §. 16. debebat praemitti obstructio, quae in omni vulnere obinet.

OBSTRUCTIO EST OBTURATIO CANALIS &c. Haec est generalissima obstructionis idea, supponens impedimentum qualecumque, quod tollit transitum liquidorum per canales. Intelligitur hic canalis nomine imprimis omne vas, per quod continuo liquidum fertur; uti fit in arteriis, & venis: illa enim vasa, per quae non semper, sed tantum certo tempore fluit liquidum, potius emissaria vocantur: quamvis tamen & in illis obstructio nasci possit; uti v. g. in ductibus biliosis, urethra &c. toties observatur.

Omnia corporis nostri liquida vel per vasa continuo motu feruntur, vel in majoribus alveis collecta tantum aliquo tempore haerent. Videtur jam in vasis obstructio locum praecipue habere; in majoribus alveis vix vel rarissime: nam licet v. g. in vesica haereat calculus, nisi maximus fuerit, & totum vesicae cavum perfecte impleat; non faciet obstructionem, nisi ubi ex vesica in urethram pellitur. Dum polyposae concretiones in sinibus venosis, vel & in cordis cavis haerent, non faciunt obstructionem, nisi quando ex majoribus his receptaculis in canales pelluntur.

VITALI, SANO. Post datam generalem definitionem obstructionis, jam consideratur, quotuplex sit illud liquidum, quod impeditur fluere per canales obstruatos. Hoc erit vel vitale, quod per venas allatum cordis vi per pulmones, & aortam pellitur, rediturum iterum ad cor pro sustinenda vita: sed vita diu po-

potest subsistere, licet sanitas deficiat, haec est enim perfectio omnium functionum simul: sed ut omnes functiones integrae sint, requiritur, ut omnes canales sint liberi: hinc plurimae obstruktionis sanitatis integritatem laedere possunt, vita salva adhuc. Sic si in minima renali fistula concretum haereat calculi rudimentum, obstructio erit nata, tollens transitum liquido sano per hunc canaliculum transijciundo; nec tamen inde nascetur ullum notabile impedimentum liquidorum vitalium motui: tamen impedita erit actio illius canaliculi, quae ad integram sanitatem requiritur.

VEL MORBOSO. Liquida morbola dicuntur, quando sic degeneraverunt a naturali conditione liquidorum sanorum, ut laedant functiones; nec refert, an haec degeneratio fuerit morbi nati causa, an vero effectus. Sic v. g. inflammatoria sanguis spissitudo, futurae pleuritidis causa praedisponens, morbosum sanguinem facit, id est, aptum ad laedendum functiones: In variolis vero per vim morbi, purulenta labe inquinato toto sanguine, morbola fit omnium humorum indoles, quae non praexfliterat ante morbum natum, sed per morbum facta fuit: sed jam liquida haec morbola per canales feruntur aliquando sola, aliquando cum reliquis fluidis nondum a sanitatis conditionibus aberrantibus: obstructio ergo nata in canalibus poterit & impedire liquidi morborum transitum: sic saepissime in morbis apparet, humores morbosos vi vitae superstitis ex uno loco ad alium per metastasim deferri; parotides, & purulenti crurum abscessus, in pleuritide, & peripneumonia toties salutare, hoc evincunt. Dum in exquilita Podagra in subtilissimo liquido degenerans morbosum conatur natura deponere ad articulos pedum, si quacumque de causa impediatur ad loca illa consueta adferri, quanta oriuntur mala!

ORTA EX EXCESSU MOLIS TRANSITURAE &c. Sic habetur accurata cognitio causae proximae omnis obstruktionis. Compressio vasorum postea quidem numerabitur inter causas obstruktionis; si tamen liquidum tantum tenuerit sit, ut per vas compressione angustatum adhuc transfluere possit, nondum erit obstructio: nam obstructio non designat tantum difficiliorem transitum, sed totalem obstruktionem canalis.

§. 108. **Q**uae oriuntur ex angustia vasis, magnitudine molis fluxurae, vel utriusque concurrentibus.

Tria haec omnes possibiles obstruktionis causas comprehendunt: velenim liquidum per canalem transmittendum fit spissius, manente eadem canalis amplitudine; vel arctatur canalis, manente eadem meabilitate liquidi; vel denique & canalis angustia, & liquidi aucta spissitudo simul concurrunt. Inquirendum jam in causas, quae vel singula haec seorsim, vel utraque simul faciunt.

§. 109. **A**ngustia vasis fit compressu externo, contractione propria, vel augmento crassitiei in ipsis canalium membranis.

L

Recen-

Recensentur hic causae, quae canales reddunt angustiores, manente eadem tenuitate liquidi transmittendi.

COMPRESSU EXTERNO. Dicitur tunc vas per *thick* angustari. In canalibus nostris sectio perpendicularis ad axim circularis semper est: sed circulus inter figuras Iloperimetros maximam habet aream; hinc omnis compressio externa, mutando circulearem figuram, minuet semper canalis capacitatem: si autem conciperetur vis externa comprimens aequabiliter agens per totum vasis ambitum, tunc non mutaretur quidem circularis figura, sed minueretur diameter; hinc pariter angustaretur cavum.

CONTRACTIONE PROPRIA. Tunc per proprium tonum dicuntur vasa contrahi. Naturalis autem est vasis nostris haec contractio, qua nituntur latera valorum proprius accedere ad axim, simulac causae distendentes minuntur: hoc autem maxime necessarium erat, ut liquidorum copia minuta, posset tamen manere non interruptus humorum circuitus per vasa plena quidem, sed contractione propria angustiora facta. Hinc ubi v. g. sanguinis iactura ingens tam subito fit, ut vasa se non possint contrahere tam cito, ut plena maneant, interruptitur circulatio, & fit syncope; imo & mors ipsa subitissimas inanitiones secuta fuit saepius. Haec ergo contractio propria vasis nostris si augeatur a causa quacumque, vel minuat impetus, vel copia liquidorum distendentium, effectus erit idem, nempe angustatio major canalium.

VEL AUGMENTO CRASSITIE IN IPSIS CANALIUM MEMBRANIS. Patet evidenter, tunc minui canalisi cavi capacitatem, tumentibus membranis. Ut distinguerent hanc causam obstructionis a *thick* vocaverunt *επὶ τοῦ τοῦ*, sive angustationem loci, quando latera canalium aucta propria substantia angustarent cavum.

§. 110. **M**olecularum moles augetur viscositate fluidi, vel errore loci.

In hac paragrapho considerantur illa vitia fluidorum, per quae manente eadem canalisi capacitatem, nasci potest obstructio.

Elementa constituenta humores nostros videntur habere determinatam magnitudinem, & quidem proportionalem ultimis angustis valorum, per quae fluere debent. Sic elementum rubrum sanguinis tam parvum debet esse, ut per ultimas angustias arteriae minimae rubrae transire possit: idem in reliquis tenuiorum liquidorum seriebus verum est. Si ergo a quacumque causa augetur volumen in singulis elementis liquida constituentibus, haerebunt circa ultimos canalium fines; quia ut docuerunt Leeuwenhoeckii observata, per ultimos fines v. g. arteriae rubrae unicum elementum sanguinis rubrum, & adhuc cum quadam molestia transit; hinc si expanderentur in majus volumen, manente eadem massa corporea, haec elementa, liber impediretur transitus: ideo & illa obstructionis causa concipi potest, licet forte rarius contingat.

Sed aliud considerandum praeterea est in liquidis vitium, forte multo frequentius. Fluidorum omnium partes, ut demonstraverunt Physici, quadam

vi

vi inter se cohaerent; idem & in nostris humoribus obtinet: ut verò per ultimas valorum angustias transeant fluida, requiritur, ut molecule lingulae, separatae a cohaesione cum vicinis, transeant solitariae: hinc debent potentiae moventes, quibus humores pelluntur per vasa, posse superare hanc cohaesionem. Si ergo a quacunque causa augeatur cohaesio elementorum fluida constituentium eo usque, ut non patiantur se ab invicem separari actione cordis, & vasorum, manebunt adunatae molecule, quae per ultimos valorum fines tantum transire possent solitariae: hinc nascetur obstructio: ubi vero hoc vitium in fluidis obtinet, vocatur **AUCTA VISCOSITAS**, quia non habetur aliud vocabulum magis generale: designat autem tantum illam conditionem physicam, quae in fluido, elementis nimis cohaerentibus, augeat immeabilitatem.

ERRORE LOCI. Dicitur hoc vitium obtinere, quando humor bonus ingressus fuerit vasa minora, in quibus naturaliter esse non debet, & per quorum ultimas angustias transire non potest. Sic v. g. dum sanguis ruber arterias serosae, vel lymphaticae, in suis initiis dilatatas, ingreditur, dicitur peccare **Errore loci**: hinc, licet omnia liquida corporis humani requisita ad sanitatem dotes obtineant, & omnia vasa integra sint, modo haec, parum dilatata in suis initiis, admiserint crassiora fluida, possunt nasci obstructions, & quidem pertinacissimae. Frequentissima autem haec est inter obstructionis causas: nam aucto circuitus humorum impetu, & velocitate, sanguis ruber statim ingreditur aliena vasa. Leviter tantum fricati oculi in tunica adnata rubent, cum naturaliter in his vasibus sanguis ruber non adsit. Valido cursu exercitatus homo totam cutim externam habet ruberrimam, ob sanguinem rubrum in vasa minora adactum. Quamvis autem proprie loquendo per errorem loci non augeatur molecularum fluida constituentium moles, tamen ratione habita valorum, in quibus per errorem loci haerent, nimia illarum magnitudo causam obstructionis facit.

§. 111. **E**X utrisque vero a concursu causarum utriusque. (109. 110.)

Possunt enim causae angustantes canalem, & causae facientes immeabilitatem liquidi transijciendi simul concurrere.

Hinc apparet, ad quantam simplicitatem totum hoc possit reduci, dum sola causa proxima omnis obstructionis consideratur: tota difficultas est, quod causae remotae adeo multiplices, & variae sint, quae nunc ordine enumerabuntur.

§. 112. **V**asa externe comprimuntur.

1. A tumore vicino plethorico, inflammato, purulento, scirrhuso, cancroso, oedematoso, ampullosa, steatomatode, atheromatode, meliceride, hydaridico, aneurismatico, varicoso, tophoso, pituitoso, calculoso, calloso.

1. **TUMORE.** Medicis, & Chirurgis tumor vocatur partis, vel totius corporis, in naturali magnitudine facti augmentum a quacumque demum causa contigerit. Dum ergo pars tamen majori occupat locum, quam in sanitate solebat, necessario adjacentia vasa comprimendo angustat. Tumores autem sunt vel a fluidis replentius distenta ultra naturalem magnitudinem vasa, vel a liquidis extra vasa effusis, vel a visis concretis cum fluidis contentis inspiissatis. Recententur jam praecipue tumorum varietates.

PLETHORICO. Quando nempe vasa arteriosa, & venosa, rubrum sanguinem ventia, nimia copia distenduntur, & distenta comprimunt minora vasa vicina. Tumoris autem plethorici effectus imprimis in cerebri actionibus laesis apparet: cranium enim semper plenissimum est, sanguis ruber tantum in pia matre obliervatur, & in arteriis rubris majoribus per medullarem encephali substantiam dispersis, & medullam oblongatam ambientibus; in cortice cerebri naturaliter nunquam sanguis ruber invenitur: hinc distentis vasis rubrum sanguinem vehentibus, cum dura cranii olla cedere nequeat, comprimuntur reliqua vasa corticis, & medullae; unde omnes functiones cerebri turbantur: cerebellum autem, cerebro longe firmitus, minus ab hac causa afficitur.

INFLAMMATO. Dum vis vitae urget liquidum vitale in vas inflammatum, necessario illud vas distendit, quia liquidum impulsum non potest penetrare vas obstructum: hinc omnis impetus liquidi impulsus dilatat vasis latera ante locum obstructum; ergo vicina adjacentia vasa comprimuntur: unde humorum circuitus non tantum impeditur in vasis inflammatis, sed etiam in vasis vicinis: hinc tumoris augmentum, & imprimis dum membrana cellulosa inflammatur, maximi tumores fiunt, sit ut aliquando digitus inflammatus decuplam crassitiem habuerit.

PURULENTO: qui duplex est, vel enim pus, propriis membranis coarcentibus clausum, vomitum facit purulentam; vel ruptis his repagulis in vacua vicina loca effunditur; utroque modo pressione vasa vicina angustantur; hinc nunquam fere in partibus subcutaneis apostema est, quin cutis vasa a pure collecto pressa inflammentur.

SCIRRHOZO, CANCROSO. Qui fit a glandula tumente, dein indurata: hinc vasa per proprias glandulae membranas dispersi, uti & in locis vicinis, comprimuntur, ideoque varicosae venae majores scirrhus comitantur semper. Parotides scirrholae factae, & tumidae, dum adjacentes jugulares venas comprimunt, impedito sanguinis a capite reditu, quanta saepe fecerunt mala! sub axillis, & in inguinibus scirrholae factae glandulae, comprimendo venas, arterias, nervos adjacentes, partes subiectas omni vitalium humorum influxu privant: qualia multa exempla in observatis Medicis habentur. Ubi vero scirrhus in cancri malignitatem degenerat, aucto tunc semper tumore, plus nocet.

OEDEMATOSO. *Oίδημα*, ut testatur Galenus, [f] *Antiqui & tumorem idem appellabunt*: & alibi, [g] omnes tumores praeter naturam ab Hippocrate *oίδημα* voca-

[f] Commentar. IV. Aphor. 34. Charter. Tom. IX. pag. 155. [g] Comment. V. Aphor. 65. Charter. Tom. IX. pag. 239.

vocatos fuisse, asserit; postea recentiores dicit ab antiquo usu recessisse, & tumores varios distinctis nominibus vocasse: si enim cum dolore essent, vocabant phlegmonas; si sine dolore essent, & duri, scirrhus; si sine dolore, & molles simul essent tumores, tunc proprie *σίδμητα* dicebantur. Tumores autem illi molles indolentes apud Hippocratem non vocabantur simpliciter *σίδμητα*, sed addebatur semper aliud vocabulum, ut distingueret ab aliis tumoribus. Sic in Prognostico, & Coacis prænotionibus hi tumores vocantur, *σίδμητα μαλακά, ἀνίδωτα, τῇ δακτύλῳ ὑπώματα*; tumores molles, indolentes, digito cedentes. Hac ergo sub significatione tumores illi hodie plerumque intelliguntur, & haerent in membrana cellulosa, quae vera oedematis sedes est. Materia autem horum tumorum est plerumque aqua, ut in hydropse anasarca patet; vel & aliquando lentescens magis pituitosum liquidum, ut in Leucophlegmaticis. Sed membrana cellulosa, horum tumorum sedes, omnia vasa ambit; hinc tumores ibi nati vasa angustare possunt, & mirabiles saepe morbos ab hac tantum causa pendentes producere.

AMPULLOSO &c. Numerosissimae in variis locis corporis tales sunt ampullae, sive folliculi; tota cutis externa, interior superficies oris, oesophagi, ventriculi, intestinorum &c. similibus folliculis obducitur undique. In his folliculis ab arterioso sanguine secretus humor pinguis, vel mucilaginosus, per proprium emissarium exit, lubricandis, & inungendis his partibus interiens: si jam a quacumque causa obstruatur emissarium talis folliculi, non poterit evacuari contentus in cavo folliculi liquor, augebitur copia liquidi retenti, & distendetur folliculus; sic ut ex invisibili parvitate in molem aliquot librarum aliquando excreseat: minimae illae cryptulae, quae in capillata capitis cute unctuosum illud smegma praebent, quod pilos inungit, & lubricat, aliquando in maximas moles excreseat: *salpae* solent vocari apud Chirurgos. Observatores plurima exempla similium tumorum in aliis corporis locis habent.

Haec jam est communis idea ampullosorum tumorum: sed variant ratione materiae contentae, & inde varia nomina acceperunt, quando enim materiem pulsi similem continebant, dicebantur *ATHEROMATA*; si materiam ambiguae fluiditatis inter mel, & ceram contiuerent, vocabantur *MELICERIDES*: si pinguedini similem duriorum in se haberent materiam, vocabantur *STEATOMATA*. Sed de his jam alia occasione dictum est, nempe §. 75.

HYDATIDICO. Hydatides communi hodie opinione [*ὕδατι* epim olim vocabatur pinguedinis superiori palpebrae substratae extrema parte incrementum] (b) vocantur membranacei sacculi variae magnitudinis in partibus corporis externis, & internis saepe deprehensi, aqueo humore turgidi. Valde autem dubium videtur, an semper ad tumores ampullosos referendi sint; hi enim tumores, ut dictum fuit, erant tantum naturales folliculi dilatati, hinc magnitudine aucti; sed hydatides observatae fuerunt in talibus locis, ubi folliculi illi ab Anatomicis non adeo detecti erant: integram enim placentam uterinam in hydatides mutatam observavit Ruychius (i). Imo observave-

L 3

runt,

(b) Gorraei definit. Medic. pag. 656. (i) Observat. Chirurg. pag. 33.

runt, hydatides tales ab omni nexu cum se invicem, vel vicigis partibus liberæ, in majori sacco membranaceo conclusas, fluere; & quod magis mirum est, majores hydatides continebant in suo cavo minores alias, pariter ab omni nexu liberæ [k]: dum una cum suis folliculis coquebantur aquæ Hydropici mortui, visum fuit ipsam folliculorum substantiam, quæ membranacea apparuerat, fuisse dissolutam (l). Hinc concluderunt Celeberrimi Viri, hydatidum pelliculas non esse partes organicas, sed ex liquido incrassato forte natas fuisse. Nihil tamen repugnat, quin & naturales folliculi aqueo humore distenti expandi possint in magnam molem: tales hydatides in palpebrarum limbis observantur sæpius, degenerantibus forte sic glandulis sebaceis hic positæ: in ovario muliebri sic in satis amplam magnitudinem ovum expansum humore plenum invenit Ruyschius [m].

Tales autem tumores hydatidicos passim in variis locis corporis inventos fuisse, & modo memorata Auctorum loca evincunt, & innumera alia apud Bonetum, & alios observatores habentur exempla.

ANEURISMATICO. Aneurisma, vel potius Aneurisma dicendum, *an euris* designat arteriæ integræ dilatationem præternaturalem in quadam parte, sic ut arteria, quæ antea uniformem canalis conoidei figuram habebat, nunc in quadam parte debilitata expandatur in sinum, qui omnia vicina comprimendo pessima potest producere mala. Sic ab aneurismate, circa vitalia viscera hærente, costas, claviculas, sternum, elevata non tantum, sed & fracta, partem internam vertebrarum dorso fere ad spinalem medullam usque contritam, & consumtam miratus fuit sagacissimus Albertini (n): costas penitus cariosas, imo cum osse sterni in nihilum redactas ab aneurismate vidit Ruyschius (o).

VARICOSO. Quod Aneurisma dicitur in arteriis, illud, si in venis obtineat, vocatur Varix, frequentius longe malum quam Aneurisma; quia & venæ facilius cedunt causæ distendenti, & sanguis tardius movetur in venis, quam in arteriis, hinc a levi satis obstaculo, impedito motu sanguinis venosi, venæ ab accumulato sanguine distenduntur, & varicosæ fiunt: frequens imprimis malum gravidis mulieribus, dum distentus uterus venas iliacas premens impedit, ne venæ per crura, & femora disperire se tam expedite possint evacuare; hinc tunc apparent in illis varicoli illi tumores, crurum imprimis.

TOPHO. Tophi proprie dicuntur, quando per causas morbosas quascunque lamellæ os majus constituentes a se invicem remouentur, eleuantur, & tumorem constituunt, non omnino durum instar ossis, sed scissilem utcumque, habentem firmitatem, qualem habent juniorum animalium cornua, dum primo protuberare incipiunt. Tumores illi in omnibus illis morbis, qui ossa imprimis afficiunt, satis frequentes sunt, ut in Rachitide, Scorbuto, & omnium maxime in Lue Venerea: in quo morbo tumores illi periosteæ vasa comprimendo,

[k] Acta Petropolitana. Tom. I. pag. 379. 381. Acad. des Sciences l'an 1722. Mem. pag. 222. (l) Acad. des Sciences l'an 1719. Hist. pag. 40. (m) Observat. Chirurg. 17. [n] Institut. Bononiens. pag. 385. (o) Observat. Chirurg. 37. 38.

mendo, nervos hic tam sensiles distendendo, adeo molesti sunt. Huc & referri possunt exostoses, ubi ipsa ossis duri substantia in tumorem elevata comprimit vasa vicina.

PITUITOZO. Ubi gluten naturale, vel morbosum, accumulatum cava, quibus continetur, distendit, & adjacentia vasa premit.

CALCULOSO. Quanta mala fiant a calculis in renibus, ureteribus, vesica hærentibus, mole sua, & pondere vasa comprimentibus, quibus accumbunt, omnibus notum est.

CALLOSO. Callus vocatur partis membranaceæ increfcentis moles una cum duritie, & insensibilitate, orta a vasis concretis inter se, imprimis per compressionem externam. Causa proxima calli est compressio vasorum, expressio liquidi contenti, & concretio laterum vasorum inde nata. In recens natis nullibi callus apparet, sed postea dum incedere incipiunt, toto pondere corporis sustentato pedum plantis, incipiunt ibi vasa complanata expressio liquido concrefcere, & callum facere. In fabris ferrariis ab attritu mallei sæpe manuum volæ cornu duritiem acquirunt. Callus autem omni vitali influxu humorum destitutus ex sua natura multum mali facere nequit, sed mole sua, & duritie premens vivas partes subiectas inflammationem, & alia molestissima mala facere potest: sic sæpe pedum omnem fere usum sustulit callus durissimus, circa prominentiam ossis metatarsi pollicem pedis sustentantis, natus dum totum pondus corporis sustentatum hac parte apprimere durum callum subiectis partibus inflammatis, & dolentissimis. Quando a vi externa comprimente papillæ nervosæ per cutim disperstæ, una cum vasis suis sanguiferis lymphaticis &c. quibus coronantur, complanantur, nascitur inflammatio, postea consolidantur omnia in corneam duritiem, vocantur tunc clavi: familiare latis, nec minus molestum malum, in digitis pedum, & aliquando in aure externa occurrens, ubi plicæ illæ cartilagineæ nimis premuntur capitis tegumentis; vel quando in unum tantum latus decumbere possunt aegri, ob vulnera, empyema &c. & tunc pulvinari aurem externam assiduo apprimunt. Tales clavi sunt veri calli, sed durissimi, & in cute externa cum semper latiores sint, sensim convergant, descendendo infra cutim, hinc ab hac figura nomen habuerunt; & quia partibus vivis nervosis cohaerent, hinc pressus talis clavus tantum dolorem facit. Tales jam calli a compressione etiam in internis nasci possunt. Vidi in cadavere puellæ lienem solito plus tumentem, appressum ultimæ costæ, habuisse tunicam externam in illo præcisè loco callosam, & longe crassiore.

2. A fractis, luxatis, distortis, distractivæ partibus duris, comprimentibus vasa flexilia.

Recentur hoc numero angustationes vasorum per compressionem externam factæ; quæ oritur ex eo, quod partes duræ corporis humani, ossa nempe, & cartilagines, ex naturali suo situ dimotæ, vasa adjacentia prefferint: simul & hic considerantur illæ obstructions, quæ a ligamentis, ossa necentibus, distortis, vel distractis fiunt in vasis, quæ horum ligamentorum substantiam constituunt.

L 4

Fractis

2. **FRACTIS.** Quando os in magna fragmenta solvitur, dicitur fractura, quae nunquam adesse potest, quin plurima vasa inter ossis lamellas decurrentia compressa, imo destructa sint: periostei vaso necessario ob eandem causam debent comprimi; imprimis si ossis fracti partes ex naturali situ remotae fuerint, tunc enim simul omnia vicina vasa comprimunt.

LUXATIS. Quando ossis articulati caput ex cavo, in quo movebatur, excidit, luxatio adesse dicitur: sed hoc nequit fieri, quin ligamenta articulationem ambientia ab elapso osse comprimantur, uti & vicina alia quaevis adjacentia vasa. Dum caput ossis humeri luxatum in axillae cavo haeret, saepe ibi maxima vasa per axillam decurrentia comprimit; unde postea pessima mala, imprimis a magnis truncis nervorum hic decurrentibus compressis.

DISTORTIS, DISTRACTISQUE. Distorsio, & distractio proprie in ossibus locum non habet, sed in ligamentis ossa imprimis articulata necitentibus. Distorsio autem fit, quando, ossibus articulatis manentibus in suo situ, circumtorquendo quasi magna vis infertur ligamentis haec ossa inter se necitentibus: distractio vero, quando nimia vi, v. g. pondere ultra vires elevato, elongantur ligamenta articularum. Facile intelligitur, neutrum fieri posse, quin plurima vasa per ligamenta decurrentia comprimantur, & angustentur.

3. Ab omni causa, quae vasa nimis trahit, & elongat sive tumore, sive pressione partis extra debitum locum positae, sive vi externa trahente,

Non possunt canales flexiles elongari, quin minuat horum canalium cavitas. Hoc ad oculum apparet, dum tubi vitrei ad lampadem flexiles redditii elongantur. In canalibus majoribus, sic elongando angustioribus redditis, non statim nascetur quidem obstructio, sed dum idem fit in canalibus minimis, qui per ultimas suas angustias singula tantum fluidorum elementa transmittunt, facile apparet obstructionem ab hac causa nasci debere. Dum in torturis maleficorum ligamenta articularum ponderibus appensis vel trochleis distrahuntur, sequenti die dolor, inflammatio, rubor obstructionem ab hac elongatione valorum natam satis testantur. Omnes jam tumores, distendendo circumpositas membranas, vasa harum partium elongant: ossa, musculi, tendines naturali suo situ mota idem efficiunt: omnis vis externa trahendo partes elongans huc pariter referri potest.

4. Ab externis comprimentibus, quo vestes arctae, fasciae, pondus incumbentis corporis quieti in unam partem, ligaturae &c. pertinent, motus, attritus, amplexus partis ad alia corpora.

In prioribus numeris recensitae sunt illae causae, quae vasa arguendo obstructionem faciunt, quatenus nempe partes corporis mole auctae, vel ex situ naturali remotae, vicina vasa comprimunt: simul & recensitae sunt illae causae, quae elongando vasa illorum capacitatem minuunt. Hoc numero recens-

cescentur omnia illa, quae externam superficiem corporis premendo vasa reddunt angustiora.

VESTES ARCTAE. Per has enim omnia vasa in exterioribus corporis posita comprimuntur; omnium maximae venae, quia & facilius comprimentur, & in superficie corporis magis penuntur: arteriae vero & fortiores sunt, & magis tuto reconduntur. Sed venis sic compressis tanto major copia sanguinis continetur in arteriis: hinc plethorae effectus nascuntur. Ubi ergo in quadam corporis parte vasa tam debilia sunt, ut a minimo augmento impetus, vel copiae fluidi rumpantur, vel nimis distenta apertis osculis ultimis in cava corporis loca eruantur liquida, quae naturaliter retinere debuerant; a vestibus nimis arcte corpori appressis oriuntur saepe magna mala. Sic Haemoptoe, vel mictu sanguinis laborantes, ab hac sola causa toties sanguinem apertis, vel ruptis valis effundunt. In foeminis hysteriis, viris Hypochondriacis, Asthmaticis &c., in quibus minima mutatio aequilibrii inter solida, & fluida tam enormes effectus facit, tantum illico solamen apparet, dum vestes nimis arctae solvuntur.

FASCIAE, LIGATURAE. Pro vario adstrictionis gradu diversos habent effectus: leviter enim adstrictae partes nimis laxas, & distentas firmant, sicut fibrarum nimis debiliū defectum suppleant: si fortius adducantur, vasa angustant, imprimis venas; si adhuc plus stringantur, etiam & arterias: unde saepe inflammatio, imo ipsa gangraena nascitur. Dum ossa fracta, & reposita in situ, retinere volunt Chirurghi, inter alia auxilia, & fasciis circumductis partem firmant, quae si arctius adstrictae fuerint; cum post aliquot horas semper solet nasci tumor major in parte affecta, inflammatio fit, & magnus dolor: si tunc querelas aegri negligant saepe in his casibus nimis crudeles Chirurghi, subito postea natam gangraenam turpi errore dolent.

PONDUS INCUMBENTIS &c. Dum in morbis oritur illa insensibilitas, quae molestias corporis, & leves dolores non adeo sentiunt aegri, ut saepe in morbis acutis fit; vel dum propter acerbissimos dolores podagricos, rheumaticos &c. omnis fere corporis motus prohibetur, tunc totum pondus corporis jacentis premit partes, quibus incumbunt aegri; hinc vasa per has partes decurrentia angustantur, imo penitus sic comprimuntur saepe, ut omnis vitalis influxus tollatur; unde gangraena, & sphacellus nascuntur. Imprimis autem haec mala oriuntur illis in locis, ubi dura ossa, paucis integumentis tecta, prominent; ut circa scapulas, os coccygis, ossis ilii eminentem marginem, trochanteres ossis femoris, calcem &c. omnium frequentissime circa os coccygis, quia dum homo horizontaliter dorso incumbit, lectus semper in medio deprimatur, superius, & inferius assurgit, unde totum corporis pondus soli fere ossi coccygis inniuit paucissima tecto pinguedine: hinc partes superimpositae huic ossi hac compressione omni vitali influxu privatae citissime moriuntur. Unicum remedium est, ut situs aegri saepe mutetur, & nudo corpore mollissimae alutae incumbant.

MOTUS, ATTRITUS, AMPLEXUS &c. Quando nempe pars corporis humani duro obstaculo occurrit, necessario comprimuntur vasa flexilia: nec refert, an pars mota occurrat duro resistenti corpori, an vero atteratur ad obsta-

obstaculum, vel denique amplectendo durum corpus partibus mollioribus idem fiat. Qui non assueti longum iter pedibus conficiunt, illos inflammatos habent; qui remis scapham movent insolito labore, manus ob validum amplexum habebunt inflammatas; imo si pergant pertinacius, vesiculae fere gangraenosae attolluntur.

§. 113. **C**ontractio vasi propria aucta, maxime spiraliū fibrarum, tum quoque longarum, cavitatem arctat, oriturque. 1. ab omni causa augente vim elasticam fibrae, canalīs, visceris (31. 36. 40. 50. 51.) 2. ab tumore vasculorum minorum, quorum contextu majorum latera, & cava fiunt, nimis impletorum. 3. ab imminuta causa vasa extendente, sive inanitio, sive inertia fuerit: unde dissecti canales liquida propria coercent brevi.

Causa proxima omnis obstructionis est tantum una, semper eadem, & simplex, nempe excessus magnitudinis materiae per canalem transmittendae supra capacitatem ejusdem canalīs.

Haec vero causa proxima omnis obstructionis habebat pro suis causis, arctationem canalīs, vel incrementum molis in elementis fluidi transmittendi per canalem, vel utrumque simul. Prima causa, qua arctabatur canalīs, erat compressio externa, cujus causae ad quatuor classes redactae praecedenti paragrapho enumeratae fuerunt. Sequitur jam illa angustatio canalium, quae fit a vi contractili vasorum aucta.

Vasis autem nostris talem inesse vim, qua nituntur proprium angustare cavum, extra omne dubium est: per hanc vim enim arteriae dilatae a sanguine vi cordis impulsio, cessante cordis actione contrahuntur iterum in pristinam dimensionem. Hanc autem vim contractilem augeri posse, pariter certo constat. Dum ex morbis acutis resurgunt aegri, peruito laque in obest dimidio pondere corporis, omnia collapsa sunt; manet tamen aequalis humorum circumductio, quae fieri non potest, nisi plena sint vasa: minuta ergo in tantum liquidorum copia, nisi vasa se plus contraxissent, quam antea solebant, non potuissent vasa plena manere. Sed etiam manente eadem liquidi copia videmus saepe in vasis quibuldam subtilissime oriri majorem contractilitatem. Dum subitaneo timore homo percussus, mox tota contrahitur facies, pallent labia, genae, oculi &c. sanguis ruber contractis vasis versus interiora repellitur, & circa cor, & pulmones in majoribus alveis collectus stagnat fere; unde intolerabilis anxietas, cordis palpitatio, syncope, & pessima alia, saepe tota vita manentia, mala. Constat ergo, vasa nostra vim habere contractilem, & illam posse augeri.

Considerandae jam sunt causae praecipuae, quae propriam vasorum contractilitatem augere possunt.

1. Omne illud, quod augeat elasticitatem, facit ut plus resistent fibrae, & vasa ex his composita, distendenti liquido; & cessante causa distendente, majori vi arctent cavitatem suam. Hae autem causae recensitae sunt numeris

ris

ris hic citatis: unicum sufficit hic repetere exemplum. In stabulis bene pascuis quietat equus, augebitur brevi corporis moles, laxata vasa plus distendentur, ubi verò quotidiano exercetur, & satis valido cursu, firmioribus redditus per exercitia solidis partibus, brevi incipit subsidere turgens moles, & aucta sic vasorum contractilitate distatur de corpore accumulatum liquidum.

2. Constat per observata Anatomica hodierna certissime, quod membranae, quae sua convolutione canales majores constituunt, consistunt mirabili vasorum textura. *Ruyfchius* (p) demonstravit suis injectionibus, arteriarum coronariarum propagines per aortae membranas dispergi; uti & per ramos majores arteriales ex aorta mox oriundos. Invenitur & hic tunica cellulosa; inveniuntur folliculi praeparantes, & emittentes unctuosum illud linimentum, quo interni arteriarum parietes obducuntur: omnia ergo tumorum genera, §. 112. n. 1. recensita, & hic fere locum habere possunt: arteriae enim in his membranarum possunt fieri aneurismaticae, vel & inflammatorie distenduntur; venae possunt fieri varicosae; loculi possunt mutari in tumores ampullosos; vasa lymphatica in phlyctenas, & hidatides. Sed evidenter patet, tumentibus vasis has membranas constituentibus, debere arctari cava canalium, qui ex his membranarum convolutis facti sunt. Observatum fuit, cervos mactatos, post diuturnum, & velocissimum cursum, habuisse totam aortam in externa superficie fere nigram, ob nimis impleta impulso sanguine haec vasa. Sed non ita facile apparet, quare vis contractilis propria vasis augeatur a majore tumore vasculorum membranas vasis majoris constituentium, cum augmentum contractilitatis tantum videatur pendere a majore elasticitate, & fortiori actione fibrarum muscularium: sed si consideretur, quod liquidum vi cordis impulsu distendens majorem canalem, eadem hac actione urgeat latera ejusdem canalis, hinc comprimat omnia vasa minora per membranas majoris canalis dispersa, patet, quod cessante hac causa distendente, mox iterum repleantur valcula illa, sicque conspirent cum contractilitate propria canalium, ut cavum minuant, & hoc sensu tumor impletorum nimis horum vasculorum juvat contractilitatem propriam majorum canalium, qui ex illorum contextu fiunt.

3. Dum cor expellit vi sua musculari sanguinem cavis suis contentum in arterias plenas semper naturaliter, sequitur necessario illas debere distendi eo usque, ut capere possint omnem sanguinem corde expulsum: hinc cordis systole est causa extendens arterias. Sunt ergo tunc arteriae in statu violento, & simulac cor cessat impellere, reagent elasticitate, & vi sua musculari, sicque cavitatem suam arctant; sed potest capacitas arteriarum esse major, vel minor, licet arteriae tamen plene sint: minuta enim liquidi contenti copia plus contrahuntur arteriae. Binae ergo causae sunt, quae arterias distendunt, nempe cordis vis sanguinem in arterias propellens, copia sanguinis in arteriis jam contenti: si minuatur cordis vis, inertia totius circulationis adest; si minuatur copia liquidi distendentis, inanitio peccat. Utroque in casu vis distendens vala minuitur: sed canalium omnium capacitas pendebat a binis causis contrariis, nempe ab impetu, & copia liquidi per vasa moti, & a vi contractili laterum resistente causis distendentibus; simulac ergo causae disten-

fluentes minuuntur, vis contractilis majorem effectum habet, id est, angustantur vasa. Hinc post mortem propria contractilitate, per frigus aucta, cessante cordis vi distendente, arteriae sunt angustissimae, & omnem sanguinem suum fere exprimunt in venas facilius dilatibiles. Vix credi posset, quantum contrahi possint vasa corporis, dum causae distendentes cessant, vel minuuntur multum. Dum Cholerae furibundo impetu sursum, & deorsum evacuantur humores tanta copia, mox sic contrahuntur vasa, ut pulsus vix possit sentiri; venae antea conspicuae evanescent penitus, facies contracta penitus sic mutetur, ut vel ab amicis post paucas horas vix agnoscantur tales aegri. Uterus in gravidis adeo distensus, excusso foetu, & secundinis, quam cito contrahitur, quam arctum habet post paucas septimanas cavum. Plura talia possent adduci, haec pro exemplo sufficiant.

UNDE DISSECTI CANALES LIQUIDA PROPRIA COERCENT BREVI. Ratio satis evidens est: Nam sanguis cordis vi pellitur in arterias, quo major est resistentia circa fines arteriarum, eo plus dilatat arterias; sed ubi arteria discissa est, resistentia nulla fere est, & libere effluit per apertum vulnus sanguis; hinc non distenditur arteria, sed propria contractilitate sensim plus contrahitur, donec tandem exitum liquidi effluxui impediat omnino. Hinc dimidiato discissa vasa pertinacissimam saepe Haemorrhagiam faciunt, quae curatur felicissime, si integre dicindantur, ut in Vulnere historia postea dicitur.

§. 114. **A** Ugetur crassities in ipsa membrana vasis. 1. ab omni tumore (112. N. 1.) orto in iis vasibus, quae unita, & contexta membranam efficiunt. 2. ab callis ibidem factis, cartilagineis, membranosis, ossibus (§ 51).

1. De hoc dictum fuit §. 112. n. 1. & §. 113. n. 2.

2. Demonstratum fuit §. 39. quomodo per ipsius vitae aetuositatem minima vasa plurima, liquido expulso, contiguis factis lateribus, concrevant; & imprimis ab hac causa debitum robur in solidis partibus nauci. In tenella aetate omnia vasa debilissima cedebant facile distendenti fluido, elongabantur pariter: hinc eo majus incrementum, quo origini suae propior homo est. In adulto homine major requirebatur firmitas corporis, & a concretis plurimis vasibus minoribus, majus robur accedebat firmis partibus, & vera nascebatur in multis partibus callositas; eo semper major, quo vita actuosior, & diuturnior fuerat: hinc in decrepita senectute, vel per nimios labores, tandem nimia nascebatur rigiditas. Ut autem maneat functionum integritas, requiritur debita flexibilitas in vasibus, ut cedere possint impulsibus liquidis; per callositatem nimiam flexibilitas vasorum minuitur, & membranae per callum factum redditae crassiores arctant cavum vasibus, quod constituunt. Observata Medica jam docuerunt in maxime longaevis, in cartilagineam, imo & osseam duritiem transire majores arterias. In Actis Anglicanis habetur, quod in cadavere senis centum, & triginta annorum invenerint Aortam, & Iliacas arterias pro maxima parte cartilagineas (q). In longaevo, & validissimis

cur-

curfus exercitato animali (Cervo) arterias in basi cordis toties offeas invenerunt, quae tunc in officinis *Os de corde cervi* vocantur. Verum tale os in media carne musculosa cordis humani inventum, quod quatuor pollices cum dimidio longitudine aequabat, latitudine vero pollicem, cum tamen vasa majora cordis minime offea forent, tantum subcartilaginea: nec poterat ultimae senectutis vitio adscribi hoc malum, cum observatum fuerit in cadavere viri 72. annos nati (r).

§. 115. **P**artium fluentium moles augetur, ut immeabilis fiat, vel 1. mutatione figurae sphaericae in aliam majori superficie incurrentem in aperturam vasculi; vel 2. adunatis pluribus prius sejunctis in unam massulam.

Petractatis causis illis obstructionis, quae arctando vasorum cavitates, viam praecludunt liquido transfluxuro, sequitur, ut considerentur illae mutationes fluidorum, per quas evadunt inepta, ut fluant per illas vasorum angustias, per quas in sanitate naturaliter fluere debebant.

1. In sanguine hominis sanis, projecto ex cordis cavis in arterias, haerent tot diversae magnitudinis partes, quot sunt in corpore distinctae vasorum series: per singulas enim vasorum decrescens amplitudinis series proportionales fluunt moleculee fluidi. Hoc quammaxime necessarium erat, ut omnia vasa manerent impleta: nisi enim in sanguine rubro forent tam magnae particulae, quae tantum possent transire per ultimas angustias arteriae sanguinem rubrum continentis; excluderent vero ab omni vase, cujus diameter minor erat ultimo fine arteriae rubrae; omnis sanguis dilaberetur ex vasis maximis: idem jam in reliquis vasis decrescens magnitudinis obtinet. Microscopia jam docuerunt, partes minimas visibiles liquidorum circumstantium sphaericas esse, & singulas sere tantum per ultimas vasorum angustias transire, & saepe adhuc cum quadam difficultate: sed ubi molecula liquidi, sphaericae figurae, maximo suo circulo applicata cavo vasi, potest transire, tunc patet evidenter, quod in quacumque alia positura aequali facilitate permeare poterit. Haec autem proprietas soli figurae sphaericae peculiaris est: si enim cylindricam v. g. figuram haberet talis molecula, tunc, si basi sua applicaretur vasis aperturae, transiret, si alio situ incurreret, penetrare non posset; hoc solidissime demonstravit *Pitcarne* in suis opusculis (r). Ubi ergo a quacumque causa molecularum fluida nostra constituentium figura sphaerica mutatur, tunc possibilitas aequabilis transmissionis per vasa tollitur: cum enim per cordis, & arteriarum motum reciproco cuilibet sanguinis particulae omni momento concilietur alius motus, & alia positura; requirebatur ad aequabilem motum per vasa talis molecularum sanguinis figura, ut in quocumque situ transire possent per ultimas vasorum angustias; sed hoc in sola figura sphaerica obtinet.

2. Per

(r) Vide & A&A Lipsiens. anni 1709. pag. 219. (r) Académ. des Sciences Hist. pag. 34. l' an 1726. (r) Dissertat. de circulat. sang. per vasa minima pag. 25. 26.

1. Per ultimas angustias arteriae rubrae solitarius rubri sanguinis globus transire potest, si jam vicini sanguinis globuli a quacunque demum causa concreverint plures in unam massulam, orificium canalis, quod singulos transmittere poterat, adunatis obstruitur: maximam autem proclivitatem esse in sanguinis partibus, ut concreverat, patet inde, quod extra vasa corporis, vel & in vasis, modo quiescat, sanguis citissime coagulatur.

Sed praeterea videtur aliud vitium obtinere posse, quo impedirentur fluidorum moleculae transire per ultimas vasorum angustias, si nempe manente eadem massa corporea expanderentur in majus volumen. Constat experimentis physicis calore augeri, frigore minui corporum volumina: si jam vel a calore, vel alia quacunque causa, moleculae fluidorum expanderentur in majorem superficiem, manente eadem massa corporea, tunc non possent penetrare ultimas suorum vasorum angustias: sed vix videtur molecula fluidi sic expansa resistere posse condensationi, quae per actionem vasorum, comprimentium has moleculas, imprimis circa ultimas vasorum angustias fit; ibi enim singulae fere vasorum lateribus contiguae premuntur fortiter, & condensantur: chylus enim, sanguine rarior, actione vasorum in sanguinem densiorem mutatur. Ob hanc rationem celeberrimus horum Aphorismorum Auctor rarefactionem molecularum inter causas obstructionum non recensuit.

Fuit praeterea quorundam opinio, ac si crassiora ingesta sanguini mista, obstructionem facere possent. Sed videtur ob stare absorbentium vasorum in tota corporis externa, & interna superficie tenuitas; & quod omne peregrinum sanguinem ingrediens statim cogatur transire per pulmonalium vasorum angustias.

§. 116. **M**Utatur figura imprimis, desinente acquabili, & undique simul, atque aequaliter premente pressione moleculae, proprio elateri jam commissae, hoc est languente motu, vel laxato vase, vel minuta copia liquidi.

Dum sanguis ex cordis cavis in arterias plenas projicitur, magna fit compressio omnium partium sanguinis in arteriis contenti, cessante cordis actione, arteriae contractae iterum valida vi premunt contentum fluidum: hinc omnes moleculae sanguinis actione cordis, & arteriarum compressae condensantur. Ob hanc causam eo densior sanguis fit, quo validiores fuerint cordis, & arteriarum vires: idcirco in robustis exercitatis hominibus densus solidus sanguis, in debilibus longe tenuior, nec adeo concrevens, invenitur. Dum paucis post passum horis homini sano sanguis mittitur, saepe magna copia chyli reperitur supernatas sanguini; ergo levior sanguis chylus est: sed postquam idem ille chylus per octodecim horas, imo, & minori tempore, cum sanguine fluxit, actione vasorum in serum, & sanguinem mutatus, longe majorem acquisivit soliditatem: actio ergo vasorum condensat liquidorum particulas. Sed quando per microscopium lustrantur pellucidae vivorum animalium partes, apparet, globosa fluidorum elementa per ultimas vasorum angustias quadam cum difficultate aliquando transprimi, & in oblongam cylindricam figuram mutari; superatis vero

his

his angustiiis, propria elasticitate pristinam recuperare figuram: unde apparet, illas moleculas fluidorum elasticas esse; hinc, ubi a compressione valorum liberantur, expandi in majorem molem. Sed quanam sunt illae causae, quae sanguinis elementa, quantum oculis etiam armatis patet, sphaerica efficiunt? si consideretur, valida cordis vi sanguinem pelli in vas conicum, reciproce ampliatum, & arctatum, incurvatum statim ubi ex corde egreditur; apparet facile, nullam sanguinis particulam eandem motus directionem servare per bina momenta successiva; hinc omnes partes continuo ad se mutuo attriti: quidquid ergo angulosi emerit in tali elemento sanguinis, totam vertiginem vicinorum sustinebit, & abradetur, vel complanabitur. Accedit praeterea, quod ultimae arteriarum angustiae circularem sectionem habeant; hinc & hanc figuram possent conciliare utcumque flexilibus partibus. Sic cera mollis, vel argilla, inter manus rotando sphaericam figuram acquirat. Si ergo causae illae, quae aquabili prestione figuram illam sphaericam fecerant, & factam conservabant, cessent agere; elasticae moleculae resiliunt, & ab hac figura recedunt.

Sed hoc imprimis fit a sequentibus, nempe **LANGUENTE MOTU** cordis, & arteriarum, quacumque demum de causa hoc fiat. Ex modo dictis ratio patet, & observata certa facti veritatem demonstrant. Pallido morbo laborantes virgines languidissimam habent circulationem; hinc omnia torpent: & cum functionum integritas ab expedito transitu fluidorum per vasa pendeat, hinc omnes actiones vitales, animales, naturales vel abolitae sunt, vel laesae; sanguis a debita soliditate recedens, aquosus tenuis fit, vel & iners lentusque, glutinosa tenacitate immeabilis: dum vero per ferrum, & exercitia corporis valorum in fluida actio augetur, redit color ruber, & debita sanguinis densitas. In similibus vero morbis longe pertinaciores fierent obstructions, nisi laxa simul vasa facile cederent.

LAXATO VASE. Omnis enim actio valorum in fluida consistit tantum in illo nixu, quo vasa ab impulso vi cordis liquido distenta conantur se contrahere in minus spatium; uti jam saepius dictum, & demonstratum fuit in praecedentibus: sed laxitate minuitur valorum robur; ergo & minuantur omnes effectus, qui a valorum debito robore pendunt.

VEL MINUTA COPIA LIQUIDI. Patebit hoc evidenter, si considerentur sequentia: cor sua vi pellit sanguinem in arterias; resistunt sanguini a corde expulso arteriarum plenitudo, elasticitas, & convergentes fines arteriarum: hinc sanguis per vim a corde datam fluit per arterias tali celeritate, cujus exponens est excessus virium cordis supra aggregatum resistentiarum: sed jam omnium resistentiarum aggregatum potest considerari tanquam potentia pellens a vertice Arteriae conicae basim versus: vis autem cordis agit contraria directione a basi versus verticem; hinc omnes partes sanguinis sunt quasi inter duo plana paralela prementia, unde summa, & simul aquabilissima compressio. Si jam valorum minuatur plenitudo, quae inter causas resistentes cordi numeratur, minuitur necessario compressio partium sanguinis, a qua pendeat major soliditas harum. Accedit quod minuta liquidi copia minus distendantur vasa; hinc minus reagant in fluida contenta. Probatur etiam fuit §. 25. n. 1. & §. 43. n. 3. a minuta copia liquidi debilitari solidarum partium compagem.

§. 117. **A** Dunantur moleculae, quiete, frigore, gelu, exsiccatione, calore, motu circulari violento, & vase forti comprimente, coagulo acido, austero, spirituoso, absorbente, viscositate, oleositate.

Binæ recensentur causae §. 115., quibus liquidorum moleculae sic augerentur, ut fierent immeabiles; nempe mutata figura, de qua actum fuit paragrapho praecedenti; & ubi plures particulae, antea separatae, nunc adunatae cohaerent inter se: causae illae jam enumerantur in hac paragrapho, per quas haec adunatio fit.

QUIETE. Causa fluiditatis in ipso sanguine non haeret: sani enim, & robustissimi hominis de naso stillans sanguis, purissimo vase exceptus, mox concrevit in placentam solidam: requiritur ergo alia causa, quae sanguinem tam facile concreverent fluidum servet, sed haec causa est motus sanguinis continuus per vasa; simulac ille cessat, statim sunt sanguinis coagula. Hinc syncopen sequentius passis toties insanabilis palpitatio cordis, & sanguine in majoribus alyeis circa cor, & in ipsis cordis cavis stagnante, & concreto in polypolas massas, non resolvendas postea. Ideo post mortem etiam in sanissimis ante mortem animalibus concretæ tales massæ circa cor, & in majoribus vasīs apparent. Quo fortior jam, & robustior homo est, eo majus periculum concretionis est, si a quacumque causa sanguis in vasīs quiescat: ideoque debilibus puellis non adeo periculosa sunt animi deliquia a minimis sæpe causis tam frequenter orta, quia illarum sanguis nimis dissolutus vix, vel saltem tardissime concrevit, quamvis immotus haereat.

FRIGORE, GELU. Dum aperta vena effluit sanguis, & purissimo vase excipitur, post tria, vel quatuor minuta coit totus in massam solidam, undique accretam plerumque lateribus vasīs, quo continetur: si vero glaciali sub frigore idem tentetur experimentum, citius longe concrevit, & congelatur, tuncque serum inde non exprimitur. Non adeo facile autem determinari potest, quo frigoris gradu sanguis congeletur, cum tam cito ex sua natura concrevit, etiam in aere calido; sed serum sanguinis circiter 28. gradu thermometri Fahrenheitiani concrevit in glaciem; hinc majus requirit frigus quam aqua, forte quia serum sanguinis salibus dives est. Sufficit ad hunc locum, quod frigus auctum sanguinem citius concrevere faciat: Ideoque in syncopem delapsi si tam diu haeserint, ut corpus penitus perfrigeret, tunc & a quiete, & a frigore simul conspirantibus irresolubiles nascuntur circa vasa majora, & cor Polypi.

EXSICCATIONE. Quando a quacumque causa subtilissima liquidorum pars diffilatur, reliqua crassiora concrevunt facilius. Nisi docerent experimenta, quis crederet, subtilissimum rorem arteriarum, ultimis finibus exhalantem in cavis narium, & pulmone, dissipata parte liquidissima, in tenacem adeo posse abire mucum, imo in coriaceas lemas mutari posse: mucus enim naturaliter obliuens has partes non fecernitur talis, sed ex limpidissimo humore stagnando nascitur. Dum conclamati Phthifici nocturnis disfluunt sudoribus, sanguis, diluente vehiculo orbis, circa cutanea minima vascula incipit haerere, & pu-

stulas

stulas inflammatorias facit. Ideo sudorem, in morborum acutorum principio ortum, damnavit Hippocrates in *Prorethico*, & *Coacis Praenotionibus*. Quia post mortem contractae elasticitate, & frigore arteriae expellunt liquidissima in venas, ideo sanguis plerumque in arteriis concretus apparet, non adeo in venis.

CALORE. Serum sanguinis fluidissimum ab aqua ebulliente coagulatur in scissilem massam: & in morbis, dum calor insurgit multum ultra gradum caloris hominis sani, statim incipit disponi sanguis ad concretionem: hinc respiratio tunc incipit esse difficilis, & anhelola, & cerebri actiones laeduntur, quia per subtilissima illa vasa sanguis, jam fere concretens, transire nequit: accedit simul, quod per calorem auctum subtilissima diffentur de corpore.

MOTU CIRCULARI VIOLENTO, ET VASE FORTI COMPRIMENTE. Quo debilior est circulatio, eo dilutior, & tenuior sanguis est; ut patet in debilibus puellis: quo validior motus humorum per vasa, eo spissior, & magis concretens sanguis; patet in duro labore exercitatis hominibus. Dum in variolis primo die morbi sanguis mittitur, apparet satis bonum; si tertio, vel quarto die educatur sanguis jam inflammatoriam illam crustam habet, quia per febrem acutam dissipatis liquidissimis, plus compactis crassioribus partibus, incipit nasci major cohaesio inter moleculas sanguinis: quamdiu enim plurimum tenuiores liquidi inter moleculas crassiores interponitur, pressio valorum non mutabit illarum figuram; sed si dilato tenuiori liquido, moleculae sanguinis crassiores, sibi contiguae factae, valida actione valorum comprimuntur, mutabitur figura sphaerica, & pluribus punctis se mutuo contingent, & concrecent. Dum autem robusta, & firma vasa magna vi premunt contenta fluida, subtilissima exprimuntur, crassiores partes relictae compressione hac adunantur.

COAGULO ACIDO. Non omnia acida sanguinem coagulant: vina enim acida, acetum, succi acidorum maturorum fructuum, lac eburatum &c. potius dissolvunt: sed acida fossilia, ex sale marino, nitro &c. parata, sanguini inducunt coagulum. Dum vivi animalis venis haec acida injiciuntur, mox sanguis in crassos thrombos concretit, qui per venas, sensim ampliores factas, ad dextrum cor delati, mox in pulmonem pulsi, anxietatem summam excitant, & paulo post mortem. Interim tamen bibulorum valorum oscula non facile haec acida acerrima admittunt; mox contracta etiam a longe levioribus stimulis. Dum atra bilis, aliquando tam acida, ut instar aquae stygiae pavementum rodant, erosus vas sanguini miscetur, subtilissima saepe mors a coagulato sanguine oritur.

AUSTERO. Talia sunt imprimis alumen, & vitriolorum species variae, quae fortissima coagula producant.

SPIRITUOSO. Notum est in Chirurgicis, alcohol applicatum vasis discissis validissimas haemorrhagias sistere, coagulo sanguini indurulo. Ipsum serum sanguinis ab alcohole affuso induratur illico. Hinc apparet, quantis se exponant malis, qui spiritibus illis fermentatis adeo abutuntur. Alia occasio (§. 28. n. 4.) recensetur mirum exemplum, quod nempe in ebriosa muliere omnia fere viscera invenirentur icthiosa, & indurata.

ABSORBENTE. Sunt quaedam corpora bibula, quae omnem humorem.

M

pro-

proximum vi quadam trahunt in se; sic gypsum, calx viva, ossa animalium diu exusta, terrae argillaceae valido igne excottae, omne liquidum, quod attingere possunt, imbuunt. Talia si miscerentur nostris humoribus tenuissima aborbendo facerent reliqua concrefcere. Rarius autem haec integris viribus sanguini miscentur; prius enim occurrunt liquidis, quibus saturantur: sed tamen in primis vis pessima inde mala fieri posse, imo mortem ipsam, testantur historiae. Plinius [1] narrat, C. Proculeium in maximo stomachi dolore, gypso potu, sibi mortem conscivisse. Strangulando suffocare gyplum potum monet Dioscorides [2].

VISCOSITATE. Quomodo inde nasci possint obstrukciones, explicatum fuit in *Capitulo de morbis a glutinosis spontaneo*, & imprimis ibidem §. 72.

OLEOSITATE. Quando in obesibus per validissimos motus, calorem aeris intentum, vel febres acutas, soluta pinguedo sanguini affunditur, saepe subita mors fit; quia illud oleosum minima vascula suo lentore obstruit, & impedit, quo minus alia liquida per minima vascula transcant: unde saepe subito lethalis peripneumonia nascitur, obstruclis sic pulmonalis arteriae angustis.

§. 118. **E**Rrore loci partes fluidi sunt non meabiles, si in os dilatatum ad basin canalis conici ruit corpusculum, finem longe angustiore tranare non potens. Plethora, motus auctus, rarefactio liquidi, laxatio vasis, dilatationem hanc prae caeteris creant; maxime si his praegressis, statim contraria horum sequuntur.

Haecenus enarratae sunt obstrukcionis causae, quae vel vasis cavum arctent, vel liquidis per vasa fluentibus concilient immeabilitatem, per mutatam figuram molecularum fluidi, vel adunationem earundem. Sequitur jam alia obstrukcionis causa, ubi vasis debitam amplitudinem retinentibus saltem non arctioribus redditus, fluidisque manentibus iisdem in omnibus suis dotibus, tamen obstrukcio nascitur: dum nempe crassiores fluidorum molecule dilatata oscula minorum vasorum ingrediuntur, per quorum ultimos fines transire nequeunt; atque haerent tunc immeabiles fluidorum particulae in vasis alienis: hinc tantum peccant loci mutatione, unde haec causa obstrukcionis vocatur *Error loci*.

De hac obstrukcionum causa non adeo frequens mentio fit apud Auctores, quamvis in morbis acutis frequentissima mortis causa sit. Apud Veteres, circulationis sanguinis ignaros, obicure satis in quibusdam locis adumbratur hoc vitium. Dum phlegmones naturam describit Galenus, [3] dicit: *quum sanguis calidus copiosior in aliquam animalis partem procubuit, majora ejus vasa protinus discenduntur, quae plenitudinem non ferunt, ab his deinceps, quae minora sunt. Max, ubi nec in eis satis continetur, exsudat foras in illa ampla spa-*

(1) Lib. XXXVI. cap. 24. (2) lib. V. cap. 134. (3) Method. Med. lib. X. cap. 6. Charter. Tom. X. pag. 233.

spatia; quae inter vasa sunt, sicut etiam omnia, quae in composita carne habentur, loca occupet. Unde concludi potest, quod in phlegmone sanguis aliena loca ingreditur.

Ut autem evidenter pateat, quomodo per errorem loci nascatur obstructio, sequentia merentur expendi.

Pars maxima in sanguine est globus ruber, qui naturaliter tantum in vasis maximis haeret; ultimae jam angustiae arteriarum, rubrum sanguinem vehentium, unicum tantum globum rubrum talem transmittunt, & saepe adhuc cum quadam molestia; ut patuit, dum in vivorum animalium pelucidis partibus per microscopia observabatur circulatio; omnia tenuiora ex arteriis rubrum sanguinem vehentibus, per lateralia vasa minora, ex his arteriis orta, elabuntur; solum craffissimum rubrum per ultimas angustias arteriae rubrae transiens venam rubram ingreditur: proximum magnitudine vas post arteriam rubram omnia liquida recipit; excludit tantum sanguinem rubrum, & in hoc vase retinebitur etiam craffissima pars liquidi, per illud transeuntis, nempe globus serofus: reliqua tenuiora per minora vasa, ex arteria serofa orta transibunt. Sicque ex analogia credere licet, similem legem in reliquis decrefcentium vasorum seriebus obtinere. Per singula ergo diversa magnitudinis vasa fluunt quaedam particulae tam magnae, ut minora vasa ingredi non possint, & haec particulae constituunt naturalem, & proprium singulis vasorum seriebus liquidum. Sic maximum vas transmittere potest omnes humores; minora autem vasa tantum transmittunt omnia fluida tenuiora una cum suo liquido naturali, unde nomen habent: arteriae enim rubrae omnes humores recipere, & transmittere possunt, arteriae serosae rubram partem sanguinis excludunt, transmittunt autem globos serofos, & omnia his tenuiora fluida. Arteriae jam rubrae ultimus finis, ubi in venam rubram transit, debet habere majorem amplitudinem, quam arteria serofa ex arteria rubra orta; aliter enim sanguis ruber non maneret in suis vasis, sed arterias serofas ingrederetur; unde minima arteria rubra vasorum maximorum minimum est, sed vasorum minimorum maximum.

Si jam a quacumque causa augeatur diameter vasculi lateralis ex majori vase orti, v. g. si major fiat apertura arteriae serosae ex arteria rubra orta, poterit globus ruber dilatatum principium arteriae serosae ingredi; sed in canali conico, aucta semper angustia, brevi haerebit, & nullo modo per ultimos fines arteriae serosae transire poterit: nata ergo erit obstructio, cum moles particulae transfusurae capacitatem vasis transmittentis excedat. Hoc vitium jam obtinere potest in omnibus locis, in quibus vasa minora ex majoribus derivantur; & potest fieri a totuplici materia, quocumque est numerus decrefcentium magnitudine particularum in sanguine; excepto subtilissimo totius corporis fluido, quod per omnium minima vasa fluit: illud enim nunquam poterit errore loci ullum vas obstruere.

Causae autem, quae vasorum capacitatem augent, imprimis sunt sequentes.

PLETHORA. Dum nimia copia boni sanguinis in corpore adest, omnia vasa rubrum sanguinem gerentia turgent: hinc illa, mole aucta, comprimunt adjacentia tenuiora vasa: sed dum arteria rubra nimio sanguine impleta,

distenditur, distrahuntur latera hujus vasis; hinc oscula minorum vasorum, ex lateribus arteriae rubrae ortorum, ab eadem causa fient ampliora, & admittent crassiores partes, quam naturaliter capere deberent. Ideo videmus, adnatam tunicam oculorum, quae naturaliter sanguinea vasa rubra non habet, adeo saepe rubere in plethoricis.

MOTUS AUCTUS. Quomodo per motum auctum fiat major amplitudo ad vasorum initia, & liquida crassiora impellantur in vasa tenuiora, explicatum fuit §. 100.

RAREFACTIO LIQUIDI. Si per calorem auctum, vel aliam quamcumque causam possibilem, augeatur liquidi vasis contenti volumen, manente eadem massa corporea, debet vas continens dilatari: ergo vas dilatatum poterit admittere crassiores partes, quam quae naturaliter per hoc vas fluebant. Dum foco quis affidet, partes externae per calorem tumentur, rubebunt magis, quam naturaliter solebant.

LAXATIO VASIS &c. Amplitudo vasorum pendet a binis sibi invicem oppositis causis. Liquidum vi cordis impulsu nititur dilatare canales, qui suarum fibrarum robore resistunt impulso liquido: si binae hae vires forent aequales, canales manerent in eadem amplitudine; si vero praevaleret impetus impulsu liquidi, dilatabitur canalis, & quidem eo plus, quo major est excessus virium impulsu liquidi supra resistantiam laterum canalium. Si ergo, laxato vase, minuat resistantia laterum, impulsu liquidum magis dilatabit canales; & molecule fluidi poterunt ingredi canales dilatatos, quae antea excluderentur. Dum pars corporis diu exponitur vapori aquae tepidae, tument, & rubebit, sanguine rubro nunc ingresso vasa minora dilatata. Ab hac causa toties adnata oculorum tunica, facillime dilatandis vasis constans, rubet; cum naturaliter ejus vasa sanguinem rubrum non habeant. Hinc austrina calida tempestate, & humida sine ventis, inter morbos populares recenset, & ophthalmias Hippocrates (§. 7); ab hac causa, ut videtur, imprimis ortas: nihil enim magis laxa reddit corpora, quam talis aeris constitutio.

MAXIME SI HIS PRAEGRESSIS STATIM CONTRARIA HORUM SEQUANTUR. Dum valido corporis motu quis calefcit, aucto sanguinis impetu, & velocitate, dilatata vasa acceperunt alienos humores; hinc totum corpus in cute externa adeo rubet post validum cursum: si tunc in calido aere, bene recto corpore, quiescant, minuta celeritate sanguinis per vasa moti, incipiunt proprio robore vasa omnia se plus contrahere, & repellere crassiora impulsu in vasa latiora; redeuntque sensim omnia in pristinum statum: si vero aestuanti sic corpori frigida adspiret aura, gelidive affatum bibatur potus, quanta mala! Subito enim frigore contracta vasa crassiora fluida, quae ingressa fuerant, retinent, nec possunt haec retenta per angustissimos fines transire; unde saevissimae inflammationes, & morbi saepe subitissime lethales fiunt. Quoties hoc occurrit in praxi, quod, aestivis calidioribus, & labore valido natam situm dum gelido potu avidissime hausto expleant Rustici, saepe subito moriantur; vel sic mutatum habent in omnibus functionibus corpus, ut nihil fere de pristina sanitate superstit

Dum

Dum pulvere ac sudore perfusus, in calidissima regione, fervidissimo diei tempore Alexander Cydnum amnem ingreditur, ut corpus ablueret: vix ingressi subito horrore artus rigere coeperunt, pallor deinde suffusus est, & totum propemodum corpus vitalis calor reliquit. Expiranti similem Ministri manu excipimus, nec satis competentem mentis in tabernaculum deferunt. (τ) Tamen subito in valido, juvenili, & bellicis laboribus durato corpore prosternebantur omnes vires: sanissimum antea gravissimus mox opprimebat morbus; a quo Philippi Medici fide, & periticia vix evasit.

§. 119. **U**Nde causae, & natura obstructionis cujuscunque patent.

Natura obstructionis tantum consistit in impedito transfluxu fluidi per vas; & omnes causae fuerunt recensitae, quae agebant arctando vasa, vel inspissando liquida, vel & utrumque simul efficiebant.

Sed adhuc dubium videtur, an quidem obstructio nasci possit in omnibus vasibus: certum est in vasibus conicis, per quae liquida feruntur directione motus tendente a basi versus apicem, posse fieri obstructionem: fluidi enim particulae omni momento occurrunt angustiori sectioni coni; hinc, quae circa basim libere penetrabant, poterunt in ultimis angustis convergentis canalıs facile haerere: tuncque liquidum a tergo urgens immeabilem moleculam angustioiorem semper locum versus premit, sicque obstructionem augeat. In canalibus cylindricis, sive, ut Pitcairius dicit, quorum latera parallela sunt lineae motus, poterit forte nasci obstructio, sed non ita facile; omnes enim fluidorum particulae, quae semel potuerunt ingredi talem canalē, poterunt & transire, cum ubique sit aequalis amplitudo. Possent tamen moleculae fluidorum fastae fuisse rarefactione v. g. majores, & hinc difficilius transire; sed a tergo urgens liquidum videtur hanc resistantiam facile superare debere. Verum est, quod concipi possit, moleculam, aptam transire per canalē cylindricum, aucto volumine, vel adunatam aliis distendere partem vasis cylindrici flexilis, ubi haeret, & sic obstructurē; sed tunc non amplius manet cylindricus ille canalıs: non haberet enim, tunc aequalem ubique amplitudinem, & obstruens illud ibi haerens pelletur directione motus ex majori amplitudine in minus spatium; & tunc idem obineret, quod in arteriis fieri modo dictum est.

In venis autem, in quibus directio motus a vertice conici canalıs versus basim tendit, obstructio locum non videtur habere posse, nisi ab externa compressione vasis: quidquid enim angulum verticis officium transiit, facile reliquis sectionibus canalıs, semper ampliores; pervadere poterit, & adunatae licet supponantur fluidi moleculae, cum non sustineantur lateribus divergentibus venarum, facillime abripiuntur impetu subsequētis liquidı: uti demonstravit in suis dissertationibus Pitcairius [a].

M 3

Sed

(a) Q. Curtii lib. II. cap. 5. (*) Dissertat. de Circulatione Sanguinis in Animalibus generis, & non generis pag. 107. 108. 109.

Sed & experimenta in vivis animalibus facta hanc rem demonstrant. Dum venae crurali canis immisi alcohol, sanguis statim in thrombos coagularus deferebatur tamen per totam longitudinem venae ad cor dextrum; ex hoc vero in pulmones pulsi thrombi haerebant statim; summa nascebatur anxietas; conabatur summo respirationis molimine animal superare has angustias; moriebatur brevi. Dum tam valido coagulante non oriebatur obstructio in venis, a levioribus causis multo minus hoc fieri.

Hinc in canalibus, per quos vitae tempore perpetuo motu feruntur liquida, non videtur nasci posse obstructio, nisi directio motus sit a latiori amplitudine versus majores angustias.

Nec obstat, quod ductus hepaticus, & communis, ad venae naturam accedens, obstructur saepius, licet ex angustis fistulis in latiore ductum hepatis fabrica tectus liquor deferatur: nam ductus communis intestini duodeni exteriorum tunica penetrans, inter hanc & alteram descendit, mox perforata & hac, inter secundam & tertiam longo satis itinere progreditur, tunc tandem in cavum intestini patulo osculo hiat. Hinc plurimae possent esse causae, quae ultimum illud osculum arctant, vel & penitus occludunt, sicque liberum bilis iter impediunt, quae tunc stagnans concrefcere poterit; uti observata Anatomica docuerunt.

In majoribus autem alveis, & sinibus, in quibus sanguis venosus colligitur, & haerere potest, nasci posse concreciones polyposas, & inde obstructions, certo constat.

§. 120. **Q**uae nata in corpore vivo impedit transitum fluxurae materiae; reliqua impingentia sistit; horum actionem excipit; subtiliora exprimit; adunat crassiora; vas extendit, dilatat, attenuat, solvit; fluidum stagnans condensat; functionem integro fluore oriundam tollit; vasa inde irriganda deplet, siccat; capacitatem vasorum transmittendis liquidis minuit; copiam liquidi, velocitatemque per libera vasa augeat; adeoque omnia, quae inde pendere possunt, mala producit.

Explicatis jam causis, & natura obstructionis, expendi debent illa omnia, quae ex obstructione ut causa sequuntur.

QUAE NATA IN CORPORE VIVO IMPEDIT TRANSITUM FLUXURAE MATERIAE. In cadavere enim, ubi nullus motus liquorum per vasa superest, non nocebit obstructio: & ex ipsa definitione obstructionis §. 107. hoc evidenter patet; tunc enim dicebatur adesse obstructio, quando transiit liquidi per canalem tollebatur, a quacumque demum causa fieret.

RELIQUA IMPINGENTIA SISTIT; HORUM ACTIONEM EXCIPIT. Dum vivimus, jugi motu fluida per vasa feruntur, & quidem satis magno impetu; nam uti alia occasione dictum fuit, digito pedis abscisso per apertas arterias ad binorum pedum & ultra distantiam expellebatur sanguis: dum ergo analis obstructus est, liquidum vi cordis, & arteriarum urgetur in locum obstructum.

struētum illa quantitate morus, qua potuisset ad extrema corporis ulque tanta adhuc cum celeritate pervenire; & singulis contraactionibus cordis & arteriarum renovatur haec vis agens in locum obstructum: cumque illud immeabile obstruens haereat in canali conico, per quem liquidum a basi versus verticem pellitur, omni momento protruditur versus angustiores locum: hinc omne liquidum impingens silitur ad locum canalis obstructum, & materia obstruens immobilis haerens omnem impetum liquidi a tergo urgentis sustinere debet.

SUBTILIORA EXPRIMIT, ADUNAT CRASSIORA. Obstructio raro locum habet, (nisi a compressu externo, vel errore loci facta fuerit), praeterquam in ultimis vasorum angustis: hinc si v.g. sanguinis rubri globuli circa ultimos fines arteriae rubrae immeabiles haereant, quid fiet? Sanguis habet in se plurima minoribus moleculis constantia fluida, & omnis canalis major habet ramos laterales minores, per quos fluidissima transire possunt, crassiores vero partes minime; hinc dum vis cordis, & arteriarum sanguinem pellunt in locum obstructum, necessario fluidissima, inter duo quasi praela opposita pressa, transibunt in canales laterales minores, sola crassiora manebunt, apprimuntur contra locum obstructum, augebunt materiam obstruentem. Sed sanguis sanus ex sua natura in concretionem tendit, orbarus vero tenuissima parte longe magis concreset; & hinc augebitur malum. Dum in vera phrenitide sanguis, per arterias vertebrales, & carotides allatus, immeabilis haeret ad fines vasorum, cor pergit per arterias omni momento bonum forte adhuc sanguinem adferre; sed per canales laterales liquidissima exprimuntur, crassiora accumuluntur, donec infarctis fere omnibus corticis cerebri vasis immedicabilis reddatur morbus. Inde adeo malum signum in Peripneumonia habetur, si sanguis vena missus dilutus vix concreseat; denorat enim, sola tenuiora per pulmonis vasa transprimi, omnia crassa accumulari.

VAS EXTENDIT, DILATAT, ATTENUAT, SOLVIT. Dum cor sanguinem pellit in arterias, illae distenduntur: sed hoc fit ideo, quia arteriae plenae sunt, & magna resistentia fit liquido impulso a convergentibus arteriarum finibus: si enim arteriae vacuae forent, vel nulla resistentia foret circa fines, sanguis ex corde in arterias pulsus libere perfueret, nec urgeret latera, ut recederent ab axi canalis. Quo ergo pleniores sunt arteriae, quo major resistentia circa fines, eo plus dilatantur a sanguine vi cordis impulso: sed canalis obstructus ante locum, ubi haeret obstructio, plenus est, & maxima simul fit resistentia liquido impulso; hinc necessario sequitur canalis obstructi dilatatio. Dum ligatura injecta liberum sanguinis per venas iter impeditur, mox ante ligaturam tument dilatatae: sed dum vas extenditur, fibrae solidae, latera vasis constituentes, distrahuntur, minuuntur puncta contactuum, & hinc debilitatur cohaesio: uti explicatum fuit §. 25. n. 3. Latera ergo vasorum minus possunt resistere causis distendentibus; & hinc magis dilatantur, donec tandem fiat cohaesio nulla, id est ruptura. Si jam consideretur obstructionem in maximis vasis raro obtinere, temper fere tantum in minimis; & quod canales maximi inter minimos, ultimae nempe arteriae rubrae, ne quidem decimam partem capilli aequant; patebit facile, his obstructis lumen metum esse rupturae vasorum, longe majus autem periculum in ultimis fieri.

sterosis, lymphaticis &c. arterioliis erit, si obstruantur. Ob hanc rationem, ubi valida inflammatio duravit per quatuor vel quinque dies, nimia distensione ruptis vasis tenerrimis obstructis, gangraena, vel saltem suppuratio sequitur: frustra tunc expectaretur benigna resolutio.

Sed vasa obstructa, & hinc dilatata, comprimunt alia vasa vicina: hinc & in illis obstructio nascitur; sicque augetur malum.

FLUIDUM STAGNANS CONDENSAT. Expressiones partis liquidissimae, & compactione crassioris haerentis; uti modo dictum fuit.

FUNCTIONEM INTEGRO FLUORE ORIUNDAM TOLLIT. Sic incipimus videre, quam multiplex morborum species a sola obstructione oriri potest: omnes enim functiones a libero fluxu fluidorum per vasa pendent; hoc impedito, turbantur omnes, vel & cessant omnino. Si polyposae massae concretae circa magnum sinum dextri cordis pellantur in arteriam pulmonalem, nullum est de vita: si venae portarum ramuli in hepate obstruantur, nullum fiet bilis secretio &c. Cum ergo a tot causis obstructio nasci possit, forte mirum videri posset, non saepius deleri, vel turbari functiones, dum forte quaedam vasa, per haec vel illa viscera dispersa; obstruuntur saepius: sed docuerunt Anatomici, vasa per viscera dispersa, ubique fere emissis ramulis communicare; hinc, licet quaedam ex illis obstruckta fuerint, manet tamen liber circuitus per reliqua; nec statim a levi obstructione laedetur viscerum functio.

VASA INDE IRRIGANDA DEPLET, SICCAT. In multis partibus corporis sanguinis distributio fit per unum vas adferens: v. g. singulis renibus unum plerumque arteria sanguinem dat; axillares arteriae brachiis prospicunt &c. patet evidenter, his vasis obstructis, nihil deferri posse ad omnes illas partes, quae inde vitam hauriebant sanguinem. Sed vasa nostra, nullis liquidis distenta, collabuntur, vel saltem se in minimam contrahunt diametrum. In vasis majoribus, ubi obstructionis causa abhata est, magno impetu irruens liquor collapsa vasa, vel contracta, iterum distendit: sed si in minimis vasis a simili causa talis collapsus factus fuerit, & manserit aliquamdiu; contigua latera concretescent brevi; & impervia manebunt tota vita, omnesque functiones, quae a libero per haec vasa trajectu pendebant, erunt abolitae. Saepe accidit, post morbos acutos inflammatorios capitis, remanere surditatem, vel amaurosim, tota vita incurabiles: forte ab hac causa, quod obstructis inflammatione majoribus canalibus, minora inde derivata, compressa vel collapsa, concreverint. Dum in Apoplexia omnes cerebri actiones silent, raro curatur, quin maneat aliquod vitium in hac vel illa cerebri functione, fere semper incurabile.

CAPACITATEM VASORUM TRANSMITTENDIS LIQUIDIS MINUIT; COTIAM &c. Dum obstructa vasa transmittere nequeunt impulsu vi cordis liquida, debet in reliquis vasis liberis haerere omne illud, quod per vasa obstructa transire non poterat: cum enim obstructio fere semper in arteriis fit, omne liquidum, quod pone locum obstructum in arteriis haeret, per venas redibit ad cor, illae enim facile deplentur: sic manebit eadem copia liquidi movendi, interim minuto canalium numero; hinc si notabilis pars corporis in suis vasis obstructa sit, reliquae partes necessario majori copia liquidi distendentur; & inde fient

fient omnes plethorae effectus, & debet omne illud suprapondium liquidi vel manere in vasis liberis distentis, vel debet augeri circulationis velocitas, ut, manente eadem copia liquidi, dato tempore per minores numero canales cor pellere possit sanguinem. Vivo cani, aperto abdomine, ligavi descendens aortae truncum: omnis sanguis partium inferiorum, animalis nixibus inter haec tormenta, accelerato motu redibat ad cor; sed non poterat vel guttula sanguinis ad inferiora transmitti: mox oriebantur summae anxietates; cor celerrime palpitabat; oculi prominebant sanguine suffusi; lingua, turgida sanguine, extra os prominebat; ingens copia spumae circa os colligebatur, & moriebatur brevi animal. Dum cibi, & potus larga copia distentus ventriculus aortae truncum premit versus inferiora tendentem, turgida facies, rubri oculi, pulsus austus, respiratio celerior, docent & copiam sanguinis in partibus superioribus austam esse, & celeritate majori per vasa sanguinem fluere; unde tot apud observatores habentur exempla hominum, qui largas inter epulas apoplexia correpti perierunt.

ADEOQUE OMNIA &c. Haec certe ipsissima sunt: omnes enim functiones a libero trajectu fluidorum per canales debitos pendent: sed obstructio nata hunc liberum transfuxum impediens, potest omnes & singulas functiones laedere; & cum functio laesa morbus sit; ergo tot possunt diversi nasci morbi ex obstructione, quot possunt laedi diversae functiones.

§. 121. **Q**Uare pro diversitate vasis obstructi, & materiae obstructantis, illi effectus [120] variatis apparent phaenomenis.

Cum ingens morborum numerus, qui ex obstructione nasci possunt, impediatur, quo minus describantur singuli, sufficiet notasse praecipua capita, unde vari effectus obstructionis pendent. Longe alia enim apparebunt phaenomena, dum sanguis inflammatoria densitate immeabilis factus haeret in venerrimis corticis cerebri vasis, quam si idem ille sanguis obstruxisset renum valcula multo firmitiora: atque etiam longe major spes curationis affulget in inflammatoria tali obstructione corticis cerebri, quam si atrabilaria materies fusa, mota, picea fere tenacitate haec valcula obstruxerit. Aliquando enim materies obstruens talis est, ut dissolvatur sensim, modo minus urgeatur: a tergo per impetum vitalis humoris; aliquando rebellis ad omnia insanabilem morbum facit. Si scirrhus confirmatus, vel malignus cancer, obstructionem fecerint, nec manu tolli possint, quis curam promittere audebit?

§. 122. **I**N vasis Sanguiferis arteriosis rubris inflammatio primi generis fit, in arteriosis serosis flavis rubra inflammatio errore loci, vel flava propria illi vasi, calida flava, in Lymphaticis arteriosis dilatatis inflammatio secundi generis flava, errore loci; vel pellucida, calida, propria illi vasi; in arteriosis vasis Lymphaticis, majoribus, oedema calidum; in minoribus do-

lores

lores sine apparente tumore; in pinguiferis, ossis, medullofis, nervosis, biliosis alia.

IN VASIS SANGUIFERIS ARTERIOSIS RUBRIS INFLAMMATIO PRIMI GENERIS FIT. Generalis idea omnis obstructionis supponebat excessum molis transituræ supra capacitatem vasis transmissuri, uti definitum fuit §. 107. hinc potest in omni vase obtinere, per quod liquidum fluit, in minimo aequè ac in maximo: sed ruber sanguis naturaliter tantum invenitur in vasibus maximis; hinc, si in his canalibus obstructio fiat, hærebit crassissima pars sanguinis, id est, rubra, in angustissimis ultimis horum vasorum; si tunc impetus vitalis pergat a tergo urgere illud obstruens, erit inflammatio in vasibus maximis inter minima, & vocabitur inflammatio primi generis. Sed ex vasibus maximis oriuntur minores vasorum series; hinc ubi per maxima impediretur humorum circuitus, nihil sere ingredi posset minora ex his orta vasa, unde brevi mors in toto, vel in parte.

IN ARTERIOSIS SEROSIS FLAVIS RUBRA INFLAMMATIO ERRORE LOCI, VEL FLAVA PROPRIA ILLI VASI CALIDA FLAVA. Vas sanguineum, rubrum proximum magnitudine sequitur vas serolum, quod solam partem rubram excludit, reliqua omnia admittit: sed in his vasibus dilatatis circa principium possunt aliquando impelli globi rubri sanguinis, nec penetrare tamen per ultimas angustias, hinc errore loci obstructionem facere, ut dictum §. 118. erit tunc inflammatio rubra hærens in vasibus non rubris naturaliter. Sed uti in vasibus maximis rubris crassissima sanguinis pars, mutata figura molecularum, vel adunatione earundem, poterat inflammationem facere his vasibus propriam; sic & crassissima liquidi; per arterias serosas flavas fluentis, pars hærens circa ultimas angustias horum vasorum, poterit facere inflammationem serosis vasibus propriam: & cum hoc possit fieri, licet nihil rubri ingressum fuerit hæc vasa, flava erit hæc inflammatio, non rubra.

IN LYMPHATICIS ARTERIOSIS DILATATIS INFLAMMATIO SECUNDI GENERIS FLAVA, ERRORE LOCI; VEL PELLUCIDA, CALIDA, PROPRIA ILLI VASI. Vas, quod proxime sequitur magnitudine vas serolum, jam non habet amplius coloratum liquidum; omne enim rubrum, & flavum angustia horum vasorum excluditur: sed, & dilatata horum vasorum oscula poterit ingredi flavum serolum, & sic in his vasibus nasci poterit per errorem loci inflammatio flava. Atqui etiam crassissima pars liquidi per vasa hæc lymphatica fluentis per communes obstructionis cujuslibet causas, poterit reddi immeabilis, & facere inflammationem huic vasi propriam. Eadem jam doctrina poterit applicari reliquis decrescensuum vasorum seriebus, de quibus per solam Analogiam aliquid dicere possumus tantum; Anatomica enim horum vasorum demonstrationes deficiunt.

Inde patet, quod in maximis vasibus, id est sanguineis rubris, unica tantum inflammationis species obtinere possit, immeabili nempe reddito liquido naturaliter per maxima vasa fluente: in reliquis vero decrescens magnitudinis vasibus duplex esse possit inflammationis species: una ab errore loci, admissio li-

quido

quido crassiori per oscula dilatarā; altera a liquido naturali horum vasorum immeabili facto.

IN ARTERIOSIS VASIS LYMPHATICIS MAJORIBUS OEDEMA CALIDUM. Quousque haec vasorum divisio in minora pertingat, quis dicere poterit? Majora vasa inflammata, liquidis coloratis distenta, tumore, & mutato colore loci, quem occupant, sub sensu nostros cadunt: sed ubi tanta vasorum tenuitas est, ut nec naturaliter, nec errore loci, capere possint colorata liquida, tunc, his vasīs inflammatis, non mutabitur loci affecti color. Interim tamen distenta vasa, & turgentia liquido, pellucido quamvis & non colorato, possunt molem partis augere, & facere tumorem. Generali nomine omnes tumores vocabantur *oedemata* (ut dictum §. 122.) & postea imprimis hoc nomen dabatur aquosis frigidis tumoribus: sed cum in hoc casu calor addit, omnis inflammationis in majoribus vasīs comes; hinc talis tumor dicebatur oedema calidum: sed hoc tantum obtinet, dum in majoribus lymphaticis arteriis inflammatio adest.

IN MINORIBUS DOLORES SINE APPARENTE TUMORE. Omnes sensus, imo omnem sere captum fugere minima corporis nostri vascula, satis firmis probatur argumentis. In primo enim pulli flamine punctum illud saliens movebat liquida, vasīs contenta, sed quantae tenuitatis! Nervorum mirabilis structura; cerebri per nervos, ad partes corporis delatos, tam distincta actio in singulis muscūlis movendis, pro voluntatis arbitrio; sensuum organa tam vivida actione in mente distinctas adeo ideas excitantia &c.; hanc rem satis evincunt. Sed si minima haec vascula inflammentur, & tumeant, non augebunt ad sensus molem partis affectae; poteruntque tamen acerbissimos exciāre dolores: nam in saevissima podagra, & dolentissimo rheumatismo, saepe nullus tumor apparet. Mitior semper horum malorum indoles observatur, quando partes affectae tument.

IN PINGUIFERIS, OSSEIS, MEDULLOSIS, NERVOSIS, BILIOSIS ALIA. Prout jam diversi per vasa feruntur humores, prout diversorum viscerum vel partium corporis fabricam constituunt vasa, orientur ab horum obstructione varia mala. Si enim in pinguedinis vasīs hoc fiat, calore & stagnatione cito corrumpendum pingue in pessimam converteitur ranciditatem. Ossis vasa inflammata cariem, exfoliationem, exostoles, tophos &c. producent; quae recondita ossium cavis tenerrima vasa medullare oleum a sanguine lecernunt, si inflammentur, medulla corrupta osse cavo clauso contenta terribiles morbos producere poterit. Nervi ipsi acerrimos dolores, dum inflammantur, parient, & peribit omnis nervorum sic affectorum usus ad sensus, & motus. Biliosa vasa obstructa impediēt, quo minus bilis, a sanguine venoso abdominalium viscerum per hepatis fabricam separata, ad debita loca feratur; sed regurgitans in sanguinem cacochymiam biliolam faciet, & plurima, quae inde sequuntur, mala.

§. 123. QUI vero sedem, naturam, materiem, causas, effectus obstructionum, hucusque (107. ad 123.) tradita novit; illi signa, quibus futura, praesensque obstructio, ut & ejus effecta, sciuntur, ignota non erunt.

In hac paragrapho agitur, quomodo, & ex quibus signis in *Diagnosi* concludatur, obstructionem adesse; quomodo in *Prognosi* futura praevideatur; uti & effectus inde secuturi: sed ex illis, quae praecedentibus hujus Capituli paragraphis dicta sunt, haec omnia facile deducuntur.

SEDEM. Obstructio, facta ab externa causa, vasa comprimente, in omni loco canalisi nasci potest; a reliquis causis enarratis orta obstructio imprimis haerebit circa maximas vasorum conicorum convergentium angustias.

NATURAM. Quae, ex definitione data §. 107. tantum in excessu molis transiturae supra capacitatem vasis transmissuri consistit.

MATERIAM. Quae tot habere potest diversitates, quot sunt distincta suis dotibus fluida per proprios canales mota: sed & idem liquidum, varia degeneratione morbosa, distinctas concretiones facere potest; unde iterum materiae obstructionis ingens varietas. Potest v. g. sanguis inflammatoria tenacitate immobilis reddi; potest in polypos con crescere; potest frigido mucoso glutine lentescere &c.

CAUSAS, quae hactenus recensitae sunt, & vel angustando vasa, vel augendo moleculas fluidi, vel denique errore loci agunt.

EFFECTUS, qui iterum varii sunt, ratione vasis obstructi, & materiae obstructantis; & pro vario impetu, quo liquidum pellitur in locum obstructum.

Quomodo jam ex omnibus his cognitis habeatur *Diagnosis*, & *Prognosis*, dictum fuit §. 27.

§. 124. ET cognita hac ejus diversitate, difficile non erit, propriam cuique curationem tradere.

Nulla generalis regula in cura obstructionis dari potest, sed sollicite indaganda est causa, quae obstructionem fecit; hac enim cognita, tantum certi quid statui potest. Solet quidem dici, in omni obstructione conducere, ut vas obstructum laxetur, ut facilius cedere, & dilatari posset, & sic transmittere infarctum liquidum: sed si ab errore loci nata sit obstructio, laxatio vasorum an conducet semper? Certe §. 118. demonstratum fuit, inter causas erroris loci merito recenseri laxationem vasis. Alterum generale indicatum in cura obstructionis praedicabatur dissolutio concreti obstructantis: sed nisi ex historia causarum noverit Medicus, cujus naturae fuerit illud concretum, haerebit anceps. Aliam enim medelam poscit inflammatoria densitate concretescens sanguis, quam si inerti frigido mucosus lentescant humores. Idem in reliquis verum est: hinc pro varietate causae cognitae, obstructionis varia erit curatio.

§. 125. **N**am illa, quae a compressu externo [112], indicat ablationem causae prementis, quae, ubi possibilis, petenda ex secutura ejus descriptione.

In §. 112. recensitae sunt illae causae, quae observatae fuerant externa compressione vasorum obstructionem fecisse: sed nisi causa illa comprimens noscatur, & cognita tollatur, non poterit sanari obstructio inde orta, uti evidenter patet: Ideoque in numero citato in quatuor classes distinctas redactae sunt hae causae, ut ordine indagari possint.

Postquam autem innouit causa, quae externa compressione vasis obstructionem fecerat, inquiri debet, an haec tolli possit; an vero talis sit indolis, ut nullo hactenus cognito artis molimine superari vel emendari possit. V. g. tumores illi ampullosi, qui a varia spissitudine materiae contentae, atheromata, melicerides, steatomata dicuntur, dum in externis partibus haerent, ubi manibus accessus datur, non nisi difficulter tolli possunt; quid sperandum de similibus tumoribus, dum in interioribus corporis haerentes vicina vasa comprimendo angustant? Dum uterus gravidae mulieris distensus suo situ, ut aliquando fit, venas iliacas premit, tumor oedematosus crura, & femora occupat; nec tolli potest hoc malum, cessans sponte, post partum detumescere utero. Quando scirrhus confirmatus, vel cancer ex eo natus, extirpari non potens, obstructionem fecerit, quanam cognita medela superest? Idem in plurimis aliis obstructionum causis obinet. Interim aequè magnus Medicus est, qui incurabilem morbum distinguere potuit, quam qui sanabilem tollere valuit.

Reliquarum vero causarum in §. 113. recensitarum medela vel ex antea dictis hauriri potest; uti v. g. plethorici tumoris curatio, vel de illis postea singulis capitulis dicitur: v. g. de inflammatione, suppuratione, scirrhus &c. de luxatis fractis &c. Dum vero externo corpori applicata quaedam vasa comprimunt, ut vestes, fasciae, ligaturae &c. facilis cura est, & sponte patet.

§. 126. **E**A vero, quae ab aucta fibrarum contractione oritur, cognoscitur per signa, quibus visceris, vasis, fibrae nimia contractio scitur [37. 36. 40. 50. 53.]; tum quoque illa, ubi haec contractio a secunda causa (113. n. 2.) per suae causae signa clara; ut altera, quam inanitioni praegressae adscripsimus. [ibidem n. 3.]

In hac paragrapho agitur de signis, quae docent obstructionis causam pendere a contractione propria vasorum aucta. Sed in §. 113. tres recensebantur causae distinctae, quae augebant vasorum contractionem. Prima erat aucta elasticitas fibrarum, canalium, viscerum: sed hujus auctae elasticitatis signa descripta sunt, dum de nimia rigiditate fibrarum, vasorum minimorum, & majorum, & viscerum dictum fuit in numeris hic citatis. Secunda causa erat nimia distensio vasculorum minorum constituentium majorum vasorum latera: haec autem adesse cognoscitur nimiae plenitudinis signis in Plethorae historia

recen-

recensitis. Tertia vero causa, quae imprimis inanitioni praegressae adscribatur, cognoscitur adesse per evacuationes quascumque magnas praegressas, faciem collapsam, pullum parvum, debilem, siccitatem linguae, & oris interni vires prostratas.

§. 127. **S**Anatur haec obstructio (113. 126.) 1. per remedia contractionem nimiam fibrae, vasis, visceris emendantia [35. 36. 38. 54. 55.] 2. maxime, si ipsi affecto loco applicari possit eorum virtus, quod halitus, fomenta, balnea, litus, fomenta efficiunt imprimis. 3. per auxilia, quae vascula, membranas componentia, nimis impleta deplent. Quo evacuantia in genere, sed praeprimis illis vasculis applicata, spectant, quae sunt laxantia, diluentia, resolventia, attenuantia, deterfiva, evacuantia. 4. per illa, quae callositatem factam resolvunt.

1. De his dictum fuit in numericis hic citatis; & patuit, tunc artem multum posse efficere in similibus morbis, in quibus nimia rigiditas solidarum partium tollebat illud aequilibrium, inter fluidorum impetum, & solidorum resistantiam ad sanitatem requisitum. Sed aliud hic notandum occurrit, stimulos nempe mirabiles, imo & ipsos animi affectus, posse subito & efficacissime augere contractilitatem solidarum partium. Dum sulphuris accensum vapor pulmone hauritur, mox sic constringitur in omnibus suis vasis, ut nil transmittat; unde omnibus animalibus majoribus lethalis sulphuris fumus. Oleum vitrioli, penicillo applicatum vivi canis disseci intestino, fecit illud sic contrahi, ut nullam omnino cavitatem haberet. Aceti guttula, oculo inspersa, sic facit constringi palpebras, ut nulla vi diduci possint. Nisi Medicus noverit hos stimulos tollere, vel enervare, non poterit curare nimiam contractionem inde ortam.

Quantum autem possint animi affectus augere valorum contractilitatem, patet obviis ubique observatis. Dum subito metu percutitur homo, mox pallor, & collabatur tota facies, contractis omnibus vasis: si jam cogitemus, idem in interioribus fieri posse, quod in externa cute tam clare videmus, mirabiles & pertinacissimi inde possunt oriri morbi. Vidi mulieri sanae, subito terrore affectae, mox ortum fuisse in mamma tumorem, qui, licet optimis tractatus remediis, in scirrhum irreversibilem induruit.

2. Si universa solidorum compages nimia rigiditate peccat, toti corpori, & omnibus ejus partibus externis, & internis illa applicari debent remedia, quae nimiam illam tollunt rigiditatem: sed si in singulari parte haereat hoc malum, quare omnia vala laxarentur? Sufficit tunc topica medela, si applicari possit soli parvi affectui: hoc autem imprimis fit per

HALITUS. Aqua tepida emollit partes solidas corporis: sed aqua, in vapores resoluta calidos, longe magis. Durissima cervorum cornua, vaporis aquae tepidae exposita, sic emolliuntur, ut scissilia fiant. Cubiti articulationem, ob indurata ligamenta immobilem penitus redditam, vidi pristinam flexibilitatem recuperasse, dum per binos menses quotidie per horam pars exponeretur

poneretur aquae calidae vapor. Hinc ubi commodè vapor determinari potest ad partem, reliquis auxiliis aquae calidae halitus praefendus est.

FOMENTA, quae fiunt ex aquosis, imprimis si mollissimae herbae his incostae fuerint, ut malva, althaea &c. semina lini, avena &c. tali decocto madidi panni lanci applicantur parti; superimponitur his pannis vesica oleo perfricata, ut impediatur exhalatio; deinde scitilibus calidis, variae figurae pro variis partibus corporis, impositis calida servantur haec fomenta: sic pars affecta in perpetuo vaporis balneo haeret. Dum pleuriticorum lateribus haec sic applicantur, summum doloris levamen sentiunt.

BALNEA. Imprimis balnea vaporis, partes enim corporis aqua immerfae comprimuntur ab aqua, vapor autem aquae omnia laxat, uti ante dictum est: observatum fuit, in similibus malis topicis profuisse, ultra fere quam sperari poterat, aquae calidae ex alto delaplum guttatim in partem affectam: chronicos admodum, & ad omnia fere remedia rebelles, circa genu tumores hac methodo curavi aliquoties.

LITUS. Si nempe ex blandissimis oleosis fiant. Rigida animalium coria oleo inuncta flexilia redduntur: omnibus partibus corporis, in quibus requiritur flexibilitas, apponitur molle oleum: omnes musculi, tendinesque vaginis oleosis teguntur: omnibus ligamentis, ossa articulata nectentibus, pinguis unctuosus liquor affunditur. Sed ubique invenitur, illud pingue esse blandissimum, nullamque habere acrimoniam: magnus enim error foret credere, olea acria ambusta, Galbaneta illa Paracelsi &c. efficaciora esse ad hos usus. Ubi sola nimia rigiditas peccat in partibus solidis, mollissima olea pressa ex vegetabilibus, medulla ossium recens, mollissimum althaeae unguentum & similia, pulcherrimi sunt usus; imprimis si, post balnea vel fomenta applicata, bene deterfis & siccatis partibus corporis haec illiniuntur.

3. Dictum fuit §. 113. n. 2., quod per Anatomicas injectiones demonstratum fuerit, majorum valorum latera minoribus vasculis constare: haec vero nimis impleta possunt minuere cavitatem vasis, cujus latera constituunt. Si v. g. emulgentes arteriae, inflammatae in suis membranis, sic ardeant in minimis ramulis per renum substantiam dispersis, ut non fiat urinae secretio, erit ischuria, ab hac causa forte aliquando in morbis acutis observata. Post validissimos cursus mactatis animalibus, inventum fuit saepius, majora vasa in suis tunicis fuisse penitus inflammata, & sanguine turgida: cura hujus mali perficietur per

EVACUANTIA IN GENERE &c. Nihil hic habemus nisi generalia; omnis enim depletio artificiosa fit fere tantum per majora vasa. Omnium fere maximum auxilium est venae sectio; & sic depletis maximis vasis minus comprimuntur minora horum latera constituentia, minori impetu urgetur liquidum in locum obstructum: & si magna fuerit facta sanguinis missio ad animi deliquium usque, contracta vasa minora, ablata pressione vitali a basi versus verticem, reprimentur haerens in illis fluidum in vasa majora. Sed si loco affecto possint applicari remedia, tunc recensita omnia conveniunt: si v. g. in morbo acuto ischuria ab hac causa nata fuerit, & aeger nullum tenesmum exonerandae vesicae sentiat, nescitur, circa renes haerere hoc malum: tunc gene-

generalibus evacuantibus praemissis, fomenta lumbis applicantur, & clysmata injiciuntur, quia colon intestinum renibus proxime adjacet, ut saltem quam proxime ad partem affectam applicentur remedia.

Quomodo autem LAXANTIA, DILUENTIA, RESOLVENTIA, ATTENUANTIA, DETERSIVA agant, explicatum fuit §. 54. n. 4.

4. Callus, uti dictum fuit §. 112. n. 1. in fine, fit, si vasa minima compressa, omni liquido expulso, lateribus contiguus factis, concreverint; tunc non amplius manet vas pervium, sed fit concreta membrana; unde nulla humiditas, nullus sensus in callo. Adfunt quidem eadem vasa quoad materiem, non quoad liquorum transfusum. Callus tamen abscissus renascitur in cute externa, quamvis nullus transfusus liquidi vitalis per callum sit. Videtur autem hoc fieri, quia concreta vasorum extrema vi vitalis liquidi sensim protruduntur, extremitates vero vasorum apertae, callo contiguae ab illo comprimentur; hinc callus detritus, abscissus, increscit iterum, uti quotidianis observatis constat. Quam difficulter autem collositas semel nata tolli possit, sequens docebit paragraphus.

§. 128. **V**erum illa obstructionis species, quae ab hac causa, raro, si unquam, curari potest. Emollientia, & laxantia praecipua sunt. Unde mortis patet inevitabilis necessitas, & magna vitae longae per medicamenta parandae difficultas.

An unquam constiterit, vas concretum iterum pervium factum fuisse, maxime dubito: quomodo enim hoc fiet? Si velis liquidi vitalis impetu, & celeritate auctis divellere concreta latera, citius solvantur vasis callo contiguæ parietes, per quod fluidum ad vas concretum devehit debet: praeterea aucto motu vasa viva, ad calli limites appressa, complanabuntur, & callosa fient; sicque hoc modo callus potius augebitur. Dum callosa cutis externa facta est, unica spes curae est, si caveatur omnis attritus; sicque saepe sensim callus minuitur, dum ejus extrema superficies sensim detritur, & vasa viva supposita sensim protrudunt concretorum vasorum extrema. Homines, qui duris laboribus callosas manus habent, postea his abstinentes sensim molliores illas factas sentiunt: forte tamen nunquam loca illa callosa vasis apertis fient iterum perspirabilia. Sed si vel nunquam, vel difficillime saltem, calli externae cutis possint resolvi, quibus remedia applicare possumus; quid fieri poterit, quando partes internae callosae induruerunt?

EMOLLIENTIA, ET LAXANTIA PRAECIPUA SUNT. Per haec enim durum hoc operculum, vasis vivis suppositis impositum, sic emollicur, imprimis si & interna similia larga copia exhibeantur, ut sensim separetur a vivis partibus subiectis. Quibuldam hominibus, verno tempore imprimis, quando omnia turgere incipiunt, oritur intolerabilis dolor a callis pedum plantas occupantibus, sic ut incedere nequeant: vivae partes, callo subiectae, inflammatae, callosa duritie incumbente pressae, illas molestias pariunt: si tunc lacte cum farina lini cocto foveatur callus noctes & dies, incipit emollitus elevari, & secedere iterum tamen subiectus locus, separato callo glaber apparet, & politus; non per-

spit.

spirabilis; hinc iterum renascitur callus: quod praecaveretur, quantum fieri potest, si locus mollissima tegatur aluta, ut omnis attritus caveatur.

UNDE MORTIS PATET INEVITABILIS NECESSITAS &c. §. 39. n. 1., & §. 55. demonstratum fuit, vitam humanam tandem se ipsam destruere absoluta necessitate. Requirebatur enim ad integritatem actionum vitalium debita flexibilitas canalium, per quos vi cordis pelli debebant liquida; debebant vasa cedere posse distendenti fluido, & ablata causa distendente redire in priorem capacitatem. Sed ex dictis ibidem constitit, ipsis vitae sanae actionibus sensim majus robur accedere partibus solidis; aucto robore, plus resistere solida fluidis impulsis; donec tandem rigida penitus facta vasa non cederent liquidis a corde pulsis; unde cor non poterat evacuari: hinc placidissima sine morbo fere in ultimo senio mors. Si consideretur in variis aetatibus humanum corpus, patebit, quanta fiat mutatio in firmitate solidarum partium vario vitae tempore. Recens nato infanti omnia mollia, liquidis plena apparent; tota superficies corporis vasis ubique patulis in omni puncto perspirabilis; ossa ipsa ceream fere flexilitatem habent: procedente aetate, sensim minuitur vasorum perviorum numerus; augetur robur, & firmitas in omnibus partibus corporis; ossa durescunt: tandem in decrepita senectute totum corpus exsuccum fit; articuli in juventute adeo flexiles obrigescunt, omnis fere pinguedo evanescit; flaccida, callosa, & turpibus rugis deformis cutis vix amplius perspirabilis manet; & ossa fragilissima fiunt; cartilagine ossream induunt duritiem; & vasa, antea membranacea, & flexilia, in cartilagineam, imo ossream, naturam mutantur. Quo autem per motus animales magis aucta fuerit vitalium actionum efficacia, eo citius haec rigiditas nascitur: hinc nimio labore exercitata animalia ante aetatem senescunt.

Qui ergo fatalem vitae terminum se remove posse gloriabuntur, tentent hanc rigiditatem senilem praecavere, vel natam curare. Fuerunt ab omni tempore tales iactatores, qui *dyspasiar*, imo immortalitatem ipsam, auderent promittere mortalibus; perluaerunt pluribus, quod omnes sperant avide. Galeni saeculo Philosophus librum conscripserat, in quo docebat modum, quo quis senii expertus perpetuo permanere posset. Annum agebat quadragesimum, dum hoc scriberet; ad octogesimum annum vixit posset, sed gracilis adeo, & exsuccus fuit, ut rideretur ab omnibus: & quamvis proprio exemplo doctrinae suae falsitatem ostenderet, tamen efugia quaerebat, dicens, non quemlibet hominem senii expertem permanere posse, sed ad hoc natura opus esse idonea: & promittebat, se infanctium ad hoc idoneorum corpora redditurum immortalia: si statim ab initio illorum curae praeficeretur. Tuto haec iactabat periturus, antequam adoleverent (y).

Sed dum in dieta dirigenda fidem tanti promissi ponebat, minus insaniebat, quam Chemicus, qui paucis guttulis quotidie sumtis vitam ad mille annos se producere posse gloriabantur; tunc deliberaturi, quando vellet mori. Paracelsus ipse quadragesimo octavo aetatis anno mortuus vanitatem hujus promissi demonstravit.

N

Si

(y) Galen. de Marasmo cap. 2. Charac. Tom. VII. pag. 179. 181.

Si quid prodeffet ad vitam longam, forent illa, quae nimiam rigiditatem futuram praecaverent: hinc victum humectantem senibus prodesse dixit Galenus (τ), & alibi (α) hanc rem latius deduxit.

§. 129. **I**lla fluidi ineptitudo ad transeundum per vasa, quae a figura sphaerica amissa pendet, cognoscitur perspetis ejus causis [116], quippe sensibiles plerumque sunt.

Demonstratum fuit in §. 115., quod sphaera sola sit inter figuras solidas, quae datum orificium transire posset, quocumque situ ad illud delata fuerit; modo diameter orificii transmittentis major sit sphaerae diametro. Sphaerae enim omnes sectiones factae planis per centrum transeuntibus, & cuivis dato plano parallelis, sunt figurae aequales, similiterque positae, nempe aequales circuli. Simulac ergo elementa fluidorum, quae solitaria per ultimas angustias vasorum transire debent, amiserunt hanc figuram, infinitas poterunt esse positurae varietates, quibus denegabitur transitus. Sed unde concludi potest, hanc obstructionis causam adesse? certe minimarum harum molecularum figura in pellucidis vivorum animalium partibus, nonnisi oculo armato detegitur; hinc non facile erit per sensus hoc cognoscere in parte obstructa corporis humani. Sed cognitae sunt causae §. 116. descriptae, per quas aequalis compressio molecularum fluidi tollitur: ubi ergo novimus has causas praegressas fuisse, tunc obstructionem natam deperditae figurae sphaericae molecularum fluidi adscribere possumus.

Sed causae tres recensebantur, quae tollebant aequabilem compressionem elementorum fluidi: languidus nempe nimis fluidorum per vasa motus, quem pulsus arteriae docet; laxitas nimia vasorum ex dictis §. 27., & §. 44. adesse cognoscitur; & minuta copia liquidi, quae scitur adesse, si evacuationes magnae praecesserint, collapsa sint vasa, siccitas totius corporis obtineat.

§. 130. **S**anatur vero remediis, quibus illa figura redditur. Qualia sunt, quae motum augent per vasa, & viscera. Ut stimulantia omnia, & roborantia; tum motus animalis citatior.

Corpus humanum illis instructum dotibus, quae ad sanitatem requiruntur, valet ex ingestis diversissimis inter se conficere sanguinem, cujus elementa sphaericam illam figuram habent: haec autem figura non praestitit semper in particulis assumptorum, sed nata fuit per efficaciam vasorum, & viscerum, qua ingesta convertuntur in naturam nostram. Ubi ergo deficit haec figura in elementis fluidorum, totum, quod ars valet, est ut restituat illas causas, per quas naturaliter haec figura his fluidorum elementis conciliatur.

Sed motus humorum per vasa flexilia, & reagentia valido nixu in distendentes humores, inducebat crudis ingestis hanc figurae mutationem. Chylus
per

(z) De Sanit. tuenda lib. V. cap. 5. Charter. Tom. VI. pag. 152. (α) De Marasmo cap. 5. Charter. Tom. XII. pag. 181.

per 12. horas cum sanguine fluens per vasa mutabatur in sanguinem; & eo celerior haec mutatio, eo perfectior, quo validior effect, caeteris paribus, actio valorum in fluida: hinc in robustis, & exercitatis hominibus ingestorum subita assimilatio; in languentibus, & debilibus tardior.

Patet ergo evidenter, amissam figuram sphaericam molecularum fluidi restitui pulcherrime, si augeatur robor vasorum, quo contenta fluida premuntur, ut & si intra idem temporis spatium valorum efficacia saepius applicetur fluidis contentis, id est, augeatur circulationis velocitas.

Quomodo vero, & per quae auxilia robor vasorum augeatur, dictum fuit §. 28., & 47. Qua ratione augeatur circulationis velocitas, pariter dictum §. 28. n. 2. Quomodo stimulantia hunc effectum producant, dictum fuit §. 75. n. 5.

Dum laxa illa, frigida, & mucosis humoribus plena, corpora curant Medici, excitant gratissimis aromaticis stimulis; & imprimis ferri, in acidis vegetabilibus blandis soluti usu, languentem motum. Per frictiones, unctiones, equitationes, & corporis exercitia, circulationis velocitatem, & efficaciam augent: redit brevi amoenus ille ruber color, sanguinis boni renascentis indicium; omnesque functiones, quae languebant antea, vel & penitus depravatae erant, restituntur. Unde evidentissime patet, liberum esse tunc per vasa fluidorum motum; hinc redditam esse figuram sphaericam fluidorum elementis, quae requirebatur, ut per ultimas vasorum angustias in omni possibili positura transire possent.

Motus autem animalis citatior imprimis prodest duplici effectu: augeat enim circulationis velocitatem, & reddit partes solidas corporis firmiores: ut dictum §. 28. n. 2.

§. 131. **L**iquidi spissior concreta moles, quum oriatur a tam variis, & diversis causis (117.), etiam pro re nata varia remedia, variam sanandi methodum, requirit: quae diversitas in singulis dein morbis indagata ipsa auxilia, & applicandi modum dabit.

Obstructionis causae, quatenus fluidis inhaerebant, duplices erant: nempe vel figura mutata elementorum fluidi fecerat liquidi immeabilitatem: vel molecularae, prius separatae, nunc adunatae a quacumque causa, non poterant penetrare vasorum angustias. Haec vero adunatio molecularum a tam variis, imo penitus oppositis causis pendet, enumeratis §. 117. ut nihil certi quo ad curationem statui possit, nisi prius cognoscatur singularis causa, quae fecerat concretionem. Quies enim, & auctus motus; frigus, & calor faciunt fluida nostra condescere: sed tam oppositae causae diversam etiam medelam requirunt. Dum in morbis languidis chronicis fluidorum immeabilitas nascitur, stimulantibus augeatur circulationis velocitas, ut dividatur concretum: dum in acutis inflammatoris morbis phlogisticus lentor sanguinem spissorem reddidit, venae sectione debilitamus vitam, ut tardior fiat sanguinis motus: dum nimis debilia vasa non satis efficaciter agunt in contenta fluida,

concrectiones nasci possunt in stagnantibus fere, vel non satis valide motis, liquidis; dum nimis fortia vasa comprimunt contentos humores, expressa parte tenuissima, compacta parte residua spissiori, concrescunt.

In singulis ergo morbis, qui ab obstructione nati sunt, vel qui fecerunt obstructionem, omni cura inquirendum est in indolem causae, a qua nata fuit liquorum immeabilitas; aliter nihil certi statui potest. Paragraphus autem sequens generalia tantum tradit auxilia, quibus concretio tollitur fluidorum.

§. 132. **A**T moles concreta in genere tollitur. 1. motu vasis reciproco. 2. dilutione. 3. attenuante fluido advento, permissio, moto. 4. Coagulante causaeducta.

Sigillis vicibus, quibus cor expellit sanguinem ex suis cavis, arteriae dilatantur: mox cessante cordis actione, arteriae iterum contrahuntur: sic alternis vicibus liquidum impulsus superat vasorum resistentiam, & ab illa superatur: hinc omni momento vitae liquida vasis contenta ad latera vasorum affricantur, imprimis in angustissimis vasorum sinibus, ubi solitaria, vel saltem pauca elementa fluidi simul possunt transire. Hic autem attritus fluidi per reciprocum motum vasorum impedit, quo minus concretio nascatur; & simul summum auxilium est, quod concrectionem natam tollit. Sanguis noster vasis emissus illico concrecit; per hunc autem attritum continuum a concrectione impeditur. Sed, uti demonstratum fuit §. 119., obstructio imprimis in arteriis locum habet: in arteriis vero ille motus reciprocos toto vitae tempore durat; hinc molecule sanguinis adunatae, haerentes in arteriarum angustis, mechanico hoc tritu dividi, & resolvi posse videntur: sanguis enim vasis emissus, concretens illico, attritu solo potest iterum fluidus reddi. Sanguinis insulam rubram concretam solo tritu in mortario vitreo potui redigere in spumescens coccineum liquidum.

Pulchrum habetur apud Leeuwenhoekium (b) observatum, quod demonstrat efficaciam reciproci illius vasorum motus in dissolvendo sanguine concreto. In vespertione fame, & frigore languenti, dein parum refecto, observavit microscopiis tenuem illam membranam, qua expansa hoc animal alarum instar utitur: nullum observavit motum, nec in arteriis, nec in venis, sed post sex horas elapsas, revivificante magis animali, vidit particulam sanguinis concreti oblongam, totum arteriae cavum implentem, protrudi per arteriam, mox retrorulli; dein protrudi iterum, sicque ire, & redire hanc viam; donec tandem hoc attritu resoluta massa per ultimas arteriae angustias transiret in venam. Non potest haberi exemplum, magis evidens obstructionis ab adunatione molecularum fluidi natae: & simul apparet, quomodo vitali motu fluidorum per vasa, & attritu ad latera vasorum, dividatur iterum hoc concretum, & resolvatur obstructio.

2. Quando nempe inter molecule concretas insinuare se potest tenuius fluidum, sicque illas a contactu removere, tunc dicitur obstructio soluta esse

(b) Experiment., & contemplationes pag. 205. &c.

esse per dilutionem. Ita si in exemplo mox narrato, dum massula concreta ibat, & redibat in vase obstructo, potuisset affundi tenue liquidum, hoc pressione vasorum attritum cum hoc concreto, illud citius resolvisset. Accedit praeterea, quod diluentia aquosa sint, hinc semper laxiora reddant solida nostri corporis. Sed vas laxatum facilius transmittet immeabilem ibi haerentem massulam. Quia autem diluentia sola non semper possunt resolvere concreta, hinc saepe aliis indigemus auxiliis.

3. Si jam simul diluenti liquido misceantur talia, quae cognoscuntur habere hanc vim, ut possint solvere concretas moleculas in illas partes, ex quibus concreverunt, tunc omne fit, quod ab arte exspectari potest. Omnia autem haec assumta, venis recepta, cordis, & arteriarum viribus advehuntur ad locum obstructum; dumque haec massula concreta adhuc mobilis est, ut reciproco motu ire, & redire possit, illam continuo praeterlabuntur, cum illa teruntur, moventur, miscentur, donec resolutio facta fuerit. Verum ubi adunatae moleculae, compactae, & immobiles haerent in vasorum angustis, tunc liquidum attenuans per vas obstructum protrusum a tergo urgere potest massulam obstruentem, non vero praeterlabi, nec cum illa moveri, & misceri; & tunc magna difficultas est resolvendi hoc concretum. Tale videtur obtinere malum in inflammatione non resolvable, ubi optima diluentia, & attenuantia, magna quamvis copia ingesta, non valent dissolvere concretum inflammatoria viscositate sanguinem.

4. Si hoc fieri possit; nam hic plerumque videtur haerere magna difficultas: dum enim per acida v. g. coagulum sanguini inductum fuit, coagula quidem sunt corpora, quae acidum trahunt: sed si coagulatus sic sanguis in ultimis vasorum angustis haeserit, lateribus vasis obstructi ubique contiguus, non erit facilis aditus ad hoc obstruens coagulum. Praeterea acida illa fortissima non inducunt coagulum tantum interpositione suarum partium inter partes sanguinis antea non cohaerentes, sed uno momento, & ipso quasi attractu, cohaerere inter se cogunt separatas massulas, hinc sanguini de vena fluenti, per acida admista statim coagulato, admistis alcalinis, quae acidum in se statim trahunt, non redit pristina fluiditas. Si a spirituosus fermentatis tale coagulum inductum fuerit, eadem, imo major erit difficultas, cum spirituofo illo expulso, factum tamen coagulum maneat. Serum enim sanguinis, ab alcohole affuso induratum, non dissolvitur, expulso coagulante per calorem tam lenem, qui serum contereferre minime faceret. Ubi vero a gelu coagulum inductum est sanguini, possumus spicula illa glacialia adducere, admota prudenter aqua frigidissima; sed qua methodo, & quibus cautelis hoc fieri debeat, dicitur §. 454.

§. 133. **R**eciproco vasi motum conciliant 1. quae distendentes causas temperant. Ut est venae sectio. 2. quae vasa roborant (28. 29. 45. 46. 47. 49.). 3. frictio, & muscularis motus. 4. stimulantia.

1. Causae distendentes arterias sunt sanguis illas replens, & vis cordis urgens sanguinem in arterias plenas. Ut autem reciprocos motus systoles, & diastoles in arteriis maneat, non debent distendentes causae tolli, nisi enim arteria prius distendatur, non contrahetur postea: sed debent sic temperari, ut possint vicissim cedere causis illis, quae arteriae systolem faciunt: hinc merito dicitur, causas distendentes esse temperandas. Si enim distentae arteriae non possint se evacuare in venas nimis plenas, vel arteriosis fines obstructi denegent transitum, cor perget haec vasa distendere, nec poterunt se contrahere; unde cessabit ille reciprocos motus. Omne enim vas nimis distentum, si repletum maneat, est vas mortuum. Si jam hoc in omnibus vasis fieret, mors sequeretur illico: dum in quibusdam vasis hoc obtrinet, in illis nulla fit circulatio, sed in distentis vasis liquidum immobile stagnat.

Unicum tunc remedium est, quod tollit hanc plenitudinem, nempe venae sectio; si venae simul nimis plenae transitum ex arteriis impediunt. Si vero in arteriis distentis circa finem obstructis aggestus haereat sanguis, arteriotome prodest potius; quia cum liber transitus ex arteriis in venas impeditus est, venae sectio plenitudinem nimiam arteriarum tollere nequit. Sic in morbis acutis salutari naturae molimine toties soluta in naribus arteriola plenitudinem illam tollit. Ideo tam sollicitè omnia signa recensuit Hippocrates, quae docerent Medicum, moliri naturam hanc viam, ne imprudenti cura turbaret, vel impediret salutarem hanc evacuationem.

Sed praeterea per sanguinis missionem minuuntur vires, quibus cor sanguinem in arterias pellit: possumus enim vitam minuire pro lubito, imò animi deliquium, & mortem ipsam inducere per sanguinis missiones. Hinc patet sic omnium efficacissime minui distendentes causas.

Patet hoc clare in summe plethoricis, in quibus, dum vasa nimis distenta se contrahere nequeunt, suffocatur circulatio; pulsus incipit languidus fieri; imò statuarum instar obrigescent: simul ac larga venae sectione solvitur haec plenitudo, contracta vasa propellunt distendentes humores, redeuntque vires suffocatae antea.

Quantam autem efficaciam habeant hae evacuationes in solvendis obstructionibus, docent pulcherrima observata. Dum Pleuritide acutissima decumbit homo, prae doloris acerbitate respirationem suppressens, se ipsum suffocat: dum sanguis mittitur, saepe statim levamen sentit; imò aliquando omnis sedatur dolor, contractis vasis repellentibus obstruentibus massulas ioma-jora vasa. Monitus per insomnia Galenus, juvenis adhuc, sibi ipsi dissectuit dextrae manus arteriam inter indicem digitum, & pollicem sitam; permisit sanguinem effluere, donec sponte sisteretur; sic enim somnium praeciperat: & lubito diuturnus dolor extinctus est, in illa maxime parte fixus, qua jecur diaphragmati committitur. Alii homini per vulnus in mal-leolo infectum vulnerata fuerat arteria, nec quievit haemorrhagia, donec Galenus vocatus totam arteriam dissecaret; sed huic homini quarto jam anno molestus coxae dolor inde sanatus fuit (e).

2. Re-

(e) Galen. de Curand. ratione per Venae sectionem cap. 23. Charter. Tom. X. pag. 437.

2. Reciprocus motus contractæ, & distentæ alternis vicibus arteriæ fiebat a cordis vi impellente sanguinem, & arteriæ elasticitate, & vi musculari, quæ se contrahit. Sed demonstratum fuit §. 26. nimiam debilitatem fibrarum producere vasculorum, ex his conflatorum, extensionem, & in liquida contenta inertiam; hinc ubi nimia laxitas vasorum facit, ut minori efficacia se contrahant, tunc vasorum roboratio locum habet.

Sed ipsa nimia distensio vasorum robur debilitat. Sic vesica, diu distenta in urinae retentione, paralytica fere facta, omnem se contrahendi vim amittit; & forte ab hac causa plurima in morbis pendet. Qui valida laboraverunt ophthalmia, sæpe tota vita habent nimis laxa hæc vascula; unde a levissimis causis distenta rubent: roborantia, prudenter applicata, sola tunc profunt. Post morbos acutos inflammatorios capitis, sæpe manent læsæ adhuc cerebri functiones, quamvis dudum deserbuerit morbi impetus; pulposi corticis vasculis infarctis adhuc manentibus: sensim soluta materie obstruente, aucto vasculorum distentorum robore, superatur malum. Si debilitante cura pergat Medicus, insanabilis sæpe postea stultitia manet.

Quomodo autem, & per quæ, vasa roborari possint, dictum fuit numeris citatis.

3. Per frictiones fit successiva, & repetita sæpius vasorum mollium compressio, & laxatio; hinc frictio supplet reciprocum illum vasorum motum. Possumus per frictiones, premendo liquida ab apice versus basim, facere, ut arteriæ venæ fiant; sicque ducere obstruens immeabile ex angustis arteriarum finibus in latiorē locum; relaxata parte, mox pellitur iterum in priores angustias: dum hoc fit sæpies, idem erit perfecte, quod in vespertione viderat fieri Leeuwenhoekius, id est, ita illo, & reditu atteretur, & dividetur illud obstruens, sic ut transire possit in venas.

Quantum autem valeant frictiones in resolvendis obstructionibus, docent observationes Medicæ. Parotidem glandulam indurata, plurimis, illisque efficacissimis remediis frustra tentata, resoluta vidi, dum bis de die, vaporis aquæ tepidæ cum aceto exposita prius parte, pannis laneis perfricaretur per horam. Idem in strumosis colli glandulis observatum est sæpius.

MUSCULARIS MOTUS vero huc convenit: quatenus per illum accelerato venosi sanguinis motu cor irritatum fortius, & sæpius contrahitur: hinc augetur circulatio, & vasa eodem dato tempore sæpius distenduntur, & contrahuntur vicissim.

4. Constat observatis certissimis esse talia in arte remedia, quæ ingesta vel applicata corpori nostro augent motum in toto vel in parte; hæc vocantur stimulantia. Illa autem, mista vitali fluido per vasa moto, videntur vel sua mole & figura talibus, ut paucissimis punctis imperum sui motus communicent partibus, quibus applicantur, irritare vasorum latera in frequentiores, & validiores contractiones; tuncque mechanicis legibus explicari potest horum actio. Vel sunt talia, in quibus licet sensibus nihil acrimoniae detegatur, quæ tamen certissimo effectū, quamvis lateat modus agendi, motum humorum per vasa, & vasorum attritum ad contentos humores auceant. De his autem dictum fuit §. 75. n. 3. & §. 99. n. 2.

§. 134. **D**iluit aqua, calida imprimis, si hausta, injecta, exhalans, applicata; atque dein ad loca, ubi solvendum haeret, pulsa sit. Quo derivantia, attrahentia, propellentia spectant.

Respectu liquidorum nostrorum, si pinguis exceperis, unicum tantum diluens habetur, nempe aqua, & reliqua omnia, quae diluentia dicuntur, tantum agunt ratione aquae, quam continent. Diluere autem proprie dicitur, si aqua, admittance, & interpositione suarum partium, separat adunatas moleculas. Sed requiritur certus caloris gradus, ut aqua diluat: frigida enim potius coagulat fluida, constringit vasa; utroque hoc effectu nocens in hoc casu. Fervida aqua sanguinem uno momento concrelescere facit. Omnium optimus ille caloris gradus, qui parum tantum excedit sani corporis calorem. Aqua talis, vaporis forma, vel specie fomenti, cataplasmatis &c. applicatur parti affectae; vel potata, vel clysmate injecta, vel denique venulis ablorbentibus, in corporis interna, & externa superficie positus, resorpta, miscetur sanguini: & tunc aequabiliter per totum corpus distribuitur. Sed indicatio curatoria requirebat imprimis, ut diluens aqua ad locum obstruendum iret plus quam ad alias partes.

Habemus jam in arte talia auxilia, quae faciunt, ut liquidum vitalis impetus, & copia augeantur in parte quadam corporis. Sunt autem talia, quae minuent resistantiam in loco, versus quem indicatio jubet, ut majori impetu, & copia ruant humores. Sed liquido, in partem corporis quamcumque pelendo, resistantia vasorum plenitudo, & robur: omnia ergo, quae vasa depleant, vel vasorum latera reddunt minus resistantia, efficiunt, ut in haec vasa majori impetu, & copia ruant humores. Hinc fomenta, cataplasmata, vapores aquae tepidae, laxando vasorum latera, hoc efficiunt: cucurbitae pariter, atmosphaerae pressionem dum tollunt in loco, cui applicantur, resistantiam minuunt: frictions venas deplendo faciunt, ut arteriae celerius se in venas depletas evacuent: hinc circulationis velocitatem in parte augent, efficiunt ergo, ut eodem dato tempore major humorum copia aucta celeritate per partem fluat; dum scarificantur partes, quibus imponuntur cucurbitae, depletis vasis adhuc magis minuitur resistantia. Praeterea omnia illa, quae applicata corpori stimulo suo vasa irritant in celeriores contractiones, ob eandem causam idem praestant. Hinc sinapismi, vesicatoria, &c. tanto cum fructu adhibentur in hunc usum.

Paret per experimenta, quanti usus sint haec auxilia. Dum pars corporis exposita aquae tepidae vaporibus, incipit brevi tumere, & rubere, majori copia liquidorum huc derivata. Dum in acuta phrenitide omnes turbantur cerebri functiones, balnea, epispastica, cucurbitae, applicata inferioribus partibus quantum levamen adferunt: Pleuritis longe pulchrius curatur, si calidis fomentis emollientibus nocte, & die tegatur affectum latus. Dum strumosis colli glandulis laboranti solventissima exhibentur remedia, nisi partibus affectis fomenta applicentur, vix multum profunt.

Om.

Omnia ergo, quae hoc efficiunt, ut in loco, ubi obstructio haeret, vasa depleantur celerius, & impleantur facilius, DERIVANTIA, & ATTRAHENTIA dicuntur: quia faciunt, ut aqua corpori applicata, venis recepta, sanguini mista, intra datum tempus majori copia veniat ad partem affectam.

SED PROPELLENTIA dicuntur talia auxilia, quae motum humorum per vasa augent: hoc enim aucto, celerior fit propulsio aquae sanguini mistae. Sed haec agunt aequabiliter in totum corpus: attrahentia autem, & derivantia aucti motus effectum versus partem obstructam determinant.

Quando jam haec simul conspirant, sanantur saepe talia mala, de quibus desperabant fere omnes. In Spina ventosa, & venereis ossium morbis, qui omnia fere vel optima remedia eludunt, datur magna copia decocti Ligni Guajaci: impleto dein corpore per hoc decoctum, fuscitur major motus; dum per accensum vini spiritum, nudo sub stragulis decumbenti aegro applicatum, excitatur febris: sic decoctum Guajaci celerius propellitur per omnia vasa. Interim pars affecta vel fomentis mollissimis obvolvitur, vel sic locatur, ut directe recipiat accensi spiritus halitum: sic derivatur, & attrahitur in hanc partem remedii efficacia, & saepissime sanatur.

§. 135. **A**ttenuant 1. aqua. 2. sal mar. gemm. ammon. nitr. borax, fixus alcalinus, volatilis. 3. Saponem ex alcali, & oleo nativi, compositi, fuliginosi, volatiles, fixi, bilis. 4. praeparata Mercurialia. Quae ipsa perducuntur ad loca debita per derivantia, attrahentia, propellentia.

1. AQUA inter illa, quae attenuant, principem locum obtinet. Adepti dixerunt ex aqua, per seminale rerum principium mutata concrevisse omnia; & ultimo artis, & naturae effectum in aquam omnia resolvi posse. Hinc fere universales solvendi vires in aqua agnoverunt. Elementis enim aquae haec proprietas inest, ut calore (aqua enim in glaciem concreta vim solvendi non habet) a se invicem separata, possint locare in interstitiis suis corporum solutorum particulas, illasque ibi sustinere, sic ut simul cum aqua penetrent per minimas angustias, per quas aqua sola transire posset, nisi occurrant in hoc itinere aliis corporibus, quae soluti corporis in aqua particulas fortius trahunt, tunc enim excutiuntur: v. g. salis marini granum sic solvitur in aqua, ut dispareat totum, & licet decem libris aquae diluatur, in singulis aquae guttulis haerebit proportionalis salis soluti molecula, poterique sal sic solutus in aquae magna copia transire per omnia vasa, per quae aqua ipsa posset transire. Sed experientia docuerunt subtilissimam, quae sub sensu cadit, fluidorum humanorum partem, aquam esse, saltem pro maxima parte. Urina recens emissa halituosum quid spargit, quod valis puris collectum aquam exhibet, in aqua aliquid spirituosum odorati haeret. Similis vapor & ex sanguine sano, recens misso, exhalat. Subtilissimum exhalans de tota corporis superficie fluidum, taedioso labore collectum, aquam exhibuit, in qua latebat subtilissimum aliquid solo fere odore distinguendum; quod an aqua sit, an aliud quid, nondum per experientia constat.

stat. Saltem inde patet, potuisse aquam transire per exhalantia vascula, quorum centena, & amplius millia in spatio unius grani sabuli hiant, secundum calculum Læuvvenhoeckii: ubi ergo obstruens molecula per aquam poterit attenuari, & solvi, ibit cum aqua per minima quaeque vascula, & resoluta erit obstructio.

Hinc ablata saepe modica aquae quantitate immeahiles redduntur humores, qui antea per angustissima fluxerant vasa, reddita aqua, iterum attenuantur: v. g. arteriae exhalantes in narium cavis subtilissimum efflant liquidum; quod, dissipata parte nobilissima aquosa, concrecit in mucum tenacem; mucus tamen ille iterum per aquam attenuari, & solvi potest.

Sed vis haec attenuans aquae non valet solvere omnia concreta, in corpore humano observata. Salina quidem omnia, mucosa, mucilaginoso, gelatinosa, pituitosa, frigida, saponacea, concreta per aquam attenuantur, & solvuntur: sed inflammatoria sanguinis spissitudo, concreta oleosa sebacea, calculeosa &c. per aquam non solvuntur. Habentur tamen in arte & alia auxilia, quae concretiones illas dividunt, quas sola aqua solvere non posset; uti sunt salina multa, saponacea &c. sed & omnia fere haec aquam requirunt pro vehiculo, ut penetrare possint ad locum obstructum. Aqua ergo in obstructionibus reiterandis fere universalem usum habet, dum vel agit attenuando, vel saltem vehiculi instar alia solventia deducit ad locum obstructum.

2. SAL MARINUS, GEMMAE AMMONIACUS. Satis affines sibi mutuo pluribus dotibus hi sales simili fere attenuandi efficacia pollent. Duo priores assumti humoribus nostris miscentur quidem, sed per lotii vias immutati fere redeunt: hinc licet per pleraque corporis vasa transeant, tamen horum actione non immutantur. Omnia autem illa, quae ingesta per corporis vires mutari nequeunt, semper majorem motum excitant; hinc & stimuli vice funguntur simul.

Ammoniacus autem sal, prioribus levior, salibus nativis sanguinis magis affinis, per vires nostri corporis mutabilis & penetrabilis maxime, praefertur fere, laudatur merito tanquam summum deobstruens in acutis aeque ac chronicis morbis.

Videtur autem salium horum actio inde pendere, quod humoribus mistis, soluti, ad locum obstructum delati, vasorum actione quasi attriti ad moleculam obstruentem, pondere suo, & figura dividant illud concretum, sicque aptum reddant, ut transire possit per vasorum angustias; dum simul stimulo suo vasorum in contenta fluida actionem augeant.

Quantam autem vim habeant, docent observata Medica. Dum a contusione sub integra cute, fractis valis, sanguis in thrombum concretus haeret, sales hi soluti in aqua, applicati loco contuso, felicissime concretum sanguinem resolvunt. Qui sale marino abutuntur, sanguinem tandem habent sic dissolutum, ut vix valis coerceri possit; unde validissimae saepe haemorrhagiae oriuntur, partim a nimis dissoluto sanguine; partim a nimia acrimonia humorum, erosio asis.

NITRUM. Hodiernum a Veterum nitro penitus differre videtur: illud enim videtur vel fuisse alcalinae naturae; vel sale ammoniacum Veteres

res vocaverunt nitrum. Plinius (e) dicit, *nitrum in picatis vastis adferri, ne liqueceret; calce respersum reddere odorem vehementem; in testa aperta exuri, ne exulset*. Sed hae dotes salis ammoniaci perfecte conveniunt: nitro autem hodie in officinis dicto minime quadrat. Alio autem in loco (d) de vitri inventione scribens narrat, *famam ferri, quod appulsa nave mercatorum nitri, eum sparsi per litus epulas pararent, nec esset cortinus attollendis lapidum occasio, glebas nitri de nave subdidisse, quibus accensis permista arena litoris, translucentes nobilis liquoris fluxisse rivus, & hanc fuisse originem vitri*. Sed haec historia alcalinam nitri Veterum indolem arguere videtur: unde Boyleus, & alii dixerunt, sodam Aegyptiorum esse nitrum Veterum.

Illud autem, quod hodie in officinis nitrum vocatur, Veteribus videtur incognitum fuisse, miro modo ambigens inter naturam vegetabilem, animale, fossilem: reperitur enim in desertis, & inhabitatis locis in Indiis orientalibus crusta tenuissima superficiem terrae tegens, post largas pluvias imprimis apparet; in aliis locis de terra nigra excoquitur; in vetustis aedificiis, caemeteriis, Abulis, columbariis colligitur nitrum: in plantis quibusdam reperitur sal essentialis, sola inspissatione succi expressi, & depurati collectus, qui omni dote nitrum refert.

Nitrum hoc, si purum sit ab omni sale marino, in aere sicco manet, in aqua solvitur totum, inter salia fere levissimum; summum attenuans, per corporis vires mutabile, refrigerans, tantum usum habet, imprimis in morbis acutis, in quibus obstructions ab inflammatoria sanguinis densitate nascuntur. Praefertur tunc salis marini, & gemmae, quia levius est, & superabile corporis viribus: salis ammoniaci vero praefertur, quia sal volatilis alcalinus, in his morbis nocens, magnam partem salis ammoniaci constituit; extricans forte a ligante acido salis marini, si occurreret putrefactis vel alcalinis humoribus.

BORAX. Mirabilis penitus sal, cujus indoles nondum bene cognita est, & cujus historia confusa penitus vel apud optimos scriptores habetur. Voluerunt esse Veterum chryfocollam: sed Dioscorides (e) colorem porri laete virentis commendat in chryfocolla, & monet in fine capituli, esse ex eorum genere, quae vomitum concitant, imo & necem inferre possunt: & alibi (f) ex urina, & aere Cyprio parari gluten, auro ferruminando idoneum. (ἀραιῶνται τῇ τῷ κυπρίῳ πάλλῃ) dicit. Plinius (g) segetis instar laete virentis colorem commendat: unde in Neronis spectaculis Circi harenam Chryfocolla stratum fuisse dicit. Monet etiam vomitum excitare, & auri fabros illud sibi vendicare agglutinando auro; sed addit tunc Cypria temperari aerugine, & pueri impubis urina, addito nitro.

Unde ex colore, & effectis videtur Veterum Chryfocolla cuprum in se continuisse: sed in actis Academiae Regiae scientiarum (h) Celebrissimi Viri, salis hujus proprietates indagantes, invenerunt, boracem nihil in se cupri

(e) Lib. XXXI. cap. 10. [d] Lib. XXXVI. cap. 26. (e) Lib. V. cap. 104.

(f) Lib. II. cap. 59. (g) Lib. XXXIII. cap. 5. (h) FAn. 1748. 1759. 1771. &c.

cupri habere; sed esse naturae utrumque alcalinae, magnamque affinitatem habere cum soda Aegyptiorum; verum esse minus alcalinum, & habere praeterea in se terram vitrificabilem, & salem, neutrum nondum bene cognitum.

Inter deobstruentia remedia magnum nomen obtinuit; unde & difficilimis morbis sanandis solet adhiberi, partim miro, quem habet, stimulo, partim vi salina attenuante agens.

FIXUS ALCALINUS. Artis tantum, non naturae filius, a Kali herbula dictus; quae vivis flammis combusta cineres salissimos relinquit. Sal ille ex variis admodum paratur vegetabilibus, semper fere idem, tantum majori, vel minori acrimonia diversus. Adhibetur imprimis, ubi frigus, inertia, lenta pituita praedominantur; ubi calor, putredo, siccitas magna adfuit, non adeo tutus horum salium usus.

VOLATILIS. Omnia haecenus explorata animalia, & vegetabilia, per putrefactionem dant salem volatilem alcalinum. Animalia omnia haecenus examinata simplici destillatione hunc salem largiuntur. Animalium humores non alcalini, admisto sale fixo alcalino, praebent salem volatilem alcalinum. Plantae quaedam acerrimae, ut sinapi, cochlearia, nasturtium, cepae &c. salem talem continent, fractis tantum plantarum harum partibus suo halitu se manifestantem, & levi destillatione facile inde extricandum. Ex omnibus illis natus sal volatilis alcalinus, per artem purissimus redditus, omni dote apparet idem.

Urum habent eundem fere hi sales, ac alcalini fixi; sed mobilissimi levissimo caloris gradu disperguntur quaquaversum, & aufugiunt; hinc non tam durabili effectu agunt; si vero coerceantur ad locum, ubi agere debent, omnia destruunt: sal enim alcalinus volatilis, cuti applicatus, & tenaci emplastro tectus, illam comburit in crustam granaenolam. Majorem ergo adhuc cautelam horum salium usus requirit.

3. Saponem omnes olei cum sale accuratam adeo miscelam habent, ut in aqua dilui possint, absque ullo apparente oleo; hoc enim requiritur, ut saponem dici possint. Tales jam saponem habentur plurimi nativi. Mel, Venteribus adeo usitatum, & Chémico examine, & pulcherrimo usu in morbis, imprimis acutis, imo & in chronicis plurimis, saponaceas vires solventissimas exhibuit. Saccharum posterioribus saeculis maximo in usu, antiquis tamen, uti videtur, cognitum in igne deflagrans, in aqua solubile, & in crystallos redigendum, simili valet efficacia. Fructuum horaeorum bene maturorum succi recentes, vel & in sapam inspissati incredibili solvendi virtute fundunt omnia. Herbarum recentium succi nativa miscela oleum, & salem sic unita habent, ut saponem merito dici possint; imo in quibusdam tanta efficacia est, ut saponis arte parati instar sordidas emaculent vestes: docet hoc saponariae dictae herbae succus.

Dum certa lege oleum animalium, vel vegetabilium, acri sali fixo alcalino unitur, nascitur sapo; in quo antiqua detergens, & dissolvens lixiviosius vis inest, omnia oleosa, pinguis, resinosa, pituitosa, amurcosa solvens: abest tamen nimia, & saepe rodens acrimonia salis alcalini fixi: hinc talis sapo, aqua dilutus vel vacuo ventriculo, & intestinis imprimis in propriis humo.

humoribus horum viscerum huc affluentibus solutus, universale fere deobstruens dar, tuto faciens, quod acriora solventia non nisi cum periculo efficient.

Efficacissimi per artem parantur saponēs, dum purissimum, & attenuatissimum oleum vegetabile jungitur sali alcalino sincerissimo fixo, vel volatili. Sic alcohol vini cum sale volatili alcalino conerefcit in saponem mirabilem, Offam Helmontianam dictum. Idem Alcohol, ab omni aqua liberum, siccissimo ab igne sali fixo alcalino unitum, verum facit saponem. Athereum terebinthinae oleum, alcaliano sali difficili arte unitum, saponem praestantissimum facit, Starkeyanum vulgo dictum. Quo purius, & subtilius oleum, quo magis sincerus sal fuerit, eo praestantior usu saponis inde natus.

FULIGINOSUS. Fumus, dum aperto igne combustilis materia uritur, camino receptus, condensatus, ejus parietibus accrescit forma flocculorum. nigrorum: est verus carbo volatilis pingui oleo dives, fuligo dictus. Chemica hujus analysis docet, in aquam, sales, olea, terram, resolvi posse; unde saponacea ejus indoles patet. Catapotia ex fuligine facta, auro obducta, ne displiceant nimis, deglutita in lentis morbis, vi attenuant saponacea summos fecerunt effectus.

BILIS. Verum saponem nativum in animali corpore exhibet. Crudis ingestis, per ventriculi actionem jam parum subactis, in homine statim bilis affunditur, ut aequabilissima fiat omnium miscela, & solubilitas in aquis. Sericeas vestes, pinguius maculatas, bile animalium pulchre depurare noverunt artifices.

Pretiosa pigmenta Pictores bile diluunt, ut aequabilissime diduci possent. Quantam autem vim dissolvendi habeat bilis, docent morbi, in quibus bilis, impedita fluere per consuetas vias, regurgitat in sanguinem; dissolvitur enim totus in aquam tenuem; unde diuturnum Icterus fere semper hydrops sequitur. Bilem inspissatam in extracti formam, ne putrefcat, servant officinae: unde catapotia fiunt ad hos usus. Imo tumido abdomini juniorum inuncta bilis inspissata fundit coneretas massas in intestinis haerentes, & per alvum evacuat.

Pro varia jam morborum indole varii saponēs adhibentur. Sapo, Veneris dictus, ex purissimo oleo presso, & sincero sale alcalino factus, sine ullo fere renixu fundit omnia; in morbis autem acutis, putridisque, non semper adeo tuti usus: tunc mel, saccharum, horaeorum fructuum succi recentes, vel inspissati praefertur; maximi usus imprimis, ubi inflammatorum spissum resolvendum est. Si frigus, inertia, mucosa humorum indoles praedominentur; acriores saponēs fuliginosi, vel ex oleis stillatis aromaticis, & sale volatili alcalino facti, ut sunt sales volatiles oleosi officinarum, praefertur. Profunt tunc & illi, qui ex alcohole, & salibus fixis alcalinis sunt &c. ubi putredo adest, vel futura metuitur, a bile, adeo sponte in putredinem prona, abstinemus.

4. PRAEPARATA MERCURIALIA. Argentum vivum, sic dictum est, quia argenti fulgorem suo splendore refert, & tremula fluiditate vitalis quid habere videtur: unde & *ὀδὸν ἰσχυρὸν* vocavit Dioscorides; *ἀργύρεον κίνητον* Aristoteles quasi,

quasi argentum mobile dixit; hoc Veteribus quidem cognitum fuit, sed damnatum tamquam deleterium. Dioscorides (i) dixit hydrargyron epotum eadem facere, quae Lithargyron, cujus noxas (κ) descripserat: & alibi (f) monet, quod oporteat fervari hydrargyrum in vitreis, vel plumbeis, vel stanneis, aut argenteis vasis; aliam enim omnem materiam exedit, & facit diffuere, potestatem autem habet deleteriam epota, gravitate erodens interiora. Plinius (m) pariter damnavit, vocans argentum vivum vomicae liquoris aeterni, rerum omnium venenum, quod exest, ac perrumpit vasa, permanens tunc dira: unde & postea (n) minii, ex quo argentum vivum excoquitur, usum in Medicina tanquam temerarium damnat. Galenus (o), brevi tantum sermone agens de Hydrargyro, dicit, se non habere ejus ullam experientiam; neque ut interimentis, si epotum fuerit, neque an id faciat externe appositum. Proscriptus hinc fuit argenti vivi, usus etiam a Graecis Medicis recentioribus. Arabes primi incepterunt externo usu argentum vivum adhibere ad cutaneos morbos sanandos. Postea ad hunc veneream curandam laudaverunt externum tantum usum Medici, donec primus fuerit *Joannes de Vigo*, qui Praecipitatum rubrum interne exhibuerit. Postea ipsum argentum vivum in nativa forma dederunt in pillulis Barbarossae dictis; uti in tractatu absolutissimo de Morbis Venereis demonstrat Celeberrimus Astruc (p).

Mirabile hoc fluidum metallicum, soli auro pondere cedens, simplicissimum est, & divisibile admodum, cum per ignem volatilis fumi forma diffusetur in auras (quantum enim debuit increvisse superficies ratione molis, antequam ponderosissimum argentum vivum in aere sustineri possit). Nullam praeterea habet acrimoniam sensibus observabilem; cum & oculi tenerimus sensus, & crudum vulnus nullam asperitatem, nullum dolorem ab applicato argento vivo percipiant. Dum blandum adeo apparet, & iners remedium corpori viventi applicatur externe per linimenta, emplastra &c. vel & in vapores resolutum bibula ingreditur extrorsum patentia vasa; vel deglutitum parca copia, & repetitis vicibus fuerit, miro modo mutat totum corpus, fundit dissolvitque totum sanguinem in foetidam quasi colluviem, quam per salivationem, vel & per alvum quandoque de corpore expellit.

Oritur tunc primo aegritudo per totum corpus, major calor, febris, vires incipiunt posterni quasi, appetitus minuitur, sitis oritur major; post cadaverosus halitus expirat ore; gingivae, lingua, palatum, tonsillae, glandulae sub lingua, & aliae vicinae incipiunt tumere, dolere, calere; dentes asfurgunt; lingua ad latera, & apicem, ubi denibus contingua est imprimis ulceribus albis dolentissimis eroditur; similiter & pars interior genarum, & labiorum afficitur; tota facies tumet; labia tumentia retorrida sunt foedo aspectu; tunc effluit viscosus olidus humor ingenti saepe copia, exulcerans omnia loca, quae alluit. Durat hoc per plures dies: sensum tunc minuuntur omnia recensita, exhaustum apparet totum corpus, & decolor. In quibuldam, vel

[i] lib. VI. cap. 28. (k) ibid. cap. 27. [j] lib. V. cap. 110. [m] lib. XXXIII. cap. 6. (n) ibid. cap. 8. (o) lib. IX. simplic. Medicament. Chatz. ter. Tom. XIII. pag. 270. (p) pag. 126. &c.

vel ex suppressa salivatione jam incepta per frigus admissum imprimis; vel ex peculiari idiosyncrasia versus ventriculum, & intestina tendit remedium virtus; & similia tunc in his partibus videntur oriri mala, quae oculis videmus fieri in partibus oris interni. Tunc saevissima cardialgia, & tormina intestinorum acerbissima oriuntur, alvi fluxus aquosus, olidissimus, copiosus subito saepe vires prostermit, animi deliquia, imo ipsam mortem producit.

Hoc saltem patet, argenti vivi usum, sive per salivales ductus, sive per alvum educantur humores, dissolvere omnia, attenuare, dividere: sanissimus enim homo, optima corporis pinguedine nitens, incautus dum argentum vivum, ad curandam scabiem, corpori affricat, validissimam passus fuit salivationem per viginti dies, torus pallidus, & emaciatus emerit toto sanguine sic dissoluto, omni pinguedine attenuata, & educta de corpore.

Pitcarnius, (g) qui ex communibus omnium corporum legibus plurima deduxerat pulcherrima in Medicina, fuit in illa opinione, gravitatem argenti vivi ipsam sufficere, nec aliam facultatem hic desiderari, ut explicentur mirabiles illi effectus: imo audacter addidit, aurum, in formam sanguini permiscendam redactum, habiturum vires ponderi proportionales, & omnia medicamenta tantum superaturum virtute, quantum pondere superaverit.

Argentum nempe vivum in minutissimas moleculas divisibile, sanguine fere decies, & quater ponderosius, venas ingressum, per pulmonis angustias pulsus, ex sinistro corde cum sanguine in arterias projectum, habebit eandem celeritatem, ac reliquae sanguinis moleculae; momentum ergo motus in argenti vivi particula erit ad momentum motus in sanguinis molecula, ut pondus argenti vivi est ad pondus sanguinis. Tanta ergo vi irruentes argenti vivi particulae in sanguinis moleculas, illas dividunt, & attenuant: rubedo peribit in sanguine dissoluto; extricabuntur olea, & sales attenuata pariter, unde foetor, & putredo, attenuati humores per dilatata, imperu irruentis tanta vi argenti vivi, vasorum oscula exhibent de corpore. Omnia autem haec effecta debent augeri, quia argenti vivi moleculae motum semel impressum diutius retinent: demonstraverunt enim Mechanici, retardationes corporum aequalium, sed diversae densitatis, aequali cum velocitate per idem liquidum motorum, esse in ratione inversa densitatum.

Simplex haec, & cognito ponderi argenti vivi innitens, explicatio mirabilium horum effectuum sufficere visa fuit: Quaedam tamen serio haec meditantibus obvenirent dubia, quae non prurigne obloquendi Viris, quos veneror, sed veritatis amore, meliora addicere paratissimus, proponam.

Ex universalibus illis argenti vivi proprietatibus non videtur explicari posse, quare soluti per vim assumti argenti vivi humores per salivales ductus potius ruant, quam per alia corporis loca.

Praeparata mercurialia officinarum in parva quantitate omnes illos producant effectus, quos longe major argenti vivi copia tantum facit. An verosimile apparet, in corpore humano argentum vivum extricari ita posse ex his prae-

(g) Dissertatio de causis diversae Molis, qua fuit sanguis per pulmonem, nazis, & non nazis pag. 17. 38.

præparatis, ut nativa ipsi forma redeat, & pristinum pondus; cum per artem non nisi summo igne, & additis talibus, quæ acidum argento vivo unitum in se trahunt potentissime, hoc fieri possit? Et licet daretur, sic reviviscere in corpore argentum vivum, nondum ulla patet ratio, quare pauca grana facerent, quod uncia integra argenti vivi vix efficit.

Novi satis, quid respondeatur ad hanc difficultatem; quod nempe argenti vivi minutissime divisi moleculæ, salinis spiculis infixis horridæ, pondere metallico unito concentratissimo acido, plus dividant omnia, quibus occurrunt. Sed si consideretur Præcipitatum album officinarum, levissimum exhibens inter præparata mercurialia pulvisculum: in ejus præparatione enim affusa muria salis marini excutitur in spiritu nitri solutum argentum vivum edulcoratione repetita pulvis ille insipidus fere, & blandus fit; tamen vidi sæpius, quod grani viginti divisi dosibus datis, imo & aliquando longe minori quantitate excitata fuerit satis valida salivatio. Levitas hujus Præcipitati albi, & debilis salium argento vivo unitorum acrimonia in hoc pulvere, videntur repugnare huic sententiae.

Nobili viro caecitate languida, & confirmata utriusque oculi laboranti, jufferat Empyricus, ut bina grana pulvisculi mercurialis (quem postea turcibich minerale fuisse dixit) naribus attraheret, statim vomitu, sudoribus, sedibus, urina, saliva, lacrimis, decem, aut duodecim horarum operatione, adeo commotus fuit, ut caput ejus plurimum intumuerit; tertio tamen, aut quarto die post hæc facta gradatim rediit visus; & post mensem philosophicum acutior, quam unquam antea fuerat. Sic narrat Boyleus (r).

Ex hac historia patet, omnes effectus argenti vivi ortos fuisse, dum pulvisculus mercurialis internas nares tangeret tantum.

Argentum vivum purum, vase vitreo sicco, sincero, contentum, solo concussu mechanico agitatum, dedit pulverem mollem, nigrum, tenuissimum, saporis acris metallici, aeris saporem utcumque referentis. Sexaginta, & una destillationibus purissimum redditum Argentum vivum majorem copiam dedit similis pulveris. Argentum vivum in cucurbitis vitreis conicis fundo plano instructis, phiala chemica vitrea inveria clausis, calori 180. graduum expositum per plures menses, dedit similem omni dote pulverem.

Sed pulvis ille sic natus, ex retorta vitrea valido igne destillatus, rediit in argentum vivum, pauca grana tantum relinquens fixæ materiae.

Simplici destillatione ex retorta vitrea purissima ex Argento vivo nascebatur pulvis ruber splendens, valde friabilis, saporis acerrimi metallici, nauseosi, penetrabilis, vix ex ore delendi, corpus humanum diu, & valide, turbans, & ad excretionem disponens: tamen pulvis ille sic natus, validissimo igne iterum fere totus mutabatur in argentum vivum (s).

Ex his apparet, argentum vivum, sine ullo addito, solo tritu mechanico, sola ignis actione posse mutari in acerrimam indolem; iterum tamen redire ma-

ma-

(r) De Utilitate Philos. Experiment. pag. 346. 347. (s) Herm. Boerhaave de Mercurio experimenta in transactionibus Philosophicis Anglicanis num. 410. Mens. Novemb. & Decemb. An. 1733.

majori igne in pristinam formam, deposita omni acrimonia. An ergo argenti vivi efficacia a communibus omnium corporum proprietatibus pendet? An non potius singulari ejus naturae, per experimenta sola cognoscendae, haec attribui debet? Sufficit interim Medico novisse, quid agat argentum vivum humano corpori applicatum, licet modum, quo agat, ignoraverit. Aliorum remedium virtus non magis patet inquirentibus: quis enim explicavit modum, quo scamnoneum totum sanguinem, in putridam aquam solutum, per alvum deturbet? Quis intellexit antimonii, & ejus praeparatorum mirabiles dotes &c.?

Omnia jam haec remedia hac §. recensita iterum determinari debent ad illa loca, quantum fieri potest, ubi haeret solvendum: hoc autem fit per DERIVANTIA, ATTRAHENTIA, PROPELLENTIA; de quibus dictum praecedenti paragrafo.

§. 136. **C**ausa coagulans educitur attractione alterius fortius trahentis. Sic acida in alcalia, olea in alcalia, &c. trahuntur, quae experimentis Chemicis in primis inveniuntur.

Per Chemica experimenta constat, obtinere in quibusdam corporibus miram proprietatem, qua alia corpora trahunt, & sibi uniunt: v. g. olei vitrioli drachma si tribus aquae libris diluatur aequabilissime, dein affundatur oleum tartari per deliquium, illud sibi uniet vitrioli acidum, & cum illo concreset in salem compositum. Dum fluidissimum argentum vivum liquato per ignem sulphuri instillatur sensim, & agitatione continua miscetur, concrescunt haec simul in nigram massam; quae valido igne si urgeatur, non redit argentum vivum, nec avolat, sed simul unita sublimantur, & dant cinnabarim. In hoc casu ut reddatur pristina fluiditas argento vivo, debet addi huic massae, ex sulphure, & argento vivo concretae, tale corpus, quod potentius trahit sulphur, & sibi unit; tunc enim redit argento vivo antiqua indoles. Hoc fit, dum limatura ferri miscetur cinnabari; & dein summo igne urgetur ex retorta: unitur tunc sulphur limaturae ferri, & liberum ab hoc vinculo argentum vivum in excipulum transit.

Plurima alia recenseri possent experimenta Chemica, quae docent, unita simul corpora, admistione alterius, quod potentiori vi trahit alterutrum horum, secedere a se invicem. Argentum in aqua forti solutum, immisso cupro, praecipit fundum petiit; solutum cuprum similiter addito ferro excutitur &c. Alcohol dissolvit, & sibi unit olea stillantia; affusa aqua, lactescit antea limpidum fluidum; & secedunt sensim olea prius soluta.

Magna tamen hic semper difficultas manet, dum non ita facile cognoscuntur causae coagulantes, & saepe causae penitus oppositae coagulum nostris humoribus inducunt. Numquid quies, & nimius motus sanguinem coagulant? An non frigus summum, & vens calor in massas irrecolubiles faciunt coire sanguinis elementa? Quis intellexit modum, quo ab ingenti terrore (quod vidi) scirrhus in mamma subitissime nascitur, nullis remediis postea re-

resolubilis? &c. Praeterea dum coagulans causa fecit concrefcere fluidorum nostrorum moleculas inter se, illas saepe sic mutat, ut ablata causa coagulante, tamen non restituatur pristina fluiditas. Si quis dubitaret de hac re, tentet coagulum affuso oleo vitrioli sanguinem iterum fluidum redere additis alcalinis salibus.

Pulchrum tamen habetur in arte exemplum, quo patet, humorum nostrorum coagula quaedam sic posse resolvi per eductionem causae coagulantis, ut redeat fluiditas sic, ut restituatur liber omnino per vasa humorum transfluxus: dum nempe per acerrimum gelu extremae partes corporis omni vitali humorum influxu privatae sunt, si tunc nive tegantur, vel immergantur aquae gelidissimae, tantum non congelatae, extrahuntur ex parte congelatae spicula illa glacialia, redit vita in partem, & concretis fluidis redditur pristina fluiditas.

Plura forte talia adhuc latent in rerum natura, quae eductione causae coagulantis valent resolvere concreta in corpore humano. Calculi elementa in limpidissima sani hominis urina fluunt; adunata postea sic cohaerent, ut haecsen per partem resolvi non potuerint. Qui posset vim illam, qualiscumque demum sit, qua uniuntur calculi elementa, tollere, solveret calculum. Interim non semper summae solvendi virtuti magna acrimonia comes est; blandum oleum solvit ceram, quae aquae stygiae resistit; iners ovi cocti albumen myrrham diffuere facit, quae aliis menstruis sua tenacitate vix solvi potest. Pulcherrimus talium remediorum usus meretur, ut investigentur sedulo.

§. 137. **V**erum quum liquidum, in loca aliena pulsus, non penetrabile sit, hincque obstructions creat, producantur multi, malignique morbi, unde meretur id malum attente perpendi.

Hic agitur de illa obstructionis causa, quae explicata fuit §. 118. ubi nempe nec in vas angustatis, nec in liquidis concretis haeret obstructionis causa; sed tantum fit, quia liquida ingressa sunt canales minores, quam sunt illi, per quos naturaliter fluere debebant: hinc quamvis talia liquida ingredi potuerint valorum minorum dilatata orificia, non poterunt tamen per angustos horum valorum fines transire: haerebunt ergo, & obturabunt haec vasa.

Quam ferax inde oriatur morborum seges, patebit facile consideranti, quod illibata sanitas totius corporis, & singularum partium pendeat a debito liquidorum transfluxu per vasa proportionalis amplitudinis; & quod auctam celeritatem transfluxus humorum per vasa sequatur statim hoc malum. Dum enim valido motu musculari, vel per febrim, augeatur circulationis velocitas, videmus statim rubore perfundi multas corporis partes, quae antea non rubebant: manifesto indicio, sanguinem rubrum jam ingressum esse plurima vasa, in quibus naturaliter antea non reperiebatur.

Sed non tantum numerosissimi inde pullulant morbi, sed & periculosissimi simul inde nasci possunt. Facile enim concipimus, quod sicuti pars rubra sanguinis

guinis per errorem loci ingredi potest vasa serosa, ita & reliqua decre-
scentis magnitudinis fluida possint impelli per easdem causas in aliena va-
sa. Si jam a tali causa obstructio nascatur in tenerimis illis cerebri, & ce-
rebelli vasculis, unde vita, & humanitas pendent, subito lethales orien-
tur morbi, quorum causa tamen in cadavere omnem sensum fugiet. Tales
autem morbi merito maligni dicuntur.

Apparet ergo evidenter, quantae utilitatis sit recte intelligere hujus ma-
li naturam, & cognito malo debitam adhibere curationis methodum.

§. 138. **S**imus id factum, si novimus 1. causas ejus [118],
quae ut plurimum satis observabiles, praegressas fuisse.
2. His dein successisse contrarias. 3. ubi effectus ejus clare
cernimus. [120. 121. 122]

Quaeritur jam, per quae certo cognoscere possumus, hanc obstructionis
causam obtinere.

1. In §. 118. enarratae sunt causae, quae observatae fuerunt errorem loci
produxisse: Plethora nempe, motus auctus, rarefactio liquidi, laxatio vasis.
Plethora adeffe cognoscitur ex dictis §. 106. 4. Motus auctus indicatur signis
recensitis §. 101. Rarefactio liquidi noscitur ex illis, quae §. 106. 2. dicta sunt.
Laxatio vasis praefens scitur ex dictis §. 17. & §. 43. & §. 44.: imprimis au-
tem, si observetur error loci obtinere sine plethora, motus aucti, vel rare-
factionis signis; tunc laxitas vasorum sola causa videtur esse. Ut enim vasa
minora recipiant crassiores solito humores, requiritur, ut prius dilatentur; na-
turalis enim horum vasorum angustia excludit crassiores humores. Sed haec
dilatio vasorum oritur vel ab aucta vi, qua urgentur humores in vasa, vel a
minuto robore vasorum, quo renituntur nimiae dilatationi. Ubi ergo non
adiunt causae, per quas majori impetu fluida agunt in vasorum latera, error
loci potest tantum fieri a minori resistentia laterum vasorum, id est a laxita-
te nimia. Haec autem causa frequentissime obtinet; toties enim ophthalmiae a
sola laxitate nimia vasorum oriuntur; non quidem adeo acutae, sed magis
diuturnae. Sic in moribundis, resolutio vitali robore, videmus viscidum ex-
primi sudorem, maculas rubras, purpureas, lividas, nasci a crassioribus nem-
pe liquidis ingressis minora vasa, & resolutione sphincterulorum, quibus va-
sa videntur coercere contentos humores.

2. Si jam dilatatis vasis per plenioram, motum auctum, rarefactionem
liquidorum, vel laxitatem nimiam, applicentur talia, quae subito constringant
vasorum capacitatem, certi sumus errorem loci obtinere; ingressi enim cra-
ssiores humores dilatata vasa, retinentur eisdem constrictis, nec retrogredi po-
terunt, nec per angustias ultiores propelli, unde necessario sequitur obstru-
ctio. Si aëtuans a valido labore homo bene recto corpore quiescat, sensum
vasa omnia contracta proprio robore retropellunt alienos ingressos humores:
si nudum corpus idem homo gelido vento exsoluerit, saeva nascitur tam-
saepe ab hac causa pleuritis, vel & alii inflammatorii, & difficillimi morbi.

3. Confirmatur autem hæc diagnosi, quando observantur illæ mutationes læsarum functionum, quæ descriptæ fuerunt numeris citatis .

§. 139. **F**acile quoque est praevidere, quid fiat ex hoc malo posito per ea, quæ exposita sunt (120. 121. 122. 123.)

Quando jam hoc malum cognitum est adesse, & simul constiterit, a quam causa ortum duxerit, & quam corporis partem occupaverit, facile erit prædicere effecta hujus mali. Longe enim alia metuuntur ab errore loci, qui a nimia circuitus humorum velocitate oritur, quam ab illo, qui a nimia laxitate vasorum fit: multo periculosior error loci in vasis encephali, quam in cute brachii &c. Sed in numeris citatis omnia hæc explicata fuerunt: §. enim 120. generales omnium obstructionum effectus considerabantur; sequentibus vero 121, 122, 123, dictum fuit, quid in variis vasorum seriis, & diversis corporis partibus inde foret metuendum.

§. 140. **C**uratio fit 1. impaſtum retropellendo motu retrogrado in vasa majora. 2. id resolvendo. 3. vasa laxando. 4. suppurando.

Haeret molecula obstruens in vase conico, semper in angustius vergente: quamdiu jam manet eadem magnitudo moleculæ obstruentis, & eadem firmitas laterum vasis obstruſti, non poterit illud obstaculum ulterius protrudi versus majores angustias; nihil ergo tunc superest, nisi ut retrogrado motu retropellatur versus basim conici vasis; sicque iterum ingreditur vasa majora. Patuit autem ex Leeuwenhoeckii observatione §. 132. n. 1. enarrata, quod massula obstruens retropelleretur sæpe, dein protruderetur iterum, sicque iret, & rediret in canale obstruſto: causa autem protrudens moleculam immeabilem in majores angustias est impetus fluidi a tergo urgentis; cessante hoc impetu, contractilitas laterum canalis obstruſti reprimebat hanc moleculam versus latiore locum.

Obtinere autem talem retrogradum motum fluidorum in vasis, simulac cordis vis impellens cessat, vel minuitur, docent certissima observata. Dum in syncopen delabitur homo, incipit minui cordis actio; imo si perfecta fuerit syncope, cessat integre. Incipiunt tunc statim pallere labia, & oculi, facies contrahi, & sublidere, collapsis, vel potius contractis, elasticitate suorum laterum vasis minoribus, & retropellentibus fluida contenta in majora vasa.

Si jam v. g. globus ruber, orificium dilatatae arteriae serosae ingressus, ibi hæreat immeabilis; idem ille retropulsus in arteriam sanguineam rubram, ex qua derivabat arteria serosa, libere fluat per ultimas arteriae rubrae angustias, & resoluta erit obstruſtio. Eadem jam poterit fieri obstruſtionis solutio in reliquis decreſcentium vasorum seriis.

2. Ex data definitione §. 107. obstruſtio nascebatur ex excessu molis transituræ supra capacitatem vasis transmissuri: si jam possit immeabilis hærens

molecula sic dividi, ut per vasis obstructi ultimas angustias transeat, sublata erit obstructio. Haec methodus resolvendi obstructionem patuit in modo citato Leeuwenhoeckii experimento, ubi itu illo, & reditu massula obstruens ad latera canalıs attrita solvebatur sic, ut transire posset.

3. Apparet evidenter, effectum fore omnino eundem, si ve vasis obstructi augeatur capacitas, si ve moleculae obstruentis minuatür moles; utroque enim in casu liberum conciliabitur iter fluido transmittendo per canalem antea obstructum, quod requirebatur. Laxari autem sic posse vasa, ut non tantum admittant crassiores humores, sed & transmittant per ultimos suos fines, quotidiana docent observata. Uteri internam superficiem constituentia vasorum ibi hiantium oscula tenuissimum tantum rorem transmittunt omni tempore, dum non menstruat mulier; menstruorum vero tempore rubrum dimittunt sanguinem: his cessantibus, contrahuntur iterum, nec admittunt sanguinem rubrum. Multis hominibus accidit, ut ruditer vesici per strata lapidea sine ullo dolore purum mingant sanguinem, non ruptis, sed tantum dilatatis fistulis renalibus; sola quiete tollitur hoc malum, contractis iterum, his fistulis, antea nimis dilatatis.

Mirum forte videri posset, quod §. 118. inter causas, per quas aliena vasa ingrederentur crassiores humores, recensetur vasorum laxatio; hic autem in curatione ejusdem mali laudetur eadem vasorum laxatio. Sed notandum, quod laxitas vasorum, quae facit, ut dilatatis orificiis admittantur quidem, sed non transmittantur crassiores humores, sic causa erroris loci: talis vero laxitas, quae facit, ut admissa crassiora liquida transmitti possint per ultimos fines canalıs, sanet obstructionem ab errore loci ortam.

4. Ubi jam molecula obstruens tam valide impacta est vasis conniventis angustias, ut non possit retropelli in majora vasa, nec resolvi per artem, neque tanta possit conciliari vasi obstructo laxitas, ut transmittat immeabilem moleculam; tunc unicum hoc superest, ut vis vitalis, a tergo urgens in locum obstructum abscindat partem obstructam: vas tunc liberum, sed parvum, humores suos effundit, solidis illis tenerimis abscissis miscet, calore loci, attritu vicinorum vasorum, haec simul abeunt in homogenum album, spissum, pinguem humorem, pus dictum: hoc vocamus *suppurare*. Haec est sola via, qua natura se liberat ab omni parte adeo obstructa, ut resolvi non possit. Salutare semper est hoc naturae conamen, modo vasa, sic in pus mutanda una cum infarcto immeabili liquido, non sint absolute necessaria ad vitam; & pus sic factum commode evacuari possit.

Dum in febre ardentissima, nempe peste, oritur circa glandulas axillares, vel & inguinales, saeva inflammatio, cum summa duritie, nulla arte resolvable; suppuratione circa margines abscinditur totum hoc mortuum, vivis partibus, & excidit: quod arte nulla, nisi per solam suppurationem fieri potest.

§. 141. **I**mpactum retrofertur. 1. Evacuando liquorem, qui impactum urget, magna, subita Sanguinis Missione, unde nixu contracti vasis retroagitur. 2. frictione ab extremis vas ad basin.

O 3

1. Dum

1. Dum arteria vi cordis dislenta se contrahit, retroprimeret contentum fluidum versus latiorē locum, nisi a tergo urgens impetus liquidi impediret: dum ergo illius liquidi minuitur copia, & debilitatur impetus a tergo urgens, retrogrado motu ab apice basim versus movebitur in arteriis contentum fluidum; sicque, quoad determinationem motus fluidi, arteriae fiant pro tempore venae. Sanguinis missio jam utrumque hoc praestat: minuit enim fluidi vas contenti copiam, & debilitat cordis impellentis robur: possumus enim pro lubitu sola sanguinis missione ad mortem usque solvere hominis vires.

Sed ut haec fiant cum fructu, debet magna esse, & subita sanguinis missio: parva enim quantitate sanguinis subducta non satis minuitur copia; & nisi subita fuerit, non ita debilitatur vis cordis a tergo sanguinem urgens. Robustus enim homo patulo de vulnere vix binas libras sanguinis pleno rivo dimittet, quin cadat in animi deliquium; dum triplam copiam sanguinis perdere poterit, cum guttatim de naso stillat; vel dente evulso (ut saepe observatum fuit) tenuis arteriola pugi stillicidio noctes, & dies sanguinem fundat; nec tamen tunc animo linquitur.

Confirmant hanc rem observata in morbis acutis inflammatoriis. Dum acuta pleuritide decubens prae immāni dolore inspirare nequit, sicque suffocatur fere, solvitur patulo vulnere brachii vena fluente adhuc sanguine faespissime incipit minui dolor; imo integre cessat aliquando, liberatis vasibus obstructis retrogrado hoc motu humorum versus latiora vasa. Dum inflammati oculi rubent penitus a sanguine alienis vasibus impulsio, venae sectione magna, imo ad animi deliquium usque facta, statim rubor ille disparat, retro pulso sanguine in majora vasa. Non enim requiritur, ut massulae obstruentes retrogrado hoc motu ferantur per magnam longitudinem, antequam ingredi possint latiores truncos: Anatomicae enim injectiones docuerunt frequentissimas anastomoses, & divaricationes truncorum in ramos in exiguo etiam spatio inveniri.

Veteres Medici, licet sanguinis circuitum ignoraverint, tamen per solam observationem effectuum in morbis, largam sanguinis missionem commendaverunt ad similia mala. (*) Galenus explicans Aphorismum 23. sect. 1. ubi de evacuationibus agitur, & quidem ad animi deliquium usque, talem evacuationem laudat in febribus ardentissimis, in maximis inflammationibus, & vehementissimis doloribus, & alibi: (u) ubi fervens vis sanguinis inest plenitudo; acutissimam accendens febrim, subito ac simul evacuare expedit, eamque inanire tentandum, vel ad animi deliquium usque, virum modo inspecto robore. Quae autem sequuntur mox, indicant, Galenum hic de sanguinis missione agere: monet enim, ad pulsuum diminutiones Medicum attendere debere, tangendo eos, sanguine etiamnum fluente, ne pro animi deliquio mors occupet: quod tribus Medicis accidisse turpi errore narrat.

Signa autem instantis animi deliquii a larga missione sanguinis manifesta apparent: pulsus enim incipit robore minui, vacillare, levis oritur vertigo, pal-

(*) Galen. Comment. I. in Aphorism. Hippoc. Charter. Tom. IX. pag. 49.

(u) De curandi ratione per venae sectionem cap. 12. Charter. Tom. X. pag. 441. 442.

pallent oculi, & labia, nausea oritur, & saepe vomitus, & sanguinis effluentis celeritas minuitur: tunc abstinendum ab ulteriori vacuatione.

2. Quando impetus liquidi, a tergo urgentis moleculam obstruentem, sublatu est, vel faltem minutus plurimum, tunc sola contractio valis reprimi immedie habet massam versus latiore locum. Omne ergo, quod valorum contractilitatem auget, vel simili effectu cum illa conspirat, juvabit hunc retrogradum motum. Friccio autem externe comprimendo valorum, latera facit idem, quod contractilitas propria fecisset, & hujus efficaciam, auget, uti dictum §. 28. n. 2. hinc patet ejus utilitas, imprimis si ab extremis valis bafis verius friccio instituitur.

Quantum autem hoc profit, docent iterum observata. Longe feliciter sanguinis missione Pleuritidis solvitur, si illo tempore, dum sinit adhuc sanguis, leviter perficitur latus affectum; vel aegri profunda, & saepe repetita inspiratione, vel & tussi, affectam partem moveant: unde saepe vino calido vel aceto naribus supposito, cardiaci titulo, cogimus aegros, ut vel inviti tussiant; dum saepe acerbi doloris praegravati metu hoc facere non audent. Dum valido cursu agitantur animalia in venatu, observatur saepe, ablata cute totum panniculum adiposum, imo & ipsam carnem musculosam, fere nigrescere, ob insarctum sanguinem in valis alienis: ideo reduces post validos cursus equos in stabulis perficiant equifones, ut tollatur hoc malum, didicerunt enim experimentis, nisi hoc fecerint, languere haec animalia, & inepta penitus reddi ad solitos labores.

Veteres lassatos longo itinere homines in balnea ducebant, & perficabant: idem adhuc in Asia fieri consuevit.

§. 142. **I**mpactum resolvitur remediis (133. 134. 135. 136.)
ante positis.

De his omnibus dictum fuit in numeris hic citatis. Maxime notandum videtur, quod sanguis noster, sponte sua concretescens dum quiescit, concretus tamen sensim iterum resolvatur: sanguis enim de vena sani hominis missus, concrevit brevi in placentam solidam; unde sensim exprimitur serum tenuius, cui innatas concreta massa, insula dicta. Effuso omni sero, rubra illa crassa pars post aliquot horas iterum simile serum dat, sicque tandem fere tota colliquefit. Hinc admodum probabile videtur, moleculas obstruentes, in vasis haerentes, calore corporis sensim sic posse solvi, modo impetus fluidi a tergo urgentis minuat, & non adsit nimium robur valorum, per quod densantur nimis valde fluida.

Haecque videtur esse ratio, quare morbi inflammatorii feliciter curentur in laxis corporibus, quam in robustis, & valido labore exercitatis hominibus.

§. 143. **V** Afa laxantur remediis [35. 36. 54.] propositis.

§. 144. DE suppuratione dicitur in historia Inflammationis.

Haftenus explicati sunt morbi simplicissimi, qui in solidis partibus corporis humani occurrebant; nimis debilis nempe, vel nimis valida cohaesio partium inter se, nulla habita ratione fluidorum. Dein spontaneae fluidorum, & morbosae degenerationes fuerunt enarratae: tunc consideratae fuerunt illa vitia, quae in solidis, & fluidis simul consideratis observabantur simplicissima: nempe incitatus, vel torpens nimis fluidorum per vasa motus: uti & Plethora, sive nimia boni humoris abundantia. Tardem & de obstructione actum fuit, quia & solidarum partium vitiis, & humorum, vel & utrisque simul conspirantibus originem suam debebat.

Sequitur jam ex ordine §. 16. descripto, ut agatur de soluta cohaesione partium, id est de Vulnere: patebit enim consideranti, omnia hae praemittenda fuisse, antequam Vulneris historia, & curatio tradi posset.



DE VULNERE IN GENERE.

Mirum forte videri posset, Celeberrimum horum Aphorismorum Auctorem externos, & Chirurgicos dictos morbos tanta cum cura tradidisse, cum plerorumque animis haec infederit opinio, internos morbos solos ad Medicum pertinere, externa vero mala Chirurgis relinquenda esse. Sed illa Medicinae pars, quae de externis morbis agit, omnium verustissima est. Podalirius, & Machaon, Aesculapii filii, bello Trojano ducem Agamemnonem secuti, non mediocrem opem commilitonibus suis attulerunt; quos tamen Homerus non in pestilentia, neque in variis generibus morborum aliquid attulisse auxilii, sed vulneribus tantummodo ferro, & medicamentis mederi solitos esse proposuit (*).

Postea quidem in tres partes Medicina diducta est; ut una esset, quae victu, altera, quae medicamentis, tertia, quae manu mederetur. Nec tamen ideo Chirurgia a Medicis neglecta fuit. Medicinae parens Hippocrates pulcherrima de vulneribus capitis, de ulceribus, fistulis, fracturis, luxationibus, posteris reliquit: nec perfunctorie haec tractavit, sed machinas, & modos reponendi luxata, & fracta membra descripsit satis diffusio sermone.

Praeterea summum usum habet, ad latentes morbos in interioribus corporis partibus cognoscendos, & curandos, eosdem considerare, ubi externas partes corporis occupant. Sensibus tunc omnia patent, & facilius intelliguntur.

Inflammationem, & varios ejus exitus longe evidentius intelligimus, dum externas partes occupat, quam dum in internis partibus latet. Quantum lucem affundit testis capitis morbis cognitio vulnery capitis? Idem in multis aliis verum est.

Cum ergo omnis ordinata doctrina a facilioribus intellectu ad difficiliora pergat, jure merito internorum morborum historiae praemittantur morbi externi, Chirurgici dicti.

§. 145. **V**ulnus est soluta cohaesio recens, cruenta, partis mollis, a corpore duro acuto, moto, presso, vel resistente.

Vulnery hic traditur accurata definitio, nempe quod sit soluta partium cohaesio: sed additur, quod, ut vulnus vocetur, debeat esse RECENS: sic enim distinguitur ab ulcere: in quo etiam est partium antea cohaerentium solutio; tamen

(*) A Cora. Celsi Praefatio lib. I. pag. 1. & 2.

tamen apud Hippocratem ulcus, & vulnus (*ἔλκος καὶ τραύμα*) aliquando promiscue sumuntur (γ), & quidem in uno, & eodem Capitulo. Additur deinde in definitione, quod sit soluta cohaesio CRUENTA; si enim vulnus tam parvum fuerit, ut sanguis ruber non exeat, vix considerationem meretur, cum ne quidem tenuissimae aciculae apice cutis pungi possit, quin cruor effluat. Additur deinde, quod sit solutio PARTIS MOLLIS, ut distinguatur a solutione continui, quae in ossibus fit per fracturam, fissuram &c. Praeterea, ut distinguatur a contusione, additur, separationem continui fieri in vulnere a CORPORE DURO ACUTO, quod parva superficie motum suum parti corporis imprimit. Sed corpus durum, & acutum non potest separare cohaesionem, nisi motu, vel pressione applicetur ad partes cohaerentes; vel nisi partes corporis moveantur, vel premanantur ad durum, & acutum corpus, sed resistens simul. Facile enim parer, eundem fore effectum, sive lanceola brachio, sive brachium lanceolae impingat.

§. 146. **C**ausa ergo sensibilis ejus est durities, acuties, motus, resistētia instrumenti vulnerantis.

Haec per se patent; nisi enim durum esset instrumentum vulnerans, non posset superare vim, qua cohaerent partes unitate inter se, nisi acutum foret, faceret contusionem loco vulneris.

§. 147. **S**ubjectum pars mollis, adeoque, textura vasorum sanguiferorum, serosorum, lymphaticorum, adiposorum, nervosorum, membranosorum, tendinosorum; tum vesicularum, quae ex his constantur.

Ex ipsa definitione patet, vulneris subjectum esse partem mollem; sed hodierna Anatome docuit, partes molles corporis humani esse meram vasorum texturam: hinc nullum vulnus potest esse, quin plurima vasa discindantur, & quidem diversarum serierum. Nulla enim arteria sanguifera dicendi potest, quin laedantur sere omnis generis vasa: tunicae enim hujus vasis ex aliis minoribus vasis fiunt, horum tunicae iterum ex minoribus vasis, donec ad ultima pervenium sit. Hinc simplici vulnere arteriae sanguiferae vulnerantur & serosa, & lymphatica vasa &c. vulnerantur & folliculi, qui lubricans illud smegma dant, quo interni majorum arteriarum parietes inuncti apparent; vulnerantur membranae, musculosae fibrae arteriae unicam musculosam constituentes &c.

Pateat ergo vel in levi vulnere omnes partes in hac paragrapho recensitas laedi posse.

§. 148. **I**n quo subjecto (147) causa (146) producit cohaerentis separationem, liquidi contenti effusionem.

Cum

(γ) Lib. de Capit. vulneribus cap. 12. Charter. Tom. XII. pag. 120.

Cum ergo nulla possit fieri separatio cohaesionis in parte molli, quin laedantur plurima vasa, apparet evidentissime, omne vulnus duplicem semper praestare effectum; separat nempe a se invicem partes solidas antea cohaerentes, & deinde educit ex vasis vulneratis illud liquidum, quod in vasis erat praefens illo momento, quo vulnerantur, uti & illud, quod circulationis legibus mox advehetur ad locum vulneratum per vasa nunc diffecta. Cum ergo patuit ex paragrapho praecedenti, omne valorum genus in vulnere posse laedi, apparet evidenter, omnis generis liquida ex vasis vulneratis effluere posse.

§. 149. **I**nde laedit actiones, quae pendent ab integritate partium, & ab determinato fluxu liquorum per vasa.

Totum corpus humanum solidis, & fluidis constat: nullum potest concipi vulnus, quin tollat cohaesionem solidarum partium, & interrumpat circuitum humorum per vasa, prius integra, nunc divisa. Sed omnes functiones nostri corporis ab integritate partium solidarum, & debito motu fluidorum per vasa, pendent hinc nullum potest esse vulnus, quin laedat saltem aliquas functiones. V. g. ut digiti manus ad voluntatis arbitrium flecti possint, requiritur integritas musculorum profundi, & sublimis, per quos haec flexio peragitur. Si jam vulnere facto discindantur tendines horum musculorum, perit illa actio ab integritate harum partium pendens.

In Physiologicis demonstratur, quod ad actionem musculi cujuscumque inter alia requisita necessarius sit liber influxus spirituum per nervos; si jam discissus fuerit nervus ad musculum tendens, determinatus fluxus liquidi nervosi in musculum impeditur, & tollitur ejus actio.

§. 150. **Q**uae vulnera proinde occupant eas partes, quarum integritas vitae inseparabilis, Lethalia sunt.

Lethale vulnus vocatur omne illud, quod mortem infert effectu suo inseparabili. Sed mors adest, dum sanguinis influxus in cor, ejusque expulsio ex corde impeditur. Ut autem bina haec fieri possint, requiritur plurimarum aliarum partium integritas. Omne ergo vulnus, quod tollit requisita ad influxum liberum sanguinis in cor, & expulsionem sanguinis recepti ex corde, erit ex sua natura lethale. Qualia autem sint vulnera lethalia, & quibus partibus inflata, postea dicitur.

§. 151. **H**orum (150) autem alia inevitabili necessitate moritem ferunt.

Vulnera illa, quae mortem inferunt suo effectu, conveniunt in illo omnia, quod sanguinis in cor receptionem, & ejus expulsionem ex corde tollant; sed tamen magnum occurrit inter illa discrimen: quaedam enim sunt inevitabiliter lethalia; sic ut licet accuratissime fuerint intellecta, & ad amissum cognitae partes, quas vulnus laeserat, tamen nullo auxilio haecenus in arte cognito potuerit impediri, quo minus mors, ut effectus inseparabilis,

lis, ex vulnere ut causa fieret. V. g. si gladio ancipiti per hominis thoracem adacto vulneretur lata plaga aorta illo in loco, ubi ex Pericardio emergit, exhibit omnis sanguis corde sinistro expulsus per hoc vulnus, accumulabitur vel in thoracis cavo, vel exhibit de vulnere, nec rediit per venas ad cor dextrum, unde inevitabilis mors sequitur. Nec potest ulla arte praecaveri: non datur enim accessus manibus, ut ligetur, consueatur &c. & licet hoc fieri posset [quod tamen impossibile omnino est] ligata aorta, non posset evacuare se cor sinistrum; hinc suffocaretur sanguinis circuitus, unde vita penderet.

Sed si aorta bifida facta, ad femur, & crus utrumque tendens, vulneretur in his partibus, erit vulnus hoc ex se lethale quidem, quia omnis sanguis per arteriam hanc discissam effluet, sed tamen non erit inevitabiliter lethale, quia torculari, vel laqueo arteria sic comprimi poterit, ut nullum sanguinem emittat; & postea poterit ligari &c.

In renunciationibus autem, quas Medici de vulneribus ad Judices mittunt, haec sollicitissime distinguenda sunt.

§. 152. **A**lia, sibi relicta, mortem inferunt, sed artis auxilio ita emendari possunt, ut mortis periculum absit.

Omnes arteriae majores, per artus dispersae, vulneratae ad mortem usque sanguinem dimittent; hinc talis arteriae vulnus lethale quidem est, per artem tamen poterat impediri, quominus mors inde sequeretur. Talia plurima habentur apud Observatores exempla. Studiosus vigilem publicum noctu sic vulneraverat ense, ut arteria profunde decurrens sub surae musculis discissa fuerit: vulneratus ingentem sanguinis jacturam passus prolabitur, invenitur fere mortuus: reficiunt debilem cardiacis; statim iterum sanguis effluit ad animi deliquium usque. Vulneris orificium stipticis pulveribus replet, frustra sic conatus haemorrhagiam compescere, non satis peritus Chirurgus, interm pergunt vino, & similibus languentem vulneratum reficere, sicque aucto sanguinis motu augebatur haemorrhagia, ex qua miser periit. Vulnus hoc lethale pronunciatum est. Verum quidem est, quod hoc vulnus fuerit causa mortis; tamen in arte cognita erant talia auxilia, per quae vulneratus servari poterat: si enim sub poplite compressisset arteriam idonea ligatura Chirurgus, potuisset haemorrhagia sisti; aut dilatato vulnere arteria vulnerata potuisset ligari; vel saltem extirpatione membri vita servari potuisset.

Similis etiam casus contigit, dum in conflictu gladio vulnerabatur brachium, & discindebatur arteria profunde decurrens supra ligamentum inter radium, & ulnam medium; poterat arteria in brachii parte superiori supra os fere nudum decurrens comprimi; sicque haemorrhagia sisti; & deinde amputato membro vita redimi: sed nec aeger crudeltem curam admittere voluit, nec Chirugi urgebant necessitatem, credentes se compressione valida sanguinem sistere posse. Periit misere vulneratus putrefactione summa per compressionem hanc orta, qui per artem servari potuisset.

Hinc apparet, quam necessarium sit Medicis, & Chirurgis, qui vulnera praestant, & de illorum lethalitate ad Judices ex officio renunciare debent, cognoscere

gnoscere decursum majorum vasorum, & illa loca, ubi comprimī possint commode, ut mors ab haemorrhagia secutura praecaveatur. Exactissimae Eustachii tabulae omnia haec accurate designant.

§. 153. Tandem ex non lethalibus, neglectus, vel error, lethalia potest facere.

Omnium hoc frequentissime accidit illis, qui minus merentur; nempe quibus in conflictibus bellicis vulnera infligēta sunt. Quoties perierunt vulnerati ab haemorrhagia, quae compesci potuisset a perito Chirurgo? Quot perierunt sanguine sub cranio effuso, qui terebratione calvariae in tempore adhibita potuissent servari? Cranii integumenta externa, valida contusione laesa, cum exigua vulneris simul facti apertura, fecerunt saepissime neglectu solo funestissima symptomata; imo ipsam mortem: quae omnia praecaveri saepe potuissent bona curandi methodo adhibita. Innumera hujus rei exempla apud Observatores occurrunt.

Sed non tantum neglectus illorum, quae ex arte fieri debent, verum etiam turpes errores vulnera non ex se lethalia fecerunt effe lethalia. Raro moriuntur homines ex haemorrhagia, nisi maximae arteriae discissae fuerunt; sed magnam sanguinis jacturam passi in animi deliquium cadunt, tuncque sistitur haemorrhagia: si sic relinquantur semimortui fere, in moderato tantum calore, detur solum jus carniū parca quantitate, sed repetitis vicibus; languida potest sustineri vita, vas discissum se contrahit, imo saepe consolidatur: sique servati fuerunt multi, qui certo perituri videbantur.

Dum autem ob ingentes haemorrhagias in animi deliquium lapsos spirituosius conantur refocillare, non restituunt perditam humorum copiam, sed vim vasorum in liquida augent; unde nova redit sanguinis jactura, & mortis causa augeatur. Multi post conflictus bellicos, per dies integros inter cadavera relictī, omni fere sanguine exhausti, revixerunt postea.

Scripterunt Chemicī quidam, Arsenicum per nitrum fixatum summum remedium esse ad haemorrhagias sistendas: sed quam periculosa est applicatio tam virulenti remedii ad crudum vulnus; dum vel minimum hujus venis receptum post crudeles convulsiones mortem inferre potest.

Hinc dum ex auctoritate publica lustrantur cadavera percussorum, primo inquirendum est, an vulnus tale fuerit, ut inde mors necessario sequi debeuerit; an vero mors praecaveri potuisset arte hodie cognita: deinde an mors secuta post vulnus adscribenda sit vulneri, an vero aliis causis.

Non sufficit ergo sola vulneris in cadavere inspectio, ut de ejus lethali-tate judicium ferri possit; sed debent & cognosci omnia, quae vulnerato acciderunt post vulnus infligētum.

§. 154. Pro varietate alterius cujusdam actionis, a parte integra prius exercitae, etiam alia vulnerum effecta, atque inde variae appellationes oriuntur, vix ignotae perito actionum Sanitatis.

Quot

Quot sunt partes diversae corporis humani, quae vulnere laedi possunt, tot poterunt esse distinctae actiones laesae, quarum integritas a cohaesione partium, per vulnus separatarum, pendeat. Sed qui ex Anatomicis, & Physiologicis novit partium corporis usum, quantum per artem hodie exculam licet, ille cognita parte vulnerata poterit determinare damna, quae inde sequuntur. Sic tendine musculi discisso, patet facile, actionem musculi abolitam esse, quae ab integritate hujus tendinis pendeat &c. Ancilla lagenam vitream manu tenens, cadit; fractae lagenae frustum vulnus facit profundum medio loco inter carpum, & cubiti articulum in parte interna; valida oritur haemorrhagia, vulnerata arteria, quae sub flexore carpi ulnari decurrit: idonea ligatura circa humerum comprimebatur, ad nudum ibi fere os humeri, arteriae truncus; feliciter sistebatur haemorrhagia, sed conquirebatur aegra, quod stuporem in digito minimo, & medietate digiti minimo proximi sentiret; credebatur Chirurgus a valida compressione stuporem ortum fuisse. Eustachii accuratissimis tabulis consiliis ausus sui praedicere, nervum discissum esse, qui digito minimo, & medietati adjacentis digiti prospicit; hinc immedicabile fore hoc malum. Eventus asserti veritatem demonstravit: sanata enim, me rogante, saepius digiti minimi apicem flammæ candelae imposuit sine ullo doloris leniu.

Patet ergo, maximam vulnorum varietatem esse, quoad varia effecta a diversis partibus corporis laesis pendencia.

§. 155. **N**Ec minor nominum, formarum, & effectuum varietas in vulneribus, a diversitate caulae vulnerantis (146) quoad figuram, modum adigendi, pungendo, secando, caedendo, agitando, illatum, vim impingendi, ablationem ex vulnere, relictionem in eo, infectionem venenatam.

Considerantur hac paragrapho vulnorum diversitates, quatenus ab instrumento vulnerrante pendent.

QUOAD FIGURAM. Si conica acuta figura fuerit praeditum instrumentum vulnerans, erit punctura, cito se claudens; tuncque dimicilius cognoscitur vulnerris profunditas: si vero in acutum euncum formatum fuerit, erit incisura &c.

MODUM ADIGENDI &c. Nam inde oritur magna varietas: **PUNGENDO** enim fit vulnus angustum, saepe tamen profunde penetrans. **SECANDO**, quando cuneus acutus per partes molles protrahitur, sunt tunc longa, sed minus profunda vulnera.

CAEDENDO. Majori tunc vi penetrat instrumentum vulnerans, & profundius adgitur: & nisi acutissimum fuerit, simul contusionem facere poterit.

AGITANDO. Ad quod maxime attendendum est: dum enim vulnus extenso directe brachio infligitur ense, saepe inter partes transit, a quibus laesis summum foret periculum, sine adeo magno malo; sed si ensis in vulnere haerens fuerit agitatus, & circumrotatus in vulnere, longe plures partes laeduntur. **Figura autem vulnerris** hoc docere poterit: si enim vulnerris magnitudo respondeat magnitudini instrumenti vulnerantis, directo tantum impetu vulnus inflictum fuit.

fuit; sed si v. g. lato gladio vulnus rotundum factum fuerit, designat enssem circumrotatum fuisse in vulnere.

VIM IMPINGENDI. Pro vario enim impetu, quo instrumentum vulnerans fuit impactum corpori vulnerati, vulnus magis, vel minus profunde penetrabit.

ABLATIONEM EX VULNERE, RELICTIONEM IN EO. In gravissimis enim vulneribus aliquando prodest relinquere instrumentum vulnerans, cum saepe paries vulneratae se circa hoc constringant, ac sic haemorrhagia sistitur; quae, educto instrumento vulnerante, ipso saepe momento mortem affert. Sic falcem aliquo tempore vita sustinetur. Dum telo Turnus miseri Pallantis pectus perforat, (2)

*Ille rapis calidum frustra de vulnere telum,
Una eademque via sanguisque animusque sequuntur.*

Dum immitis Achilles hasta transfixerat Hectoris cervicem, ut morientem insularet, reliquit in vulnere telum, quod mortuo evulsit (a).

Imprimis haec obtinet diversitas vulneris ab hac causa, si hamatum telum fuerit, unde non sine magna laceratione educi potest.

INFECTIONEM VENENATAM. Mira circa hanc rem capta experimenta evicerunt, esse in rerum natura talia venena, quae innoxie quamvis possent degluti, vulneribus tamen applicata certam, & subitam mortem facerent. In viperarum morsu vulnere dentibus facto immixtus venenosus succus certo & hominem, & majora animalia, gallinas, columbas &c. necat. Dum magni Hetruriae Ducis jussu inquirebant Eruditissimi Viri naturam hujus veneni, & quidam in felle viperae vim venenatam latere assererent, Veterum auctoritate, uti & recentiorum multorum testimoniis moti; in angulo stans viperarum captor, antiquis Maris, & Pylis audacior, bilem viperae dimidio cyatho frigidae mistam bibit intrepidus, nihil inde mali passus. Nec diversis animalium speciebus exhibitum fel viperinum, ullam noxam intulit; nec vulnere recenti instillatum fel viperinum aliquid mali fecit (b).

Aliis longe probabilior videbatur haec opinio, quod venenum illud viperarum haberet in loculis illis, qui dentibus adjacent. In illis enim cavitatibus haeret humor colore, & sapore similimus oleo amygdalino; dumque morsum infert vipera, compressis maxillis necessario vulnere adspersigit illud liquidum: sed quamvis virus hoc vulnere dente viperae facto immixtum tam lethales effectus faceret, idem ille venator, qui bilem viperae deglutiverat, pari audacia maximae, & simul iratissimae viperae expressum ex his loculis liquorem, simul omnem spumam, & salivam, quam ore continebat, vino diluta hausit sine noxa. Simili successu animalibus ingerebatur (c).

Lethalia illa tela Bantamentium, quae levi vulnere indubitata adferunt mortem, vino infusa, aut alio liquore per plures dies, nullam malignitatem conciliaverunt liquido, in quo tam diu haeserant (d).

Dum

[a] Virgil. Aeneid lib. X. v. 485. (a) Homer. Iliad. lib. 22. (b) Francisc. Redi observat. de Viperis pag. 14. &c. (c) Ibid. pag. 18. 19. (d) Ibid. pag. 13.

Dum per Lybiae aridissima deserta duceret exercitium Cato, sitientes milites non audebant bibere de fonte, quem turba serpentum tenebat, sed sapientissimus dux hortabatur, ut audacter biberent, dicens.

Vana specie conterriti letbi

Ne dubita miles tutos haurire liquores.

Noxia serpentum est admisso sanguine pestis.

Morsu virus habent, & satum dente minantur.

Pocula morte carent. Dixit, dubiumque venenum

Hausit, & in tota Libyes fons unus arena

Ille fuit, de quo primus sibi posceret undam (e).

Dum oleo Tabaci madidum filum per vulnus acu factum trahitur in animali vivente, illud cito perit. Viperam sic spatio minori, quam est octava pars horae, necavit Redi, [f] qui tamen in omnibus Tabaci speciebus non invenit hoc oleum eandem habere malignitatem (g).

Plura forte talia sunt, quae melius latent. Ubi ergo adfunt anomala symptomata, quae non possumus suspicari ex vulnere, ut causa, orta fuisse, tunc de infectione venenata instrumenti laedentis cogitandum est.

§. 156. **T**UM etiam omnia eadem (155) variant pro differentia partis vulnus excipientis (147), quoad ejus duritiem, mollietiem, nexum, situm, effectum, liquida contenta, faciem mutatam.

Vulnorum diversitates enarratae sunt binis praecedentibus paragraphis, quatenus ab actionibus per vulnus laesis desumebantur, uti & illae, quae pendebant a diversitate ipsius causae vulnerantis. Hac autem paragrapho considerantur illae vulnorum varietates, quae oriuntur a diversis indolentia partis vulneratae.

DURITIEM, MOLLITIEM. Modica vi instrumentum vulnerans penetrabit mollia abdominis integumenta; longe validiori indigebit impetu, ut durum calvariae os dividat.

NEXUM. Dum tendo musculi discissus est, motus partis illius, cui naturaliter necessebatur, perit; hinc pro effectu vulneris habetur. Dum parva arteriola dentis evulsi, in alveolo latens, laesa sanguinem fundit saepe ad mortem fere usque; hoc non fit ideo, quia tam parvus arteriae ramulus, laesus est, sed quia osseae alveoli superficiei affixus non potest se contrahere, & sic claudi. Quando in flexura cubiti per venae sectionem insulso casu laeditur aponeurosis illa, a parie tendinea bicipitis musculi orta, faciva symptomata, quae sequuntur, non pendunt a tam levi vulnuscule, sed a nexu illius tendinae expansionis cum aliis partibus.

Si.

(e) M. Arnei Lucani Pharsal. lib. 9. [f] Observat. de viperis pag. 98.

(g) Redi Experiment. Naturalia pag. 50.

SITUAT. Si arteriarum intercostalium ramus, licet exiguus, laedatur sic, ut simul perforata pleura in pectoris cavum sanguis fluat; poterit effuso sanguine corrupto pulmo inflammari, suppurari, & lethalis tabes inde sequi: tantum ideo quia vulnerata arteria talem situm habebat, ut posset in cavum pectoris sanguinem dimittere. In aliis enim corporis partibus longe majores arteriarum rami sine periculo discinduntur. Longe periculosius vulnus est inflictum internae femoris parti, ob maxima vasa ibi decurrentia, quam si externae parti femoris simile contigisset.

EFFECTUM. Multis partibus corporis talie inest proprietas, ut vulnere, vel alia quacumque causa laeſis his partibus, turbentur aliquando functiones aliarum partium; cum tamen ex haecenus cognita Anatome nondum constet ratio, cur laeſis prioribus turbentur aliarum actiones. In exemplo res patebit. Post dolores colicos, vel Iliacos aliquot vicibus toleratos oritur in Colica dicta Pictonum brachiorum Paralyſis, & saepe pergente malo verus Marasmus artuum superiorum. Quis ex cognita fabrica partium explicabit rationem mirabilis hujus eventus? Post vulnera abdominis, discissis mesenterii nervis quibusdam post enormes dolores mors sequebatur, nec reperiebantur in cadavere magna vasa discissa, nec viscera laesa. In cane, discisso nervo intercostali, & paris octavi, in his animalibus eadem vagina contentis, apparuit oculum ejusdem lateris obscurari, mole minui, inflammari; saepius repetitis experimentis constat, semper oculos inde mutari sensibilibiter. Hoc autem patuit non ex cognita structura partium, sed ex effectu observato post vulnus factum (κ). Hinc patet, ingentem iterum nasci vulnorum varietatem ex effectis, quae a parte vulnerata observantur in corpore producta esse: tamen saepe sola observatio facti docet mirabiles tales eventus, cum ex cognita partium structura haecenus a priori non demonstrari potuisset, haec mala metuenda esse.

LIQUIDA CONTENTA. Si vesicula fellea vulnerata bilem in abdominis cavum effuderit, haec cito putrescens pessima producet mala. Si ureteribus discissis urina per vulnus stillans in abdomine accumuletur, haec corrupta omnia abdominis viscera putrida labe inficere poterit &c.

FACIEM MUTATAM. Possunt enim partes corporis per vulnus laesae plus minusque degenerare a naturali conformatione, sicque miro modo externam partium faciem mutare.

Dum muscoli faciei unius lateris paralytici fiunt, quam mira sit distortio faciei in latere opposito, quia muscoli aequilibrio antagonistarum destituti retrahunt faciei partes. Idem per vulnera, laeſis quibusdam faciei, vel aliarum partium musculis, vel nervis dissectis ad hos musculos tendentibus, fieri posse satis patet.

§. 157. **H**UJUS multipliciter originem nosse ut opus, ita nomina subtiliter distinguere non juvat.

Ad omnia illa, quae tribus praecedentibus paragraphis dicta sunt, attendendum esse Medicis, & Chirurgis, qui vulnera curant, nemo dubitat; ex

P

his

(κ). Acad. des Sciences l'an 1727. Memoires pag. 6. &c.

his enim Diagnofis, & Prognofis vulnorum pendet, utpote quae cognitioni structurae, & ulus partium, tanquam firmis fundamentis inniuntur. Cognito enim instrumento vulnerante, & quo modo, & qua vi applicatur illud fuerit corpori; deinde considerata natura partis vulneratae, & cognitionis ejus ufibus naturalibus per vulnus laefis, praevidemus, quid metuendum fit; intelligimus, quid ars efficere poffit, ut tollat mala jam faeta, vel caveat futura. Difficile autem videtur, variis nominibus vulnorum diverfitates tam numerosas designare ita, ut nomen datum diftinctam offerat ~~monfi ideam~~ ^{ideam} diffinitionem longe memoriae haec fic imprimere, ut ufum habere poffent. Integram fic tabulam tractatui fuo de vulneribus praefixit *Paraeus*, ut vulnorum diverfitates traderet. Rem consideranti apparebit facile, haec non adeo magni ufus effe: fufficere vero generalem cognitionem illorum, unde tanta vulnorum diverfitas pendet.

§. 158. **S**I in corpore sano, robustoque factum vulnus in loco visibili, non irrigato magna quadam arteria, nec nimis tendinofa, haec oriuntur phaenomena; si modo a frigore, aere, ficcatione, vulneris hiatus defenditur.

Ut aliquid certi de vulnorum curatione dici poffit, necessario praemitenda sunt illa phaenomena, quae fidelis obfervatio per fenfus faeta docuit obtinere in vulnere a primo initio, quo inflictum est, ad integram consolidationem ufque. Haec autem omnia dum notantur illo ordine, quo fe mutuo excipiunt, dant evidentem cognitionem methodi, quae natura utitur, ut feparatas per vulnus partes in pristinam cohaefionem reftituat.

Ut autem omnis evitetur error, & confufio, nihil hic consideratur, praeter folum vulnus, & corpus vulnerati fupponitur perfecta fanitate valere; aliter enim phaenomena obfervata non forent adfcribenda fola vulnere, fed etiam pro parte penderent a morbo vulnus comitante. Longe enim aliae mutationes apparent in vulnere, fi cacochymia v.g. fcorbutica, Venerea, Rachitica corpus obfederit. Praeterea corpus fupponitur robustum; in debilibus enim languida circulatio minori impetu humores verfus vulnus ducit: hinc dolor, calor, tenfio &c. longe minora funt circa labia vulneris, quam in homine validis viribus praedito.

Deinde omnia haec debent fenfibus patere: unde in externis corporis partibus vulnorum phaenomena imprimis obfervanda; & his vifis difcimus, quid in internis corporis partibus vulneratis contingat. Ob hanc caufam & fupponitur, quod nullum vas arteriofum majus fimul laefum fit, undatim enim tunc profluens fanguis impedit, quo minus omnia accurate fuftrari poffint.

Additur praeterea, quod vulnus non debeat effe in loco *nimis tendinofa*: fi enim v.g. tendo cujufdam mufculi laedatur per vulnus, nec difcindatur tamen integre, mufculus huic tendini affixus trahendo tendinem laetum horrenda poterit producere fymptomata, quae non adeo pendent a vulnere, quam a mufculo tendinem vulneratum trahente. Poftea autem defcribentur illa mala, quae

quae ab arteriis majoribus discissis, vel tendinibus per vulnus laceris, oriuntur.

Præterea aer, imprimis frigidus, admissus miro modo mutat partes vulneratas, & laedit tenerrima vascula, illaque exsiccat. Sic si per vulnus calvaria denudata, & aeri liber accessus fuerit ad nudum os notabili tempore, vix sanabitur tale vulnus, nisi prius exfoliatione separata fuerit ossæ lamella. Hoc autem non pendeat a vulnere; si enim statim ab aere defensum fuisset os nudatum, hæc exfoliatio non contigisset.

Sub his ergo conditionibus recensentur phaenomena, vulneribus omnibus propria, sequentibus numeris.

1. Partes, inter quas causa vulnerans adacta, sensim magis magisque a se mutuo recedunt, licet causa ablata sit, nisi punctura fuerit parva.

Simul ac causa vulnerans divisit cohaesionem partium, distantia inter partes separatas est aequalis crassitie instrumenti laedentis: hinc dum maleficiis a carnifice acuta novacula facies discinditur, apparet tantum linea rubra, sed sensim labia vulneris a se invicem recedunt, & post paucas horas saepe lineae geometricae amplitudine hiant. Vis enim illa, qua cohaerent partes solidae corporis nostri, pergens agere utrimque retrahit extrema discissa, quia in loco vulneris destructa est partium cohaesio.

NISI PUNCTURA FUERIT PARVA. Dum enim instrumentum vulnerans pungendo parvum vulnus fecerit, simulac penetravit cutim, & laeserit tunicam cellulosam subjectam (nisi fuerit macilentissimum vulnerati corpus) vulnus apparet fere nullum, quia tunica cellulosa a cutis pressione in loco vulneris libera, statim affurgit in vulnus, illudque claudit. Hinc dum obelo homini vena secatur, subito saepe sanguinis effluxus sistitur, pinguedine vulnus cutis obturante.

2. Cruor primo cum impetu effluit, dein sensim sponte sistitur.

Si non sit vulnerata magna arteria, neque talis, quae ossi affixa se retrahere, & claudere nequit, primo quidem vulneris momento vasa discissa sanguinem cum impetu eructant, paulo post contractis vasorum discissorum orificiis propria elasticitate, & se recondentibus sub vulneris labiis, minuitur brevi, & tandem sponte cessat sanguinis effluxus. Hoc evidentissime apparet in sectione calculi: ibi enim magno satis vulnere cutis, & subjectae partes discinduntur, effluit uncia una, vel altera sanguinis, sed, nisi infelici casu major arteria vulnerata fuerit, paulo post fere integre cessat haemorrhagia; quae aliter multum turbaret operationem. Omnis enim sanguis, qui ex vulnere facto effluit, fere tantum ex arteriis exit, venae enim latissimae etiam discissae, nisi obstaculum positum fuerit inter cor, & vulnus venae infictum, parum tantum sanguinis stillant: arteriae autem sua elasticitate facile se contrahunt, & sic sanguis brevi sistitur.

3. Tum crusta sanguinea cavo vulneris innascitur.

Cum ergo ex vulnere sanguis arteriosus fere tantum exeat, uti modo dictum est; & ille ex sua natura etiam in homine sano, & robusto extra vasa haerens statim coaguletur; ideo simulac incipit cessare impetus sanguinis erumpentis, fit tale coagulum sanguinis effluentis, sive thrombus dictus, vel eschara sanguinea, quae labiis vulneris agglutinatur, & totum vulneris hiatus tegit perfectissime; sicque pulchro naturae molimine tegitur, & defenditur vulnus; subque hoc tegmine sensim consolidantur separatae per vulnus partes. Et quia thrombus ille calore corporis, & aere contiguo exsiccat magis, & magis, fatis durum fit nascitur vulneri operculum, quod postea sanato vulnere sponte cadit.

4. Et liquor dilutus, rubellus, tenuis effluit.

Dum ille thrombus sic incipit nasci, uti & si natus auferatur, non effluit sanguis fere, sed tenuis levi rubedine tinctus liquor, loturae carniū recens maculatum similis. Hoc autem videtur fieri, quia vasa sanguinea rubra discissa, sensim contractis suis orificiis, pauculum rubri sanguinis, maiorem autem copiam tenuioris liquidi non rubri transmittunt.

5. Tum vero labia vulneris incipiunt rubere, calere, dolere, tumere, retorqueri, fundo interim tumido assurgente, praecipue assurgente adipe in aperturam vulneris, ibidemque cito degenerante.

Cum vasa discissa proprio elatere contrahunt sua orificia, imo fere claudunt, humores soliti fluere per haec vasa sistuntur; hinc nascitur, tunc circa labia vulneris obstructio, & impetus vitae a tergo urgens fluida in vasa obstructa, illa dilatat ante locum obstructum, unde nascitur vera inflammatio. Ideo rubent secundo, vel tertio die labia vulneris, adest simul major calor inflammationis comes, uti & tumor; quae omnia, si moderata fuerint, nihil mali designant, cum naturaliter in omni vulnere fiant. Haec est ratio, quare vulnus recens inflictum vix doleat; tertio autem imprimis die, vel & aliquando citius nata inflammatione, tumentibus partibus vulneratis, dolor saepe fatis magnus sentiat in vulnere.

Ideo Hippocrates (1) dixit, *gravibus vulneribus inflictis si tumores non apparent, ingens malum*. Idem in Aphorismis habetur pronunciatum (2), ubi addidit, *molles tumores boni, crudi pravi sunt*. Si enim nullus oriatur circa vulneris labia tumor, designat vitales vires deficere; si nimius sit, valida inflammatio pejoris exitus metum facit.

Alibi pulchre notavit (3), & tanquam utilissimum in arte praeceptum com-

(1) Epidemic. lib. II. Charter. Tom. IX. pag. 181. [m] Aphorisi. 66. & 67. Sect. 5. [n] De Fracturis. Charter. Tom. XII. pag. 249.

commendavit: quod nempe *tertia*, & *quarta die minime vexanda sint vulnera*, & ab omni exploratione per specillum tunc sit abstinendum, & ab omnibus aliis, quibus vulnera iritantur. In totum enim pleraque vulnera *tertio*, aut *quarto die recrudescere consueverunt* &c.

Ob eandem causam monuit, (o) ubi os fractum, per cutim eminens, reponendum erat, illud debere fieri eodem die, vel postridie; sed non tertio, quarto vero, vel quinto minime.

Dum tororis stuprum vindicaturi Simeon, & Levi persuaserant incautis, ut circumciderentur; *tertia die post circumcisionem, acerrime dolente vulnere, impune occidebant omnes* (*).

RETORQUERI, FUNDO INTERIM TUMIDO ASSURGENTE. &c. Panniculus adiposus cuti subiectus facillime distendi potest, & tumere; patet in obesis, hydropicis, & emphysemate, in quo aer, panniculum adiposum ingressus, tam mirabiles ejusdem expansiones facit. Cutis autem superinducta huic panniculo adiposo tenaci vinculo eum coerct: hinc ubi cutis per vulnus divisa est, sensim recedunt discissae cutis margines; panniculus autem adiposus, in loco vulneris cutis aequabili pressione liber, brevi affurgit, & tumet, unde retrotracta utrimque cute, ex protuberante panniculo adiposo, vulneris labia retorquentur, & in vulneris fundo tumida moles affurgit. Sed manente eodem impetu liquidi vasa distendentis, si minuantur causae, quae huic distensionis resistunt, valorum amplitudo augebitur; cum ergo cutis resistentia in vulnere sublata sit, panniculus adiposus in vulnus affurgens, magis dilatabitur, & in fungosam distam carnem Chirurgis exerceat, sicque degenerabit satis cito.

6. Atque eodem tempore febricula cum calore, & siti adest.

Si nempe vulnus fuerit alicujus momenti, in parvo enim vulnere haec symptomata non ita observantur. Simulae enim oriuntur symptomata, praecedenti numero descripta, oritur major calor in vulnere, & in toto corpore, pulsus fit celerior, inquietudo nascitur, & insomnia turbulenta; uti & sitis major, & urina fit magis rubicunda. Omnia autem haec symptomata durant, quamdiu ille tumor, dolor, & calor, uti & retorsio labiorum in vulnere adfunt; his cessantibus, desinunt & illa: levis talis febricula, vulneratis hoc stadio contingens, non nocet; imo prodest potius, quatenus per hanc febriculam pus nascitur: pure autem facto, solet plerumque cessare. In sectione calculi, exstirpatione mammae, & similibus vulneribus, illo tempore adest haec febricula, boni tunc semper ominis.

Hinc monuit Hippocrates [p] circa puris generationem dolores, ac febris magis accidunt, quam (pure) facto.

Hic autem agitur de tali febricula, quae a vulnere ut causa hoc tempore nascitur; potest enim vulneratis ab aliis causis plurimis febris contingere.

In

P 3

(o) Ibidem, Charter. Tom. XII. pag. 252. (*) Genesis cap. 24. (p) Aphor. 47. Sect. 2. Charter. Tom. IX. pag. 85.

In magnis enim vulneribus v. g., pure jam facto, sed copioso, & pro parte bibulis venis resorpto, hectica febris, corpus depascens, oritur saepe.

7. Hinc tertio, quartove die serius, vel ocyus, vulneri adest liquor tenax, albus, pinguis, aequalis, pus.

Vulnere facto statim exibat sanguis; postea constrictis magis vasis dississis ichor subrubellus; dein oriebatur inflammatio vulneris cum symptomatibus descriptis; & post haec incipiebat apparere in vulnere liquor unctuosus, consistentiam fere habens cremoris lactis recentis, parum subflavescentis, aequabilis omnino, inodorus, saporem blandum chyli fere instar habens; vocatur *Pus*; quod si bonum fuerit, omnes dotes recentissimas habet. Sed pus tale nunquam fit, si vulnus rectum non fuerit, sed sub thrombo, nato in vulnere, vel Emplastro tegente, pus illud nascitur. Hinc pus non fit in vasis, sed extra vasa in vulnere generatur, ab effusis humoribus, calore corporis solis, & mutatis. Si enim pus omne in vulnere haerens linteis carptis mollissimis absterium fuerit, post horam vulneris superficies undique madida apparebit tenui liquido, non pure; sed si per viginti quatuor horas Emplastro rectum fuerit vulnus, illo ablato pus apparebit. Unde pus fit extra vasa; sed materies, unde fit, per vasa adfertur.

Pus autem sic natum in vulnere pulcherrimos effectus praestat: hac enim via utitur natura, ut semilaceras partes, inflammata vasorum extrema, una cum infarctis liquidis in labiis, & fundo vulneris haerentia, solvat, & a partibus vivis, & sanis separet: deinde sub hoc pure facto resciscunt omnia perdit.

Naturam ubique secutus Hippocrates (9) ideo dixit, recentia vulnera (*data vulnera* enim potius de vulneribus, quam de ulceribus videntur intelligi debere) tum & ambientes partes minime inflammari, si celerrime suppurantur. Postea addit ibidem, quod acuto telo inflictum vulnus possit sine suppuratione curari, sed carnes confusas, & dissectas putrescere, & in pus veras extabescere, deinde novas carnes renasci necesse est.

Dicit eodem in loco: tunc inflammantur vulnera, quum ad suppurationem tendunt: suppurant autem alterato, & calefacto sanguine, donec putrescens fiat pus illorum vulnorum. Non autem hic per putredinem videtur intellexisse malignam, & vere purridam dicendam humorum degenerationem, sed tantum illam immutationem, qua in pus abeunt, uti hunc locum legenti facile patebit.

Hinc bonum pus maximum securitatis signum Chirurgis dat: quin imo Galenus ausus fuit pronunciare, *nihil mali posse accidere ulceri pus procreanti* (r).

Puris enim confectio fit, dum boni humores debito motu ad vulnus feruntur; hinc sanitatis superfluitas actiones pro sua causa agnoscit. In corpore enim cacochymico raro bonum pus in vulnere nascitur, sed degenerans multum.

(9) De Ulceribus in initio. Charter. Tom. XII. pag. 131. (r) Commentar. in Aphor. 22. Sect. 3. Charter. Tom. IX. pag. 207.

tum a conditionibus boni puris ichor; & hinc in talibus vulnera, licet levia, difficillime sanantur. Talia corpora ideo *Indurata* dixerunt veteres Medici. Ob hanc causam dixit Hippocrates (f) *Hydropicis orta in corpore ulcera non facile sanantur*. Si magno impetu per validam febrem moveantur humores, siccum vulnus apparet sine ullo pure: si e contra vires vitales languent, deficit iterum puris confectio. Hanc ob rationem, ulceris siccitatem inter signa mortis futuræ recenset Hippocrates (†).

8. Simul rubor, calor, dolor, tumor, retorsio labiorum, febricula, cessant, vel minuuntur.

Omnia enim hæc symptomata tantum oriebantur, quia in labiis vulneris vasa discissa, contracta sua elasticitate, denegabant liberum transitum liquidis appulsis; hinc vera nascebatur inflammatio, unde rubor, dolor, & calor in loco fiebant. Panniculus interim adiposus, cutis æquabili pressione liber, recipiebat in vasis suis dilatatis alienos humores, unde turgebat in fundo, & retorquebat labia vulneris. Suppuratio autem separabat extremitates obstructas vasorum, una cum immeabili liquido hic hærente; unde pure factis, vasis obstructis iterum patulis factis restituebatur liber transitus per hæc omnia. Omnia ergo ista symptomata, quæ ab inflammatione labiorum, & fundi vulneris oriebantur, necessario pure facto minuuntur multum, vel & penitus cessant.

Hoc autem vulneris stadium solent Chirurgi vocare tempus digestionis: cumque vident omnia ante tumentia nunc subidere, dixerunt pus fundere, & dissolvere omnia.

9. Et sensim cavum vulneris a fundo sursum, & ab ambitu versus centrum crescente nova, rubra, viva, materie, carne dicta, impletur, coeunte margine albo, subcaerulefcente, molli, æquali.

Quando, bona digestionem facta, omne illud, quod non poterat iterum ad integritatem requisitam reduci, separatim est a vasis vivis, tunc purum. vulnus dicitur, & tota ejus superficies undique æquabiliter apparet humida, & perspirabilis, nihil asperi, nihi siccis in fundo, & labiis vulneris conspicitur. Tunc incipit illud stadium vulneris, quo consolidatio perficitur. Sub pure enim, naturali, & blandissimo balsamo, videmus tunc quotidie sensim elevari fundum vulneris; uti & ab ambitu marginum versus centrum æquabilissime prodire novam materiem, quæ microscopiis lustrata tenerissima, & pulposa vasorum excrecentium extrema exhibet. Hoc vocant incarnationem Chirurgi: non quod caro, proprie dicta musculosa, sic recrecat, sed obtinuit usu, novam hanc rubram, & vivam materiam, in vulnere puro quotidie auctam, carnem vocare. Omnium pulcherrime hoc apparet

P 4
in

(†) Aphor. 8. Sect. VI. Charter. Tom. IX. pag. 255. (†) In Prognostic. Charter. Tom. VIII. pag. 605. & Quac. Præfag. n. 496

in illis vulneribus, in quibus iactura substantiae facta est: dum v. g. acinacis iectu cutis cum subiecti panniculi adiposi parte ablata est; tunc enim naturaliter primo in vulneris fundo apparet valorum recrefcentium congeries, deinde a marginibus similia protruduntur, quae cum prioribus a fundo surgentibus concurrunt, uniantur, sicque perditam corporis substantiam restituunt mirabili naturae artificio. Nihil enim ars hic agit, impedimenta tantum removet, aerem arcet tegendo vulnus, reliquum Corporis creata fabrica perficit. Haec sic fieri novimus omnes; qua lege fiant, ignoramus omnino. Eleganter huius rei veritatem expressit Galenus, dicens (*): *cognosci debet circa carnis generationem, quod materies illius sit sanguis bonus, opifex vero, & auctor (ἀντιστοιχία τοῦ ἐκτετακτοῦ) natura*. Agit autem ibi de methodo, qua ulcus cavum curari debet. Ignorabant tamen Veteres subtilissimorum valorum mirabilem structuram, quibus partes nostri corporis constant. Anatomicis demonstrationibus edocti hodie stupemus, quomodo elongata valorum in vulnere hiantium oscula vicinis concurrant, uniantur, concrevant; nec hoc tantum, sed arteriae arteriis, venae venis, nervi nervis &c. sic debent uniri, ut renascatur similis deperditae in vulnere substantia. Infinitum Creatoris sapientiam adoramus, qui corpus humanum his dotibus instruxit.

Interea dum haec fiunt in cavo vulnere, margines antea rubri, & tumidi, nunc incipiunt subsidere aequabilissime; colorem subcaerulecentem margaritarum instar acquirunt, sicque primum cicatricis rudimentum circa margines nascitur; sensimque augetur centrum versus; donec aequabilissime clausum fuerit vulnus.

Haec est naturalis, & perfectissima vulneris sanatio.

10. Postremo siccatur vulnus, & obducitur cicatrice.

Ubi jam omnia recreverunt in vulnere deperdita, & unita fuerint omnia, quae per vulnus separata fuerant, locus vulneris siccus apparet, ubi antea in singulis punctis videbatur humiditas.

Si jam non fuerit multum perditum de substantia, nec valida nimis suppuratione multum fuerit consumtum de panniculo adiposo, & cute, omnia sic consolidantur, ut vix appareat aliquod discrimen inter locum vulneris, & vicinam cutim: tuncque vix cicatricis nomen meretur. Ubi vero magna cutis portio ablata est, vel multum subiectae membranae pinguedinosae consumtum fuerit per suppurationem, tunc apparebit locus vulneris magis albescens, magis solidus, & saepe magis depressus, quam vicina cutis: vocatur tunc cicatrix, quae semper minus perspirabilis est, quam reliqua corporis externi superficies, magisque polita, & glabra apparet, quam reliqua cutis. Hoc imprimis patet, dum post mammae, vel majoris steatomatis exstirpationem, magna portio cutis sic abscessa, cicatrix nascitur; tunc enim vulneris consolidati superficies polita, splendens, immobilis, & accreta partibus subiectis apparet.

Sic

(*) Method. Med. lib. III. cap. 3. Charter. Tom. X. pag. 59.

Sic descripta fuit historia vulneris in corpore sano, & enervata sunt illa omnia, quae fidelis observatio docuit fieri in vulnere, ab initio ad integram consolidationem usque: & inde postea certissima poterit deduci methodus, qua vulnera curari debeant, imitando nempe naturae in curandis vulneribus viam, removendo illa, quae nocere possent, subministrando talia, quae desicere videmus. Sed monitum fuit, tantum hic agi de tali vulnere, in quo nec major arteria, nec locus admodum tendinosus laesa fuerant. Ergo jam videndum, quanam mutationes phaenomenorum simplici vulnere accidant, si tales partes per vulnus laesae fuerint.

§. 159. **S**i arteria non nimis magna, nec Cordi admodum propinqua, omnino transversim dissecatur, retrofliens, atque inter solida vicina se recondens, sibi met obturaculo est; & caetera ut (158) prius.

Dum sanguis cordis vi in arterias, sensim semper angustiores factas, pellitur, in latera illarum incurrens illa ab axi canalis removel; & hinc artetiarum capacitatem auget: tanto autem magis caeteris paribus arterias dilatat, quanto major est resistentia circa fines arteriarum; unde arteria ligata intumescit plurimum inter cor, & ligaturam. Huic autem dilatationi resistent arteriarum fibrae musculosae orbiculares satis valida vi, qua iterum contrahuntur in pristinam dimensionem, simul ac cordis vis impellens cessat. Quando ergo arteria, per vulnus dissecta, parulo orificio sanguinem fundit, minuitur resistentia sanguini a corde impullo, & hinc minuitur causa dilatationis arteriae: praevaleret ergo vis orbicularium fibrarum, per quam omni momento arteria plus contrahitur, sicque sensim, si non nimis magna fuerit, orificium discissae arteriae clauditur. Accedit praeterea, quod fibrae longitudinales, ob easdem causas plus contractae, arteriae longitudinem minuant, unde arteria integre discissa retrofluit, & inter vicinas partes solidas se recondens harum mole, & pondere plus adhuc comprimitur, & angustatur. Si jam simul per vulnus factum notabilis copia sanguinis exiverit, debilitatis inde viribus, & minuto sanguinis impulsu impetu arteriae discissae contractio augetur. Dum magnus pedis digitus uno cunei ictu extirpabatur, vidi binas arterias a latere abscissi digiti ultra vulneris superficiem ad lineae Geometricae forte longitudinem eminere; dum per pauca minuta permittebatur liber sanguini effluxus per patula haec vasa, inceperunt retrorahi, minuebatur haemorrhagia, & post biddum loluto apparatu nullus effluebat sanguis, oclusis jam discissarum arteriarum finibus. Si vero magna admodum fuerit arteria discissa, vel cordi admodum vicina, non valet resistere arteriae contractio sanguini tam valida vi impulsio; hinc ad mortem usque pergit haemorrhagia. Quo enim minor est arteria, & quo magis distat a corde, eo magis retardatur impetus sanguinis a corde impulsus, quia resistentiae majores sunt.

§. 160. **S**I eadem (159) vulneratur transversim non tota dissecta, retrotractis fibris vulnus ampliatur; hinc Haemorrhagia perpetua; & ea sedata, tenuitate cicatricis cedente Aneurisma.

In hoc casu, ob rationes dictas §. 158. n. 1. vulnus arteriae inflictum, recedentibus a se mutuo sensim plus partibus discissis, ampliabitur magis: sed quia pars quaedam adhuc cohaeret, non poterit vulneratae arteriae extremum retrofiliare, & se recondere sub partibus vicinis; nec poterunt fibrae orbiculares sic contrahi, ut claudatur arteriae vulnus. Cum ergo in hoc loco resistentia nulla sit, & in reliquis vas integris fatis magna, perget hoc vulnus sanguinem fundere ad mortem, vel animi deliquium usque. Saepius autem accidit, quod non ad mortem usque sanguis fluat, sed ad summam debilitatem tantum: tunc incipit sensim nasci in loco arteriae discissae quasi rudimentum cicatricis, quod valet quidem compescere sanguinem, debili adeo cordis vi motum, ne exeat, sed postea auctis vulnerati viribus debiliior hic locus adhuc manens, quam est arteriae reliqua pars, a distendente sanguine magis dilatatur, & protuberat: vocatur tunc *anéurysma*, sive arteriae dilatatio, quia arteria in illo loco non amplius manet aequabilis conicus canalis, sed in saccum extenditur. Cum enim amplitudo arteriarum pendeat a duobus causis, nempe a vi, qua sanguis corde pulsus dilatare nititur arterias, & a resistentia laterum arteriarum; ideoque haec amplitudo mensuretur [uti dictum §. 27.] ratione composita ex ratione directa impetus sanguinis impulsus, & ratione inversa resistentiae laterum; patet evidenter, debiliore facta arteria in quadam parte, ibi necessario plus debere extendi. Quia jam per ipsam hanc extensionem magis adhuc debilitatur talis arteriae locus, patet ratio, quare saepe adeo ingentes tumores aneurismatici oriantur: quibus exempla passim apud Observatores occurrunt.

§. 161. **S**I arteria major tota dissecta, oritur perpetua, usque ad defectum animi, vel vitae, Haemorrhagia; inferius posita tabescunt, & putri exeduntur, sed lenta gangraena; aut arefacta penitus contrahuntur.

Pleno tunc rivo undatim effluit sanguis, non aequabili celeritate tamen, sed per subsultus, nunc minori, mox iterum majori impetu; quia illo tempore, quo arteriae sunt in diastole, cordis vis sanguinem urgens sola tunc expellit per apertam arteriam sanguinem: sed magna pars impetus, sanguini a corde conciliati, impeditur dilatandis arteriis: hinc tantum tempore diastoles arteriarum sanguis propellitur illo excessu, quo cordis vis superat resistentiam laterum arteriarum. Dum vero, cessante cordis actione, arteriae comprimuntur, longe majori celeritate sanguis per illas movetur, & simul color sanguinis exeuntis coccineus fulgens est: & ex binis illis signis novimus sanguinem ex arteria, non autem ex vena effluere. Vena etiam, licet magna fuerit, vulnerata, leni stillicidio sanguinem fundit, nisi in sum-

me plethoricis] semper magis nigricantem, minusque rutilum. Si jam arteria maxima fuerit, & cordi admodum propinqua, cita mors sequitur, omni sanguine per vulnus brevi tempore expulso, saepe tamen ad animi deliquium tantum: & si tunc vulnerati non refocillarentur vino, vel cardiacis, sed sic fere mortui relinquerentur; spes adhuc aliqua superest, manente tali vita, sed debilissima, arteriam discissam posse contrahi, & consolidari. Mirabile hujus rei exemplum viderat Celeberrimus horum Aphorismorum Autor, illudque solebat hac occasione auditoribus suis narrare.

Vulnerabatur in pago vicino inter pocula rusticus cultro sub axilla, & discissa arteria axillari incredibili impetu exilliebat sanguis: brevi post concidens credebatur expirasse, & pro mortuo deponebatur. Sequenti die, dum accedebant illi, qui publica auctoritate occisorum cadavera examinare debebant, ut de vulnerum lethalitate ad judices ordinarios renunciarent, invenerunt aliquem adhuc calorem circa thoracem; caeterum nulla vitae signa: differebant scrutari vulnus per aliquot horas, incepit sensim parum refoccillari vulneratus, quem tamen brevi periturum exstimabant omnes. Sed praeter omnium opinionem diu in summa tali debilitate manens vulneratus evasit tandem. Brachium autem illius lateris aridum, & exsiccum penitus Mumiae fere instar tota vita mansit. Si ergo in tam magna arteria, & cordi adeo vicina potuit fieri consolidatio, apparet non tam facile desperandum esse etiam in periculosis vulneribus arteriarum: modo nullis stimulis vinosis, vel cardiacis augeatur debilis vita in talibus vulneratis, forte plures evaderent.

Si jam arteria talis major discissa sola prospiciat partibus inferius positis, nec ulli alterius arteriae rami huc pertingant; necessario tollitur omnis omnino vitalis liquidi influxus in has partes. Sequitur inde mors harum partium, quae tunc duplici modo fit: vel enim liquida, in partibus suppositis haerentia, non amplius propulsa motu arteriosi sanguinis, stagnant, & corumpuntur: tuncque putrida fit, sed lenta simul gangraena: quia omnis vitalis impetus, movens partes vivas ad gangraenosas illas crustas, hincque prosperare cito faciens malum, hic deficit: vel humores in partibus suppositis relictis post discissam arteriam majorem, contractione propria vasorum, & musculorum vicinorum actione, transeunt in venas, & redeunt ad cor: sed nihil interim poterit a corde redire ad has partes; unde sensim omni liquido orbata vasa harum partium collabuntur, & concretescunt: cumque maxima pars nostrae molis corporeae ab humoribus pendeat, ideo moles harum partium ultra fidem fere imminuitur, & omnia arefacta penitus contrahuntur; uti apparuit in Exemplo modo allegato.

§. 162. **N**ervi majores, tensique, toti disseci retrofliunt, se recondunt, ramulos vulnere paulo superiores trahunt, tendunt, vicinis dolorem, obstructionemque creant, parti vero infra Vulnus positae stuporem, immobilitatem, marcoremque, aut & gangraenam.

Jam

Jam considerabuntur illa phaenomena, quae apparent, quando nervi majores vulnerantur. Nullum enim vulnus cutim laedere potest, quin innumerae fibrillae nervae dissecantur; sed de his hic non agitur. Consideramus hic tantum nervos majores, prout ab Anatomicis demonstrantur, qui sunt fasciculi nervorum communi involucri testorum.

RETROSILIUNT &c. Illud, quod in majoribus nervis proprie nervus dicendum esset, tenerrimae encephali pulpa propago, non videtur talem habere firmitatem, ut dissectum elastica vi retrohiliere possit, sed mollissimis in sua origine ex medulla oblongata, & spinali nervis circumponuntur tenacia involucria, ut tuto deferri possint ad illa loca corporis, in quibus suo munere fungi debent. Ab his vaginis nervorum firmitas, & elasticitas pendet, unde & parvae satis fibrillae nervae Anatomico scalpello resistunt; & nisi hoc foret, nervorum demonstratio, imprimis ubi in tenues dividuntur ramulos, omnino foret impossibilis. Dum ergo discinditur major nervus, extrema discissa vi contractili vaginarum, nervos investientium, & vasorum per haec disperforum, utrimque retrosiliunt, & sub vicinis partibus se recondunt. Quo crassior autem nervus est, eo, caeteris paribus, densiora involucria habet: & cum nervei fasciculi minores, qui uniti hunc majorem constituunt, etiam suis investiantur involucriis, ideo magis nervi dissecati satis valida vi retrorahuntur.

RAMULOS VULNERE PAULO SUPERIORES TRAHUNT &c. Nervi quidem distribuantur in ramos, ut arteriae, & venae; sed rami ex arteriis, venisve orti cum cavo trunci, unde oriuntur, communicant, unde liquidum ex trunco in ramos continuitate motus fertur. Sed alia ratio obtinet in nervis majoribus, minores nervos ramorum instar a se dimittentibus. Major enim talis nervus continet innumeros minores nervorum fasciculos communi involucrio colligatos; qui iterum ex aliis, minoribus constant: nec finem hujus divisionis hactenus invenit subtilissimorum Anatomicorum dexteritas, & industria. A majori autem nervo in decursu suo secedunt ubique tales nervorum fasciculi, qui rami majoris nervi dicuntur; non quod substantiae continuatione inde propagentur, ut in arteriis, & venis, sed antea uniti cum aliis similibus molem majoris nervi constituiebant; nunc inde secedentes tendunt singuli ad debita loca, ut suo fungantur munere. Omnes ergo nervi, qui ex majori nervo ramorum instar derivantur, jam adsunt tales in illo loco, ubi major nervus ex medulla oblongata, vel spinali originem ducit. Sed in arteriis, & venis rami ibi originem suam ducunt, ubi ex trunco majoris canalis exeunt.

Dum ergo truncus major nervosus discissus est, ille retrosiliens simul trahet ramos nervosus ex hoc trunco ortos paulo superius, quam est vulnus inflatum; unde a violenta hac distractione fibrillarum nervosarum immanes dolores in partibus vicinis, ad quas illi ramuli pertingunt, oriuntur; & ideo saepe longe acerbior dolor in partibus vicinis est, quam in ipso vulneris loco. Possit autem a simplici tali distractione fibrarum nervearum enormes fieri dolores, docent plurima observata. Dum Phlegmone panniculum adiposum occupans, & distendens suppuratur, cutim elevat, & nerveas cutis fibrillas distrahit cum summo dolore; pure dein facto, pertusa cute lancicola Chi-

Chirurgica, cessat illico dolor omnis, dum distendens cutim pus effluit. Quam laevis dolor oritur, dum inflammatorius tumor tenlam, & nervosam adeo meatus auditorii membranam elevat? dum in lue Venerea tumens ossis substantia Periosteum distrahit, prae doloris acerbitate saepe violentas sibi ipsis intulerunt aegri manus.

Praeterea vaginae illae, quae nervos majores, & inde secedentes ramos, investiunt, innumeris constant vasculis; uti hodie per Anatomicas injectiones certo novimus: non poterunt ergo rami nervosi a trunco discisso, & retrofiliante distrahi, quin simul & distrahantur hae vaginae, & sic elongentur vascula has constituenta: sed demonstratum fuit §. 112. n. 3. omnem causam, quae vasa nimis trahit, & elongat, minuire valorum capacitatem; unde obstructio nasci poterit, & omnes ejus effectus.

PARTI VERO INFRA VULNUS POSITAE STUPOREM &c. Nervorum actiones in corpore humano observatae sunt distinctissimae omnino: Quidam enim sensum praebent partibus, ad quas tendunt; alii motum muscularem efficiunt: nutritio partium denique, & vita, ab aliis videtur pendere. Diversas autem illas actiones per diversos fieri nervos, docemus in morbis, evidentissime. Accidit enim saepe, paralyses particulares, imo & ipsam hemiplegiam nasci, in qua dimidium latus corporis immobile omni actione musculari voluntaria caret, superfluo sensu, calore, & nutritione in parte affecta; tuncque magna spes curae affulget. Aliquando utrumque motu sensus perit, & fit talis stupor in parte affecta, ut non amplius aegris appareat haec pars pertinere ad corpus, sed sentiant obstacula occurrentia huic parti, ac si baculo porrecto eadem tangerent, pejor tunc longe mali conditio. Dum autem simul frigus in parte paralytica est, & torosa partis substantia incipit decrescere, immedicabile fere semper malum est; uti in paralyti, Colicam Pictonum dictam sequente, tristibus exemplis constitit. Nervi autem his adeo diversis functionibus inservientes, origine sua in encephalo distinctissimi licet sint, tamen colligati in majores fasciculos nerveos ad partes tendunt: talibus ergo funiculis nerveis discissis integre, omnes illae functiones diversae, a nervis integris pendentes, abolentur: unde stupor, & insensibilitas partium infra vulnus positarum; uti & earundem immobilitas, & marcor: nisi rami, supra vulnus factum ex trunco emissi, partibus inferioribus prospexerint, vel alii trunci nervei ramos ad has partes dederint.

Minus forte evidens apparebit ratio, quare gangraena partium infra vulnus positarum nervum majorem penitus dissectum saepe sequatur. Sed gangraena dicitur illa partis mollis affectio, quae, abolito influxu vitalis humoris in arterias, & effluxu per venas, in mortem tendit. Si ergo nervo majori dissecto gangraena sequatur, debet tolli vitalis ille humor influxus, & effluxus: arteriae tamen, & venae sunt integrae, humores per illas fluentes boni: soli nervi discissi sunt. Si autem consideretur, motum liquidi per arterias pendere a binis causis, cordis nempe vi, & arteriarum actione; & simul notetur, cordis vim pro maxima parte impendi dilatandis arteriis, hinc praecipuam causam motus fluidi per arterias esse earundem contractionem, quae partim ab elasticitate quidem arteriarum, maxime tamen pendet.

a vi musculari fibrarum orbicularium, qua arctantur dilatatae arteriae, & propellunt contentum liquidum; cumque constet ex Physiologicis, actionem musculi requirere integritatem nervi ad muscolum delati, & truncos nervos ramos dare vicinis arteriis, apparebit, nervo destructo, perire vim muscularem arteriae, qua urget liquidum contentum; supererit ergo sola Elasticitas arteriae, & impetus a corde communicatus. In venis autem sanguis movetur illo motu, quem habet, dum ex arteriis in venas transit; adjuvatur dein motu musculorum adjacentium, qui turgentes, dum agunt, adjacentes venas premunt, sicque sanguinis venosi motum promoveant. Nervus autem discissus, musculi suppositi paralytici manent; hinc nulla illorum actio superest. Minuto ergo impetu sanguinis ex arteriis in venas pulsus, deficiente musculorum venis adjacentium actione, incipit sanguis in venis tardius moveri, accumulari, stagnare; atque ita major adhuc resistencia oritur arteriis, quarum actio jam debilitata erat; unde tandem integre suffocatur motus vitalis fluidorum per arterias, & venas in partibus tali vulnere suppositis; id est, nascitur gangraena.

Sic ratio apparet illorum malorum, quae observantur sequi nervos majores integre discissos: observata autem Medica docent in simili casu talia sequi mala.

Sanissimus, & cruda senectute vicens vir, sexagesimum quartum aetatis annum agens, ex alto delapsus spinam dorsi acuto lapidis angulo sic impingit, ut ipso momento totus corporis inferior truncus ab infimo margine ultimarum costarum, & artus inferiores carerent sensu, & motu, medulla spinali laesa in tam alto loco. Incaffum adhibitis omnibus, sexta die gangraena plantam pedis utramque occupabat; septima die placide perit.

Similem casum in juvene sanissimo viginti annorum vidi, cui circa ultimas lumborum vertebrae haerebat malum: miseram ille vitam per decem septimanas traxit, sed horrenda gangraena totas nates, pedum plantas, utramque calcem depascebat, miserrimo spectaculo.

§ 163. **N**ervi tensi, tendinosi, puncti, vel dimidiato discissi dolores, aliquando primo obtusos, nonnumquam vivos excitant, primo loco vulneris, post per omnes nervos nexos, vicinosque; hinc calores, tumores, rubores late sparsos, febres, deliria, spasmos, inflammationem, inflammati aperturam cum evacuatione acris, tenuis, & copiosissimi saepe feri; postea insensibilitatem, rigiditatem, exsiccationem, immobilitatem producent, vel gangraenam, & mortem: atque haec quidem omnia eo violentiora accidunt, quo nervus est fortius tensus supra partes firmas, iisque annexus, aut & involucris magis tenacibus indutus.

Hi sunt calamitosissimi illi casus, ubi a levi vulnere tam dira saepe symptomata oriuntur. Accidit aliquando, ut, dum vena in brachio pertunditur, laedatur ipse bicipitis musculi tendo; vel, quod saepius fit, lata illa aponeurosis ab hoc tendine orta, musculos cubiti tegens. Ipso hoc momento saepe oritur dolor intolerabilis, quem misero ejulatu aegri exprimunt. Dum Ca-

rolo

rolo nono, Galliae Regi, Medicorum jussu vena secabatur, ipso momento, quo vulnusculum infligebatur, prae doloris acerbitate Rex alta voce clamavit, paulo post totum brachium intumuit, nec poterat sine magno dolore flecti, vel extendi articulus cubiti: saevus interim dolor in loco puncturae, & postea per totum brachium dispersebatur: applicabatur vulnusculo oleum terebinthinae calidum cum pauxillo spiritus vini rectificati, & aliis dein idoneis remediis, post trimestre spatium brachii usus integre restitutus fuit (u).

Aliquando & in initio talis mali tantum sentitur obtusus dolor, post paucas saepe horas immaniter auctus, totum brachium ad humerum ulque occupans; aliquando, & subaxillares glandulae satis cito tument, & inflammantur. Conqueruntur saepe in ipso vulnere adesse sensum vivi ignis partem comburentis. In cute externa maculae rubrae oblongae apparent, pessimo fere semper signo. Dum in Paronychia maligna specie tendines flexorum digiti afficiuntur, rubra zona, per cutim cubiti, longitudinaliter secundum ductum musculorum digitorum flectentium decurrens, tam mali habetur ominis apud peritos Chirurgos, acutissima saepe in sanissimo etiam homine accenditur febris; & partim ab hac febre, partim per doloris vehementiam turbato cerebro, deliria, convulsiones, mors ipsa sequitur. Funestum tale exemplum mortis secutae post nervi puncturam Paraeus in loco modo citato habet. Hippocrates (x) narrat, quod homo sibi ipsi subulam ad digiti longitudinem, in femur supra genu aegerit: nullus effluebat sanguis, vulnus cito clausum fuit, totum femur intumescerebat, & tumor extendebatur ad inguen, & lateram molliitudinem (xviii) tercio autem die mortuus est. Alter acuto telo posterior paulo infra cervicem vulnerabatur: vulnus autem accepit vix effatu dignum, non enim alte penetrabat: non longo tempore postea evulso iaculo contrabebatur, uti solem epistothomo correpti, & maxillae claudebantur; & si quid liquidi assumeres ore, & deglutire temeret, redibat per nares: reliqua omnia deteriora fiebant; secunda die mortuus est. Plurimi tales tristissimi casus apud Observatores occurrunt.

Quamvis autem non semper mors sequatur tales nervorum laesiones, molestissima tamen plerumque adsunt mala: tota enim pars tumet immaniter, inflammatur, & vel per elatas epidermidis bullas, vel & per ipsum vulnusculum sponte dilatatum exit incredibilis quantitas tenuis liquidi potest, & dies. Quia autem adeo urentem dolorem sentiunt aegri, acrimoniae depulgentis ichoris acculant, cum tamen gustu non degeratur in hoc liquido effluente tanta acrimonia. Aliquando gangraena totum panniculum adiposum depascitur; suppuratio mitis nunquam hic fit, sed sinuolae collectiones ichorosae materiae omnem pinguedinem musculis interpositam, consumunt; vaginae pinguedinosae tendinum destruuntur: unde postea, cute musculis acrerata, tendinibus, & musculis defectu cellulosa tunica concretis cum vicinis partibus, fit rigiditas, & immobilitas omnium, & totius membri usus perit. Destructis valida gangraena, vel suppurazione, nervorum tunicis, (nam & in nervorum involucri cellulosa tunica reperitur) usus horum perit, fitque insensibilitas, marcor &c. Quam mirabile videtur, in corpore etiam sanissimo, a levi nervi punctura posse nasci tam miras

(u) Les Oeuvres d'Ambroise Pare livre XII. cap. 41. (x) Epidem. lib. V. Charac. Tom. IX. pag. 143. 144.

miras humorum degeneraciones; tam enormes dolores; tot partium usum penitus destrui a levissimo etiam vulnere? Ratio horum phaenomenorum postea dabitur §. 181. & sequentibus.

Notandum quam maxime, omnia haec eo violentiora accidere, quo nervus laesus fortius sensus est: hinc tam periculosa puncturae sunt circa ultimas digitorum phalangeas, ubi fortissimi tendines inferantur, & in vola manus, ubi expansio illa tendinosa palmaris musculi sensum illud, & tendineum scutum facit. Augetur praeterea haec malignitas, si tenacioribus involucris nervosae partes laesae tegulae fuerint; uti patet imprimis in periculosissima Paronychia speciei, ubi tendo insertus ultimae phalangeae digiti punctura laesus, vel alia quacumque de causa inflammatus, saevissimos dolores, phrenitidem, convulsionem, syncopen, imo mortem ipsam saepe satis subito infert; vel, si evaserit post diros adeo cruciatus aeger, sediturum ultimae phalangeae ossiculum cadit; manus in pugnum contracta per totam vitam manens immobilis tristes funesti mali reliquias, arte insuperabiles, ostendit. Ratio autem tam enormis malignitatis, tota fere pendet inde, quod tendinibus flecentibus phalangeas digitorum circumponatur ligamentum illud mirabile, cartilagineam fere duritiem habens; si enim primis horis incipientis mali peritus Chirurgus audaci sectione dividat omnes partes incumbentes ad os usque, sicque pertundat thecam illam tendines ambientem, minuitur dolor illico, & praecaventur omnia illa funesta symptomata.

§. 164. **Q**uae eadem (162. 163.), parum mutata, etiam in tendinibus diversimode laesis obtinent, atque saevissima quidem.

Tendo musculi examinatus discerpi potest in tot fibrillas, in quot poterat dividi musculus ipse: inter quas fibrillas iterum interponuntur vasa numerosissima, uti injectiones Anatomicae docuerunt. Sed tendinum illae fibrillae videntur esse tantum continuationes fibrarum musculosarum, quae nervis musculos ingressis originem suam debere videntur (y). Hinc non mirum, tendines laesos, nervorum propaggines cum sint, nervis similia mala pati. Sed uti in majori nervo reperiuntur omnis generis vasa, & tunica cellulosa, nervosas fibras a se mutuo separantia, sic idem in tendinibus observatur. Quia autem tendines movendis partibus tantum inserviunt, nervi autem praeterea, & sensum, & nutritionem, in plurimis corporis partibus faciunt, hinc non omnia eadem mala sunt a tendinibus laesis, quae nervis vulneratis accidunt: multa tamen in utroque casu adsunt communia phaenomena, quae tamen plerumque violentiora in tendinibus laesis adhuc observantur.

Integre discissi nervi, nisi ramuli vulnere paulum superiores trahantur a resiliente trunco discisso, non multum doloris faciunt; partibus autem inferioribus omnes usus tolluntur, quos a nervo integro habebant. Sic & tendine in-

tegre

(y) Herm. Boerhaave Institut. Med. §. 395.

tegere discisso aboletur motus partis, qui ab hujus tendinis integritate pendebat; cæterum dolor sæpe nullus, nisi qui omni vulnere simplici adest, nec sæviore sequuntur symptomata. Hoc vidi in homine, cui cultro tendines erectores digitorum abscissi fuerant. Memorabilis casus, qui hoc confirmat, habetur in actis Academiæ Regiæ scientiarum (2). Saltator agillissimus, dum validissimo saltu corpus elevare nititur, disrumpit utriusque pedis magnum tendinem; quem Achilles vocant, integra manente cute; distantia autem trium digitorum transversorum erat inter tendinis rupti extrema. Idonea ligatura restitutus fuit in pristinam sanitatem; nec rupturæ momento, nec toto curæ decursu ullum dolorem sensit.

In alio homine, integra etiam manente cute, ejusdem tendinis illa pars, quæ oritur a musculis gastrocnemiis, rumpebatur, manente integra illa parte tendinis, quæ musculo soleo, gastrocnemiis subiecto, originem debet. Aderat magnus dolor, valida inflammatio. & tumor partis (*). Inde apparet, longe majora mala sequi tendinem semidiscissum, quam si integre divisus fuerit.

Sævissima autem mala a tendinibus vulneratis leviter oriuntur; imo a levi tantum tactu tendinis, involucris suis nudati, totum genus nervosum turbatur uno momento per totum corpus: quod maxime mirum, cum tendines involucris sui tecti, imprimis pinguedinosa illa vagina, quæ molli oleo lubricando tendinum nobilitatem expeditam adeo servat, ferant sine magno malo, ut valide trahantur, imo consuantur. Notum enim est in Chirurgicis, quod tendines discissos, tenaculis arreptis extremis, attrahant, trajecto filo in unionem retineant, sicque felicissime sanent, parte affecta sic disposita, ut muscoli, quorum tendines sunt discissi, flacidi maneant. Ubi vero involucris illis nudus tendo vel leviter attingitur, quam horrenda oriuntur mala!

Nobili viro valida inflammatio totum pedem a genu ad malleolos usque occupaverat; valida simul aderat febris; & in corpore satis cacochymico tantæ inflammationis resolutio expectari minime poterat: oriebantur hinc inde collectiones purulentæ, & ichorosæ materiae, & magna pars tunicae cellulosæ separabatur; imprimis circa malleolum interaum consumta omni pinguedine, ipsique vaginis tendinum separatis, nudi apparebant tendines. Monuerat Chirurgum Celeberrimus Boerhaavius, ne tangeret: neglexit ille hoc monitum, & credens tunicae cellulosæ partem esse, tenaculo prehendit tendinem, ut auferret: ipso momento miser aeger convulsus fuit totus a capite ad calcem, cum immani dentium stridore; sicque per aliquot momenta tetanodes factus obrigit.

Terribile & hujus rei exemplum habet Hippocrates (b): *Tbrinen Damonis filius circa malleolum ulcus habebat; juxta nervum jam parum erodente medicamento illi appposito, contigit episthotomo correptum mori.* Satis autem videtur probabile, quod per nervum purum (ruptus natus) intellexerit tendinem.

Q

vagi.

(2) L'an 1722. Mem. pag. 70. &c. (*) P An 1728. Mem. pag. 331. &c. (b) Epid. lib. 5. Chæstet. Tom. IX. pag. 348. in fine.

vaginis suis nudum, qui tunc albo colore nitet. Eadem observatio repetitur, & alibi (c).

Nullum autem pulchrius habetur remedium ad nervorum, vel tendinum puncturas, ut praecaveantur horrenda illa symptomata, vel mitigentur, si jam adint; quam Ballamum Peruvianum nigrum, leviter calefactum, vulnere instillare; deinde sparula calefacta appolita efficere, ut magis penetraret, & diffundatur per omnia vulneris loca: postea totum membrum mollissimis cataplasmatibus, aut fomentis involvatur, vel blandissimis oleis illinatur continuo. Si vulneris angustia Ballamum Peruvianum non admittat facile, dilateretur parum.

Quantum autem possit olei calidi perfusio, ubi totius generis nervosi irritatio, & convulsionem inde futurae metuuntur, propria calamitate didicimus. Galenus: qui, in palestra dum exercebatur, divulsus habuit acromium a clavicula. Palestreae magister, luxatum humerum credens, summa vi, & repetitis vicibus distrahebat partem, ut nempe restitueret os luxatum: distractis tam enormi vi musculis, sensit instare convulsionem sibi Galenus, iussitque totum diem & noctem oleo calido partem perfundi, dum nudus sub aestu caniculae decumberet in pelle se figurata, ut oleum assuflum, lente delaberetur in pelvim suppositam; quod sic collectum, & calefactum reasfundeatur continuo. Testatur autem, quod dum vel modico tempore intermitteretur olei assusio, sentiret illico musculos cervicis distendi, & instare convulsionem (d).

§. 165. ET Membranae, tendinum, nervorumque saepe producta quum sint, iisdem afficiuntur morbis (162. 163.)

Non omnes quidem membranae laesae tanta mala faciunt, sed illae imprimis, quae tensae admodum sunt. Tendinosa illa membrana, quae a fascia lata producitur, similis aponeurosis a gluteo musculo orta femoris musculos validissimos ambiens, & coerens, si levi punctura laedatur, enormia producit mala. Idem apparet in bicipitis aponeurosi, per venae sectionem in brachio institutam aliquando laesa. Meatum auditorium investiens membrana, adeo tensa, si inflammatorio tumore ibi orto distrahat, intolerabilis dolor oritur, delirium, imo saepe mors sequitur; ut Hippocrates in *Prognostico*, & *Causis praemissionibus* monuit. Imprecis autem metienda est laesio illarum membranarum, quae vel tendinum producta sunt, vel exquisitissimo sensu nervorum per suam substantiam dispersorum, copiam, & irritabilitatem testantur: qualia v. g. obineant in Perioestico, quod tam acerbos aliquando dolores facit, si laedatur.

§. 166. Quid lymphatica, adiposa, venosa vasa, & vesiculae patiantur in vulneribus, quid efficiant, ex lege circulationis, & consideratione vicinorum facile intelligitur.

Lym.

(c) Epid. lib. VII. Charter. Tom. IX. pag. 570. (d) Galen. Comment. 1. in Hippocr. de Articulis Charter. Tom. XII. pag. 321.

LYMPHATICA. Vasa, quæ ab Anatomicis demonstrantur sub nomine lymphaticorum, omnia venosa sunt: docet hoc liquidus motus per illa vasa ex ramis in truncos, uti & valvulae, quas Ruyschius tam evidentè demonstravit Bistio, has unquam in his vasis demonstrari posse neganti (e). Hæc vasa lymphatica venosis læsa non faciunt magnum malum: venæ enim sanguineæ; etiam satis notabiles, vulneratæ non multum sanguinis fundunt. Sed his venis lymphaticis respondent similes arteriæ lymphaticæ; quæ vulneratæ, nec integrè distictæ tamen, molestissimum, & perpetuum lymphæ stillicidium in vulneribus facere poterant. Numerosissima autem talia adeste in corpore vasa, potest etiam concludi ex injectionibus Anatomicis per arterias factis: repletur enim colorata materie tales partes in suis vasis, in quibus naturaliter nullus sanguis ruber apparebat. Tendines, & ligamenta sic replevit Ruyschius, ut ruberent penitus: ergo adfuerunt in his partibus plurima talia vasa, quæ liquido tenuiori non colorato replebantur in sanitate. An ideo frequens talis lymphæ profluvium observatur vulneribus circa articulos inflicti? Chirurgi ideo articulos lympham vocaverunt (Leede-vater) quia frequenter observabant circa articulos ex ulceribus, vel & vulneribus, exillare magnam hujus lymphæ copiam.

ADIPOSA. Corporis humani pinguedinem sanguini misceri posse, & cum illo per vasa moveri; satis certo constat: videmus enim per febrem acutam in obelis paucorum dierum spacio pinguedinem adeo minui; imo & in sanguine, venis ducto in talibus morbis, apparuerunt oleosæ guttulæ. Malpighius (f) dum in renis adnatas truncos venæ portarum oleosas strias observabat, his compressis vidit conspicuas olei guttulas in trunco venæ portarum unâ cum sanguine in hepar abripi. De hac ergo re nullum videtur superesse dubium: quæritur tantum, an pingue tale oleum propriis vasis feratur continuo motu, uti reliqui humores; an vero collectum hæreat in ampullulis, quæ orificiis suis recipientibus uniuntur arteriis, unde hoc oleum secernitur, orificiis vero emittentibus communicantur adjacentibus similibus ampullulis, uti etiam venis, quæ pingue hoc ab arteriis secretum, in folliculis illis collectum, iterum recipiunt, & reliquis miscerent humoribus. Malpighius fere videtur in tractatu modo memorato fuisse in hac opinione, quod essent talia vasa pinguedinis, quæ continuo ducta, nullis ampullulis interpositis, oleum deferrent: in Posthumis autem ejus operibus (g) dicit, pinguedinem propriis in loculis contineri, & coactvari; velut in peculiaribus officinis; vasorum autem seu ductuum adiposorum existentiam nondum asserere audeat, licet circa ipsa folliculis plurimum se exercuisset. Sive autem pinguedo talibus ampullulis, unius simul, & in se mutuo parentibus, constet; live dentur talia vasa pinguedinis, his læsa, pingue contentum effluet, corrumpi poterit, sicque multa mala producere valebit. In equi abdomine, post validum cursum mortui; aperta, totam cavitatem ejus oleo tenui fuso plenam reperit

Ruy.

Q. 3

(e) Difcusio de valvularum pag. 2. & 3. (f) De Omento, Pinguedine, & adiposâ ductibus pag. 42. [g] pag. 25.

Ruyschius (§). Hoc certum est, quod pinguedo laxissima sit, facile in vulnere protuberet, fungosas carnes sic dictas faciat; imprimis si pinguis loca vulnerata nimis emollientibus tractentur.

VENOSA VASA. Modo non fuerint admodum magna, non adeo metuenda faciunt mala: haemorrhagia enim valida raro inde nascitur, nisi in valde plethoricis, quae tunc non nocet, utpote nimiam sanguinis copiam minuens: Vicinae autem venae, cerebris anastomosibus inter se junctae, defectum vulneratae venae facile supplent. Hoc tamen videtur notandum, quod si cognoscatur notabilis vena per vulnus laesa esse, tunc non posse applicari sine periculo acria illa styptica, quae haemorrhagiae in vulneribus compescendae causa aliquando adhibentur, vitriolum, v. g., alumen, alcohol &c.: metus enim est, ne haec patulo venae vulnere recepta sanguinem ingrediantur, ejusque coagula faciant; quae per latiore continuata factam venam ad cor dextrum delata, dein pulmonalis arteriae angustia impulsu, funesta maxime possent producere mala.

VESICULAE. Quales sunt omnes folliculi glandulosi, in quibus per arterias secretus a sanguine humor membranaceo cavo colligitur, & deinde proprio emissario ad usus peculiares emittitur. Laeis per vulnus his vesiculis patet, illarum usum destrui; quanti autem momenti sit haec iactura, ex cognito usu harum partium patet: sic v. g., seminales vesiculis dilectissis, apparet facile, totum turbari generationis opus.

§. 167. **S**I vulnus oculo patet, ejus praesentia, & natura scitur
1. Sensu ipso, absterfo impedimento conspectus, & suppresso cruoris fluxu. 2. Scientia anatomica vicinorum.

Summa imprimis hic cautela opus est Medico aequae ac Chirurgi, qui ad vulneratum vocantur, ne de vulnere judicium ferant, priusquam omni cura illud examinauerint: quidquid enim tunc tumultuario consilio minus cauti pronunciant, postea forte ad iudices deferetur. Si tunc infelix eventus periculosum fuisse vulnus probet, quod prima illa inspectio levioris momenti esse dixerant, Patroni, qui rei causas agunt, postea Medico aequae ac Chirurgi infamiae notam inurent, ac si illorum imprudentiae deberent imputari gravia illa mala, quae vulnus infectum secuta sunt. Chirurgi autem prudentiores plerumque solent tunc praesentem Medicum rogare, quid de vulnere, & ejus effectibus metuendis sentiat; sicque cauti evitant laetae periculum. Utilissimum ergo erit, si illi, qui Medicinae exercendae se applicabunt aliquando, omnem arripiant avide occasionem, ut vulnera, & graviores operationes, saepius videant; ut sic sensim assuescant intrepido animo hominum calamitates intueri. Non sine ratione Hippocrates dixit (§). *Medicus periculosa insuetur, ingrata contrarias, & ex aliorum calamitatibus proprias lucratur miseras, aegrotantes vero per artem a maximis malis mori.*

[§] Epist. Anatom. ad Vir. Clar. Herva. Boerhaave pag. 35. (§) De Flatibus, in initio Charter. Tom. VI. pag. 213.

morbis, doloribus, tristitia, morte per artem vindicantur. Humani generis commoda, ex arte salutari nata, levant haec taedia. Saepe enim accidit, Medicos, fabricae corporis humani peritissimos, vulneris aspectu, ejulatu adstantium, vulnerati querelis, sic turbari, ut titubantes longe aliud iudicium ferant de vulnere, quam quidem tulissent, si pacata mente omnia considerassent.

Non ergo festinanter, sed summa cum animi attentione vulnus examinandum est; prima enim deligatione hoc licebit, quod postea fieri commodè non poterit. Sequentibus enim diebus saepe vulnus sic tumebit, dolebit, inflammabitur, ut sine magna molestia, & irritatione specillum ferre nequeat.

Si jam vulnus sit in tali corporis loco, qui oculo patet, auferenda sunt omnia illa impedimenta de vulnere, quae faciunt, ut minus distinctè examinari possit. Aqua tepida, cum melle, & vino, & pauculo salis marini, vulnus abluunt, concreti sanguinis thrombos sic tollunt, ut tota superficies vulneris undique pateat. Quamdiu autem sanguis adhuc cum impetu de vulnere fluit, omnia sic inundantur, ut nihil distincti cernere liceat; hinc sanguinis fluxus coercendus: quod in artubus facile fit, idonea ligatura compressis vasorum truncis: in aliis locis corporis, nisi magna admodum vasa fuerint laesa, alcohole vini calido poterit compesci haemorrhagia.

2. Sine hac enim scientia nihil certi determinari poterit. Inspecio enim vulneris ejus magnitudinem, profunditatem, decursum docere poterit, cognitio autem partium, quae in vulneris loco ponuntur, ex sola Anatome haberi potest. Fidelissimae Eustachii tabulae, in quibus arteriarum, & venarum majorum nervorumque situs, uti & musculorum origines, & decursus tam accurate notantur, summi hic usus esse poterunt, ut, cognito vulneris loco, possit determinari, quanam partes corporis per vulnus laesae sint, & quodnam inde damnum metuendum sit.

§. 168. **V**ulneris autem absconditi praesentia, & natura noscitur. 1. Ex Sciença anatomica, situ vulnerandi, modo & vi inflicto. 2. Ex laesa actione sequente vulnus. 3. Ab erectis, intra vel extra corpus expulsis. 4. Ab effectis supervenientibus, dolor, singultu, spasmo, tumore &c.

Difficilior longe vulneris cognitio, ubi illud totum oculis lustrari nequit ingressu instrumenti vulnerantis in externis integumentis videmus; quo usque tamen penetraverit, saepe latet: multum tamen juvabit, si attendatur ad sequentia.

1. Ex Anatomica scientia partium novimus, quanam hic locentur partes; sed situs vulnerati illo momento, quo vulnus accepit, uti & ipse situs vulnerantis, dum vulnus infixit, demonstrabunt viam, qua instrumentum vulnerans penetravit versus interiora corporis. Si tunc simul adsit instrumentum vulnerans, poterit aliquando ex amplitudine vulneris integumentorum cognosci, ad quam profunditatem adactum fuerit. Omnia haec sedulo merentur inquiri ex ipso vulnerato, vel illis, qui adsuerunt illo tempore, dum vulnus insigebatur.

Si v. g. vulnus gladio inflitum intra sextam, & septimam costam veram transiverit perpendiculari directione, penetrabit in abdominis cavum; si reclinato versus posteriora corpore homo vulnus acceperit, gladio ab inferioribus sursum adacto, poterit in thoracis cavum penetrasse. Si vero versus anteriora proclivi corpore gladius eodem loco penetraverit, poterit per totum abdomen ad pelvim usque pergere. Sic a latere inflitum vulnus potest longo satis itinere, sub integumentis supra costas pergere, imprimis in obesis, nec penetrabit tamen in cavum thoracis. Quando jam vulnere profunditas specillo explorabitur, conducit maxime cognoscere situm vulnerati, dum vulnus accipit, tuncque illum in eodem situ reponere: nisi enim hoc fiat, facillime accidet, ut panniculus adiposus viam obturet: sic in venae sectione imprimis in obesius saepe accidit, primo momento sanguinem pleno saltu exilire; mutato parum situ brachii, mox cessat sanguinis fluxus, pinguedine cuti supposita se interponente inter aperturam venae, & cutis.

2. Dum ex Physiologicis cognoscimus illa, quae requiruntur ad actionum singularum corporis integritatem, facile videmus ex actione post vulnus impedita, vel abolita penitus, an quaedam, an vero omnia requisita ad actionem exercendam per vulnus sublata sint. V. g. si vulnere in cavum abdominis penetranti succedat illico actionum vitalium languor summus, cor palpitet celerrime, pulvis parvus, celer, inaequalis sit; pallor faciei, & laborum adsit, & frigus extremorum; concludimus, vasis majoribus discissis sanguinis ingentem copiam in cavum abdominis effundi. Si vulnus collo inflitum, sine notabili haemorrhagia similia sequantur symptomata, metuemus, ne nervi hic decurrentes, qui vitalibus visceribus prospiciunt, laesi sint. Si post capitis vulnus eadem obtineant mala, cerebelli laesio, vel ab extravasatis humoribus compressio, adesse creditur. Si vulnera capitis omnium actionum animalium abolitio sequatur, eadem de cerebro timemus. Si post vulnus dorso inflitum omnia infra posita sensu, & motu privari observamus, spinalem medullam laesam esse concludimus. Idem de reliquis actionibus verum est.

3. Si post vulnus thoraci inflitum coccineus spumescens exit sanguis de vulnere, vel ore exspuitur, novimus pulmonis vasa discissa esse. Si ex vulnere abdominali chylus effluat, tenuis intestini laesio significatur, si faeces prodeant, crassi intestini vulnus indicatur; si sanguis emingatur, renes, ureteres, vel vesicam laesam novimus &c.

4. Dolor ingens, subito natus post vulnus inflitum, denotat nervos, tendines, vel membranas tendinosas, aut nervosas, laesas esse. Singultus autem, a diversissimis partibus laesis, fieri poterit, uri & spasmus. Post validas haemorrhagias singultus, & convulsio saepe oriuntur, illaque tunc admodum mala pronuntiavit Hippocrates in Coacis Praenotionibus, & Aphorismis. Ab ileo singultum ortum damnavit Hippocrates: hinc & intestinis vulneratis supervenire posse valde probabile est. Diaphragmatis, Oesophagi, ventriculi, capitis vulnera singultus sequitur. Hinc illud fingum solum consideratum semper malignum vulneris effectum ostendit, non semper certo partem vulneratam indicat.

Tumores autem subitanei, vulnus sequentes, vel humores effusos, & in loco praeternaturali collectos, designant, vel aerem per vulnus cava corporis
loca

loca ingressum, & mire dilatatum calore corporis. Dicitur postea de miris illis tumoribus vulnera pectoris sequentibus, dum ser panniculum adiposum ingressus immani tumore totam corporis externam superficiem distendit.

§. 169. **E**X cognitis [167. 168.] determinatur praevisus vulnorum eventus.

1. Mors, vel Vita vulnerati.
2. Sanatio possibilis, impossibilis, integra, pro parte.
3. Curatio facilis, difficilis, brevis, longa.
4. Effectus a vulnere, peracta sanatione, superstes futurus; ut tabes, insensibilitas, immobilitas, figura laesa &c.

Postquam per adminicula artis hodie cognitae, post debitum examen omnium illorum, quae binis praecedentibus paragraphis dicta sunt, habetur vulnervis diagnosi, quae docet partem laesam, & abollitas vel impeditas actiones corporis sani per vulnus; tunc poterit praedici vulnervis eventus, & patebunt illa mala, quae a vulnere ut causa sequi poterunt. Haec vocatur vulnervis Prognosis, in qua determinanda semper summa cautela opus est. *Est enim prudentis hominis, primum eum, qui servari non potest, non attingere, nec subire speciem ejus, ut occisi, quem fors ipsius interemit. Deinde, ubi gravis metus sine certa tamen desperatione est, indicare necessariis periclitantis, in difficili rem esse, ne, si vitia ars malo fueris, vel ignorasse, vel sefellisse videatur. Sed ut haec prudenti viro conveniant, sic rursus bistronis est, parvam rem attollere, quo plus praestitisse videatur (i).*

Animadversione tamen quammaxime dignum est, dari aliquando tales casus, in quibus vel Anatomes peritissimi fallerentur in determinandis partibus per vulnus laesis. Observatae enim fuerunt frequenter viscerum interiorum positurae, diversissimae a situ naturali, quem communiter obinunt. Accuratissimus MERY in militis defuncti cadavere mirabilem viscerum transpositionem invenit. Cordis basis sinistrum latus respiciebat, apice in dextra parte thoracis haerente; maguorum vasorum ex corde egressorum situs pamoto mutatus erat. In abdomine ventriculus sic positus erat, ut pylorus in sinistro latere haerens duodeno intestino continuaretur. Hepar sinistrum hypocondrium, dextrum vero lien occupabat: intestinum caecum, coli initium in sinistro ilio haerebant &c. (x). Simile exemplum & dedit celeberrimi Caroli Drelincourt impater, ubi sedibus permutatis lien a xtris cesserat, hepar a sinistris (i).

Haec autem in sanis hominibus contigerunt, & a prima origine talis mutatus in visceribus obtinuit. Sed & per morbos frequenter mutari viscerum fidelibus constat observatis. Post frequentissimos vomitus in cadaveribus mulieris situs ventriculi imprimis, uti & aliorum viscerum abdominalium,

Q 4

. Corn. Celsi Medicina. lib. V. cap. 26. (k) Journal des Savans Janvier 189. & Acta Lyppica. 1690. pag. 405. (l) Caroli Drelincourt. Opuscula 1. 6. 721.

lium mire mutatus inveniebatur (m). Admodum verosimile videtur satis frequentes esse tales mutationes situs viscerum. In illis enim cadaveribus, quae vel ipse dissectui, vel ab aliis dissecta vidi, plurima talia observare licuit. Vidi Lienem in pelvim prolapsum, ventriculi fundum infra umbilicum porrectum; coli intestini illam partem, quae ventriculo subjacet, inde sic reflexam, ut infra umbilicum haereret, arcum formans, cujus convexa pars pelvim, concava ventriculum respiciebat &c.

Errores autem, qui inde in vulnere Prognosi contingunt, vix evitabiles videntur. Quis enim auderet talia praedicere, & quibus signis hoc posset cognosci?

Præterea peculiaris vulnerati idiosyncrasia plurimum mutare potest effectus vulneris inflicti. Sunt v. g. tam pusillanimes quidam, ut conspecto sanguine, licet alterius de vulnere fluat, mox in animi deliquium cadant. Unde Hippocrates (n) prudenter monuit, *multa vulnera in locis minime malis esse, & nullo modo gravia videri, sic tamen dolet plaga, ut respirare non possint alii vero prae vulneris dolore, ubi nihil periculosi aderat, spiritum quidem duxerunt, verum delirant, & febricitantes mortui sunt. Quicumque enim aus corporis in febre prorsum habens, vel mentes facile turbandas, talia patiuntur. Sed neque haec admirari oportet, neque formidare, illud expendendo, quod & animas & corpora hominum plurimum differunt, & vim maximam habent &c.*

Sub his ergo cautelis determinatur prognosis vulneri, in qua quaeritur.

1. An nempe vulnus inflictum tale sit, ut pro effectu suophysico mortem faciat, nulla arte evitandam; an vero post vulnus vita superstes manere possit.

2. Sanatio vulneris dicitur, ubi partes, per causam vulnerantem separatae a naturali cohaesione, iterum concrescunt simul unitae. Si v. g. digitus sic dissectus fuerit transversum, ut exigua tantum cutis portione adhuc cohaereat, non poterit promitti talis vulneris sanatio: servari quidem poterit aeger, sed mutilatus hac sui corporis parte. Praeterea accidit saepe, ut vulnere curato non restituantur usus omnes parti vulneratae, quos in sanitate habebat; tunc non est sanatio integra, sed tantum pro parte. V. g. si insignis nervus discissus fuerit omnino per causam vulnerantem, vulneris talis sanatio integra nunquam erit; omnes enim illae functiones partis vulneratae, quae a nervi discissi integritate pendebant, manebunt abolitae.

3. Nisi enim haec statim ab initio praemoneantur, culpa difficilis curae, vel diu protrahatur in Chirurgum, vel & Medicum conjicietur. Facilis autem cura dicitur, quae sine multo aegri incommodo, & absque magno artis molimine perfici poterit. Dum v. g. tendo musculi erectoris pollicis discissus se subduxerit sub integumentis, non poterit hoc vulnus curari, & restitui usus naturalis huic parti laesae, nisi, dilatato vulnere, tendinis abscissi extremum tenaculo prehensum protrahatur, & dein confuatur cum altero extremo: sed haec

(m) Académie des Sciences. l'an 1716. Mémoires pag. 238. (n) Prothetico-
rh. II. Charier. Tom. VIII. pag. 817.

haec non sine difficultate, & dolore fieri possunt. Prudentia postulat, ut haec non semper aegris revelentur, amicis tamen vulnerati haec omnia indicari debent, ne postea curationis molestiae taedia imputentur Chirurgo, & Medico.

Ubi v. g. vulnus cum notabili substantiae læsura inflictum est, dum acie mace cutis, & panniculi adiposi magna pars abscinditur, requiritur satis magnum temporis spatium, ut restituatur hoc perditum. Si simplex tantum divisio, cutis, & panniculi adiposi facta fuerit per instrumentum vulnerans, bene unitis ex artis præscripto labiis, brevi tempore poterit consolidari tale vulnus, si sanum vulnerati corpus fuerit: si autem notabili cachochymia laboret, longe tardius, & multo difficilior cura perficitur. Haec autem in vulnorum Prognosi determinari debent, quia multorum animis haec insedit opinio, ac si Chirurgi turpis lucri causa vulnorum curam de industria protraherent; quod ab honesti viri animo quam longissime abesse credere fas est.

4. Omni cura & ad haec attendendum est. In vulneribus enim non lethalius solent Iudices poenam statuere proportionalem damno, quod vulneratus ex vulnere inflicto ut causa recepit. Ideo Patroni, qui rei causam agunt, omni versutia, qua saepe nimis valent, solent culpam malorum, vulnus sequentium, imputare Chirurgo, & Medico, qui vulneris curam gesserunt. Ideo in prima deligatione ex cognitione Anatomica partis, cui vulnus inflictum est, & ex functionibus læsis post vulnus acceptum, debent indicari mala illa, quae hoc vulnus, quamvis optima arte curatum, sequentur. Vel si non possit hoc tam certo determinari, saltem moneri debet, periculum esse, ne hoc vel illud damnum maneat post vulneris curationem. Nulli enim iniquius agitur cum Chirurgis, quam in his casibus: curato enim vulnere si partis pristina mobilitas v. g. perierit, solent plerumque narrare, quis curaverit hoc vulnus, non quis inflixerit; & summa injuria saepe damni relictæ culpam in Chirurgum, non percussorem conjiciunt. Ubi ergo arteria, parti cuidam sola prospiciens, discissa est, atrophiam partis post curationem praedicimus futuram; si nervus major ad partem tendens per vulnus destructus sit, insensibilitatem, immobilitatem saepe, praesagimus &c. si vulnus non possit curari, nisi post diuturnam, & validam suppurationem, (uti v. g. dum ossis læsi partes separari sensim debent) consumto sic panniculo adiposo, profundam, & turpem futuram esse cicatricem praemonemus &c.

§. 170. **M**ors inevitabilis a vulnere ex quinque effectis sequitur, adeoque necessario Lethalia vulnera [151.] Haec sunt.

Enumerantur hac paragrapho illa vulnera, quae inevitabili necessitate, nulla arte hætenus cognita superanda, tollunt illam corporis conditionem, quae omnino requiritur, ut commercium mutuum inter mentem & corpus duret quodammodo, aut queat restitui utrumque, nec necesse sit id omnino tolli (e): sed ex Physiologicis constat, absolute huc requiri actionem

musculare cordis. Vulnere ergo, ipsum cerebellum insigniter laedentia, vel & penitus destruenda, merito pro lethalibus habentur.

Experimenta in vivis animalibus capta haec rem confirmant. Cani majori cerebrum tessellatim dissectabatur fere per integram horam; moriebatur ipso momento, dum laedebatur cerebellum (p). *Dum capite canis per superiora aperto, cerebellum in frustula secatur, & e calvaria eximatur, illico fere moritur canis, etiamsi cerebrum, & medullae oblongatae eadem nequaquam laedantur* (q). In catellis junioribus, quibus calvaria adhuc mollior, & suturae hiscentes, per suturam sagittalem adigendo cultellum in cerebellum, idem experimentum tentavit Bohnius, viditque eisdem, post leviores partium externarum concussiones, exspirasse; remota vero calvaria apparuit, in uno totam fere illius compagem perforasse, in altero ad medullas ejus nucleum tantum penetrare instrumentum (r).

Nec obstat vulnere cerebelli lethalitati, quod in recens natis catellis, capite detruncato, cordis motum, systole, & diastole rite alternantibus, plurimis horis integrum perstitisse viderit VVefferus (s). Agitur enim hic de durabili vitae actione, non de mira illa cordis proprietate, quae etiam corpore exentum motum suum continuat post mortem ipsam, uti dictum §. 1. Magnus enim ille Vir ex his experimentis minime deducere voluit aliquam conclusionem, quae repugnaret prioribus observatis; uti ipse eodem loco testatur.

Cum autem ex Anatomicis constet, ex cerebello nullum derivari nervum, sed totam cerebelli substantiam medullarem collectam abire in medullam oblongatam, ex qua postea nervi prodeunt; satis patet, hujus oblongatae medullae insignes laesiones mortem certo effectu producere. Si jam simul confideretur, ipsum cerebellum, & medullam oblongatam, tam tuto recondi, ut vulnerari nequeant sine insigni laesione cerebri ipsius, magnorum vasorum, musculorum &c. magis adhuc patebit horum vulnere lethalitas.

Cerebri autem ipsius vulnera, quamvis maxima fuerint, non semper lethalia esse, docent observata plurima, de quibus postea dicitur in vulnere capitis.

§. Dum vasa sanguifera arteriosa, vel & venosa majora, a quacumque causa rumpuntur, effundunt contentum sanguinem, uti & illum qui continuo vi cordis per haec vasa integra fluxisset: sed cranii durum os cedere nequit, & naturaliter encephalon totum calvariae cavum exactissime replet; ideo sanguis effusus debet necessario comprimere omnia illa, quae calvariae cavo continentur: unde statim ab effusis intra cranium humoribus cerebri functiones incipiunt aboleri; & postea, eadem causa pergente, & cerebellum, & oblongata medulla comprimuntur, & vita inde pendens tollitur. Si jam effusus vas fractis sanguis non fuerit tanta copia, ut compressione tollere possit cerebri, & cerebelli, & medullae oblongatae actionem, poterit tamen nocere alio modo. Humores enim corporis humani, extra vasa sua effusi, spontanea degeneratione corrumpuntur; tardius quidem,

(p) Perrault *Mechanique des Animaux* partie 2. chap. 7. pag. 403. (q) Raynieri di V. *Atlas neurographia universalis* lib. 1. cap. 20. pag. 123. (r) D. Johannis Bohnius de renouatione vulnere &c. pag. 169. (s) *Cicuta Aquatica Historia & noxae* pag. 91.

dem, ubi omnis aeris accessus denegatur, sed tandem tamen etiam putrescunt, acres fiunt, tenerrimam encephali fabricam rodendo, inflammando, suppurando destruunt & consumunt. Unde tot Exempla apud Observatores habentur, quae probant, vulnera, & contusiones capitis, quae vix ullius momenti habebantur, post longum satis temporis intervallum, subito mortem induxisse. In cadaveribus apparebat copia ichorosa vel purulenta materiae, & saepe notabilis consumptio encephali inde facta. Exempla hujus videri possunt apud Bonetum (1).

Præcipua ergo in talibus casibus curae spes ponitur in perturbatione cranii, ut liber exitus concilietur effusis humoribus. Sed si talis sit loci vulnerati conditio, ut hanc operationem non admittat, mors sequetur inevitabilis, talia autem loca sunt imprimis sequentia.

INFERIORA ORBITAE OCULI. Illa nempe pars orbitae oculi, quae calvariae fundi maximam partem constituit, & quae inferiorem situm habet, si spectetur calvaria, sed orbitae oculi lacunar superius facit. Haec enim orbitae pars ab ossis frontis lamella fit, quae in plurimis locis adeo tenuis est, ut in mundatis calvariis pelluceat, & nequidem unguis crassitiem habeat. Haec autem lamella, cui cerebri anteriores lobi incumbunt, & satis magna vasa sanguifera, ob tenuitatem summam levi vulnere facile perforatur, effusus sanguis sub cerebro in ipsa basi calvariae haeret, hinc cerebra educi nequit. Unde apparet, quam periculosa sint vulnera huic parti inflicta. Vulnerabatur homo baculi extremo non admodum acuto in oculi sinistri orbita: illis, qui curationi praerant, videbatur exigui momenti vulnus: brevi tamen postea periit vulneratus. Publica auctoritate dum inquirebatur mortis causa, cranio terra diviso; apparuit vulnus sat profunde penetrasse ipsum cerebrum (2).

OSSES TEMPORUM. Foveae in calvariis mundatis apparentes, arteriarum durae matris pullu excavatae, demonstrant, circa tempora satis notabiles arteriae decurrere: his ergo laesis, sanguis effusus declivi via versus basim calvariae tendet: & ob musculos ingentes temporales hic positos, non datur cerebriationi locus; omnia ergo illa mala metuenda, quae ab effusis humoribus, compressione, vel corruptione nocentibus, expectanda sunt.

OSSES ETHMOIDIS. Forte primo aspectu videretur, adeo tuto reconditum hoc os, non facile laedi posse; sed reclinato versus posteriora capite gladius acutus per nares sursum adigatur, poterit eo utique facile penetrare. Praeterea si laterali orbitae oculi parti versus nasum infligatur vulnus, poterit levi vi lamellam illam ossis ethmoidis, quae orbitae oculi partem constituit, & os planum dicitur, perforare, & sic in calvariae cavum pergere. Talem casum habet Bonetus (x) ubi Juris studiosus infra orbitam sinistri oculi ense punctum vulneratus fuit, & post 24 horas apoplecticus mortuus est. Aperto cadavere apparuit, vulnus per orbitam oculi, & os ethmoides prope cristam galli penetrasse in dextrum cerebri ventriculorum: basis cerebri, & cerebelli regio, copioso sanguine extravasato repletae erant. Apparet facile, nullam superesse in tali casu medelam.

Re-

(1) Sepulchret. sive Anatom. pract. Tom. III. pag. 318. 319. 320. &c. [u] Fredericki Ruysschii Observat. Anatom. Chirurg. Centuria Observatione 34. (x) Sepulchret. sive Anatom. pract. Tom. III. pag. 317.

Reliqua autem, quae basin crassij penetrant, vulnera ob eandem rationem inevitabili effectu mortem adferunt.

Postquam ex medulla oblongata novem paria nervorum intra cranium secesserunt, omnis reliqua medulla cerebri, & cerebelli simul collecta in unum caudicem, vertebrarum theca tuto defensa, porrigitur ad os sacrum usque. Ex hac medulla spinali omnia capiti subiecta membra, & plurima viscera, pro magna parte sua nervos accipiunt: si ergo in superiori loco spinalis medulla vulnere satis profundo laedatur, destruitur medullaris ejus substantia, & omnis actio cerebri & cerebelli in subiectas partes tollitur; quatenus nempe ab harum fibrarum medullarium integritate pendet. Par enim octavum, vagum dictum, & nervus intercostalis, altiori loco ex ipsa medulla oblongata intra cranii cavum orta, plurimis visceribus vitibus prospiciunt. Hinc a tali vulnere non quidem in instanti mors sequitur, tamen tales vulnerati omnes pereunt majori, vel minori temporis intervallo, prout vel profundius laesa fuerit medulla, vel altiori in loco. Ratio facile patet: tota enim cerebri & cerebelli moles sua fabrica a sanguine arteriolo secernis subtilissimum illud liquidum, quod dein secretum per medullares fibras, & nervos his fibris collectis constantes, defertur ad omnia & singula corporis loca. Dum igitur, manente eadem copia liquidum allati ad organum secernens illaefum, destruitur tantus numerus canaliculorum, qui secretum liquidum continere, & deferre debebant ad loca debita, sequitur debere turbari, & tandem destrui functionem ipsius organi secernentis. Accedit simul & laedi plerumque magna satis vasa sanguinea, unde effusi humores facile in cranii cavum reascendunt, impleta prius vertebrarum theca. Lethalem autem talium vulnere eventum docuerunt Observata Medica.

Ruricus ex arbore decidit, & cervicis vertebram secundam prope atlantem luxatam habuit (ut postea in cadavere apparuit) hoc modo per quam plurimos dies vixit, dein mortuus. Alii tamen in simili casu brevi temporis spatio mortui fuerunt (y).

Sennertus (z) dicit, se videri lanium quendam, qui boves mactaturus, eos non secari, quod vulgo fieri solet, percussit, sed exiguum cultellum eo in loco, quo caput vertebrae colli conjungitur, in spinalem medullam adiebat; unde bos attonitus quasi statim concidebat. Idem jam Galenus notat, quod tanti, quibus spinalis medullae origo juxta primam vertebram quotidie dissectatur, statim procumbant, pereunte simul cum sectione & respiratione, & voce.

In junioribus canibus simile experimentum institutum parem successum habuit.

Hippocrates (a) spinalis medullae vulnera lethalia pronuntiavit. Et alibi (b) dicit medulla spinosae si angustaveris, sive ex lapsu, sive ex alia aliqua causa, sive sponte; homo est cruribus impotens sit, ut neque, si tangatur, percipiat, neque ventre, aut vesica circa prima tempora sterces vel urinae egerat, nisi

(y) Bonet.

(y) Bonet. Sepulchret. sive Anatom. pract. Tom. III. pag. 437. (z) Tom. III. lib. V. part. 4. cap. 3. pag. 371. Galen. de Hippocr. & Platon. placitis lib. II. cap. 4. in fine Charter. Tom. V. pag. 57. (a) De morbis lib. I. Charter. Tom. VII. pag. 331. (b) Prothetica lib. II. cap. 11. Charter. Tom. VIII. pag. 319.

nisi coctus. Quum autem versutior factus fuisset morbus, non argente hamini, & stercus prodit, & urina. Moritur autem post hæc non multo tempore interpositum. In hoc autem loco patet, quod agatur de læsione medullæ spinalis in loco inferiori, & tamen mortem inde futuram præfagit. Summum etiam tunc periculum adesse probant binæ Exempla recensita in illis, quæ dicta sunt ad finem §. 162. Quosdam tamen avalisse, vel saltem miseriam vitam diu proaxisse in simili casu, ubi circa vertebbras lumborum luxatio facta medullam compresserat, docet Hildanus (c) binis Exemplis. In uno casu abicessa facta, & ulcera fistulosa relicta symptomata remiserunt plurima, sicut alvum, & urinam postea continere potuerit; sed ab umbilico omnia inferiora sensu, omni, & motu erant privata; sicque per annos aliquot vixit. Qualis autem tandem fuerit exitus, sibi non constitisse affirmat Hildanus. In altero casu secunda vertebra lumborum intropulsa erat, cum paralyti inferorum, & resolutione sphincterum ani, & vesicæ. Juvenis cum esset, & optimo corporis habitu præditus, post annum sensus rediit, & aliquis motus: qualis paucos fuerit eventus tandem, non notat auctor.

Ex notabili autem læsione medullæ spinalis superioris evasisse aliquem, quantum novi; non constat ullis observatis.

J. Per nervos cardiacos enim deferitur tenuissimum illud fluidum, cerebelli fabrica separatum, a purissimo sanguine arteioso, quod requiritur ad motum muscularem cordis.

Cor in Pericardio hæret liberum, nulli parti nexum, nisi vasis, quæ eor ingreditur, vel ex corde exeunt. Omnia jam hæc vasa, quibus cor necitur, in Pericardio libera sunt, mobilia, nulli parti vicinæ accreta. Nervi ergo, qui cordis substantiam ingredientur, debent una cum vasis, quibus cor necitur, ad cor deferri. Cor enim nulli alteri parti in Pericardio cohaeret. Hinc nervi ad cor pertinentes non hærens liberi, sicut ex tabulis Anatomicis quis credere posset; sed applicati manent venis, quæ cordis cavis sanguinem immittunt, & arteriis, quæ sanguinem cordis cavis expulsum excipiunt. Ex qua nervorum ad cor tendentium mirabili positura in Physiologicis explicatur cordis systole, & diastole; dum eadem causa, quæ motum cordis facit, momento post motum factum destruit necessitate fabricæ: unde uno momento vitæ cor fulmineo quasi spasmo contrahitur, momento sequenti perfecte paralyticum fit.

Patet hinc, nervos cardiacos in cordis vicinia non posse lædi per vulnera, quin simul lædatur maximorum vasorum integritas circa cor: tuncque mors vulnus tale sequeretur inevitabilis ex læsione horum vasorum. Hic autem consideratur sola læsio nervorum cordis. Sed Anatomicæ observationes docuerunt, omnes nervos, qui ad cor perveniunt, ortum ducere a pari ostavo, nervis intercostalibus, vel & nervis recurrentibus. Sed nervorum horum trunci possunt in suo decursu lædi, sicque aboleri horum nervorum effectus, quem cordi præstant.

VVillisius (d) cani vivo, circa jugulum cute discissa, utrique paris vagi

trun-

(c) Observat. Chirurg. cent. V. pag. 458. 459. (d) Cerebri anatome pag. 334.

trunco ligataram iniecit stridissimam: mox corpuit animal, & obmutavit; & circa hypochondria motus convulsivos cum magno tremere passum est. Hoc affectu postea brevi cessante, quasi moribundum jacuit, alimenta respiciens: vixit tamen, iisdem nervis penitus discissis, postea per plures dies, donec inedia fere exstingueretur.

Cadaveri tamen aperto, sanguis intra cordis ventriculos, & vasa majora coagulatus admodum in grumos concocterat. Sed per inediam negatis animalibus talia sanguinis coagula non inveniuntur. Causam vitae tandem adhuc protrahae VVillisus ipse a ramulis nervi recurrentis, & intercostalis ad cor tendentibus deduxit.

Idem Experimentum & Lovverus sumit, & observavit, statim cor palpitare & contremiscere; atque sic per diem unum, aut alterum miserum animal, corde tremulo, pectore admodum suspirioso, languidam vitam protrahit, & tandem expirat. Tantam autem angustiam patitur animal, ut coerceri nequeat, nisi firmissimis viaculis cohibeatur (e): Bohnius tamen affirmat, animal, quod huic martyrio philosophico exponebat, fulmine quasi tactum a constrictis funiculis expirasse (f). Nervis parvis octavi, una cum nervis par intercostale constituentibus, circa cervicem ex transverso recisis, animal illico languore, futurae mortis praenuncium, afficitur: tremulos motus patitur, vires illius sensim labascunt; & intra viginti circiter horas vita destituitur. (g) Idem experimentum feci in cane, ligans in utroque colli latere par octavum, & intercostale: nullum edebat amplius ejulatum, sed summo nixu aliquid sonori edebat satis obscuri: per intervalla temporis inamahi furore, & anxietate corripiebatur, omnia obvia mordens summa cum ferocia. Antequam autem talia insultus accideret, prius incipiebat nasi apex miro modo corrugari. A sexta vespertina ad undecimam mortis horam sic vixit; sequenti mane jam inveni mortuum.

Ex omnibus his patet, nervis cardiacis in animali vivo discissis, mortem secutam fuisse citius vel serius, & animal statim quasi agone mortis laborasse; qui sit a corde non amplius valente expellere contentum suis cavis sanguinem. Sed observamus in morbis aliquando per biduum, & ultra homines in tali agonia haerere, sanguine non potente transpirari per arterias obstructas. Idem videtur etiam contigisse in his animalibus, quae nervis his ligatis vel discissis, diutius vitam protraxerunt. Forte etiam alii nervuli per cordis substantiam distributi adhuc vitalem motum tam diu sustinebant: sic inventus fuit ramus nervi notabilis ex plexu gangliiformi semihari Vieussensii ortus, prope magnum plexum mesentericum, ex abdomine in pectus ascendens, & auriculae dextrae, & cordis basi insertus (h). An insita cordi mirabilis proprietas, qua etiam rescissum ab omnibus vasis vaslet motum suum continuare, potuit adhuc producere vitam destructis nervis cardiacis? de hac autem cordis irritabilitate dictum §. 1.

Sic per experimenta apparuit, quid fiat in brutis a dissectis nervis cardiacis,

In

(e) Lovverus de corde pag. 90. 91. (f) Johan. Bohnii circulus Anatomico Physiologicus &c. pag. 56. (g) Vieussens. Neurographia pag. 179. (h) Acad. des Sciences l'an 1714. Hist. pag. 60.

In hominibus autem rarissime contingit, truncos octavi paris, aut intercostalium nervorum laedi, quin simul tollatur integritas vasorum adjacentium. quorum laesio sola mortem inferre potest. Carotidum enim trunci, & jugulares magnae venae incumbunt in collo his nervis; & posteriores laterales vertebrarum processus cavent, ne facile laedantur. Nec memini, me apud observatores Medicos aut Chirurgicos legisse exemplum ullum, quod doceret nervos cardiacos solos laesos fuisse.

2. Quae sanguinem Cordis effundunt ex ejus cavis vulneratis : unde vulnera Cordis profunda, in cava penetrantia, lethalia.

Cum cor sit musculus semper motus, cujus omnes partes sic conspirant, sic uniuntur, ut una alterius officio carere nequeat, & sit fons vitae, unde dimanant omnia; veteres Graeci, & Arabum plurimi dixerunt, quod vulnera cordis sint certo, & cito lethalia. Sed videntur haec dixisse potius ex hypothesi, quam ex rerum experimentis.

Mirabilia quaedam habentur apud Auctores Exempla, quae, si vera forent, probarent sine corde vixisse animalia. Caesari Dictatori, quo die primum velle purpurea processit, atque in sella aurea sedit, sacrificanti his in extis defuit cor (1). Caesari immolanti cor hostiae non apparuisse; idque pro tetro ostento habitum, neque enim consistere naturaliter animal sine corde posse, narrat Plutarchus (2). Idem & Suetonius (3) in vita Caesaris habet. Sed Haruspices audacter imponebant saepe credulis, ut pro lubitu de rebus gerendis decernerent. Hinc suspectae admodum fidei haec testimonia sunt, cum adeo repugnent cognitae animalium Oeconomiae.

Vix enim credibile videtur, cor unquam in homine, vel aliis animalibus defuisse; sed incautos decipere potuit situs, figurae, magnitudinis &c. cordis adeo insignis varietas, aliquando per morbos, indolitas, uti in observatis Medicis habetur.

Celeberrimo tamen horum Aphorismorum Auctori communicata fuit vigesimo hujus saeculi anno mirabilis observatio a Clarissimo Anatomo, Edinburgensi, quae docet, posse existere monstra in rerum natura, quae omnem scientiam ulius partium turbant. Inquirebat Eximius ille Vir vasa seminalia in fornice majore vivo, & agilissimo; apparebat ren dexter duplex, sed aperta capsula regente, apparuit verus ren dexter: alterum illud, quod renem simulabat, corpus, proprio sacculo inclusum, habebat talem magnitudinem, & figuram, qualem cor in hoc animali habere solet, basi sua corporis superiora, apice autem inferiora spectabat. Cor hoc omni cura examinatum habebat duos ventriculos, septo medio separatos, & auriculam sinistram; aderaat valvulae cordis, & columnae carneae; de caetero nullum articulae dextrae, nec venae caevae, nec pulmonarium venarum vel arteriarum, aut aortae vestigium. Aperto thorace, nec Pericardium, nec cor invenitur; sed ex ipsis thoracis visceribus, loco inter binos pulmones medio, emergebat auricula dextra: ex hac

exi-

[1] C. Plin. Secundi Lib. XI. cap. 17. pag. 284. (4) in vita Caesaris pag. 717.

[2] cap. 77.

exibant arteriae pulmonales. Vasa, quae sanguinem reducunt a pulmone, nunciabantur in unum truncum, qui erat aorta; quae deinde distribebatur solito more. Hoc animal adustum erat, reliqua viscera bene formata habebat; cor quidem aderat, sed aberrans, & inutile, instructum tamen solitis partibus. Sine actione cordis ergo animal vegetum, & agillissimum vixit.

Corde exsecto, animalia quaedam vixisse adhuc aliquo tempore, testantur satis fidelia observata. In sacrificiis corde ex animalibus evulso, & jam aris imposito, respirant, clamant fortiter, imo aufugiunt; donec sanguinis profluvio moriantur (m). Thorace vivi animalis aperto, vinculo cordis basi circumjecto constringebantur omnia cordis vasa; dein sub vinculo cor totum rescindebatur celerrime; solutis dein laqueis, quibus animal colligatum erat, vidit Vesalius canes, sed praecipue feles, aliquo usque cucurrisse (n). In eatulis vivae canis utero exsectis, abscisso corde, vita supererat per quadrantem horae, cum motu sensibili membrorum, & quadam adhuc sibilantis vagitus specie. Ex Zoologia porro constat, vermes, & animalia, quae ad hoc genus proxime referuntur, corde exsecto, vixisse diutissime: imo & talibus animalibus in partes dissectis, singula segmenta per notabile temporis spatium vitam continuant. Sed ex Malpighii, & Leeuwenhoeckii observatis constat, animalia in prima origine sua vermibus vitam vixisse: hinc forte in animalibus, quamdiu in utero haerent, aliquid de antiqua illa vitae tenacitate superest. Rana, corde exciso, saltabat, aquae injecta natabat; imo summa agilitate exiliens de vasculo aqua pleno per conclave saltare pergebat per horae spatium, & amplius (o).

Homini vivo cor excindebatur a carnifice: dumque illud jam carnifex manu teneret, tria, aut quatuor precum verba auditus est proferre (p); sed monet ibidem magnus vir, amicos rei carnifici mercedem dare, ut subtilissime haec peragat, & miserum ab his cruciatibus liberet. Hinc non adeo mirum videtur, quod dum frigus insolitum vasa discissa parum stringeret, & ultimis illis vitae momentis intentissima esset dispositio omnium organorum animalium, aliqua adhuc pressio sanguinis per pauca momenta in cerebrum egerit, per quam in sic dispositis organis ultimo illo nixu perrexerit loquela per tantillum temporis spatium: si simul consideretur, pulmones, aperto thorace collapsos, & insolito frigore aeris undique contractos, contentam aerem expulisse satis valida vi. Non videtur ergo hoc experimentum adeo repugnare cordis necessitati. In experimento autem Vesaliano ligatis omnibus valis, arteriae contractiles, elasticitate per frigus admissum aucta, poterant sanguinem per cerebrum, cerebellum &c. pellere, & hinc vitam diutius continuare.

Illa autem experimenta in ranis capta, uti & plurima similia in viperis, testudine &c. quae docent, haec animalia corde exento satis diu vivere posse, demonstrant, modum vivendi in animalibus non posse adeo generalibus regulis limitari; sed illum varium esse in diversis, sic ut non

R

facile

(m) Galen. de Hippoc. & Pator. placitis Lib. II. Cap. 4. in fine Charter. To 1. V. pag. 97. (n) Vesal. pag. 570. (o) Boyle de ut hinc Philosophiae Experientialis pag. 113. [p] Vesalius. Hist. vitae, & motus pag. 559.

facile sit historiam vitae generalem condere, sed possimus tantum notare experimenta.

Nullis autem certis observatis constitit, cor unquam in homine defecisse; vel cordis fabrica penitus destructa, notabili tempore supervixisse hominem. Unde satis patet ratio, quare cordis vulnera majoris momenti merito ut lethalia considerari mereantur. Non omnia tamen vulnera cordis lethalia esse, & differre plurimum inter se, prout variis cordis partibus insiguntur, certum est.

Si enim per vulnus arteriae, vel venae coronariae truncus in basi cordis diffusus fuerit, mors videtur inevitabilis, & cito quidem secutura; quia impetu omnium maximo aortae contractione validissima sanguis per arteriam coronariam per cordis substantiam musculosam transprimitur, per venas cistissime rediens; singulis enim cordis contractionibus totum cor pallet, expresso omni sanguine, momento post, dum cor est in diastole, tota cordis substantia repletur in omibus valis.

Si vero vulnus dextrum ventriculū cordis in cavum usque penetraverit, effundetur sanguis partim ex laevis valis ipsius substantiae cordis, partim ex ipso cordis cavo in pericardium; & ex pericardio in thoracis cavum, vel exibat de vulnere externo. Vulnus illud dilatabitur, dum cor impletur: illo enim tempore, quo cor constringitur, partes vulneratae ad se mutuo accedunt potius, nec fiet hoc tempore magna sanguinis effusio. Interim, effuso sanguine, debilitabuntur vires, superlente tamen adhuc cordis actione, & manente vita. Sed dum adest summa debilitas, cor sere quiescit; si tunc simul nullus fiat motus muscularis, sanguis venosus sedatissimo motu, & minima copia influet. Si tunc simul absteineatur ab illis, quae copiam sanguinis per nutritionem subito augent, & omnia cardiaca dicta, quae semper motum suis stimulis augent, evitentur sedulo, videtur tunc vita posse servari, & sanitas restitui. Nisi enim in vulneratis, & in abortum passis foeminis, exempla docuissent practica, nemo crederet, quam parca copia, & parvo motu sanguinis, homo posset vivere. Sic enim per validam haemorrhagiam minuta quam maxime sanguinis copia, & projectis viribus, vulnus factum vix amplius dilatatur, incipiunt nasci concretionis rudimenta, & paulatim perfici: modo caveatur, ne aucta copia, vel motu sanguinis, disrumpantur illa, quae jam inceperant crescere.

Præterea in vulneribus cordis dextri hoc notandum, quod pulmo pergit agere, & sua dilatatione facillimam viam parat sanguini ex corde dextro pellendo. Hinc systoles tempore ob liberum per pulmones iter, non exprimitur tanta copia sanguinis per vulnus factum. Ideo major adhuc vulneris consolidationi nascitur opportunitas.

Cordis vero sinistri vulnera longe adhuc videntur esse periculosiora. Si enim ventriculus sinister cordis laceratus fuerit, nec tamen integre perfossus, vulnus illud dilacerari debet necessario, dum cor sinistrum validissima vi musculari, qua dextram cor tam multum superat, contentum sanguinem premittit in aortam adeo resistentem, illamque & omnes ejus ramos per universum corpus dilatat. Fibrae enim cordis sinistri tunc supra contentum sanguinem, & resistentem distrahantur, hinc vulnus augebitur, donec in
cavum

cavum cordis penetrans viam faciat sanguini huc facilius exeundi, quam per aortam resistentem; vel si aliqua consolidatio hic fieri incipiat, summus metus est, ne locus ille debiliior in aneurismaticum tumorem extendatur, sicque turbetur cordis actio; & vita quidem protrahatur, sed non nisi cum summis aerumnis, morte sola terminandis.

Si vero cor sinistrum patulo vulnere in cavum penetrante perforetur, mors cito, ac certa sequetur. Omnium autem subitissime lethale videtur fore tale vulnus, quod aortae ipsius principium immediate supra valvulas disscinderet. Corde autem sinistro perosso, valvulae aortae sustinent sanguinem in arteriis contentum; hinc totum systema arteriosum plenum manet, arteriae deinde contractae sanguinem promouent; sicque vita aliquo tempore adhuc sustineri posset.

Observationes quoque Medicae docuerunt, post vulnera cordis saepe adhuc notabili tempore vixisse homines; imprimis corde dextro solo perosso. Imo quaedam observata docuerunt, possibilem esse consolidationem vulnere cordis.

Juvenis amicū cultro transixit inter tertiam, & quartam costam sinistram: vulnera ex suburbio domus pedibus ivit, & per quinque dies supervixit. Aperto cadavere apparuit, vulnus sub sterno cordis ventriculū dextrum penetrasse foramine angusto, & obliquo [g].

Ingolstadii studiosus a Typographo punctum laelus in sinistra parte thoracis, plateae satis longae spatium curū confecit; mente porro, & sensibus integerrimis ferme per horam integram ita constitit, ut loqui, & Deo se commendare potuerit. Aperto cadavere Medici Professores omnes, & alii spectatores viderunt, vulnus ipsam cordis substantiam, & utrumque ejus ventriculū transversim penetrasse, sic ut instrumenti vulnerantis genus ex vulneris forma dignoscere, & in judicio explicare potuerint [r].

Nobilis vir in singulari certamine sub mamma sinistra vulneratur gladio; post vulnus acceptum pergit pugnare, fugientem hostem per ducentos passus prosequitur, tuncque mortuus procidit. In cadavere invenitur vulnus cordis substantiam penetrans, quod digitum caperet, & magna copia sanguinis effusi Diaphragmati incumbens [s].

Serenissimus Daniae Rex in venatu cervum sclopeto trajecit: accepto vulnere, animal quinquaginta passus conficit, antequam concideret. Cor a venatoribus extractum iustrans Regius Archiater, tunc praefens, invenit per utrumque ventriculū ponderoso globulo trajectum, sic ut vulnū trium digitorum apices admitteret [t].

In cadavere hominis, olim thoracem vulnerati, vidit Chirurgus cicatricem vulnere cono cordis inflicti [u].

In apris, canibus, cervis in venatu, & domesticis observationibus inventae fuerunt cicatrices vulnere cordis sanatorum, & glandes plumbaeae dis-

R. 2

ibi

[g] Thom. Barthol. Hist. Anat. rarior. Centur. 1. Hist. 77. (r) Schenkii Observat. Medic. rarior. pag. 275. [s] Parerus lib. X. cap. 12. (t) Thom. Barthol. Hist. Anat. rarior. Centur. 1. Hist. 77. (u) Act. Lipsien. An. 1705. pag. 287. ex Celeberrimi Chirur. Wolffii Observatione postuma 21.

ibi relictae. Plurima talia habentur observata, quorum collectionem vide [x].

Ex omnibus his concludere licet, vulnera cordis esse semper periculossima; tamen non semper subito, nec certo lethalia. Simul patet, nequidem in periculossimis vulneribus semper desperandum esse, saepe enim, dum vita debilissima sustinetur tantum, possunt fieri consolidationes vulnerum, de quibus nullus cogitasset, quod possibiles forent.

3. Quae cruorem a corde, & a cerebro, cerebelloque derivant vel in cava corporis, vel extra illud, neque medellam capere possunt ob situm loci. Ut magna vulnera Pulmonis, Hepatis, Lienis, Renum, Pancreatis, Mesenterii, Stomachi, Intestino- rum, Uteri in gravidis, Vesicae circa arterias ejus majores, Aortae, Carotidum Vertebraliū, & similium arteriarum, venarumque.

Prioribus numeris hujus paragraphi demonstratum fuit, vulnera illa lethalia esse, quae cerebelli fabricam destruunt, vel lacis medulla oblongata, & ipsa medulla spinali in loco altiori, aut ipsis nervis cardiacis, impediunt, quo minus vitalis influxus spirituum, fabrica cerebelli a sanguine secretorum, in cor, & alias corporis partes perficiat illa, quae ad vitam requiruntur. Sed ut per cerebelli fabricam separentur illi spiritus vitales, requiritur, ut sanguis cordis vi musculari pellatur in arterias; hinc & vulnera profunda, cordis cava penetrantia, lethalia judicantur, Tota autem cordis actio consistit in eo, ut sanguinem per venas adveniens recipiat, receptum autem propellat in arterias: omnia ergo vulnera, quae sic laedunt vasa, quae sanguinem ad cor deducunt, vel & illa, quae sanguinem corde expulsum recipiunt, ut sanguis per apertum vulnus extra corpus fluat, vel in cavis corporis accumuletur extravasatus, neque redeat iterum ad cor, impediunt, quo minus sanguis debita copia, & impetu requiritur prematur per arterias encephali; unde necessario omnes functiones cerebri, & cerebelli turbantur, & tandem penitus abolentur. Nec refert, an vasa laedantur in suo decursu, antequam per viscera dispergantur, quorum fabricam constituunt; an vero in ipsis visceribus laedantur simili cum effectu, nempe sanguinis vitalis effusione tam notabili, quae laedit cordis, & cerebelli actionem. Non omnia ergo viscerum, & vasorum vulnera, quae hac paragrapho recensentur, absolute lethalia sunt, nisi sub hac limitatione. Praeterea requiritur, ut talis vulneris facti sit conditio, ut ligatura, nec aliis artis auxiliis, non possit impediri sanguinis effluxus. Inter haec vulnera primo recensentur

MAGNA VULNERA PULMONIS. Omnem sanguinem totius corporis per venas allatum cor dextrum accipit, illumque propellit per pulmonem in cor sinistrum: dum ergo lato vulnere laeditur pulmo, sanguis, vicini adeo cordis vi pressus, exibat per vasa discissa, hic non rediit ad cor sinistrum,

(x) Miscell. Cur. decur. 2. A. 6. pag. 166. &c.

strum, sed per vulnus factum effluet; vel in aereum cavum pulmonis transiens undatim eructabitur; vel tandem effusus in pectoris cavum, pulmonis liberam expansionem impedit. Apparet hinc facile lethalis talium vulnere effectus.

Observata jam Medica funestum eventum vulnere pulmonis evincunt: Chartacea glande sclopeto expulsa trajectum pectus fuerat, cum pulmonis sinistri, ejusque vasorum insigni dilaceratione: intra nycthemeron cum insigni haemorrhagia, spirandi difficultate &c. obiit percussus (y). Eodem in loco, & bina alia habentur exempla, quae hoc confirmant. Habentur quidem & observata apud Auctores, quae pulmonis vulnera sanata fuisse doceant, sed vel fuerunt leviora, vel talia, ad quae manus Chirurgi pertingere potuit. Sic apud Hildanum habetur (z), quod pulmonis pars, per vulnus pectori inflictum, erumpens, ferreo candenti instrumento fuerit abscissa, & aeger postea integre sanatus fuerit. Aliud satis mirabile exemplum habet (a), ubi post vulnus thoraci inflictum difficultas anheliis maxima, sanguinis cum tussi rejectio &c. docebant pulmonem vulneratum esse, tamen evaserit aeger, & post tres menses a curato vulnere tussiendo una cum pure curandam, Chirurgi imprudentia in cavum pectoris delapsam, rejecerit; & tandem evaserit. Si ergo post vulnus pectoris aeger moriatur, & aperto cadavere pulmo laesus appareat, merito Judicibus renunciatur, tale vulnus mortis fuisse causam; licet quaedam pulmonis vulnera sanata fuerint aliquando. Imo in levioribus etiam pulmonis vulneribus metus est, ne talia vulnera degenerent in ulcera pulmonis, quae postea lenta tabe consumunt vulneratum. Tale exemplum habetur apud Forestum (b).

HEPATIS. Per venam enim portarum abdominalium viscerum sanguis venosus collectus defertur per hepar: ipsius adscendens cavae venae truncus hepati innascitur: totum hoc viscus molle, ac si spongia fere foret sanguine plena, apparet. Arteriae quidem hepaticae, si ingens visceris huius moles spectetur, satis exiles sunt, sed venae portarum insignes rami per hepar distribuuntur. Ideo apparet, periculosissima semper esse vulnera hepatis, & si insignes rami vasorum per hepar distributorum laesi fuerint, semper lethalia; & quidem plerumque satis subito, ingenti sanguinis copia in abdominalis cavum, vel & per vulnus effusa: unde animi deliquium, & mors brevi sequuntur. *Jaculo in jecur comminus percusso, statim cadaveris color affusus est, oculi concava, anxietas, corporis jactatio, mortuus est, priusquam concio dimitteretur, eodem quo percussus est die (c).* Facile autem patet, omnium periculosissima esse illa vulnera hepatis, quae circa portas ejus infungunt (d), quae ideo a Celso pro insanabilibus habentur: illa vero, quae jecinoris crassum dividunt, difficilia quidem, non tamen omnino insanabilia, esse voluit. Satis notabile exemplum vulneris in hepate sanati in Epistola ad Sennertum recenset Hildanus (z): ubi maximo vulnere inflicto dextro hypochondrio, cum tali haemorrhagia, quae animi deliquium induceret, & edu-

R. 3

edu-

(y) Bohnius de renunciatione vulnerum pag. 333. (z) Centur. 2. Observ. 32.

(a) Centur. 1. Observ. 46. (b) Observ. Chirurg. lib. VI. Observ. 4. (c) Hippoc. Epid. 7. Chart. Tom. IX. pag. 567. (d) Celsus lib. V. cap. 26. (e) Centur. 1. Observ. 34. pag. 230.

educto forcipibus hepatis frusto, quod in vulneris apertura se offerebat, licet saevissima supervenerint symptomata, tamen optime convaluerit vulneratus. Post triennium continua febre perit, & in cadavere apparuit, portiunculam quandam infimi lobi hepatis abscessam fuisse, & vulnus cicatrice bona fuisse obductum. Sed apparet ex ipsa hac historia, vulnus non penetrasse ad majores valorum hepaticorum ramos. Imo & leviora hepatis vulnera, licet non illico lethalia, funesta tamen saepissime fuerunt observata. *Lactor impeterritus, injecturus vincula audacissimo cuidam nebule, ictus fuit bipenni, in infans jecinaris fibra. Cuius exsilians sanguis, in pus conversus, conjecit ipsum in lentam febriculam: utique tam vehementem universi corporis marcorem, ut conficeretur ante diem quadragesimum (f).*

LIENIS. Quamvis Democritus dixerit (g), quod noxius, & inutilis corporis humani incola splen ex adverso hepatis dormiat, & per Experimenta in vivis animalibus capta constiterit, posse lienem excindi superfluite vita, nec adeo multum turbata sanitate; imo & in ipsis hominibus hoc factum fuisse, legatur (h), tamen tam magna habet vasa sanguinea, & cordi adeo propinqua, hoc viscus, ut lethalis merito timeatur haemorrhagia post splenis vulnera. Mortem inde secutam fuisse testantur observata Medica. *Inter ludica pueritia, ictus fuit scepione, in regione Lienis, juvenis quatuordecim annorum, cum insigni dolore, & tam frequenti animi deliquio, ut postredie ejus diei vitam cum morte commutaverit (i).* Alium casum similem ibidem habet Auctor, & in utroque cadavere lien in cava sui parte rimam egerat, quae duos facile digitos caperet. Similia bina exempla lienis fissi a percussione externa, cum sanguinis extravasati ingenti copia in abdomine collecta, & morte subito secuta, vidit *Bohnus (k).*

Leviora tamen Lienis vulnera, aequae ac hepatis, non semper absolute lethalia esse, quamvis semper periculosa, valde probabile est.

RENUM. Servari non posse, quibus renes vulnerati sunt, Celsus dixerat (l). Qui magnitudinem arteriarum emulgentium considerat, facile credet, lethalem haemorrhagiam sequi posse, si majores emulgentium rami in renum substantia, vel & in ipso renis ingressu discindantur, si simul peritoneum laesum fuerit, sanguis in abdominis cavum effluet; si vero a posteriori corporis parte inflatum vulnus renem laeserit, integro manente peritoneo, tunc mirabilis fiet sanguinis effusio in tunicam pinguedinosam musculis interpositam, neque sanguis tam libere poterit ex renis vulnere effluere. Nec obstat locus Hippocratis, ubi sectionem imperat in calculo renum: dicit enim ibi, *quum dolor urget, multa calida lavato, & qua parte praecipue dolor est, fovea tepentes admoveto; quum vero intumuerit, sub hoc tempus juxta renem secato (kata tiv reppio) & extracto pure, arenam medicamentis urinam moventibus curato &c. [m]* Apparet enim evidenter, quod noluerit

(f) Tulp. Observat. Medicar. lib. II. cap. 26. (g) Epist. ad Hippoc. de natura humana Charter. Tom. I. pag. 29. (h) Boyle de utilitate Philosoph. Experimentalis Exercit. I. pag. 109. 110. Miscell. curios. dec. 1. ann. 4. & 5. pag. 210. & dec. 2. ann. 3. pag. 278. & ann. 7. pag. 293. (i) Tulp. Observ. Medic. lib. II. cap. 29. (k) De renunciatione vulnerum pag. 282. (l) lib. V. cap. 26. (m) De internis affectionibus cap. 15. Charter. Tom. VII. pag. 649.

noluerit renem ipsum dissecari, nec per sectionem factam arenas educi voluit. Quid autem de Nephrotomia sentiendum sit, dicitur postea in Capitulo de calculo.

Non omnia tamen renum vulnera lethalia esse, docet Foresti observatio (*) : ubi juvenis viginti annorum, cultro in lumbis vulneratus, e regione renis dextri, sanguine, in vesicam delapso ex rene vulnerato, per sex dies urinam omnino suppressam habuit; feliciter tamen, & ab hac ischuria, & a renis vulnere evasit.

PANCREATIS. Si nempe vasorum trunci, vel rami insignes per hoc viscus dispersi discindantur, poterit, effuso sanguine in cavum abdominis, vel & corrupto postea, mors sequi, ut effectus talis vulneris. Tamen Pancreas ventriculo subjacenti raro videtur laedi posse, quin simul per alia viscera vulnus transeat.

MESENTERII. Quam magna vasa sanguinea per mesenterium decurrant, & quo locentur ordine, Eustachius 27. tabula figura 2. & 3. pulchre demonstrat; praeter enim insignes venae portarum ramos, & venae cavae propagines, magni trunci arteriosi per mesenterium deferuntur, arteriae nempe mesenterica superior, & inferior. His ergo vasis a caula vulnerante discissis, lethalis haemorrhagia sequi poterit, & abdominis cavum effuso sanguine repleri. Talis casus habetur apud Bohonium, (o) ubi ex punctura regionis epigastricae tertia die aeger expiraverat. Observatum autem fuit in cadavere, ichum per omentum in mesenterii centrum penetrasse, sicque, praeter vascula Epiploica exilia, propaginem arteriae mesentericae superioris insigniorem resecuisse, unde abdomen satis vastum, & obesum cruore extravasato, & ad corruptionem inclinante, turgibat. Ex omenti vasis disruptis similiter mors, per haemorrhagiam repleto toto abdomine, secuta fuit [p]. Sed aliud adhuc periculum imminet a laeso per vulnera mesenterio, cujus cognitio Celeberrimo Ruyschio imprimis debetur videtur. Ille enim per quinquaginta, & amplius annos Amplissimi Magistratus auctoritate, in populosissima urbe Amstelodamo, cadavera violenta morte perentorum lustravit, ut de vulnerum conditione ad Judices renunciaret. Dicit enim, se frequenter observasse, vulnera, mesenterio inflicta, intra duos, tresve dies fuisse lethalia, postquam accerimus, & assiduis doloribus abdominis excruciatu fuerant vulnerati; sollicito tamen examine constitit, nullam aliam partem alicujus momenti fuisse laesam. Praeterea Ornithotrophi, dum gallos castrant, si videant mesenterium hac operatione, vel minimum laesum fuisse, statim haec animalia jugulant, probe edocti per experimenta, brevi moritura a tali vulnere [q]. Videtur autem lethalis talium vulnerum effectus a laesis nervis mesenterii pendere. Quam mirabile enim imperium in ipsas etiam vitales functiones corporis humani habeant nervi per abdominalia viscera dispersi, docent Observata Medica in herniis suffocatis, intestinorum susceptionibus &c.

R 4

An

(*) lib. XXV. Observ. 20. pag. 194. (o) De renunciatione vulnerum pag. 249.

[p] Comment. Acad. Scient. Imperialis Petropolit. Tom. I. pag. 382, 383.

[q] Ruysch. adversar. Anatom. decad. 2. No. IV. pag. 8. & 9.

An in Coacis Praenotionibus aliquid simile adumbratur (r), dum ibi dicitur: *percutit & quibus acervi interiores, sive tenuis aliquis, sive crassus vulneratus fuerit, si plaga transversa fuerit, & magna; quod si parva, & recta, nonnulli evadunt.* Cornarius loco de *de viri legi* & *de viri legi*, quae lectio propius huic sententiae accederet (s).

STOMACHI, INTESTINORUM. In hoc numero considerantur vulnera harum partium, quatenus vasis sanguineis ruptis mortem facere poterunt effuso sanguine, nam illa mala, quae sequuntur a contentis ventriculi, & intestinorum per vulnus dilabentibus, considerabuntur quinto numero hujus paragraphi. Ventriculumenim ambiunt satis magna vasa, quae circa utrumque ejus orificium versus fundum descendunt, & in hoc itinere frequentibus anastomosibus junguntur similibus vasis a fundo ventriculi sursum, ascendentibus. Hinc uno insigniori ramulo discisso, sanguis per omnia vasa ventriculi reliqua trajectus facile effluit per vas vulneratum. Plurima mortis secutae post ventriculi vulnera exempla habentur apud observatores: unicum notasse sufficit, quod demonstrat, maximam haemorrhagiam inde ortam fuisse. Villicus in hypochondrio dextro sub costis spuris gladio valde lato vulnerabatur; multa cruenta vomuit, & per alvum deiecit, supervenere sudores, syncope, extremorum frigus, convulsiones: tertio die periit. Aperto abdomine, vulnus ingens apparebat in ventriculi fundo, venis, & arteriis, quarum maximus ibi numerus est, integre discissis; ingens simul erat in abdomine sanguinis effusi copia (s).

Intestina autem, mesenterio annexa, per illud vasa sua recipiunt, quae utrimque intestinali fistulae circumapplicata, in parte intestini mesenterio opposita, Anastomosibus inter se junguntur. Vulnera ergo intestinis imprimis circa mesenterium inflicta, satis magnos vasorum truncos discindere possunt, unde magna sanguinis in cavum abdominis effusio, & mors. Homo vulneratur in hypochondrio dextro, paulo supra umbilici regionem, gladio acuto; conqueritur de vehementi abdominis dolore; multum sanguinis per alvum deiecit: supervenere & ventriculi subversiones, singultus, frequens animi deliquium, hora quarta mortuus est. Aperto abdomine, absterisique, quibus refertum erat, excrementis, & sanguine, intestinum Colon torum undequaque per transversum discissum, & sphacellatum repertum est (u).

Multum autem videtur augeri periculum a laesis majoribus vasis ventriculi, & intestinorum ideo, quia continuo motu peristaltico haec viscera moventur; hinc haec vulnera nunquam fere quiescant. Forte etiam similia mala oriuntur a nervis laesis, per ventriculum, & intestina dispersis: quae & post mesenterii vulnere sequuntur, uti modo dictum est.

Interim tamen apud Observatores vulnerum ventriculi, & intestinorum sanatorum occurrunt frequentissima exempla. Unde non omnia talia vulnera pro lethaliibus habenda sunt.

UTERI IN GRAVIDIS. Uterus, postquam mulier concepit, & ovum impraegnatum

(r) N. 509. (s) Forcius Tom. I. pag. 200. (t) Boneti Sepulchretum Tom. III. pag. 162. (u) Bonet. Sepulchret. Tom. III. pag. 162.

gnatum incipit sua mole aucta uteri cavum implere, extenditur quaque-
versum, & pari proportionem omnia ejus vasa omni mensura ampliatur,
ac majorem copiam humorum recipiunt. Hinc uterus gravidæ mulieris
habet fere eandem crassitiem, quam habebat uterus contraetus in non
gravidâ; & tamen in tam amplam molem distenditur, dilatatis nempe
vasis, & repletis simul. Unde dixit Hippocrates, {x} *nbi in utero mulier
gerit, paulatim a toto corpore sanguis in uterum deferitur, & in orbem id,
quod in utero est, circumfistens, ipsum augeat.* Et inde rationem deducit,
quare gravidarum depravetur color: quod nempe purus sanguis quotidie
ex corpore destillet, & ad foetum feratur &c. uti habetur in eodem li-
bro de morbis mulierum {y}, quem locum antea alia occasione allegavi.
(§. 69. N. 2.) Apparet hinc, quam periculosa sint vulnera uteri imprae-
gnati, cum tanta copia sanguinis distendantur vasa. Periculum augeat,
quod foetus uterum distendens impediatur, quo minus uterus se contrahere,
& sua vasa angustare possit: si vero post inflictum utero vulnus excluderetur
subito foetus, aliqua spes esset contracto utero, hæmorrhagiam sisti, &
vulnus consolidari posse. Talia enim habentur exempla mirabilia, quod
dissecto utero ipso, & per latum vulnus educto foetu, supervixerint
mulieres. Mulieri primiparæ læsa vagina post partum difficilem concre-
verat sic, ut apertura ejus pili magnitudinem vix retinuerit; imprae-
gnata postea iterum fuit, cumque partus doloribus abortis nulla spes esset,
illam parere posse, foetusque jam mortuus esset in utero, feliciter,
dissecto abdomine, & utero ipso, eductus fuit, nullo symptomate, vel
animi deliquio superveniente {z}, & superstitie matre. Aliud habetur
exemplum partus talis Cæsareæ dicti, publico testimonio confirmatum.
Foemina primipara quadragesimo octavo ætatis anno, omnibus tentatis
auxiliis, ob loci angustiam non poterat parere: septima die periclitissima,
nec minus intrepida obstetrix dissecto utero foetum eduxit, nullo malo
secuto, & muliere postea integra sanitate fruente (a).

VESICAE CIRCA ARTERIAS EJUS MAJORES. Quamvis Hippocrates
vesicæ vulnera ut lethalia damnaverit, nec posse coalescere dixerit, (b)
constat tamen certissimis hodie, & frequentissimis observatis, vesicam vul-
neratam in calculi sectione sanari. Periculum tamen est, ne magna fatis
per vesicam decurrentia vasa discissa validam faciant Hæmorrhagiam;
ex magnis enim truncis arteriarum Iliacarum sacis vicinis orta valido im-
petu sanguinem fundunt. Valorum horum origo, & decursus in Eustachii
Tab. XII. fig. 2. habentur. Imprimis augeatur hoc discrimen, quia in cal-
culosis vesica sæpe longe crassior facta, dilatata plus vasa habet: his au-
tem vasis discissis, quamdiu calculus adhuc in vesicæ cavo haeret, non
poterit vesica se penitus contrahere; hinc patulo vulnere sanguinem fun-
dere

{x} De mulier. morbis lib. I. cap. 23. Charter. Tom. VII. pag. 744. {y} Char-
ter. Tom. VII. pag. 748. {z} Aët. Lipsiens. an. 1693. pag. 230. (a) Aca-
dem. des Sciences. Pan. 1731. Hist. pag. 41. {b} De morbis Lib. I. cap. 2.
Charter. Tom. VII. pag. 732. & ibid. cap. 4. pag. 736. uti & in Concis Praeoro-
nibus N. 503. 504. 509.

dere pergunt. Calculo vero educto, contracta vesica, & lotio per vulnus factum libere effluente, claudî possunt iterum vasa dissecta.

AORTAE. Sanguis ex pulmone redux in cor sinistrum pellicitur omnis in maximum vas arteriosum totius corporis, quod aorta vocatur; quae in arcum curvata deorsum tendit, spinæ accumbens, sinistrorsum parum declinans, usque ad os sacrum; ibi in binos ramos aequales dividitur, quae vocantur arteriae Iliacae; toto autem hoc itinere a corde ad locum illum usque, ubi bifurcatur, aortae nomen retinet. Facile jam patet, si vulnere laedatur aorta ipsa, nullam superesse medelam, cum directo impetu sanguinem omnem ex corde sinistro accipiat, nullusque detur accessus manibus Chirurgi: in intimis enim corporis tuto later, corporibus vertebrarum incumbens. Eo autem citius lethale erit tale vulnus, quo magis vicinum cordi fuerit.

CAROTIDUM. Arteriae carotides, ex ipsa curvatura aortae, ex corde sinistro egressae oriuntur (saltem sinistra carotis, dextra plerumque ex subclavia arteria ejusdem lateris oritur.) Binae hae arteriae ad latus utrumque asperae arteriae decurrunt usque ad laryngis altitudinem, ubi in binos dividuntur ramos singulae, quorum unus, externis imprimis capitis partibus propiciens, carotis externa vocatur: alter calvariam ingressus per encephalon distribuitur, carotis interna dictus. Toto decursu, ab origine ex aorta, vel subclavia, ad illum locum usque, ubi in binos dividuntur ramos, simpliciter carotides vocantur. In homine arteriae illae fere digiti minoris amplitudinem habent: hinc apparet, quanta haemorrhagia, illis vulneratis, fieri debeat, dum tam propinquae cordi impetu maximo pullum sanguinem accipiunt. Verum quidem est, Carotides fere toto hoc decursu satis propinquas esse tegumentis corporis externis, sic ut digito illarum pulsus in collo percipi possit facillime. Praeterea impune videtur ligari posse carotis arteria, cum per alteram, & vertebrales arterias sanguinis idonea copia ad caput deduci possit. In cane, cui ante ostium abscideram nervos recurrentes, ligavi utramque carotidem, nec potui observare illum aliquid mali inde pati: inveni enim hoc animal post alios octo dies elapsos vegetum, & alacre: ligavi tunc venas jugulares sine ullo observabili malo. Post quatuor dies inveni canem sanum omnino. Examinans tunc ligaturas carotidibus injectas, inveni illas firmissime haerere, & thrombum valde densum, & compactum haerere inter ligaturam, & cor. Aperto cranio in cerebro nihil mutatum apparebat, imo cerebri volumen potius auditum, quam minutum apparebat.

Si vero ponderentur illae difficultates, quae occurrunt, ubi in homine carotis arteria dissecata est, patebit tale vulnus merito lethale dicendum: esse: ingens enim haemorrhagia paucis certe minutis horae hominem medio tollere poterit. Ut ergo salvari posset talis vulneratus, requireretur, ut pericissimus adesset ipso momento vulneris inflicti Chirurgus, qui digitis ad resistentem asperam arteriam comprimeret utrumque carotidis dissecissae extremum, simul artubus ligaturae injiciendae forent, ut compressis venis minor sanguinis copia rediret ad cor, sicque impetus effluentis sanguinis minueretur. His factis deberet utrumque extremum carotidis dissecissae

disciffae investigari, & inventum deinde ligari. Non sufficit enim ligasse arteriae illam partem, quae cordi propior est; pergeret enim sanguis effluere per alterum arteriae disciffae extremum, quia carotides sub basi cerebri cum se invicem, & cum vertebralibus arteriis, magnis satis ramis emissis, junguntur. Ex his omnibus patet, unicum Chirurgum, dexterimum quamvis, non sufficere, sed ad minimum requiri, ut bini adsint tales. Praeterea vix videntur arteriae disciffae extrema posse inveniri, nisi integumentis divisus amplius redderetur vulnus; unde postea saepe in Chirurgos, optime quamvis de vulnerato meritos, mors imputaretur post vulnus secuta. Si vero vulneratus tantum sanguinis amisisset, ut in animi deliquium lapsio cessaret fere haemorrhagia, posset forte hoc tentari.

VERTEBRALIUM. Arteriae vertebrales, ex arteriis subclaviis ortae, utrimque per foramina processuum transversorum vertebrae colli pergunt versus cranium. In hoc transitu ramulos per vertebrae commissuras ad spinalem medullam, ejusque involucra, transmittunt; uti etiam ad musculorum vicinos. Disciffae ergo illae arteriae non possunt facile retrahi, & sic orificia sua claudere: & cum sub basi cranii ramis emissis cum arteriis carotidibus internis communicent; hinc sanguis, per carotides allatus, per has arterias vulneratas effluere poterit, unde patet ingens periculum. Nulla autem hic datur opportunitas ligandi arterias has vulneratas, cum ossibus illis foraminibus lateant disciffae arteriae extrema: unica spes esset, si per haemorrhagiam debilissimo reddito aegro, & vita tali minima sustentata parco, & blando victu, nullisque datis cardiacis, consolidari posset arteriae disciffae extremum. Hoc autem non penitus impossibile esse, docent ipsa cordis vulnera sanata aliquando, & memorabile illud exemplum antea enarratum, (§. 161.) ubi axillari arteria disciffa homo tamen evaserat.

Facile jam patet idem periculum imminere ab aliis magnis arteriis vulneratis, emulgentibus v. g. Iliacis &c.

Venarum autem maximarum vulnera pariter lethalia esse ob eandem causam patet: cum autem plurimae venae magis versus corporis superficiem ponantur, faciliusque comprimi possint; neque tanta sit velocitas sanguinis in venis, quam in arteriis; ideo, caeteris paribus, venarum vulnera minus periculosa sunt vulneribus arteriarum.

4. Quae Respirationem integre tollunt: ut abscessio laryngis cum subductione fistulae scissae, vulnera magna bronchiorum, vulnera lata utramque cavitatem thoracis, cum admissu aeris, perforantia, vulnera diaphragma ab utraque parte mediaستي thoracis penetrantia, vel ejus nervosa dissecantia.

In homine nato, ut sanguis ex corde dextro in sinistrum transire possit, requiritur, ut pulmo per aerem inspiratum dilatatus, viam faciat sanguini, ex corde dextro pulso per arteriam pulmonalem in venas pulmonales, & deinde in cor sinistrum. Necessaria ergo ad vitam est respiratio, quae si per pauca

pauca tantum momenta tollatur, vita perit. Ad respirationem autem requiritur, ut aer libere pulmonem ingredi possit, illumque expandere: omnia ergo vulnera, quae aeris ingressum in pulmonem impediunt, vel pulmonis dilatationem per aerem ingressum, lethalia sunt. Talia autem sunt sequentia.

ABSCISSIO LARYNGIS CUM SUBDUCTIONE FISTULAE SCISSAE. Aspera arteria, cartilagineis illis segmentis constans, semper aperta, nunquam colahi, nec facile comprimi potens, liberum aditum aeri in pulmonem servat: dum ergo vulnus aeream hanc fistulam sic difsecat, ut discissum extremum inferius se subducens sub partibus vicinis occultetur, & aerem admittere nequeat, actum est de vita. Si vero vulnere quantumvis magno laedatur, patula tamen via maneat aeri in pulmonem, minime lethale erit tale vulnus; ut docent fidelissima observata. Frequentissimi enim Medicis, & Chirurgis occurrunt tales casus, in quibus homines, vitae periculi violentas sibi ipsis intulerunt manus; vel & a latronibus confossi discissam habuerant arteriam asperam, & tamen sanati fuerunt postea. Pauca tantum adducuntur observata, quae hanc rem probant. Juvenis Melancholicus inopinata nuptiarum, quas speraverat, repulsa, sibi ipsi discidit asperae arteriae cartilagineas, illaesis venis jugularibus, & carotidibus utrimque adjacentibus, mox voce privatus jacebat. Chirurgus diducta vulneris labia confuit; miser vulneratus vitae periculis futuram dilacerat; Emplastro, fabrilis glutine illito, utrimque labiis vulneris appposito, filique transmissis adducto, uniebantur iterum vulneris labia, & mensis spatii sanatum fuit vulnus. Nihil postea remansit vitii, praeterquam quod in contentu Musico cogeretur paulo submissius canere, quam solebat ante plagam infligendam (c). Similis casus legitur & apud Bartholinum (d) de puella, quae sibi ipsi fauces praesciderat, & vulneris futuram pariter laeraverat; postea tamen curata.

Tria similia Exempla habet Paraeus (e), ubi homini aspera arteria discissa fuerat una cum vena jugulari: infligto vulnere statim vocem perdidit: unitis futura vulneris labiis, iterum loqui potuit; & licet mortem brevi secuturam credidisset Paraeus, praeter spem convalescit. Binis aliis una cum aspera arteria, & oesophagus discissus fuerat, unde mortui fuerunt, postquam per quatuor tamen dies post vulnus infligendum supervixerant, & confutis labiis vulneris loquela perditam redierat, sic ut unus percussorem indicaverit, alter se sibi ipsi haec vulnera influxisse confessus fuerit, atque ita famulum criminis suspicione liberaverit.

Memini me ante multos annos vidisse militem, qui ostiariam stipem petens, ostendebat patulum ingens foramen asperae arteriae, quod spongia solebat tegere, tuncque commode loqui poterat, detecto autem foramine, vox peribat. In confictu bellico huic homini per globum plumbeum pars insignis asperae arteriae ablata fuit; unde non potuerunt adduci ad se invicem vulneris labia, sed relicta fuit talis apertura; plurimis tamen annis postea supervixit.

Vulnera

(c) Tulp. Observ. Medic. lib. I. cap. 50. (d) Tom. Barthol. Histor. Med. Cent. V. Hist. 89. (e) lib. X. cap. 11.

VULNERA MAGNA BRONCHIORUM. Aspera arteria, postquam per collum anteriora in thoracem descendit, circa illum locum, ubi aorta ex corde egressa incurvatur, in binos dividitur ramos, qui singuli ad pulmonem sui lateris tendunt: hi rami tunc, deposito asperae arteriae nomine, bronchia vocantur; horumque ramorum subdivisiones in pulmonibus factae deinde illud nomen retinent. Cum ergo asperae arteriae, & bronchiorum munus sit aerem inspiratum per pulmonis cava aerea distribueri, aer, per magna horum vulnera elapsus, in cavo thoracis accumulabitur; calore loci expansus pulmonem comprimet; sicque omnem ejus actionem impediet: unde suffocatio, & mors: imprimis, si utriusque pulmonis bronchia sic laedantur: tunc enim respiratio integre tollitur. Unde Hippocrates (f) dixit: *moritur, si in arteriam (asperam hoc nomine semper intelligens) & pulmonem magnae admodum plagae infusitae sunt, sic ut percussio pulmone minor sit, qui per os prodit, spiritus, quam qui per vulnus excidit.* Periculum autem talium vulnerum augetur, quod vix videantur magnis vulneribus bronchia laedi posse, quin vasa sanguinea, horum bronchiorum divisiones suis ramificationibus comitantia, simul discindantur.

**VULNERA LATA, UTRAMQUE CAVITATEM THORACIS, CUM ADMIS-
SU AERIS, PERFORANTIA.** Pulmones, quamdiu in thorace undique exacte clauso continentur, semper sunt plus distenti, quam si aeri libero undique exponerentur, tunc enim collabuntur, & in spatium minus contrahuntur, imprimis actione contractili fibrarum muscularium, quae segmenta bronchiorum inter se connectunt. Naturaliter enim in homine inter pulmonem, & pleuram nullus adest aer, sed per glottidem aeri in pulmonem semper relinquitur liber aditus. Unde pulmo plus distenditur per aerem ingressum per glottidis rimam, quam comprimitur per aerem externum, costas, & diaphragma prementem, quia costarum arcuata figura, & diaphragmatis nexus cum costis, & vertebis impediunt, quo minus aer externus diaphragma premat in pectoris cavitatem eo ulque, ut fiat aequilibrium inter vim aeris externi, & ejusdem pulmone contenti. Haec est ratio, quare pulmo pleurae semper contiguus maneat, etiam post mortem, quamdiu thoracis clausi manet integritas; uti patet evidenter, si illaesa pleura muscoli intercostales caute separantur; tunc enim pulmo omnino contiguus apparet pleurae, prae tenuitate sere pellucidae. Dum vero pleura perforatur, aere illapso in pectoris cavum, pulmo collapsus statim contrahitur in minus spatium, & a pleurae contiguitate recedit; diaphragma, antea cavum a parte abdominis, tensissimum, & in cava pectoris trusum statim flaccidum fit, & deorsum collabitur. Ex quibus patet evidenter, naturaliter in homine pulmones pleurae undique contiguos esse, nec aerem haecre inter convexam pulmonis superficiem, & pleurae cavum. Ideo, dum per musculos, huic scopo intervinientes, elevatis costis, & diductis a se mutuo, diaphragmate contracto, & plano facto ampliatur thoracis cavitas, esset inter pleuram, & pulmonis superficiem spatium aere vacuum; sed aer per glottidem libere ingrediens pul-

mones,

(f) Coac. Praenot. N. 309.

mones sic distendit, dum pectus dilatatur, ut maneant semper pleurae contigui; sicque perficitur inspiratio. Dum vero perfoſſo thoracis cavo, liber datur accessus aeri in cavum, aeris per glottidem ingressi pressio acquiratur: hinc non distendetur pulmo, sed propria contractilitate abibit in minus spatium. Si hoc jam fiat in utroque pectoris cavo simul, non poterit pulmo uterque collapsus dilatari per aerem inspiratum: & hinc cor dextrum non poterit per collapsum pulmonem pellere suum sanguinem, sicque brevi suffocabitur cordis motus, & peribit vita inde pendens.

Galenus jam in vivis animalibus tentaverat haec experimenta, & conclusit (g), quod ideo semivocale, & semirespirans ilico fiat animal a magnis vulneribus alterutram thoracis partem penetrantibus; voce autem, & respiratione penitus destitui, si ambae cavitates perfoſſae fuerint. Et inde deduxit mediamini, thoracem in bina cava separantis, usum, ut vulnere penetrante, unus lateris cavum, in altero maneat respirationis integritas. Postea & Vesalius in vivis animalibus sectiones administrans nudata pleura demonstrabat, pulmonem illi semper contiguum manere; pertusa autem pleura, illius lateris pulmonem concidere, thorace interim aequae ac prius moto; postea illud latus pulmonis quam maxime aperiens, pluribus costis reſectis, per membranas thoracem intersepientes poterat videri, quomodo alter pulmo in thoracis cavo adhuc integro pectoris motum sequeretur, illis vero membranis pertusis, & ille pulmo concidebat ilico (h).

Ex his experimentis videretur concludi posse, vulnera thoracis cavum utrumque penetrantia sic, ut aeri ingressus detur, esse certo, & subito lethalia. Quouique autem hoc verum sit, patebit ex sequentibus experimentis.

Ante duodecim, si recte memini, annos debebat in hac Academia WILLIAM Houstoun, eruditione singulari, & imprimis Anatomiae, & Botanices scientia insignis, cujus amore caediosissima suscepit itinera, naufragia, captivitates, & alia plurima mala passus, & magno scientiarum damno in patriam redux in flore aetatis leto morbo periit, longiori vita dignissimus. Magno meo bono hujus Viri familiaritate usus fui, & plurima me ab illo didicisse gratus recordor. Ille quadam die me conveniens rogavit, an crederem, vulnera utrumque cavum pectoris perforantia lethalia esse? Annui, & argumentis modo enarratis asserti veritatem probare conatus fui. Audivit placide ratiunculas, & dein eduxit videns de sinu caniculam, cui ante triduum utrumque pectoris latus perforaverat: alacriter currebat animal, ac si nihil mali passum fuisset. Examinans omni cura insicta vulnera, vidi in cava thoracis penetrare, nec pulmonem accretum esse illis locis, quod suspicabar primo candela cerea, applicata utrique vulnere, aere per vulnera attracto, & expulso exstinguebatur. Obstupui insolitum spectaculum, & postea in canibus similia experimenta plurima tentavi; quomodo autem successerint, referam.

Cani

(g) De usu parium lib. VI. cap. 3. Charter. Tom. IV. pag. 419. (h) Vesal. de corporis humani fabrica lib. VII. cap. ult. pag. 371.

Canis perforavi anteriorem partem pectoris sinistri: statim atq. cum fibilo intravit, tubo immisso removi undique pulmonem a pleura. Postea & dextro lateri thoracis vulnus infixi; digito immisso itidem pulmonem undique a pleura removi: remoto digito pars magna pulmonis cum impetu per vulnus erupit; pergebat respirare, & ejulare canis; vi iterum intrufi pulmonem in pectus, exhibat denuo. Haemorrhagia aderat satis valida; & post quadrantem horae moriebatur animal.

Repetens in alio cane hoc experimentum, per vulnera facta aerem per siphonem inflavi valide; longe diutius vixit: sed non aderat tanta haemorrhagia. Dum quiescebat animal, pulmo in thoracis cavo manebat. Dum autem prae dolore magnos motus faceret, per vulnera facta pars pulmonis erupit.

Alteri cani pariter utrumque thoracem perforavi: tubo aerem inflavi in cava pectoris, dein asperam arteriam resecai; postea totum abdomen cruciatim discidi, tunc diaphragmate pertulo in latere sinistro, vulnere in cavum pectoris sinistrum penetrante, solutis vinculis vixit animal per bihorium, & pendulis de abdomine intestinis cucurrit per cubiculum.

Longe magis mirabar, alium canem, perforato utrimque pectore, abdomine aperto dein, & pertulo utrumque diaphragmate, per quinque horas vixisse.

Haec experimenta frequenter iteravi, fere semper simili cum successu: sed dum maximis vulneribus pectus perforarem, quae paralelo ad costas ductu dimidii digiti longitudinem aequarent saepe, vel & superarent, vidi animalia satis cito mori: sed tunc ingens semper aderat haemorrhagia.

Dum una cum eruditissimis amicis, qui haec experimenta mecum tentabant, conabar invenire rationem, quare perforato utrimque pectore in animali pergeret vita, & respiratio; incidit haec opinio: quod si vulnera inflicta minorem haberent aperturam, quam erat glottidis rima, tunc aer facilius irruens per glottidis aperturam, quam per vulnus, distenderet pulmonem. Praeterea animal summo nixu videbatur expandere pulmonem, ut per vulnus saepe exprimeretur: sicque aeris ingressum liberum per vulnus impediebat: simul vidi evidenter, quod adductis ad se invicem costis animal minueret vulneris aperturam quammaxime. Ut certi essemus de his, infliximus sequens Experimentum.

Canis in utroque pectoris latere, loco medio inter binas costas infiximus satis magnum vulnus; vulneribus immisimus tubulos ex bractea ferri, quorum aperturae longe majores erant, quam apertura glottidis in hoc animali: hac methodo vulnera manebant patula, cessabat illico respiratio, & peribat vox, atque animal videbatur mortuum. Clausis dein per digitos impositos tubulorum orificiis, & perfricato valide abdomine, incipiebat iterum ciuissime respirare, remotis digitis emissa parte aeris in cavo thoracis contenti, mox iterum tubulos claudēbamus, sic augebatur respiratio, redibat vox amissa: apertis iterum tubulorum orificiis desinebat respiratio, nullam vocem emittebat animal, & moriebatur. Hoc experimentum aliquoties iteravimus, semper eodem cum eventu: & vidimus, quod nisi

signiter

firmiter retineremus in vulnere tubulos, posset animal fummis nixibus moto thorace excutere tubulos de vulnere, & costas sic adducere, ut pergeret respirare.

Unde videtur concludi posse, vulnera, utrumque thoracis cavum penetrantia, & aerem admittentia, tunc tantum esse cito, & certo lethalia, si vulnerum officina glottidis aperturam amplitudine sua superent.

An non hujus rei vestigium habetur in illo loco Coacarum Praenotio- num in eodem hoc numero modo allegato, ubi dicitur, quod moriatur homo, si percusso pulmone minor sit, qui per os prodit spiritus, quam qui per vulnus exiit?

Non memini, me legisse apud Observatores exempla hominum sic vulneratorum, ut mors secuta potuerit adscribi soli aeris ingressui in utrumque thoracis cavum: semper enim fere simul laeduntur viscera thoracis cavo contenta. Sed apud Schenckium (i) habetur, quod homo delapsus ex alta arbore in palum acutum incidit, qui lumborum musculos perforans, sursum in pectoris cavum usque penetravit. Curatus ab hoc vulnere foramen fistulosum in dorsi regione habuit in thoracis cavum penetrans, per quod lumen admotum statu erumpente in thoracis constrictione agitabatur, & nonnumquam exstinguebatur: sic diu supervixit sine ulla noxa.

VULNERA DIAPHRAGMA AB UTRAQUE PARTE MEDIASTINI THORACIS PENETRANTIA. Pleura dicta membrana thoracis utrumque cavum investit, sic tamen, ut singulo cavo thoracis sua propria membrana sit. Possunt ergo concipi, ac si binæ pleurae forent tales vesicae cavae sibi mutuo adjacentes, & in loco contactus accretae sibi mutuo. Harum Membranarum duplicatura mediastinum vocatur, quod thoracis cavum dividit bisariam; sic tamen, ut in parte anteriori mediastinum declinet sinistrorsum, unde dextra cavitas pectoris major est sinistra (κ). Cum ergo mediastinum non sit simplex membrana, sed ex binis pleurae saccis sibi accumbentibus nata, satis exacte dixit Galenus (l) describens membranam luccingentem thoracis, ex illa nasci thoracem interfepientes membranas. (ὅθεν διασπέρτονται τὰ θώρακα) Si jam vulnus ab utroque mediastini latere diaphragma laecerit, poterit aer per has vias ingredi thoracem, & sic impedire pulmonis expansionem; eodem modo ac statim dictum fuit de vulncribus thoracem utrumque penetrantibus.

Sed si consideretur, magnum hepar diaphragmati accumbere, uti lienem &c. satis pater, non facile posse laedi diaphragma in binis distinctis locis, quin & illa laedantur viscera; unde mors, secuta tale vulnus, non posset adscribi soli aeris admissioni in cava pectoris: praetera enim diaphragmatis, & muscutorum abdominalium actione pressa viscera obturabunt aeri liberam viam per haec vulnera factam: sed uti ex experimentis modo citatis patuit, deberent haec vulnera satis ampla esse. Unde videtur rarissime, si unquam, talis casus contingere posse.

VELEJUS NERVOSA DISSECCANTIA. Medium diaphragmatis locum dixerunt ejus

(i) Lib. II. de Vulnere thoracis Observ. 3. pag. 297. (κ) Acad. des Sciences P. An 1715. Memoires pag. 311. &c. (l) De Anatomi. admin. lib. VII. cap. 2. Charter. Tom. IV. pag. 148.

ejus centrum tendineum: Est satis lata plaga tendinea, sive aponeurosis, ad quam omnes fibrae carnae diaphragmatis concurrunt. Vocabatur & pars nervosa diaphragmatis, quia veteres tendinibus etiam nervi nomen impoluerant. Putabatur jam actione fibrarum carnearum diaphragmatis tendineum illud centrum undique deorsum trahi; hinc si vulnus huic parti inflictum foret, singulis vicibus, quibus agit diaphragma, distraheretur fibrae semilacerae, auferetur vulnus, dolor fieret intolerabilis, & inde convulsio, & mors. Sed demonstravit Clarissimus SENAC, (m) partem illam mediam tendineam diaphragmatis non descendere in inspiratione, cui cor pericardio suo inclusum incumbit; cujusque adeo turbaretur situs, & motus, quia pericardium lata superficie huic tendineae diaphragmatis parti accrescit. Probatur & hoc ibidem ex diaphragmatis structura, & nexu.

Sed aliud sequitur post diaphragmatis vulnera, nec minus funestum malum; unde non adeo subita quidem, certa tamen post diras calamitates mors sequitur. Dum nempe partes corporis, abdominis cavo contentae, diaphragmatis, & musculorum abdominalium actione pressae vulnus diaphragmatis ingrediuntur, illud dilatant, in pectoris cava transeunt, sicque pulmonem comprimendo, & cordis ipsius actionem turbando, post fumae miseriae mortem inferunt citius vel serius. Sic Paraeus (n) se vidisse testatur in homine, qui vulnus acceperat in media tendinosa parte diaphragmatis, ventriculorum per hoc vulnus, pollicis magnitudinem non superans, thoracis cavum ingressum fuisse. In alio per octo menses supervivente, post acerrimos dolores colicos mortuo, inventum fuit intestinum colon pro magna parte in thorace haerere; licet vulnus diaphragmatis minimi digiti apicem tantum capere posset. Simile exemplum etiam habetur apud Sennertum (o) de studio, qui proprio se confoderat ense, post binos menses tamen inde curatus; sed septem mensibus elapsis post crebros vomitus expiravit. In cadavere apparuit, vulnus per pulmonem, & diaphragma penetrasse. Ventriculus totus ascenderat in sinistram thoracis cavum, & cor cum pericardio depulerat in latus dextrum; ubi vivus adhuc, post vulnus sanatum, manu imposita cordis pulsus jufferat observari.

Hinc apparet, quam periculosa sint diaphragmatis vulnera. Hollerius tamen testatur, se observasse in suspensi cadavere, cujus dissectioni in scholis Medicis Parisiensibus praesuerat, vulnus obdustum cicatrice in parte carnosa diaphragmatis. (p)

5. Quae motum Chyli in cor tollunt; abscisso oesophagi, magna vulnera ventriculi, intestini tenuioris, superioris integra dissectione, vulnus ductus thoracici, vel alvei chylosi.

Recententur hoc numero vulnera illarum partium, quarum integritas requiritur, ut alimenta ingerantur, digerantur, & chylus ex

S

his

(m) Acad. des Sciences Paris 1724. Memoir. pag. 251 &c. (n) Liv. X. chap. 32.

(o) Lib. II. part. 2. cap. 13. pag. 372. (p) Holler. Comment. in Aphor. 28. Sect. 6. pag. 344.

his praeparatus deferatur in sanguinem; ut inde restituantur illa, quae vitae, & sanitatis actionibus perduntur quotidie.

ABSCISSIO OESOPHAGI. Integra nempe abscissio oesophagi omnem transitum ingefforum ad ventriculum tollit. Vulnera enim oesophagi, non integre disciffi, fanata fuiffe testantur Auctores. Sic apud Schenckium habetur, [q] *quod homo quidam canceribus detentus sibi ipsi guttur, qua parte tracheam arteriam spectat, ferro vulneravit, & digito vulnus tamapere ampliavit, ut per ipsum alimenta, & medicamenta ad os usque transmittenterentur. Sanatus tamen fuit paucis diebus.* Aliud Exemplum habetur apud Bohnium [r] de juvene, cui a latronibus maximo vulnere faucibus inflicto, dum elato capite lac biberet, illud per vulnus effluebat; dum vero supinus biberet, illud in ventriculum descendebat. Unde patebat oesophagum non omnino resciffum fuiffe. Ex hoc vulnere tamen convaluit. Integre autem disciffi oesophago una cum aspera arteria, retractum versus ventriculum disciffi oesophagi extremum non potuit unire Paraeus alteri extremo, licet tanta valeret in arte pericia. Per futuram quidem univit asperae arteriae vulnus, sique loquelam amissam misero restituit, ut porerit indicare percussorem; quarta tamen die post vulnus inflicto periiit. Aliud simile Exemplum habetur ibidem. (s) Cum autem oesophagus aspera arteria tegatur, corporibus vertebrarum incumbat, & a latere maxima vasa adjacentia habeat, raro solus vulneratur. Hinc forte credi posset, adjacentium partium vulnera pariter mortis causam fuiffe. Mirabilis habetur, & forte unica haftenus in arte descripta observatio, quam publicavit Celeberrimus Boerhaavius. Illustrissimo nempe Heroi, Nobilissimo Baroni de VVassenaer, Reipublicae nostrae Architalasso, post maximos vomendi conatus, abruptus fuit oesophagi tubus prope diaphragma; unde, post enormes cruciatus, ingestis, una cum aere deglutito, in cavum pectoris delapsis, intra 24. horas mors accidit. [t] Conclufit optimo jure tunc Magnus Auctor, similem casum, si recurreret, indicio hujus historiae detegi quidem posse, nullis tamen unquam remediis sanabilem fore.

MAGNA VULNERA VENTRICULI. Omnes cibos, & potus deglutitos suo cavo recipit ventriculus: cujus fabrica, affusis humoribus, & mora ibi haec sic mutantur, ut deinde per intestinalem tubum delata praebent materiam, quae tenuissimis fistulis venosis resorpta, sanguini mista, & ulterius elaborata, restituere possit illa, quae sanitatis actionibus de corpore perierant. Si ergo magnum vulnus inflicto fuerit ventriculo, contenta per vulnus dilabentur extra corpus, vel in cavum abdominis; sique omnis nutritio deficiet necessario. Accedit, quod & ventriculi vulnera, quantum ipsam ventriculi substantiam, tot arteriis, venis, nervis undique repletam, laedant, sint admodum periculosa. Dum autem pereunt ex vulneribus ventriculi non multo temporis intervallo post inflicto vulnus, non potest inde deduci mors secuta, quod nutritionis defectu perierit aeger,

(q) Obser. Medic. lib. III. Obser. 6. pag. 116. (r) De renunciatione vulnenum pag. 208. (s) Les oeuvres d'Ambroise Paré. livre X. chap. 31. pag. 249. [t] Atrocis nec descripti prius morbi Historia &c. scripta ab Hermanno Boerhaave.

aeger; sed ipsam substantiae ventriculi laesionem tunc mortis causam fuisse, satis patet. Bina talia ventriculi vulnerati exempla habet Bohnius (u) sic ut mors intra biduum secuta fuerit. Ubi autem vulnera ventriculi mortem inducunt, quia ingesta alimenta continere nequit ventriculus perfossus, tunc lentior mors sequitur, sensim defectu nutritionis tabefacto corpore. Imo aliquando constitit per observationes Medicas, vulnera talia, in fistulosum ulcus degenerantia, plurimis annis aperta mansisse, superstiti aegro: sic ut potuerit pro lubitu per hanc aperturam cibos potulque emittere; vel clauso per externum apparatus vulnere eadem retinere: qualia bina exempla habentur apud Schenkium. (x) Imo plurima talia vulnerum ventriculi sanatorum integre exempla apud Auctores occurrunt. Habetur mirabilis admodum historia in Actis Anglicanis. (y) Maurus juvenis maturos Musae fructus decerpit, & avidè comedit: vitricus ejus ira furens, ut hoc ulcisceretur, cultro magnum vulnus abdomini juvenis infligit, & lata plaga ventriculum sic discindit, ut comesti fructus cum impetu per vulnus erumperent. Peracto hoc facinore, dum amici vulnerati insequerentur, senex sibi ipsi ventriculum simili fere vulnere lacerat. Post quatuor horas Chirurgus veniens utrique vulnerato, & ventriculum; & integumenta abdominis discissa consuit, parvo foramine relicto, ut puri exituro pateret via. Febre corripuntur ambo vulnerati, quae per quatuordecim dies durabat, & mensis circiter spatio juvenis convaluit; senex, sexagesimum aetatis annum agens, magis periclitabatur, & tardius curatus fuit. Uterque tamen, post quindecim a curato vulnere annos, integrè sanitatè fruebatur.

Videntur haec observata docere, quod non omnia ventriculi vulnera, magna quamvis, absolute semper lethalia sint. Si nempe aditus detur manibus Chirurghi, ut futura possint uniri. Parva autem ventriculi vulnera satis magnam spem curae faciunt, modo cibis, vel potu non distendatur ventriculus; tunc enim contracto manente ventriculo consolidari possunt.

INTESTINI TENUIORIS, SUPERIORIS, INTEGRA DISSECTIO. Videntur talia vulnera absolute lethalia esse. Intestini enim discissi extremum chylum in cavum abdominis effundet; qui ibi corruptus contenta omnia cavo abdominis viscera tabefaciet; unde certa mors. Si vero vel casu, vel arte, discissi intestini extremum externo integumentorum margini accreverit, patebit via, qua motu peristaltico ventriculi, & intestinorum contenta omnia intestini cavo exhibunt de corpore. Chylus enim ex ventriculo in intestina egressus per tantam longitudinem tubi intestinalis ejusque gyros, & anfractus impeditur, quo minus elabatur de corpore, antequam per vasa lactea, & venarum meseraicarum oscula inde resorbtum fuit omne illud; quod corporis nutrimento inservire posset. Si ergo intestinum tenue integre discissum fuerit, in loco superiori, id est, ubi pyloro satis vicinum est, deservabitur necessario nutrimento corpus, & lento peribit maras-

S 2

mo,

(u) De renunciatione vulnerum pag. 252. (x) Observat. Medic. rarior pag. 348.
(y) N. 420. pag. 184. & Abridg. Tom. VII. pag. 506.

mo, si per vulnus integumentorum contenta exeant; si vero in cavum abdominis delapsa accumulentur, ibi corrupta mortem accelerabunt.

Intestinatorum autem crassorum vulnera, uti & tenuiorum in loco remotiori a ventriculo, uti & illa, quae non integre discindunt tubum intestinale, periculosa semper sunt, non tamen absolute lethalia. Maniacus cultro octodecim vulnera proprio abdomini infixerat, quorum octo in abdominis cavum penetrabant: febris mox secuta, tensio abdominis, respiratio difficilis ac dolens, nausea, vomitus, diarrhoea &c. funestum praesagebant exitum: repetitis venae sectionibus, tenuissima diæta, rara deligatione vulnorum, praeter spem evasit tamen. Post septemdecim menses mania iterum correptus ex alto praecipitem se dedit, unde illico mortuus fuit. In cadavere inventae fuerunt cicatrices sanatorum vulnorum in hepatis lobo medio, intestino jejunum, & colo. [c]

Canis majori intestinum tenue secundum longitudinem divisum fuit; reposito intestino, non confuto, futura clausum fuit vulnus abdominale; sine ullo molesto symptomate animal sanatum fuit. (a)

Plurima similia apud observatores exempla occurrunt. Intestinis autem, crassis, & tenuibus integre discissis supervixisse homines, modo vulnere externo affueretur extremum intestini discissi, ut exitus pateret faecibus, pluribus exemplis constitit; de quibus dicitur in vulneribus abdominis. Requiritur tunc, ut a ventriculo ad locum discissum tanta superfit intestini longitudo, ut ex ingestis paratus chylus per venas lacteas, & meseraicas resorptus, nutritioni corporis sufficere possit.

VULNUS DUCTUS THORACICI, VEL ALVEI CHYLOSI. Omnis chylus, ex intestinis, per vasa lactea resorptus, & ingens copia lymphae per lymphaticas venas in unum hunc alveum confluit: illo ergo laeso, & contentum humorem dimittente, cessant omnes illi effectus, qui a chylo, sanguini misto, & vasorum & viscerum actionibus ulterius perficiendo, pendens, desinit nempe nutritio. Verum quidem est, venarum meseraicarum oscula undique hiare in intestinatorum cavo, & resorbere partem tenuissimam Chyli, rectaque via ad hepar deducere; album autem chylosum succum solae venae lacteae distae ex intestinis hauriunt, sed non videtur sustineri vita posse, si solae venae mesentericae ebiberent tenuissima tantum, chyli autem admissio in sanguinem impediretur. Pulcherrimis experimentis demonstravit Lovverus (b) nihil chyli per venas meseraicas resorberi. Canis thoraci, in dextro latere intra duas costas inferiores aperto, digitum immisit, & ungue velut in ferram refecto, commune chyli receptaculum tribus a pastu horis valde turgidum perfregit: confuto dein vulnere, animal, licet cibo saturaretur quotidie, intra paucos dies exspiravit. In cadavere ventriculus, & intestina repleta, vasa lactea chylo turgida apparebant; in ductu thoracico nihil chyli reperiebatur, sed in pectoris illa parte, cui vulnus inflictum fuerat, binæ chyli librae repertae sunt. In altero cane pectus sinistrum perfodit inter tertiam, & quartam costam superiorem: im-

missio

(a) Acad. des Scienc. l'an 1705. Memoir pag. 40. &c. (b) Philosoph. transact. abridg. Tom. V. pag. 272. (c) De corde &c. pag. 219. &c. ad 217.

missio per vulnus digito laceravit truncum factum ex bicus ductibus chy-
liferis in hoc animali adunatis: eventus fuit similis. Ut autem certus es-
set, dilaceratum fuisse ductum thoracicum, aperto post mortem animalis
abdome aquam siphone injecit in ductum chyli ferum; quam vidit totam
per vulnus factum dilabi in pectoris cavum. Dum autem animali, sic vul-
nerato, post diem unum aut alterum, paucis horis post largum cibum sum-
ptum, aperta vena sanguis mitteretur, nihil chylosi apparebat in sanguine;
ut aliiter in simili casu semper invenitur.

Ex his experimentis concluditur, chylum non ingredi venas meseraicas;
& ingressu chyli in sanguinem impedito, vitam diu sustineri non posse.

Rarius accidit, in homine per vulnera solum ductum thoracicum laedi:
mediis enim fere vertebrarum corporibus incumbit, medio inter venam si-
ne pari a dextris, & aortam descendentem a sinistris, loco, sic ut aorta
pro maxima parte ipsi incumbat: deinde affurgens pergit supra corpora
vertebrarum sub oesophago, sub arcu venae Azigos; inde supra corpora
vertebrarum sinistrorsum inclinatur, pergit sub carotide sinistra usque ad
medium ultimae cervicis vertebrae; ibique arcus forma incurvatus sini-
strorsum deorsum tendit, & terminatur in venam subclaviam sinistram.
Toto ergo hoc decursu tutissime reconditur, & maximis vasibus adjacet:
hinc vix laedi potest, quin & aliae vulnerentur partes, a quibus laesis
mors sequi poterit.

Habetur tamen apud Bonetum (c) Exemplum vulnerati, cui, ex symp-
tomatibus vulnus sequentibus, ductus thoracicus laesus fuisse videtur. No-
bili Baroni circa mediam dorsii vertebrae sclopeto vulnus infligitur, glo-
bo subter sinistram scapulam exeunte: initio non adeo male se habuit vul-
neratus, consueta tantum vulnere symptomata passus. Post quatuordecim
dies observatur in linteis copiosus albicans humor, per intervalla rediens
debilis inde manet, & macie conficitur, licet appetitus foret integerrimus.
Vixit sic per plures menses, & incepit per binas septimanas effluxus il-
lius humoris cessare. Genio indulgens, calidioribus imprimis usus, subita
commotus ira, Epileptici insultibus afficitur, postea hemiplegia lateris
sinistri correptus periit. In cadavere pulmones, illa parte, qua vulnus
infectum fuerat, insigni putredine correpti apparebant.

Magna suspicio adest, ductum thoracicum laesum fuisse; cum autem
vitam tam diu protraxerit, forte non penitus destructum. Praeterea du-
ctus thoracicus in suo decursu saepe bifurcatus insulas quasi format: forte
talis bifurcationis unus ramus laesus fuerat. Fateor meras tantum haec ef-
se conjecturas, cum & mortis genus, & pulmonis corruptio doceant, non
a sola laesione ductus chyli ferum mortuum fuisse vulneratum.

§. 171. **V**ulnera sua, quae natura lethalia, arte vero curabilia
[152.] sunt, praedicuntur.

1. Vulnera Enecephali terebra levanda.

Sequitur nunc altera classis vulnere, illorum nempe, quae mortem in-
ducunt,

S 3

(c) Sepulchret. l. Anat. Practic. lib. IV. pag. 360.

ducunt, & certam quidem, si sibi relinquuntur. In arte tamen cognita sunt auxilia, quibus adhibitis mors, horum vulnerum effectus, & leque-
la, praecaveri possit.

Primo loco inter illa numerantur vulnera Encephali. Generale hoc no-
men comprehendit omnia illa, quae calvariae cavo continentur. Notum
jam est ex Anatomicis, & Physiologicis, calvariae cavum naturaliter exa-
ctissime plenum esse: simulac ergo mutata figura cranii angustatur spa-
tium, vel fractis vasis effusi humores colliguntur sub integro cranio, ne-
cessario mollis encephali fabrica comprimitur, laeduntur omnes functiones,
quae inde pendent, tandem & destruuntur penitus.

Si jam cranium intropressum, vel effusi humores compresserint encephala-
lon sua copia; vel denique corrupti mora eroderint sua acrimonia teneri-
ssimam hanc pulpam, unde tota vita, & humanitas pendent, mors secu-
ta erit effectus talis vulneris. Sed si humores effusi haereant in tali loco
calvariae, ut per terebram apertura facta potuissent tolli, apparet facile,
potuisse servari vulneratum: & uti postea in Capitulo de vulneribus Ca-
pitis dicitur, plurima sunt talia observata, homines ab effusis humoribus
compressio cerebro jam apoplecticos factos fuisse, qui trepano applicato, &
eductis extravasatis liquidis fuerunt sanati.

Bina ergo requiruntur in tali vulnere, quod nempe causa mortis secun-
dae evidens fuerit inventa humor extravasatus comprimens encephalon, &
quod haeserit effusum liquidum in tali loco, unde potuisset tuto educi.

2. Vulnera arteriae, venaeve majoris in loco, ad quem manus Chirurgi pervenire potest.

Maxime necessarium est Chirurgo, ut cognoscat decursum arteriarum, &
venarum majorum, imprimis in artubus: in cavis enim corporis haerentes
magni trunci valorum, si vulnerati fuerint, ipsius manum non admittunt.
Et imprimis requiritur, ut cognita sint illa loca artuum, ubi magnae
arteriae, & venae decurrunt adeo nudaee, ut comprimi possint. Talia sunt
in artubus superioribus loca subaxillaria, anterior & superior ossis humeri
pars, ubi arteriae magnus truncus ad nudum fere os subjacens comprimi
potest, sicque facile omnis haemorrhagia a vulnere locis inferioribus inflicto
fisti potest. In artubus inferioribus talia loca sunt in interiori, & anteriori
fere media fembris parte, uti & sub popliteis. Omnibus his locis splenia
apposita, tornatili machina hodie adeo cognita (*tournequer*) appressa valide,
truncos valorum sic comprimunt, ut omnem sanguinis transitum impediunt.
Sic lethalis Haemorrhagia praecavetur, & datur opportunitas Chirurgo, ut
suppressio sanguinis fluxu, & dilatato, si opus sit, vulnere, arteriam vulne-
ratam possit invenire, & inventae idonea remedia, ligaturam &c. applicare.
Hinc videtur hodie nullum artuum vulnus fere absolute lethale dici posse per
haemorrhagiam, quia per artem cognitam potest compesci per compressio-
nem truncorum, in locis imprimis subaxillaribus, & in inguinibus; & si
tunc arteria vulnerata tam profunde haereat, ut ligari nequeat, extirpatio
membrum adhuc superest, qua vulnerati vita servari potuisset. Dum autem

majo-

majorum vasorum decursum ignorant Chirurgi, omni molimine per ligaturas, stipticos absorbentes pulveres, uti gypsum &c. impediunt, ne sanguis ex laevo vase erumpens per vulneris aperturam exire possit, qui tunc totum panniculum adiposum implet, & postea corruptus horrenda putredine omnia depascitur, uti tristissima docuerunt exempla.

3. Viscerum, ad quae manus, & medicamenta cum effectu sanationis pervenire possunt.

Nisi certis experimentis constitisset, tuto fieri posse, quis crederet, viscerum etiam vitalium partes, vulnere audatas, abscindi posse, ne postea corruptae mortem inducerent. Cellius [d] jam audacter pronunciaverat: *si quid aus ex jecinore, aus pulmone duntaxat extremo dependet, id praecidatur*. Unum sufficit memorabile admodum Exemplum, quo constabit, saepe talia curari posse, si manus detur accessus, quae fere desperata haberentur. Infigebatur homini ingens vulnus sub papilla sinistra: temulentus ille neglexit vulnus: postridie pulmonis pars tres transversos digitos aequans hiante vulnere prorupit. Temerarius ille vulneratus neglexit omnino tam grave vulnus, nihilque applicuit; & bidui itinere quamvis abesset, Amstelodamum se consultit, ibique in valetudinarium receptus fuit. Illico emortua jam pulmonis pars, filo prius constricta, forcice abscindebatur, quae lanci impolita tres circiter pendebat uncias. Decimo quarto die vulnus jam coa-luerat, nihilque supererat mali praeter levem tussiculam, non semper, sed subinde duntaxat molestant. Sic per sex annos supervixit, quocumque locorum navigans, & ebrietati indulgens dissolutissimae vitae homo. In cadavere nihil mali inventum fuit, nisi quod pulmo vulneris loco accreverat, unde tamen nihil incommodi, praeter levem illam tussiculam, passus fuit. (*)

Praecedentis paragraphi numero quinto recensebantur bini illi casus, ubi ventriculi gravissima vulnera, a perito Chirurgo per futuram unita, fuerunt sanata. In vulnere abdominalium historia patebit, viscera abdominalia laesa fici, ut effuso sanguine, vel contentis suis, in cavum abdominis mortem inducerent, ligari posse, vulneris margini assui &c.

4. Quae mortem inferunt emissio suo liquido in cava illa, unde id educi sine discrimine vitae potest; ut thoracis abdominis, ureterum, vesicae, intestinorum quaedam vulnera.

Multa vulnera sunt lethalia, non ob copiam sanguinis effusi, sed quia sanguis extravasatus, mora & calore loci corruptus, putrida labe exedit & tabefacit viscera, quae alluit. Sic v. g. vulnerato thorace post magnam haemorrhagiam vulneratus in animi deliquium labitur, vasa difficilia se contrahunt, & cessat omnis sanguinis effluxus. Interim sanguis in thoracis cavo haeret, qui ibi manens corrumpetur, & vicinum pulmonem exedens

S 4

(d) Lib. V. cap. 26. N. 24. in hac pag. 295. (*) Tulpii observat. Med. lib. II. Observ. 17. pag. 125.

lenta tabe hominem conficiet. Idem in abdominis cavo verum est. Sed paracentesis in thorace, & abdomine institui potest, & sic effusus sanguis educi, omniaque haec mala praecaveri. Si vero ureteri, vel vesicae fundo tale fuerit inflictum vulnus, ut urina in cavum abdominis effluat, patet facile, urinam, jam ex sua indole in putredinem pronam, longe citius putrefcere, hincque omnia contenta abdominis laedi summopere. Sed poterit perforato abdomine educi omne, quod ibi collectum haeret liquidum, & cathetere flexili vesicae immisso impediri, ne urina in vesicae cavo colligatur, sicque illam distendat; unde, contracta semper manente vesica, vulnus inflictum facilius consolidabitur. Si vero ureter difcisus fuerit,educta prius urina in cavum abdominis effusa, siccissima tunc diæta adhibita, magna spes est, ureteris extremum abscissum consolidari posse? Peribit quidem sic usus renis, sed plurima docuerunt observata, alterum renem posse vices supplere, integra satis sanitate. Calculo enim impaeto, & obstruente omnino ureteris unius cavum, constitit, homines diu supervixisse, altero rene integro, & tunc plerumque multum ducto in mole sua.

Novimus autem urinam in cavum abdominis effluere ex vulneris loco, si nulla, vel paucissima tantum emingatur urina, & tumore quotidie aucto distendatur abdomen.

Idem jam & in quibusdam vulneribus intestinorum verum est, de quibus postea dicetur in vulneribus abdominis.

§. 172. **P**Rædicatur lethale fore ex non lethali [153.] per has causas.

1. Omissione purgationis effusi puris, unde tabes purulenta; vel effusi sanguinis, hinc putrefacti.

Sub hac classe comprehenduntur illa vulnera, quae tales laedunt partes, quarum integritas tolli potest, superstiti vita; post quae vulnera tamen mors aliquando sequitur, non ex vulnere ut causa, sed quia vulnerati incuria, vel medepris errore vel imperitia, vel alio morbo, non a vulnere orto, vel denique propria vulnerati idiosyncrasia, talis accidit mutatio in corpore, unde functiones ad vitam requisitae abolentur. Possunt autem haec commode reduci ad quatuor sequentia capita.

OMISSIONE PURGATIONIS EFFUSI PURIS, UNDE TABES PURULENTA. Ex illis, quae dicta sunt §. 158. N. 7. constitit, in omni vulnere alicujus momenti pus nasci; imo hoc requiri, ut separentur illa, quae vulneris consolidationem impedirent. Si jam vulneris talis sit conditio, ut pus factum in vulnere decidat in cava corporis loca, vel nimis diu relictum in vulneris superficie attenuatum reorbeat per aperta venarum orificia, poterit totus sanguis infici purulenta cacochymia, unde febris hectica, & lentus marasmus. Si jam appareat, pus in cava corporis loca delapsum, potuisse sine periculo educi, vel purius resorptionem potuisse impediri idonea vulneris depuratione, constat, mortem secutam non adscribendam esse vulnere; ut causae, sed omissioni purgationis puris effusi. Dum post

ma-

magnas extirpationes latum vulnus quotidie ingentem copiam puris colligit, magna saepe vritur in cura difficultas: si enim saepius de die depuretur vulnus absterfo pure, impeditur consolidatio vulneris, quod tunc in fonticuli quasi naturam degenerat, & incredibilem copiam liquidi plorat; sicque aegri marasmo vero contabescunt, nullo vitio haerente in humoribus, vel solidis partibus, tantum ideo, quia nimia puris confectione tantum perditur de corporis nutrimento, ut marcescant reliqua. Si vero diu tectum maneat vulnus, retentum in superficie vulneris pus, mora & calore corporis attenuatum, & acrius redditum, resorbetur venosis osculis apertis, miscetur sanguini, purulentam cacochymiam, & tabem inducit; vel per metastasin ad viscera nobilia delatum necat. Qualia exempla plurima frequenter in praxi occurrunt.

VEL EFFUSI SANGUINIS HIC PUTREFACTI. Dixerat Hippocrates (f). Si in ventrem sanguis effusus fuerit praeter naturam, necesse est suppurari. Galenus ibidem in commentariis suis monuit, quosdam hunc Aphorismum legere sic, ut non haberetur *ut vix videtur*, sed sine articulo *ut videtur*, & tunc significaretur sanguinis effusio in quodcumque cavum; addiditque, illorum sententiam confirmari, quia additur in Aphorismo *praeter naturam*. Tuncque sensus huius Aphorismi esset, quod sanguis ex suo loco naturali effusus in quodcumque cavum corporis suppurari deberet. Monuit etiam ibidem Galenus, suppurationis nomine hic intelligi omnem sanguinis corruptionem, non autem tantum conversionem in pus proprie dictam. Si aeri liber accessus detur, sanguis in cava corporis effusus putrescit satis cito, & corrumendo vicina viscera; vel resorptus putrida acrimonia destruendo tenerima vitalium viscerum vascula, mortem infert. Si vero aeri nullus accessus detur, dia sine corruptione manere potest, imo sensim attenuatus iterum resorberi sine noxa, uti saepe post validas contusiones apparet, quando sanguis, vasis fractis sub cute integra effusus, per mensem, & ultra saepe haeret; sensim iterum disparsens sine ullo malo. Ubi ergo sanguine effuso in cava corporis, aëris simul libero accessu facto, mors sequitur; & in eadavere non invenitur vulnus fuisse ex sua natura lethale, mors adscribenda est huic causae: si nempe per artem tuto sanguis effusus potuisset educi.

2. Commisso vitio in sex rebus non naturalibus.

Ex Pathologicis notum est, res non naturales dictas in sex classes dividi, sunt enim: aer; cibis; potus; motus; quietes; animi affectus; retenta excreta; somnus, vigiliae. Hoc autem nomine vocantur, quia usu vel abusu, bonae naturales, aut malae contranaturales fieri queunt. Prudens Medicus omnia haec dirigit, a nocituris abstinere jubet vulneratum, profuturum commendat. Si jam vel Medici incuria, vel vulnerati obedire nolitius culpa, committantur vitia in usu sex rerum non naturalium, poterit vulnus, minime ex sua natura lethale, sic mutari, ut mortem inferat. Innu-

mera

mera habentur apud Auctores observata, quae hoc probant evidentissime: pauca quaedam notasse sufficiet.

Dum in castris vulneratos milites curabat Paraeus, doluit quammaxime, quod ad singulas tormentorum bellicorum explosiones vulneratis recrudescerent haemorrhagiae: imprimis autem inde lacerabantur illi, qui capitis vulneribus decumbebant: unde omnia augebantur symptomata, & mors accelerabatur plurimis [g]. Puero annorum quatuordecim bregmatis os fractum fuerat, extracta fuerant officula quamplurima, febris, dolor, & reliqua symptomata cessabant, spes optima integrae curationis affulgebat. Pater pueri, quamvis severissime prohibuissent Chirurgi, prope cubiculum decumbentis permisit rusticis debacchantibus, ut tympana pullarent, fistulas inflarent, saltarent &c. Postridie miser puer acutissima febre, delirio, spasmo, nausea corripiebatur, & quarto post die mortuus est. Pater, re ad magistratum delata, graviter mulctatus fuit (b). In simili casu, dum decimo quarto post vulnus capiti inflatum die omnia se optime habebant, subita commotus ira puer, valida corripitur febre, & phrenitide perit quarta die postea (i).

Nobili viro laeva manus amputata fuerat a dexterrimo Chirurgo: vulnere jam fere sanato, uxorem interpellavit: illa a Chirurgo monita recusavit: vulneratus sine coitu semen emisit; protinus recidit in febrim, deliria, spasmos, & alia gravia symptomata, & quarta die obiit (κ). Ex his observationibus satis patet, quanta cum cautela tractandi sint graves vulneribus decumbentes, quam severe monendi, ut obediant, nisi temeritatis poenas mortis periculo luere velint.

3. Neglectu, vel errore Chirurgi.

Observationes medicae plurimae docuerunt, & quotidiana exempla confirmant, capitis contusiones, & levia satis vulnera, dum negligenter tractantur, dira symptomata, & mortem ipsam produxisse. Quot perierunt vulnerati haemorrhagiis, qui servari potuissent, si arteriarum truncus, in locis illis, ubi nudi fere haerent, idonea ligatura compressi fuissent! Quantum numerus vulneratorum perit post conflictus bellicos, dum Chirurgi obruti multitudine negligentius tractant singulos! Nec minor vulneratorum perniciēs turpibus debetur erroribus. Militis dextro pectori sub mamma magnū infligitur vulnus: sanguinem cum tussi per os rejicit: imperitus Chirurgus vulnus labia sutura unit: sequenti die advocatur Paraeus: invenit febrem validissimam, respirationem, & loquelam difficillimam, sic ut mortem inflare merito metueret. Discidit ilico futuram, digito per vulnus immisso thrombum vulnus orificium obturantem removit, elevatis pedibus, capite demisso, clausis ore, & naribus vulnerati eduxit de pectoris cavo octo uncias sanguinis jam corrupti, & foetentis; injectionibus

(g) Les Oeuvres d' Ambroise Pare Liv. X. Chap. XIV. pag. 237. (b) Hilden. Observ. Chirurg. Cent. 1. Observat. 20. pag. 25. (i) Ibid. Observat. 17. (κ) Ibid. observat. 25.

nibus deterfit thoracis cavum, & eduxit residuos grumos; sicque ultra spem vulneratus convaluit: qui prioris Chirurgi turpissimo errore perisset certissime (1). Quam horrenda aliquando orta sunt mala, dum caustica acerrima tendinosis, & membranosis partibus applicuerunt Chirurgi. Exsciderat barbisonori tuberculum ad apicem dextri pollicis Hildanus: rudis ille sibi persuadens radicem mali nondum esse extirpatam, crudo vulnere nonnihil Arsenici applicuit: mox dolor ingens, febris, vigiliae, anxietas, animi deliquia, corripuerunt ineaum, sic ut de vita periclitaretur: tamen evasit, sicque in propria pelle didicit, in aliena cautius postea mercari (m). Habetur & ibidem aliud exemplum mortis fecutae in robusto Helveto, medio aetatis flore, ab imprudenti applicatione Arsenici ad tumorem canerosum manus carpum obdidentem. Nec solis rudibus in arte hominibus contingunt errores, sed & exercitissimi aliquando doluerunt, talia sibi accidisse. Ut hoc demonstretur, sufficiet solius Hippocratis exemplum, qui ingenue fatetur, se deceptum fuisse, dum in capitis vulnere non distinxerat ossis laesionem, putans futuram esse, & hinc crediderat aegrum sectione non indigere, qui decimo sexto die periit, sero nimis adhibita sectione (n). Dum Medicorum principia tale quid accidere potuit, unusquisque nihil humani a se alienum credat, sed omni cura adhibita errores prudenter evitet. Si jam talis error a Chirurgo, vel Medico commissus delegatur, aequitas jubet, ut iudicibus indicetur, ne alieni erroris poenam luat ille, qui vulnus inflixit.

4. Temperie naturali, aut morbosa aegri, vel manifesta juxta historiam ejus aegri, vel aliquando adeo singulari, ut non nisi hoc eventu se manifestet. Quam intentus observet semper in suo rescripto ad Judices consultus Medicus.

Maximi momenti est in vulnere renunciazione ad ipsam temperiem. vulnerati attendere; & tamen hoc saepe vilipenditur omnino: in plurimis locis publica auctoritate constituti sunt quidam Medici, & Chirurgi, qui eadavera occisorum lustrant, & illa, quae viderunt, ad Judices renunciunt. Sed Medicum, vel Chirurgum, qui vulnerato adsuit, saepissime non consulunt, ut ex illis cognoscant, quid de aegri temperie, morbis praegressis, symptomatibus post vulnus inflictum secus &c. observatum fuerit. Omnia tamen haec videntur admodum necessaria esse, ut fidelis fiat de vulnere renunciazione. Multi enim homines adeo facile irritabilem habent totum systema nervosum, ut levissima de causa spasmo, tetano, similibusque malis corripianur: alii, dum sanguinem alieno de vulnere exsurgentem vident, in syncopen delabuntur. An non admodum probabile videtur, etiam a levi vulnere in talibus hominibus gravissima symptomata, imo mortem ipsam produci posse? An mors secuta tunc soli vulnere ut causae ad-

(1) Les oeuvres d'Ambroise Pare liv. X. chap. 31. pag. 351. (m) Hildani observ. Chirurg. Gensur. VI. observ. 80. pag. 607. (n) Hippocr. Epid. lib. V. n. 22. Charter. Tom. LX. pag. 340. 341.

adscribi debet? Perfarum Rex ludens cum concubina, quam maxime deperibat, pugionis aciem versus ejus praecordia dirigit, dumque illa nudum pectus simulatis ictibus exponit, stomacho laeditur, sed exiguo sane, & oculis vix conspiciendo vulnuculo. Tamen repente prolapsa dicto citius expiravit [*]. Praeterea in nonnullis morbis circa finem vitae nihil fere sanguinis superest in corpore: sic in phthisicis post mortem saepe paucae tantum unciae sanguinis inveniuntur. Si jam tali homini per seve vulnus pauculum illud, quod superest, sanguinis subducatur de corpore, certa mors sequetur, sed non pendens a solo vulnere. Notum est, Luem Veneream, & scorbutum pessimum, ipsam durissimorum in corpore ossium substantiam sic erodere, ut penitus cariola facta a minima vi frangantur; si ergo in tali casu calvaria levi percussione capitis fracta mortem fecerit, non pendit hoc a sola causa vulnerante. Sed haec, & alia similia cognosci possunt ex illis, quae in aegri corpore observata sunt, antequam vulnus inflictum fuerit. Forte longe alia latere possunt, quorum nullum unquam apparuit indicium, & quae tantum vulneris inflicti occasione manifestantur. Dum enim evolvimus illa, quae in cadaveribus repentina morte extinctorum invenerunt Observatores, videmus saepe a latentissimis causis uno instanti mortem secutam fuisse; cum tamen nihil in sanitate laesum ullius momenti apparuisset ante mortem. Si jam tali homini paulo ante mortem vulnus inflictum fuisset, perperam adscriberetur vulnere mors secuta, pendens ab alia longe causa. *Fine namque vitae nostrae variis, & occultis causis exposito, interdum quaedam immerentia supremi fati titulum occupant: cum magis in tempus mortis incidant, quam ipsam mortem accersant* (§). Unde in similibus casibus debet renunciari ad Judices, vulnus inventum fuisse tale, ut mors secuta post vulnus, non videatur adscribi posse vulnere, ut causae. Sic suo munere functi sunt Medici, & Chirurgi; reliquum ad Judices pertinet.

§. 173. **H**inc renunciatio de Vulneribus, definitio temporis, intra quot lethalitas determinatur, peti possunt.

Judices, antequam de poena percussoribus infligenda decernant, solent Medicis ac Chirurgis committere curam, ut in cadavere ocelli inquirent, an mors, secuta post vulnus, a vulnere facta fuerit. Illi accurate notant, quas corporis partes per vulnus laesas invenerint; deinde communi consilio concludunt, an vulnus fuerit absolute lethale, an vero ex sua natura quidem lethale fuerit, per artem tamen hodie cognitam mors praecaveri potuisset; denique an vulnus laeserit tales partes, quarum integritas non absolute ad vitam necessaria erat, & tamen ex singulari idiosyncrasia vulnerati, vel incuria, vel neglectu, aut errore illorum, qui curae vulnerati praefuerunt, mors secuta fuerit. Haec omnia referunt ad Judices, & haec vocatur renunciatio de vulneribus. Apparet hinc, quanta cautela hic opus sit,

[*] Amoenit. exoticar. Engelbert Kaemfer. pag. 59. (§) Valer. Max. lib. IX. cap. 12.

fit, glum imperiti saepe, quando cadaver examinant, non tam lustrant vulnera, quam faciunt. Quantum fieri potest, inquirendum in figuram, & magnitudinem instrumenti vulnerantis; in situm vulnerati, & vulnerantis, dum vulnus infligebatur; in symptomata omnia, quae vulnus inflictum ad mortem usque secuta sunt.

Praeterea consideranda sunt omnia illa, quae vulnerato acciderunt, vel applicata fuerunt; postquam vulnus inflictum fuerat. Tunc denique prudenti sectione investigatur, quousque, & per quas partes penetraverit instrumentum vulnerans. Tandemque ex cognito usu partium laesarum concluditur, an mors secuta adscribi debeat vulnere inflicto ut causae, an non.

Non videtur autem facile determinari posse, quo temporis spatio lethalitas vulnerum limitetur. Plurimis hominibus insedit haec opinio, quod si ultra novem dies supervixerit vulneratus, tunc mors postea secuta minime possit vulnere adscribi; & contra, si ante hoc tempus moriatur vulneratus, tunc vulnus inflictum fuisse necessarium, & absolute lethale. Sed arteria major, in brachio vel crure discissa, poterit paucarum horarum spatium, imo & citius, hominem e medio tollere: cum tamen hoc vulnus non absolute lethale sit, sed per artem curari potuisset. Sic & effusus in calvaria sanguis, si haereat tali in loco, ex quo per artem educi nequit, nec tamen tanta ejus copia sit, ut comprimendo omnem encephali ulum statim turbet; potest ibi per septimanas haerere, sensim corrumpi, & deinde erosio cerebro, cerebello, vel medulla oblongata, mortem facere: & tale vulnus jure merito lethale renunciabitur, licet tam diu supervixerit aeger. Si intestinum tenuius integre discissum fuerit in loco non admodum distante a pyloro, poterit vita protrahi per multos dies, donec nutritionis defectu sensim contabescat vulneratus, & tamen tale vulnus erit absolute lethale. Ex quibus satis apparet, nihil certi posse definiri quoad vulnorum lethalityatem ex temporis intervallo, quod vulnus inflictum, & mortem secutam, intercessit.

§. 174. **E**X historia pariter vulnorum (ab 145. hucusque) facilis erit praedictio eventuum aliorum, qui (169) praefagiendi habentur.

Paragraphus 169. agebat de Prognosi vulnorum: ibi enim determinabantur illa, quae vulnere cognito, tanquam sequelae hujus, praecognosci poterant futura. De vita, vel morte vulnerati dictum fuit §. 170. 171. 172. Reliqua circa sanationem possibilem vel impossibilem, facilem curatioem, vel difficilem, & effectus vulneris post ipsam sanationem superfluit, ex ipsius vulneris natura bene cognita evidenter deducuntur. Dum enim quis ex Anatomicis, & doctrina usus partium intellexerit, quanam partes laesae fuerint, quanam functiones abolitae, vel depravatae sint, poterit determinare, an curatio possibilis sit vel non, an facilis vel difficilis, an aliquid laesum manebit in functionibus post sanatum vulnus &c. In Exemplo res patebit. Si vulnus inflictum fuerit dorso manus, novit Medicus ex Anatomicis tendines musculorum digitos extendentium hic locari, jubes vul-

neratum

neratur digitos erigere; si jam videat, quod indicem omnino erigere nequeat, concludit, tendinem, ex unitis tendinibus musculi extensoris communis, & indicatoris dicti musculi conflatum discissum esse: si jam possibile sit, tendinis dissecti extrema posse iterum adduci, & uniri sibi invicem, curationem difficilem, integram tamen, promittere poterit. Si vero hoc fieri nequeat, tuto praedicit, curato vulnere indicis erectionem abolitam fore semper, nec ulla arte restitui posse. In similibus praesagiendis cautum imprimis esse oportet & Medicum, & Chirurgum, quia omnia mala, quae post curationem vulneris remanebunt, illis adscribentur, nisi antea praemonuerint, haec certo remansura, vel saltem metuenda esse.

§. 175. **P**haenomenon autem [158. 159.] causa patet perito actionum vitalium, & animalium. Vid. Morb. Solid. & fluid. in genere praemissos.

Omnia haec in paragraphis citatis ad singulos numeros explicata fuerunt: summam tantum haec repetere sufficit. Patuit enim quod illa vis, qua cohaerebant partes unitae, pergens agere retrahat utrumque extremum, hinc necessario augebatur vulneris hiatus eo magis, quo firmior fuerat antea partium cohaesio: hinc in robustis, & exercitatis hominibus vulnenum labia omnium maxime a se mutuo recedunt. 2. Minuta causa distendente vasa, per liberum sanguinis effluxum ex eisdem vulneratis, propria contractilitas vasorum praevalebat sensim magis & magis, donec integre fere elauderentur. 3. Sanguinis autem nostri talis indoles est, ut extra vasa dimissus cito concreseat, unde a sanguine extravasato, dissipata simul liquidissima parte, crusta talis sanguinea vulneris cavo innascebatur. 4. Contractis autem vasorum discissorum aperturis, crassissima pars retinetur, tenior adhuc pergit effluere; unde liquor dilutus rubellus effluit, postquam sanguinis fluxus definit. 5. Cum autem vasa sanguinea discissa sic contrahantur, ut non amplius sanguinem rubrum dimittant, idem fiet in serosis, lymphaticis, & aliis decretescentium vasorum seriebus; unde nascetur horum vasorum obstructio, & vitali impetu a tergo urgente in obstructos vasorum fines, fiet horum dilatatio, & omnia, quae inde sequuntur, ut inflammatio, dolor &c. Interim laxa pinguedinis membrana, cutis coercentis vinculo libera in vulneris loco, sponte assurgit in vulneris fundo, dilatabitur, & prominebit, labia vulneris retorquetur &c. 6. Si autem vulnus fuerit alicujus momenti, a dolore, & inflammatione fundi, & laterum orietur febricula, quae suppuratoria Chirurgis dicitur: quae si non nimis vehemens fuerit, semper boni ominis est. 7. Hinc tenue labia & fundus vulneris antea sicca, & inflammata sub hac febricula incipiunt humescere; tenue liquidum fundere, quod mora & calore mutatum, distans parte liquidissima in blandum, spissum cremoraceum quasi humorem transiit, pus dictum. 8. Simul extrema vasculorum inflammatorum officina, una cum immedabili liquido obstruente separantur, una cum humoribus effusis miscentur, & pus constituunt; sic vasis iterum liberis redditis, separatis omni illo, quod vitali humorum circuitui resisteret, liber fit humorum transitus; calor, dolor, tumor &c. cessant, vel minuuntur plurimum. 9.

Pu.

Puris sic redditis per suppurationem fundo, & labiis vulneris, natura, quae sibi sola sufficit, a fundo sursum, ab ambitu versus centrum extendit vasorum extrema, occurrentibus aliis unit, sicque restituit illa, quae in vulnere de corporis substantia perdita erant. 10. Incipiunt dein margines vulneris album subcaeruleum colorem induere, sicari, cicatricem facere, quae ab omni ambitu centrum versus aucta quotidie, tandem vulnus claudit: tunc sanatio perfecta est.

§. 176. **T**unicae arteriarum exteriores, illaesa interiori, punctatae, tufae, distractae, erosae impetu sanguinis dilatantur, saccum formant, qui ad ovi saepe magnitudinem crescit; callosos parietes accipit; pulsatur, colore rubello splendet; compressus evanescit; laxatus redit; suam arteriam ampliat; vicina vasa comprimendo angustat. Aneurisma verum vocatur [16p.], cujus causa, signa, effectus sponte cernuntur. Atque eo quoque refertur cordis aneurisma, ejus ortus, signa, & effectus.

§. 159. 160. dictum fuit, quanam sequantur mala, quando arteria integre dilata est, vel quando vulnus in cavum usque arteriae penetrat, licet illam integre non disciderit. Hac paragrapho expenduntur illa mala, quae metuenda sunt; quando arteriae sic vulnerantur, ut vulnus non penetret in illarum cavum, sed tantum tunicas exteriores dividat. Constat enim ex Anatomicis, arterias majores imprimis, satis crassas habere tunicas, quarum exterior plerumque communis membranae, cavum corporis, per quod arteria pergit, investientis propago est; cui cellulosa tenuis subjacet, per quam vasa plurima, arteriarum nutritioni inservientia, decurrunt: huic glandulosa dicta supponitur, forte prioris pars: tunc sequitur muscularis tunica, crassa & fortis, in plures lamellas separabilis, orbicularibus fibris constans: ultima, internum arteriae cavum constituens, tenuis est, fibris longitudinalibus conflata.

Dum sanguis vi cordis in arterias semper plenas pellitur, observatur manifeste illas dilatari per totum ambitum aequabiliter: firmitas tunicarum arteriarum constituentium resistit nimiae dilatationi, & cessante cordis actione vi orbicularium imprimis fibrarum contrahuntur iterum in pristinam dimensionem. Si jam in quodam arteriae loco, separata cohaesione imprimis fibrarum orbicularium (nam laesio tunicae externae, & cellulosae videntur minus periculosae) minuatur firmitas laterum, causa distendens manens eadem illo in loco plus dilatabit arteriam, mutabit aequabilem figuram conici. canalis, expandet locum illum debilitatum in saccum: tunc vocatur *Aneurisma verum*, propria vocabuli vi designans tantum dilatationem arteriae.

Causa ergo aneurismatis est omne illud, quod cohaesione tunicarum, in quodam arteriae loco minuit: & observata docuerunt, hoc imprimis accidere dum arteriae sunt *punctatae* vel *sectae*, uti saepissime constitit. Dum enim vena secatur, accidit aliquoties, ut adjacens arteriae ramus lanceolatus:

cuspidē simul vulneretur: paucis diebus postea incipit tunc emergere tumor cutim elevans, pulsans manifeste, auctus quotidie, nisi in initio circumdudis fasciis, & splenio applicato compescatur.

TUSAE. Et hoc observatum fuit, validam contusionem arteriae produxisse aneurisma. Homo 45. annorum sanus, & sortis, cum per publicam viam incederet, fortuito a quodam ex ludentibus sphaera buxea vehementer percussus fuit in laeva dorsi parte; domum redux partem laesam diligenter observari curat; praeter contusionis indicia nihil mali invenitur, sed manfit per quatuor annos leviter molestus tantum in loco percusso sensus. Post tantum temporis intervallum, incipit conqueri de profunda pulsatione in illo loco sensim aucta, quae cordis ictibus responderet; paucorum mensum spatio elevatis, & corrosis costis, cum dolore acerbissimo luctabatur aeger. Audacissimus Empyricus persuasit misero, profundum latere abscessum, aperuit locum, undatum profuso sanguine ilico mortuus est. (g) Similem casum vidi, ubi a sola contusione aneurisma ortum fuerat. Homo pusillae staturae, vesperi per tenebras incedens, palo impingit validissime dextrum pectus; acerbum dolorem se in suprema pectoris regione sensisse testatur, qui tamen brevi postea cessabat. Post aliquot mentes insolitam pulsationem incepit sentire sub dextra clavicula, sensim auctam; a minimo corporis motu anhelabat, imo sub finem vitae fere suffocabatur: sic per annum sanguis subito periit. In eadavere vidi, arteriam subclaviam dextram in saccum ingentem dilatatam, sic ut aneurismatis hujus membrana chartae tenuitatem superaret, & per illam pellucidam contentus sanguis conspici posset: levi vulnere inflicto, ingens copia sanguinis concreti erupit.

DISTRACTAE. Plurima talia occurrunt apud Observatores exempla, dum post validos nixus, pondera ultra vires sublata, stercutationem, tussim validam &c. arteriae distractae in Aneurismaticos saccos degeneraverint. Unicum Exemplum adduxisse sufficiet. In venatu homo subitissime caput in dextram partem flexit, & non nisi magna cum difficultate illud potuit reducere; ab illo momento languit semper, deglutitione, & respiratione multum impeditis. Post quindecim menses elapsos moritur: in eadavere reperitur aorta admodum dilatata, & ingens saccus aneurismaticus in arteria subclavia dextra. (r) Equi illi, qui in magnis Emporiis trahis illis tam magna pondera vehunt, & per acclives pontes soleis ferreis, eminentibus aculeis donatis, tanta vi ascendere coguntur, saepissime in cruribus posterioribus habent aneurismata, & varicosos venarum tumores. Simile infortunium & In bajulis frequenter observatum fuit.

EROSAE. Novimus, in morbis adeo degenerare posse humores, ut acerrimi fasci durissimas etiam partes corporis erodant. Scorbuto durissimi eroduntur dentes; lues venerea maxima, & fortissima etiam corporis ossa in cariem convertere potest; cancrosum virus vicina omnia dira tabe peredit. Sic in scorbuto videmus toties, exelis vas, effusum sub corporis integumentis sanguinem lividas illas maculas facere; imo toties lethales infectas haemorrhagias notant Auctores. Intelligitur hinc facile, tunicas majorum

(g) Lanciscus de motu cordis & aneurismatibus pag. 235. [r] Acad. des Sciences l'an 1700. Hist. pag. 50.

jorum arteriarum sic erodi posse, ut in saccum aneurismaticum extendantur. Bina talia habentur apud Lancifium (r) exempla, ubi tumor Veneris claviculam occupabat, & vicina arteria subclavia erosa aneurisma nascebatur.

A quacumque jam ex enarratis causis arteria in quodam loco debilior facta fuerit, illo in loco plus cedit distendenti sanguini, & expandente, cumque singulis cordis ictibus causa illa distendens applicetur de novo huic loco debilitato, augebitur aneurismatis capacitas, unde in immanem molem saepe aneurismata expanduntur, imprimis, si in magnis arteriarum truncis fiant. Sic vidit Ruyschius (r) hominem, qui in pectore gerebat sponte factum aneurisma tantae magnitudinis, ut pulvinar mediocre, quo in sedili utimur, (demtis quatuor angulis, rotundum enim erat,) aequaret. In cadavere apparebat, aortam tribus digitis transversis supra cor, in tam magnum aneurisma degenerasse. In maximis aneurismatibus saepe apparuit, membranas extensili talis sacci esse crassissimas, cum potius videretur distracta membrana tenuior fieri debere. Hoc autem videtur fieri, quia sanguis in dilatatum hunc saccum aggestus in polyposos concrevit massas, quae applicatae tunicae arteriae dilatae illius crassitiem immaniter possunt augere: sic in ingenti illo aneurismate vidit Ruyschius, innumerabiles tunicas, crassas, carnosas, satis tenaces, & sibi invicem impositas auxisse crassitudinem membranae, sic ut inter has tunicas sanguis copiosus, & coagulatus delitesceret: exterior tamen tunica, quae aortae dilatata membrana erat, straminis tantum crassitiem habebat, omnis reliqua moles a concretionibus illis polyposis pendeat.

Quaeritur quammaxime, quibus signis cognosci possit, & ab aliis tumoribus distingui Aneurisma? cum observata plurima docuerint, satis caeteroquin peritos hic turpissime erravisse, & imprudenter perituro aneurismate pro remedio mortem intulisse. Cognoscitur adeste, si causae memoratae praegressae fuerint, tumor dein oritur in tali loco, ubi per Anatomen novimus magnam arteriam adeste; si pulsus manifestus in tali tumore percipiatur; si leni pressione evanescat, vel minuatur plurimum, mox redeat ad pristinam magnitudinem, ubi pressio cessat. Notandum autem, colorem cutis raro mutari ab aneurismate, nisi diu duraverit, & magnum valde fuerit; tunc enim erosa, vel per distractionem attenuata cute, color ruber conspicitur. Praeterea pulsus in Aneurismate incipiente, & parvo semper adest, ubi in majorem molem excrevit, saepe pulsus non animadvertitur: partim ob crassiores factas aneurismatis tunicas; partim quia imperius sanguinis a corde propulsi non adeo valide agere potest in magnum aneurisma, ut illud elevetur singulis cordis ictibus. Dum autem comprimitur aneurisma, imprimis si magnum fuerit, & cordi vicinum, nisi lenissime, & sensim fiat, summum discrimen est, ne subito suffocetur aeger; dum concretus sanguis ex aneurismatis cavo expressus sanguini ex corde per arteriam pulso sic resistit, ut cordis motus suffocetur subito: nec magnum Aneurisma compressum manu simul, & semel liberandum est,

T

sed

(r) De motu cordis, & aneurismatibus pag. 256. (s) Observat. Anatom. Chirurg. Centur. Observat. 38.

fed sensim, aliter in animi deliquium cadunt, sanguine subito in vacuum hunc saccum ruente. Ideo compresso aneurismate majori, statim aegri de intolerabili oppressione circa pectus conqueruntur. Ubi autem Aneurisma in interioribus latet, difficilior cognoscitur. Causae enim tam cognitae si praegressae fuerint, insolita pulsatio percipitur ab aegro, cordis motus turbetur. & ~~aut~~ sanguinis velocitate per motum mulcularum, vel aliam, quamcumque causam, suffocetur fere; admodum probabilis suspicio habetur, Aneurisma in interioribus corporis partibus latere.

Mala autem producta ab Aneurismate pendunt inde, quod tumore suo vicina comprimendo illorum actionem turbet, vel impediat, quod arteriae cavum mutet, & aequabilem sanguinis circuitum per illam tollat; unde & cordis actio tandem multum impeditur. Hinc apparet, diversissimos morbos ab Aneurismate posse fieri; omnia tamen mala inde orta semper eo pectore fore, quo Aneurisma majus, & cordi magis vicinum fuerit.

Altera malorum, ab Aneurismate factorum, origo pendet ex eo, quod liquidum in sacco aneurismatico contentum incipiat degenerare. Sanguis enim in Aneurismate majore fere quiescit, saltem tardius movetur: hinc minus artericis, minusque calet; sicque nascitur dispositio ad illam sanguinis degenerationem, quae fit a minuto motu, & calore. Incipiunt nempe nasci polyposae concrectiones; quae semel natae habent vim affociandi sibi ex sanguine affluente similes partes ad augmentum prioris massae, (uti dictum fuit §. 51. N. 2.) Unde in majoribus Aneurismaticis diffectis saepe non invenitur multum sanguinis, sed mira saepe textura polyposae ex sanguine stagnante nata, quae debilem hunc arteriae locum suae substantiae applicatione sic firmat, ut non tam cito rumpatur, sic ut saepe diu vita adhuc sustineri possit. Tandem illud ex sanguine concretum, una cum sanguine inter lamellatam polyposam substantiam stagnante, incipit corrumpi, acrimoniam solventem acquirere adeo mirabilem, ut vasa vicina, membranas, cartilagine, ossa durissima consumat penitus. Historiae Medicæ plenae sunt talibus observatis. Ruyschius in observatione paulo antea memorata invenit, ab ingenti illo Aneurismate; omnes fere collas, & sterni os, in nihilum fuisse quasi redacta. Dum autem sanguis corruptum illud, in sacco expansi Aneurismatis haerens, continuo praeterlabitur, incipit putrida cacochymia nasci; unde febris hectica sensim corpus depascens oritur. Talem enim habuisse exitum magna Aneurismata, constat ex observatis Medicis; nisi suffocata circulatione, vel rupto Aneurismate, perierint aegri, antequam contenta in hoc sacco ad illam malignitatem pervenerint.

Subitaneae tamen mortis periculum instat, a ruptura talis sacci Aneurismatici, sic enim minuto temporis pereunt, ubi minime cogitatur. Memorabilis talis habetur casus (u). Militi post violentam tussim tumor oriebatur in parte inferiori, & anteriori colli, immediate supra sterni emarginationem: mollis erat, rotundus, sine colore cutis mutato; pulsabat, cedebat digito prementi, mox rodens ablata pressione. Per sex septima-

nas

(u) Academ. des Sciences l'an 1733. Memoires pag. 151.

nas tantum gesserat hoc Aneurisma, inopinato undatim prorumpente per os sanguine intra spatium unius minuti horae perit. Post mortem omnis tumor colli evanuerat, & inveniebatur Aneurisma, tracheae adhaerens, per foramen inter sextam, & septimam cartilagineam alperae arteriae patulum, sanguinem in cavum tracheae effudisse.

Dum Aneurisma in interioribus corporis partibus haeret, ubi non datur manibus accessus, angusta spes curae est: totum, quod fieri potest, est ut debilitata vita per venae sectiones, & tenuem diactam, minuat circulations impetus, & velocitas; sic enim Aneurismatis incrementum prohibebitur, quantum fieri poterit; summa simul quiete corporis, & animi imperata ob eandem causam. Ubi manibus accessus datur, si nondum in formidabilem magnitudinem increverit Aneurisma, a prudenti compressione aliquid sperari potest: ubi tunc notandum, quod maxime conducat arteriam supra Aneurisma pariter modice comprimere: sic impetus sanguinis per hanc arteriam minuitur, & compresso Aneurismate non tam facile sanguis regurgitabit cor versus. Ubi a compressione nihil sperari potest, vel frustra jam adhibita fuit; sola Aneurismatis exstirpatio supersit, quam felicitur institui posse, docuerunt observata. Talem casum narrat Ruyschius, ubi felix eventus fuit, licet brachium jam gangraena correptum esset (x).

ATQUE EO QUOQUE REFERTUR CORDIS ANEURISMA, EJUS ORTUS, SIGNA, EFFECTUS. Cordis Aneurisma vocatur praeternaturalis dilatatio cavitatum ejus: qui morbus satis crebro occurrit, licet forte non adeo exacte descriptus fuerit. Facile concipitur, quod omnia illa mala possint & cordi contingere, quae arterias reddunt Aneurismaticas, tunicis illarum exterioribus per vulnera, contusiones, distractiones, erosiones, destructis, vel laesatis. Observationes enim in cadaveribus factae, docuerunt, vulnera huc penetrasse, inflammationes, suppurationes, erosiones &c. hic inventas fuisse. Nauta post febrim continuam, haemoptysin, difficilem respirationem, tandem post diras toleratas anxietates moritur. In cadavere inveniuntur pulmones pure crasso infarcti; Pericardium sanguine grumoso sic distentum, ut dimidium thoracis spatium expleret. Cordis substantia exterior ubique exulcerata, & quasi a vermibus profunde exesa. Imo cor adeo defiguratum apparuit, ut nec auriculae inveniri, nec vasa egredientia majora facile discerni potuerint (y). Sed praeter has causas, alia adhuc occurrunt, a quibus frequentius nascitur cordis dilatatio praeternaturalis. Cordis enim actio in hoc consistit, ut receptum ex venis in cava sua sanguinem valida contractione urgeat in arterias totum, sic ut singulis cordis contractionibus integre evacuentur cordis cava. Debet ergo cordis vis superare posse resistentiam arteriarum: si autem a quacumque causa auctae fuerint hae resistentiae eo usque, ut cordis vires superent, non poterit cor evacuari integre; accumulabitur sanguis sensim in cordis cavis, quae inde dilatabuntur. Sed in corde observatur illa mirabilis proprietas, qua

T 2

(x) Observ. Anstom. Chirurg. Centur. Observ. 2.
8cc. Tom. II. pag. 47.

(y) Aëta Physico-Medica

qua etiam post mortem, aqua tepida, vel flatu solo per venas pulsus in ejus cava, excitatur in contractionem: ideo sanguine non integre expulso ex cavis ejus, irritatum cor frequentius contrahitur, ut expellat contenta, uti evidenter apparet in ultima illa mortis lucta, quando cor non amplius valet in arterias sanguinem expellere, tunc enim celerrime palpitat, donec tandem insuperabili victum obitaculo quiescat. Dum autem validis illis, & frequentissime repetitis nixibus cor superare tentat has resistentias, fibræ, constituentes latera cavorum cordis distrahuntur validissime, dum contentum cavis fluidum, non potens exprimi, compressum instar durissimi corporis resistit: hinc debilitatur fibrarum nimis distraharum cohesio, unde augebitur dilatatio cordis in suis cavis.

Apparet ergo, quod non requirantur adeo magnæ causæ, ut cor Aneurismaticum fiat, dum enim cordis vis potest superare resistentias arteriarum, manet æque magnum in suis cavis; simul ac praevalent resistentiæ hæc cordis viribus, incipient dilatari ejus cava.

Potest jam hæc cordis dilatatio fieri vel in solo dextro cavo, impedito libero transfluxu sanguinis per arteriam pulmonalem: vel poterit hoc fieri in corde sinistro,posito impedimento quocumque in arteria aorta: vel dum bina hæc simul concurrunt, dilatatio fiet in utroque cordis cavo simul. Notandum tamen hoc est, quod, impedimento nato in pulmonari arteria, cor dextrum solum præternaturaliter distendi posset, corde sinistro non mutato in sua capacitate: ubi vero cor sinistrum non valet expellere suum sanguinem, non poterunt venæ pulmonales depleri in cor sinistrum; hinc nec arteriæ pulmonales tradere possunt suum sanguinem venis pulmonalibus: augebitur hinc resistentia cordi dextro, unde & illud ab iisdem causis poterit dilatari. Accedit, quod cor dextrum, longe debilius sinistro, cedat facilius causis distendentibus; unde, caeteris paribus, frequentius dilatabitur, & in majorem capacitatem poterit distendi.

Plurima jam observata docuerunt, in cadaveribus cor sic dilatatum inventum fuisse: pauca annotasse sufficiet. Puer jam a quinto ætatis anno asthma correptus laboraverat, plurimis incautum adhibitis usque ad decimum quartum ætatis annum miseram protraxit vitam, tandem suffocatus periit. In cadavere cor invenitur accretum Pericardio, & cavum utrumque cordis immaniter auctum [2]. Juvenis post enormes cordis palpitationes moritur, sinistrum cavum cordis invenitur triplo majus dextro cavo [3]. Ibidem & ex Dionysio habetur, quod auricula dextra inventa fuerit adeo dilatata, ut recens nati infantis caput æquaret. Homo 34. annorum post validas, & diuturnas palpitaciones cordis moritur, invenitur cordis ventriculus immaniter dilatatus, in sua substantia tamen æque crassus, ac naturaliter esse solet. Aorta erat offea facta in ipso egressu ex ventriculo cordis sinistro (*). Vir 25. annorum, cursor, pallidus, anhelosus, subita laborat angina, a qua sanatur quidem, sed manet spirandi difficultas, & cordis palpitatio sæpe recurrens, imprimis cum citato gressu procederet:

tant-

[2] Medical Essays vol. 2. pag. 123. [3] Abridgement. Tom. 5. pag. 229.

[*] Acad. des Sciences l'An 1735. Hist. pag. 29.

tandem subita morte exstinguitur. In cadavere invenitur cor triplo majus; quam naturaliter esse solet; ablato Pericardio, & expresso omni cruore li-
bras duas cum dimidia in lance pendens (b): tamen in hoc homine fini-
strum cor dextro duplo latius erat.

Omne ergo illud, quod resistentias sanguini ex cordis cavis pulso auget, poterit praeternaturalem cordis dilatationem producere. Nimia humorum copia in plethoricis, augmentum velocitatis in morbis acutis, immeabilitas sanguinis per arteriarum fines a diathesi inflammatoria, polyposa, atrabila-
ria &c.; vicia arteriarum, per quae liber sanguinis transitus per illas im-
peditur, uti sunt illarum nimia callositas, degeneratio in cartilagineam, imo ossicam substantiam, Aneurysmata &c.; praecipuae causae sunt, a quibus cava cordis ultra naturalem suam dimensionem dilatantur. Inter rario-
res autem causas meretur referri, quod aliquando aer in cordis cavis re-
pertus fuerit, immaniter illa distendens. *In muliere subito mortua reperiuntur cor stupendae magnitudinis, ab aere, quo plenum erat, absque ullo fere sangui-
ne; id quod palam factum cuspidis cuspide: eo enim adacto tam subito subside-
bat cor, ac vesica aere repleta, & cuspidis cuspide atacta (c).* An forte ca-
lore aucto, per velocissimum animale motum, vel & per morbos, san-
guis aerem contentum dimittit, qui in cavis majoribus collectus, & rare-
factus distendit omnia?

Malum hoc praefens, vel saltem metuendum esse, novimus, si continuas palpitationes cordis adsint; si signa docuerint, pulmonem impeditum esse sic, ut libere non transmittat sanguinem: si pulsus durus valde, & plecus cum anxietate intolerabili ad motum auctum adsint; tunc in aorta obsta-
culum tale haerere non sine ratione concluditur.

Turbatur tunc miris adeo modis circulatio, oriuntur tam varia, & tam stupenda phaenomena, ut naturae leges superare videantur: pulsus vacillat omni modo, nunc deficiens, nunc iterum validissime insurgens, respiratio difficillima fit; terribiles saepe convulsiones oriuntur, dum cor quiescit, & paulo post validissimo spasmo contrahitur: sic enim uno momento sangui-
nis motus per arterias encephali cessat, mox velocissimus fit, unde turba-
tur tam mirifice spirituum secretio, & motus. Omnes saepe sensus exte-
ri, & interni turbantur, intolerabilis anxietas, & frequentissima fit luctus vitae cum morte, donec tandem haec tantis malis finem imponat.

Simul apparet, quare post asthma diu toleratum, & morbos inflamma-
torios validos pectoris &c. saepe tam luctuosa mala supersint.

Ubi autem fuit hoc malum, nihil fere boni sperari potest, semel enim nata debilitate cordis, necessario augetur difficultas removendi obstaculum; unde crescit atrox malum, & augentur omnia symptomata, imprimis si vita fuerit actuosior.

Totum, quod ars efficere poterit, est, ut mali incrementum differat aliquatenus, & tolerabilem magis vitam reddat miseris. Hoc fiet, si vita inflatuatur adeo quiesca, ut non fiat major motus cordis, quam qui ad vi-
tam

T 3

(b) Lanciscus de subitaneis moribus pag. 127. 128. (c) Ruyfch. Epist. Problem.
26. pag. 11.

tam continuandam omnino est necessarius: absoluta hinc mentis, & corporis quies requiritur. Debet ingeri magna copia potus tenuissimi, serum lactis, hydrogala mellita, aquae spadanæ cum lacte, præcipua sunt. Cibus parvus, blandus, tenuis, repetitis vicibus parva quantitate exhibeatur, ut parum blandi chyli sanguini misceatur, & omnia stimulantia evitanda sedulo. Medicamenta dentur talia, quae diluunt sanguinem, aperiunt vasa, lubricant vias; ut expeditissima fiat humorum dilutorum per vasa lubricata, & aperta circumductio.

§. 177. **S**I ab iisdem causis, similiter vulnerata arteria, curata debilius firmatur, eadem fiunt.

Dum in ardentissimis morbis, pertinacissimis, & chronicis (maxime capitis) doloribus, arteriam temporalem secant Chirurgi, maximam semper curam adhibeat, ut arteriae vulnus, postquam debita copia sanguinis effluerit, imposita lamella metallica, vel simili, quocumque sic firmetur, ut sanguinis impetus, arteriam singulis cordis ictibus distendens, non possit incipientis cicatricis rudimenta extendere ultra aequabilem arteriae dimensionem, & Aneurisma facere, quae compressio arteriae vulneratae si negligatur, fere semper tale malum fiet. Frequenter hoc observatum fuit, dum infoliti casu in flexura cubiti una cum vena pertunderetur arteria vicina, nec idonea pressione firmaretur hoc vulnus: quod etiam multo difficilius hic fit, quam in temporibus, ubi arteria laesa ad duram calvariam sic premi potest, ut nullus maneat Aneurysmatis futuri metus. Unde satis tuto in hoc imprimis loco institui potest Arteriotome, a qua forte nimis abhorrent saepe Medici, cum tamen a perito Chirurgo sine discrimine fieri posset, & aliis remediis frustra tentatos debellaverit saepissime morbos, uti plurimis observatis demonstravit SEVERINUS (d). Videantur & illa, quae dicta sunt de Aneurysmate ex hac causa nato in commentariis ad §. 160.

§. 178. **U**Bi ab iisdem causis (176) omnes tunicae simul ruptae liquorem effuderint in partes vicinas distentas, nec exeuntem, sit collectio extravasati cruoris, continenter aucta, & sine mensura, mollis, vix pulsans, livida, compressu vix evanescentes, brevi putrescentes, hinc gangraenam vicinorum creans. Aneurisma spurium est, (160) cujus causa, signa, effectus ex ipsa hac descriptione cognoscuntur.

Si jam arteria sic laesa fuerit, ut, soluta cohaesione laterum, contentus arteriae cavo sanguis possit exire; cute tamen integra, vel ejus vulnere per pinguedinem, aut sanguinem coagulatum occluso, coercatur effusus ex arteria sanguis; ille viam sibi faciet in panniculo adiposo, quem replebit, & in maximum saepe tumorem attollere poterit; sanguine enim continuo expulso per arteriam ruptam, augebitur distendens moles, donec cutis

[d] Marci Aurelii Severini de efficaci Medici. lib. I. part. 2. pag. 40. Sec.

cutis cedere amplius nequeat, vel vicinæ partes impediunt ulteriorem sanguinis in panniculo adiposo collectionem; vel coagulati sanguinis thrombus arteriæ læsæ aperturam claudat. Post validas contusiones sæpe maximi tales tumores oriuntur, lividi, imo sæpe omnino nigri, a sanguine extravasato, & coagulato per cutim pellucence. In scorbuticis, erosis vasis, similia sæpe mala apparent: sed cum in minoribus arteriis hoc plerumque fiat, non adeo in tumorem attollitur pars; sed maculae planæ nigricantes nascuntur. Quam enormes autem inde nasci possint tumores, unico exemplo demonstrasse sufficit. Juvenis septendecim annorum vulnerabatur scilicet globulo semur penetrante, ad octo digitorum transversorum distantiam ab inguine. Mox aderat valida hæmorrhagia, quæ apparatu Chirurgico impolito coerceretur: sequenti die apparebat ingens tumor cum pulsu tam valido, ut ambas manus impositas attolleret: sanguis interim per vulnus ad tres, vel quatuor uncias sæpe effluebat, dein sponte iterum sistebatur. Sic ad quadragesimum ulque diem ab inflicto vulnere res se habuit. Communi tunc consilio, licet febris, & collapsæ vires aëri summum indicarent periculum, conclusum fuit locum affectum aperiendum esse, & arteriam vulneratam ligandam, ut coerceretur hæmorrhagia. Inciso loco, ingens grumulosi sanguinis moles in conspectum venit, quam propriis manibus SEVERINUS abstulit, pondere sex libras æquantem: mox arteria vulnerata, hoc pondere comprimente liberata, cum saltu sanguinem emisit: Peritissimus Chirurgus semilaceram arteriam ligavit utrimque, & post sex hebdomadas vulneratus integre sanatus fuit, sic ut semur vulneratum nec mole minus, nec rore debilius manserit (e). Docet hæc historia, quam immani copia sanguis possit colligi in panniculo adiposo, & quam longo tempore extravasatus sine corruptela maneat, modo acri non detur liber aditus.

Quis jam tumor talis quædam habet cõmuni signa cum Aneurismate proprie dicto, ideo vocaverunt eodem nomine; ut tamen distinguerent, dixerunt *Aneurisma spurium*. In vero enim Aneurismate tunicæ arteriæ, debilitatæ quavis, manebant tamen coherentes, & sanguinis impediabant exitum; in spurio autem ruptæ tunicæ sanguini liberum concedebant. Vocabulo minus ambiguo utebantur Veteres, dum tale malum appellabant *iniquum*, quam plerumque una cum contusione, & ruptione incidere dixit Galenus (f); quamvis & per anastomosi, diapaedesi, & anabrosi, aliquando fieri moncat. Tumores minoris molis, ab effuso sub cute integra sanguine, hoc nomine adhuc hodie solent vocare Chirurghi, si a majiori arteria lacerata tumor insignis mollis fiat, imprimis si aliquis pulsus in tali tumore percipiat, solet Aneurisma spurium vocari.

Aneurismatis mentio non fit apud Hippocratem, quantum novi; sed definitio Aneurismatis, quam Galenus habet (g), potius conveniret spurio hodie dicto Aneurismati. Dicit enim: *Arteriæ autem apertæ affectus Aneurisma vocatur: fit autem, quum illa vulnerata ad cicatricem quidem peti-*

T 4

[e] Ibid. pag. 51. (f) Method. Med. lib. IV. cap. 1. Charter. Tom. X. pag. 79. (g) De Tumoribus præter naturam cap. 11. Charter. Tom. VII. pag. 119.

venis circumsposta cutis, manet tamen vulnus arteriae, nec coecum, nec cicatrice obductae, nec carne obturatae. Signa tamen, quibus hunc affectum distinguit ab aliis tumoribus praeter naturam, potius Aneurysmati vero conveniunt. Addit enim: *Dignoscuntur hujusmodi affectus pulsibus, quos edunt arteriae; sed & quum comprimuntur, tumor omnis delitescit, substantia, quae ipsum officit, in arterias recurrens; quam alibi ostendimus, tuncum esse, & flavum quandam sanguinem tenui, & copioso spiritui permixtum: hic vero sanguis longe calidior est illo, qui in venis continetur, & vulnerato Aneurysmate erumpit, ut vix sisti possit.*

Causa ergo Aneurysmatis spurii poterit esse omne illud, quod continuitatem laterum canalis arterioli solvit, integra interim manente cute; vel saltem sic obturato cutis, si adsit, vulnere, ut sanguinis effluentis liber prohibeatur exitus: unde in cellulosa tunicam aggestus tumore distendit partem.

Maximi autem momenti est distinguere Aneurysma spurium a vero; unde signa illa accurate cognosci debent. Novimus Aneurysma spurium adeste, ex causis praegressis, imprimis validis contusionibus, quod longe velocius sit tumoris incrementum in Aneurysmate spurio, quam in Aneurysmate vero. Deinde quod tumor non ita distinctis limitibus circumscribatur, quia per tunicam cellulosa quaquaversum dispergitur: in Aneurysmate vero autem dilatatis arteriae tunicis limitatur tumoris ambitus. Praeterea Aneurysma verum, saltem in initio, antequam in formidabilem molem excreverit, manifestum pulsuum, arteriae pulsibus respondentem, habet; Aneurysma spurium non adeo manifestum, licet tamen hoc aliquando fallere possit, uti in Historia ex SEVERINO modo allegata patuit. Aneurysma verum, nisi jam maximum fuerit, si prematur, omnis tumor evanescit, sanguine pulso in arteriae cavum: hoc in Aneurysmate spurio non ita fit, illud enim pressum cedit quidem, sed tumor tunc in vicinia augetur. Deinde color cutis in Aneurysmate vero, saltem in initio, raro, vel nunquam apparet mutatus, in Aneurysmate spurio sanguis, sub cute effusus, alieno colore cutim deturpat.

Effectus Aneurysmatis spurii praecipui sunt, quod effusus sanguis mole sua aliena loca occupans vicinarum partium actionem impediatur, & tandem mora corruptus talem possit acquirere acrimoniam, qua inflammationes, gangraenas, & erosiones pessimas faciat. Si autem aeris accessus prohibeatur, diu incorruptus manere potest effusus sanguis, imprimis si talia applicentur fomenta, quae putredini quam maxime resistunt. De his autem, & de cura similium malorum dicitur §. 334, & sequentibus.

§. 179. **A**lii effectus arteriae dissectae majoris (161) ex physiologia sponte intelliguntur, ut & phaenomena (162) primo nervi dissecti.

Omnia haec explicata sunt in commentario §. 161. 162.

§. 180.

§. 180. **U**T vero clara clausa habeatur mirabilium effectuum, qui in nervis punctis, vel partim dissectis apparent, juxta dicta (163. 164. 165.) sequentia consideranda ex Anatomicis, & Theoreticis.

Nihil magis mirabile habetur in observatis Medicis, quam quod in homine sanissimo levis punctura nervi turbet omnia in toto corpore sic, ut nihil de pristina sanitate superfit. Immanis enim dolor, acutissima febris, deliria, convulsiones, inflammationes, suppuraciones molestissimae, gangraena, mors ipsa sequuntur aliquando leve adeo vulnusculum. Sed & tota historia Medica docet, mutatione levissima nervis indulta, aliquando turbari mirifice omnes corporis actiones.

Titillatio v. g. ad plantas pedum quantas potest inducere mutationes / subsiliunt illico omnes fere muscoli, & tendines totius corporis, invito risu extorquetur, resolvuntur statim omnes vires; atque etiam convulsiones, & mortem ipsam a tam levi causa secutam fuisse constat. Imo semel hanc molestiam experto titillationis minae intentatae similia produciunt. Simplex agitatio plumulae in naribus, vel faucibus, vermium reptatio in ventriculo, pituita ibidem fluctuans, levi tantum mechanica mutatione nervis hic dispersis indulta, totum corpus adeo mirifice turbant.

Quamvis ex fabrica corporis, quatenus hodie cognita est, non possint explicari omnia illa mirabilia, quae a nervis mutatis fieri in corpore observantur, multum tamen lucis illius cognitio affundet illis malis, quae nervos vulneratos sequuntur. Unde ex Anatomicis, & Theoreticis haec consideranda sunt.

§. 181. **N**ervus omnis visibilis est fasciculus minorum nervorum, membranulis nexorum, arteriolis, venulis, lymphaticis intertextis, una dein communi membrana vestitus.

Per omnia haec vascula, nervum componentia, perpetuo fluit liquor suis canalibus proprius a corde, cerebro, cerebello, & medulla spinali. His omnibus vis contractilis fatis magna semper adest.

NERVUS OMNIS VISIBILIS &c. Agitur enim hic tantum de illis nervis, qui oculis lustrari possunt. In illis autem, ut dictum fuit in commentario ad §. 162., invenerunt Anatomici, quod possint separari in minores alios, qui singuli iterum aliorum nervorum, sed longe minorum, fasciculi sunt. Leeuwenhoekius nervulum, pilo procino non crassius, invenit ad minimum constare triginta aliis minoribus, qui singuli propria iterum membra, na vestiebantur; idem postea & in longe tenuioribus vidit (6). Praeterea vidit & vascula tenerrima sanguinea inter medias has fibrillas decurrentia, Anatomicae injectiones, in junioribus imprimis corporibus factae, docuerunt, vasa numerosissima per totam nervi substantiam decurrere. Nervi

ergo

ergo omnes visibiles minimam partem suae molis debent substantiae nervosae proprie dictae, quae medullae cerebri, & cerebelli, in oblongatam, & spinalem dictam medullam collectae, originem debet. Vaginalae investientes minores fibrillas, nectentes membranulae, vasa omnis generis per has dispersa, praecipuam partem nervi visibilis constituunt. Sic descendunt tenerissima illa, & omnem captum sagientia vascula, & deducuntur tuto ad illa corporis loca, ubi crassioribus involucris depositis nervi munere fungi debent. Nervus opticus, membranis investientibus ab utraque cerebri meninge donatus, in suo decursu tenax, & firmus apparet; ubi depositis his involucris in oculi fundo in tunicam retinam expanditur, tam mollis est, ut, nisi aequabili pressione ambientis liquidi sustineatur, collapsus informis mucii speciem exhibeat. Per mediam tamen tunicam retinam numerosissima vasa arteriosa dispergi, docuerunt evidentissime Anatomicae injectiones.

PER OMNIA HAEC VASCULA &c. Omnia haec vascula, quae nervum visibilem constituunt, accipiunt liquida proportionalia vi cordis, & arteriarum pulsa: de illis autem vasculis, quae tunicas investientes fibrillas nerveas constituunt, nullum videtur esse dubium, cum injectiones Anatomicae doceant, arteriosos ramos impulsu liquidum huc deducere. Sed ipsos proprie dictos nervos pervios esse, & perpetuum tenuissimi liquidi per illos motum fieri, non potest ad sensus demonstrari. Si tamen consideretur, medullam cerebri, & cerebelli, cortici vasculoso continuatam totam, impendi constituendis fibrillis nervosis, & in illas continuatis porrectione abire; tantam copiam purissimi sanguinis arteriales ad cerebrum ferri; destructa vel compressa medulla cerebri, & cerebelli omnem functionem nervorum inde ortorum tolli; nervis in suo decursu ligatis omnem perire actionem sub ligatura, illam vero integram manere supra ligaturam; patebit satis evidenter, nerveas fibrillas subtilissimum fluidum, cerebri, & cerebelli fabrica secretum, recipere, & deducere toto vitae tempore per distinctissimos canaliculos ad singula corporis loca; ut motuum, & sensuum adeo distinctae operationes perfici possint.

Omnis ergo nervus visibilis laesus non patitur tantum, quatenus est nervus, sed etiam quia omnis generis vascula habet, quorum integritas, & inde pendens actio per vulnus laeditur.

Quia autem in sua origine ex medulla encephali distinctissimae fibrillae nerveae, in decursu propriis investiantur membranulis, sicque manent separatae a vicinis; & totus fasciculus nervorum constituens nervum visibilem involvatur communi tunica satis crassa, patet, quare omnis nervus visibilis tenax, & durus appareat, licet illud, quod proprie nervus dicitur, mollissimae encephali pulvae propago sit. Tota ergo nervi visibilis contractilitas, qua discissi extrema resiliunt, a tunicis nerveas fibrillas investientibus, & vasculis per has dispersis, pendet.

§. 182. **E**rgo partes nervi integre dissecti a loco vulneris versus firmas partes, quibus nectuntur, retrofiliunt, sub solidis ambientibus se recondunt, eorum vi comprimuntur, officia

orificia claudunt sua, & suorum vasculorum, adeoque praeter dicta (162) nihil damni.

Si jam nervus talis, descriptus praecedenti paragrapho, integre discindatur, tunicae investientes singulas fibrillas, uti & involucrum tegens omnes simul collectas, elasticitate sua, & nexu cum vicinis partibus, retrahentur utrimque. Cum vero arteriae satis etiam notabiles discissae, retrotractae, vicinorum pressione, sub quibus occultantur, & propria contractilitate sic claudantur, ut nihil sanguinis transmittant; patet satis, tenerrima nervosa vascula, uti & illa, quae per horum tunicas investientes seruntur, illico caudi, nec amplius humores allatos transmittere posse. Omnes ergo functiones, quae ab integritate horum vasorum pendebant, erunt abolitae; sientque illa mala, quae §. 162. enumerata sunt.

§. 183. **S**I sectus, vel punctus ita sit, ut nonnulli nervulorum dissoluti sint, qui uniti majorem component, partes solutae retrocedentes (182) trahent minimas fibrillas, quae necdebant nervulos inter se, & vascula (181), unde fiet in his perpetua, lenta laceratio; adeoque dolor ingens, acutus, continuus. Partes vero adhuc cohaerentes sustinebunt nunc solae omnem vim, quam ante simul; ergo plus distrahentur, & lacerabuntur, adeoque acutissime dolebunt, & distractae comprimuntur; ut transitus impediatur. Dum una pars soluta, altera cohaerens, ita afficiuntur, vascula intermedia comprimuntur; ergo sanguis, lympa, spiritus sistuntur, urgentur, accumuluntur, unde circa partes inflammatio cruenta, lymphatica, & spirituosa.

Inde nervi vicini, tendines, horum & nervorum vaginae, muscoli, vasa, tenduntur, stringuntur, convelluntur, hinc cerebri, cerebelli, medullae spinalis meninges trahuntur, vellicantur, cerebri actio turbatur.

Ex quibus sequitur series omnium phaenomenon (163. 164. 165.) naturali necessitate.

Si jam nervus visibilis, constans plurimis nervulis sibi mutuo accumbentibus, proprio involucri vestitis, & una communi membrana tectis, sic laedatur, ut quaedam ex his nerveis fibrillis, sua adunatione majorem nervum constituentibus, discissae fuerint, quibusdam integris relictis, peribunt omnes functiones, quae ab integritate fibrillarum, nunc a cohaesione separataram, pendebant. Praeterea ex dictis §. 158. N. 1. separata haec fibrillarum extrema recedent plus a se mutuo, sed hoc non poterit fieri, quia membranulae necantes fibras nerveas sibi mutuo accumbentes distrahantur, & lacerentur; sicque acutus, & continuus dolor oriatur. Fibrillae autem integrae relictae sustinebunt nunc solae omnem illam vim, quam antea unitae

tae ferre debebant, dum vario musculorum motu, articulorum flexionibus, extensionibus, articularum pulsu &c. mutatur situs partium: necessarii ergo magis distraherentur, unde iterum ingens dolor nasci poterit. Si enim concipiatur nervus integer constitisse centum fibrillis nerveis simul collectis in unum fasciculum, & quod per vulnus factum quinquaginta fuerint discissi, reliqui integri duplo plus distraherentur ab iisdem causis, quia dimidium cohaesionis, qua resistebant causis distrahentibus, ablatum est. Demonstratur autem fuit §. 112. N. 3. omnem causam, quae vasa distrahit, & elongat, minuire eorundem capacitatem, hinc obstructionem facere posse: unde iterum sequi possunt infinita mala. Sic incipimus videre, quatenam mala fiant a nervis vulneratis, nec integre discissis tamen: dissectae enim partes resiliunt utrimque contrahent orificia dissectorum vasculorum, & liberum humorum transitum per illa impediunt: cohaerentes adhuc fibrillae minus poterunt resistere causis distrahentibus; hinc elongabuntur, & minuent suorum vasorum diametros: unde & ab hac causa impediatur liber circuitus fluidorum per haec vascula, & inde impetu vitalis liquidi a tergo urgente in loca obstructa fiet inflammatio, non tantum in majoribus sanguineis vasis, sed etiam in reliquis decrecentium serierum vasculis ad ultima subtilissima usque nempe nervosa, idem obtinere poterit. Quam enormes autem inde fieri possint dolores, docent Podagra, Rheumatismus, Arthritis, in quibus morbis terribissima vascula inflammata exquisitos adeo cruciatus faciunt. Sed natam inflammationem sequi poterunt varii ejus exitus: qui iterum adeo diversi sunt, prout inflammatio in majoribus, vel minoribus vasculis haeret. Post phlegmonem blanda suppuratio sequitur; Erysipelas exulceratum, in minoribus vasis haerens, tenuis ichorosum liquidum fundit, Rheumatismus verus suppuratur nunquam; Podagra in subtilissimis nervosis vasculis haerens, consumit partes etiam solidissimas in calcem &c. unde iterum innumera mala oriri possunt.

INDE NERVI VICINI &c. Sic factum invenimus corpus humanum, ut unico nervulo laeso partes vicinae, imo aliquando & satis distitae, afficiantur. Dum dentis adamantina crassa fissa, vel corrupta nudaverit fibrillas nerveas subtilissimas, per dentis substantiam interiorem dispersas, frigidi aeris attractus solus intolerabili dolore afficit non tantum dentem affectum, sed & totum latus capitis denti dolenti respondens; & elevantur vicinae partes saepe in enormem tumorem: destructo nervo dolente per alcohol applicatum, vel & evulso dente affecto, cessat omne malum. Dum infortunato casu acus infixus indicis digiti ultimae phalangae tendinem laedit, mox dolor enormis per totam molam manus, carpum, cubitum, ad humerum usque perrexit, inflammatio saevissima, in subitam gangraenam tendens, omnia haec loca occupavit: febris acutissima, phrenitis, convulsiones, mors tandem quarta die a tam levi vulnere secuta fuit. Similia plurima exempla apud Hildanum, & alios observatores habentur, ex quibus patet, a levi punctura nervi, vel & tendinis, mox vicina omnia affici, dein corpus turbari in omnibus suis functionibus posse ad mortem usque. An autem propagatio mali in uno nervulo orti ad vicinos omnes, & ad cerebrum usque fiat per continuationem membranarum investientium nervos, quae cerebri meningum productiones habentur; an vero hoc fiat irritatione ipsius

sub:

Substantiae nervosae proprie dicendae, quae medullae encephali propagio est; hinc non disputo: sufficit post nervorum laesionem similia mala sequi, & forte utraque haec causa concurrat. Sic membrana renum pelvini inveniunt per ureteres, vesicam, urethram, continuata propagine deferuntur; dumque asper calculus in pelvis angustia haerens internam hanc invellens membranam vellicat, dolor saepe in extrema sentitur urethra, & molestissima stranguria. Dum tendinea illa membrana musculos humeri, & cubiti regens lanceolae cuspidem in venae sectione laeditur, dolor, inflammationis, & reliqua symptomata brevi se per totum hujus membranae ambitum dispergunt.

Ex quibus sequitur &c. Qui jam confecti illa phaenomena, quae §. 163. 164. recensita sunt, cum illis, quae dicta sunt hac paragrafo, & binis praecedentibus, sine difficultate videbit rationem, quare nervum laesum tot, ac tanta mala sequantur.

§. 184. **E**T intelligitur, quae, & cur punctura, laceratio, vulnus nervi adeo funesta? Item cur membranis, tendinibus, vasisque multis eadem fiant.

Quo nervus magis tensus est, quo pauciores fibrae laesi nervi integrae remanserint, eo major distractio illarum, eo saeviora symptomata nascuntur, & acrior aderit dolor. Nervum autem minime tensum, vel & integer discissum, non sequuntur tam dira mala. Membranis autem, cum nervos per suam substantiam dispersos plurimos saepe habeant, similia acciderent, nulli mirum videbitur, uti & tendinibus, qui muscularibus fibris continuati & hinc nervorum propagines videntur esse, ut dictum in commentario §. 164. Idem jam in vasibus obtinebit, ex membranis convolutis factis, per quas nervi pariter disseminantur, sensui, motui, & nutritioni inservientes.

Hactenus actum fuit de vulneris definitione, causis, & effectibus, deinde de enarrata sunt fideliter omnia illa, quae vulnere simplici accidunt a primo momento, quo inflictum fuit, ad perfectam sanationem usque. Postea consideravimus, quanam vulnere accidunt mala ab arteriis, nervis, tendinibus, membranis &c. laesis. Deinde tradita sunt illa signa, per quae vulnus praesentia noscitur, & simul determinatur, quanam corporis partes per vulnus laesae sint. Ex his tunc deducebantur illa, quae de vulnere jam cognito erant praesagienda circa vitam, vel mortem vulnerati, curationem brevem, & facilem, vel difficilem, & longam, & laesiones functionum post vulneris curationem superstites futuras. Postea ex fidelissimis observatis, & cognita humani corporis fabrica, determinatum fuit, quanam vulnera lethalia forent dicenda, & quibus sub cautelis: an nempe absolute lethalia essent, destructis per vulnus partibus necessario ad vitam requisitis, sic ut ab arte hodie cognita nullum posset auxilium expectari. An vero ex sua natura quidem lethalia, per artem tamen forent curabilia. Denique an mors secuta post vulnus penderet non a solo vulnere, sed ab aliis simul concurrentibus causis, a vulnere infecto distinctis. Ex quibus

quibus intellectis patebant illa, quae ad Iudices renunciari debebant circa vulneris inflicti naturam, & effectus. Tandem ex Anatomicis, & Theoreticis ratio reddita fuit mirabilium effectuum, qui nervos punctos, vel partim dissectos sequuntur. Superest nunc, ut de vulneris cura generali agatur.

§. 185. **U**T vulnus Sanetur, opus erit:

1. Auferre ex eo illa, quae vel a liquidis, & solidis corruptis, vel ab instrumento vulnerante, aut aliunde, ibi relicta adunationem impedirent.
2. Supplere perdita nova regeneratione ablati.
3. Unire separata, & in adunatione retinere.
4. Cicatricem naturali cuti simillimam obducere.

Sanatio, uti dictum in commentario ad §. 4. est mutatio corporis viventis talis, ut conditio corporis, quae vocabatur morbus, tollatur, & restitatur illud, quod ablatum faciebat morbum. Sed vulnus est soluta cohaesio recens, & cruenta partium mollium, a corpore duro, & acuto facta. Sanatio ergo vulneris erit restitutio cohaesionis naturalis partium per causam vulnerantem separatarum. Sive jam simplex addit divisio partium, antea cohaerentium, sive magna facta fuerit iactura substantiae per causam vulnerantem ablatae, vita superstes in vulnerato unit separata, restituit perdita (vide §. 158. N. 9.) inimitabili artificio. Medici, & Chirurghi illa tollunt, quae salutare hoc naturae molimen impedire poterant, & suppeditant talia, quae juvare possunt: hoc totum est, quod ars habet. Qui plus sibi sapere videntur, tentent in cadavere levis tantum vulnusculi consolidationem, applicent decantatissima balsama vulneraria, foveant calore repente sani corporis: eventus docebit, naturam creati corporis sibi soli sufficere, sine hac nihil fieri posse per artem. Sequentibus numeris recensentur illa, quae in omni vulnerum curatione semper requiruntur.

1. Omne, quod haeret in vulnere, alienae a corporis nostri partibus naturae, nunquam poterit conrescere, & impeditet semper partium separatarum unionem, quamdiu ibi haeret. Dum elevata cutis lanceola discinditur, & vulnere imponitur purissimo ex auro factus globulus, conrescent nunquam vulneris labia, sed manebit ulcus per annos pus quotidie fundens: si tollatur illud peregrinum, nisi penitus callola facta fuerint jam labia continuo attritu ad durum hoc corpus, paucis diebus consolidabitur. Non refert jam, an illud peregrinum fuerit pars instrumenti vulnerantis, an aliud quid, quod una cum hoc in vulnus penetravit; an vero effusi humores, vel solidae partes, a causa vulnerante sic mutatae, ut amiserint illas dotes, quae requiruntur, ut partibus vivis iterum uniri possint. In bellicis conflictibus globi sclopetis emissi, dum vestes penetrant, saepe partem illarum simul in vulnus abripiunt; sicque talium vulnorum consolidatio per menses plurimos, imo per annos protrahitur. Nobilissimo viro sclopeti globo foemur dextrum perforatur; os femoris a globo transeunte frangitur, restitueba-

tuebatur ab hoc vulnere sic, ut incedere potuerit; mansit tamen per viginti annos ulcus fistulosum, exeuntibus subinde ossis fragmentis. Postquam temporis spatio toleraverat has molestias, aucto dolore, & fere continuo reddito, ex consilio celeberrimorum Medicorum, & Chirurgorum dilatatur cultro fistulosi ulceris orificium, extrahitur festuca ossa tres polices longa, postea & tres aliae: tandem in fundo ulceris invenitur portio panni ex femoralibus una cum globo vulnus ingressa. Aliquot diebus postea prodibant tria fragmenta ferrea rubigine obdusta, quae clavis, quam in sacculo gestaverat aeger illo die dum vulnerabatur, partes fuisse apparebant. Tanto temporis spatio haec peregrina in vulnere latuerant, ejusque consolidationem impederant [i]. Patet ergo haec tollenda esse, si fieri possit.

1. Si jam vulnus factum fuerit cum magna jactura substantiae, non poterunt labia vulneris uniri, conrescere, nisi prius illud perditum fuerit nova regeneratione restitutum: nimis enim distant a se invicem, & licet vi facta per futuras, vel Emplastra tenacia adducerentur sic labia vulneris, ut contigua fierent, maneret tamen sub labiis unitis cavum, in quod humores effusii colligerentur, & sinuosum facerent ulcus.

3. Notarum fuit §. 158. N. 1. quando phaenomena omnibus vulneribus communia recenscebantur, quod partes corporis, inter quas causa vulnens adaeta fuit, sensim magis magisque a se mutuo recedant: sed, ut vulgus curetur, requiritur, ut partes separatae iterum fiant contiguae. Hic ars naturam adjuvat, uniendo partes separatas, & sic illas muniendo, ut maneant adunatae.

4. Quod tamen saepe fieri nequit, quando valida suppuratio multum consumsit pinguedinosae tunicae, vel magna pars cutis per vulnus ablata fuit: tunc enim semper cicatrix solidior, magis polita, & splendens erit, quam vicina cutis.

Haec sunt generalia indicata in omnium vulnorum curatione, quae quomodo obtineri possint dicetur in sequentibus.

§. 186. **F**ragmenta impacta metallorum, lapidum, ligni; vitri, globi tormentorum, thrombi cruenti, caro mortua, vel membranae, ossa fracta, primo tollenda, si proderit.

Casus illi in hodiernis bellicis conflictibus frequentissimi contingunt, dum tormenta bellica lapidum, & metallorum fragmentis variis onusta (*mer Schrood geladen*) in adversos hostes exploduntur, & difficillimae curationis vulnera faciunt. Omnia haec in vulnere relicta, dum vulnus incipit tumere & inflammari, partes, quas tangunt, contundunt, callosasque reddunt, inflammationem augent, tandemque in fistulosa ulcera degenerare faciunt, non curanda, nisi per artem, vel per suppurationem in contiguas partes excitatam, educantur. Idem verum est, si thrombi sanguinis concreti, vel partes solidae corporis abscessae, & ab omni nexu cum vivis partibus libe-

rac,

rac, in vulnere haerent. Si enim v. g. ossis fragmentum adhuc cohaereat cum vivia partibus, spes est, quod iterum uniri possit. Semper autem advertendum est, quod si talium heterogeneorum in vulnere haerentium educio non possit fieri, quin metuantur gravia inde secutura mala, tunc potius haec relinquenda sunt, & naturae committenda est horum separatio. Quomodo autem determinetur, an tollenda sint, an relinquenda, sequens docebit paragrahus.

§. 187. **C**onsiderata natura vulneris, partis vulneratae, materiae impactae, roboris aegrotantis, symptomatum secutorum, tolli, an relinqui debeant, judicatur.

In periculosis vulneribus imprimis summa cautela opus est, ut determinetur, an heterogenea in vulnere haerentia tollenda sint, an vero relinquenda. Si omnibus attente consideratis appareat, quod vulneratus, his educitis, commodius, vel diutius victurus sit, tunc procul dubio tollenda sunt. Sed si vulneris ex scientia Anatomica, & functionibus laesis, talis conditio appareat, ut certa, & satis subita mors timeatur merito, relinquenda sunt, ne mortis vulnus secutae culpa imputetur Medico, vel Chirurgo. Desperatos enim non attingere melius est. Si pars vulnerata non possit instrumentis, ad educationem illorum, quae in vulnere haerent, necessariis attingi sine periculo, relinquenda pariter: ut si v. g. circa loca admodum tendinosa, nervos majores, cerebrum ipsum, haec peregrina haerent, non sine magno discrimine tolli possunt. Sed & quaedam corpora tutius relinqui possunt in vulnere, quam alia, prout diversa constant materia. Sic innumera observata docuerunt, globos plumbeos, per vulnus ingressos, impune latuisse in corpore per plurimos annos, & miras postea laepe fecisse vias, per quas tandem exirent. Ex cupro, vel ferro si constati fuissent, rubigine corrupti irritassent longe plus partes, quibus accumbunt. Simul ratio haberi debet virium vulnerati: si enim pulvis debilis, frigus extremorum, pallor cadaverosus doceant, vitale robur admodum jam imminutum esse, prudentia jubet, ut a molesto vulnere scrutinio per instrumenta Chirurgica absteineatur omnino. Mirabilia enim observata docuerunt, sponte postea prodiisse heterogenea relicta in vulnere, quae sine summo periculo educi non potuissent antea. Juveni viginti sex annorum bregmatis os dextrum in medio transfigitur sagitta ferreo cuspe armata; dum vulneratus tentat evellere sagittam, rumpitur lignum prope ferreum cuspidem, qui in vulnere manlit. Satis bene se habuit usque ad septimum diem: tunc incisione facta inventum fuit os bregmatis circulari foramine perforatum, & apparebat cuspis relictus sagittae. Bis applicato trepano ingens portio calvariae excidebatur, & dura mater disceidabatur per totum foraminis facti ambitum, nec tamen poterat educi cuspis sagittae relictus. In latere opposito vulnere siebat paralysis, suppuratio ingens nascebatur, fungi cerebri nascebantur frequenter: tertio jam elapso mense specillo tangebatur in ipsa cerebri substantia cuspis ferreus, Chirurgus tentabat educere, sed convulsionem mox ortae impediabant, ne pergeret. Circa finem
quarti,

quarti mensis sponte se offerebat in vulneris apertura cuspis ferreus sagittae, qui tunc tenaculo prehensus educebatur facile sine ullo damno, & post viginti dies adeo periculosum vulnus cicatrice obductum fuit. (κ) Plura alia habentur observata apud auctores, quae docent, melius relinqui aliquando in vulnere heterogenea, quae postea folius naturae beneficio excluduntur.

§. 188. **E**X iisdem (187.) definitur instrumentum, & modus, quibus tolli queant. (186.)

Primo examinatur, an per vulnus factum instrumenti vulnerantis pars relicta possit educi sine dilaceratione partium, an vero illud prius dilatari debeat, vel novo vulnere facto in parte v. g. opposita commodius possit eximi. Sic tela hamata, in vulnere relicta, non possunt per vulnus factum educi, sine magna dilaceratione partium vicinarum; hinc in tali casu vulnus potius dilatandum foret: vel, si fieri posset, protrudendo telum per oppositam partem educi deberet, novo facto vulnere. Variæ nunc figurae & magnitudinis tenacula describuntur apud auctores Chirurgicos, quibus heterogenea in vulnere relicta protrahi possunt. Tamen summa hic opus prudentia, ne simul & semel magno cum impetu haec educantur: praestat enim prehensum tenaculo telum leniter agitare, ut sciri possit, an alicubi haereat sic, ut sine magna dilaceratione non possit educi; tunc enim potius relinquendum esset. Postquam autem inceptum in bellicis conflictibus pulvere pyrio uti, globi plumbei, sclopetis emissi, in vulneribus haerentes, non poterant adeo commode educi tenaculis in arte Chirurgica usitatis hæcenus; hinc novas excogitaverunt machinas, imprimis spiralem terebram cavo canali occultatam, ut tuto in vulneris fundum usque posset mitti, donec globo ibi haerenti occurreret; tunc prudenter circumrotando terebram molli plumbo insigunt, donec sic haereat, ut globus sequatur terebram, dum extrahitur. De his instrumentis, & modo utendi, videri possunt recentiores Chirurgi.

§. 189. **D**Epurato sic (186. 187. 188.) vulnere, si ablatum quid fuerit de corpore, id repleri debet, generata iterum materia simili perditæ. Id fit, si 1. vascula arteriosa, lymphatica, nervosa, &c. ita se habent, ut sua liquida bona excipiant, transmittant. 2. si liquidum bonum naturale debita copia, & apto impetu fertur in illa vasa.

Ablatis jam omnibus heterogeneis de vulnere, considerandum est, an vulnus tale sit, ut simplex tantum facta fuerit divisio partium, antea cohaerentium, per instrumentum vulnerans; an vero pars quaedam substantiae corporeae per causam vulnerantem ablata fuerit? In priori casu sufficit sola unio partium separatarum; in posteriori casu requiritur substantiae

tiae deperditae regeneratio. Partes corporis resectas omnino recrescere non posse amplius, licet applicarentur illis partibus, quibus antea cohaeserant, vulgo semper creditum fuit: quaedam tamen observata docuerunt, non semper de hoc desperandum esse. Militi mordicus auferebatur fere tota pars cartilaginea apicis nasi, quae in terram projecta conculcatur ab hoste, qui mordendo abstulerat. Vulneratus tollit nasi sui apicem, projicitque in vicinam Chirurgi officinam, tuncque ira flagrans hostem prosequitur. Redeunti postea, tepelacto vino prius immixtus nasi apex adaptatur iterum, tenaci firmatur Emplastro sic, ut in loco maneat: sequenti die jam unionis rudimenta apparebant, & quarto die omnimoda unio fit facta. (1) Simile habetur Exemplum, ubi index digitus dextrae manus sic intra januam, dum claudebatur, vulnerabatur, ut cutis & panniculus adiposus orbiculariter discissa circa ultimum articulum revolverentur una cum ungue sic, ut nudum fere os relinqueretur. Dum tentat reducere Chirurgus separatas has partes, videt integre ab omni cohaesione cum subiectis liberat esse: cavam tamen hanc chirothecam adaptat digito iterum, & post triduum perfecta unio facta erat. (m)

Similia observata probant possibilitatem methodi, qua CASPARUS TALIA-COTIUS, Medicinae, & Chirurgiae Professor Bononiensis, truncatas partes corporis, nasum, aures, labia restituebat singulari artificio ex cute brachii incisa, & adaptata truncis locis. Hanc rem satis fuse descripsit in libro, quem inscripsit *de Chirurgia Curtorum per insitionem*. Paraeus narrat exemplum hominis, qui diu argenteum nasi apicem gesserat, tandem pertaesus hujus deformitatis in Italia tali methodo curatus fuit: non sine magna admiratione omnium, qui illum antea noverant (n). Et apud Hildanum (o) habetur, quod GRIFFONIUS, Chirurgus ingeniosissimus, simili methodo, quam tamen debebat TALIA-COTIO, nasum abscissum restituerit virgini, sic ut vix appareret, fastidium esse nasum; uti saepius se cum admiratione summa vidisse testatur Hildanus,

Sed haec certe minus obvia sunt: & ubi pars quaedam substantiae in vulnere ablata est, vicina vasa elongata retexunt illud, quod perditum erat, mirabili naturae humanae artificio. Ut autem hoc fiat, bina requiruntur.

1. Inevitabili vitae, & sanitatis effectū quotidie de corpore pereunt quaedam, quae per alimenta, in nostram conversa naturam vi vasorum, & viscerum, restituntur. Est ergo in corpore sano potestas talis, qua valet reficere ex ingestis tot & talia, quot & qualia perierant de corpore. Sed totum hoc opus absolvitur vitali motu humorum bonorum per vasa liquidis proportionalia & sana. Requiritur ergo, ut in vasis sint illae condiciones, quibus possint recipere, deferre, & referre iterum, talia liquida, qualia in sanitate per haec vasa fluebant, Unde si nimia compressione, vel exsiccantibus fortioribus, vasa ardeant nimis, vulneris superficies sicca evadet, & inflammabitur, nec vasa transmittere poterunt illa fluida, quae in sanitate per haec vasa movebantur. Si nimis emollientibus tractetur vulnus,

laxa-

(1) Garengot. Operat. de Chirurgie Tom. III. pag. 55 (m) Ibidem pag. 57. (n) Liv. 23. chap. 2. pag. 574. (o) Centur. III. Obsev. 34. pag. 214.

laxata vasa cedent liquidis impulsis, dilatabuntur, & admittent alienos humores; & vasa sic ultra naturalem capacitatem expansa cum contentis fluidis constituent carnem fungosam distam, quae vulnere curam retardabit semper. Felix ergo restitutio perditum in vulnere, quatenus ad vasa, pendet ab eo, ut debita firmitas concilietur vasibus, quae nec nimis resistent, nec nimis facile cedant liquidis impulsis. Cum autem vasa omnia, superficiem vulneris constituenta, elongari debeant, ut restitatur perditum, major parum, quam in naturali statu requiritur, proderit emollio, & laxitas. Ideo dixit Hippocrates: (p) *Siquidem ulcus ocludere, & implere sit opus, tumescere juvat.* Et alibi: (q) *Quum vero carnem generare voles, pinguis, & calida magis conserunt.* Et Galenus (r) monet, ubi carni producendae studemus, maxime cavendum ab adstringentis medicamento. Dum autem quotidie vulneris superficiem lustrat Chirurgus, poterit videre, an major, vel minor emollio requiratur ad regenerationem perditum. Si enim vulneris superficies sicca appareat, & profunde rubri coloris, & parum puris generetur, novit statim vasa in vulneris superficie patula nimis resistere liquidis impulsis, nec illa transmittere. Si vero in omni puncto vulneris aequalis appareat humiditas, & modicus rubor, si aequaliter incipit fundus vulneris elevari quotidie, & latera extendi in omni ambitu, videt satis, vasa habere requisitam laxitatem, ut liquidis impulsis cedere, & elongari possint. Si vero vulnus nimia humiditate diffuset, fundusque ejus, & latera subito & inaequaliter attollantur, nimis laxata vasa esse concluditur, unde oppositis remediis opus est. Pulchre hoc distinxit Galenus, (s) de methodo curandorum ulcerum agens; dicit enim: *Carnis autem ipsius sanabis intemperiem, si squalens, & sicca videatur, aqua temperata saepius humectando &c. Scopus tamen hujus humectationis sit, ut, quamprimum rubescat, & attollatur partis moles, desinat.* Monet tamen paulo post, quod medicamentorum humectandi facultas plenior esse debeat, quam in sana carne praeceptum est. Si autem humidior, quam pro naturali habitu, caro fuerit, contraria facienda jubet.

Haec sunt illa, quae observanda sunt in vulnere, quoad vasa, ut fiat regeneratio perditum: sequenti numero dicitur, quid in fluidis requiratur ad eundem finem.

2. Debet hic recrescere nova substantia per vulnus deperdita; sed haec constat fluidis & solidis, sive vasibus continentibus, & liquoribus contentis. Debebit ergo adferri ad vulneris locum talis materia, in qua haerent partes requisitae ad hanc regenerationem perditum. Sed liquidum bonum naturale, sanitatis legibus per vasa motum, continet in se haec omnia. Inde enim quotidie restituantur in fluidis & firmis partibus illa, quae sanitatis actionibus de corpore pereunt. Alimenta enim non nutriunt, nisi prius per corporis nostri fabricam mutata fuerint in liquidorum humanorum indolem, & deposita natura propria induerint nostram. Requiritur ergo, ut tantum

V 2

de

(p) De locis in homine cap. 13. Charter. Tom. VII. pag. 372. (q) De affectionibus cap. 10. Charter. Tom. VII. pag. 611. (r) De methodo medendi lib. III. cap. 4. Charter. Tom. X. pag. 65. (s) De methodo medendi lib. IV. cap. 2. Charter. Tom. X. pag. 81.

de sanitate superfit, ut ex ingestis fieri possint boni, & naturales humores. Inde patet ratio, quare in cachochymicis corporibus difficillima, imo facpe impossibilis, in euehymis autem facilis sit perditæ restitutio. Præterea requiritur, ut bonum illud naturale liquidum idonea copia adsit, ut omnia aequabiliter possit replere vasa: Et inde iterum in vulneratis, qui per validam hæmorrhagiam magnam copiam boni liquidi naturalis amiserunt, curae patet difficultas; quæ augetur adhuc, quia cruda ingesta imprimis mutantur in nostram naturam a copia humorum bonorum, quibus miscuntur, uti demonstratum fuit in commentario ad numerum 1. §. 25. Neque hæc adhuc sufficiunt, sed requiritur, ut debito motus impetu liquida naturalia serantur per vasa. Languente enim hoc motu deficit omnis nutritio, vel saltem depravatur; uti in debilibus corporibus apparet. Dum nimia velocitate humores per vasa feruntur, destruitur corpus, non reficitur; uti in nimio labore exercitatis animalibus patet, & in illis morbis, in quibus nimia circulationis velocitas peccat.

Hoc jam totum est, quod ars facere potest: nempe ut vasa talia sint, qualia in sanitate fuerunt; & per hæc bona liquida debito serantur impetu: reliquum sibi soli sufficiens natura perficiet, uti dictum fuit §. 158. N. 9.

§. 190. **H**IS enim [189] fiet canalium vulneratorum, retrotractorum, obturatorum, compressorum, fere exsuccorum, [158] impletio, humectatio, extensio, elongatio, implicatio cum vicinis, applicatio ad alia, quæ ex reticularibus plexibus propinqua, & ope boni liquidi coglutinatio.

Demonstratum fuit in commentario ad §. 159. arterias discissas, etiam satis notabiles sensim contrahi, & obturari; hincque, nisi maximæ fuerint, hæmorrhagiam sponte sisti. Patet ergo evidenter, minora vascula discissa ab iisdem causis claudi, & sic impediri humorum effluxum: unde vi viarum, a tergo urgente in obstructa hæc dissectorum vasculorum oscula, nascitur inflammatio, & febricula, per quam majori impetu pulsus humores in fines vasorum contractos, illos protrudunt, elongant, & aperiunt; vel fines vasorum exsuccos omnino, & mortuos suppuratione benigna a vivis partibus separant. Sed cutis tenaci vinculo non amplius coercita hæc vascula ab impetu liquidi per hæc moti extenduntur, & elongantur sensim, & apertis jam osculis sua demittunt in vulneris cavum liquida; unde tota puri jam vulneris superficies humida apparet, & minimis quasi papillis sensim magis & magis elevatis hirta, quæ nil aliud sunt nisi pulposæ vasculorum protuberantium extremitates: dumque hoc fit in omni vulneris ambitu aequabiliter, sibi mutuo occurrunt crescentium vasculorum oscula, applicantur, & coalescunt; sicque renascitur perdita in vulnere substantia. Si, puro jam vulnere, mucosa illa renascentium vasculorum congeries detergitur quotidie a Chirurgo, destruitur illud, quod perditum restituere debebat; unde retardatur cura, & degenerat in ulceris sordidi naturam. vulneris superficies. Totum ergo, quod ars facit, ut in vulnere fiat regeneratio

neratio perditae substantiae, consistit in eo, ut vasa, & liquida per haec mota habeant illas dotes, quas optima sanitas requirit; & impetus fluidi, per vasa moti, nec nimius sit, nec langueat. Reliquum totum naturam corporis humani perficit, uti dictum §. 158. N. 9.

Conglutinatio autem illa videtur fieri per substantiae appositionem, non vero interpositione succi cujusdam ferruminantis, qui glutinis instar uniret separata vasculorum extrema. Videmus enim vasa, cutis, & epidermidis tegumento libera, si contigua fiant, condescere illico. Sic palpebrarum limbi excoriati unice noctis spatio concreverunt ita inter se, ut lanceola dividi debuerint. Imo digiti, pulveris pyrii ambustione ablata epidermide, contigui relictis concreverunt inter se quamfirmissime. Tantus est vasorum extremorum, & patulorum nixus, ut cum similibus concrecant, ubi contigua facta fuerunt.

§. 191. **E**T, dum haec [190] ab omni puncto fundi praecipue, & laterum, aequa vi simul fiunt, impletur ab omni parte ad centrum cavitas vulneris materie solida, & liquida, amissis simili.

Si jam omnia vasculorum extrema in fundo, & lateribus vulneris aperta fuerint aequabiliter, motus humorum per vasa ager aequali vi in omnia: hinc si in uno loco non fuerit major resistentia quam in alio, in omni puncto fiet aequabilis elongatio vasculorum. Si autem in quodam loco major laxitas fuerit, quam in vicinia, magis ibi distendentur, & elongabuntur vasa; sicque nascetur ibi fungosa excrecentia, quae vicina vasa comprimendo, aequabilem impedit vulneris consolidationem. Dum autem sic ab omni ambitu cavi vulneris protracta vasa sibi invicem occurrunt, & uniuertur, renascitur structura vasorum, quae perditam corporis substantiam redintegrat. An autem sic renata compages eadem sit omnino, ac ante vulnus fuerat, quis dixerit? simillimam saltem esse omnia phaenomena docent, & crassissima sanguinea vasa aequae ac tenuissima peripirantia sic renasci, experimenta docent. Si enim mucosam illam vasorum renascentium in cavo vulnere congeriem linteo rudius tangas, sanguis ruber exit. si leviter tantum attingas, tenuius exit liquidum; si laminam metallicam politissimam, vel speculum apponas, orietur in superficie polita talis corporis macula humida, brevi evanescens sine ulla sordibus relictis; manifestum indicio, patere in hac congerie etiam vasa talia, quae subtilissimum exhalans fluidum continent, & emittunt. Unde probabiliter concluditur, cum & vasa sanguinea, & minima exhalantia adsint, pariter hic inveniri inter medias vasorum decrecentium series.

Tamen haec regeneratio deperditae substantiae in corpore humano habet suos limites. Digni enim vel ultimum articulum abscissum nemo renatum vidit unquam. Vasa quidem in superficie vulneris concreta cicatricem faciunt, sed tota vita pars truncata manet. Hinc videtur restitui posse perditam corporis substantiam, quando ab omni ambitu vulnus centrum versus

elongata vasa concurrere, & uniri possunt; ubi autem simplici elongatione vasorum, quae in truncata parte supersunt, deberent restitui tot partes organicae abscissae, deficit natura, & bona cicatrice partem truncatam firmat. Quod tamen hominibus negatum est, illud aliis animalibus concessum esse merito mirantur Philosophi. Gammaris majoribus, & cancris marinis fractos, & separatos integre a reliquo corpore pedes renasci testabantur illi, qui maris littora habitant: ridebant haec tanquam fabulas, & rudis plebeorum commenta Eruditi: rem tamen verissimam esse detexit Peripateticissimus REAUMUR, cui tam pulchra debemus in animalium historia.

Absciderat magnus ille vir Gammaro alterum ex magnis illis forcipibus, quibus praedam suam prehendere, & tanta vi tenere potest; viditque post unum alterumve diem, subrubram membranulam vulnus factum tegere: paucis diebus postea incipit plana hujus membranulae superficies convexa fieri; deinde medium illius membranae quasi centrum elevatur in conicam protuberantiam; quae saepe post decem dies jam tres lineas Geometricas aequat longitudine. Membranulae elevatae color ruber in album mutatur, quodque in extremo ejus rubrum erat, secedit. Sub hac membranula tunc latet renascentis partis jam observabile rudimentum. Post quatuor vel quinque septimanas membranula haec coercens rumpitur, renata pars nuda apparet, sed mollis adhuc, paucis tamen diebus postea osseum tegumen habet, aequae durum, ac habuerat pars abscissa. Nec differt renatum hoc membrum a perditio, nisi magnitudine sola, quam tamen sensim acquirere videtur, & renascitur perfecte tantum, quantum abscissum fuerat, uti repetitis Experimentis in hoc animali patuit, dum forcipes, pedes, cornua in hoc animali in varia distantia a trunco corporis abscissa fuerunt (1).

Dum pars sic renata abscindebatur denuo, tamen iterum recrefcebat nova prioribus ablatis similis: nec haecenus constitit per Experimenta, an haec vis nova membra producendi in hoc animali exauriri possit. Sic videmus, in rebus Physicis singulares observationes docere plurima; generales conclusiones autem, ex paucis observatis cognitis deductas, fallere saepissime.

§. 192. **E**Rgo huc [189] requiritur 1. victus debitus, ut chylus, serum sanguinis, & materia nutrititia blanda, glutinosa, nec facile putrescens sit, sed facilis digestionis, & assimilationis. Decocta farinosa cruda, fermentata, Emulsiones, lac, Jura, fructus maturi cocti, olera lenissima, primaria sunt saepe, at pauca copia simul exhibita; repletionem, famem, sitim, cavendo.

Omne, quod regenerabitur de perdita substantia corporis, debet restitui per liquida ad vulnus allata. Sed liquida nostra, quae per vasa fluunt, sunt vel cruda ex ingestis nondum penitus mutatis in nostram naturam, vel talia, quae, vi vasorum, & viscerum, deposita aliena indole, omnes doctos

(1) Académ. des Sciences l'an 1712. Mem. pag. 296. &c.

dores nostrorum liquorum assumserunt. Ex ingestis jam alimentis per viscera chylopoietica factus chylus per multas horas una cum sanguine per vasa deferitur, uti constitit Lovveri experimentis §. 80. citatis: hinc erudum illud chylosum, una cum reliquis humoribus, ad locum vulnerum etiam deferretur; & quidem magis, quam ad reliquas partes, quia minor resistentia est in loco vulneris: unde observatum fuit in latis vulneribus, totam fere materiem nutritivam exire, & hinc corpus quotidiano pabulo defraudatum lentis marasmo perire. Nisi ergo bono victus regimine caveatur, ut chylus, ex ingestis alimentis natus, blandam habeat indolem, vulnus ab acriori chylo irrimbitur quotidie, & difficulter sanabitur. Agitur enim hic de vulneribus alicujus momenti, levia enim vulnera tantam cautelam non requirunt. Sed praeterea in vulneris cavam patulis vasorum orificiis multum liquidi effunditur, quod tenuiori parte resorpta vel distillata in bonum pus convertitur: si ergo chylus cum sanguine huc allatus constet talibus, quae in putridam degenerationem inclinant nimis ex sua indole, effusi humores stagnatione & mora in loco calido degenerabunt in putridum ichorosum; non mutabuntur in bonum pus: Ergo & talia vitanda sunt. Cum autem vulneratis quies necessaria sit, motus vero muscularis, & corporis exercitia plurimum conducant ad assimilationem crudi ingesti in naturam nostram, (vide §. 28. N. 2. & §. 43. N. 3.) patet, non posse exhiberi cibos, qui difficulter digeruntur; sed requiri tales, qui facile digerantur, & assimilari possunt. Aliter cruda plurima, cocta pauca ad vulnus deferuntur: sed a coctis solis, & in naturam nostram converfis, perditus regeneratio in vulnere potest obtineri.

Recententur jam hic talia, quae blanda indole, & facili assimilatione huic scopo imprimis inserviunt. Avena, hordeum, Fagopyrum, oryza &c. cum aqua, vel carniū jusculis decocta, blandum tale, & facile subigendum, nutrimentum dant, nec interim putrescunt. Ex horum farinis etiam leni fermentatione optima edulia fiunt, sic enim farinosus lentor tollitur. Panis hinc optime fermentatus, imprimis biscoctus; juscula carniū non nimis merata, & omni pinguedine orbata, tam pulchre profunt. Emulsionēs ex farinosis semimibis mollissimis cum aqua terendo factae jam fere chyli naturam habent. Lac aequali copia aquae dilutum hyemali tempore, aestate vero plus aquae misceri poterit pro potu communi: idem lac cum farinosis leviter coctum blandum cibum exhibet. Fructus horae maturi gratissimo sapore, & blando refrigerio multum profunt: leviter coquantur, ut omnis absit stercorulentia. Olera omnia mollissima, ut sunt Lactuca, Endivia, Spinachia, Sifari, Scorzonerae, Dauci, Tragopogoni, Pastinacae radices, jusculis incocta, optima sunt.

Omnia tamen haec, quantumvis salubria fuerint, poterunt nocere quantitate; si nimia copia simul ingerantur. Gravabitur enim inde corpus vulneratis quiescentis, multum crudi chyli sanguini miscbitur, mutabitur vulneris conditio. Si autem sic dividatur nutrimenti assumendi copia, ut omni bithorio aliquid sumatur, illud facillime assimilabitur; & humores, qui vulnus alluunt, habebunt semper fere easdem proprietates. Dum autem bis de die tantum majorem copiam alimenti sumunt, crudo chylo copioso onustus sanguis

ad vulnus defertur uno tempore; altero vero sanguis, chylus jam subaëto, aliam habebit indolem, unde alterna hac vicissitudine turbabitur vulneris conditio. Sed fames aequae vitanda ac nimia impletio; designat enim novo tunc pabulo corpus indigere: & omnes humores, nisi novo blando chylus demulceantur, fiunt acriores & subputridi. Diurnam enim inedia pafforum urina acris putridula, & halitus cadaverofus, hanc degenerationem humorum docent. Sed imprimis debet caveri, ne fiant vulnerati: fisis enim designat siccitatem corporis, vel immeabilitatem liquorum, vel acre liquidis mistum: sed omnia haec vulneri summopere noxia, cum ad restitutionem perditae aequabilis humiditas vulneris in omni puncto, liquidorum facilis meabilitas, & blanda indoles, requirantur omnino: hinc visus humidus, & blandi liquidi copiosior usus requiruntur: sic enim humescitur totum corpus in omnibus partibus, liquidis diluto major conciliabitur, & facilis meabilitas, acre nociturum copioso liquido dilutum enervabitur, & per sudoris, vel urinae vias exibat de corpore.

§. 193. **C**ognita temperies aegri, tempestatis ratio, consuetudo, & natura comitantis morbi, docet quale, & quo modo praeparatum ex his [192] cuilibet profuit.

Omnia autem haec, quae de visus regimine dicta sunt, variant pro diversa constitutione vulnerati, unde nulla potest dari generalis regula. Et cum belli tempore in Nosocomiis ingens vulneratorum numerus decumbit, & omnibus idem fere datur visus, plurimi pereunt, qui aliter servari potuissent. Totum enim, quod hic requiritur, est, ut sanitas superstes in vulnerato servetur, vel restituatur, si deficiat. Sed sanitas unicuique homini privata sua est, unde diversissima in solidis, & fluidis partibus corpora quamvis fuerint, tamen singula sana esse poterint; haec vocatur sanitas temperiei, ad quam ergo quam maxime attendendum est. Calidam enim & frigidam, humidam & siccam, biliosam, sanguineam, phlegmaticam, atrabilariam temperiem, propriis signis distinguunt Medici; & varium diatae regimen, imo saepe oppositum diversae temperiei hominibus convenire notant, ut singulis illibata conservetur sanitas. Sic v. g. ubi aquosum frigidum vulnerati temperamentum cognoscitur, tenues diluentes potus vitantur; roborantia, & excitantia exhibentur. Si vero humores densi, & compacti, solidae partes strictae & firmae fuerint, calidum & siccum temperamentum adesse dicitur; tuncque prolunt illa, quae in priori casu nocuissent. Idem in reliquis verum est. *Carnasus, mollioribus, rubris confert, majorem anni partem ficiorei diata uti; humida namque illorum natura est. Durus vero, graciles, fulvos, & nigros, humidique visum diuturniori tempore uti oportet, nam huiusmodi corpora sicca sunt.* (u)

Sed varia anni tempestas in eodem homine etiam diversum vitae genus requirit. Aestivis enim caloribus celerissimae degenerationes humorum fiunt, hyemali frigore tardissimae: carnes enim animalium hyemali frigore per-

septimanas servantur non corruptae; quae aestivis caloribus intra paucos dies in putridum defluerent tabum. Hinc sapientes veteres Medici tam sollicitè distinxerunt varium vivendi genus pro varia tempestate anni: hyeme cibum copiosum, meracum potum sed parcum, olera paucissima, & illa tantum, quae calefacerent, & siccarent, obsonia affata omnia commendabant: Aestate vero potum dilutum, & copiosum, obsonia elixa, olera mollia copiosa laudabant. Verno autem tempore sensim jubebant atgeri potum, sed magis dilutum; assis susstinebant elixa, ciborum minuebant quantitatem, sensim subducendo, ne subito magna fieret in corpore mutatio: sic pergebant ad dietam aestivam. Deinde iterum in autumnum cibos augebant, potus minuebant, sed meraciores dabant, donec ad hyemalem dietam gradatim sic perventum foret. (x) Cum autem bellici conflictus saepius aestiva tempestate fiant, & miseris vulneratis tunc jura carnis sola dentur fere, saepe adeo languent, & acidulos potus, maturosque fructus avidissime expetunt; a quibus tamen aliquando prohibentur.

Atque iterum variae aetatis ratione diversum indicatur dietae regimen, ut facile patet.

CONSUETUDO, quae altera natura merito dici solet, etiam hic considerari meretur. Durus arator, qui atro pane durissimo, & sale vel fumo conditis carnibus vivere consuevit, ut firmo corpore validos labores quotidie sustinere posset, si vulneratus decumberet, & solis carnis jusculis uti cogeretur, deficeret brevi; hinc tali homini solidiores cibi concedi possent, imo deberent. *A multo tempore consuevit, etiamsi deteriora fuerint, insuetis minus molesta esse solent*; sic monet Hippocrates: (y) idem autem in libro de victu acutorum latius deduxit, monens, quod homines cibos, quibus assueverunt, facile ferant, etiamsi natura non fuerint boni; & contra quod moleste ferant cibos, quibus non assueti sunt, quamvis mali non sint: idemque de potu affirmat [z]. Unde patet, prudentiam Medicam distare, ut consuetudini aliquid concedatur, quamvis caeteroquin artis regulis repugnet.

ET NATURA COMITANTIS MORBI. Haecenus dictum fuit de his omnibus quatenus in homine sano vulnerato dirigi debent: sed si notabilis cacochymia adfuerit ante vulnus inflatum, vel alias morbus vulnus comitetur, tunc omnis victus ratio sic dirigi debet, ut quam maxime contraria sit illi humorum degenerationi, quae a morbo, vel cacochymia vulnus comitantibus metuenda est. Si v. g. putrida Scorbutica cacochymia adfit, vel per validam febrem omnia in putredinem vergant; solis fere lacticiis, avena, oryza &c. fructibus horaeis acescentibus utimur: a carnibus, illarumque jusculis, ovis &c. abstinemus: si iners mucosa colluvies totum corpus obsederit, carnibus assis, vino, aromatibus &c. languentes excitamus vires.

Ex

(x) Ibidem pag. 221. 222. & de victus ratione sanorum lib. III. cap. 2. Charter. Tom. VI. pag. 479. (y) Aphor. 50. Sect. 2. Charter. Tom. IX. pag. 87. (z) Charter. Tom. XI. pag. 58.

Ex his omnibus accurate cognitis, & invicem comparatis, concluditur, qualia exhibenda sint in cibo, & potu; & quibus praeparationibus indigeant alimenta. Ingens enim diversitas ejusdem etiam cibi a varia ejus praeparatione nascitur. Caro vitulina recens cocta jusculum praebet, quod adhuc exhiberi potest, licet aliquis putridae degenerationis in humoribus metus esset; imprimis si pauculo succo citri addito exhibeatur: Eadem autem caro, per aliquot dies in aere aperto relicta, si coquatur, dabit jusculum longe citius putrefcens. Assa autem eadem caro vitulina magis adhuc in putredinem prona est, ignis vi acrioribus redditis salibus, & oleis hujus carnis. Frigidis piuitosis hominibus farinosa cruda nocens, eadem fermentata tamen concedi possent. Idem de plurimis aliis praeparationibus alimentorum verum est.

§. 194. **A** Cre, impetum nimis augens, vitandum. Salfum, Aromaticum, Acidum, olus acre, vinum, ergo vulneri mala.

Cum blanda sit adeo humorum nostrorum indoles in sanitate, ut sanguis ipse, & omnes inde secreti liquores, (si bilem, & urinam exciperis, quae tamen morae, & stagnationi imprimis natam acrimoniam debent) oculis insillati nullum dolorem faciant; & ex his ad vulnus allatis regenerari debeant perdita, videtur quamaxime profuturum, si tantum ingratissimae talia, quae nihil acris, nihil stimulantis in se continent, nec facile in acrem indolem mutari possunt. Nocent enim acria, quatenus ad vulnus delata cruda haec loca irritant; uti etiam, quia stimuli actione majorem humorum motum excitant, sicque impetum vitalis liquidi in tenerissima vascula, in vulnere resuscitantia, augent; unde haec saepe in fungosam carnem degenerant; vel per motum auctum inflammatione genita inperiphrabilis fit vulneris superficies obstructis vasculis; unde iterum cura retardabitur: totum enim illud iterum debet suppuratione facta separari.

Omnia ergo stimulantia, quocumque demum titulo commendantur, ex sua indole nocebunt vulneri: corpus enim vulnerati sanum supponitur. Si enim v. g. putrida cacochymia simul adesset, acida ingesta prodeffent, non vero nocerent. Neque hoc tamen intelligi debet, ac si paucula talia grana, vel guttulae aliquot succi citri jusculis carniarum addita nocitura crederentur: tam levi enim copia haec addita nimis facilem horum degenerationem in putridum poterunt praecavere; nevisquam tamen stimuli vice fungi poterunt. Nisi enim jusculis tale quid addatur, abhorrebunt breviter ab his vulnerati.

Vini pariter usus ob easdem causas reprobat; nisi languentes nimis vires, vel consuetudo aliud jubeant. Multi enim homines quotidie vino, vel aliis spirituosius uti consueverunt: illi, si abstinere cogantur, languent illico, & turbantur omnes functiones corporis: unde in simili casu moderata copia dari debet vinum, vel purum, vel dilutum, prout virium languor, vel consuetudo requirunt.

§. 195. **I**tem quae facile putrescunt. Jura nimis spissa, herbae alcaliscentes, ergo obsunt; raphani, nasturtia, brassica, & similia.

Non solum attendendum est ad illam indolem, quam habeant alimenta, dum ingeruntur; sed etiam respiciendum est ad illas mutationes, quae ipsis calore corporis, & mora contingere possunt. Uti enim ante dictum est, humores nutritivi, ex ingestis alimentis nati, ad vulnus deferuntur, & pro parte patulis vasibus effunduntur in vulneris cavum. Si ergo ingesta ex sua natura in putredinem admodum prona fuerint, metus est, ne humores ad vulnus delati non in bonum pus abeant, sed in putridum ichorosum degenerent. Cum ergo pisces, & imprimis marini, citissime putrescant, neque ferri possint, nisi multo sale condiantur, ideo prohibentur. Juscula carnum spissiora, gelatinae ex cornu cervi, vel eboris rasura paratae, aestivo tempore saepe intra viginti quatuor horas in putridum liquamen dissolvuntur. Accedit, quod spissiora haec juscula ventriculi gravant, nec facile digeruntur. In quibusdam plantis, uti dictum fuit §. 76., reperitur talis indoles, ut sponte corruptae non acescant, ut plurimae aliae, sed resolvantur in foetidum, volatile, pingue alcali; imo in quibusdam adest, sine ulla corruptela praegressa, acer, alcalinus, volatilis, sal, ut in raphanis, sinapi, nasturtiis &c. omnia haec nocent vulneri, quia in putredinem nimis vergunt, & acri stimulo irritant. Magis autem metuitur ab his, quae in putredinem prona sunt, quia omnes humores nostri ex sua natura in putridam degenerationem tendunt: illa vero vegetabilia, quae ex sua natura in acidum vergunt, spontaneae degenerationi nostrorum humorum resistunt; cum priora cum hac conspirent. In materia medica ad Sect. 76. catalogus herbarum alcaliscentium habetur, quae hic nocerent.

§. 196. **T**UM quae difficulter in chylum, & sanguinem mutantur. Qualia sunt quae sale, fumo, aere induruerunt; vel quae pingui multo scatent, ut lardum, pisces pingues, item anseres, anates, similes aves piscibus pastae, &c.; denique viscidula: ut legumina crassa, farinosa cruda, ova.

Qui valido labore corpus quotidie exercent, durissimos cibos avidè comedunt, illosque optime digerunt; levioribus cibis minime delectantur, nec possent requisitum ad labores corporis robur his sustinere; sed quibus otiosa defuit vita, a durioribus assumtis pessime se habent: unde pro generali axiomate in dirigenda sanorum diæta haberi potest, quod talis debeat esse cibus, qualis est labor. Duri enim cibi, non nisi difficulter mutabiles in bonum chylum, pondus, & inertiam addunt corpori quiescenti: cum autem vulneratis quies sit necessaria, non poterit fieri talium bonae digestio, & debita assimilatio, quae ad regenerationem peritum in vulnere omnino requiritur. Semper tamen hic aliquod concedendum consuetudini, uti

uti monitum fuit §. 193. : qui enim toxâ vitâ his uti affecti fuerunt, non sine molestia possunt vivere solis mollioribus cibis.

Carnes autem animalium, & pisces sale vel fumo indurata, vel siccata in aere, longe difficilior rediguntur in chylum bonum, & sanguinem, quam si recentia fuerint. Sed imprimis hic noceat pinguis, quae difficillimae semper digestionis sunt, & diu retenta in corpore rancidam acrimoniam pessimam induunt. Si debilis homo lardum majori copia in prandio comederit, vespertino tempore saepe eructabit pingue oleum, quod fauces adurit, & in ignem projectum vividam flammam alit. Tam diu in ventriculo retinetur hoc pingue indigestum, nec tamen, fluidum quamvis fuerit, pyloro elabitur. Idem verum est de piscibus pinguibus, ut anguilla, pulmone &c., & imprimis si hepata piscium comedantur, in quibus oleum tanta copia haeret, ut inde purum exprimi possit; & quamvis sapor adeo placeat blandum hoc oleum, citissime tamen in rancidum pessimum convertitur. Unde periti Chirurgi, si vulnerati talia comederint, illico vulneris conditionem in pejus mutatam observant. Oleosa enim haec ad vulnus delata minima vascula obstruunt, & mora & calore acriora reddita inflammationem difficulter resolvibilem efficiunt. Cum autem in piscibus plurimis oleosum illud magna copia adsit, quo transudante externa superficies corporis defenditur; ne ab aqua, in qua vivunt, macerati dissolvantur, hinc aves, piscibus pastae, difficilis sunt digestionis. Licet enim assumpta alimenta mutantur in naturam assumentis per naturales functiones, tamen saepe aliquid adhuc de priori indole manet: unde adeo diversus sapor in carnibus animalium, prout diverso utuntur pabulo. Anates, anseres, & similes aves si solis vivant piscibus, carnes harum avium piscium nidorem ingratum spirant. Lepores, qui cicurati Brasicae foliis vixerunt, mensis adhibiti abominabilem foetorem spirant. Unde etiam a similibus abstinere jubentur vulnerati.

Praeterea omnia legumihosa crassiora, & farinosa cruda chylum lentior generant; qui lentior, si validis exercitiis agitur corpus, superari potest, sed in quiescentibus hominibus plurima mala producit: quae in Capitulo de morbis a glutinoso spontaneo productis §. 71. 72. 73. recensentur.

Ova denique, licet merito laudentur tanquam nutrimentum, debilibus corporibus restaurandis idoneum, (vide §. 28. N. 1.) si nempe recentia diluantur in iulculis, & imprimis illorum albumen; in putredinem quammaxime prona cum sint, hinc parcius usurpanda; si vero coctione induruerint, tunc satis difficilis digestionis esse observantur.

§. 197. **A**D eundem scopum [189] conducunt medicamenta, quae tollunt impedimenta nata consolidationi [190. 191.], & plerumque Decocti forma exhibentur. Illa ergo erunt varia pro varietate ejus impediementi, quod tollendum erit: nec ullum utile omnibus habetur.

Haecenus dictum fuit de illis, quae observanda sunt in dietae regimine vul-

vulneratorum, ut liquida sana per bona vasa delata ad vulnus faciant recre-
scere perditam substantiam. Sed supponebantur vulnerati caeteroquin recte
valere: si vero in vulnerati corpore, vel & in vulnere ipso adsit conditio cor-
porea, quae impedit, ne partes perditae recrecant, haec tollenda est. In-
quiri ergo debet, quodnam sit illud impedimentum, an in liquidis, vel so-
lidis, vel in utrisque simul haereat; an in vulnere ipso lateat, an in illis,
quae ad vulnus circulationis efficacia adferuntur; an nimio, vel nimis parvo
impetu ad vulnus delati humores turbent, vel impendant perditam regeneratio-
nem? Cum ergo tam varia possit esse talis impedimenti natura, imo saepe
ab oppositis causis impediatur vulnorum consolidatio; patet evidenter, nul-
lum hic esse posse universale remedium, & inanem esse iactantiam illorum,
qui hoc promittunt. Dum ab acido pus in vulnere nasci male credidit Hel-
montius, voluit, ut omnis potio vulneraria occultum alkali, & quidem
volatile, in se contineret (*). Alii alia iactant: hinc tot diversae, & tantis
encomiis celebratae decoctionum vulnerariorum formulae. Sed dum bona
liquida per vasa debito motu ad vulnus feruntur, fiet illud, quod requiri-
tur. Unde ars medica tantum cognitum impedimentum idoneis remediis
tollere, vel emendare poterit, praeterea nihil: Reliquum totum a natura
fiet. Illa autem remedia vulneraria plerumque decocti forma solebant prae-
parari, quia hac ratione medicamentorum virtus, aqua diluta, eommode
sanguini misceri, & aequabiliter per totum corpus distribui poterat. Quam
variā autem haec decocta materiam requirant, docebit sequens para-
graphus.

§. 198. **H**inc pro re nata sumuntur ex attenuantibus, inspi-
santibus, mitigantibus, excitantibus, virtute singu-
lari contrarium vitium emendantibus, aperientibus, laxantibus,
adstringentibus, adeoque saepe ex oppositis.

ATTENUANTIBUS. Si per signa observata constiterit impedimentum cu-
rationis vulneris pendere a nimia spissitudine humorum, qua tollitur facilis
eorum per vasa meabilitas; patet, vulneraria remedia in hoc casu esse om-
nia illa, quae humores sic dividunt, & attenuant, ut sine molestia transire
possint per illa vasa, per quae sanitatis legibus fluere debent. Sed §. 115.
116. 117. demonstratum fuit, a variis causis hanc fluidorum immeabi-
litate[m] produci posse; unde etiam §. 134. 135. 136. varia tradita sunt re-
media, quibus haec causae tolli, & emendari poterant. Unde iterum na-
scitur ingens varietas medicamentorum vulnerariorum, quatenus attenuan-
do agunt. Longe enim alia requiruntur, ut humorum spissitudo inflama-
toria attenuetur, quam si atrabilia tenacitas, vel frigidus glutinosus len-
tor humorum immeabilitatem fecerint.

INSPISSANTIBUS. Si nempe liquidorum nimia peccet tenuitas, vel aquo-
sus adsit languor: haec autem humorum tenuitas vel habet simul comitem
acrimo-

(*) Helmont. ortus Medicinae in Capit. *Bias Humanum* N. 51. pag. 153.

acrimoniam, ut in scorbuto saepe fit, ubi tenuis aere sanguis undique vasis suis elabitur, & ecchymoses illas scorbuticas facit, tuncque mollissima glutinosa inviscantia requiruntur: vel a minus valida actione debiliū vasorum in fluida contenta non satis compacti humores nimia tenuitate peccant; tunc omnia illa, quae vim vasorum in liquida contenta augent, sunt inspissantia vulneraria remedia: de quibus dictum in cura fibrae debilis, & laxae §. 28. Hinc iterum apparet, sub eodem hoc titulo opposita laudari remedia; quae enim in priori calu proderant, in altero nocerent omnino.

MITIGANTIBUS. Quae talia sunt, ut mollioribus suis, & imprimis oleosis partibus, sic involvant, & obtundant omnia acria, ut illa inertia reddant. Unde non sunt talia, quae singulari vi acrimoniae cuidam opposita sunt, sed molli visciditate quodcumque acre obvolvunt, & mitigant. Talia sunt imprimis omnia illa, quae emollientia vocantur in officinis, quae omnem in fluidis acrimoniam leniunt, & solidas partes corporis emolliunt, & lubricant.

EXCITANTIBUS. Quando nempe vis vitae languet, frigus, inertia, pallor, & mucosa humorum indoles praedominantur, sine signis acrimoniae ejusdem comitantis; tunc omnia illa, quae grato stimulo aromatico languentem motum augent, adeo profunt, qualia sunt aromata, vinum &c.

VIRTUTES SINGULARI CONTRARIUM VITIUM EMENDANTIBUS. Vitium hoc ergo primo detegendum est, antequam oppositum remedium, singulari virtute hoc emendans, cognosci possit, & applicari: illud autem haerebit vel in solidis, vel in fluidis, vel in utrisque simul. In solidis major, vel minor cohaesio peccare potest: de remediis ad haec vitia dictum fuit in Capitulo de morbis fibrae nimis debilis, vel rigidae: ubi autem de humorum vitii spontaneis agebatur, indicata fuerunt illa remedia, quae singulari virtute corrigebant liquidorum degeneraciones.

APERIENTIBUS. Sic vocantur illa, quae liberrimam circulationem per omnia vasa faciunt, ad quam requiritur fluidorum meabilitas, & vasorum debita apertura: quae ergo iterum varia sunt, prout in solidorum vel fluidorum agunt vitia, quae liberum humorum per vasa transitum tollunt.

LAXANTIBUS, ABSTRINGENTIBUS. Prout nempe nimia debilitas, vel nimium robur in partibus solidis peccat. De his omnibus autem antea dictum fuit.

Ex his ergo patet, nullam posse haberi remedium generale, quod omnibus his impedimentis tollendis sufficere possit; sed singulis casibus singularia convenire remedia. In materia medica jam habentur formulae singulis vitiis tollendis idoneae.

§. 199. **Q**uorum quid eligendum, docet cognita natura vitii in aegro, & tituli horum Medicamentorum (197. 198.)

Cognitis ergo vulnere aetate, sexu, temperie, vitae genere, morbis praegressis, vel nunc vulnus comitantibus, habetur indicatio, quae determinat, quid agendum sit, & per quae remedia. In Exemplo res patebit evidens.

evidenter. Si homo strictae temperiei in solidis, & atrabilia tenacitate, sanguinis praeditus, vulneratus fuerit, vulnus siccum erit, nec bonum pus fundet: si jam aestivus addit calor, sicut valide, caleat, urinam parcam, rubram, olidam reddat; decocta avenae, boraginis, buglossae & similia mollissimorum demulcentium cum fero lactis vel aqua pura facta, additis syrupo florum violarum, succo citri, rob sambuci &c. si magna copia poterit, & panni similibus emollientibus decoctis madidi applicentur partē vulneratae, brevi mutabitur vulneris conditio: siccitas nimia emendabitur, diluti humores per vasa laxata libere movebuntur, & obtinebitur felix vulneris curatio. Sed si jam alius vulneratus decumbat hyemali tempore, qui pallidus & frigidus laxitate solidorum, & mucosa frigida humorum, inertia totus tumet, & otiosam egit vitam, vulnus pallidum, frigidum, & leviter tumidum apparebit, & manebit fere in eodem statu. Si tali homini darentur eadem, ac in priori casu, pejor multo redderetur & vulneris, & totius corporis conditio: si vero huic detur radicum caryophyllatae, imperatoriae, helenii, angelicae, contrajervae, serpentariae virginianae &c. infusum, vel leve decoctum; addita aliqua etiam vini copia, paucis postea horis incipiet plus calere toto corpore, & sudare; vulneris color pallidus mutabitur in magis rubicundum, nova vita quasi redibit in flaccidis his partibus, & regenerabitur perditum, & consolidabitur vulnus. Si jam ingens febris, magnusque calor vulnerato adsint, missio sanguinis, decocta tamariadiorum, trifolii acetosi &c. proderunt. Ubi autem non adeo evidenter cognoscitur latens impedimentum, interimque vires vitae sunt satis validae, ut ingestam horum decoctorum copiam movere possint, decocta radicum chinæ, farzeparillae, scorzonerae, lisari germanorum &c. dantur; haec enim remedia diluunt, attenuant, solvunt sine impetu, vasa laxant & aperiunt; sicque aequabilissimam circulationem reddunt; urinae & sudoris viis multa eliminant de corpore, quae retenta nocere possent. Hoc tunc totum est, quod fieri poterit.

§. 200. **A**eris puri semper, ab exhalante putri liberi, saepe renovati, temperies sicca cum calore temperato optima.

Dum in nosocomiis in eodem loco plurimi vulnerati decumbunt, putridis exhalationibus repletur aer; unde fere omnes pessime se habent, & plures moriuntur, qui aliter servari possent: quapropter haec loca apertis fenestris perflari saepius debent, ut renovetur aer, & dissipentur putrida illa in aere haerentia. Solent ad hanc rem, & suffumigia laudari; sed aeris renovatio plus reficit decumbentes. Omnium autem maxime nocet capitis vulneribus aer non renovatus saepe, uti observata docuerunt. Temperies autem aeris requiritur talis, ut blando tepore verno quasi resocillet; frigidus enim aer vulneribus semper nocet: partes enim, per vulnus involucri regentibus nudae, illico frigus sentiunt non consuetum, & ab illo male afficiuntur. Hinc dixit Hippocrates (b) *Ulcusibus frigidum morbum, cuius*

(b) Aphorism. 20. Sect. V. Charter. Tom. IX. pag. 207.

obdurat, dolorem non suppurantem facit, nigredines, rigores febriles, convulsiones, & setanos facit. Sed simul cum calore requiritur aeris siccitas; aer enim calidus, & humidus quammaxime in putredinem pronus est: tali enim tempestate carnes mactatorum animalium brevi tempore corrumpuntur, & in putridum tabum diffuunt. Possumus jam per artem aerem, in quo versantur vulnerati, pro lubitu temperare: largo enim accenso foco, imprimis ex lignis aromaticis, aeris frigus minuitur, & corrigitur nimia ejusdem humiditas. Si nimis calida & sicca fuerit tempestas, pavimento saepius de die aqua frigida respergo, vel florentibus sambuci arboris, tiliae, vel salicis ramis aquae immerfis, gratum possumus facere aeris refrigerium. Thermoscopia autem, & Hygroscopia demonstrabunt aeris regulatam temperiem.

§. 201. **A**lvus servetur laxa usu emollientium, laxantium, *ελατοποτικῶν.*

Non agitur hic de illis, quae valida vi alvum ducunt; illud enim hic non requiritur. Sed tantum hoc obtineri debet, ut vulnerati sine valido nixu, & molimine alvum exonerent. Videmus enim homines, qui magna cum difficultate duras foeces alvo exprimunt, retento per validum nixum aere in pulmone, faciem habere tenfam & rubram, imo faepe lividam; unde saepe Haemorrhagia in vulnere recrudescere posset, & iterum dilacerari illa, quae recrefcere inceperant; imprimis si vicinis ano locis vulnus inflatum fuerit. Unde prudenter illis, quibus ob calculi educationem, vel ani fistulam, vicinis ano locis vulnus infligitur, aliquot diebus ante operationem perficiendam leni purgante, & clymatibus crassa intestina evacuantur sic, ut nullae foeces remaneant; deinde per aliquod tempus solum carnis jusculum illis datur, quod vitam sustinere poterit, interim vix foeces in intestinis relinquit: unde peracta operatione diu sine alvi evacuatione commode vivere possunt. Hinc monuit Hippocrates [c] quod vulnerato alvus resiccata noceat.

Alvus autem sine magno molimine exoneratur, si foeces molles fuerint, & fistula intestinalis lubrica facile dilabi patiatur descendentes foeces. Hinc strictis illis, & macilentis corporibus adeo dura saepe alvus est: in illis enim valida vi intestinorum omne solubile ex foecibus emulgetur; unde siccissimae, compactae, & durae evadunt, & simul molli smegmate non satis obducta intestina difficilem faciunt foecibus transitum. Juscula hinc pingua, mollissima olera, emollientia decocta, blanda olea pressa, emolliendo foeces, & lubricando vias huic scopo satisfaciunt. Similia clymatis forma iniecta eundem faciunt effectum, & imprimis profunt, si jam durae foeces in ultimis intestinis haerent; tunc enim illico juvant, dum reliqua assumpta longiori tempore indigeant, antequam ad haec loca deferri possint: & saepe metuatur, ne, subito tenefimo deponendi alvum orto, cogatur vulneratus valido nixu duras foeces exprimere.

Post.

(c) Lib. I. de morbis cap. IV. Charter. Tom. VII. pag. 313.

Postquam haec emollientia, & lubricantia exhibita fuerunt, vel & saepe una cum illis, dantur talia, quae leni stimulo faecum alvinarum excretionem promouent, nec interim corpus turbant, vel liquidas excretionem faciunt: observatum enim est post purgantia data alvum semper adstringi. Illa autem medicamenta, quae hoc perficiunt, vocantur eccoprotica, quia solas faeces crassas intestinis contentas expellunt: horum Catalogus habetur in Materia Medica ad hunc numerum. An autem talia remedia habeantur stricta hujus vocabuli significatione solum stercus educantia, dubium videtur: omnia enim illa, majori dosi data, liquida per alvum ducunt. Sic enim recentes horaeorum fructuum succi, & multa inde facta, Manna, Cassia, Mel, Tamarindi &c. majori copia, vel repetito usu, non tantum educunt per alvum illa, quae intestinorum cavo haerebant, sed efficacissima vi fundunt humores, fusosque per alvum evacuant. Illa autem proprie purgantia vocantur. Antiqui Medici jam haec probe distinxerant. Alcibiades enim erat in illa opinione, purgantia corpus colliquare (*συντρίβει τὸ σῶμα*) deinde liquata educere, quae antea non praexistebant (*d*). Et Thessalus, uti ex propriis ejus verbis a Galeno citatis (*e*) patet, concludit, a purgante medicamento materiam in corruptionem permutari; deinde externi vel sursum per vomitum, vel deorsum per alvum: illudque probat exemplo Athletae bono habitu praediti, & qui secundum naturam se habebat, cui datum purgans admodum corrupta eduxerat, quae procul dubio in sano, & robusto hoc homine non praexistebant. Galenus, qui credebat purgantia attrahere illa, quae talia praexistebant in corpore, acerrime quidem in hanc sententiam invehitur, nec tamen videntur ejus argumenta sufficere, ut hoc improbent. Certe scammonium, etiam sanissimo homini datum, fundit sanguinem in putridam aquam, quae alvo educitur; potestque totum corpus emaciari penitus repetito ejus usu: sic ut pallor, collapsa vasa, & debilitatae vires satis doceant, non educla fuisse corrupta, quae praexistebant, sed virulenta vi pharmaci corruptos fuisse, & educltos de corpore bonos humores.

Cum ergo omnia illa, quae eccoprotica dicuntur, majori copia data purgandi vim habeant, & plurima purgantia, minuta dosi data, leni stimulo sic irritent, ut contentae tantum intestinis foeces expellantur; patet hunc effectum obtineri posse, si minori dosi dentur, ut corpus non multum turbent, nec humoribus magnam mutationem inducant, interim tamen alvum laxam servant, quod in hoc casu tantum requiritur.

Sollicite etiam solius stercoris educationem a purgatione distinxit Hippocrates (*f*), postquam enim de sputis egit, dicit: *Quicumque enim dolores ex his locis non cessant per sputorum expurgationes, neque per alvi dejectionem, (σπῆς τῶν τῶν κολῶν ἐκκρίσεις) neque per venae sectionem, & diætam, & purgationes, (φαρμακίας) suppurationem concitaturus esse, sciendum est.*

X

(*d*) Galen. de natural. facult. lib. I. cap. 11. Charter. Tom. V. pag. 31. (*e*) Galen. adversus Julianum libellus cap. 8. Charter. Tom. IX. pag. 391. (*f*) In Prognostico Num. 52. Charter. Tom. VIII. pag. 646.

§. 202. **S**Omnius conciliandus anodynus, victu humido, narcoticis.

Subtilissimi liquidi defectum, spirituum nempe, natura reparat unico tantum modo, per motum nempe vitalem solum, silente omni animali motu, id est per somnum tranquillum. Dum validis laboribus lassatus, vel meditationibus exhaustus homo, optimos cibos sumit, nisi simul blando somno corpus refecerit, torpere mentem, gravari corpus sentiet. Sed post bonum somnum quanta sentitur in corpore agilitas, quam pacata redit menti serenitas, quam facilem sentiunt mentis perspicaciam, qui bono somno refecti matutinis horis meditationibus indulgent! Hinc licet ex cibo, & potu ingerantur talia, quae restituere poterunt illa, quae vitae, & sanitatis inevitabili lege quotidie pereunt de corpore, somni tamen tempore illa imprimis perficiuntur, ut apta evadant succedere in locum perditorum. Respiratio enim fortior, cordis, & arteriarum actio validior, & magis aequabilis, somni tempore humores omnes sic perficit, ut optima inde possit fieri refectio perditum, dum causae mutantes, applicantes, & consolidentes, tanta cum libertate agunt. An hoc voluit indicare Hippocrates (g), dicens? *Anima enim vigilat, & quum quidem corpori subministrat, haud ipsa sibi vacat, sed singulis corporis partibus quandam partem subministrat, sensibus nimirum, visui, auditui, tactui, ambulationi, actioni, omnique corporis cogitationi, ipsa vero mens sui officii non est. Quum vero corpus quiescit, anima movetur, & in corporis partes subrepens domum suam gubernat, omnesque corporis actiones ipsa obit.* Patet ergo, quam noxiae sint vigiliae protractae vulneratis, quam necessarius sit somnus ad regenerationem perditum, & consolidationem vulneris. Si ergo somnus deficit, ille conciliandus est, quod fit ANODYNIS; quae dolorem tollunt: vigiliae enim, in vulneratis imprimis, a dolore molesto fiunt, quamvis & mordaces curae, & validi animi affectus vigiliis inducere possint. Illa autem, quae dolorem tollunt, triplici modo possunt hoc efficere: vel enim agunt tollendo causam illam corpoream, quae talem mutationem facit in corpore, ut inde in mente nascatur molesta illa perceptio, quae dolor vocatur: vel partem corporis, cui causa dolorem faciens applicatur, sic disponunt, ut non vel minus valide afficiatur ab eadem causa: vel denique non ablata causa doloris, & manente eadem conditione partis affectae, tollitur doloris sensus, v.g. dum pars inflammata dolet, causa doloris est sanguis inflammatoria densitate immedicabile haerens in vasis, cum impetu vitalis liquidi magna vi urgente in vasa obstrueta: omne ergo illud, quod poterit sanguinem impactum reddere, sic meabilem, ut fluat libere per vasa antea obstrueta, tollit dolorem, sublata ejus causa. Sed si mollissimis applicatis cataplasmatibus, vel fomentis sic laxentur partes solidae, ut facile cedere possint distendentibus causis sine rupturae periculo, licet maneant eadem densitas inflammatoria sanguinis, & aequae validus impetus a tergo urgens, aberit tamen, vel saltem plurimum minuetur dolor. Denique si nihil ex modo dictis factum fuerit,

fuerit, sed remanserit doloris causa, & eadem conditio partis affectae, & detur granum unum, aut alterum opii homini non assueto, nullus erit doloris lenis, licet causa dolorem excitans pergat agere. Hinc generali nomine omnia remedia, quae uno ex tribus his modis dolorem tollunt, dicerentur anodyna. Obtinuit tamen usu, ut illa tantum sic vocarentur, quae vel doloris causam tollunt, vel partem dolentem sic mutant, ut non afficiatur, vel saltem minus valide ab eadem causa. Illa vero, quae doloris tantum sensum tollunt, non mutatis doloris causa, vel parte affecta, vocaverunt narcotica, id est, stupefacientia. Olim tamen haec stupefacientia vocaverunt etiam anodyna. Sic enim Caelius Aurelianus de dolore dentium agens dicit. *Multi autem veterum Medicorum accessionis tempore ea medicamina adhibenda iusserunt, quae anodyna Graeci vocaverunt: nas indoloria dicere poterimus, quae ajunt nocturno tempore adhibenda, profecto sensum, non dolorem auferuntia (b).* Sic & Cellus dixit: *Anodyna vocant, quae somno dolorem levant. Quibus uti, nisi nimia necessitas urges, alienum est (i).*

Præcipuae jam doloris causae sunt in vulnere distractio partium adhuc cohaerentium, dum vulneris labia utrinque retrahuntur: tensio fibrarum nervearum, a truncis majoribus discissis retroactis, & laterales nervos minores trahentibus, vel &, semidiscissis, vel punctis nervis tensis, distractio fibrillarum adhuc integrarum: inflammatorius tumor fundi, & labiorum vulneris: humores effusi in cavum vulneris acres facti, hinc irritantes crudas has partes. Anodyna ergo erunt omnia illa, quae diluendo, laxando, humectando, acrimoniam natam emendando, vel obtundendo, denique tumores dissidentes resolvendo, tollunt doloris causam, vel partem affectam sic mutant, ut a doloris causa non afficiatur ita, ut in mente nascatur ingrata illa perceptio, quae dolor vocatur. Haec omnia in Materia Medica rediguntur ad proprios titulos.

· VICTU HUMIDO. Omnia semina farinosa tusa possunt valida pressione oleum sudare latis copiosum: eadem haec trita cum aqua dant Emulsionem sic distas, in quibus blanda olei indoles manet sine rancidae corruptelae metu. Ex his ergo, vel horum farinosorum decoctis cum aqua, lacte, jusculis, habetur victus humidus, in quo aqua praedominatur, sed sic adhaerens farinosis horum lentiori, ut non facile dilabatur de corpore, sed diu maneat. Talis victus diu continuatus pertinacissimos etiam dolores lenit, laxatis solidis, & blandissima facta omnium humorum indole.

NARCOTICIS. Si jam praecedentibus auxiliis non cedat, nec remittat dolor, vel adeo saevus sit, ut non possit ferri sine magno damno, donec doloris causa tolli possit, tunc dantur in arte talia remedia, quae, non subblata doloris causa, tollunt ejus in mente conscientiam. Summa enim causa doloris potest esse in corpore sine ullo doloris sensu, uti patet in Apoplecticis, qui ne quidem vivi ignis applicati vim sentiunt. Plurima quidem habentur, in quibus haec vis obtinet, ut Hyosciamus, Solanum,

Datura

X 2

(b) Morbor. Chronicor. lib. II. cap. 4 pag. 373. pag. 273.

(i) Lib. V. cap. 35.

Datura &c., quorum tamen omnium suspectus usus est, imprimis si interne sumantur, quia mentis actiones adeo mirifice turbant. Tutior longe, & innumeris Experimentis probatus Papaveris usus. Europaei Papaveris minor efficacia majorem dosim postulat: Asiatici Papaveris succus, Opii nomine in officinis adeo notus, si prudenter, & debita quantitate usurpatur, pulcherrime dolorem sopit; rediurum tamen, si causa doloris maneat, post aliquot horas, ubi vis remedii cessat. Frigida intemperie nocere Papaveris succum voluit Galenus (*), & post illum plurimi alii: hinc vel trepide usurpaverunt, calidissimis admixtis metuendum illud frigus corrigere tentantes, vel damnaverunt omnino tanquam deleterium pharmacum. Qui calidum amarorem opii semel gustavit, facile credet, male frigidam opio noxam adscribi. Adhaesit tamen optimo remedio diu hujus infamiae nota, sic ut plurimi Medici abhorruerint ab ejus usu: unde Paracelsus non exiguam partem suae celebritatis opio debuit, dum Laudanô suo tam mira faciebat in morborum curationibus. In Asia quotidiano usu opium, & magna quidem copia sumunt impune; imprimis illi, quibus Religio vini usum vetat. Imo illi, qui maxime damnabant opium, utebantur sine ullo metu magnis illis compositionibus Officialibus, Theriaca, Mithridatio, Philonio &c., in quibus magna copia opii adest. Alii turpis lucri causa aliius remedii clam dabant opium, quod publice damnabant, ut viderentur aliis arcanis perficere, quod soli debebatur opio. Verum quidem est, quod plerique Medici fuerint in illa opinione, ac si vis medicata Mithridatii, Theriaca, & similibus non penderet a conspirantibus viribus omnium ingredientium, sed ex unione tot diversorum nasceretur novum quoddam, & penitus singulare remedium, cujus vis medicata non foret adscribenda collectis ingredientium viribus, sed ex omnium unione nova prorsus, & efficacissima exurgeret; unde laudabant antiquam Theriacam, & praeferebant recens paratae. Licet prima fronte speciosum videatur hoc ratiocinium, rem tamen consideranti apparebit facile, magnis his compositionibus vim calidam aromaticam inesse, praecipuam tamen virtutem pendere ab opio. Mithridatium enim Damocratis, reliquis antiquis, ex tot diversis componebatur, ut Plinius dixerit: (*1*) *Quo Deorum perfidiam istam monstrante: hominum enim subtilitas tanta esse non potuit: ostentatio artis, & portentosa scientiae venditatio est.* Andromachus autem, qui Neronis tempore vixit, & inter ejus Medicos primus erat, Mithridatii Damocratis, paucis demtis, omnia ingredientia retinuit, quaedam addidit, imprimis viperarum carnes, sicque novum fecit antidotum, quam Theriacam dixit a viperarum carnibus additis. Libellum Graecis carminibus scriptum Neroni dicavit, in quo Theriaca suae recenscebat descriptionem, quam & *Andromachus, id est*, tranquillam vocavit. Nec mirum certe, callidus enim Andromachus triplum opii suae Theriaca addidit, unde incepit obsolescere Mithridatii Damocratis celebritas; sola Theriaca extollebatur innumeris laudibus, & per tot saecula tanti nominis famam retinuit; evidenti argumen-

to,

(*) Method. medendi lib. XII. cap. 8. Charter. Tom. X. pag. 290., & alibi plurimus locus. (*1*) Lib. XXIX. cap. 3.

to, opii usum fuisse quotidianum, & salutarem etiam illis temporibus, quibus damnabatur ab omnibus fere Medicis.

Omnia haec ex Papaveris floribus, foliis, succo, parata remedia, quae in officinis prostant, possunt sic adhiberi, ut vel levissime sensuum acumen abundant, vel aucta dosi somnum inducant satis profundum; imo imprudenter usu lethalem possent facere apoplexiam. Sic saepe accidit, minori dosi haec data dolorem quidem compescere, nullo inducto tamen somno, sed pacatissima menti, & corpori nascitur quies, quam ne verbis quidem describere se posse mirantur gratum hoc solamen experti. Non omnibus tamen hominibus eisdem effectus facit hoc remedium, eadem, quamvis exhibitum copia: dum ergo Medicus ignorat peculiarem aegri circa usum hujus remedii idiosyncrasmiam, praestat aliquot grana opii idoneo diluere vehiculo, & cochlearim dare, v. g. omni quadrante horae, donec percipiat doloris levamen. Verum tamen eadem quantitas opii majorem effectum praestat simul, & semel exhibita, quam si detur divisis dosibus. Qui saepius sumserunt, nisi augeatur sensum hujus remedii copia, non amplius inde levantur: sine noxa tamen, sensum aucta dosi, ingentem opii copiam quotidie sumpsisse homines plurimis, illisque certissimis, observatis constat. In materia Medica jam habentur variae formulae, quibus haec remedia pro re nata exhiberi possunt sic, ut majorem, minoremve effectum pro lubitu praestent. Hoc incommodi habent semper, quod alvum adstringant; sed lenae clystima facile tollet hoc malum.

Sed & similia remedia externe loco dolenti applicata levamen summum faciunt: unde Cataplasmata, & fomenta ex emollientissimis herbis parata, additis simul hyosciami, papaveris hortenstis &c. foliis, tanti usus sunt.

§. 203. **A** Nimius fit hilaris. Venus vitanda, quies commendanda est.

Validi animi affectus omnes, cum miris adeo modis corpus mutare, & in omnibus suis functionibus turbare possint, nocebunt semper vulneratis: sed pacata illa mentis serenitas, qua nullius mali conscia nihil adversi metuit, & omnia prospera sperat, hic imprimis convenit. Profusum gaudium aequè noceret, ac alii magni animi affectus. Sanctorius, & alii, qui de statica Medicina scripserunt, observarunt hilaritatem corpus quam maxime perispirabile reddere, & leve ad sensum. Sed hoc designat liberrimam per omnia vasa circulationem, & expeditissimam exercitationem omnium functionum, id est optimam sanitatem.

VENUS VITANDA. Nihil enim magis movet totum systema nervosum, quam Veneris usus: hinc communi omnium Medicorum consensu vulneribus noxius habitus fuit; & tristes calus docuerunt funestum eventum: tale exemplum §. 172. N. 2. habetur, ubi seminis emissio sine coitu pessima symptomata, & mortem ipsam produxit. Hinc in victu vulneratorum vitanda omnia, quae tentiginem Veneream irritare possunt, ut ostrea, caneri, gammari &c.

Quietem autem vulneratis necessariam esse, sponte patet: motu enim, tenerrima illa vascula, quae informis muci specie in vulnere crescent, destruentur.

Binae requirebantur conditiones, [vide §. 189.] ut fieret regeneratio periti in vulnere: nempe, ut liquidum sanum debita copia, & apto impetu deferatur ad vulnus; deinde ut vascula excipientia humores allatos habeant illas doses, quae requiruntur, ut excipere, & transmittere possint talia liquida, quae secundum sanitatis leges per haec vascula fluere debeant. Haetenus a §. 191. huc usque imprimis actum fuit de illis, quae in victu, & remedium usu observari debent, ut bona fiat humorum indoles, qui ad vulnus deferentur. Sequitur nunc, ut agatur de canalium transmittentium in vulnere dispositione tali, quae requiritur, ut fiat perditae substantiae restitutio, & separatorum unio.

§. 204. **U**T canales in debita conditione [189.] maneat, nec liquida in vulnere corrumpantur, sique laedant actionem (189. 190. 191.) descriptam, aer arcendus, vulnus totum fovendum balsamicis vulnerariis lenibus, implendum carptis, ad aequabilem pressionem, nervisque amicis medicamentis.

Post vulnus inflictum, discissorum canalium extrema retrotrahuntur, angustantur, & resistunt liquidis per illos pulsis; incipit tunc inflammatio nasci in labiis, & fundo vulneris, & post hanc puris sequitur infectio: dumque hoc fit, ex fundo cavi vulneris sursum, & ab omni ambitu centrum versus, protruduntur sensim vasculorum hiantium extrema, quae tenerum mucum referunt, & ex hac materia sic renata fit regeneratio periti in vulnere (vide §. 158.) patet ergo, requiri ad hanc rem, ut canales illi pulposi debitam retineant molliem, & humores effusi per patula vasorum oscula in cavum vulneris blandam retineant indolem; si enim spontanea degeneratione acrimoniam acquirant, destruetur illud pulposum renascens. Utrique autem scopo satisficit, si aer arceatur. Constat enim certissimis observatis, animalium partes diutissime servari posse incorruptas, si omnis aeri accessus prohibeatur; cum e contra paucis saepe diebus putrescant, si aperto aeri exponantur. Carnes caprinae, & gallinae assatae, in particulas dissectae, butyro liquefacto immerfae, in dolio exacte clauso conservatae fuerunt ultra sex menses in navi ex Indiis reduce intensissimo quamvis sub aeris calore, sic ut pristinam saporis gratiam perfectissime retinuerint (m). Praeterea aer libere ad vulnus allabens tenera illa vasculorum renascentium extrema exsiccando destruit: unde ab his mortuis sordes in vulnere antea puro nascuntur, quae iterum separari debent, antequam consolidatio fieri possit. Ob hanc causam crediderunt multi, aliquid venenati in aere haerere, cum viderent tantas mutationes vulnorum a libera aeris admissione. Ideo etiam raras vulnorum deliquationes adeo commendaverunt peritissimi Chirurghi.

Debet

(m) Boyle de utilitate Philosophiae Experimentalis Exercit. IV. pag. 184.

Debet ergo tegi superficies tota vulneris sic, ut ab aere defendatur. Hoc omnium optime fit per Ballama, vulneraria dicta; & imprimis per Ballama nativa, quae omnia spissa unctuositate haerent, blandum aroma in se habent, & simul acidum, quod putredini omni resistit, sic tamen obvolutum pingui, ut non noceat sua acrimonia. Chemica enim Analysis ex omnibus balsamis nativis acidum liquorem, & fragrans tenue aromaticum oleum educit, in fundo manente tenaci resinola parte. Dum haec modica copia, leviter calefacta, ut aequabilibus diffuant, vulneris superficiei applicantur, regunt tenerrima haec vascula, aerem pinguedine sua arcent, omnemque exsiccationem impediunt, & simul humores effulos a putredine praeservant. Ex his liquet, parcam tantum Balsamorum copiam, ad hos usus requiri, & male agere illos, qui magna copia horum vulnera infarciunt: sunt enim corpora heterogenea in vulnere, quae concretionem partium interpolatione suae molis impediunt. In materia medica jam ad hunc numerum plura recensentur nativa Balsama, & artificialia, quae omnia fere simili modo agunt, & profunt.

His factis cogitandum est, quod cutis aequabile tegumentum absit in vulnere; hinc vascula illa pulpola recrefcentia, molli balsamo recta, & humido calore fota, facile cedent liquidis distendentibus, & augebuntur omni dimensione, & dilatata admittent alienos humores; hinc tota vulneris superficies degenerabit in flocculentam substantiam, quam carnem fungosam vocant Chirurghi. Hoc impiedetur, si tam moderata pressio vulneri incumbat, ut cutis antea coercentis defectus suppleatur: quod fiet, si linteis carptis mollissimis, siccissimisque, leviter inunctis lent balsamo illa parte, qua vulneris superficiem tangunt, vulneris cavum impleatur: deinde Emplastro, vel fascia circumducta sic firmentur haec, ut lenissima pressio nimiam vasculorum dilatationem coerceant tantum, cavendo interrim, ne nimis premendo destruantur tenerrima haec vascula, vel suffocetur vitalis liquidi motus per has partes. Simul blanda tali compressione cavebitur, ne membrana pinguedinola, undique in vicinia cutis tegmine coercita, affurgat in vulnus, & ibi degeneret satis cito.

§. 205. **Q**uibus [204.] in vulnere retinendis Emplastra prout sunt, vix aliud huic scopo praestantia, quam tencacitatem, non laedentem.

Non facile hoc credunt Chirurghi, qui felices vulnorum curationes plerumque suis solent adscribere Emplastris, & singuli fere hic sua jactant arcana. Si tamen enarratae praecedentibus paragraphis conditiones vulneri adfuerint, sanatur, quaecumque demum imponatur Emplastrum; modo nihil continuerit in se, quod nocere possit, inceptum naturae opus turbando, vel conditiones requisitas ad regenerationem perditam in vulnere tollendo, nimio stimulo v. g., vel alia quacumque ratione. Quod autem haec res sic se habeat, patet inde, quod licet unusquisque fere sibi soli cognitum, & reliquis omnibus praeponendum, Emplastrum adhibeat, tamen omnes aequae feliciter curent, si reliqua auxilia eodem modo vulnere

adhibita fuerint. Verum quidem est, quod Emplastra cuti externae applicata, praeter tenacitatem requisitam, possint continere talia ingredientia, quae calore corporis, cui applicantur, mota, & actiosa reddita se infinuent vasibilibus, sique non solum agant in partem illam, cui applicantur, sed etiam totum corpus efficacissime mutare possint; uti v.g. Emplastra vesicatoria, Mercurialia, & similia plurima: sed de hac re hic non agitur: requiritur enim tantum in hoc casu, ut vulnere applicata retineantur in loco, unde sola tenacitas hic sufficit ad hunc scopum. Hinc plumbata illa Emplastra, quae ex plumbo, vel ejus calcibus variis in oleo coctis ad requisitam tenacitatem fiunt, tanti sunt usus; dum facillime feruntur etiam ab illis, quibus a pingui fere quocumque applicato cutis inflammatur. Talia sunt Emplastrum de Minio, Diapalma, Diapompholygos, de Cerussa, Defensivum rubrum Vigonis, & plurima similia, quae eundem praestant effectum in hoc casu.

§. 206. **L**iquida ad vulnus allata, in vulnus effusa, fibrae semimortuae, canales obstructi, tumefactique, creant in vulnere pus, ichorem, sordes, carnes spongiosas.

Singulis vulneris deligationibus accurate vulnus lustrandum est, ut videatur, an aliquid occurrat mutati in tota superficie, quod peritiae substantiae regenerationem, & vulneris consolidationem impedire possit. Si enim omnia rubra, nitida, & humida aequabiliter fuerint, novimus vasa, & humores habere debitas conditiones, ut fiat sanatio: si vero siccum apparuerit, vel sordidum vulnus, certo scimus, non posse consolidari illud, nisi prius iterum sordes illae ablatae sint, & vasa aequabiliter humores transmittant in omni puncto superficiei vulneris. Haec autem impedimenta nascuntur, vel ab humidis effusis, degenerantibus in alienam indolem; vel a vasibilibus obstructis, & tumefactis, vel ab utrisque simul. Plurimae enim partes possunt in vulnere esse pro parte discissae, sanis quidem partibus cohaerentes adhuc, omni tamen vitali influxu orbae: unde emoriuntur, & separari debent; & quamdiu ibi adhuc haerent, heterogenei corporis instar, impediunt consolidationem. Postquam autem vasorum orificia in vulneris superficie incipiunt effundere humores, illi collecti stagnando, calore loci, tenuissimaeque partis distatione mutantur in unctuosum blandum liquidum, pus dictum, quod semper bonum est, uti dictum, §. 138. N. 7.; nimis tamen diu relictum in vulnere nocere possit; tunc enim corrumpitur & acre fit. Si vero vulneris superficies madeat tenui ichore, non bono pure, nunquam fiet bona consolidatio, quamdiu hoc adest. Hoc autem intelligitur, si talis tenuis sanies in vulnere appareat, postquam per duodecim vel plures horas idoneo apparatu tectum mansit vulnus: nam si omni pure ablato post horarum unam aut alteram denudetur vulnus, non aderit pus, sed longe tenuius liquidum, quod tamen ibi relictum in pus mutabitur. Sed ichoris nomine hic intelligitur tenue liquidum, plerumque simul acrioris indolis, quod mora in vulnere nunquam tamen in bonum pus convertitur, sed semper acrius fit. Talis autem ichor vel fit a liquidis

liquidis effusis, non mutandis in bonum pus; vel sit etiam ab optimo pure nimis diu in vulnere relicto; tunc enim iterum attenuatur, & acro fit. Dum enim pars corporis suppurata, & undique emollita, debito tempore lanceola percutitur, bonum, & crassum pus exit: si vero talis locus nimis diu clausus maneat, contentum pus attenuatur iterum, & tunc apertura facta loco boni puris tenuis effluet sanies.

Sordes autem nascuntur in vulnere vel a semidiscissis partibus, vel a mortuis, & nondum a vivis partibus separatis; vel a vasis dilatatis, & liquido immeabili distentis; tuncque vulneris superficies non apparet pura, & rubra, sed alba fere instar lardi: & nisi harum sordium fiat separatio a vivis partibus suppositis, in colorem flavum, imo fuscum mutantur, & eo peiorem degenerationem notant, quo color ab albedine in fuscum magis declinat.

Carnes autem spongiosae tunc imprimis nascuntur, quando superficies vulneris non comprimitur aequali vi, ac cutis integra premit vicinas partes: unde panniculus adiposus assurgens tumet, & cito degenerat in fungosam dictam carnem, uti dictum fuit §. 158. N. 5. omnium maxime si per febrem natam impetus, & velocitas circulationis augetur; tunc enim dilatata vasa cito assurgunt, si debita compressio non impederit. Videmus autem ubique fere in toto corpore, ubi aequabilis pressio coercens ablata est, partes in locum minus resistentem assurgere. Sic in vulneribus capitis, vel post trepanum applicatum, calvariae tegmine ablato, si simul dura mater discissa fuerit, cerebri substantia in mirabiles fungos excrescit. Discissis per vulnus abdominis tegumentis, integro tamen manente peritoneo, nisi firmetur ligatura idonea locus, paulo post contenta abdominis pressa in locum minus resistentem, dilatato peritoneo, herniam faciunt. Carnium ergo fungosarum origo in vulnere est tantum naturalis sequela diminutae aequabilis pressionis.

Sed omnia haec in vulnere, quamdiu adsunt, impediunt consolidationem: heterogenea enim sunt; hinc auferenda: quomodo hoc fieri debeat, docebit sequens paragraphus.

§. 207. **Q**Uae (206.) digerente, abstergente, corrodente, exsiccante auxilio tolli solent, saepe & comprimendo.

Quando vident periti Chirurgi, vulnere superficiem sic degenerare, ut non ubique humida, & rubra sit, sed sordes albae, flavae, vel fuscae appareant; noverunt, optima etiam balsama non sufficere. Natura quidem sola per bonam suppurationem nititur separare haec corrupta, sed vasa viva supposita, sordibus his incumbens, & adhaerentibus impedita, non valent haec removere tam facile: unde haec jam semimortua diutius haerentia corrumpuntur, & in peiorem indolem degenerant. Applicant tunc talia remedia, quae emolliunt quidem haec sordida, sed simul saponacea vi solvunt, & leni stimulo irritant vivas partes suppositas, ut fiat facilior separatio harum sordium a vasis vitalibus, quibus adhaerent. Haec vocantur **DIGERENTIA** termino chirurgico a ventriculi digestionem desumpto. Sumunt

v. g. balsamum quodcumque nativum ut terebinthinam, & cum vitello ovi terunt, ut oleosa ballami tenacitas frangatur sic, ut in aqua dilui possit; addunt deinde mellis aliquam copiam, quod saponacea sua vi plurima concreta dividit, & solvit. Tale medicamentum plumaceolis exceptum vulneris superficiei fordidae applicant: emollitæ sic sordes, & vi saponacea solutæ, pure bono facto separantur a partibus sanis, & redditur purum vulnus. Pulcherrime talium remedium usum, ubi impura vulnera sunt, indicavit Hippocrates, dicens: *Pinguis inflammatis non conferunt, neque sordidis, neque putrescentibus. Verum ad inflammata profunt frigida, ad sordida vero, & putrescentia, acria, & quæ morsum quemdam excitando purgant* [n]. Et alio in loco docet, humores bonos per vasa ad vulnus delatos averrere his remediis emollitas, & facilius separandas sordes: *siquidem ulcus occludere, vel implere opus sit, tumefacere juvat &c.* Cibis enim recreata caro illam, quæ a medicamento compuitruit, propellit, & una cum natura debellat (o).

ABSTERGENTE. Haec remedia parum acriora sunt digestivis dictis. Si ergo praecedentibus addantur aloe, myrrha, saponis Veneti paululum; habetur medicamentum abstergens, quod a digerente tantum gradu paulo majoris stimuli differt.

CORRODENTIA. Illa jam prioribus longe acriora sunt, & partes, quas tangunt, emori faciunt; hinc crustam vulneris superficiei, cui applicantur, inducunt: sub qua vasa vitalia suo motu, & allatis liquidis sensim illud mortuum separant, & expellunt. Haec autem omnia faciunt quidem, ut omni vitali influxu priventur sordes illae adhaerentes vasis vivis, sed nunquam per haec sola separatio mortui obtineri poterit, quod sola natura per suppurationem bonam perficit. Hunc autem usum habent, quod vasa obstrueta, & dilatata, in vulnere sordes facientia, quæ lenioribus abstergentibus perinacius resistunt, uno momento, & iplo quasi attractu, faciant omni vitali influxu humorum privati: hinc gangraenolam quasi crustam superficiei vulneris obducunt, cui deinde applicantur mollissima digestiva, ut escharae illae per corrodentia factae, horum applicatione emollitæ vasorum vivorum subjacentium actione separantur à vivis partibus, quibus cohaerent; sicque vulneris superficies reddatur pura. Unde apparet, prudentem horum usum requiri, nec saepe repetitum, nisi deciduis jam escharis vulnus adhuc impurum appareat: Male ergo agere illos, qui credunt, solis corrodentibus depurari posse vulnus, cum tantum sordium augmentum impediunt, his in mortuum escharam conversis, quæ postea emolliiri, & suppuratione facta separari debent; Imo nimis repetita applicatione partes vitae purae similiter afficiuntur; unde sordes augentur tunc, non minuuntur. Pulehre hoc notavit Galenus, narrans, Medicum sordido ulceri rodens medicamentum adhibuisse quotidie, & maxime miratum fuisse, quod sordes augerentur, non vero minuerentur, unde augebat imprudens applicati remedium efficaciam, sed malo eventu. Quippe quantum ille intendebat medica-

(n) De siccationibus cap. 10. Charter. Tom. VII. pag. 631.

(o) De locis in

bona cap. 13. Charter. Tom. VII. pag. 171.

dicamenti acrimoniam, tantum caro subiecta colliquabatur, & sordes au-
gebat (p).

In materia Medica recensentur jam haec corrodentia, pro vario acrimo-
niae gradu in varias classes distincta. Efficacissima imprimis sunt illa, quae
ex acido fortissimo, glebae metallicae unito, constant; & inter illa Lapis
infernalis dictus summum usum habet: constat enim concentratissimo nitri
spiritu, & argento purissimo unitis: & cum forma solida habeatur hoc cor-
rodens, & in quamvis figuram possit formari, potest fere omnium tutissime
applicari. Reliqua enim vulneri adhibita in totam ejus superficiem agunt
aequaliter; lapis autem infernalis singulis punctis potest applicari, & mo-
mentaneo actu escharam facit: unde major, vel minor hujus effectus est,
prout citius auferatur, vel diutius applicatus manet: & cum saepe non omnes
partes superficiei vulneris aequae crassae sint obfessae sordibus, hinc non aequae
validam corrodentis actionem requirant; omnium pulcherrime hoc modera-
men adhibito lapide infernali observari poterit.

Escharae autem per corrodentia factae dein lenissimis applicatis remediis
debent emolliiri, ut a vivis partibus subiectis possint cito separari; & il-
lis deciduis tunc apparet, an repetita corrodentis applicatio necessaria sit;
an vero lenioribus digestivis, vel abstergentibus, vulnus purum reddi
possit.

EXSICCANTE. Quando nempe plurimo, & nimis tenui humore vulnus
madet; tunc illa, quae liquida absorbent, & vascula roborant, imprimis
profunt. Tales sunt terrestres bibuli pulvisculi in pollinem impalpabilem
cristi, ne asperitate suarum partium crudum vulnus irritent, quales sunt v.
g. offium combustorum cineres, mastiche, olibanum, sarcocolla &c. quae
simul roborant.

SAEPE ET COMPRIMENDO. Imprimis prodest compressio, si sordes a
dilatatis vasis in fungosam excrescentiam degenerantibus nascantur: licet
enim corrodentibus abstuleris spongiosam illam carnem, nisi debita com-
pressione firmaveris has partes, brevi renascetur similis excrescentia; uti in
fungis cerebri toties renatis docuerunt observationes. Unde periti Chirur-
gi tunc saepe solis lentis carptis siccis vulnus replent, & modica ligatura
coercent; vel & aliquando crassum plumaceolum, balsamo vulnerario inun-
ctum averfa parte imponunt, sic ut pars sicca plumaceoli vulneris super-
ficiem tangat, pars vero superior balsamo inuncta aerem arceat.

§. 208. **I**lla [207] adhibenda, donec pus album, blandum, vi-
cidum, laeve, aequale, inodorum, adsit; sub quo
sordes abstergantur, contusa, & tumida consumuntur, corrupta
ab aere separantur, cava implentur, conglutinantur separata.

Omnia illa, quae praecedenti paragrapho recensita sunt, possunt com-
pescere nimis facile distendenda vasa, possunt semimortuas partes una cum
parte vivorum vasorum convertere in escharam gangraenolam, sed non va-
lent

lent separare hanc crustam a vivis partibus suppositis; hoc enim sola natura per suppurationem facit, nec ullus modus alius superest, quo hoc fiat. Sed suppurationis indicium est puris confessio, de quo dictum §. 158. n. 7.: ubi ergo pus bonum apparet in vulnere, novimus vasa sic disposita esse, ut transmittant debita liquida; & simul haec liquida habere illas dotes, quae requiruntur ad sanitatem. De illis, quae requiruntur, ut humores ad vulnus allati boni sint, dictum fuit antea: hoc loco tantum agitur de illis impedimentis, quae in ipso vulnere haerent, & regenerationem periti, bonamque consolidationem impediunt. Quamdiu enim hae fordes in vulnere haeserint, aequae ac ullum aliud heterogeneum corpus, impediunt sanationem. Ubi autem per debita auxilia adhibita in vulnere nascitur bonum pus, tunc novimus per hoc separari posse a vasis vivis omne illud, quod vulneris sanationem impedit. Sed pus illud non tantum debet habere omnes conditiones hic recensitas, sed debet in omni vulneris superficie idem, & aequale nasci: accidit enim saepe, ut non omnis superficies vulneris fordibus oblideatur, sed tantum quaedam ejus pars; tunc pura loca bonum pus dabunt, reliqua aliud diversae indolis liquidum fundent; ergo pus non erit ubique aequabile, sed varium in variis vulneris locis, tuncque haec loca sordida sola requirunt medicamenta paragrapho praecedenti enumerata, quae vivis, & puris vulneris partibus non conveniunt.

Sub hoc pure, quidquid semilacerum vivis cohaeret, & omnes obstructorum vasculorum fines, una cum materia obstruente, solvantur, & separantur; & vasa libera tunc humores sine impedimento transmittunt: hinc omnis tumor labiorum vulneris ab impedito libero humorum trajectu ortus disparere incipit; quae contusione, vel aeris admissione, corrupta fuerant, secedunt, tenerrima vascula bono pure tanquam blando, & naturali balsamo aësta elongantur, vicinis occurrunt, & uniuntur, novamque vasorum texturam faciunt; per quam regeneratur perditum in vulnere, & separata uniuntur.

Totum ergo, quod arte fieri potest, est, ut tollantur illa impedimenta, quae boni puris in vulnere generationem prohibent: reliqua natura sibi semper sufficiens perficit.

§. 209. **T**Um ea, quae carnem generare dicuntur, applicanda, quae sunt digerentia leniora.

Haec remedia sarcotica dicuntur apud Chirurgos: sed unicuique tantum vere sarcoticum dicendum est, nempe ipsa natura, sub blando pure renasci faciens perditam; quam rem Galenus tam pulchre expressit dicens in loco antea citato, [158. n. 9.] quod generandae carnis materies sit sanguis bonus; opifex vero, & autor natura. Reliqua omnia remedia, quibus, carnis generandae vis adscribitur, tantum auferunt impedimenta, & adiuvant adminicula; & nulla alia sunt, quam quae pressione debita coercant vasa, & sic disponant, uti solent esse in sanitate: quod faciunt aerem arcendo, fovendo partes, & humores effusos sic coercendo, ut debita mora in bonum pus mutari possint.

Purum

Purum enim jam vulnus ab omni acriori applicato laeditur; destruantur enim terribissima illa vascula, quae incipiunt renasci, novae sic ab his emortuis nascuntur fordes, quae iterum separari debent: unde sola haec tantum conveniunt remedia, quae §. 204. laudata fuerunt. Bene autem procedere vulneris puri curam novimus, si color addit in vulnere subrubellus (ruber enim nimis color inflammationem natam denotat) si pus debita copia, & bonum addit; si fundus, & latera vulneris aequabilissime excrecant, nihilque ultra aequabilem superficiem attollatur, & labia vulneris non superent altitudine vicinam cutim, sintque aequalia, nec exesa appareant, & in margine vulneris incipiat color pallidus subcaeruleus nasci, qui cicatricem fieri indicat.

§. 210. **S**I autem, peractis, quae primo scopo (185.) satisfaciunt [186. 187. 188.], nihil ex substantia corporis ablatum deprehenditur, labia unienda ita sunt, ut partes naturaliter unitae iterum sibi mutuo applicentur, atque ita retineantur.

Generalia indicata, quae in omni cujuscumque vulneris curatione requirebantur, §. 185. sunt enumerata: & quidem ibidem primo numero dicebatur, deberi auferri omnia illa, quae heterogenea ab instrumento vulnerante, vel partibus fluidis, aut solidis corruptis, relicta possent impedire unionem partium separatarum. §. 186. 187. 188. dictum fuit, quomodo, & per quae, & quibus cum cautelis, haec heterogenea tolli debebant. Si ergo his peractis appareat, quod aliquid de substantia partium ablatum fuerit, illud restituendum primo est, antequam possit fieri unio partium separatarum. Quomodo autem haec restitutio perditae obtineri possit, dictum fuit a §. 189. huc usque. Si autem simplex tantum fuerit facta divisio partium antea cohaerentium per causam vulnerantem, sine substantiae iactura, sine ullo heterogeneo corpore relicto inter partes separatas; habetur tantum simplicissima indicatio, nempe ut labia vulneris, sponte semper a se invicem recedentia, (vide §. 158. n. 1.) sic applicentur sibi mutuo, & applicata retineantur, ut partium omnium situs sit talis, qualis fuerat ante divisionem. Unionem partium sic dispositarum sola natura perficit satis cito etiam in maximis vulneribus, si conditiones modo dictae adfuerint. Optima etiam balsama vulneraria labiis talis vulneris interposita tunc nocent; sunt enim heterogeneum corpus, quod nunquam cum corporis partibus concrelescere potest: sed requiritur tantum applicatio partium separatarum ad se invicem, nullo alio interposito remedio.

Quam facile enim partes corporis vulneratae concrecant, non tantum cum illis, quibus unitae fuerant naturaliter, sed etiam cum aliis vicinis, cum quibus antea nunquam cohaeserant, docent plurima observata. Nobili juveni ense vulnus inflatum fuerat, quod non tantum oculi sinistri palpebram penetraverat, sed etiam simul adnatam oculi tunicam, & ipsam corneam leviter laeserat. Imprudenti cura palpebra concreverat cum adnata, & cornea; unde palpebra aperiri non poterat, & continua fiebat irritatio, & dolor, dum oculo sano moto non poterat impediri, quin etiam
alter

alter oculus moveretur. Ingeniosissima methodo molestum hoc malum sustulit *Hildanus* [g]. Mulieris pudenda Venereo ulcere erosa concrevisse inter se incuria Medici ex *Benvenuto* recentet *Schenckius* (r). Rem hanc etiam confirmat *Chirurgia* curatorum dicta, per quam partes corporis ablatæ restituantur: de qua dictum §. 189., & jam monuerat *Celsus*, quod exulceratio digitorum sæpe, nisi magna cura prospeximus, sanescendo eos jungat (s). Si ergo hæc concretio tam facilis fiat in partibus, quæ antea nunquam naturaliter cohaeserant, longe magis expectanda erit, quando partes, quæ prius unitæ fuerant, iterum contiguæ sunt.

§. 211. **H**orum prius absolvitur 1. situ conciliato parti illo, qui quiescenti aderat: 2. leni, & æquabili partium ad se invicem compressu, ut in omni superficie contiguæ sint, & quiescant.

1. Maximæ utilitatis est cognoscere, qualis sit situs partium in homine quiescente, & imprimis in homine sano dormiente; tunc enim omnis motus voluntarius silet, & partes corporis sibi relictæ omnium maxime naturali situ disponuntur. Apparebit tunc, nullum articulum corporis extensum esse, sed omnes leviter flecti. Nunquam enim in sano homine dormiente digiti extensi sunt, nunquam tibia cum femoris osse in lineam rectam porrigitur, sed semper omnes illi articuli leviter inflexi sunt: idem de reliquis verum est. Musculi enim, qui articulos flectunt, plerumque extensoribus fortiores inveniuntur; hinc ubi neutri agunt vi musculari, tunc propria contractilitate partium flexores musculi prævalent extensoribus, & ideo semper leniter inflexi apparent in quiescente articulo. Apparet hoc etiam evidenter in paralyti perfecta partium corporis; tunc enim omnis actio muscularis voluntaria cessat. Si enim v. g. totum brachium paralyticum fuerit, digiti semper inflexi inveniuntur, & sic manent; unde sæpe post curatam paralytin non possunt extendi digiti, rigidis factis ligamentis articulorum, & musculis flexoribus, tanto temporis ipatio non elongatis, hinc propria contractilitate brevioribus redditus: unde extensores digitorum hæc obstacula superare non possunt. Hippocrates, qui tam sollicitè naturalem habitum partium corporis observavit, ut posset cognoscere, quantum morbi inde recederent, & hinc distinguere eorundem variam magnitudinem, hoc pulchre notavit, dum de decubitu optimo aegri agit, dicens: oportet autem aegrotum a Medico depræbendi decumbentem in dextrum aut sinistrum latus, & manus & collum & crura parum inflexa habentem, & toto corpore humentem, sic enim plurimi sanorum cubant (s). Dum hoc negligitur in vulnere curatione, concrevunt inter se partes alio in situ, quam naturaliter habebant, & turpis sæpe nascitur a distractis partibus difformitas, vel motus naturalis partium depravatur sæpe plurimum. Sic pueri, cui sexto men-

(g) *Centur VI. Observ. 7. pag. 501.* (r) *Observ. Medicin. lib. VI. Observ. 23. pag. 814.* (s) *A. Corn. Cels. Medic. lib. V. cap. 28. pag. 331.* (t) *In Pro: quatuor Charter. Tom. VIII. pag. 600.*

menſe ætatis dextra manus miſere combuſta fuerat, ab imperitis neglecta hac cautela, digiti omnes, excepto pollice, cum cute metacarpi concreverant, unde peſſima diſformitas orta, & omnis uſus membri perierat; artiſcioſiſſima curatione, ſed oſeroſa tamen, correxit hanc diſformitatem, & uſum partis reſtituit Hildanus [u].

In prima autem deligatione vulneris ad hoc attendendum eſt; nam partes crudæ unitæ citiſſime conglutinantur: unde non poterit error commiſſus corrigi, niſi crudeli cura diſcindantur iterum illa, quæ jam concreverant.

2. Partes corporis per vulnus ſeparatæ propria contraſtilitate ſenſim plus recedunt a ſe mutuo, uti dictum §. 158. n. 1. Sed ut agglutinentur iterum, requiritur, ut maneant contiguæ: hinc artiſcioſa preſſione debet ſuperari illa vis, qua a ſe mutuo recedere conantur. Quam maxime autem notandum, quod debeat hæc unio partium fieri in tota vulneris ſuperficie, ſi enim profundi vulneris labia contigua ſiant, & interim partes ſuppoſitæ dehifcant, cavum manebit in vulnere, in quo effuſi humores colliguntur, & in ſinuofum ulcus facient degenerare vulnus. Hoc autem perficietur, ſplenis appoſitis, idonea ligatura vicinas partes ſic premento, ut labia vulneris æque in fundo, quam in cute ipſa ſiant contigua. Requiritur tamen ut hæc compreſſio moderata ſit, ne fiat in partibus compreſſis nimia vaſorum anguſtatio, unde inflammatio, & omnia, quæ inde ſequuntur mala, poſſent oriri. Simul tunc requiritur perfectiſſima quies eſt vulneratæ, unde ſic firmandum eſt membrum vulneratum, ut immobile maneat; ſæpe enim in ſomno, vel vulnerati incuria, mota parte vulnerata mutatur ſitus partium, ſeparantur vulneris labia, & dilacerantur illa, quæ jam concreverant; unde curationis pulcher eventus tollitur.

§. 212. **R**etinentur in adunatione. 1. Emplaſtris tenacibus, digi-
tatis proceſſibus, ad fines anſatis, utrimque a latere vulneris appoſitis, & per fila adducendis. Quæ locum habent in longis ſciſſuris tranſverſis cutis, vel partium laxarum.

Varii jam requiruntur modi pro vulnere diverſitate, ut partes contiguæ factæ maneant in debita unione. Hoc fit.

1. Per futuram ſiccam dictam Chirurgis, ut diſtinguatur a ſuturis ac ſactis. Sumunt tenax quodcumque Emplaſtrum, quod cuti ſanæ validiſſime adhaerere poteſt; vel commune ſabrorum gluten, Ichtyocolam, vel aliud quid ſimile, non reſert fere quale fuerit, modo debitam habuerit tenacitatem: illud deinde extendunt ſupra linteum fortis texturæ, ne facile cedere poſſit; applicant utrimque ad aliquam diſtantiã a labiis vulneris, leviter calefactum, ut eo fortius adhaereat; tunc adducunt bina hæc Emplaſtra anſulis inſtructa, ut ſilis tranſmiſſis attrahi ad ſe mutuo pro lubitu poſſint. Cutis adhaerens his Emplaſtris utrimque ſic attrahitur, ut vulneris labia contigua ſiant; & cum hæc Emplaſtra non tegan ipſum vulnus, commode poteſt

potest videri, an naturalem situm habeant labia vulneris unita; & si aberraverint ab hoc situ, poterit illud facile corrigi. Prout jam vulnorum variat magnitudo, varia figura, & numerus horum Emplastorum requiruntur. Minoribus vulneribus, nec admodum hiantibus, digitata talia Emplastrata sine anfulis sufficiunt: majoribus autem vulneribus, & quorum labia magis ab invicem recesserunt, tutius applicantur similia Emplastrata, quae habenulis per anfas transmissis adduci possunt. De his Emplastis, & vario illorum usu videatur Heisterus, (*) ubi illa delineata habentur.

Sed, uti facile apparet, sola cutis tantum per haec Emplastrata adducitur, subiecta pinguedo, si profundo vulnere laesa fuerit, mobilis admodum, & laxa non sequetur cutem adductam, unde fere tantum locum habent, ubi cutis sola per vulnus divisa est, & partes satis laxae facile sequi possunt. Hinc in vulneribus faciei non nimis profundis, & integumentorum capitis imprimis ufum habent; uti etiam in vulneribus non alte penetrantibus reliquarum corporis partium.

Vulneris dein labiis, per Emplastrum tenax unitis, imponitur plumaceolum balsamo quodam vulnerario inunctum, ut aer arceatur, & relictis Emplastis quotidie vulneris extrema superficies lustratur, ut pateat, an omnia recte se habeant.

§. 213. 2. **C**ircumductu Fasciarum, & appositu Spleniorum; ut partes dehiscentes (158. 1.) aequabiliter appressae maneant, & coeant; quod determinato pressiois modo facile fit. Convenit vulneribus inflicis juxta longitudinem partis vulneratae.

Vulnera superficialia his non indigent, sed tantum profunda, in quibus requiritur, ut partes in fundo vulneris aequae contiguae fiant, ac superficies extrema; ut bona curatio fiat. In his autem rite applicandis Chirurgi peritia, & dexteritas imprimis cognoscuntur. Fasciae circumductae omnem ambitum, quem involvunt, premunt aequabiliter, sed splenii applicatis potest fasciae compressio, eadem licet maneat, plus agere in quaedam loca, quam in reliqua; hincque pro lubitu determinari pressiois vis, ut omnia puncta superficiei vulneris contigua fiant. Facile patet autem, hanc methodum nullius usus esse, nisi partes vulneri vicinae molles fuerint, & hinc cedere possint: si v. g. femori juxta longitudinem partis vulnus profundius inflicum fuerit, utrimque a latere splenii appositis, & fasciis circumductis possunt aequabiliter molles partes sic premi, ut divisiae in vulneris rota superficie partes iterum contiguae fiant. In aliis locis minus carnosus non adeo facile hoc fit; sed etiam talibus locis raro tam profunda vulnera contingunt, quae hoc requirant. Hippocrates, ubi de vario deligationum usu agit, hanc methodum indicare videtur (y) *At ubi, quae expansa sunt, contrahere oportet, in caeteris quidem eodem modo.* Ex lon-

ginguo

(*) Infil. Chirurg. Tab. IV. pag. 109. (y) De Medici Officina Charter. Tom. XII. pag. 68.

gingua tamen quodam intervallo contractio, & sensim progressu facto compressio facienda est, prima quidem minimum, postea magis, maximae compressionis terminus sit mutui contactus.

Quamvis haec methodus omnium felicissimo successu adhibeatur vulneribus inflicti secundum longitudinem partis vulneratae, tamen videntur & locum habere posse aliquando in transversis partium vulneribus. Memorabilis ille casus in Commentariis ad paragraphum 164. recensitus hoc docet, ubi nempe saltu validissimo utriusque pedis magnus tendo, qui Achillis dicitur, integra cute rumpebatur, sic ut trium digitorum transversorum amplitudine distarent a se mutuo tendinis rupti extrema: tamen idonea positura partis affectae, & artificiosa pressione per splenia, & fascias circumductas, poterunt adeo dissitae partes in mutuum contactum adduci, & condescere perfectissime. Patet ergo, si in tam difficili casu hoc per artem fieri poterit, multum etiam ab hac methodo sperari posse aliquando in transversis partium vulneribus.

§. 214. 3. **S**uturis per acus chalybeas, rectas in minori, curvas in majori profunditate vulneris, acuta acie, cauda cava filum cere obductum abscondente, ad sufficientem a vulnere distantiam infixas, ad fundum usque adactas, sic pariter in altero labio eductas, quarum filo adstricto unita prius labia retineantur, dein levi splenio superductum filum colligetur: id repetitur a medio, vel ab angulo vulneris, ad fines ejus, pro necessitate. Hinc balsamo labia linenda, superpositisque levibus spleniis supra nodos, Emplastro tegendum est vulnus.

Haec methodus uniendi vulnere separatas partes vocatur sutura cruenta, si ve vera, cum illa adunatio partium per emplastra tenacia facta suturae nomen vix mereatur. Imprimis hic requiritur, ut fiat haec unio cum minimo dolore, & irritatione partium: Dum enim nimis ruditer haec fiunt, saepe valida inflammatio sequitur, quae unionem partium obductarum impedit. Ad hanc rem requiruntur acus chalybeae satis fortes, nec tamen nimis rigidae, ne frangantur. Conica figura in his acubus noceret, quia sensim aucta crassities facit, ut difficilior adigantur per partes: hinc sumuntur tales, quarum anterior pars prismatica acutis lateribus facile transit, & viam facit commodam reliquae parti, quae conica, vel cylindrica est. In minus profundis vulneribus rectae tales acus sufficerent; in profundioribus autem requiruntur incurvae, ut ad fundum vulneris usque protrusae facilius versus superiora emergant. Varia ergo acum curvatura requiritur pro diversa vulneris profunditate. Nisi jam cauda harum acum utrimque crenam insculptam habuerit, quae filum abscondere possit, dum acus protrahitur, ejus cauda cum filo utrimque prominente non posset sequi sine dilaceratione partium. Filum autem cera obducitur, sic enim dubitum saecum transit facile, nec humores imbibit, unde fila tumefacta partes, per quas transeunt, comprimerent: praeterea humores filo resorpti,

mora, & calore acriore redditi, irritare possent partes. Acus tunc filo instructa ad sufficientem distantiam a vulnere infigitur, ne fiat postea dilaceratio partium, si nimis propinquo vulnere loco infingeretur. Debent autem acus adigi ad fundum vulneris usque, deinde sursum protrudi, ut per oppositum vulneri latus iterum ad sufficientem distantiam a vulnere exeant. Nisi enim ad fundum vulneris usque penetraverint, superiores partes adducentur quidem, sed inferiores dehiscunt, & cavum relinquunt; in quod effluis humores, stagnando corrupti, fistulosum ulcus facient ex puro vulnere: unde postea debebunt iterum solvi illa, quae unita fuerant.

Filis jam transmissis blanda manuum compressione, *qua cutis ducentem quasi sua sponte subsequitur*, (Z) contigua fiant vulneris labia, & deinde filis adstrictis in hac unione retineantur. Ut autem dolor, & dilacerationis metus, quantum fieri potest, evitentur, spleniis ex linteo imprimis cerato, (ne humores imbibendo noceat) impositis prius, constringuntur nodi. Prout jam major fuerit longitudo vulneris, vel figura ejus magis minufve angulosa, plures, vel pauciores requiruntur tales suturae; futura enim, si nimis rara est, non continet, si nimis crebra est, vehementer afficit, quia, quo saepius acus corpus transivit, quoque plura loca injectum vinculum mordet, eo majores inflammationes oriuntur, maxime aestate (A). Plumaceolum leni balsamo vulnerario inunctum vulnere imponitur; deinde idonea ligatura, vel Emplastro superimposito, retinetur totus apparatus.

Si non oriatu valida inflammatio, vel magnus dolor, relinquitur vulnus sic per duos tredecim dies, deinde ligatura, vel Emplastro remotis attenditur, an aliqua corruptelâ odore detegatur ab humoribus effluis; tunc enim plumaceolum prudenter removeri debet, & novum, simili balsamo madidum, applicari; aliter paucae guttulae balsami instillantur plumaceolo relicto. Ubi jam apparet, labia vulneris concrevisse satis firmiter, fila prudenter leviter trahuntur, ut sciatur an commode educi possint; plerumque enim hoc satis facile fit, & vulnuscula haec relicta satis cito coeunt.

Si vero valida inflammatio, dolor ingens, tensio partium magna sequatur suturam factam, praestat illam discindere, & vulnus tunc sine futura curare. Nisi enim hoc fiat, pessimorum symptomatum caterva ingruet, quae sero coget facere illud, quod in tempore factum magis profuisset.

Varia jam suturarum genera, & diversae has perficiendi methodi apud auctores habentur, qui de operationibus Chirurgicis scripserunt.

§. 215. **C**onveniunt [214.] recenti, cruento, a magna tamen haemorrhagia libero, simplici, pleno, puro, tranverso, obliquo, anguloso vulnere.

[Nocet [214.] copiosum cruorem stillanti, antiquo, sanioso, purulento, sordido, contuso, substantia propria orbat, crustis obdus, valis magnis laesis periculoso, nimis profundo, valde inflammato, venenis infecto, in parte necessario mobili haerenti vulnere.]

De-

(*) A. Corn. Celsi lib. V. cap. 26. pag. 293. (d) Ibidem.

Determinatur hac paragrapho, quibus vulneribus suturae cum fructu applicari possint, quibus vero noceant.

REGENTI, CRUENTO. Si enim vulnus jam aliquo tempore inflictum fuerit, & imprimis si aer libere accesserit, extremi valorum fines in superficie vulneris jam erunt mortui; hinc debebunt separari per suppurationem, a vivis, nec poterunt invicem con crescere; frustra ergo per suturam unio fieret.

A MAGNA TAMEN HAEMORRHAGIA LIBERO. Quia sanguis effusus distraheth labia per suturas abducta: unde dilaceratio, dolor, inflammatio, & reliqua, quae inde sequuntur mala.

SIMPLICI. Cui nempe nulla contusio simul adest ullius momenti. Unde Hippocrates dixerat in loco citato §. 158. N. 7., acuto telo facta vulnera sine suppuratione curanda esse; si vero contusio adest, tunc ita mendandum esse, ut celerrime suppurentur: carnes enim contusas putrescere & in pus verlas contabescere necesse est.

PLENO. In quo nempe tantum facta fuit cohaesionis divisio sine ulla substantiae jactura. Si enim quid ablatum fuerit de vulnere, non poterunt partes separatae contiguae reddi, quin distrahantur ex situ naturali, unde semper turpis cicatrix, & laesio functionum violentam talem additionem sequentur.

PURO. In quo nihil heterogenei a causa vulnerante relictum fuit, nullae sordes, nec grumi sanguinis, nec caro fungosa adsunt: omnia enim haec prius sperari, & educi debent, antequam consolidatio expectari possit.

TRANSVERSO, OBLIQUO, ANGULOZO VULNERI. Quia in his casibus nec Emplastrataenacia, nec artificiosae fasciarum, & spleniorum applicationes sufficere possunt, ut partes contiguae fiant, & retineantur adunatae.

NOCENT COPIOSUM CRUOREM &c. Imperiti Chirurghi, dum nullo habito discrimine quaevis vulnera suturis uniunt, quam gravia saepe miseris intulerunt damna? Quid juvabit unire separatas partes, si unitae nequeant con crescere; vel effusi humores, unitis labiis vulneris retenti, educi debeant postea, futuris discissis? Turpe tale exemplum enarratum fuit §. 172. N. 3. ubi rudis Chirurgus pectori inflictum vulnus in cavum penetrans futura univerat, unde in summum vitae discrimen deducebatur vulneratus, toto pectoris cavo sanguine repleto, qui per clausum vulnus exire non poterat. Et periisset certissime miser homo, nisi Pareus futuris discissis sanguinem eduxisset cavo thoracis contentum. Nisi ergo pura fuerit, & sana vulneris totius superficies, nihilque fuerit ablatum de substantia partium, suturae nocebunt semper. Praeterea si vulnus fuerit inflictum tali corporis parti, per quam magna vasa sanguinea, vel notabiles nervi decurrunt, quis audebit acus profunde per talem partem adigere, nisi talis, qui scientiae Anatomicae partium ignarus periculum non novit? Idem discrimen adest, si nimis profundum vulnus fuerit, unde tendines, & membranae tendinosae facile per acus laedi possent: a quibus laesis tam saeva solent sequi symptomata: accedit, quod profundo nimis vulnere divisae partes non poterint adduci ad se invicem, ut in omni puncto superficiei

contiguae fiant, nisi fila transmissa attrahantur valida vi; unde dilacerationis, inflammationis validae &c. magnus metus est. Si vero jam inflammatio vulneratam partem occupaverit, ruditer tractata parte per futuras, augebitur inflammatio saepe in gangraenam usque: & blanda suppuratione inflammatorum vasculorum fines obstruisti una cum materia obstruere debent solvi & separari, antequam vulneris superficies pura, & unioni apta evadere possit.

Si vero instrumentum vulnerans veneno infectum fuerit, & anomala symptomata maligna virulentia produxerit, tota spes curae in eo est (nisi cognita sit antidotus veneni vim destruens) ut effusus humoribus per vasa dilcissa, suctione, vel cucurbitulis aucto affluxu humorum ad vulneris locum, ablatur, & expellatur hoc virulentum; vel vivo igne pars infecta, uno destruat momento, ne labem conceptam reliquo corpori communicet. Patet ergo evidenter, per suturam vulneris retineri hoc virulentum, quod expellendum quam ocyssime ars jubebat.

Patet etiam evidenter, quod requiratur absoluta quies partium per suturam unitarum: si enim moveantur hae partes, idem fiet, ac si fila transmissa traherentur continuo, unde irritatio perpetua, dolor, inflammatio, & quae ex his sequi possunt mala, fient. Possumus jam omnes motus, qui a voluntatis imperio pendent, compescere: illi vero motus, qui absolute ad vitam continuandam requiruntur, pergent semper. Haec est ratio, quare vulnera thoracis suturam non admittunt, imprimis si convexae maxime collarum superficiei infecta fuerint: singulis enim inspirationibus dilatato pectore distraherentur summo cum dolore partes unitae. Ideo etiam, dum per suturam uniunt abdominis vulnera, ne contenta viscera per vulnus exprimantur, fasciis sic abdomen firman, ut vulneratus immoto fere abdomine respiret. Damnanda ergo quam maxime quorundam Chirurgorum imperitia & temeritas, qui quaevis fere vulnera sine ullo discrimine laceri panni instar consuunt.

§. 216. 4. **A**CU manente vulnere per labia ejus transfixa, si loque ei ita circumducto, ut horum retroitum impediatur, sed retineat unita. Convenit magnis, hiulcis, pendularum partium vulneribus.

Prior sutura fiebat filis transmissis per foramina acu facta, & deinde adductis filorum constrictione vulneris labiis: sed in hac methodo acus non educitur ex partibus perforatis, sed ibi relinquitur, & deinde filum utrimque sic circumducitur, ut labia vulneris acu transfixa, & ad se invicem adducta, maneant contigua. Methodus haec imprimis adhibita fuit curando *Labio Leporino* dicto, quando nempe pars illa labii superioris, quae gutturmum illud sub naso constituit, fissi est: postea etiam pulchro successu magna, & admodum hiantia partium pendularum vulnera sic univerrunt. Quia autem in labio leporino fissae fuerunt a nativitate hae partes, hinc utrimque fornice abscinditur callosa superficies, uti & in angulo superiori leve vulnusculum fornice fit, ut partes unicadae crudi vulneris naturam

turam acquirant; si enim quid callosi relictum fuerit, nunquam fiet ibi bona unio partium. Rite tunc sibi invicem adaptatis labiis vulneris, acus ad quatuor linearum distantiam a vulnere infigitur, & per mediam labiorum substantiam transadigitur, donec in opposito latere ad similem distantiam a vulnere acus emergat, quam tunc in vulnere relinquitur, & decussatim circumducto filo in situ retinentur partes unitae. Pro varia jam magnitudinis vulneris plures, vel pauciores acus sic transfiguntur, ut in omni puncto partes separatae fiant perfecte contiguae. Ne autem acui cuspides acuum relictarum laedant, abscinduntur forfice, & extremis acuum supponuntur spongiolae, quae longe melius se accommodant figurae partium, quam spleniola. Ut autem cito, & sine vacillatione possint transadigi acus, aptoprehenduntur manubrio, quia solis digitis Chirurgi prehensae, acus non tam firmiter transadigi possent. Praeterea ut evitentur illa mala, quae ab acuum acutis extremis relictis fieri possent, (non potest enim dura chalybs forfice abscindi nisi magna vi adhibita, unde saepe hoc concussu partium unitarum in situ fieri posset mutatio) adhibuerunt acus chalybeas quidem, sed quarum posterior pars ex puro argento facta erat; transfixis tunc acubus partem argenteam relinquebant in vulnere, acumen chalybeum una cum parte argentea quadam adhaerente abscindere poterant longe minori vi adhibita; Idem etiam pulcherrime perficitur acubus chalybeis paulo maioribus, hinc firmitus tenendis sola digitorum operum, quarum cauda fissâ tenet aciculam argenteam utrimque obtuso capitulo instructam, quae tunc in vulnere relinquitur, & filis circumductis firmatur. Videatur de his *Garengot*. (b)

Ubi jam adunatae partes firmiter concreverunt, eductis aciculis illis argenteis, vulnuscula haec satis facile consolidantur.

§. 217. **U**ltimus scopus [185. 4.] attingitur, curando, ut parti sic respondeat, quemadmodum olim in sanitate, sicque retineantur, ut nimis nec premantur, nec laxentur; adurentia, stiptica, adstringentia vitando, imprimis vero curando, ut in omni parte aequabiliter prematur vulnus. Quae omnia obtinentur peractis, quae descripta ab (186. ad 206.), & dein imposito leni desiccante medicamento; denique cicatricem spirituosius abluendo.

Indicationes generales illorum, quae ad curam vulnorum perficiendam requirebantur, enumeratae fuerunt §. 185, quatuor ibi numeris comprehensae. De tribus prioribus huc usque dictum fuit: ultimum, quod fieri debebat, erat, ut restitutis illis, quae perierant de corporis fabrica, & adunatis iam partibus, quae per causam vulnerantem fuerant separatae, obduceretur tegumentum naturali cuti quam simillimum: si enim simplex divisio partium acutissimo instrumento facta fuerit, & mox partes divisa in situ naturali iterum fuerint unitae, conrescent sic, ut nullum vestigi-

Y 3

gium.

(b) *Traité des Operations de Chirurgie &c. Tom. III. pag. 18. &c.*

gium vulneris inflicti relinquatur, tuncque vulnus sine cicatrice sanatur. Cicatrix enim vulneris inflicti post sanationem integram relictum vestigium dicitur, quo pars illa integumentorum, ubi vulneris hiatus fuerat, distinguitur a cute vicina. Omnium perfectissima sanatio vulneris est, ubi nulum vulneris facti vestigium manet: ubi autem hoc obtineri non potest, tota curae pulchritudo in eo consistit, ut illud vestigium relictum in loco, ubi vulnus fuerat, quam simillimum fiat cuti vicinae. Dum enim per causam vulnerantem, vel per suppurationem vulnus secutam, aliquid ablatum fuit de substantia corporis, debet renasci aliquid novum, quod ante non fuerat; illudque nunquam habebit omnino easdem dotes, quas pars ablata habuerat; unde poterit distingui a vicinis partibus.

Pulchritudo autem cicatricis pendet a tribus imprimis sequentibus. 1. Si curetur, ut partes unitae sint in eodem situ, quem obtinebant ante, vulnus inflictum. 2. Si cicatrix non emineat ultra aequabilem cutis vicinae superficiem. 3. Si cicatrix non sit cava. Primum obtinetur, si attendatur, ut labia vulneris per Emplastra tenacia, suture, vel idoneam ligaturam sic respondeant sibi invicem, quemadmodum in sanitate. Secundum fiet, si moderata pressione cutis coercentis defectus suppleatur, ne vasa hoc tegmine orbata, a liquidis suis distenta, ultra aequabilem superficiem emineant: dum enim hoc negligitur, vel nimis emollientibus vulnus tractatur, emiens zona foedam cicatricem efficit. Tertium cavebitur, si bona facta fuerit restitutio perdit. Cava autem cicatrix plerumque fit ideo, quia vicinae cutis pressio panniculum adiposum in vulneris locum premit, & facit assurgere, qui ibi in sordes, & fungosam carnem dictam degenerans suppuratione facta consumitur, nec renascitur postea: unde deprimitur cicatrix, molli pinguedine fulciente destructa, & cava manet. Unde patet, saepe caveri non posse, quo minus cicatrix profunda & cava relinquatur, si nempe per causam vulnerantem, vel per validam suppurationem secutam, pinguedo destructa fuerit. Monuit Hippocrates: (c) *Ulcera annua quaecumque fuerint, aut longius tempus habuerint, ut abscedere, & cicatrices cavas fieri necesse est.* Et alibi (d): *si ergo undecumque es abscesserit, siveustum sive secum, sive alio quocumque modo, borum ulcerum cicatrices magis cavas fiunt.* Quam turpes, & profundae cicatrices relinquuntur, postquam per ulcera venerea subjacens panniculus adiposus consumtus fuit, satis notum est.

Apparet hinc facile, quare ADURENTIA, STIPTICA, & ADSTRINGENTIA vitanda sint, si pulchram cicatricem facere velit Chirurgus. Per haec omnia enim vasa viva vel destruantur, vel sic constringuntur, ut fluida non transmittant, sed suppuratione facta mortui vel obstruisti vasorum fines debebunt separari; unde fiet substantiae jaetura, pinguedinis consumtio, & cava nascetur plus minusve Cicatrix. Simulque patet, quantum possit contribuere ad cicatricis elegantiam aequabilis pressio, quae impedit, ne vasa nimis distenta emineant.

Cicatri.

(c) Aphorism. 45 Sect. VI. Charact. Tom. IX. pag. 277. (d) De ulceribus cap. 4. Charact. Tom. XII. pag. 132.

Cicatricis autem nascentis signa haec sunt. Margines vulneris vel ulceris jam consolidandi incipiunt magis albi, & solida heri, sensimque haec albedo centrum versus ex omni ambitu protenditur: interim in superficie, aperta vulneris similis albedo hinc inde sparsa incipit nasci, quae aequali superficie cum marginum limbo si concurrat, optima cicatrix nascitur. Vulnus quoque purum, antea in omni superficie puncto humidum, in illis locis, ubi illud album cicatricis rudimentum apparet, siccatur. Unde omnia illa remedia, quae cicatrizantia, vel & Epulotica dicuntur, semper laudantur talia, quae leviter exsiccant, & roborant. Hinc ex plumbo, vel ejus calcibus parata Emplastra; Colophoniae, Olibani, Sarcocollae &c. tenerimi pulvisculi vulnere, vel ulcere in cicatricem tendenti tanto cum fructu solent applicari: quae omnia in Materia Medica ad hunc numerum recensentur.

Patet hinc inanis jactantia illorum, qui se omnia vulnera sine cicatrice curare posse arcanis suis remediis gloriantur. Prudentes certe & periti Chirurghi, post magnam substantiae jacturam, vel diuturnam suppurationem, nunquam pulchram fore cicatricem praedicunt: & de hac re vulnerati semper praemoneri debent, ne cicatricis deformitatem curantis incuriae adscribant temere.

Cicatricis locum deinde spiritu rosmarini, Matricali, vel simili fovere saepius convenit: omnibus enim illis spirituosus haec vis inest, ut partes animalium firmiores reddant. Debiliior enim ille locus manet, tenui tantum pellicula testus; hinc facilius laedendus, quam vicina loca: unde saepe convenit, ut vel leni plumbae Emplastro, vel mollissima aluta tegatur diu adhuc locus jam consolidatus, ne vestium attritu, vel aeris injuriis, recrudescat sanatum vulnus.



HAEMORRHAGIA.

§. 218. **S**I cruor manat ex vulnere multus, per suas [159. 160.] causas sistitur. 1. Causticis ignitis. 2. Corrosivis. 3. Adstringentibus. 4. Circumstricto filo. 5. Dissectione integra. 6. Fasciis, & splenio pyramidalis comprimentibus.

Pertractatis illis, quae ad curam vulnere generalem pertinent, antequam ad singularia observanda in curatione vulnere capitis, thoracis, & abdominis pergatur, primo consideranda sunt quaedam Symptomata, quae vulnere accidunt, & saepe tam gravia sunt, ut in summum vitae discrimen adducant vulneratum: unde requiritur, ut haec prius tolli, vel saltem multum minui possint, antequam vulnere curae prospici possit. Primaria talia Symptomata sunt Haemorrhagia, Dolor, Convulsio.

Haemorrhagia propria vocabuli significatione copiosum sanguinis cum impetu effluxum notat, postea tamen etiam obtinuit, ut pro quocumque sanguinis effluvio sumeretur. *Aἱμορραγία* enim videtur optime derivari *αἷς* & *ῥαγίζω* *haimos* & *haima*, quod vocabulum ex Galeni sententia apud Hippocratem idem significabat, quod *αἵματος* *haimatos*: cum impetu, & confertim prodire. Dum enim sanguis modicus & sensum effluit, *ῥίσις* vocavit Hippocrates, vel lene stillicidium dixit *σταγυρίς*. (e) Ubi autem Haemorrhagiae nomen simpliciter occurrit apud Hippocratem, non addita parte corporis, ex qua erumpit, tunc intelligi illam, quae per nares fit, sanguinis eruptionem, monet Galenus. (f)

Post vulnus inflictum sequens copiosus, & cum impetu sanguinis effluxus notat semper, vasa majora, sanguinem vitalem rubrum gerentia, laesa esse: imprimis autem arteriosa, quia venae, nisi maximae fuerint, vel ligatura apposita tumeant, raro multum sanguinis fundunt, & nunquam tanto cum impetu, quanto ex arteriis laesis sanguis prorumpit. Si ergo tanta fiat sanguinis jactura, ut funestus merito inde timeatur effectus; nec spes sit, debilitata vita, vel contracta arteria, sponte sibi posse, tunc recurrimus ad illa auxilia, quae in arte cognita sunt, ut impediatur sanguinis eruptio: Pleraque tamen haec auxilia, quae sanguinis eruptionem compescunt, vulnere curam retardant: destructi enim vasorum fines per ignem, corrosiva, ligaturae, compressiones &c. debent prius separari, antequam vulnere consolidatio obtineri possit.

Variae autem methodi adhibitae fuerunt ad compescendas haemorrhagias: omnes tamen hae vel agebant constringendo vasis dissiili orificium; vel,

(e) Gorrsei definit. Medic. pag. 26. (f) Commentar. I. in lib. I. Epidem. Char. ter. Tom. IX. pag. 18.

vel, coagulo indulto sanguini effluenti, impediabant ulteriorem effluxum; vel denique utrumque simul perficiebant.

1. Praefentissimum remedium haemorrhagias sistens habetur, si candenti ferro *vas* sanguinem fundens tangatur; illico enim in densam, nec resolvendam amplius massam, combuntur sanguis, sicque obturat vas aperti orificium: simul ipsum vas ignis actione crispatur, & constringitur, unde utroque hoc effectu conspirante sanguis sistitur. Diu hac methodo usi fuerunt Chirurghi: unde in exstirpationibus artuum, & similibus operationibus, in quibus valida metuebatur Haemorrhagia, semper parata habebant cauteria variae figurae, & magnitudinis, ut comburendo sistere sanguinem.

Sic apud Graecos recentiores, & Arabes, *Paulum Aeginetam*, *Avicennam* &c. ferro ignito post exstirpationes membrorum supprimebatur Haemorrhagia. *Guido de Cauliaco*, & post illum alii, oleo servido usebantur in eundem finem. Vesalius (g) in exstirpatione membrorum candenti ferro jubet secari carnes, ut simul sic sanguinis effluxus impediretur. Sed haec methodus plurima habet incommoda, unde vix adhibetur amplius. Difficile enim est requisitum caloris gradum ferro ignito conciliare; si nimis candescat, saepe simul aufertur illud, quod combustum est; si non satis caleat, non sistitur Haemorrhagia. Praeterea dolorem ingentem, inflammationem validam, & quae inde sequi possunt mala, cauteria faciunt; & omne illud, quod combustione sic destructum fuit, debet postea suppuratione facta recedere a vivis partibus, & separari; unde maximum periculum est, ne decidua eschara redeat post paucos dies Haemorrhagia, quae tunc difficilior adhuc compesci poterit, quam in initio. Vas enim combustum eschara decidua, brevius erit; hinc non poterit, vel saltem, difficilius, apprehendi, & ligari; unde haec cauterii applicatio repeti deberet, superlittere semper aequali periculo, ne recrudesceret haemorrhagia, postquam & haec de novo facta eschara deciderit. Ideo, postquam artificiosa compressione, aut vasorum ligatura tam pulchre noverunt sistere sanguinis effluxum perini Chirurghi, cauterii rarior usus fuit. Imo Galenus jam damnaverat Escharoticorum ulum, tanquam minus tutum in sistendo sanguine. *Quantum enim parti in crustam adustum est, tantum profecto ipsi de naturali carne perditur. Id itaque omne parti decedit, dum crusta cadit; atque ob eam rem nuda, & sine carne apparet, multisque, postquam crusta deciderit, profusio sanguinis, quae aegre suppressi potuit, supervenit.* (b) Unde nonnulli in summa necessitate voluit adhibenda esse, & imprimis ulum habere dixit, ubi ex erosione alicujus putrescentis sanguinis profluvium oriebatur; sic enim & sanguis sistebatur, & serpens putridum vivi ignis actione destruebatur illico.

2. Dum vivus ignis per metalla candefacta, vel ebulliens oleum applicabatur corporis partibus, vocabant haec remedia Cauteria simpliciter, vel & Cauteria actualia. Sed dantur acerrima quaedam remedia, quae par-

tes,

(g) Chirurg. magn. Lib. V. cap. 17. pag. 108a. [b] Method. medicendi Lib. V. cap. 4. Chaster. Tom. X. pag. 110.

tes, quibus applicantur, sic destruunt, & in escharas comburunt, ac seciffes ignis applicatus. Haec a similitudine effectuum vocabantur Cauteria: sed quia actu ignem non continent, dicebantur Cauteria potentialia. Vocantur & Corrosiva, quia partes corporis, quibus applicantur, rodendo consumunt, & destruunt. Sed etiam escharae, per horum applicationem factae, debent leparari & decidere; unde idem periculum novae Haemorrhagiae nascitur, ac a cauteriis actualibus applicatis. Praeterea omnia haec acerrima cum sint, vicinas partes nerveas, vel tendinosas saepe pessime irritant, unde tam saeva mala oriri notum est. Laudatissimum imprimis fuit ad hos usus Vitriolum Cyprinum dictum, quod in globulum rasum, vel in pulverem tenuem tritum, & linteis carptis exceptum, applicabant orificio vasis discissi. Sanguis ipso tactu fere vitrioli illius coagulatur in thrombum, qui operculi instar vas dissectum claudit, simul & constringit vas ipsum & in escharam comburit vitriolum. Sed non potest globulus ex vitriolo factus applicatus manere orificio vasis discissi; nisi idonea firmetur ligatura, quae sola posset sufficere; ut statim patebit.

3. Dictum fuit §. 28. N. 4. de adstringentibus, quatenus fibrarum solidarum corporis nimis debilem cohaesionem redderent fortiozem, sed hic adstringentium usus tantum est, ut sanguinis fluxum compescant. Hoc autem efficiunt, vel constringendo orificium vasis discissi; vel coagulando sanguinem effluentem, qui tunc vasis orificium obturat; vel denique utrumque effectum simul praestant. Sunt & praeterea illa remedia, quae, licet nec sanguinem faciant adeo concrelescere, nec vasa constringant, tamen sanguinis effluxum cohibeant; unde hoc respectu tantum adstringentium nomen merentur. Talia sunt v. g. farina volatilis molitorum, gypsi pulvis, & similia bibula corpora, quae liquidum quodcumque, quod attingunt, absorbent, & cum liquido absorpto concrelescunt in duram satis massam, quae vas discissum obturare, & sic effluentem sanguinem sistere poterit: sed si major arteria discissa fuerit, torrente sanguinis erumpentis averrentur hi pulvisculi; hinc minus his confidere possumus: unde post magnas explorationes, dum applicabant vulneris superficiei bibula haec corpora Chirurgi, simul noctes diesque famuli adfidentis manu curabant premi sic apparatus totum, ut firmiter manerent applicata. Hinc iterum patet, parum ab his sperandum esse in validis Haemorrhagiis, nisi idonea simul accesserit compressio.

Inter illa vero, quae coagulo indulto sanguini, vel constrictione vasis agebant, maxime laudatur alcohol, si calidum imprimis applicaretur. Illud enim statim ipsum etiam sanguinis serum adeo fluidum in scissilem massam convertit, & simul satis valide solidas partes corporis contrahit; unde animalium partes molles in alcohole servatae indurescunt, & mole minuuntur: utroque hoc effectu conspirante Haemorrhagias compescere efficaciter poterit. Sed extremum vasis discissi, per Alcoholis applicationem contractum, & induratum, separabitur postea, thrombus sanguinis, per alcohol induratus, sedet vel sponte, vel impetu sanguinis a tergo impulsus protruderetur; unde iterum recrudescet Haemorrhagia, nisi idonea ligatura & pressione retineatur thrombus ab Alcohole factus in vasis discissi orificio.

Præc.

Praeterea calore corporis fugacissimum Alcohol statim dispergitur, unde fere momentanea ejus actio est, nisi continuo de novo applicetur, & vesica oleo inuncta circumposita impediatur ejus nimis subita exhalatio. Patet ergo, & hujus usum, sine compressione simul adhibita, minus tutum esse.

Vidi enim sic, etiam parva arteriola laesa, non potuisse sisti sanguinem Alcoholis applicatione. Evulserat homini dentem molarem Chirurgus; sanguis jugi stillicidio ex alveolo dentis evulsi exibat; frustra viriolo pulverem, imo & acerrimum virioli oleum applicuerat Chirurgus, ut haec haemorrhagiam compesceret. Vocatus sincerum alcohol calefactum, & plumaceolis exceptum, cavo alveolo imponi jussi eo usque, ut eminentia haec plumaceola clausis maxillis satis firmiter apprimerentur, sed sine successu, licet aliquoties hoc repeteretur. Tandem repleto siccis plumaceolis alveolo, per tres dies & noctes, digito adstantis famuli comprimebatur locus assiduus, nec postea rediit Haemorrhagia; sed post paucas septimanas pars alveoli offesi, tot acribus applicatis omni vitali humorum influxu privata, excidit sine ullo alio malo. Cum ergo tam parvae arteriae laesae Haemorrhagiam sistere non potuerit Alcohol, facile apparet, quod in majoribus arteriis discissis etiam saepe fallere possit.

Oleum autem terebinthinae, nisi calidum fuerit, vix sanguinem sistit. Molles quidem animalium partes, oleo terebinthinae submersae, indurescunt, sed lenta tantum mora. Olea vero longe majorem caloris gradum requirunt, antequam ebulliant, quam aqua; hinc oleum terebinthinae calefactum comburendo solida, & coagulando sanguinem, Haemorrhagiam compescere poterit, tuncque instar caustici actualis aget, de quo dictum fuit. Acerrima autem illa acida fossilia, uti spiritus nitri, sulphuris &c. corrosiva sunt, de quorum usu dictum pariter fuit. Reliqua autem adstringentia mitiora, ut sanguis Draconis, granatorum cortices, flores &c. non videntur habere tantam efficaciam, ut ab illis solis multum sperari possit in compescendis Haemorrhagiis.

Simul apparet, quid credendum sit de tot arcanis sibipticiis remediis, quae jactantur a multis. Minores arteriae, imo & saepe satis magnae, integre discissae, sponte clauduntur, imprimis debilitata vita per magnam sanguinis jacturam: Plurima ex illis jactatis specificis erant acria corrodentia; alia mitiora forti ligatura apprimebantur ad vas laesum; unde saepe sanguis sistebatur sola compressione potius vas laesi, quam efficacia applicati remedii. Dumque circa finem elapsi saeculi plurima experimenta, arcanis his remediis facta, observaverat aptissimus in his rebus iudex PETITUS, vidit leviores Haemorrhagias his aliquando sisti potuisse, sed amputatione membri facta promissis non respondisse eventum. (i) Unde patet, similia jactantibus non temere fidem adhibendam esse.

4. Si manibus accessus detur ad arteriam discissam, sic ut ligari possit, certissime sistitur Haemorrhagia vinculo circumposito. Methodus haec sanguinem sistendi a Galeno jam commendata fuit. (κ) Postquam enim

varia

(i) Académ. des Sciences P. An. 1735. Mem. pag. 594.
Mém. Acad. Lib. V. cap. 3. Charact. Tom. X. pag. 107. 108. & ibid. cap. 5.
pag. 111.

(κ) Method. med.
cap. 107.

varia auxilia ad compescendam vulnere Haemorrhagiam recensuit, dicit: Quippe de genere obturantium quodammodo est, & vinculum ipsis vasibus sanguinem fundentibus circumpositum, ipsique nostri digiti, dum ea committunt, & constringunt. Videtur autem tantum hac methodo usus fuisse in vulneribus membrorum enim, sphacelo corruptorum, exstirpationem, quantum memini, non descripsit. In magnis etiam exstirpationibus, ubi adeo periculosa est Haemorrhagia ex majoribus vasibus discissis, nulla fit mentio ligaturae vasorum apud Cellsum (1), qui tamen alibi (m) dicit, ubi curationem profusionis sanguinis ex vulneribus describit, quod si alia auxilia inefficassum adhibita fuerint, venas, quas sanguinem fundunt, apprehendendae, circaque id, quod ictum est, duobus locis deligandas intercidendaeque sunt, ut & in se ipsas coeant, & nihilominus ora praeclosa habeant: Post Galeum reliqui omnes Medici & Chirurghi Haemorrhagiam, post artuum exstirpationem, causticis compescabant; imo & Vesalius (n) hanc operationem describens, novacula ignita jubet carnem incidi ad os usque, & postea ferramentis ignitis magna vasa comburi. Paraeus, cum horreter crudelem hanc methodum, & observaret plurimos sic tractatos perire, paucos evadere post summas molestias toleratas, primus fuit, uti ipse testatur, (o) qui vasa dissecta ligavit post amputationem factam, forcipe illa protrahens, & duplicato filo ligans una cum parte circumpositae carnis; si vero decidua ligatura recrudesceret Haemorrhagia, transigebat acu partes carnosas vasis discisso vicinas, & filo supra splenolum impositum restricto claudere vasis discissi orificium. [p] Postea fere omnes, relicto usu cauteriorum actualium & potentialium, ligatura usi sunt. Fecerunt autem hoc duplici modo: vel enim extremum arteriae discissae protrahabant forcipe, & dein filo circumducto ligabant: sed si filum fortiter adstringeretur, saepe sensim dissecabant arteriam, extremum ligatum cadebat nimis cito, & recrudescere Haemorrhagia jam periculosa, quia difficilior vas brevius redditum, poterat nova ligatura claudi: unde Dionysius nodo jam restricto jubet, ut alterum fili extremum acu munitum per ipsam vasem substantiam transigatur, & sic caveatur, ne ligatura decidat nimis cito, (q) Tamen & haec methodus tanquam nimis difficilis postea repudiata fuit. Si vero laxior ligatura nudae arteriae injicitur, tunc sanguis continuo urgens locum ligatum, sensim protrudit ligaturam, & decidere facit. Unde praevaluit illa methodus, quam Paraeus descripsit, ligandi nempe arteriam una cum parte carnis vicinae ambientis: sic enim clauditur optime arteriae extremum, nec periculum est, ne ligatura tam facile decidat. Patet evidenter, quod ligatura praefenda sit combustionis vasorum, si considerentur sequentia. Dum igne vivo, vel causticis potentialibus aduritur vasis extremum, & coagulatur sanguis effluxurus, partes combussae escharam faciunt, quae operculi instar vasis discissi tegit orificium; huic operculo cohaeret thrombus coagulati sanguinis, discissae arteriae cavum.

re-

(1) Lib. VII. cap. ultimo pag. 498. (m) Lib. V. cap. 26. N. 21. pag. 290. 207.

(n) Chirurg. Magn. Lib. V. cap. 12. pag. 1082. (o) Lib. XII. cap. 35.

(p) Ibid. cap. 33. (q) Dionis cours d'Operations de Chirurgie &c. Demours 8^{me} edition neuvieme pag. 102.

replens: decidua eschara thrombus solus in cavo vase haerens sustinet sanguinis impulsu impetum; sed vasis extremum, decidua eschara patulum, facile transmittet thrombum, qui ergo expelletur, & liberam viam sanguini erupturo faciet. Dum vero ligatura clausum fuit vas, convivetur; hinc thrombus pone ligaturam haerens apice angusto ligaturam tanget, & latiori basi cavum vasis obturabit: decidua ergo per suppuracionem parte ligata, & filo ligante, licet nondum penitus consolidata fuerit arteria, tamen thrombus a parte sua postrema latior non poterit transprimi per angustum conniventis arteriae extremum; angustior apicis thrombi pars exibat forte, reliqua pars crassior obturabit vas, & sistet Haemorrhagiam. Pulcherrime hanc rem explicuit, & figura addita thrombi elucidavit PEXITUS. (r)

Securior longe ergo praecedentibus haec methodus est, quamvis non omnino careat incommodis. Saepe enim magnus dolor, & valida inflammatio sequuntur, dum una cum vicina carne ligantur arteriae; imprimis si simul nervi discissi ligatura sic intercipientur: unde saepe inviti & convulsivi motus oriuntur in parte truncata, quibus ligatura solvi posset, & redire Haemorrhagia.

5. Imprimis hoc locum habet, ubi arteria non nimis magna, nec cordi admodum vicina, vulnerata est, non tamen integre discissa; tunc enim Haemorrhagia perget, quia retrotractis propria elasticitate fibris vulnus arteriae ampliatur: si vero eadem arteria integre discissa fuerit, tunc demonstratum fuit in Commentario §. 159., quod extrema arteriae resiliant & recondantur sub solidis partibus vicinis, & propria contractilitate, & vicinorum pressione claudantur integre, sicque sistatur sanguis. Ubi ergo jugi stillicidio sanguis de vulnere fluit, tunc locus vulneris, unde sanguis exire videtur, scarificatur scalpello, ut sic integre discindatur lacra arteriae. Hac methodo se feliciter usum fuisse Galenus narrat: (s) *Homini euidam ex vulnere in malleolo inflicto lacerata fuerat arteria, nec sanguinis effluxus quievit, donec Galenus vocatus totam resecuris: Addit deinde, quod sine Aneurismate curatum fuerit vulnus, quod aliter metuendum est in tali vulnere arteriae, dum debiliore cicatrix a sanguine extenditur in saccum talem dilatatum.*

Sed apparet facile, tuto non posse sic integre dissectam arteriam, nisi mediocri tantum magnitudinis fuerit, nec in loco cordi valde propinquo, nam tunc non cessaret Haemorrhagia, licet artere pinxit discissa foret, sed deberet ligatura vel alia methodo obturari vas discissum.

Tamen constitit, arteriam vulneratam, non vero integre dissectam, moderata pressione sic firmari posse, ut sanguis sisteretur, non enim tunc semper requiritur tam fortis arteriae compressio, ut integre aboleatur ejus cavum; sufficit talis, quae liberum sanguinis effluxum per arteriae vulnus impedit, & thrombum sanguineum intra vulneris labia continet, qui praecipuum sanguinis effluxuri impedimentum est, & postea margini vulneris fir-

[r] Academie des Sciences P an 1731. Memoires pag. 123. &c. (s) De Curandis satione per venae Sectionem cap. ultimo Charter. Tom. X. pag. pag. 451.

firmissime accrescens integritatem vulneratae partis restituit: uti in cadavere hominis subita morte extincti patuit, cui ante bimestre spatium brachii arteria vulnerata coaluerat. Apparuit enim evidenter, vulneratae arteriae margines non coivisse inter se, sed thrombum sanguineum inter vulneris labia insertum undique accrevisse vulneris circumferentiae. (1)

6. Compressio vasis discissi omnium optima, & maxime naturalis methodus est, qua haemorrhagia sisti potest, & quam omnes homines sponte adhibent, dum sanguinem de vulnere erumpentem vident, digitis nempe comprimendo partem vulneratam. Sed haec compressio potest agere vel perpendiculariter in superficiem patulam abscessi vasis, vel poterit applicari a latere vasis, & sic parietes ejus contiguos sibi mutuo reddere. In priori casu impeditur quidem sanguinis effluxus, sed thrombus a concreto sanguine natus ejusdem magnitudinis cum orificio vasis discissi cum sit, dum remittitur compressio, ab impetu sanguinis a tergo urgentis facile expellitur; unde debet in hoc casu pressio agere in vas discissum tandiu, donec thrombus coagulati sanguinis concreverit cum ipsis lateribus vasis discissi, quod non fit tam cito: sed valida talis compressio, & diu applicata multa potest facere mala, inflammationem nempe, & omnes ejus sequelas.

Si vero causa comprimens agat in partem lateralem vasis discissi, connivent parietes vasis, & sibi mutuo contigui facti lata superficie concreverunt; thrombus coagulati sanguinis, pone compressum locum haerens, cum cylindricus fere sit, non poterit pelli per compressa latera vasis, licet nondum perfecta unio facta fuerit. Patet ergo facile, quantum praeferenda sit haec methodus reliquis omnibus. Si enim vasis apertura claudatur tantum, cessat haemorrhagia: sed hoc fit pulcherrime per talem compressionem, & contigua vasis latera brevi concreverunt, absque eo quod requiratur aliqua separatio partium mortuorum, uti post caustica actualia, vel potentia applicata, imo post ipsam ligaturam vasis, fieri debet. Accedit, quod ligato vase unio laterum fiat tantum in parva superficie, ubi filum haesit; sed laterali pressione complanati vasis latera majori superficie uniantur; hinc firmitus haerent, & plus resistunt sanguini erupturo. Nunquam autem citius, & melius concreverunt partes inter se, quam ubi recenti vulnere divisae fuerunt: sufficit enim tunc partium separatarum unio, reliquum natura perficit. Hoc autem perfectissime fit hac methodo, dum crudo vulnere, nullis rodentibus vel ligaturis vexato, applicatur tantum talis compressio in locis illis, ubi magna vasa hiant.

Ut autem feliciter & sanguis sistatur, & simul vulnus curetur, requiritur imprimis, ut pressio agat tantum in vasis discissi latera, non adeo in reliquam vulneris superficiem. Ideo ex charta diu dentibus masticata, vel ex linteis carptis Chirurgi parabant globulum, quem applicabant loco vulneris, qui comprimi debebat, huic alium paulo majorem imponebant, tunc tertium iterum majorem, & sic porro, donec satis emineret ille apparatus, ut fascia circumducta commode posset apprimi ad vas dissectum.

(1) Académ. des Sciences l'an 1735. Mem. 592. &c.

fectum. Sic enim quasi pyramis inverfa nascebatur, cujus apex vas lateri applicatus pressionem falciae basi circumductae communicabat tantum illi loco vulneris ubi requirebatur. Pulcherrimum autem instrumentum descripsit, & tabula expressit PETITUS, cujus applicatione tutissime poterat comprimi vas discissum, & simul arteriae truncus supra vulneris locum angustari pro lubitu, dum vulnus deligatur; simul & compressio vasis discilli pro re nata augeri, & minui poterat ejusdem instrumenti usu. [u] Ibidem memorabili exemplo, & hujus methodi certitudinem & instrumenti usum confirmat. Nobili enim viro exstirpatio cruris supra genu facta, & ligatura vasorum ex arte instituta fuerat: omnia bene succedebant, donec vigesimo primo post membri amputationem die, soluta ligatura vasorum aegri imprudentia, recrudesceret Haemorrhagia; quae sistebatur feliciter, applicato vitrioli globulo ad orificium vasis aperti, & idonea ligatura firmato: sed post undecim dies decidua elchara redibat Haemorrhagia. Periculolo hoc statu sola videbatur superesse compressio vasis, ut servaretur aeger: causticorum enim infidum ulum eventus docuerat, vasis retracti, & brevioris redditu ligatura non sine magna difficultate fieri poterat. Applicatum hoc instrumentum pulcherrimo successu Haemorrhagiam compescuit, & integra sanatio tam periculosi vulneris secuta fuit.

Patet ergo, artificiosam vasis compressionem compescere periculosissimas etiam Haemorrhagias, licet alia remedia frustra adhibita fuerint; illamque solam sufficere in omni casu, cum reliqua auxilia tantum in quibuldam calibus usum habere possint. Omnium autem optime agit haec compressio, si a latere vasis discissi applicata comprimat patulum orificium; licet tamen & difficillimis calibus pressio perpendicularis in superficiem vasis discilli Haemorrhagias compescuerit aliquando felicissime. Hujus rei pulchrum exemplum habetur in Academia Regia Scientiarum. (vv) Homini ante octodecim menses fracturam compolitam ossium tibiae, & fibulae passio, communi consilio Chirurgorum exstirpabatur crus sub genu articulo: sed nec tornatilis ligatura, trunco arteriae applicata, compescere poterat Haemorrhagiam; nec ligatura vasorum discissorum poterat adhiberi, quia arteriae penitus ossae comprimi non poterant: hinc pleno rivo, summoque cum impetu sanguis pergebat effluere, sed linteis carptis applicatis per Iplenia gradatim decrefcentia appressis feliciter sistebatur tam periculosa Haemorrhagia, adeo ut quarta post exstirpationem factam die, dum omnis apparatus removebatur, ne guttula quidem sanguinis efflueret. Aliquando etiam contingit in cruris exstirpatione, ut arteria, quae tibiae os in parte superiori, & posteriori perforat, & saepe pollicis longitudine per ipsam ossis substantiam decurrit, dissecta pergat continuo sanguinem fundere, si nempe in illo canali osseo haerens disseccetur, ubi os serra dividitur. Patet facile, ligaturam hic nullius usus esse; sola compressio per linteae carpta, orificio vasis discissi appressa superavit anceps hoc malum. (*)

In

[u] Acad. des Sciences l'An 1731. Mem. pag. 134. &c. (vv) l'An 1731. Memoires pag. 336. &c. (*) Ibid. pag. 139.

In similibus tamen casibus compressio fortior requiritur, quam si laterali pressione complanati valis latera contigua facta fuerint, quia valis discif si amplitudo eadem manet; hinc facile thrombus concreti sanguinis vas dicissimum obturans expelli posset, nisi valida pressione retineretur.

§. 219. **R** Evulsio hic [218.] nihil juvat, nisi vascula laesa [259.] parva, & plethora adsit. Eadem de victu, potu, internis medicamentis vera sunt: quae autem de haemorrhagia dicta, eadem, & fluxui ichoris applicari queunt; licet auxilium hic summum in balsamicis crassioribus.

REVULSIO HIC NIHIL JUVAT &c. Galenus methodum tradens, qua sanguis ex vulnere fluens sisti posset, dicit hoc fieri, *obturato quidem, quod perursum est, averso autem, atque aliofsum translato, quod per illud ferebatur.* (§) Sed circulationis sanguinis, qualem hodie novimus, ignarus cum fuerit, non mirum est, illum fuisse in hac opinione, quod revellentia in compescendis Haemorrhagiis vulnerum prodesse possent. Sed si magna arteria dilciffa est, quid juvabit Venae sectio in alia corporis parte? certe omnis sanguis ruet potius per patulum arteriae vulnus, ubi resistentia nulla est, ad mortem, vel saltem animi deliquium usque. Vidi, repetitam etiam Venae sectionem non potuisse sedare Haemorrhagiam, quae post dentem evulsam sequebatur: quid ergo proderit, ubi major arteria difsecta est, si sanguinis fluxum ex tam parva arteriola impedire non potuit? Nec poterit a revelentibus aliis, quae frictione, vel irritatione quacumque partium distitarum a loco vulnerato agunt, quid boni sperari, cum potius noceant, quia motum prius in parte, dein in toto corpore augment.

Ubi vero ingens sanguinis copia adest, nec satis illa minuta fuerit per Haemorrhagiam, Venae sectio prodesse posset, si vascula laesa parva fuerint, ut nempe minuta copia, & impetu sanguinis vascula laesa minus diffenta se contrahere possint.

EADEM DE VICTU, POTU &c. Ubi haemorrhagia sedata est per remedia praecedenti paragrapho descripta, in cibo & potu semper sollicite vitantur talia, quae copiam, vel impetum sanguinis nimis subito augere possent, donec vas laesum optime consolidatum fuerit: hocque respectu debitum victus regimen multum boni facere potest. Sed facile patet, nihil inde sperandum esse, ut cohibeatur sanguinis effluxus ex patulo vase vulnerato; praesens enim auxilium poscit valida sanguinis jactura. Et licet daretur, cibum, & potum aliquid huc facere posse, nimia requiritur mora, antequam chylus ex ingestis factus ad vulnus venire posset. Idem verum est de medicamentis interne sumtis, quibus talis efficacia adscribitur, ut sanguinem ex vulnere impetuose erumpentem sistere possent. Patuit enim ex

mo.

modo dictis, ne quidem fortissima adstringentia posse sic cohibere periculosa Haemorrhagiam, ut illis confidere tuto liceat, quamvis magna copia ipsi vasi discisso applicentur. Quid ergo sperandum foret ab iisdem, dum interne sumta, sanguini mista, mutata jam per corporis vires, circulationis actione ad locum vulneratum pauca copia deferuntur? una enim cum sanguine elabentur per hians vasi discissi vulnus. Praeterea omnia auxilia, quae Haemorrhagiam compescere possunt, hoc faciunt vel constricto vase, vel coagulo inducto sanguini effluxuro, vel utroque hoc effectu conspirante agunt. Si ergo haec remedia, dum sanguini mista per vasa fluunt, has vires habent; an non prius constringendo pulmonis vasa minima, vel coagulando sanguinem, mortem inducerent, impedito sanguinis per pulmonem transitu, antequam ad locum vulneratum pervenire possent? Dum minores arteriae discissae propria contractilitate, & minuto sanguinis impetu ob sanguinis iacturam factam, clauduntur sponte, uti dictum. §. 159., tunc limilibus remediis adhibitis tribuebatur Haemorrhagiae sedatio, quae longe aliis debebatur causis. Plurima iactantur talia, quorum multa impune quidem exhiberi possunt, cum nec noceant, nec prosint; nemo tamen prudens his confidet, & interim, efficacioribus auxiliis neglectis, summo discrimini vulneratum exponet.

EADEM ET FLUXUI ICHORIS APPLICARI QUEUNT &c. Accidit aliquando, ut vulnera etiam leviora sequatur ingens tenuis lymphae effluxus, vasis arteriosis lymphaticis majoribus laesis, uti videtur, ex venosis enim lymphaticis dissectis vix videtur tanta copia lymphae effluere posse, cum venae sanguinae laesae, nisi maximae fuerint, parum tantum sanguinis eruant, nisi ligatura, vel aliud quodcumque obstaculum inter cor, & venae vulnus ponatur. Distingui tamen maxime debet ichoris effluxus, qui a vasis lymphaticis, vulnere laesis, oritur, ab illo, qui post nervi, vel tendinis puncturas, & saevissimam inflammationem secutam fit: longe enim alia auxilia requiruntur in tali casu, uti dictum fuit §. 163. Sed hic tantum agitur de fluxu ichoris, qui a vasorum per vulnus facta latione oritur; tuncque illa, quae Haemorrhagias compescendis conveniunt, prodesse poterunt. Dictum fuit in praecedenti paragrapho, artificiosam vasis compressionem tutissimum, & simul efficacissimum remedium esse ad compescendas etiam maximas Haemorrhagias; & constituit, idem hoc auxilium ichoris effluxum tollere.

Chirurgus Bubonem Venereum, nondum perfecte maturum, aperuerat lanceola, & mala fortuna vas Lymphaticum dissecerat, unde ingens lymphae copia quotidie de vulnere profluebat. Consilii experts Celebrerrimo Ruyschio indicavit hunc casum, qui splenis ex linteo complicato applicatis, & fibula valide compressis, tam feliciter sustulit hoc malum, ut sequenti die jam omnis lymphae effluxus cessaret (2). Ubi vero post nervi puncturam ichoris ille effluxus sequitur, compressio talis brevi in

gan-

Z

(2) Ruysch. Observat. Anatom. Chirurg. Centur. Observ. 41.

gangraenam faceret transire partes inflammatas. Pulchrum etiam effectum habuerunt balsama omnia nativa, imprimis crassiora, quae oleoso lentore vasculi talis vulnus obturare possunt; & interim vulneratis partibus amica, & salutaria observantur, ac in tendinum, & nervorum puncturis tantum usum habent. Dumque haec satis calida applicantur vulneri, ut plerumque solet fieri, forte etiam tenera haec vascula calore majori contrahunt, & claudunt.



DO-

D O L O R.

§. 220. **S**I fibra nervosa, cerebro orta, ita extenditur, vel alio modo disponitur, ut dissolutionem miniretur, fit Doloris idea.

Dolor est in mente perceptio rei molestae, quam adeo detestatur natura humana, ut omni molimine vel invitus homo conetur tollere illud, quod causam illius ingratae perceptionis esse credit. Sanus enim homo habet in se facultatem percipiendi quasdam ideas occasione mutatorum nervorum quorundam, quam a se remove nequit ullo modo. Profundae meditationi totus quasi immergitur Philosophus, si ferrum ignium parti corporis applicetur, mox habebit mutatam cogitationem, & orietur in ejus mente ingrata illa perceptio, quam dolorem vocamus. Quid autem sit in mente illa perceptio, impossibile est verbis explicare; solus ille novit, qui dolorem patitur. Non enim oritur aliqua repraesentatio rei diversae a cogitatione, sed adest affectio percipiens: nemo enim cogitat, dum dolet, quod extra illum sit aliquid simile illi dolori, sed omnes dicunt, quod sint ipsi dolentes.

Doloris idea jam non relinquit sui memoriam, qui enim dolorem passus fuit, & momento post liber est, memor quidem est, quod illud molestum affecerit, sed nullam habet amplius doloris ideam, nec potest ullo modo facere, ut illa renascatur in mente, nisi nova doloris causa accesserit, quae, mutato prius corpore, mentem in sua cogitatione mutaverit.

Quaenam vero sit illa mutatio in corpore, & quibus in partibus corporis fiat, a qua nascitur in mente doloris idea, possumus cognoscere per Experimenta. Demonstratur enim, solis nervis a cerebro oriundis hanc facultatem inesse, ut ab illorum affectione nascatur in mente doloris idea. Si enim nervus, qui solus ad partem quamdam corporis tendit, destruitur, poterit pars talis secari, uri &c. sine ulla doloris idea in mente excitata, licet reliquarum omnium partium integritas maneat. Sed omnes nervi in toto corpore oriuntur a medulla oblongata, quae medullae cerebri, & cerebelli in se continet; vel a medulla spinali, quae medullae oblongatae continuatio est, & praeterea medullarem substantiam a proprio cortice ortam continet. Tamen solos nervos a medullari cerebri substantia ortos doloris ideam in mente excitare, patet inde, quod in omnibus illis morbis, in quibus cerebri actio per nervos tollitur, nullus sentiat dolor. Summa ebrietate sepulti, ut & apoplectici perfecti, ab effusis in cranio humoribus, nullum sensum doloris habent, licet vivus ignis partes corporis comburat: Idem in Epilepsia exquisita tristibus exemplis toties constat. Unde apparet, solis nervis a cerebro oriundis hanc inesse facultatem,

tatem, ut ab illorum mutatione excitetur in mente doloris idea. Quenam jam est illa mutatio nervi a cerebro orti, quae in mente doloris sensum facit? Videtur esse talis dispositio, quae si diutius durat, vel magis intenditur, faceret nervi in continuitate solutionem. Si enim homini sanissimo, cui nullus dolor in ulla parte corporis adest, in quo nullum in fluidis, vel solidis corporis partibus vitium invenitur, tenuissima acicula sub unguem digiti manus, vel pedis adigatur, mox oritur enormis dolor, qui totum hominem convelli faciet, tantum a mechanica tali mutatione papillae nervosae. Nec refert, qualicumque causa sit, & quocumque modo agat: modo fibram talem nervosam a cerebro oriundam sic disponat, ut rupturae proxima sit, nec rumpatur tamen, (destructo enim nervo dolor cessat) excitabitur in mente ingrata illa perceptio, quam dolorem vocant omnes.

Sed ut haec mutata conditio nervi ideam doloris faciat nasci in mente, requiritur, ut nervi hujus in cerebrum, & cerebri in nervum, libera maneat actio, non interrupta ullo obstaculo: si enim nervus in suo decursu ligatus fuerit, licet ejus extremum trahatur, laceretur &c. non erit in mente doloris sensus. Idem erit, si nervo manente libero in toto suo decursu, ipsum cerebrum in functionibus suis laesum fuerit. Patet ergo per hanc mutationem nervi aliquid mutari in ipso cerebro, tuncque ab hac mutatione cerebri nasci in mente doloris ideam. Videtur ergo admodum verosimile, posse doloris ideam nasci aliquando in mente, licet nulla mutatio in nervis acciderit: si nempe cerebrum a quacumque demum causa talem accipiat mutationem, qualem accepisset, si fibra nervosa quaedam in aliqua corporis parte sic disponeretur, ut dissolutionem minaretur. Hanc rem confirmant observata Medica: Saepe enim accidit, ut illi, qui per belli calamitates, aut alia infortunia cruribus truncati fuerant, de dolore digitorum pedis abiectionis conquererentur: imo in quibusdam observatum fuit, talis doloris sensum fuisse signum imminens convolutionis, cerebro omnium nervorum sentientium origine, mutato (a). Nec tantum hoc fiebat parvo post exspirationem factam temporis intervallo, sed etiam diu postea. Dum ergo quibusdam hominibus primum illud originale sensibus, & motibus inserviens, a quo oriuntur omnes nervi, facilius afficitur, quam in aliis, erunt obnoxii plurimis morbis, & doloribus, quos externis causis adscribunt; qui tamen totam suam originem debent nimis facili mobilitati ipsius sensorii communis.

Hinc Sydenhamus videns, quod Venam secando, purgando &c. nihil proficeret in miris illis morbis, qui a turbato spirituum motu oriuntur, conclusit tandem, *quod uti homo quidam exterior conspicitur, ex partibus sensui obviis compaginatus, ita procul dubio & interior est quidam homo, & debita spirituum serie, & quasi fabrica constans, sub rationis lumine contemplandus. Hic vero cum semperie corporis intimius conjunctus, & quasi unitus tanto acrius, faciliusve de statu suo deicitur, quanto major est, minerve ea, quam a natura sortimur, principiorum constituentium firmitas* (b). Unde in talibus

(a) Miscellan. cuticuli decur. 1. Ann. 2. pag. 12. Hildan. Observ. Chirurgic. Centur. III. Observ. XV. (b) Sydenham. Dissert. Epistolae. pag. 496.

talibus morbis, dum dolores varias corporis partes obsidentes distinctissima simulabant mala, merito solam spirituum animalium *iracundia* incusabatur. & inordinatos motus, hisque compescendis tantum omnem navabat operam; per experimenta probe edoctus, omnes illos tunc sopiri, dolores, & omnia illa tunc sedari symptomata, quae tanta varietate in mirabili hoc affectu distinctissimos mentiebantur morbos. Confirmabat hanc rem, quod sola animi perturbatio in mobilibus illis corporibus tot malorum catervam producere poterat, licet momento ante nihil in solidis, vel fluidis partibus mutatum detegeretur.

Si ergo supponeremus, omnia puncta sentientia in corpore manere, aboleri autem omnia puncta non sentientia, haberetur imago illius hominis interioris Sydenhami. Sed quam multa sic tollerentur de corpore. Totum cor in morbis ardentissimis adeo agitaturn, Inflammatum &c. non dolet, sed anxietatis sensus molestissimus oritur; totus pulmo saepe purulenta labefcuntur sine dolore: sic & renes, cum tamen pelvis, & ureterum membrana interior male affecta tam enormes dolores faciant: totum hepatis abscellu consumitur sine dolore, sed si exterior hepatis membrana afficiatur, dolor intensus adest &c.

Doloris ergo idea in mente sequitur talem dispositionem fibrae nervosae in corpore, quae dissolutionem minuitur; sic tamen, ut admodum probabile videatur, posse etiam excitari doloris ideam, licet nulla mutatio nervi acciderit, sed tantum fuerit mutatum illud, a quo nervi hi suam originem ducunt, nempe cerebrum ipsum. Neque hoc tantum in nervis illis apparet, qui fideli custodia cavent, ne corpus destruaturn, & ubique dispersi doloris sensu monent hominem, ut tollat, vel evitet omne illud, quod pergens agere, ut nunc agit, partem destruit; sed videmus, idem certissime fieri in aliis nervis, a quorum mutatione in mente oriuntur distinctissimae, ideae, quod nempe illae fieri possint aeque vividae, licet nullum objectum externum egerit in sensuum organa, sed tantum per morbos mutatio inducta fuerit ipsi sensorio communi. Sic phrenitici quam mira vident phantasmata, quam horrendos saepe fragores audiunt &c.; licet nulla causa externa adfuerit, quae has ideas excitaverit mutatione nervi inducta. Idem in Melancholicis deliriis & Maniacis furoribus contingit.

§. 221. **Q**UI eo acrior, quo fibra rupturae propior: eo autem mitior, quo naturali est tensioni propior.

Cum ex praecedenti definitione doloris patuerit, dolorem tunc percipi, quando fibra nervosa sic disponitur, ut dissolutionem minuitur; sponte sequitur, illum eo acriorem esse, quo causa dolorem excitans nervos plus dilatraverit, modo adhuc cohaesio maneat: hac enim sublata, cessat dolor. Et vicissim eo mitior erit doloris sensus, quo minor fuerit nervi distractio. Patet hoc in tormentis, qui us utuntur iudices, ut invitis maleficis criminum confessionem expriment. Suspenso enim manibus homini alligant pedibus pondera, sensim aucta unde majori facta partium distractione per gradus augetur dolor ad summam acerbitatem usque. Simulac auferuntur

tur pondera, minuitur dolor. Nervi plurimi in nobis sunt facis laxi, hinc sine dolore extensionem ferunt; sed ubi per periosteum v. g. dispersi supra ossa tenduntur, minimum tensionis augmentum tam acerbos cruciatus efficit; hinc summi illi dolores in Lue Venerea, dum osse tumores incumbens periosteum sensim distendunt, & dilacerant. Inde & acerbissimum illud tormenti genus, quod adhibent Carnifices, dum spinæ tibiæ cochlea imposita Periosteum, adeo acuti sensus, ad durum os conerunt, sensim aucta pressione. Ob eandem causam & acerrimi dolores in minimis nervis fiunt; majores enim nervi minimam partem suæ molis habent vere nervosam. dicendam: hinc facile fieri potest, ut talis major nervus distendatur, nec tamen adhuc fiat distractio in minimis nervosis fibrillis, sed tantum in callosis vaginis has fibrillas tegentibus. Sed quando nervus est exiguus, & sensus, & imprimis his involucris nudus, tunc summi dolores etiam a levissima causa fiunt. Docet hoc dentium dolor, ubi, crusta adamantina dentis erosa, minimi nervuli, per dentis omnem substantiam internam dispersi, vaginulis suis nudi, ab ipso aeris attacku tam intolerabiles cruciatus faciunt, non sedandos fere, nisi nervulus affectus destruat aucta distractione, vel applicatis remediis, vel eradicetur dens.

§. 222. **U**Nde Dolor summus in eadem parte brevis, mitior diuturnus esse, & intendi potest, & remitti.

Cum dolor supponat illam conditionem nervi, qua rupturam, id est dissolutionem continuitatis, minuitur; & ille eo acrior sit, quo fibra nervosa rupturæ proprio est; patet, dolorem summum tunc adesse, quando fibra nervosa jam jam rumpetur: sed fibra nervosa rupta, cessat omnis dolor, qui ante ab hac fibra nimis distracta fiebat. Dolor ergo summus, mox rumpendam fibram nervosam designans, brevis erit, quia rupta fibra desinet. Sic dum acutissima novacula vulnus infligitur, momentaneus sentitur dolor, sed mox evanidus. Et in Podagra observatur, eo citius deservescere paroxysmi sævitiem, quo acrior urserit dolor. Dum dente carioso factio nudantur nervuli, per ejus substantiam dispersi, aliquando sugendo trahitur talis fibrilla nervosa, & oritur tam immanis dolor, ut ne quidem per pauca momenta ferri posset vel a robustissimo homine, sed rupta hac fibrilla, cessat brevi. Dum dens evellitur, summus dolor est; dente evulso, statim cessans. Summus ergo dolor cito destruet nervum dolentem; vel sic afficiet cerebrum, ut omnis doloris perceptio cesset, tuncque simul plerumque syncope fit, sive abolitio omnis motus vitalis. Nec ultra possunt etiam acerbissima tormenta procedere: sic enim affecti cadaveris instar nihil amplius sentiant, uti plurimis exemplis constitit, quod malefici, ad torturam dammati, aliquando statim quasi exanimis fiant, nec postea vel exquisitissimos cruciatus sentiant.

Videtur huic sententiæ repugnare, quod acerbus sæpe dentium dolor per plures dies, imo & septimanas, homines torquat: Sed ratio est, quod nervulus, dentis substantiam ingressus, in minimas fibrillas divisus, per omnia puncta distribuatur; hinc licet summo dolore destruat una talis fibrilla, idem malum ad reliquas fibrillas pergens poterit diu continuare sævos hos cruciatus.

Cum

Cum vero mitior dolor leniorem nervi dolentis tensionem supponat, hincque minus periculum rupturae; patet facile, talem dolorem longe diuturniorem esse posse: & cum inter naturalem nervi tensionem, & summam distractionem, rupturae proximam, innumeri gradus intermedii possint concipi; apparet, tales dolores diu manere posse sine destructione nervi affecti, & pro majori, vel minori distractionis gradu posse intendi, & remitti. Illi autem dolores, qui oriuntur in partibus corporis cordi satis vicinis una eum valida febre, brevi cessant, destructa parte dolente; sed in locis a corde admodum remotis, & sine magna humorum agitatione, diuturni dolores, & saepe recrudescentes, tolerari possunt sine partium dolentium subita destructione. Terribilis adeo liliacus dolor inflammatorius robustissimum hominem saepe paucarum horarum spatio necat: Podagra vero saepe viginti annis repetitis paroxysmis cruciat, antequam in calcem destruxerit partes dolentes; tuncque minuitur in extremis dolor Podagricus, vel: & aliquando cessat: sed ad interna defertur haec materia, quae prius in artus detonabat, & pessima mala producit.

§. 223. **C**Ausa Doloris ergo omne id est, quod talem extensionem, vel dispositionem, [220.] facit.

Generali ergo causae doloris nomine comprehenditur omne illud, qualecumque fuerit, quod nervum, non dolentem antea, sic distrahit, vel alio quocumque modo disponit, ut rupturae periculum sit: nec refert, an, hoc premendo, distrahendo, rodendo &c. fiat; effectus erit semper idem: nempe nascetur in mente doloris idea. Intensitate, vel & duratione poterit differre dolor a diversis causis excitatus, caeteroquin effectus erit idem.

Patet hinc, quam multiplex possit esse causa, quae in corpore etiam fanissimo dolorem excitat. Ut autem ordine posset indagari a Medico latens doloris causa, & cognita tolli, ad quasdam classes debent redigi causae doloris haecenus observatae, quod fit sequenti paragrafo.

§. 224. **Q**UO refertur 1. vis naturalis contractionis paucioribus fibris sustentata, dum quaedam solutae sunt (183.)
2. quod vas fibris nervolis contextum nimis replendo distendit; eo obstructio, plethora, cacoehymia abundans, aususque motus circularis, spectant. 3. quod vi distrahit, ut luxatio, tumor, vis externa. 4. omne vulnerans, & rodens.

1. De hac re dictum fuit §. 163. & §. 183. In paronychia pessima specie, in qua tendine flexorum digiti affecto tam immanis dolor oritur, hoc apparet: excidit enim saepissime ultimae phalangae digiti ossiculum. post enormes toleratos cruciatus. Sed ut hoc fieri possit, debet tendo affixus huic ossiculo prius inde separari: quod non simul, & semel, sed lenta tali distractione fit. Nulli enim fere parti corporis tam exiguae molis tam validi assignantur musculi, quam digitis, & in hoc morbo mu-

lis illis contractis, digiti semper flexi apparent. Dum ergo incipit tendo separari ab hoc officulo, reliquae fibrae iustinent totam vim musculi contracti, & lenta, sed continua laceratione, ab osse distrahuntur, cui cohaerent; unde immanis dolor saepe totum cerebrum sic turbat, ut acutissima phrenitis, convulsio, & mors saepe ipsa sequatur: Omnem humanam patientiam evincunt haec tormenta, quibus vivis ossibus cohaerentes partes sensim lacerantur. *Philotas, quanquam hinc ignis, illinc verbera, jam non ad quaestionem, sed ad poenam ingerebantur, non vocem modo, sed etiam gemitus habuit in potestate; sed postquam intumescens corpus ulceribus, flagellorum istius nudis ossibus incussos ferre non potuit, si tormentis adhibebitur modum essent, dicturum se, quae scire expeteres, pollicetur Oe. (c).*

2. Demonstratum fuit in commentario §. 39. vasa majora constare ex convolutis membranarum, quae omnia vasorum genera in se continent, etiam minima totius corporis, nervos nempe: omne ergo illud, quod distendit vasis majoris latera, distrahet pariter nervos per haec dispersos, sed ab hac distractione nascebatur in mente doloris idea, uti dictum est. Dubitari posset, an omnia vasa corporis habeant in suis membranarum nervos sentientes? cum in §. 220. dictum fuit, plurima viscera (quae tamen vasorum congeriem esse ex Anatome hodie constat) saepe consilium sensim & destrui sere sine dolore: Unde hoc tantum verum erit, quatenus vasa constituentes membranae habeant per suam substantiam dispersos nervos a cerebro oriundos, & sensui dicatos. Hoc autem in plurimis vasis obtinere patet, quia tenuissimae aciculae apice in superficie corporis nullum punctum laedi potest, quin effluat ex vasis laesis contentus humor, & simul percipitur doloris sensus. Causae autem, quae vasa fibrarum nervosis sentientibus instructa distendunt, praecipue sunt sequentes.

OBSTRUCTIONE supponit semper oburationem canalium, per quem liquidum vitali motu transfluere debet, hinc necessario sequitur, ut liquidum apulsum ad locum canalium obstructum, nec penetrare potens, dilatat vasis latera, illaque attenuet, & tandem solvat, uti demonstratum fuit in Commentariis §. 120; patet ergo, fibrarum nervosis vasis obstructi latera constituentibus tensis summopere, & tandem ruptis, posse excitari dolorem: & quidem vario intensitatis gradu pro varia distractionis mensura. Dum in pleuritide obstructae arteriae sanguine immeabili in locis intercostalibus distenduntur a vitali liquido a tergo urgente, quam immanis nascitur dolor, semper eo acerbior, quo majori impetu sanguis pellitur in loca obstructa: unde debilitata vita per Venae Sectionem cessat, vel minuitur dolor. Hinc obstructio proprie loquendo doloris causa non est, sed liquidum a tergo urgens dilatando vas obstructum dolorem excitat.

PLETHORA. Probatum fuit §. 106. 8, nimiam copiam boni sanguinis distendere vasa, imo & rumpere posse, hinc omnes gradus doloris, qui praeternaturalem tensionem vasorum ad rupturam usque sequi possunt, ab hac causa sola excitantur. Docent hoc saepe molestissimi capitis dolores a sola nimia plenitudine orti, sanguinis missione tam feliciter tollendi: Mu-

lieres

lieres etiam, antequam fluxu menstruo evacuetur nimia plenitudo, si-
pe ab hac causa dolores in variis partibus corporis sentiunt, qui evane-
scent, dum per uteri vasa dilatata elapso sanguine tollitur nimia ejus
copia.

CACOCYMYIA ABUNDANS. Omnis humorum nostrorum degeneratio ab
illis conditionibus, quae requiruntur in sanitate, hoc nomine vocatur.
Potest ergo & nimia vasorum distensio fieri aequae ab alienis humoribus
aggestis, quam a nimia copia boni sanguinis; unde & dolor excitabitur
a distractis fibris nervosis vasorum membranas constituentibus (Non agi-
tatur jam hoc loco de majori acrimonia, quam liquida degenerantia acqui-
rere possunt, & per quam rodendo, & irritando dolorem excitare valent)
Dum iners aquoia colluvies in panniculo adiposo aggesta, in crurum Ana-
sarcia, cutim incumbentem distendit, ab hac sola causa dolor nascitur.

AUCTUSQUE MOTUS CIRCULARIS. Demonstratum fuit §. 100., solum
auctum motum sanguinis per vasa calore aucto facere majorem rarefactio-
nem liquorum; unde sequitur vasorum major distensio, & a liquidis
crassioribus, dilatata vasa ingressis, obstructio, & destructio, inflammatio
&c. Sed haec omnia fieri nequeunt sine distractione, & dilaceratione fi-
brarum nervosarum per vasorum membranas dispersarum; unde satis pa-
ter, dolorem inde excitari. In febribus a solo aucto motu capitis dolor,
& attuum fieri poterit: minuta, vel sublata febre, iterum cessans.

3. Omne illud, quod vi distrahit partes nostri corporis, minuit earun-
dem cohesionem, ergo continuitatis solutionem inducere poterit, si per-
gat, vel augeatur haec distractio; sed ex definitione doloris §. 220. illa
conditio nervi, quae dissolutionem continui minuitur, doloris ideam in
mente facit. Distractio ergo partium, fibris nervosis praeditarum, dolorem
faciet, a quacumque demum causa fiat. Unde dum luxata ossa, cavis
suis, quibus naturaliter continebantur, elapsa, ligamenta articulos nesten-
tia elongant, tam acris dolor nascitur, qui esse reposito, statim cessat,
nisi distracta per luxationem ligamenta, vel vicinae partes pressae, jam
inflammata fuerint: manifesto indicio, dolorem post luxationem ortum
tantum ab hac distractione ligamentorum fieri. Unde Hippocrates mo-
nuerit, quod in illis, qui post humeri luxationem restitutam omni dolore
careant, partibus vicinis nulla inflammatione affectis, & ideo nulla cura
sibi opus esse arbitrantur, cavendum sit quammaxime, ne repositum os
iterum prolabatur: & ideo jubet, ut Medici hoc praefagiant, quia longe
facilius luxatio redit in his casibus, quam si nervi inflammatione tentan-
tur (d).

Facile jam patet, eundem effectum esse, si tumor natus a quacumque
causa, distrahat partes. In arthritide enim inflammatoria, vel & per alios
morbos, ut spinam ventosam, exostosim &c. distracti nervi, per ligamen-
ta articulorum dispersi, tam acerbos cruciatus faciunt. Quantus autem
dolor a sola vi externa distrahente fieri possint, docent tormenta malefico-
rum

rum legum auctoritate facta, in quibus vel ponderibus appensis, vel trochleis, distenduntur corporis partes.

4. Omne vulnus, uti ex ejus definitione §. 145. patet, est soluta cohaesio partis mollis: sed dum instrumentum vulnerans partes antea unitas dividit, fit illa conditio nervi, qua dissolutionem minatur; nascitur ergo dolor: sed statim evanidus, si celeri actione instrumenti vulnerantis separantur partes; tamen illo momento: dum vulnus infligitur, dolor est. Ille autem dolor, qui aliquo tempore post vulnus inflictum nascitur, a distractione partium, per vulneris labia ab invicem secedentia, pendet; unde ille dolor vulnus quidem inflictum sequitur, sed non a vulnere ipso, ut causa immediata, sed a mutatione vulncri indurata per contractilitatem partium, oritur. Nervus enim rupturae proximus doloris ideam in mente facit; nervo autem rupto dolor cessat: unde dum vulnus fit, dolor nascitur; vulnere facto, cessat dolor.

Rodentia autem omnia, corpori applicata, & calore corporis actualis reddita (in cadaver enim vix agunt, si ignem solum exceperis) discerpunt minutis, & numerosissimis vulnuculis partes, & destruunt; unde dolor satus intensus, & diuturnus simul oritur, uti evidenter patet.

§. 225. **I**Nde Doloris (220.) in vulnere (145.) causa multiplex (224.) cognoscitur.

Si jam omnia haec dicta applicentur vulncri, apparet magnum posse numerum, & varietatem causarum dolorem excitantium in vulnere obtinere. Ipsum enim instrumentum vulnerans illo momento, dum vulnus infligitur, doloris causa est: partes instrumenti vulnerantis relictae in vulnere dolorem facere possunt: Labia vulneris, a se mutuo secedentia; nervi semidilati, nervi majores dilati retracti, & ramulos vulnere superiores distrahentes, summos dolores excitare possunt. Dum labia vulneris postea inflammantur, tument, & retorquentur, & simul febricula orta augeatur fluidorum celeritas, iterum novae causae doloris adfunt. Dum effusi in vulneris cavum humores in acrem degenerant indolem, illi rodendo, & irritando dolorem iterum faciunt; idem, & ab acribus quocumque titulo applicatis fiet. Quando per suppurationem sensim separantur obstructa vasculorum extrema a vivis partibus, pariter dolor nascitur; qui, pure facto, cessat. Omnia haec sollicite distinguenda sunt, ut cognitae doloris causae in vulnere debita auxilia possint adhiberi.

§. 226. **E**T effectus, inquit, jactatio, vigilia, febris, calor, sitis, siccitas, convulsio, gangraena, intelliguntur.

Quando dolor adest in corpore, sequuntur ejus effectus, qui imprimis observati fuerunt sequentes.

INQUIES, ET JACTATIO. Dum percipimus ideas, oritur in mente nostra mutatio quaedam, quae grata, vel ingrata est; vel & aliquando penitus adiphora, licet dum cogito circulum bisariam per diametrum dividi, hoc
nec

nec placet; nec displicet. Sed si manus frigida apponitur igni moderato; omnes dicent, hoc placere; si vivus ignis applicetur manus, omnes testabuntur, hoc displicere. Quomodo hoc fiat, non potest forte explicari; unusquisque tamen in se ipso haec deprehendit. Illud autem gratum, & ingratum, quod comitatur ideam perceptam, facit in nobis effectus quosdam, quos nequidem summa ratio potest vincere, quidquid dixerint superbi Philosophi. Voluntas enim omnibus viribus nititur, ut illud gratum menti praesens maneat, ut illud ingratum deleatur: & tunc sequuntur motus corporei, non a mente praeficia determinati, sed vere automatici, & spontanei dicendi, quibus conamur tollere, vel evitare illud, quod in mente excitaverat ingratum illum sensum. Haec est humanitas nostra, quam non possumus exuere. Dum profundis meditationibus penitus immerfus haeret Philosophus, si subito acicula pungatur ejus digitus, ipso momento manum retrahet, licet nulla sit illius motus excitati in mente conscientia. Unde doloris sensus fidelissimi custodis instar monet, ut tolerat illud, quod corpus destrueret. Hinc videmus, homines dolentes varia postura partium corporis, & continua saepe agitatione moliri, ut forte talem situm invenient, quo tollatur, vel saltem minuatur doloris sensus: & inde illa inquietudo, & jactatio corporis in magnis doloribus. Ubi vero a minimo motu corporis augetur dolor, tunc immobiles haerent homines: uti in saevissima podagra, & dolentissimo Rheumatismo fit.

VIGILIA. Sanissimus homo, sopitis omnibus sensibus, naturali somno dum fruitur, excitatur ab omnibus illis, quae sensuum organa valide afficiunt: multo magis ergo impeditur somnus nondum praesens a dolore tam efficaciter cerebrum afficiente. Ideo veteres Medici in morbis soporosis pilos de naribus evelebant, urticis caedebant membra, acria applicabant corporis partibus, ut doloris sensu excitatis tolleretur nimia somnolentia.

FEBRIS. Fere semper magnos dolores sequitur; etiam in illis morbis, qui ex sua natura minime in febrem vergunt: ut in Podagra, Lue Venerea &c. patet. Dum enim acerbus talis dolor torquet, fere semper aliqua febris adest.

Hinc & Hippocrates inter febrium causas etiam dolores merito agnovit pluribus in locis. Sic dixit (e). *Ex vehementibus doloribus abortiva febris diuturnae* (f). *Febris ex Hypochondriorum doloribus malignae* &c. ubi humeri articulus versus posteriora elabitur, dicit omnium dolentissimum hoc esse, & summas excitare febres &c. [g] Et, nisi luxatus articulus quicumque cito restituitur, a dolore febris sequitur etiam in sanissimo corpore.

Cum ergo febris dolorem majorem sequatur fere semper, facile intelligitur, & calorem, aucti motus per febrem effectum; & , distillatis liquidis per majorem motum, siccitatem a dolore fieri. Ubi autem siccitas adest in corpore, & major calor, sitis semper cogit, ut potu copiosiori remo-

(e) Praenot. Coacar. N. 75. Tom. VIII. pag. 738.

(f) Ibid. N. 31., & lib. I. prorrhetic. Character.

(g) De Fracturis Character. Tom. XII. pag. 267.

remedium fiat his malis: uti in Capitulo de Siti Febrili dicitur postea.

CONVULSIO. Imprimis in illis, qui totum genus nervosum mobilissimum habent. Ideo infantibus, ob tormina intestinorum ab acido, toties convulsionem accidunt. Vidi hystericeam puellam, quae odontalgiae ob cariosum dentem obnoxia cum esset, convulsam frequentissime toto corpore, dum dolor recrudesceret. In se ipso sensit convulsionem instare Galenus, dum immanem dolorem pateretur a distractione nimia humeri, quem luctum eredebant; uti dictum in Commentariis ad §. 164.

GANGRAENA. Definitur, quod sit illa partis mollis affectio, quae, abolito vitali influxu, & effluxu humorum, in mortem tendit. Unde respectu nervi dolentis in magno dolore est ille status, quo in mortem tendit, dum nempe integre rumpitur brevi, jam summopere distracta. Dum validissima Pleuritis immani dolore urget, nisi succurratur subito, vel impedita respiratione ob doloris vehementiam suffocetur aeger, macula livida in affecto loco orta gangraenam lethalem designat. In illo inflammatorio, post summos dolores intra paucas horas gangraena nascitur, cessante tunc dolore, sed brevi mors sequitur. In Paronychia pessima paucis saepe horis cum intolerabili dolore sic pars afficitur, ut corruptae partes molles postea in gangraenosum tabum dissolvantur, ipsumque digiti affecti osculum sideratum cadat. Omnium maxime gangraena post dolorem nascitur, si inflammatio, & valida febris simul adsint; tunc enim citissime aucto circulationis impetu destruuntur partes.

§. 227. **T**UM Anodyni diversitas, pro varietate causae, scitur.

Una tantum est causa proxima doloris, nempe talis dispositio fibrae nervosae, cerebro ortae, ut dissolutionem minuetur; omne ergo illud, quod tollit illam dispositionem nervi, doloris remedium erit. Quia vero illa nervi conditio a tam diversis causis pendere potest, ideo tanta etiam requiritur varietas Anodynorum, dum singulis causis tollendis distincta debeant adhiberi remedia. Requiritur ergo prius, ut doloris causa singularis cognoscatur, antequam determinari possit, quid causam hanc enervare, vel tollere possit §. 224. enumeratae fuerunt, & in distinctas classes redactae, doloris causae: sequens paragraphus adaequata his causis remedia proponit.

§. 228. **D**oloris causa tollitur ergo 1. laxata distenta fibra. 2. resolutione concreti. 3. minuto motu, & materia distendente. 4. ablata tractione inaequali, & violenta. 5. lenito acri. 6. discussio eodem. 7. educto eo, quod solvit fibras.

1. Sola distractio rupturam productura dolorem facit: si nunc ars facere valet, ut fibra possit distrahi sine rupturae periculo, dolor cessat, vel saltem plurimum minuitur, licet causa distrahens fibram nervosam pergat agere,

agere. Si lignum rigidum, & aridum flectere velis, rumpitur: si aqua maceratum fuerit diu, flecti poterit sine ruptura. Sic lentum de falice vimen torquetur, nec rumpitur; idem arefactum, si flectatur, frangitur. Unde in dolentissimis morbis ab omni aevo semper adhibita fuerunt talia remedia, quae laxarent solidas corporis nostri partes. In Ileo balneis foveri corpus, & oleo illiniri Hippocrates suavit in Pleuride mollissimis applicatis, & tepidis latus affectum tegi iussit; similia & interne adhibenda voluit. Galenus in se ipso (vide §. 164.) dolorem summum, & convulsiones inde metuendas, sedavit, dum curaret, ut oleo calido persunderetur continuo. Dum Phlegmone, inflammatorio tumore panniculi adiposi subiecti, cutim distendit, nervisque cutaneis distractis dolorem facit, licet irresolubilis omnino in suppurationem vergat, ideoque maneat, imo potius augeatur causa distendens; si Cataplasmata ex emollientissimis continuo applicentur, mitigabitur dolor, sic laxatis fibris nervosis, ut distrahi possint sine rupturae periculo, aut facilius solvantur. Mollissimi olei pressi cuiuscumque larga copia sumta dolores Iliacos, Colicos, Nephriticos tam pulchre lenit. Aquae tepidae vapor, omnia adeo emolliens, & laxans, dolentissimis locis tanto cum levamine adhibetur. Ubi a nervi punctura immanes illi dolores oriuntur, periti Chirurghi emollientissimis remediis nocet, & dies sovent partes affectas. Hinc universale remedium ad dolores omnia emollientia, & laxantia exhibent, quia ipsam causam proximam doloris, nempe rupturae periculum, in fibra nervosa tollunt; dum reliqua auxilia tantum in causas remotas doloris agunt. Et licet ignoretur causa, fibras nervosas sic disponens, ut doloris sensus nascatur; tamen haec semper tuto, & cum fructu possunt adhiberi. Simul hoc boni habent haec remedia, quod pluribus doloris causis remotis tollendis sufficiant, nec noceant tamen illis causis, quas tollere nequeunt. Vasis enim laxatis, distendens illa immeabile liquidum facilius transit, & simul omnis acrimonia demulcetur iisdem. Omne autem illud, quod solidarum partium corporis robur, & contractilitatem auget, si maneat eadem causa distendens fibras, semper simul faciet doloris augmentum. Sic pleuritis longe acerbior in exercitatis, & robustis corporibus observatur, quam in debilibus, & laxis hominibus. Multo facilius, & minori cum dolore articuli luxati restituntur in similibus, quam in strictae temperiei hominibus: imo in quibusdam tam facilis elongatio ligamentorum fit, ut sine ullo dolore prolabantur articuli. Dum carnifices in tormentis summa vi distraxerunt omnes fere corporis partes, aspersa aqua frigida dolorem immaniter augeri noverunt. Ubi ergo laxantium, & emollientium efficacia ad locum dolentem pertingere potest, nunquam deerit effectus. Si enim v. g. in dentis media substantia fibrilla nervosa tensa doleat, non poterit ille dolor laxantibus leniri: idem verum est, si a medulla ossis affecta intolerabiles illi dolores oriuntur; uti & dum in pessima Paronychia sub cartilagineo illo scuto, tendines musculorum flectentium digitos tegente, malum haerere. Aliquando etiam contingere potest, ut, licet dolor magnus urgeat, alia tamen Symptomata mali laxantium, & emollientium usum prohibeant. v. g. si a cancro tecto, vel jam exulcerato, summus dolor oritur, emol-

lientia

lencia nocerent; quia & putredinem, & fungosam illam cancri excrefcen-
tiam auferent summopere. In reliquis autem omnibus casibus fere uni-
versalis est laxantium ufus ad dolores leniendos.

2. Dum calculus ureteribus impactus haerens, dolorem facit, qui folvere
poffet illud concretum calculofum, tolleret dolorem: Omnia illa, quae concre-
tum inflammatoria denfitate fanguinem refoivere poffunt, pleuriticos dolores
fedabunt. Idem in omnibus aliis casibus verum est, ubi obftruens immea-
bile vafa infarciens, vel tumores, ex aggestis concretis nati vicina premunt,
& diffundunt. In capitulo autem de obftructione actum fuit de variis mo-
dis, quibus liquorum noftrorum molecularae, antea separatae, concrefcere
poffunt (§. 117.): & ibidem tradita fuerunt talia remedia, quae fua effica-
cia poterant dividere concreta (§. 132. 133. 134. 135. 136.) Unde prius
indagari debet indoles concretæ; deinde ex antedictis inveniri poterit re-
medium, quod refolvendo illud concretum tollet dolorem inde ortum.

3. Omnis dolor fupponit vitam fupflitem: & fi ab immeabili humore,
diffendente vafa obftructa, oritur, femper erit eo acrior, quo vita æftuo-
fior. Hinc in pleuritide, dum fimul valida febris adest, dolor intolerabilis
nalcitur; quia magno impetu urgentur humores in locum obftructum, &
vafa dilatando, fibras nervofas horum valorum texturam facientes magna
vi diftrahunt. Omne ergo illud, quod minuit impetum, & velocitatem
circuitus humorum, fedabit dolorem; uti quotidiana obfervata docent. Ve-
nae feftio enim, ad animi deliquium ufque inftituta, illico faepe tollit, vel fal-
tem plurimum levat, acutiffimae etiam pleuritis dolores. Hinc a Veteri-
bus Medicis in vehementiffimis doloribus commendabatur Venae Seftio ad
lipothymiam ufque: uti in locis antea jam allegatis (§. 141.) patet. [b]
Et in fe ipfo, uti alia occasione dictum fuit (§. 133.) dolorem diuturnum
fixum in illa maxime parte, qua hepar fepto tranfverfo committitur, cura-
vit Galenus, difsecta arteria inter indicem, & pollicem dextrae manus, &
fanguine effluente, donec fponfe lifteretur (i). Ob eandem caufam summam
quietem imperabant Veteres in morbis acutiffimis, in quibus fere femper
ingens capitis dolor adest. Nec tantum, prodest tunc Miffo fanguinis, qua-
tenus debilitando vitam minuit motum, fed etiam quia educto fanguine
minuit copiam humorum diffendentium. In Plethoricis moleftiffimi capitis
dolores faepe adfunt, licet fedatus penitus fanguinis motus fit, imo fere
fuffocatus, ob nimiam copiam humorum movendorum: fimulac vel sponta-
nea Haemorrhagia per nares, vel per artem facta tanguinis fubductio larga
minuerit fanguinis copiam, illico ceffat dolor; fublata materia diffendente
vafa nimis plena.

Secd imminutio vitalis motus non tantum prodest in illis casibus, ubi
nimia velocitas, vel nimia diffentio valorum dolorem faciunt, vel ab alia
caufa factum augent; fed praeterea summum ufum habet in leniendis dolo-
ribus, qui ab acriori humorum indole nalcuntur. Acria enim, per vim
vitae,

(b) Galen. Comment. I. in Aphor. Charter. Tom. IX. pag. 40., & libro de cu-
randi ratione per Venae fectionem cap. 12. Charter. Tom. X. pag. 441.

(i) Ibid. cap. 23. Chart. Tom. X. pag. 451.

vitae, & calorem corporis actiuosa reddita, laedere possunt; in cadavere, ubi omnis motus cessat, & calor tantum communis Atmosphaerae adest, nihil fere agunt. Sic cantharides, cadaveri applicatas, nullum praestare effectum, post Helmontium docuit PETIT: imo & Cauterium pontentiale, cuti cadaveris applicatum, fere nihil efficit spatio quindecim horarum: dum vero linteis calidis applicatis foveretur locus, cui applicatum erat cauterium, cutim dissolvit, & partem subjectae pinguedinis (*k*). In morbis, in quibus acrimonia degenerantium humorum dolores excitat, observatur semper aucto motu, vel & majore calore [qui etiam auctum motum sequitur] illos ingravescere. Dolores illi nocturni, qui tanta cum crudelitate Lue Venerea laborantes affligunt, calore lecti saepe augentur adeo, ut miseri cogantur singulis noctibus surgere, ut frigidato corpore minuatur dolor. Dum febris acuta pessimo scorbuto infectum hominem corripit, dolores augentur immaniter; imo saepe, tractis subito vas, per auctum impetum acrium humorum, sanguis quaquaversum erumpit. Sic etiam aeris caloribus pessimum scorbutum exacerbari quammaxime observatum fuit (*l*). Idem plurimis aliis observatis posset demonstrari; haec tamen sufficere poterunt.

Quomodo, & per quae auxilia motus fluidorum per vasa minui possit, dictum fuit §. 102. 103. 104. 105. Distendens autem materia solis evasuantibus tolli potest.

4. Dum luxatione facta os articuli sui cavo excidit, distrahit ligamenta, & premit partes vicinas; unde dolor, qui brevi cessat, vel saltem insigniter minuitur (aliquis enim dolor saepe remanet post luxationis restitutionem ob magnam distractionem, quam passa fuerunt ligamenta, unde saepe inflammantur) simul ac os in suo loco repositum fuerit. Idem verum est, dum partes tendineae semilacerae inaequali tractione continuo elongatae acerrimum dolorem creant: si enim tunc idoneo situ partis affectae, spleniis, & ligatura debita impediatur inaequalis illa tractio, dolor cessat; uti constitit in Historia §. 164. enarrata: ubi homo ruperat illam partem tendinis Achillis, quae Gastrocnemio musculo continuatur, integra manente illa parte ejusdem tendinis, quae Soleo musculo originem debet. Post sedatam enim inflammationem repetitis Venae Sectionibus, per idoneam ligaturam inaequali tractione sublata, cessabat dolor (*m*). Si autem vis illa distrahens tolli nequeat, ut dum v. g. luxatum os ob tumorem, & validam inflammationem reponi non potest; tunc sola emollientia, & laxantia profunt, quae faciunt, ut sine rupturae periculo fibrae nervosae elongari possint.

5. Ubi sine majori motu humorum, sine ullis signis distentionis majoris partium a liquidis concretis, vel accumulatis, sine ulla vi distrahente externa, dolor nascitur, tunc imprimis de acrimonia cogitamus, quae saepissime inculatur facere dolorem, qui ab aliis causis nascitur. Raro enim magna acrimonia in sanguine invenitur: destruerentur enim cito tenerrima

ence-

(*k*) Academie Royale des Sciences l'An 1731. Mem. pag. 314. &c. [*l*] Academie des Sciences l'An 1699. Memoir. pag. 245. (*m*) Ibid. l'An 1738. Mem. pag. 314.

encephali vasa, si acres humores per illa fluere. Unde sere semper tantum in primis viis acra inveniuntur, vel ubi humores stagnantes, vel extravasati in loco corporis quocumque haerentes acres fiunt; sive ex propria sua indole, sive ex peculiari cacochymia, ut in Lue Venerea, Scorbuto &c. Hinc sere semper topicum tale malum est. Si ergo constitit, acrimoniâ doloris causam esse, patet facile dolorem tolli, vel mitigari, si leniatur laedens acrimonia. Hoc autem fiet, vel specifica medela opposita cognitae acrimoniae, ut v. g. dum acidum acre in primis viis haerens terrestribus absorbentibus, vel salibus alcalinis enervatur, & mite redditur; vel fiet generalibus auxiliis ad qualemcumque acrimoniâ, diluentibus nempe, obtundentibus, inviscantibus &c. Per haec enim omne acre iners redditur, uti probatum fuit, dum de spontaneis humorum degenerationibus agebatur, ubi de his remediis dictum fuit.

6. Dum in Lue Venerea pessima offibus insidet malum, ab erosione lenta, & tumore ossium affectorum distendente sensu adeo exquisito praeditum Periosteum, tam molesti dolores oriuntur. Dum autem in his casibus repletur corpus magna copia decocti Guajaci, & deinde, sudore per accensum vini spiritum excitato, movetur illud decoctum per omnia vasa; detergitur latens hoc virus, & diffatur de corpore, cum levamine summo, vel* & integra abolitione doloris. Idem fiet, si cacochymia notabilis, v. g. Scorbutica acris, in corpore vulnerati obtinuerit: tunc enim humores ad vulnus allati, cito degenerantes in majorem acrimoniâ, dolorem excitare poterunt. Mollissimis, & simul leviter diaphoreticis remediis, qualia sunt sere omnia decocta vulneraria dicta, larga copia exhibitis, abluitur, & enervatur illud acre irritans.

7. Quamdiu v. g. fragmenta instrumenti laedentis, vel fragmenta ossis laesi, vel aliud tale quid in vulnere haerent, quae acuta sua figura, & rigiditate partes laedere possunt; tamdiu manebit dolor; imprimis quia partes continuo irritatae inflammantur, & tument: hinc appressae alieno huic relicto in vulnere lacerantur magis; donec educatur hoc heterogeneum per instrumenta Chirurgica, vel suppuratione circumquaque nata expellatur. Quomodo autem haec tolli debeant de vulnere, & quibus cum cautelis, dictum §. 186. 187. 188.

§. 229. **D**oloris sensus tollitur, manente ejus causa (224.)
 1. nervo inepto ad sensum reddito compressu, dissectione, vel exustione. 2. Sensorio communi obtuso per vim narcoticam: atque his tolluntur nonnulli effectus (226.) ex Doloris sensu oriundi.

Omnium perfectissima doloris cura est, si ejus causa tollatur: aliquando tamen etiam in summis doloribus causae latent: saepe etiam, licet cognitae fuerint, tolli nequeunt. Interim ingratus ille sensus lenimen postulat, & per effectus, qui dolorem sequuntur, jactationes v. g. vigilas,

lias, febres &c. sic mutabitur corpus, ut gravissima possint inde sequi mala. Tunc tantum hoc superest in arte, ut sensus doloris tollatur, licet maneat ejus causa. Sensus autem doloris fit, dum liberum est commercium inter cerebrum, & nervum affectum, & dum cerebrum integritate suarum functionum valet. Omnia ergo illa remedia, quae sensum doloris tollunt, non causam ejus, agunt vel in nervum dolentem, vel in cerebrum ipsum.

1. Constat certissimis observatis, nervo destructo, qui unicus ad partem quandam corporis tendit, omnem sensum in illa parte tolli, (vide §. 162.) illa enim mutatio, quae in nervi extremo facta sensorium commune sic afficit, ut doloris idea nascatur in mente, per nervi affecti integritatem. cerebro communicatur: omne ergo, quod nervi integritatem destruit inter cerebrum, & locum illum corporis, cui causa dolorem excitans applicatur, tollit doloris sensum omnem, licet doloris causa maneat, & agere pergat etiam summa cum vehementia. Qui luxata spina dorso compressam. habent medullam spinalem, ne quidem vivo igne cruribus applicato dolorem sentiunt. Nec refert jam, an compressione valida impediatur commercium inter cerebrum, & partem compressam nervi, an vero dissecando, vel urendo, destruaturs nervi continuas. Dum in artuum extirpationibus ligatura arctissime circumposita vasa comprimunt, ut compescere possint Haemorrhagiam, simul & a nervis compressis stupor oritur, & insensibilitas in parte, quae dolorem multum minuit. Empyricus Amstelodamensis quondam dolorem dentium curabat, dum digitos suos capillis implicabat, & deinde pollice sub auriculae lobo validissime appresso contundeat nervum ibi haerentem, qui ramos ad maxillam superiorem dat. Idem effectus erat, dum nervus sub dente molari primo maxillam inferiorem utrimque ingrediens comprimeretur. Saevissimam odontalgiam compescunt omnia illa, quae dolentem nervulum in dente destrunt: hinc, si eroso dente pateat via, stylo ferreo candefacto illum comburant, cum doloris praesentissimo levamine, modo ad nervulum dolentem calor igniti ferri pervenire possit. Hanc methodum in dentium dolore jam commendaverat Hippocrates, (n) dicens: *In dentium autem doloribus, si dens erosus fuerit & vacillet, eximatur. Si neque erosus fuerit, nec vacillet, ustione ressecandus est.* Alii eodem effectum acerrima olea stillatitia Cariophyllorum, Origanii &c. denti cavo imponunt, quae statim nervum, quem tangunt, ignea vi destrunt. Plurimis aliis doloribus, qui pertinaciter aliorum auxiliorum efficaciam eludebant, vivum ignem adhibuit, vel & scarificationes Hippocrates; utroque modo nervos dolentes destruyendo doloris sensum tollens. Sic postquam ad Capitis dolores multa commendavit remedia, addit: *At si diuturnus & validus capitis morbus evadat, neque capite purgato tollatur, aut hujus caput scarificare, aut venas in circuitu adurere oportet: ex caeteris enim ab hoc duntaxat sanum fore sper est (o): & alibi (p): In capitis dolore sanguinem ex venis detrabis; quod si non cesset,*

A a

sed

[n] De affectionibus cap. 2. Charter. Tom. VII. pag. 621. [o] Ibid. pag. 620.
[p] De locis in homine cap. 14. Charter. Tom. VII. pag. 373.

sed diuturnus sit, venas inurito, & convalescent. Similia de capitis dolore, curando per inunctionem, & in aliis locis habet. In molestissimo morbo Ilchiadico jubet, quancumque partem dolor occupaverit, balneis, fomentis, linimentis emollire, & alvum subducere, levato dolore purgans exhibere, post haec lac asinum potare &c. si in unum aliquem locum irruerit dolor, & consisterit, nec medicamentis expellatur, inurito, quocumque in loco fuerit. (g) Et alibi in eodem morbo, post varia tentata auxilia, si non levetur dolor, multis & profundis crustis partem inurendam jubet, in offeis quidem partibus per fungos, in carnosis per ferramenta. (r) Idem & in Aphorismis, (s) & aliis locis commendat.

Ideo & in Asia tantus usus Moxae in doloribus Arthriticis tollendis; imo & in ipsa Podagra; dum Artemisiae obsoleta folia contrita, & ab omnibus fibrosis partibus durioribus depurata, sicque in mollem lanuginem conversa, in pyramidales turundas contorquent, quae basi sua dolenti loco imponuntur, dein incenso apice sensim descendens ignis partem urit, non adeo crudeli cura, cum & centies viderit Kaempferus, pueros hanc usionem admisisse, absque eo, quod ullo signo, vel ejulatu doloris sensum testarentur. (t) Hinc adeo familiaris moxae usus ibi est, ut sanitatis praeservandae gratia singulis sex mensibus plurimi sibi corporis loca, quaedam Moxa comburi patiantur; imo aeterno carcere damnatis prodire permissum est, ut hoc beneficio fruantur.

Quia tamen nervo sic destructo pereunt omnes functiones, quae ab ejus integritate pendebant; ideo haec methodus dolorem sedandi non adhibetur, nisi quando doloris adest summa acerbitas; & illa auxilia, quae paragrapho praecedenti recensita sunt, jam frustra adhibita fuerunt, vel conditio loci dolentis talis sit, ut illa remedia applicari nequeant sic, ut sua efficacia causam doloris tollere, vel emendare possint.

2. Ubi jam causa doloris tolli nequit, & non conducit, vel impossibile omnino est, nervum dolentem destruere sine laesione partium, quarum integritas sine periculo vel magno incommodo tolli nequit, tunc unicum illud superest, ut sensorium commune sic mutetur, ut non sentiat. Possé enim esse in corpore summi doloris causam sine ullo sensu doloris, licet nervorum integritas manserit, docent Apoplectici, & summa ebrietate sepulti, qui omni sensu carent. Habentur jam in arte talia remedia, quae doloris in mente conscientiam tollunt pro quodam tempore, licet nullo modo auferant, vel emendent doloris causas: haec a stupore, quem inducunt, narcotica vocantur: vide de his §. 202. Princeps inter haec opium, quod mira nec facile explicabili virtute doloris sensum tollit, dum in ventriculo haeret. Granum enim unum aut alterum opii deglutitum, resinosa tenacitate sua non adeo facile dissolubile, in ventriculo haeret diu, & doloris sensum per octo horas ad minimum solet compescere; & quod mira-

(g) Hippoc. de affectionibus cap. 3. Charter. Tom. VII. pag. 639. (r) Hippoc. de internis affectionibus cap. 53. Charter. Tom. VII. pag. 677. (s) Aphorism. 99. & 60. Sect. VI. (t) Kaempfer. Amoenitat. Exotic. pag. 392. &c.

mirabile est, saepe sequenti mane Opium nondum dissoluti pilula vomitu excutitur. Unde non videtur agere, quia solutum, & humoribus mistum circulationis lege ad cerebrum deferretur, sed quia interiori ventriculi superficiei applicatum manet, & nervis hic dispersis quandam mutationem inducit, quae valet obtundere cerebri vim sentientem. Quantam enim vim habeant nervi per ventriculi fabricam dispersi in sensorium commune, docebunt postea morbi plurimi, in quibus omnes actiones cerebri pessime torbantur, licet materialis causa omnium horum malorum tantum in ventriculo haereat. Corrupta bilis in ventriculi cavo haerens enormes capitis dolores, vertigines, deliria &c. facit; vomitorio excussa hac saburra cessant omnia haec mala. Idem confirmant venena plurima, quae, dum in ventriculo haerent adhuc, totum corpus tam mirifice mutant; simulac excutiantur de hoc loco, pacantur omnia. Exemplum, quod haec rempulcherrime probat, habetur apud Wepferum (u). Bini pueri & sex puellae Cicutae aquaticae radicem comederant in pratis inventam; domum. reduces ambo pueri diris convulsionibus misere perierunt, nihil autem per alvum, vel vomitum prodierat. Puellae omnes evaserunt, veneno ingesto per vomitum satis cito excusso. Omnium citissime convulsit una ex his puellis, cui jam convulsae, dentibus vi diductis, pater insusum tabaci aqua fontana factum iniefferat, unde mox radices comestas violentissime evomuit; in lectum dein reposita quievit, & post brevem admodum temporis moram cibum petiit, & bene se habere dixit. Pater reliquias veneni ventriculo adhuc contineri suspicatus iterum tabaci insusum porrexerat; unde mucum, & bilem evomuit, tota nocte dormivit, mane laeta surrexit, obambulavit, & postea sanissima vixit. Postea & in canibus experimenta instituta fuerunt, quibus constitit, omnia illa dira symptomata sedari statim, si vomitu ejiceretur ingestum venenum. Ex his omnibus patet, simplicis contactu interioris superficiei ventriculi venenum illud terribile tantum mala facere, non vero permissione virulenti succi cum vitalibus humoribus; aliter enim vomitu excussis radicibus his non tam cito sedata fuissent: illud enim, quod jam humoribus mistum fuerat, perrexisset corpus turbare.

Admodum ergo verosimile videtur, Opium etiam in ventriculo haerens solo contactu, mutatis nervis hujus visceris, talem mutationem producere, in sensorio communi, ut, manentibus doloris causa, & nervorum integritate, tamen non fiat in mente doloris idea. Videturque Divina Misericordia haec auxilia hominibus concessisse, ut dolores enormes, quorum causae tolli nequeunt, vel non nisi longa temporis mora enervari possunt, sopiri possent pro tempore. Unde Sydenhamus, plurimis experimentis convictus, conclusit, quod absque his auxiliis manca sit, & claudicat Medicina: addiditque, iustatissimas etiam praeparationes Opium non augere ejus vires, vel corrigere illam, quam falso credebant ineffe multi, malignitatem. [v] Certe prudenter adhibitur Opium debita dosi, licet etiam per menses continuetur ejus usus, omni noxa caret. Unde non immerito

A a 2

dixit

[u] Cicut. aquat. histor. & noxae pag. §. &c. (v) Dyfenter. part. anni 1699, &c. pag. 230. &c.

dixit eruditissimus *Joannes Torenus Lyncaeus* in notis suis ad *Francisci Hernandez Rerum Mexicanarum novae Hispaniae Thesaurum*, quod, cum univ[er]sus Oriens & Meridies impune & quotidie utatur Opio, Datura, Bangu[e], & similibus, dolendum sit, infinitos mortales dolorum cruciatibus perire unius hujus remedii ignorantia, qui orco eripi possent, si Medici, totius orbis consensu persuasi, eo facpius uterentur (x). *Prosper Alpinus*, licet venenatum damnaverit opium, tamen cogitur fateri, Aegyptios quotidie fumentes nullam inde noxam sentire, licet aucta sensim quantitate ad trium drachmarum pondus aliqui sumplerint. Si vero dudum assueti hujus usui subito illum intermittant, syncopen, & alia gravissima symptomata patiuntur, donec iterum opium sumplerint, vel larga copia vinum Creticum, quod generosissimum est, una cum aromatibus potaverint. [y]

Negari quidem minime potest, imprudentem opii usum in magna quantitate deliria, convulsiones & lethalem apoplexiam produxisse: sed plurima remedia, quae debita dosi tuto quotidie usurpantur, nimia copia exhibita nocent. Memorabile tale exemplum habetur [z], quo constat opii virulentia, dum magna dosi dabatur non assueti. Juvenes Copthae, ut in computationibus vincerent quendam ex fodalibus, qui reliquos omnes se superare posse gloriabatur, inter pocula infuso drachmam opii vini cyatho dissolutam propinaverant: aliquot horas postea miser ille delirabat, pessime, post profundo somno sepultus jacuit. Sequenti mane dum inviserent miserum, ut victo nempe insultarent, invenerunt jacentem sine pulsu, lividum & moribundum; paulo post, frustra tentatis quibusdam etiam satis vehementibus remediis, exspiravit, quindecim horis elapsis post opium assumptum. Tumores lividi, infantis quadrimellris caput magnitudine aequantes, brachia & femora cadaveris deturbabant cum foetore intolerabili: centeni felices ex vicinia turmatim accurrebant, & cadaver lingebant cum aviditate tanta, ut certissime devorassent, nisi cautum fuisset.

Hoc miram exemplum probat quidem, enormi quantitate datum opium non assueti pessima producere mala, & mortem ipsam; imo venenata vi corrumpi inde fluida corporis humani. Tutum tamen esse remedium, si debita prudentia adhibeatur, innumera experimenta evincunt. Nec ideo vilipendendum est, quia doloris sensum tantum, non vero ejus causam tollit. Magnum enim quid est in morbis dolorem sedare posse: nihilque impedit interim aliis remediis doloris causam cognitam tollere, dum narcoticis doloris sensus obtunditur. Non tamen satis inculcari potest, quod, licet nullus sensus doloris adsit tunc, pergat tamen doloris causa corpus destruere. Dum enim in dolentissimis morbis inflammatoriis, pleuritide v. g., narcoticis compescitur dolor, saevissima inflammatio, pergens vasa affecta destruere, gangraenam facit, & evigilans a somno suo homo moritur

[x] *Hernand. Rerum Mexican. novae Hispan. Thesaurus* pag. 114. [y] *Prosper. Alpin. Medic. Aegypt. Lib. IV. cap. 1. pag. 355. &c.* [z] *Academ. des Sciences l'an 1735. hist. pag. 6.*

ritur saepe subito. Funestus talis eventus tunc adscribitur his auxiliis, cum tantum inde factus fuerit, quod aegri querelis non admonitus Medicus male crediderit lenitum morbum esse; cum tamen aequali, imo majori sorte aliquando violentia, post haec remedia exhibita pergat. Dum enim suppresso omni motu animali sic profundus somnus inducitur, vitales motus augentur: sed in morbis inflammatoriis jam peccabat nimia velocitas vitalis motus; unde nunquam tutus videtur esse in his Narcoticorum usus, nisi validis evacuationibus praemisissis per venae sectionem &c. jam fractus fuerit nimius morbi impetus. Hanc rem sollicitè monuit etiam Sydenhamus, qui tamen frequenti usu in plurimis morbis salutarem narcoticorum vim tam bene novarat, & illis tam audacter utebatur. [a] Quomodo autem, & quibus cum cautelis narcotica tuto exhiberi possint, dictum fuit in Commentariis ad §. 202.

Per haec autem remedia tolluntur omnes illi effectus, qui a sensu doloris fiunt; inquires nempe, jactatio, & vigilia imprimis; reliqui autem effectus, qui pendent a causa doloris, quatenus nititur destruere nervos dolentes, pergunt, sopito licet doloris sensu.

(a) Sydenham. febris contin. an 1661. &c. pag. 81. 8a.



CONVULSIO &c.

§. 230. **V**iolenta, invita, & alterne repetens, contractio musculi Convulsio vocatur.

Agitur hoc loco de convulsione, quae a vulnere ut causa nascitur: posita enim §. 710. peculiari capitulo dicitur de convulsione febrili, quae longe aliis causis oritur; hinc & aliam medelam requirit.

Omnis convulsio est affectio musculi: & quia musculis agentibus tendines eorum trahuntur, dumque hoc alternis vicibus fit, tendines nunc trahuntur, nunc laxantur iterum; hinc & subfultus tendinum aliquando vocatur ille affectus apud Medicos, dum pulsus explorantes convulsis brachii musculis tendines subfultu percipiunt. Cumque & tendines sub nervorum generali nomine complexi fuerint Veteres, *ruipa* enim vocabantur ligamenta & tendines, aequae ac cerebri & spinalis medullae propaggines (*b*). Ideo nervorum distentionem vocavit *Celsus* illam affectionem, quam hodie communi usu convulsionem vocare solent Medici.

In omni autem convulsione adest contractio musculi; quae, si per voluntatem fieret, non esset morbus: hinc additur in definitione, quod sit invita contractio musculi. Praeterea requiritur, ut haec contractio sit violenta, aliter enim nulla distinctio foret inter convulsionem & tremorem, in quo praeter voluntatem musculi contrahuntur, & relaxantur quidem alternis vicibus, sed tamen debiles sunt illae contractiones; in convulsione vero violentae. Deinde additur in definitione, quod alternis vicibus reperatur haec musculi contractio, cessans brevi, mox renascens iterum.

Notandum tamen, quod si causa illa, qualicumque demum fuerit, quae absque voluntatis imperio musculi contractionem efficit, pergat agere, sine alterna intermissione, tunc musculus perpetuo contractus manet, quamdiu illius causae actio durat. Malum hoc ad convulsionem referendum esse satis patet, quia eadem causae occasionales nunc alternas illas & invitas musculorum contractiones, nunc stabilem eorumdem, invitam tamen, obrigescentiam faciunt. Apparet in Epilepticis: in quibus, dum paroxysmus adest, nunc adsunt alternae illae convulsionem, paulo post instat statuae facie obrigescentia, contractis fere omnibus totius corporis musculis; mox iterum convelluntur. Spasmus (*σπασμος*) vocaverunt Veteres Graeci illud malum, quod hodie convulsio Medicis dicitur; tetanum, (*ττανος*) autem, quando praeter voluntatis imperium musculi valide contracti

(b.) Galen. de usu part. lib. XV. cap. 1. Chapter. Tom. IV. pag. 636.

tracti obrigescunt; quod mali genus *Celsus* rigorem vocavit; spasmus vero distentionem nervorum dixit (c). Convulsionis enim nomen apud recentiores tantum Medicos hac significatione reperitur. Quamvis tamen apud *Aretaeum*, [d] ubi de tetano agit, & ejus differentis, occurrat vocabulum *ἰσχυρά*, quod satis apte convulsionis nomine in versione exprimitur: tamen videtur promiscue & ipsam, & tetani nomine usum fuisse, ut eundem designaret affectum; uti in eodem Capite satis evidenter patet. Et *Galenus* (e) dixit, quod *tetanus sit convulsio: sed in tetano partes convelli non videntur, quod neque antrosum ac retrosum tendantur.*

Unde concludi posse videtur, quod licet hodierno usu convulsionis nomen adhibeatur, ubi invita, violenta, & alterne repetita musculi contractio adest; tamen generali magis significatione posse etiam hoc nomine intelligi contractionem invitam, & violentam musculi, quae diu manet sine alterna remissione; cum & quondam promiscue hoc factum fuerit, & omnia haec mala saepe ab iisdem causis nascentur, & easdem partes occupent, nempe musculos. Illam autem convulsionis speciem, quae distentis manentibus musculis fit, diviserunt in tres Classes, *τὴν αὐτὴν* dixerunt, quum neutram in partem detortus homo, & inflexilis distenditur; *ὑπερστροφίαν* vero, ubi versus anteriora corpus inflexum obrigescit; *ὑποστροφίαν* autem, si versus posteriora incurvetur corpus simili modo. Praeterea tetanus potest esse vel universalis, dum omnes musculi corporis sic affecti obrigescunt uno momento; vel potest esse particularis: uti dum v. g. sic ipsa constrictis maxillae musculis, os pertinacissime clauditur &c.

§. 331. Cujus causa id, quod liquidum nervosum vi alterna in musculos convulsos pellit.

Observatur in homine mira haec proprietas, quod possit ad voluntatis nutum, per musculos voluntatis imperio subditos, motum excitare, illumque sustinere & dirigere, augere & minuire, motumque excitatum suppressere iterum, atque suppressum renovare denuo. Et illi motus adeo sensibiles in corpore excitati, tanta vi mechanica mutantes alia corpora, in suo principio vix videntur corporei; omnesque sunt sine cognitione causae, vel instrumentorum, quae huc requiruntur. Nam peritissimus Anatomicus non melius hos motus perficiet, quam innocuus puer. Omnium maxime mirabile est etiam, quod in his motibus excitandis nulla appareat mutatio Physica in corpore, praeter rem mutam; & suppresso deinceps voluntatis arbitrio motu, nullum supersit tantae mutationis vestigium. Omnia autem haec fieri possunt sine ulla fere observabili successione temporis; dum enim quis brachium vult elevare, jam elevatum est. Requiritur tantum ad hanc rem, uti ex Physiologicis patet, ut liberum sit commercium inter cerebrum & musculos, per nervos ex cerebri medulla ad musculos

A a 4

culos

(c) A. Corn. Celsi Medic. lib. 2. cap. 1. (d) Aret. Cappad. de causis & signis morbi acuti; lib. 1. cap. 6. (e) Comment. in Sect. IV. Aphorism. num. 57. Charter. Tom. IX. pag. 171.

sculos voluntarios delatos. Cum ergo convulsio ex definitione data sit altera talis motus excitatio, & excitati suppressio; & possimus ex voluntatis arbitrio hoc imitari, (uti mendici Epilepticos mentientes fatis norunt) patet, convulsionem excitari posse ab omni causa, quae invito homine per nervos talem mutationem musculis inducit, qualem voluntatis imperio efficere posset homo sanus. Cumque modus, quo per voluntatem motum excitamus, nos lateat, sed tantum observemus effectum; etiam poterit aequae latere mutatio illa ultima sensorii communis, per quam convulsio nascitur. Totum, quod ars potest, est, ut observet illas corporis mutationes, quas sequitur invita talis musculorum contractio; & deinde has mutationes cognitae tollat, vel emendet: licet minime intelligatur, qua ratione mutationes illae corporis afficiant sensorium commune; sive illum cerebri locum, ubi haeret mutabilitas cogitationis a mutato corpore, & vicissim mutabilitas corporis a mutata cogitatione.

Quia autem ex observatis Medicis constat, plurima talia accidere posse corpori, per quae convulsiones excitantur; hic autem tantum agatur de his malis, quatenus vulnus factum sequuntur ut causam praecipuam; hinc videndum, quanam sint observata in vulnere ipso haerere, a quibus convulsiones factae fuerunt. Illa autem recensentur sequenti paragrapho.

§. 232. **A**deoque in ipso vulnere haerere potest, sive sit materies aliena irritans, sive ipsa nervi laesi [163. 164. 165. 183. 184.] conditio, sive evacuatio cruoris nimia praegressa.

MATERIES ALIENA IRRITANS. Tenerrimum illud pulposum, medullae cerebri productum, quod proprie dictam substantiam nervi constituit, quod tot involucris munitur in nervis majoribus, ut tuto deferri possit ad loca debita; si irritetur a quocumque acri, vel alio corpore, quod mechanica figura, & duritie suarum partium laedere, & destruere poterit molissimam hanc pulpam; poterit convulsio inde nasci. In vulnere jam poterunt haerere nervi, & tendines discissi, vel involucris suis sic nadati, ut ad intimam illam pulposam substantiam, adeo facile irritabilem, acriter pertingere possint. Imo nervi nudi si tantum tangerentur a non confectis liquidis, enormes dolores, & convulsiones ipsas inde sequi constat. Dum carie dentium erosa fuit crusta illa durissima, nervulos tenuissimos per dentis substantiam dispersos tegens; aer frigidus allabens, sacchari particula, molle butyrum &c. applicata his nervis nudis, convelli faciunt totum hominem prae doloris acerbitate. Simplex contactus nudi suis involucris tendinis uno momento tetano universalis obrigescere facit hominem, uti dictum §. 164. cum tendines, suis vaginis mucosis vel pinguedinis testis, patiantur se protrahi, elongari, conlui &c. sine magno malo. Cum ergo in vulnere sensibillissimae illae partes nudentur saepissime, poterit instrumenti vulnerantis pars relicta, fragmenta ossium vel simile quid in vulnere haerens, irritando has partes, saevissima mala producere. Idem fiet ab humo

humoribus in vulneris cavum effusis, ibique in aerem indolem degenerantibus; uti & ab acris vulneri applicatis remedii titulo; uti in paragrafo modo citato exemplum ex Hippocrate allatum confirmavit.

IPSA NERVI LAESI CONDITIO &c. In numeris citatis demonstratum fuit, punctos, vel semilaceros nervos, & tendines, convulsiones & alia saevissima symptomata producere; & pluribus observatis Medicis hujus affecti veritas confirmata fuit.

EVACUATIO CRUORIS NIMIA PRAEGRESSA. Simulac tanta copia subducuntur humores de corpore, ut residuum, cordis vi per vasa pulsum, illa aequabiliter replere nequeat, deficit pressio in arterias cerebri, unde & spirituum motus per nervos cerebri cessat: hinc omnium musculorum paralysis; & a cerebello, similiter affecto, animi deliquium: unde omnia liquida nervosa, & arteriosa incipiunt quiescere. Interim frigore majori corporis, mntus imminuti sequela, contractae partes venosum sanguinem versus cor derivant: quod repletum contrahitur, & summa velocitate per vacuas arterias sanguinem movet, cum nihil resistat sanguini impulso. Tunc ergo validissimo impetu sanguis per cerebri vasa movetur; unde spirituum motus in musculos velocissimus fit, sed mox desinens; rediturus iterum, quando cor sensim impletum se contrahet. Uno ergo momento validissima causa motus musculis applicatur, quae iterum sequenti momento desinit; unde alterna violenta, & invita musculorum contractio, quae convulsio dicitur.

In mastatis animalibus quotidiana observata hanc rem evincunt. Dum vitulis, ovibus, porcis &c. discissis arteriis carotidibus pleno rivo sanguis effluit, circa mortem incipit cessare sanguinis fluxus, per intervalla tantum rediens, ob causas modo dictas; tuncque semper valide convelluntur animalia, donec moriantur. Dum per abortum, vel post partum, patulis uteri vasis omnis fere sanguinis copia exit, toties convelluntur mulieres, & saepe subito pereunt. Idem observatur, dum hypercatharsi per alvum, nimia copia liquidorum de corpore subducitur.

Idem monuit Hippocrates: *copioso sanguine fluente, convulsio, aut singultus accedens malum* (f). Et alibi (g): *convulsionem fieri & a repletionis, & ab inanitione dicit.* Sic & nimia purgationi succedere convulsionem & singultum asserit [h]. Similia plurimis aliis in locis habet. Designat enim hoc malum, post nimias evacuationes ortum, tantam fuisse factam subductionem liquidi de corpore, ut vasa vacua collabantur, & sanguis, corde pullus, non possit propagare mntum acceptum per vasa plena, sed libere ruat in vasa vacua: unde deficit requisita pressio aequabilis in encephali vasis, a quibus tota vita, & humanitas pendet; hinc patet, quantum tunc addit periculum, si ab inanitione nimia oriatur convulsio.

(f) Aphor. 3. Sect. 5. Charter. Tom. IX. pag. 275. (g) Aphor. 19. Sect. VI. Charter. Tom. IX. pag. 273. (h) Aphor. 4. Sect. V. Charter. Tom. IX. pag. 296.

mnne ipsum sic obrundebant, ut non perciperet illam nervi mutationem, quae a causa dolorem excitante fiebat. Omnia autem haec convulsionibus sanandis adhibita fuisse cum fructu, mox parebit.

Inter illa enim; quae §. 128. ad doloris causam tollendam laudabantur, praecipuum locum obtinebant, & maxime universalem usum habebant omnia laxantia & emollientia dicta; quibus adhibitis fibrae nervosae sic dissonabantur, ut distendi possent sine rupturae metu: Eadem autem ab omni tempore ad convulsiones tollendas fuerunt adhibita. Ad curandum Tetanum laudat Hippocrates [1] jusculum gallinaceum pingue & calidum, somenta, tepefactoria humida & pinguis in vesicis, & utriculis undique, sed praesertim ad partes dolentes admota; calidi olei copiosas, & crebras inunctiones pariter jubet. Et alibi [m] ad Tetanum ex vulnere factum pinguium inunctiones ante focum, somenta, tepefactoria, sudores tepidae persusione excitatos, aquae mulsae tepidae potum, si quidem bibere posset aeger, si non, ejusdem per nares infusionem commendat &c. Praeterea, ubi calidi utilitatem recenset, [n] dicit, quod sit dolorem sedans, rigores, convulsiones, tetanos mitigans: & contra (o) frigidum convulsiones, & tetanos facere asserit. Calor enim omnia laxat, ut distrahi, & flecti possint sine rupturae periculo; frigus omnia reddit fragilia, & contrahit, uti obviis ubique experimentis patet. Eadem & Cellus [p] commendat, qui sic affectos toto corpore in oleum calidum descendere jubet; vel in aquam calidam, in qua focum graecum decoctum sit, & adjecta olei pars tertia. Galenus, uti in loco §. 164. allegato patuit, in se ipso a valida distractione ligamentorum imminuentem convulsionem continua olei calidi persusione evitavit, quam statim instare sensit, simulac olei affusio intermitteretur. Similia & apud Aretaeum in cura tetani commendantur [q]. Unde apparet antiquos Medicos unanimi consensu mollissima remedia, quae tam pulchre omnes fere dolores leniunt, ad convulsiones curandas commendasse.

Facile etiam patet, quod si nervus, cujus laesio totum sensorium commune turbat, possit destrui sine metu gravioris mali per dissectionem, compressionem, caustica &c., nullum amplius convulsionis adsit periculum, quia omne commercium inter cerebrum, & nervum laesum sublatum est. Docuerunt hanc rem imprimis observata Medica in curatione ejusdem speciei Epilepsiae, in qua in quodam corporis loco, v. g. in digito majori pedis [qualem casum vidi] sentitur titillatio quaedam, ac si formicae reptarent per partem; ascendit ille motus per crus, femur, abdomen ad praecordia usque, tuncque mox cadit convulsus toto corpore. Si subito, dum sentiret in digito pedis incipiens malum, ligatura sub genu arctissime stringeret omnes partes, liber erat a Paroxysmo. In similibus casibus toties profuit locum illum, unde primo incipit mirus ille motus, caustico profunde inurere, ut destrueretur ille nervulus, cujus affectio tam miris modis totum corpus turbare poterat. Hujus rei vestigium habetur apud Cellum dicentem:

Quod

[1] De morbis lib. III. cap. 12. Charter. Tom. VII. pag. 587. (m) De internis affectionibus cap. 54. Charter. Tom. VII. pag. 678. (n) Aphorism. pag. 22. Sect. 5. Charter. Tom. IX. pag. 207. (o) Ibid. Aphorism. 20. par. 205. (p) Lib. IV. cap. 3. (q) De curat. morb. acutor. Lib. I. cap. 6. pag. 85. &c.

Quod si musculus laesus videbitur, praecidendus erit. Nam percussus mortiferus est: praecipuus sanitatem recipit. (r)

Illa autem, quae sensorium commune vi narcotica sic obtundunt, ut tollatur doloris sensus, mira efficacia turbulentos illos motus convulsivos compescunt saepe, uti in Hystericis convulsionibus imprimis toties apparet. Apud veteres Medicos tamen non invenitur adeo frequentem fuisse in his casibus horum auxiliorum usum. Hippocrates tamen in cura Tetani laudat inter alia remedia etiam semina Hyoscyami vino infusa, cui dein aequalis olei copia misceretur, ut his calefactis dein caput, & corpus ungeretur. (s)

4. Pro generali regula in morborum curationibus Hippocrates statuerat, quod morbis a plenitudine ortis mederetur evacuatio; illis vero, qui ab inanitione fierent, mederetur repletio (t). Quando ergo vasis sanguineis discissis ingens facta fuerit sanguinis iactura, sic ut aequabilis pressio in vasa encephali inde turbetur, convulsionem inde factae pro causa sua habent nimiam inanitionem: curabuntur ergo repletionem. Decantatissima illa Antispasmodica, spiritus Cornu Cervi, serici crudi, succini tinctura & oleum, Castorei virus, olea pulcherrima stillaticia aromatica &c., quae in aliis casibus tam pulchre compescunt inordinatos illos in systemate nervoso motus, hic nocent suo stimulo, quo augendo sanguinis motum pauculum illud, quod in vasis adhuc superest, sanguinis ex discissis vasis expellunt ad mortem usque. Tota curatio consistit in eo, ut novo & bono liquido distendantur iterum collapsa per nimiam inanitionem vasa. Verum satis magna hic difficultas occurrit: nam ingesta viscerum & vasorum actionibus conspirantibus, & miscela cum bonis humoribus maxima copia praexistentibus, assimilantur in naturam nostram, & requisitas in fluidis humanis dores acquirunt [vide §. 25. N. 1.] Post magnam autem sanguinis iacturam deficit illa copia humoris boni, quae in sanitate pauculum crudum per ductum thoracicum in subclaviam venam deductum absorbet, & quasi disparere facit; simul & debilitatur ab eadem causa omnium vasorum, & viscerum actio, unde binae illae efficacissimae causae, quae crudum mutant in coctum, hic deficiunt, vel saltem languent. Totum ergo, quod fieri potest cum fructu, est, ut ingerantur talia liquida, quae, sanis humoribus similima, nihil stimulantis acrimoniae in se continent, & sine molestia a corpore debili ferri, & superscite adhuc vasorum, & viscerum actione, licet languida, subigi possunt. Omnia itaque illa proderunt, quae §. 28. N. 1. laudata fuerunt; & inter illa imprimis carnum jufcula, in quibus humores, in corpore sani animalis elaborati, in aqua ebulliendo solvuntur; imprimis si pauculum succi citri addatur; quod nimis facilem degenerationem horum jusculorum in putredinem corrigit. Eandem ob causam & acetosae pauculum his jusculis incoquitur: adduntur & oryza, hordeum, avena & similia Cerealia mollissima. Omnia haec dantur parca copia simul & saepe repetita, ne gravetur ab ingestis debile corpus, & ut fiat sensim talis vaso.

(r) Lib. V. cap. 26. N. 22. pag. 293. (s) Hippocrat. de intern. affection. cap. 54. Charter. Tom. VII. pag. 678. (t) Aphor. 22. Sect. 2. Charter. Tom. IX. pag. 63.

vasorum repletio, quae vitam sustinere possit, sed tam debilem, ut vulnerata vasa consolidari possint, nec ullus metus sit, ne nimis subita impletione vasorum, vel aucto motu lacerentur iterum illa, quae jam inceperant concretescere. Nisi enim fidissima observata docuissent, vix credi possit, quam parca sanguinis copia vita adhuc sustineri possit. Memorabile Exemplum hanc rem confirmans allegatum fuit in Commentariis ad §. 161. Et in foeminis, quae saepe per abortum omnem fere sanguinem amittunt, & convelluntur, felix successus hanc methodum probavit; dum pro mortuis jam fere habitae, sensim sic repletis vasis, ex ipsis oris faucibus evalerunt felicissime.

Pulcherrima habetur apud *Louverum* (u) observatio, quae docet, quantum exspectari possit a carniurn jusculis, ubi magna sanguinis jactura facta fuit. A Medico fide dignissimo dicit se hanc historiam accepisse. *Adolescens* sexdecim annos nato, cum magna sanguinis copia per biduum continuo erumperet, neque medicamentis, aut arte ulla cohiberi potuerit, jusculis cum reficere amici, & adstantes curarum, cumque ea vix arde expeteret, atque assumeret, fluxus sabinde concitator factus est, & tandem res eo devenit, ut massa sanguinis fere tota efflueret, quidquid jam efflueret, dilutum & pollidum, sanguinis neque naturam, neque speciem prae se ferret, ipsi juscule, quod tunc hauserat, quam sanguini similis: atque eadem forma per diem unum aut alterum duravit hic aqueus fluxus, constante interim cordi motu suo, donec fluxum demum consopito, juvenis paulatim integrae sanitatis restitutus est, & exinde in virum robustum, & quadratum excrevit.

5. Quomodo compesci possit vulneris Haemorrhagia, explicatum fuit in numeris hic citatis. Patuit tunc, artificiosa methodo plurimas Haemorrhagias sedari posse. Ubi vero nullus datur manibus accessus ad vas laesum, uti dum in corporis interioribus vasa vulnerata sunt; tunc imprimis prodest ligatura brachiis, & femoribus circumducta tam firmiter, ut compressis venis impediatur, ne sanguis ex his partibus ad cor tam firmiter redeat: sic impediatur saltem pro tempore haemorrhagia, & forte nascetur occasio, ut vasa laesa contrahi, & consolidari possint; sedata autem Haemorrhagia non simul, & semel sed sensim sunt laxanda haec vincula, ne recrudescat hoc malum. Summa si sit quies mentis, & corporis, & debillima tantum sit sustentetur vita, nullisque cardiacis reforilletur vulneratus, magna adhuc spes etiam in periculosissimis casibus manet.

§. 235. **T**umor, & inflammatio levis vulnere bona; si augentur, mala: balnea, fots, anodyna, antispastica, loco laeso, & toti applicata aegro, profunt: de quibus in historia & curatione inflammationis.

Dictum fuit in §. 158. N. 5., quod post vulnus factum alicujus momenti itequatur secundo vel tertio die in labiis, & fundo vulneris major calor, dolor, rubedo, & tumor, & quod haec omnia symptomata acciderent semper vulnere etiam in corpore sanissimo. Levis ergo talis inflammatio,

(u) De corde pag. 70. 71.

matio, cum comite tunc fere semper febricula, nunquam mala est. Abscissa enim vasorum extrema contracta resistunt liquidis impulsis, unde obstructio nascitur; & a vitae viribus, febricula tunc comite, urgentibus majori impetu obstructos vasorum fines, levis fit inflammatio; quam blanda sequitur suppuratio separans obstructa extrema vasorum una cum immedia liquida, & liberam humorum circumductionem restituens per totam vulneris superficiem, per quam fit regeneratio perditae, & unio partium separatarum. Ibidem tunc hoc & Hippocratis observationibus conficit, qui naturae ductum ubique sequens tanquam ingens malum damnaverat, si in gravibus vulneribus tumores non apparerent; in alio vero loco laxos in vulneribus tumores laudabat, crudos vero damnabat, utpote nimis validae inflammationis signum. Pulcherrime hanc rem expressit Celsus dicens: *nimis vero intumescere vulnus, periculosum: nihil intumescere periculosissimum est. Illud indicium magnae inflammationis: hoc, emortui corporis est. &c. At ne febris quidem terrere debet, si in magno vulnere, dum inflammatio est, permanet. Illa pernicio est, quae vel levi vulnere supervenit, vel ultra tempus inflammationis durat, vel delirium movet &c. (v).* Ubi vero valida obstructio nata circa vulnus, auctore admodum motu per febrim exortam, dolor, tumor, rubor, & calor augentur valide, novimus facile, longe maiorem jam hic esse inflammationem, quam requirebatur ex observatione phaenomenorum communium omni vulnere. Haec ergo si pergeret, destrueret partem gangraenosa corruptela; vel saltem longe validior postea sequeretur suppuratio, separans inflammatum non relolubile a reliquis partibus vivis; quod fieri nequit, quin multum pereat de substantia corporea, & imprimis de cellulosa tunica, in qua praecipua suppurationis sedes videtur esse: unde tardior consolidatio vulneris, turpior cicatrix, & reliqua omnia mala oriuntur, quae a consumptis nimis valida suppuratione partibus sequi possunt. Requiritur ergo, ut idoneis auxiliis tollatur nimis valida inflammatio: quod fiet, laxatis vasis, & solutis fluidis, quae inflammatoria tenacitate coiverant. Unde balnea, fomenta, &c. ex mollissimis herbis parata tanti tunc usus sunt. Simul tunc attendendum, an causa inflammationis nimiae in ipso vulnere haereat, an vero febris excitata nimio impetu, vel diathesi inflammatoria sanguinis accusari possint. Priori in casu topica medela sufficeret saepe; posteriori vero universalis medela motum auctum compescens, vel solvens inflammatoriam spissitudinem, requireretur. De his autem pro parte dictum fuit in capitulo de obstructione, & postea adhuc agetur in Historia, & Cura inflammationis.

§. 236. **S**anguis in cava corporis per vulnus delapsus inde occlusus educendus situ corporis, suctu per fistulam, si recens, vel dilutus primo, apertura vulneris dilatata, vel nova.

Præter illa loca corporis, in quibus humores a sanguine secreti accumulantur

mulantur in usus requisitos; vel ut collecti excernantur de corpore, vix reperiuntur cava loca vacua in corpore. Certe tota calvaria plena est, thorax plenus, abdominis cavum pariter: vulneribus enim haec cava penetran- tibus exprimuntur contenta, simulac patet liber exitus. Sanguis tamen dis- scissis valis effluens potest sic comprimere partes contentas his corporis cavis, ut locum jam occupet, quem naturaliter tenebant viscera in his cavis locata. Laedet ergo sanguis in haec cava effusus actionem viscerum contentorum comprimendo; & postea corruptus acrimonia acquisita po- terit rodere, & corrumpere illa omnia, quae tangit; dumque simul attenuat, dum putrescit, resorptus venis bibulis, ubique in superficie corporis interna & externa patentibus, poterit totam sanguinis massam putrida- habere inficere, & pessima mala producere. Hippocrates (vv) dixerat, uti §. 172. N. 1. jam habetur, sanguinem in ventrem praeter naturam effu- sum necessario suppurari: & Galenus in Commentariis suis ad hunc locum per *vacuities* quamcumque cavitatem praeter naturam intellexit; & simul mo- nuit, suppurationis vocabulo hic intelligi quamcumque aliam sanguinis de- generationem. Non adeo tamen videtur absonum intelligere per vocabu- lum *vacuities* non suppurationem proprie dictam, sed quod sanguis extra- valatus, & cavo praeternaturali contentus, viam sibi faciat per loca sup- puratione facta, licet sanguis ipse extravasatus non convertatur in pus pro- prie dictum.

Praeter haec cava corporis notum est, sub cute inveniri, & ubi- que inter musculos poni tunicam dictam cellulosa, vel pinguedinosam; quae facillime dilatabilis cedit sanguini effuso, & distendi potest in molem saepe immanem, uti Aneurismata spuria, & sugillationes post validam- contusionem docent. In his cavis praeternaturalibus haerens sanguis poterit pariter pressione, & corruptela nata, plurima mala facere; unde indica- tio jubet, educendum esse cito, si commodè fieri possit. Tamen hoc vi- detur notandum esse, quod sanguis effusus diu manere possit incorruptus, si nullus aeri detur accessus; & quod aliquando diluentibus & solventibus remediis applicatis sic possit attenuari, ut per vasa bibula resorptus evane- scat sensim. De hac re autem dicitur in capitulo de contusione.

Ubi ergo sanguis extravasatus in cavo corporis haeret, nocens com- pressione partium; vel si metuatur ejus corruptela, & nulla spes sit, san- guinem effusum dissipari posse, tunc per artem educendus est. Hoc au- tem fiet.

SITU CORPORIS: qui talis tunc requiritur, ut sanguis extravasatus pro- pria gravitate per vulneris orificium exire possit. Mulum ad hanc rem- facit, si cognoscatur corporis positura, quam habuit vulneratus illo mo- mento, dum vulnus accepit: in eodem enim situ corporis tunc reponen- dus est, quantum fieri potest: aliter enim saepe membrana pinguedinosa- vulnus cutis occludit sic, ut nihil exire possit. Simul tunc orificium vul- neris in declivi quam maxime situ ponatur, ut sanguis exire possit. In- abdominis cavo v. g. si sanguis effusus haereat, pronus in ventrem decu- bitus

bitus proderit. Elevatis pedibus, capite demisso, sanguinem in pectoris cavo haerentem eduxit Paraeus, & ab instanti mortis periculo liberavit vulneratum; uti dictum fuit §. 172. N. 3.

SUCTU PER FISTULAM. Hoc locum habet, quando sanguis in cavo abdominis, & imprimis in cavo pectoris effusus haeret. Sumunt tunc fistulam ex plumbo flexili, vel ex corio, vel balaenae osse, obtuso semper apice instructam, ne laedat partes; per hanc cavo corporis immittam, vel sugendo, vel & applicata antlia extrahi potest sanguis extravasatus. Ubi vero sanguis sub cute in cellulis membranae pinguedinosae aggestus haeret, patet facile, hanc methodum nullius usus esse.

Sed nec idoneo situ corporis, nec suctu per fistulam educi poterit sanguis extravasatus, nisi fluidus sit: si vero jam in grumos concreverit, tunc prius sic dilui debet, ut per vulneris orificium, vel fistulae aperturam, transire possit. Sumitur tunc aqua cum melle, vel saponis Veneti parca copia; additur aliquid salis marini, & pauculum vini: repidus talis liquor injicitur, leni conquassatione, vel & ipso respirationis motu agitur, cum sanguine concreto, quem diluit, & solvit; deinde situ corporis, vel suctione, iterum educitur injectus liquor; illudque repetitur tandem, donec injectum liquidum purum, & nullo sanguineo colore tinctum redeat. Simpliciter sic hordei decocto cum melle residuos in thoracis cavo sanguinis grumos eduxit Paraeus in Exemplo modo allegato; dumque sequenti die Centaurei, absinthii, & aloes insulum injiciebat, ut magis mundaret haec loca, mirabatur vulneratum amarorem ingratum percipere, & nauseare. Facile patet haec tentari non posse, quamdiu Haemorrhagiae metus adhuc superest.

APERTURA VULNERIS DILATATA, VEL NOVA. Si angustum nempe nimis vulnus fuit, vel panniculus adiposus in vulneris aperturam pressus, obstruxerit orificium, tunc dilatio requiritur. Aliquando etiam accidit, vulneris aperturam altiori loco haerere, sanguinem vero effusum declivi loco situm non posse evacuari per vulneris orificium, nisi inverso situ corporis, quem sine molestia diu ferre non posset vulneratus: sic dum vulnere superiori thoracis parti inflicto, vasis discissis, sanguinis copia magna in pectoris cavo accumulatur, ille versus posteriora thoracis, ubi profunde descendens diaphragma thoracis capacitatem multum augeat, haerebit, nec poterit facile exire per vulneris aperturam, nisi capiti insistere vulneratus: unde potius versus posteriorem, & inferiorem partem thoracis in latere affecto, nova apertura facta, sanguis educitur. Idem verum est, dum v. g. vulnere circa lumbos inflicto sanguis in abdominis cavo haeret, qui gravitate sua anteriorem, & inferiorem abdominis prominuli partem occupabit, unde longe facilius, paracentesi in hoc loco instituta, poterit educi, quam pressione abdominis, & mutato situ corporis per vulneris aperturam exprimi. Pariter etiam nova apertura vulneris requiritur, ubi sanguis effusus in panniculo adiposo descendendo viam sibi fecerit versus declivem locum.

§. 237. **S**I vulnus inter firmas partes corporis descendit, via paranda sordibus pressione, lotione, ligatura, apertura vulneris nova, vel dilatata.

Aliquando fit, ut instrumentum vulnerans profunde adustum descendat inter partes corporis per panniculum adiposum imprimis: liquida tunc ex vasis discissis in vulneris cavum effusa, & pus collectum ibi haerebunt, & propria gravitate descendit in facile dilatabili membrana pinguedinosa augebunt vulneris profunditatem; nec facile exire poterunt per vulneris orificium altiori loco situm. Imo saepe collecta materies mairs sibi, & maxime sinuosas vias faciet per panniculum adiposum inter musculos, unde postea summa oritur in curatione difficultas. Hoc omnium optime exploratur, si vulneris orificio per siphonem leni vi immittatur aqua tepida: copia enim aquae immissa major, vel minor determinabit vulneris profunditatem, & latentis cavi amplitudinem. Si enim specillo immisso indagetur vulneris facti profunditas, saepe, dum hoc rudiis perficitur, specillum per membranam adiposam transiens novum cavum efficit, unde postea major curae difficultas. Apud Hildanum [x] habetur tale exemplum. Rustico in singulari certamine vulnus acuto gladio infligitur in coxam dextram, e regione fere articuli: barbitonsor advocatus stylo exploratorio immisso vulnus sursum versus os sacrum ascendere invenit. Cum vero circa tertium diem dolor ingens, inflammatio, febris, & alia gravissima symptomata adessent, Hildanus vocatus, immisso stylo per vulneris aperturam, invenit vulnus pergere per mediam natem versus anum.

Facile nunc intelligitur, acuto gladio inflictum vulnus non potuisse adeo diversa directione penetrasse eodem ictu, sed alterutram viam styli immersione factam fuisse. Unde apparet, suspensa manu, & magna prudentia explorationem vulnerum stylo immisso perfici debere, & longe tutius hoc fieri aqua per siphonem immissa; modo hoc non fiat magna vi: tunc enim, & aqua ipsa sic valido impetu injecta posset panniculum adiposum dilacerare, & viros sinus facere.

PRESSIO, LIGATURA. Ubi per aquam tepidam immissam confiteritur, vel etiam prudentissima per stylum exploratione, quo usque penetraverit vulnus; tunc illi loco apponitur splenium, quod deinde ligatura circumducta apprimitur: sic impeditur, ne collecti humores in vulneris cavo magis decendant. Sensim dein singulis deligationibus mutatur situs splenii, ut magis magisque versus aperturam vulneris pergat, lente sic ab inferioribus ascendendo: interim apertura vulneris liberrima relinquitur, ut contenta in vulneris cavo facile exire possint; unde ligatura sic dirigitur, ut tantum premat fundi vulneris inferiorem partem, liberum autem relinquat vulneris orificium, quod ob eandem causam nunquam turunda obturari debet. De hac autem methodo, & pulcherrimis ejus ulibus, dicetur postea in *capitulo de Fistula*.

Lotione,

(*) Observat. Chirurg. Centur. IV. Observ. 84. pag. 358.

LOTIONS. Dum effusi humores in cavo vulnere stagnant, & diu ibi haerent, non facile exeuntes ob acclivem orificii vulneris situm, mora, & calore loci corrumpuntur, & in acrimoniam satis malignam possunt degenerare. Iplum blandissimum pus in vulnere nimis diu retentum, ichorosum, teneae, & acre fit. Tota ergo vulneris superficies inde male afficietur, & sordida fiet: sed quamdiu nondum pura est vulneris superficies, nunquam poterunt recrescere, & uniri partes, licet idonea compressione, & ligatura contiguae factae fuerint. Requiritur ergo prius depuratio vulneris per digestiva dicta remedia apud Chirurgos: sed haec non possunt applicari omni vulneris superficie, nisi diluta prius sic fuerint, ut per vulneris aperturam immissa per omnia vulneris loca penetrare possint: illa ergo, quae §. 107. laudata fuerunt ad depuranda sordida vulnera, hic convenient; sed diluta in aqua, vel simili vehiculo, ut per omnia penetrare possint. Aloe, & myrrha vitello ovi subacta, addito pauxillo salis ammoniaci, & melle, dein aqua diluta, praecipua hic sunt.

APERTURA VULNERIS NOVA, VEL DILATATA. Postquam per aliquot dies tentata fuit pressio, & ligatura vulneris profundi fundum comprimens, uti & post injecta depurantia illa digestiva dicta; si nondum in melius tamen mutata fuerit vulneris conditio, de aliis cogitandum est. Si vulneris orificium admodum exiguum fuerit, ut non possint exire de cavo vulneris aggesta liquida, tunc illud dilatandum est: si vero vulneris apertura talem situm habeat, ut contenta in vulneris cavo liquida nec propria gravitate, nec mutato situ corporis facile exire possint, tunc cogitandum est de apertura nova facienda, per quam commodius, & sponte elabi possent omnia illa, quae retenta in vulnere nocerent. Ut autem hoc fiat, turunda clauditur vulneris orificium, ut nihil exire possit, aggesti tunc humores colliguntur sponte in infima parte fundi vulneris, & ibi tumorem facient, qui indicabit locum, ubi nova apertura facienda est. Idem fieri poterit, si per siphonem aqua injecta promineat extrorsum vulneris infimus fundus; uti & si speculum immisum per vulneris aperturam ad infima usque pertingere possit sic, ut ejus apex digito Chirurgi sentiri possit: tuto enim tunc supra specilli apicem discindantur tegumenta, ut nova apertura fiat. Si vero vulnus inter partes crassas muculoisae profunde descenderit, sic tamen ut fundus vulneris non versus cutim haereat, sed in interioribus delitelcat, longe difficilior est novam aperturam cum fructu facere: optimum tunc est, clausa vulneris apertura, ad illum locum, ubi vulneris fundus haerere creditur, applicare mollissima cataplasmata hac spe, ut emollitae partes externae facillime cedere possint liquidis in vulneris cavo aggestis, sicque inveniri locus, qui pertundi debet.

§. 238. **D**ilatatio fit cultro, linteis carptis, sponsia, radice Gentianae, & similibus siccis immisiss, filo alligato, absorptu humoris tumentibus, sicque dilatantibus.

Omnium optime vulneris dilatatio per cultrum fit: dolor quidem acutus adest, dum dissecantur partes vivae, sed uno momento desinit; dum reli-

qua, quae dilatando vulnere inserviunt, lenta distractione satis acutunt, & diuturnum simul dolorem excitant, & una margines vulneris contundunt: quae loca contusa postea per suppurationem debebunt separari. Unde, qui vapo metu sectionem cultro faciendam horrent, majoribus torquentur doloribus.

Ut vero fiat sine Sectione vulneris dilatatio, intruduntur ejus orificio lintea capta, vel similia corpora bibula siccissima, quae, humores affluentibus absorbendo distenduntur; sicque distrahunt orificium vulneris nimis angustum. Nec parva haec vis est, qua corpora sicca bibula, dum maddunt, remouent a contactu partes, quibus coercentur. Adest enim in aqua mirabilis haec proprietas, certis experimentis cognita, quamvis difficillime explicanda, qua distendit corpora, quibus se insinuat, in maius volumen; tanto quidem cum effectu, ut sola hac vi enormia pondera eleuentur, & durissima saxa findantur cuneis siccissimis ligneis intrusis, & postea humectatis, uti solent facere operarii, ut enormes illas massas lapideas, unde molares lapides conficiunt, separent a rupibus (7). Nec habemus limites immanis illius potentiae novimus: sufficit scire, quod summa etiam obacula superet. Lintea ergo carpta siccissima contorta in turundam, radice gentianae adeo fungosae frustulum, vel & spongiam compressam vulneris orificio intrudunt: dein vel tenaci Emplastro, vel ligatura idonea, haec sic retinent, ut non possint exire, dum affluentibus humoribus resorptis tumere incipiunt: sic tota illa vis, qua distenduntur haec bibula corpora, impenditur dilatando vulnere. Inter illa autem, quae dilatandis hac methodo vulneribus adhibentur, nullum est, quod in tam paruum spatium comprimi potest, & tamen ab humido resorpto postea tam immaniter tumet, quam spongia; unde solet reliquis praeferrri: imprimis si artificiosa praeparatione augeatur adhuc spongiae ad hos usus efficacia. Solebant quidam spongiae frustulum circumducto filo validissime constringere, deinde vulneris orificio immittere, sic ut nodus circumducti fili extra vulnus haereret, & forfice abscindi posset: sed non sine difficultate hoc potest perfici, & longe melius fit methodo sequenti. Resinam cum cera, & paucis oleo liquant, ut fiat inde Emplastrum satis tenacis consistentiae; huic deinde Emplastro igne liquato spongiam puram, siccissimam, & satis magnam immergunt, ut undique penetraret hoc emplastro soluro: deinde validissima actione praeli, inter duas laminas ferreas modice calefactas, ex spongia exprimunt omne pingue, quantum fieri potest, sicque in praelo relinquunt, donec omnia penitus refrigerint. Tunc habetur spongia in minimum volumen compressa, densa sere instar ligni, & quae in qualvis figuras scindi poterit. Illud, quod post validam expressionem remansit in spongia Emplasticum, siccae spongiae partes sibi mutuo applicatas retinet, nec tamen impedit, quo minus aqua, & aquosa omnia in bibulam spongiam rapiantur, illamque in pristinam dimensionem extendant. Cum ergo spongia validissima pressione in angustissimum spatium redacta, vulneris orificio immissa, ab humoribus affluentibus distendatur in maximam dimensionem,

quam

(7) Acad. des Sciences l'an 1710. Mem. pag. 391. Boyle de utilitate philof. Ex: perini. pag. 355.

quam acquirere potest; patet, quam enormis dilatatio hac methodo fieri possit. Praeterea hoc commodi habet spongia sic praeparata, quod possit in minima ramentula scindi, quae angustissimis etiam vulnerum, vel fistularum orificiis immitti possunt: quod linteis carpris, vel gentianae radice, aut aliis similibus fieri minime possit.

Omnibus autem illis turundis, sive ex spongia, sive ex aliis similibus fiant, alligatur filum, ne forte se subducant in latius vulneris cavum, & ibi plurima mala faciant, dum non possent sine molestia inde educi sine hac cautela.

Sic haftenus ordine pertractata sunt illa, quae ad generalem historiam, & curationem vulnerum pertinent, simulque actum fuit de illis symptomatibus, quae vulneribus accidunt quandoque, & ob periculum, vel summam molestiam peculiarem medelam requirunt. Sequitur nunc, ut dicatur de vulneribus, quae corporis partes illas occupant, in quibus viscera reconduntur; ideoque, praeter generales in omnium vulnerum curatione indicationes, multa adhuc alia observanda requirunt. Solent plerumque haec considerari in tribus illis magnis corporis cavis, in quibus nobilissima organa illa continentur, a quibus omnes functiones corporis sani pendent: unde apud Auctores Chirurgicos seorsim semper solent tractari Vulnera Capitis, Thoracis, & Abdominis. Primo nunc agetur de vulneribus Capitis.



VULNERA CAPITIS.

§. 239. **V**ulnera Capitis laedunt vel sola externa communia; vel periosteum; vel cranium; vel duram Matrem; vel piam simul; vel Cerebri vasa, substantiam, corticem, medullam, ventriculos.

Distinguuntur vulnera capitis, quod vel laedant externa, inter quae & ipsum calvariae os numeratur; vel quod penetraverint ad contenta in calvariae cavo. Externa autem haec iterum bifariam solentur dividi: vel enim sunt communia externarum partium corporis tegumenta; vel sunt talia, quae soli capiti propria habentur. Integumenta communia sunt Epidermis, cutis, & panniculus adiposus: quae quidem ubique in toto corpore externo fere adiunt, tamen in plurimis locis diversam habent indolem. Longe enim alia Epidermis apparet in dorso pedis, quam in planta; multo crassior cutis plerumque in dorso, quam in abdomine; longe alia indoles panniculi adiposi in cervice, v. g., quam in aliis partibus corporis. Sic etiam in capite cutis satis crassa, loculis sebaceis copiosis satis magnis instructa; cellulosa tunica huic subiecta, satis tenuis, vix multum pinguis habet: unde diversitas communium integumentorum in capite patet. Praeter haec alia sunt capiti propria integumenta. Expansio enim tendinea, sive aponeurosis, totum caput sub membrana cellulosa regit, quae per collum pergens, ad humeros fere usque descendit: in parte superiori capitis omnium fortissima est haec Aponeurosis, duplici ad minimum strato fibrarum, se mutuo decussantium, constans; descendens postea sensim attenuatur, ubi collum ambit, & circa claviculas quasi evanescit (τ). Huic membranae supponitur Periosteum cranii, binis lamellis, arte sibi invicem unitis, constans: interior lamella, ossi applicata, a quibusdam Periosteum proprie vocabatur; exterior, in quibusdam locis, ut circa musculorum temporales, ab interiori secedens, a multis Pericranium dicitur. Sub hoc Periosteo cranium ipsum sequitur ex ossibus variis, miro artificio unitis, constans, binis tabulis ossis, intermediam diploen continentibus, compositum. Hujus ossis internae superficiei artissime accrescit membrana, dura mater dicta, quae & internum Periosteum cranii vocatur. Durae matri supponitur pia mater dicta, cui tamen adhuc tenerrima Arachnoidea incumbit. Per hanc piam matrem omnes arteriae, quae ad cerebrum tendunt, omnesque venae, quae inde redeunt, decurrunt, & in illa ordinantur. Piae matri immediate unitur cerebri ipsius substantia corticalis; unde medulla

medulla oritur: quae collecta fornicis instar cava relinquit, quae cerebri ventriculi dicuntur: in quibus plexus, Choroidei dicti, mira vasorum sanguineorum congerie constantes, locantur.

Ad omnes has partes vulnera, capiti inflicta, pertingere possunt; semper eo periculosiora, quo causa vulnerans profundius adacta plures partes ex modo enumeratis laeserit. Omnium ergo minime periculosa, caeteris paribus, erunt illa vulnera, quae sola integumenta communia laedunt; licet tamen, uti postea patebit, aliquando pessima mala etiam ab his laesio oriri possint.

In omni ergo vulnere capitis sollicite prima deligatione inquirendum, quo usque penetraverit instrumentum vulnerans, & quas partes laeserit, ut possint praelagiri mala, quae metuenda sunt, & idonea his praecavendis auxilia applicari. Quibus signis jam cognoscatur, sola externa communia laesa esse, docet sequens paragraphus.

§. 240. **S**ola externa laesa, scitur. 1. ex causa vulnerante, ejus figura laedente. 2. vi ejus parva. 3. loci vulnerati conditione, quoad figuram imprimis. 4. levitate symptomatum. 5. conspectu. 6. specillo.

1. Sic si cultro discissa fuerint integumenta, poterit satis magnum vulnus esse, nec tamen profunde penetrare: si vero punctum culter adactus fuerit, non poterit alicujus longitudinis vulnus esse, quin profunde penetraverit. Sic si acinace incurvo vulnus inflictum fuerit, non poterit illud in longitudinem aliquam excurrere, quin in medio satis profunde descendat; uti satis patet.

2. Satis evidens est, instrumentum vulnerans eo minus penetrare, quo minori vi adigitur. Hoc autem cognoscitur ex vulnerati ipsius, vel aliorum, qui adfuerunt, relatione.

3. Calvaria utrumque ad sphaeroideam figuram accedit: in illis ergo locis, ubi maxima convexitas habetur, non potest magnum vulnus esse, nisi satis profunde adactum fuerit instrumentum vulnerans; uti v. g. circa anteriorem, & maxime prominentem ossis frontis partem, & circa mediam partem utriusque ossis bregmatis; longe minus adhuc in illo loco, ubi os frontis circa tempora cum osse sphaenoidali concurrat; ibi enim emiens angularis superficies est. In aliis locis, ubi planam magis superficiem calvaria habet, poterit satis longum vulnus sine magna profunditate infligi.

4. Illae depravationes functionum, quae post vulnus inflictum sequuntur, vocantur vulneris symptomata: quo ergo haec plura fuerint, & quo graviora, eo major metus erit, plures partes, illasque magis necessarias ad sanitatis integritatem, laesas esse. Cum autem in capite haereat actionum animalium origo, & fons, imprimis inquitur, an in his aliquid mutatum fuerit post vulnus inflictum. Vertigo, tinnitus aurium, bilis vomitus, somnolentia, sensuum omnium, vel quorundam saltem, abolitio, vel de-

pravatio &c., mali hinc semper ominis. Si nullum horum apparuerit, vel tantum levissima fuerint, & statim evanida, magna spes est, causam vulnerantem non adeo profunde penetrasse. Sollicite monuerat Hippocrates, praeter illa, quae oculis subjiciuntur, etiam haec inquirenda esse. *Etenim magis, aut minus vulnerati haec sunt indicia: si aeger alto sopore detentus fuerit, aut tenebrae oculis offusae, aut si vertigo prebenderit, aut ipse conciderit* (a). Fatendum tamen est, aliquando gravissima etiam capitis vulnera, in cerebri substantiam ulque penetrantia, non statim stipata fuisse adeo malignis symptomatibus. In memorabili enim illo casu §. 187. memorato ulque ad septimum diem satis bene se habuit vulneratus, licet cuspis ferreus sagittae profunde in ipso cerebro haereret, post quartum mensem inde feliciter ductus; subsequente integra sanatione adeo periculosi vulneris. Unde & Hippocrates, & post illum peritissimi Medici longe majus suspicabantur malum, si gravia symptomata, non in initio, sed post aliquot dies ab inflicto vulnere apparerent. Sic monet Hippocrates: *optimum quidem esse, illum, qui vulnus in capite habet, non febricitare, neque sanguinem ipsi erupisse, neque inflammationem, neque simul ullum aliquem dolorem accessisse: si vero quid horum apparuerit, securissimum est, ut in principio fiat, & paucis temporis permanserit* &c. At incipere febrem in capitis vulnere quarta, aut septima die, aut undecima, valde lethale est [b]. Unde & Jacotius in eruditissimis Commentariis in Coacas Praenotiones pro generali axiomate posuit, quod illa, quae in vulneribus mox a principio apparent, minus terrendae debeant, quam quae perseverant, vel postea superveniunt; sive febres sint, sive alia symptomata. Et ideo suspendere judicium jubet, licet gravissima symptomata apparuerint in initio, donec constet, an illa perseverent, an non (c). Patet ergo, non posse absolutam Prognosin deduci ex symptomatum levitate, vel vehementia, sed simul & alia signa requiri. Tuto quidem moneri potest, pessima quaeque metuenda esse, si gravia symptomata statim adsint: non tamen penitus desperandum est, etiam in gravissimis malis; nec temere confidendum, licet in initio nihil fere mali appareat.

5. Capitis enim vulnera, si externa sola laesa fuerint, satis oculo patent: unde abasis in loco vulnerato capillis, & abluto sanguine tepido vino cum aequali copia aquae diluto, prima deligatione omni cura inquirendum est, quo usque vulnus penetraverit, & quas partes laeserit; ut, inde Prognosis, & indicatio curatoria tuto deduci possent. Inter illa autem signa, quae conspectui offeruntur, & quae docent, an os laesum fuerit, an vero tantum communia integumenta, recenset & Hippocrates (d), quod debeat animadverti, an capilli telo praecisi, & in vulnus impacti fuerint: hoc enim si appareat, tunc os noxam accepisse asserendum est. Dum enim instrumentum vulnerans, licet satis acutum fuerit, mollia tantum integumenta capitis penetrat, sequuntur capilli teli impressionem, nec discinduntur:

(a) Hippocrat. de capit. vuln. cap. 15. Charter. Tom. XII. pag. 121. [b] Hippoc. Prorrhiet. lib. II. cap. 15. Charter. Tom. VIII. pag. 218. 819. (c) Hippoc. Coaca praefagia cum interpretatione, & Commentariis Jacobi Hollerii, & Desiderii Jacotii &c. pag. 504. (d) De vuln. capit. cap. 12. Charter. Tom. XII. pag. 120.

tur: ubi vero ad durum os capilli in vulnus protrusi applicantur, non amplius cedere possunt, sed discinduntur.

6. Leniter diductis vulneris labiis immittitur specillum, ex mollissimo plumbo, vel argento purissimo, quod molle semper, & flexile est paratum, apice obtuso: suspensa manu leviter pertentando exploratur totus fundus vulneris. Si enim os alicubi nudatum fuerit, resonabit specillum; si nullibi aliquid scabri, vel asperi appareat, omnia mollia sentiantur, & nullus audiatur sonus, certi sumus, calvariam nec nudatam, nec laesam esse in vulneris loco.

§. 241. **H**AEC (240) licet levia videantur, saepe ex propinquitate muscutorum, tendinum, suturarum, periostei, cranii, nervorum, vasorum, cerebri, periculosa sunt; tum quoque a vi contractili partis laesae.

Licet jam omnibus rite exploratis constiterit, sola externa communia laesa esse, tamen non vilipendenda sunt haec capitis vulnera, cum innu-mera observata docuerint, levissima etiam in hac parte vulnera pessimos produxisse effectus: neque hoc tantum, quando interiora capitis a valido ictu v. g. laesa erant, licet in externis partibus nihil fere mali appareret; sed etiam in illis casibus, ubi nulla internarum capitis partium laesa fuit, & vulnus sola externa communia penetrasset. Haec autem mala sunt.

EX PROPINQUITATE MUSCULORUM, TENDINUM. Quanta saepe ex laesione tendinum, & muscutorum oriantur mala, dictum fuit §. 163; sed validissimi calvariae infiguntur muscoli, imprimis circa occiput, ubi splenii, cullulares &c. haerent. Sed magni temporales muscoli lata basi calvariae accrescunt. Involutum tendinum forte totam calvariam tegit, uti dictum §. 239. Si ergo vulnus has partes laeserit, quamvis os cranii minime denudetur, periosteo illaeso; saeva tamen possunt sequi symptomata: *Quibus tempora secantur* (dixit Hippocrates) (*) *convulsio in opposita sectioni parte contingit*; & in Epidemicis loco §. allegato, vulnus exiguum, nec alte penetrans, acuto jaculo circa cervicem inflictum, opisthotono correptum necavit sequenti die.

SUTURARUM. Per has efficitur, ut cranii ossa crescere, & extendi possint, manente eadem figurae capitis aequilibritate. In junioribus omnium manifestissimae apparent, aequae in externa convexa quam in interna concava ossium cranii parte: In aetate proVectis in interiori parte non amplius dentatae illae ossium unitorum prominentiae apparent, sed simplex linea, quae in summo senio obliteratur saepissime. Observatur in illis locis, ubi suturae sunt, duram matrem firmissime adhaerere, & vasis emissis uniri Pericranio, quod etiam in futuris fortissime adhaeret: unde patet, mala, quae circa futuras sunt in externis cranii partibus, posse communicari internis continuitate substantiae.

PERIO.

(*) Coac. Praenot. n. 468.

PERIOSTEI, CRANII. Quod vasa ad ossa cranii deferunt, & vicissim ex illis recipiunt, & per haec neciuntur ossibus: unde vitalis influxus, & effluxus humorum in ossa cranii, & imprimis in tabulam externam, ab integritate periostei pendet. Hoc periosteo ergo affecto, malum communicabitur ossibus cranii facillime, & durae matri, imprimis circa futuras, ubi emissis vasculis inter binas illas membranas manifesta communicatio obtinet; uti modo dictum est.

NERVORUM. Qui a quinto nervorum pari orti, & a pura portione paris septimi, numerosissimis, & satis insignibus ramis per externas capitatis partes distribuuntur. His ergo nervis punctis, vel pro parte discissis, omnia illa metuenda sunt, quae §. 163. memorantur. Imprimis si attendatur, satis tenos hic esse, dum per cranii integumenta decurrunt, nervos, & adeo vicinos suae origini.

VASORUM. Arteriae enim satis notabiles per externa haec integumenta decurrunt, quarum laesione insignis aliquando post haec vulnera Haemorrhagia sequitur.

CEREBRI. In quibusdam enim locis cranii os tam tenue est, ut in mundata calvaria pelluceat: hinc integumentis discissis semper metus est, ne cerebrum tam vicinum afficiatur. Hoc autem imprimis fiet, vel a nervis laesis vel ob continuitatem periostei externi, & durae matris; vel quocumque vitio post vulnus externarum partium nato, quod calvariam ipsam inficere, & deinde ad contentum cranio cerebrum pertingere potest.

A VI CONTRACTILI PARTIS LAESAE. Commune phaenomenon est in omni vulnere, uti dictum §. 158. n. 1., quod partes firmae, per vulnus divisa, sensum magis a se mutuo secedant: sed hoc semper fiet tanto magis, quanto validiori vi contractili partes gaudent. Cutis capitis densa, & fortis est, aequabiliter circumfensa cranio, & mobilis admodum, hinc facillime cedens; cui supponitur membrana cellulosa: ideo, divisa per vulnus cute cranii, brevi magnus hiatus vulneris nascitur, unde magnae cicatrices toties post vulnera fronti inflicta manent. Si jam nervi semidiscissi fuerint, & tanta vi secedant a se invicem vulneris labia; omnia symptomata, quae nervum sic laesum sequuntur, erunt longe violentiora. Accedit, quod quo plus hiant haec vulnera, eo major superficies suppositarum partium insolito acri frigori exponitur; unde plurima iterum mala sequi possunt.

§. 242. **M**Axime, si contusio simul adest.

Licet leve fuerit vulnus, si simul contusio adfuerit, multa mala metuenda sunt: ubi enim obtusum corpus, motum, vel appressum partibus corporis, vasa plurima minora destruxerit, contusio adeste dicitur, quam ergo semper equitantur vasorum laceratio, humorumque ex laceris valis effusio, eorundemque stagnatio, & corruptio. Cum autem externis integumentis capitis durum calvariae os supponatur, nisi instrumentum laedens acutum omnino fuerit, contusio semper aliqua aderit, & quidem magis in capite ob hanc causam, quam in aliis corporis partibus. Quia vero cutis capitis est densissima,

ma,

ma, panniculus autem adiposus succumbens tenerrimus, & facillime dilatabilis, inferius autem durum os resistit, effusi humores, mora corrupti, facile viam inveniunt per panniculum adiposum non resistentem, & descendunt gravitate sua; sicque poterunt ad posteriora capitis delapsi magnos illos occipitis ossi insertos musculos irritare, & pessima mala producere. Eodem modo & ad latera capitis ad temporales musculos, & in fronte ad oculos, & radicem nasi descendere, ibique eadem mala facere poterunt. Facillime autem per capitis membranam cellulosa delabi sic extravasata liquida certis observatis constat: Quoties enim non fuit visum, contusione in capitis vertice facta, sequenti die frontem, & palpebras ipsas tumere, & livescere, a sanguine extravasato huc declivi via delapso? Merito hinc damnavit Hippocrates vulnera capiti inflata obtusis telis: *carnem enim contundunt, maturant, & lacerant. Et sub huiusmodi telis vulnera ad latera, & in orbem aliquantulum cava, & purulenta magis redduntur, & humida, & longiori tempore repurgantur. Carnes enim contusas, & laceras necesse est in pus vastas tabescere (f)*. Alterum, quod inde metuitur malum, est, si periosteum, vel os ipsum contusum fuerit, vel a liquidis extravasatis male affectum; unde ossis corruptio, & reliqua, quae inde sequuntur mala, expectanda sunt. Contusum enim os cranii esse potest, licet naturaliter se videatur habere, & laesio per contusionem facta potuit plus minulve ossis substantiam penetrasse, licet varia magnitudo mali oculis dijudicari non possit, uti prudenter monuit Hippocrates (g). Unde patet, quam suspecta merito prudentibus Chirurgis habeantur capitis vulnera, si contusio simul adfuerit, cum saepe longo temporis intervallo postea pessima sequantur mala, dum omnia salva esse credebantur. Inter plurima observata Medica, quae hoc docent, adfert ex *Pavio* tale exemplum *Bobnius* (h). Quidam a compositore in bregmatis os dextrum poculo stanneo percussus fuit, nec aliquid fissi in osse fuit deprehensum: pancreatice valuit, & obambulavit, donec post decimum mensem inter ambulandum vertigine correptus conciderit, & brevi post obierit. Aperto cranio in ictus loco, os plane putridum foetidumque cum meninge apparuit.

§. 243. **A**ut, si sub parva apertura lata laesio sordes colligit.

Accidit saepissime post lapsum ex altiori loco, vel aliam quamcumque laesionem obtuso instrumento factam, leve vulnusculum cuti capitis infligi, licet locus satis magnus contusione laesus fuerit. Vilipendunt plerumque hoc tanquam leve malum, & vulnerati, & saepe etiam minus periti Chirurghi; postea tamen pessima mala a tam levi vulnusculo oriri mirantur. Nec mirum, cum collecta materies angusto nimis vulnusculo exire non potens,augeatur, & novas sibi vias per membranam cellulosa quaerat; vel & mora

cor.

(f) Hippoc. de cap. vulner. cap. 4. Charter. Tom. XII. pag. 131. (g) ibid. cap. 7. pag. 118. (h) De Reputat. vulner. Sect. II. cap. 1. pag. 136.

corrupti humores subjectum pericranium, vicinos musculos &c. pessime afficiant.

Vocabar aliquot jam elapsis annis ad fabrum lignarium febre decumbentem; & quia nihil commune habebat morbus cum Epidemico tunc grassante, nec sollicito examine ullam causam invenirem, symptomata tamen adessent plurima, quae aliquid mali latere persuaderent, haerebam omnino. Dolor capitis aderat satis intensus, frons, palpebrae utriusque oculi tumebant, & rubebant, tensionem in nucha se lentire conquerebatur aeger, fomnos admodum turbatos &c. Rogavi, an externa quadam causa caput laesum fuerat: negavit aeger, licet iterato monerem, me simile quid suspicari. Famulus praefens bona fortuna reminiscitur, ante octiduum tegulam, sed ex parva altitudine, in caput decumbentis delapsam fuisse: rem sic se habere annuit aeger, sed vix ullum dolorem se inde sensisse, nec aliquid mali postea percepisse affirmabat: unde aegre permittebat, ut locum illum capitis examinarem. Inveni vulnusculem, quod vix majoris aciculae caput superabat, sed contusionem tam latam ut ejus diameter pollicem aequaret. Jussi, ut illico discinderentur integumenta loci affecti; & sequenti die febris jam remissior, & omnia symptomata longe leviora erant: benigna supuratione depurabatur locus, & feliciter sine ullo graviore malo evasit.

§. 244. **C**ollecta enim materies (242. 243.) miros tumores, erysipelas, oedema, dolores, convulsiones, ossis, & periostei putredines, febres, mortem creat. Aer cava alluens, incaute appositu emplastrorum ibi coercitus, impressus, mira emphysemata facit.

MIROS TUMORES. Dum valida contusione, imprimis cute integra, vel parvo tantum in loco aperta, plurima vasa franguntur, effusi humores collecti, cute integra coerciti, illam in immanem tumorem extendunt; & satis subito quidem: cranium enim subjectum cedere nequit, hinc omnis liquidi effusi moles cutim extrorsum distendit, & elevat: & haec est ratio, quare in aliis corporis partibus a contusionibus raro tam magni tumores, nec adeo subito oriantur. Memini, quod in domo, quam habitabam, ancilla de scalis delapsa fronte pavimento lapideo summæ vi inpergerat; dum ipso momento accurro, ut succurrerem miseræ, jam tumor ovum gallinae æquans frontem occupabat. Notum est, luscitantes pueros toties capite in dura obstacula impingentes, illico habere tales tumores in capite. De mira illa intumescencia, ab elastico aere in membranam cellulosam penetrante, & ibi stento statim dicitur.

ERYSIPELAS. De Erysipelate, ejusque differentia a phlegmone, postea dicitur in historia inflammationis §. 380. Sufficit hic notare, quod hoc nomine intelligatur inflammatio superficialis, & in ipsa tantum cute fere haerens (*si exquisitum fuerit Erysipelas, solius cutis est affectus* (i)) rubro flave-

(i) Galen. Method. Med. ad Glaucan. Lib. II. cap. 7. Charter. Tom. X. pag. 308. 309.

flavescentis coloris; in vasis minoribus, quam sunt vasa sanguinem rubrum vehentia, pro maxima parte locum habens: Nullibi frequentius occurrens, quam in capite, & facie, & fere semper in capitis laesionibus aliquid maligni latere demonstrat. Unde ab *effis denudatione Erysipelas*, dicit Hippocrates (^k); & Galenus in commentariis suis in hunc locum, monet in fine hujus Aphorismi subintelligi debere *malum*: quia non semper ossibus denudatis Erysipelas supervenit, sed ubi his malis accedit Erysipelas, pravam semper symptoma est. Praeterea constat plurimis locis Hippocratis, ossis (^{per os}) vocabulo frequentissime intelligi calvariam, uti inter alia loca plurima etiam demonstrat Aphorismus 24. Sectionis septimae. facile jam intelligitur, compressis cutis vasis ab effusis humoribus distendentibus, vel & irritatione ab acri degeneratione eorundem, posse nasci hic tale malum.

OEDEMA. Generali significatione quemcumque tumorem designat; & imprimis tumores molles, & frigidos, uti dictum fuit in Commentariis ad §. 122. Hic autem non intelligitur talis tumor frigidus, & lentus, sed longe diversum mali genus. Frigidum enim talem tumorem distinctionis causa optime nunc vocant oedema oedematodes. Ubi vero talis tumor, pellucens quidem, & albus, cum magno calore simul comitante, adest, tunc vocaverunt oedema Erysipelatodes. Illud malum adesse dicitur, quando vasa tam parva, ut nec flavos, nec rubros humores admittant, sed pellucidos tantum, inflammantur: de quo postea §. 380. dicitur. Solent & vocare Erysipelas bullatum, quia partes, quas occupat, valido tumore distendit, & imprimis palpebras, & totam faciem, si circa caput haereat. Ab iisdem causis oritur in capitis vulneribus ac Erysipelas, & plerumque pro pejori symptomate habetur.

DOLORES. Quia materies collecta cutim distendens nervos distrahit, vel stagnando acrior facta pericranium, adeo sensile, vel & tendines, & musculos vicinos male afficit.

CONVULSIONES. Ab iisdem causis hic fieri possunt; & praeterea si ad interiora calvariae malum hoc tandem penetraverit.

OSSIS, ET PERIOSTEI PUTREDINES &c. Sub membrana cellulosa haeret expansio illa tendinea, de qua dictum §. 239., sub hac pericranium, quod immediate calvariae incumbit, illique vasis emissis, & receptis communicat. Dum ergo extravasati humores sub cute tenaci capitis coerciti haerent; vitium hic natum facillime communicatur pericranio: sed illud ubi laesum fuerit, vitalis humorum influxus in os tollitur, unde illa pars cranii, quae affecto pericranio supponitur, moritur, & postea separari debet, si sanabitur malum; vel putrefacta corrumpet subjectas meninges, & ipsum cerebrum: unde pessima mala, febres, imo mors ipsa saepe nec opinantes opprimat: quale exemplum memoratum fuit §. 242.

AER CAVA ALLUENS &c. Aer omnia undique alluit: ubi ergo vulnus capiti inflictum est, cutim penetrans ad membranam cellulosam usque; & imprimis si specillo sub labiis vulneris immisso multum scrutatus fuerit

Chia

Chirurgus, an periosteum, vel & ipsum cranium laesum fuerit; aer ingreditur membranam cellulosam: si tunc tenaci emplastro vulvus reclusus fuerit perfectissime, aeris recepti egressus impeditur, qui tunc calore corporis rarefactus vias sibi facit per membranam cellulosam, & vicina loca tumere facit. Hoc visio plerumque adhuc curiosius scrutantur Chirurgi specillis, ut inquirant latens malum, aeremque iterum admittunt per dilatatam membranam: & emplastro iterum applicato augetur tumor, ulterius se dispergens, imprimis per frontem, palpebras, & faciem; unde sequenti die aliquando miro spectaculo tota facies tumore pellucido elastico sic turget, ut oculi sepulti quasi, & eminens nasus dispareant. Observatur enim, membranam cellulosam eo facilius distendi, quo tenerior est, & minus pinguedinis in se habet. Unde illa sub palpebris loca tam facile tument, & seroti, & penis membrana cellulosa in hydrope Anasarca in tam enormem molem distenduntur; quia in his locis membrana cellulosa nihil craffae pinguedinis, sed potius mucilaginosi quid in se continet, nisi in castratis animalibus, in quibus ingens copia pinguedinis hic colligitur. Tumores sic natos apto latius vocabulo Emphysemata vocant, sive inflationes, quas *Gurriens* (1) definivit spiritus flatuosi collectiones in inanibus corporis locis. Similem hujus vocabuli significationem etiam *Galenus* (m) habet, dicens. *Inflationes (ὑποεμφύματα) ex flatuoso spiritu collecto nascuntur, alias sub cute, alias sub membranis ossa tegentibus, aut musculos viscerumve aliquod investientibus. Porro colliguntur aliquando non parum etiam in ventriculo, & intestinis, utemque in medio spatio horum, & peritonaei.* Postea, ut distinguat ab oedemate hos tumores, dicit, quod digitis pressi non retineant vestigium, sed tonitum, veluti tympanum reddant: sed hoc tantum verum est, quando in majoris corporis cavo collectum haeret illud flatuosum, v. g. in abdomine; tunc enim illud percussum resonat instar tympani, unde & ille affectus tympanides Medicis dicitur. Ubi vero in membrana cellulosa haeret hoc malum, pressum digitis cedere potest, quia in vicinas hujus membranae cellulas tunc protruditur illud elasticum flatulentum; in pristinum locum rediens, ubi pressio cessat. Quia autem palpebrae adeo facile tument ob laxissimam hinc, & facillime dilatabilem cellulosam membranam, ideo apud Aeginctam (n) definitur Emphysema, quod sit oedematodes palpebrae tumor. Tamen alibi eadem de Emphysemate ex *Galeno* dixit, quae modo citata fuerunt (o).

Quam facile autem aer semel admissus in membranam cellulosam per omnia penetret, docent laniones; qui, parvo vulnuscule cuti mactati animalis inflicto, aerem inflant, ut facilius cutim sine laceratione subjectae carnis auferant. Constat etiam Medicis observationibus, aerem in panniculum adiposum ingressum posse omnia fere corporis loca pervadere, & tumores mirabiles in variis partibus, & aliquando in omni fere externa corporis superficie producere. Puellae quinque annorum circiter, lento morbo lentum tabefactae, triduo ante mortem nascebatur in gena dextra tumor, qui

(1) Defin. Medic. pag. 197. (m) Method. Medend. Lib. XVI. cap. 7.

(n) Lib. III. cap. 22. pag. 33. versu. (o) Lib. IV. cap. 28. pag. 66. versu.

qui sensim totum truncum corporis occupavit. Dum digitis premebatur tumor, subducebat se cum crepitu quodam contentus aer. Post mortem, pertusa scalpello abdominis cute, statim omnis sudor subsedit, cum foetore intolerabili exhalante (p). Robasto juveni duo vulnera infliguntur, unum prope claviculam dextram, alterum posterius infictum prope scapulam sinistram: tumor invasit non solam tantum faciem, sed & univerium reliquum corpus, velut spongia vento plena, quocumque tangebatur, palpitantibus occurrebat (q). Simile exemplum apud eundem Auctorem alibi habetur (r). Similes tumores videntur & posse nasci, dum humores extravasati putrescunt: tunc enim constat experimentis, per putredinem produci, vel extricari forte latentem in corporibus materiam elasticam, quae, si non sit aer, saltem similem vim habet, qua per calorem immanner expandi possit. Sic cadavera submerforum, dum incipiunt putrescere, distento toto corpore externo, & imprimis abdomine, emergunt, aucto nempe volumine aqua jam specificè leviora facta. Cum autem collecta materies extravasata, sub cute tenaci haerens, sic degenerare possit; patet & hanc aliquando causam obtinere posse mirabilis hujus mali. Forte illud fuit factum in exemplo modo recensito puellae illius, quae lento morbo extincta paucis ante mortem diebus totum corporis truncum adeo tumidum habuit.

Et apud Hildanum (s) tale habetur exemplum, ubi post gravissimam capitis vulnera defuncti cadaver biduo post vulnera inflata terum adeo spirabat odorem, ut nullus accedere fere auderet; & sequenti mane caput, facies, brachia, abdomen horrendum in modum intumuerant, & scrotum pariter inflatum infantis caput magnitudine aequabat.

Ubi autem tale Emphysema adest, indicatio curatoria jubet, ut illud distendens Elasticum iterum expellatur ex tunica cellulosa, quam distendit. Hoc autem fieri poterit moderata pressione, vel frictionibus, derivando inclusum aerem versus vulneris aperturam, etiam dilatatam, si opus est; vel scarificationibus, usque in membranam cellulosam penetrantibus, concilietur liber exitus. Pulchrum scarificationum successum in tali casu habet Paræus (t). Homini ense vulnus jugulo infligebatur, discindens asperam arteriam pro parte, & unam ex venis jugularibus, unde ingens Haemorrhagia, & sibilus ob aerem per vulnus asperae arteriae elabentem: futurae uniuntur vulneris labia, & remedia adstringentia applicata fuerunt. Paulo post aer se insinuans in tunicam cellulosam non tantum vicina vulneri loca, sed totum corpus miro tumore distendit. Facies sic inflata erat, ut nec oculorum, nec nasi vestigium appareret. Dum miserrimo hoc statu ab omnibus pro derelicto haberetur, peritissimus Chirurgus audacter pluribus, & quidem satis profundis scarificationibus cutim pertudit, ut via fieret aeri includo; & adeo felix fuit successus, ut integram sanitatem recuperaverit ex ipsis orci faucibus ereptus vulneratus.

Longe tamen saepius haec Emphysemata pectoris vulnera comitantur, si in

(p) Acad. des Sciences l'an 1704. Mem. pag. 9. (q) Tom. Barthol. Hist. Anatom. rarior. Centur. V. Hist. 12. (r) Centur. VI. Hist. 89. (s) Observ. Chirurg. Centur. II. Observ. 25. (t) Lib. X. chap. 30. pag. 249.

in cavum thoracis penetraverint, quia aer per vulnus in pectoris cavum ingressus saepe non potest facile exire per vulnus, vel nimis angustum, vel oclusum quacumque de causa, unde rarefactus calore vitalium viscerum viam quaerit in membrana cellulosa. Si autem pulmo laesus aerem inspiratum dimiserit in pectoris cavum, facile patet; horrenda posse fieri Emphysemata, novo aere singulis inspirationibus accedente.

§. 245. **S**I sola ergo integumenta laesa sine dictis (241. 242. 243. 244.), facilis sanatio per ligaturam idoneam, & curationem descriptam ab (185. ad 239.), licet saepe appareant maxima: inprimis vero juvat recens esse, dum incipit curari, rite uniri, raro deligari, & citissime, atque descendi cum cura a nimium humidis, aut laxantibus, & oleosis, ipsoque aere.

Ubi ergo constitit, sola integumenta communia laesa esse, nec ulla maligna symptomata adsunt, quae metum faciant, ne in interioribus aliquid mali lateat, nihilque deprehendatur ex illis malis, quae paragraphis hic citatis enumerata fuerunt, felix sanatio merito expectari poterit; ex hactenus dictis satis quidem constitit, nunquam capitis vulnera vilipendenda esse, cum etiam talia, quae levissima apparebant, pessimum aliquando habuerint eventum; tamen solis integumentis communibus laesis, maxima quamvis vulnera capitis fuerint, felicissime solent, & satis cito sanari: vulneris enim magnitudo hic rarissime, vel nunquam nocet; cum e contra minima vulnera, ob rationes §. 243. dictas, ingens saepe periculum adferant, quod evitatur imprimis vulnus nimis angustum dilatando.

Quod in omnibus vulneribus obtinet, hoc praecipue in capitis vulneribus, quae sola integumenta laedunt, locum habet; nempe eo felicius curari, quo recentiora fuerint, & adhuc sanguinolenta: omnium enim optima dispositio est tunc in partibus divisis, ut ad se mutuo adductae iterum concrecant; uti in Cura generali vulnerum dictum fuit. Omnia ergo illa, quae ibi monita fuerunt, hic etiam convenient. Quaedam tamen singularia in capitis vulneribus, licet sola externa laesa sint, observanda sunt.

Ligaturae, quae apparatus retinendo, vel partibus separatis ad se mutuo adducendis inserviunt, debent esse tam moderatae, ut leviter tantum firmant partes: si enim validius adstrictae fuerint, integumenta externa premuntur ad duram Calvariam undique hic suppositam, unde compressio vasorum, inflammatio, & reliqua inde sequentia mala oriuntur. Solent semper molli tantum ligatura uti Chirurghi periti in his casibus. Unio autem labiorum dehiscens non adeo fit ob eandem rationem per splenia, & fascias, sed facillime obtinetur per Emplastra tepica, sive suturam dictam siccam; quia haec vulnera solum fere tantum cutim dividunt, & subiecta membrana cellulosa tenuis cuti adhaerens facile sequitur.

RARO DELIGARI, & CITISSIME. Peritissimi Chirurghi in similibus casibus vix aliquid agere videntur, dum summa prudentia evitant plurima symptomata, quae minus peritorum incuria orta, postea saepe magno artis molimine tolli debent.

debent. Totum enim, quod hic requiritur, est, ut recrescant, & uniantur separata capitis integumenta. Sed hoc totum, uti jam saepius in generali vulnerum cura dictum fuit, natura sibi soli sufficiens perficit; ars tantum impedimenta tollit, & addit adminicula. Ubi ergo omnia phaenomena docent, recte procedere curam, quid juvabit saepius detegere vulnus, & aeris insolito attractui exponere renascentia pulposa vascula? & vana illa depuratio vulnerum, quae detergendo plumaceolis fit, destruet illud, quod renasci incipit. Sufficit ergo rarior denudatio vulnerum. Si enim aliquid mali lateat, vel puris major copia prudentem abstersionem requirat, calor & levis pruritus circa vulnus monebunt: olfactu detegi poterit facile, si aliquid putridi adsit; symptomatum autem malignitas aucta indicabit statim, si quid magis sinistra metuendum sit. *Caesar Magatus*, qui raram deligationem vulnerum solidissimis argumentis, & pulchro effectu utilissimam esse adeo evidenter demonstravit, dum de capitis vulneribus simplicibus sine offis denudatione agit, unitis vulneris labiis, & abietina lacryma cum mastiche, & sarcocolla applicatis, noluit intra quatrimum solvendum esse apparatus (illo enim tempore jam agglutinatio facta erit); ubi vero ablata substantia, vel hiatus labiorum vulneris requirebat perditam regenerationem, usque ad septimam diem solutionem vulneris differri voluit (*). Quotidie quidem, imo & saepius de die, poterit accedere Chirurgus, ut inquirat, an aliquis dolor, pruritus, major calor &c. percipiantur; poterit subolfacere, an aliquid putridi adsit; sed si nihil tale inveniat, praestat relinquere apparatus. Si vero novus apparatus apponi debeat, fiat hoc citissime, & omnia applicanda jam praesto sint, antequam detegatur vulnus. In reliquis corporis partibus vulnera, quae sola integumenta dividunt, saepius nudata & deterfa, praeter retardatae curae taedia, plerumque non adeo multum mali faciunt: sed in capite, ubi vitia integumentorum tam facile subiecto pericranio & ipsi calvariae communicantur, majus inde periculum nascitur: unde rara horum vulnerum deligatio non satis inculcari posse videtur. Ubi fractis ossibus una vulnus mollium partium incumbendum adest, restituto osse apparatus saepe per septimanas relinquatur; felicissima tamen cura vulneris, fracturam comitantis, sequitur, licet nulla depuratio facta fuerit per artem.

DEFENDI CUM CURA A NIMIUM HUMIDIS &c. Tenerrima hic subjacet, & facillime dilatabilis, membrana cellulosa, naturaliter inter densam capitis cutim, & calvariam suppositam coercita: ubi ergo vulnere divisis integumentis humida & laxantia applicantur, membrana cellulosa his emollita luxuriabit, alienis liquidis implebitur, & degenerabit in fungosam molem, postea suppuratione iterum separandam, quae, ubi valida & diuturna hic adest, fere semper subiectum Pericranium male afficit. Hinc communi consensu omnes periti Chirurgi horum usum in capitis vulneribus damnant, Hippocratem secuti, qui dixit: *Capitis vulnus nulla re madefaciendum, ne ne vino quidem, aut quam minimum: neque Cataplasmata &c. postulas* [vv]. Et eodem

C c

dem

(*) *Caesar Magati de rara medicat. vulner. lib. II. cap. 26. pag. 219. &c. (vv)*
Hippoc. de Capit. vulner. cap. XVII. Charier. Tom. XII. pag. 222.

dem in libro postea addit (x): *malum est, humidam in vulnere (capitis) carnem esse, & nimia uligine diffuentem* [xai μωδύσαν] *idque longo tempore repurgari.* Et postquam monuit, a telo concilas, & contusas carnes in pus veras tabescere debere, dicit, quam celerrime vulnus ad suppurationem deducendum esse: ubi vero depuratum fuit, siccius debet evadere, sic enim citissime sanescet, & caro sicca, & minime humida excreset &c. Ubi ergo contusio vulnus comitans fomenta requirit, vinum adhibent semper Chirurghi hodie, ne a folis aquosis nimia laxitas oriatur. Ob eandem causam omnia pingua in vulneribus capitis curandis vitantur, quae praeter nimiam laxitatem, quam inducunt, etiam oleosa tenacitate minima vascula obstruunt, & faciunt imperperabilia. Observaverant in Italia (y), & imprimis apud Florentinos capitis vulnera difficillime sanari, illudque latenti aeris qualitati adscribatur: sed Autores plures animadverterunt, quod oleum rosaceum omphacinum, vulnere applicant, & vicina loca etiam hoc oleo inungant [z]. Atque inde monuerunt vel nullos omnino, vel paucissimos tantum evadere, licet leviter tantum vulnerati fuissent. Unde & Severinus (a) olei funestum usum deplorat, qui Neapoli communis erat in capitis vulneribus; & dicit, quod levissimae etiam plagae male cederent praeter opinionem, & ex centenis vix unus evaderet; cum Melitaei Medici tam felici successu Oenclaeo uterentur, ut ex centenis vulneratis vix periret unus: fracta nempe admisso vino oleosa tenacitate.

IPSQUE AERE. Non quod maligna quadam indole noceat Temper, licet possit aer in nosocomiis, ubi plurimi in eodem loco decumbunt, putridis exhalationibus inquinatus, cuicumque etiam vulnere obesse; sed quia insolito frigore tenerrima vascula emori facit; vel & aliquando nimis humidus simul laxando, & emolliendo nocere poterit. Unde rara vulneris detectio etiam ob hanc causam laudatur; & ubi vulnera capitis deligantur, aeris temperies sicca, & calida imprimis commendatur, quod igne & aromatibus accensis, ut succino, mastiche, olibano &c. obtineri poterit. Videantur & de his illa, quae dicta sunt in commentariis ad §. 200.

§. 246. **S**I adsint vero descripta [241.], utendum remediis variis (185. ad 239.), pro varietate partis affectae (241.), & mali.

Paragrapho 241. recensentur illae partes, quarum vicinia periculum addebat levibus caeteroquin apparentibus capitis vulneribus. Facile jam patet, circa curam malorum, quae ex hac causa oriuntur, nihil universaliter posse determinari, sed prius debere cognosci partem vulnere vicinam; & deinde, quanam laesio huic parti per vulnus facta fuerit, vel futura metuat, antequam aliquid certi statui possit in curandis vel praecavendis illis malis. Aliud enim requiritur auxilium, ubi vasa sanguinea arteriosa, satis insignia saepe, una cum integumentis capitis communibus discissa sunt, quam si ten-

dinis

(x) Capit. XXVI. Ibid. pag. 125. 126. (y) Lud. Duretii comment. in Coac. Hippoc. pag. 429. (z) Benet. Anatom. practica, Tom. III. pag. 341. (a) M. Aurelii Severini tractat. Chirurg. pag. 210.

dinis laesio funesta symptomata fecerit: sed de illis, quae observari debent in vulnere pro laesuram partium diversitate, dictum fuit in generali cura vulnorum a §. 185. ad 239. usque.

§. 247. **C**ontusa hic [242.] rite digerenda his, quae dissipare possint, vel suppurare, modo eligantur semper ea, quae bona nervis membranisque [204. 207. 245.], aut excindenda sunt.

Contusio supponit multa vasa fracta esse, & humores effusos, qui tunc in membrana cellulosa collecti viros saepe tumores faciunt: & nisi instrumentum vulnens valde acutum fuerit, fere semper aliqua contusio vulnura capitis comitatur. Requiritur jam, ut humores effusi educantur, vel dissipantur sic, ut resorberi iterum possint; & vasis fractis reddatur pristina integritas. Si autem contusio levis fuerit, & liquida effusa adhuc meabilia sint, tunc tutissimum est, ut dissipentur; quod pulcherrime fiet, si foveatur locus talibus remediis, quae concreta liquida diluere, & resolvere possunt, & simul omni putredini resistent, nec interim nimis emolliunt. Urina hominis sani, addito pauculo sale marino, vel ammoniaco, & vino, pulcherrimum hic remedium exhibet, quo toties felicissime dissipantur tumores a capitis contusionibus in pueris orti. Talia etiam ex ruta, scordio, & similibus parantur somenta, quae vi antiseptica singulari omnem putredinem arcant, & simul potentissime resolvunt concreta. Neque tantum leviores contusiones haec sanare possunt, sed etiam fatis magni tumores sic feliciter dissipantur, quibus incisio sola opem ferre posse crederetur. Mulier a curru decedens frontem humo gelu induratae sic impegerat, ut ingens statim ibidem elevaretur tumor. Chirurgus, mulierem aliquoties vomuisse, intelligens, cranium impressum esse credidit, jamque cruciali incisione locum aperire volebat. Celeberrimus Ruychius in consilium vocatus noluit incisionem fieri, sed fomentum ex optimis Cephalicis distis herbis, vino incoctis, pannis laneis exceptum, calide applicuit, felici adeo successu, ut intra triduum tumor jam evanescere inceperit, & brevi sine ullo malo symptomate dissipatus fuerit. Additque, se saepissime profuisse illis, quorum caputibus jam scalpellum incisorium imminabat (§).

Ubi vero frustra per somenta talia dissipatio contusorum tentata fuit, vel magnitudo mali nullam benignae talis resolutionis spem relinquit, tunc suppuratione blanda facta separatio illius, quod corruptum erat, sola superest. Hoc autem vocant digerere Chirurghi, quando irrefolubilem materiam in bonum pus convertunt; & digerentia remedia dixerunt illa, quae humores effusos, vel immeabiles, ad conditionem boni puris deducunt; de quibus dictum fuit in commentario ad §. 207. Sed in capitis vulneribus semper simul attenditur, ne adhibeantur talia, quae nimia emolliitione nocere possent; hinc a cataplasmatibus abstinendum, quia nimis humectant: sed sumitur te-
rebinthina purissima, vel aliud simile nativum Ballamum, vitello ovi addito

C c 2

fran-

(§) Fred. Ruych. observat. Anatom. Chir. Centur. obs. 60.

frangitur nocitura hic oleosa tenacitas; additur deinde aliquid unguenti basilici, aurei, vel similis; inspergitur deinde aloes, myrrhae, olivani &c. tenuissimus pulvis: sic habetur digestivum remedium, in quo simul illa sunt, quae omni putredini efficacissime resistunt; & nervis & membranis nervosis tendinosive amica semper observantur: hoc plumaceolo exceptum loco affecto applicatur; deinde imponitur Emplastrum aromaticum, quod partes sovet, & levi stimulo majorem parum motum excitat, suppurationi promovendae semper utilem. Omnibus dein his circumponuntur lanei panni, fomento penetrabili dissolvente, & simul omni putredini resistente, madi di, curando, ut quam calidissime ferri possit applicetur, neque subito refrigerat. Horum omnium formulae in materia Medica habentur, quae pro varia vulnerati temperie, & diversa anni tempestate iterum mutari possent.

Ubi autem effusus humoribus infarsa membrana cellulosa in magnum tumorem distenditur, saepe suffocatio hic nascitur, & fere gangraenosa facta haec membrana una cum infarsis humoribus separatur: haec tunc tuto excindi potest. Videmus enim etiam in aliis corporis locis miro modo tumere posse membranam cellulosa: v. g. in dorso manus vix ulla adest pinguedo, sed tendines musculorum in tenui membrana cellulosa haerent: tamen orta hic inflammatione saepe tumor, binos pollices crassitudine aequans, hic observatur, & totum hoc in membrana illa tenui cellulosa haeret: fit tunc suffocatio, & aperto loco magnae portiones gangraenosae illius membranae exeunt, quae tuto excinduntur. Idem etiam in capitis laesionibus potest contingere, & similiter membrana haec una cum extravasatis humoribus corrupta secedit. Non autem hic intelligitur, quod contusa, quae resolvi non possent, crudeli cura excindenda forent una cum cute tegente; noceret enim summo opere tam latam plagam pericranii integumentis suis nudare, quae non facile recreverent, sed semper debilior, & externis injuriis facilis afficiendus locus relinqueretur, non sine magno incommodo. Unde sedulo monuit Galenus (c), cutim in omni ulcere, & vulnere semper conservandam esse, quantum fieri potest: *Nuda enim caro, si sine cute relinquatur, aegre ad cicatricem perducitur.* Hujus rei triste exemplum vidi. Homini sano mediae aetatis lata verruca circa frontis lateralem inferiorem partem prope tempora haerebat; cum frustra tentata fuisset variis remediis, periclitissimus caeteroquin Chirurgus una cum cute totam verrucam excidit, nec potuit unquam ullis remediis ad cicatricem deduci locus ille cute orbatus; sed sensim undique retracta plus cute nudabantur supposita, malignum & depascens vicina nascebatur ulcus; unde misere perit. Nec mirum, cum solum pericranium nudo ossi incumbens non videatur sufficere, ut tantum perditae substantiae regeneret. Unde tantum hic agitur de membrana cellulosa infarsa & corrupta, quae tuto tunc abicindi potest.

§. 248. **S**i adsit malum [241.], dilatare cultro, & depurare opus [238. 207. 208.]

Tota

(c) Comment. 3. in Hippocr. de fracturis Charter. Tom. XII. pag. 358.

Tota enim malignitas talis vulneris in eo consistit, quod effusi humores, densa capitis cute coerciti, nec potentes exire per angustum nimis vulneris orificium, viam sibi quaerant per tunicam cellulosam; vel mora corrupti pericranium, & ipsum cranii os male afficiant. Dilatato ergo vulnere exitus patebit extravalatis humoribus, & idoneis remediis poterit depurari locus. Cognoscitur tale malum adesse, si angusta vulneris sit apertura, & integumenta vicina vacillent, si digito tangantur, & tumeant, & si febris prehendit vulneratum, cujus nulla alia causa invenitur.

Nec ullum periculum hic est, ne laedantur tendinosae expansiones, nam omnis ille tumor in tunica cellulosa haeret, quae tuto una cum cute discinditur: & innumera observata docuerunt, tuto non solam cutim, sed & omnia integumenta ad os ulque discindi posse, ubi hoc requiritur.

Hippocrates, dum recenset capitis vulnera, quae sectionem postulant, enumerat & illa, quae non satis idoneam habent longitudinem & latitudinem, quae perfici possit, numquid os a telo male affectum fuerit &c. & ubi vulnera obliqua quandam curvaturam habent, cavum illud late incidere oportet &c. & ubi vulnera orbiculata & admodum cava fuerint, ejusmodi quoque incidere oportet, ut circulari plaga in longum bisariam divisa vulnus longum efficiatur [d].

Quantum autem levamen symptomatum fiat, dum in tali casu sectio in tempore instituitur, consiliis Exemplo §. 243. memorato. Postquam autem dilatatum vulnus est, tunc illa digerentia, quae paragrapho praecedenti laudata fuerunt, applicari poterunt, & de vulnere depuratione §. 207. dictum fuit. Sola autem dilatatio vulneris, quae cultro fit, hic bona est: illa enim quae spongiis, vel similibus siccis corporibus, absorptu humorum tumentibus, perficitur [vide §. 238.], noceret plerumque, quia per aliquot horas obturatur his sic vulneris orificium, ut nihil exire possit: unde saepe emphysema, & alii tumores nascereantur. Praeterea confusio, & inflammatio major in vulneris labiis sunt: quae postea diutius protraham, suppurationem requirent, antequam consolidari iterum poterunt.

§. 249. **P**ericranio laeso, ut nudet diu os, vel ut putrescat, os privatur valis periostei, adeoque & suis, stagnat in his liquor, putrefactus squamam separat, unde os flavum, fuscum, nigrum, tandem foliolum deponit.

Postquam actum fuit de vulneribus capitis, quae sola integumenta communia laedunt, sequitur, ut examinentur illa mala, quae sicut ideo, quia Pericranium laesum est. Uti ossa reliqua in toto corpore peculiari membrana teguntur, quae satis recte adhaeret; sic & cranii os tale involucrem habet, quod Pericranium vocatur. Demonstravit injectionibus Anatomicis Ruyschius [e], innumera vasa per hanc membranam dispergi, quae ramis emissis subiecto ossi inferuntur, illique ad vitam & nutrimentum necessarios

C c 3

hu-

(d) Hippocrat. de vulner. capit. cap. 18. Charter. Tom. XII. pag. 123. (e) Thes. Anat. I. N. 3.

humores praebent. Per haec vasa emissâ arcta fit cohaesio Pericranii cum cranio: unde & hac membrana avulsa ab osse subiecto, in vivo animali, puncta plurima rubra in osse apparent. Non poterit ergo Pericranium laedi, quin destruat magnus horum vasorum, ad os tendentium, numerus. Sed extrema abrupta vasorum, in ossis detecti superficie externa, poterunt retexere iterum similem membranam in illo loco, ubi os Pericranio suo nudatum fuit; communi lege, qua omnia deperdita, vel separata in vulneribus recrescunt, ut ante dictum fuit §. 158. N. 10. & §. 190. & 191. Ubi vero diu nudatum fuerit os, & imprimis si aer libere accesserit, tenerrima illa vasorum extrema destruuntur, & fiunt penitus inepta, ut retexant similem perditae membranae fabricam. Extrema ergo illa ossis superficies, vitali influxu liquidorum orbata, moritur, nec unquam poterit recrescere cum partibus vivis: unde natura tunc molitur per vasa viva supposita mortui, & corrupti separationem a supposita parte vitali & sana, & squamulam illam mortuam protrudit; qua separata, recrescit ex osse ipso, & vicina membrana adhuc integra, novum pericranium. Signum autem ossis sic affecti est mutatio coloris, qui in ossibus sanis subrubescens leviter, vel & in multis locis ex albo subcaeruleus habetur. Oritur tunc in loco affecto color flavus, sensim obscurior factus, & in fuscum degenerans, tandem nigrescens, & ultimo corrupti ossis squamula separatur. Quo jam ossis color a naturali magis vergit in nigredinem, eo plus in corruptionem tendit; uti evidenter patet in dentibus: illi enim a quacunque causa male affecti incipiunt subcaerulecentem, margaritarum, fere aemulum colorem, perdere, & saepe primo pallent, dein flavescunt leviter, sensim magis sulci fiunt, tandem nigrescentes frustillatim decidunt. Constat jam accuratissimis observatis, ossa cranium constituentia in foetu olim fuisse membranas cartilagineas, in quarum medio ossis primum rudimentum inchoatur, radiis ossis ab hoc centro per omnem ambitum diffusis: sicque primo interna tabula ossea cranii, vitrea dicta, producit. Deinde radii illi ossis, sive fila illius reticuli, ab exteriori parte sensim latefcunt, & erigunt bracteolas, inter se diversis magnitudine, figura, positu; ex quibus diploe cranii exocitur. Vertices dein harum bracteolarum quibus diploe constat, quasi retunduntur, ac deinde latefcunt, alique super alios squamularum instar inclinati confluent in unius lamellae inaequabilis speciem, quae tabulam cranii exteriorem constituit. Utique dein tabula crassior fit & solidior: nam & intumescunt radii illi ossis, & bracteolae, & novae crustae accedunt. Ex hac ossium cranii genesi, non ex hypothese sed ad ipsam naturam descripta a Celeberrimo Albino [f] (quem in Anatomicis praeceptorem habuisse magnam felicitatem duco; & gratus semper recordabor) patet, lamellatam fabricam esse ossium bregmatis, occipitis, frontis, temporum, quae imprimis a vulneribus capiti intus laedi possunt; unde vitium a Pericranio laeso superioribus lamellis ossis succumbentis communicari poterit, & plus minulve suppositis lamel-

(f) Bernard, Siegfried. Albini &c. Icones Ossium foetus &c. pag. 6. & 7.

lamellis nocere. Et admodum verosimile videtur, inter singulas lamellas vasa decurrere, saltem in illa aetate, quando nondum adeo magnam soliditatem acquisiverunt ossa; forte postea procedente aetate, uti alia plurima in corpore vascula, sensim obliterantur. Confirmant hanc rem observata quaedam, ubi partes os constituentes, per morbum omni dimensione auctae, exhibuerunt pulposam talem & mollem vascularem fabricam. Infantis enim trium quatuorve annorum ossa cranii fere ubique habebant septem, vel octo linearum crassiciem; mollia erant, & pressis exsudabat sanguis & lymphae satis magna copia: simul & vasa sanguinea admodum conspicua apparebant [g]. Hanc rem pariter videtur agnovisse Hippocrates dicens: *os totum capitis os, excepta parte infima atque suprema admodum exigua, spongiosae simile est. Et habet os in se multas carnes humiditas similes, quas si quis digitis conteras, ex ipsis sanguis prodit. Insunt quoque in osse venulae tenues carnosae sanguine plenae [h].* Lamellae ergo, omni vitali influxu humorum privatae, separabuntur vi valorum inter lamellas medias decurrentium; saltem si haec jam archius ad se compressis lamellis ossibus obliterata fuerint, illa vasa, quae ex molli illa spongiosa parte, inter binas cranii tabulas media, quam diploen vocant, in os tendunt, hoc facere poterunt. Inde sorte senibus difficultius separantur ossae lamellae corruptae, & simul utilitas methodi §. 252. describendae deduci poterit.

Licet ergo, osse Pericranio suo nudato, si simul insignis mutatio coloris apparuerit, expectanda sit separatio lamellarum corruptarum per exfoliationem Chirurgis dictam, tamen rarus casus docuit, aliquando & sine hac, [rarissime forsitan] curam absolvi. *Vir ab equo in capite percussus, in terram tanquam mortuus cecidit, cum tanta alterius ossis sincipitis denudatione, ut Imperialis legendo vix sufficeret. Haec ossis denudatio in totum nigricabat, circule excepto, qui cuti proximus straminis latitudinem obsidebat. Hoc circulo albo de die in diem diminuto, patiens convalescit, sine ulla visibili ossis separatione, aut, raspatorii usu &c. [i].* Forte minima pars superficiei ossis affecta non forma squamulae, sed minutissimis particulis separata, sensim cum pure abscellit.

§. 250. **C**ujus causa [149.] interrupta valorum continuïtas, frigidae aeris constringens, & exsiccans fines vasculorum in osse; falso accusata ejus malignitate.

In generali vulnerum historia dictum fuit §. 149., laedi per vulnus omnes illas actiones, quae pendent a partium, nunc per vulnus separatarum, integritate, & a determinato fluxu liquidorum per vasa. Sed Pericranii usus erat vasa ad os deferre, & redeuntia ab osse accipere; quod imprimis in Periosteio foetus artificiosa impleione valorum apparet. In hac enim aetate numerosiora longe vasa in hac membrana inveniuntur, cum

C c 4

pluri-

(g) Academie des Sciences l'an 1714. Hist. pag. 60. (h) Hippocr. de Capir. vulner. cap. 2. Chirter. Tom. X. l. pag. 116. (i) Fred. Ruysch. Observat. Anatomi. Chirurg. Centur. Observ. V.

plurima procedente aetate occalescant, & dealeantur (4). Destructo ergo Pericranio tollitur vasorum continuas, unde vita, & nutritio partium pendet: morietur illa ossis pars, quae sic omni vitali influxu humorum privatur, & separabitur a partibus vivis suppositis.

Quia autem Chirurghi semper observabant, ossis superficiem, pericranio suo nudatam, non posse diu exponi aeri, quin ossis corruptio, & exfoliatio sequeretur; cum e contra os, quamvis Pericranio nudum, si ab aere statim defensum foret, saepissime sanetur sine ulla separatione; crediderunt in aere aliquid haerere maligni, quod ossa corrumperet. Verum quidem est, in aere posse haerere plurima, quae non tantum ossibus detectis, sed & omnibus vulneribus nocent; uti, dum in nosocomiis plurimi in eodem loco decumbunt, tuncque putridis exhalationibus inquinatus aer difficilem curam vulnorum reddere observatur. Sed haec sunt ab aere proprie dicendo distincta, licet in aere haereant. Videtur autem aer libere ossa euda aluens insolito frigore, & illa proprietate, qua humida attrahendo corpora exsiccat, abrupta extrema vasorum in superficie ossis sic exsiccare, & constringere, ut humoribus transmittendis omnino reddantur impervia; unde reliqua omnia mala sponte sequuntur, uti dictum praecedenti paragrafo. Unde Hippocrates nullam aeris malignitatem inculavit, sed dixit simpliciter: *Frigidum inimicum ossibus, dentibus, nervis &c.* (1)

§. 251. **E**ffectus vero, augmentum malorum (249.)

Dum superior squamula ossis, valis suis privata, corrumpitur, vitium hoc succumbenti immediate ossis parti facile communicatur; sicque per totam ossis cranii crassitiem pergere poterit ad diploen usque, illamque corrumpere; quod malum dein internam cranii tabulam, vitream dictam, aspicere poterit, vel inter binas ossae tabulas cranii proserpens in diploe pessima mala facere.

§. 252. **C**uratio fit. 1. os leviter parva terebra diversis, vicinisque locis, usque ad medium perforando, unde exfoliatio cavetur, periosteum inde renascitur. 2. inde arcendo pus, sanien, pinguis, aquea, aerem, applicatis plumaceolis sp. vin. Mastichino imbutis. 3. raro, & citissime deligando.

1. Ubi signa docuerunt, cranii os pericranio suo nudatum, aerisque libero accessu sic mutatum fuisse in sua superficie, ut omnis vitalis motus humorum in parte sic affecta suffocatus fuerit, necessario illud mortuum separari debet a partibus vivis, quibus cohaeret, antequam tale vulnus curari possit. Sed totum hoc separationis opus per vasa viva mortuae parti supposita, per-

(4) Bernart. Siegf. Ald. &c. Icones ossium foetus &c. pag. 160. fig. 162. (1) Aphorism. 16. Sect. V. Ciliat. Tom. IX. pag. 204.

perfici debet, quae motu suo, & continua quasi arietatione partem ossis mortuam separant, & expellunt. Pulchre hoc notavit Hippocrates (m) dicens: *In capitis vero vulnere os, quod ab alio quovis offe abscissum est, sive reli vestigium in offe relictum sit, sive aliquin os plurimum nudatum sit, plerumque abscedit, ubi exsangue redditum fuerit* (ἀπὸ αἵματος ἐστὶν ἄνωδον ἔσται) & postea addit: *ideo ab alio offe vitam, & sanguinem habente potissimum solvitur, & exsangue & secum factum a vitam & sanguinem habente valde abscedit.* Sed si hoc opus naturae permittatur, lente admodum procedit, & quadraginta dierum, imo & aliquando longiori temporis spatio, solet perfici. Tot enim diebus observantur margines foraminis, per trepanum excisso offe contusi, separari. (vide §. 294.) Sed hoc temporis intervallo plurima possunt accidere mala tali vulnere, & vitium ossis potest subiectis lamellis communicari, sicque augeri malum. Imprimis in Nosocomiis publicis decumbentes pessime plerumque solent affici, si diu cogantur ibi manere; uti Chirurgi fere omnes, qui Nosocomiis praefuerunt, testantur; omniumque maxime funestum hoc observatum fuit illis, qui capitis vulneribus decumbebant. Unde pulchrum illud erit in arte inventum, quo poterit separatio corrupti ossis a sano accelerari. Tentaverunt hoc scalpris radendo, cauteriis urendo &c., sed sic semper abasa vel ulla superficies iterum separari debet. Tota separatio mortui, ut dictum fuit, pendet ab actione vivae partis suppositae; omne ergo illud, quod viam faciet vivis vasibus subiectis, ut emergere possint sub hoc tegmine corruptae partis, accelerabit hanc separationem. Optima ergo methodus haec est, ut leviter & parva terebra os nudatum perforaret minutis, & satis sibi vicinis foraminulis ad diploen usque, ubi certi sumus vasa viva copiosa, & satis magna haerere. Hoc fecerunt vel pyramidalis apice trepani perforativa disti; vel & pulcherrimo cum successu factum vidi, dum acus vulgaris apex in parvum cuneolum formabatur, qui apto manubrio firmatus digitis rotando circumactis rotundum foraminulum in offe sic facit. Dumque hoc plurimis in locis satis vicinis fit, vasa viva supposita incumbente tegmine libero, emergunt per haec spiracula, retexunt novum periosseum, & saepe feliciter sine ulla desquamatione sanatur tale vulnus. Praeterea vasa, inter lamellas ossis media, per easdem aperturas emergere possunt elongata, & separare sic ossis squamulam corruptam incumbentem. Pulcherrimi successus probaverunt hujus methodi utilitatem; & peritissimus Chirurgus, *Belloste*, cui hoc inventum debetur, vel qui saltem primus accurate descripsit, testatur, se plurimis in casibus felicissimas sic perfecisse curas, & in pulcherrimo, quem scripsit, tractatu bina recenset exempla, quae in Nosocomio publico coram plurimis testibus hanc rem confirmaverant.

Militi globus tormento majori bellico explosus abstulerat integumenta capitis communia, offe illaeso, sed pericranio sic contuso, ut pentus livesceret. Unguibus laceravit pericranium, & os subiectum nudavit, dein subito sine os leviter sic terebravit pluribus locis. Post bidduum soluto apparatu os subrubescens apparebat; & post aliud bidduum plus quam dimidia pars ossis nudati, renato novo Pericranio, testa apparebat; & post septimum diem

tota

tota ossis superficies jam erat testa omnino, totumque vulnus octodecim dierum spatio consolidatum fuit. Alteri militi caesim inflicto vulnere ossi bregmaris sinistro, cranium satis amplo in loco nudatum erat: oscto vel decem parvis foraminulis secunda vulneris deligatione pertunditur os nudum, sic tamen ut non penetrarent ad diploen ulque, reliqua fiebant omnia eadem ut in priori casu. Post bidduum detecto vulnere os jam incipiebat subrubescere, & per foraminula facta apparebat jam aliquid insurgere: post octiduum jam os testum apparebat nova membrana, & tota jam ampli vulneris curatio septemdecim diebus absolvebatur (*).

Ex his binis casibus utilitas hujus methodi satis evidenter apparet, & patet, tantum requiri huc, ut per artem via concilietur libera valis vitalibus suppositis, ut emergere possint. Ultimo autem exemplo constitit, non semper requiri, ut ad diploen ulque os perforetur, sed, levi tantum apertura facta, vasa inter ossis lamellas media sufficere aliquando posse, ut regenerent pericranium perditum; cum moneat in loco citato peritissimus ille, Chirurgus, quod de industria hoc tentaverit, ut certus esset, an levis talis ossis terebratio ad hunc scopum sufficere posset. Ubi vero mutatus ossis nudati color in flavum, vel magis fulcum, docet, corruptionem ossis profundius penetrasse, perterebratio ossis ad diploen ulque necessaria erit, ut vasorum satis magnorum hic haerentium vi fiat separatio corrupti ossis, & regeneratio novi Pericranii.

An non videtur probabile, quod jam apud Hippocratem pulcherrimae hujus methodi vestigium reperiatur? dum dicit [o]: *Verum oportet, ubi os carne nudatum fuit, attenta mente conari distinguere, si non possit oculis videri & cognosci, num os fissum sit & collisum, an collisum tantum; vel num ad teli vestigium accesserit collisio vel rima, vel utrumque. Ac si quid horum senseris os, exigua terebra osse perforato sanguis detrabendus est, subinde adhibita cautione, quod os juniorum tenuius sit &c.* Certe simul ac ad diploen ulque penetraverit terebra, sanguis erumpet, uti notum est: & videtur satis patere, quod in hoc loco non agatur de osse excindendo per trepanum, sed de levi tantum perterebratione parvo trepano facta, donec sanguis exeat, id est donec ad diploen penetraverit.

2. Observata omnium Chirurgorum, qui de vulneribus capitis curandis scripserunt, in hoc conveniunt, quod omnia pinguis, omnia aquosa humectantia noceant vulneribus capitis, uti dictum fuit §. 245.

Longe magis ergo ab his cavendum, ubi os nudatum fuerit, & tenerima vasa per haec foraminula facta incipiunt pullulare; aquosa enim tabescere facerent adeo pulposa haec vaicula, oleosa obstruerent eadem & redederent impervia. Imo ipsum pus, ex integumentis vulneratis natum, si nimis copiosum allueret, vel diutius retentum, & attenuatum acrius fieret, laedere posset tenerrimam hanc renascentium vasculorum compagem; unde prudentissime detergi debet, mollissimis linteis carpis, ne laedantur haec

te-

(*) Le Chirurgien d'Hôpital &c. par Mr. Belloste pag. 75.—79. [o] Hippocr. de Capitis vulner. cap. 30. Charac. Tom. XII. pag. 127.

tenerrima vascula. Arem pariter arcendum esse, ne frigore insolito vel exsiccatione destruat eadem haec vascula, ex antedictis satis patet. *Belleste* in loco citato plumaceolum ex linteo carpto spiritu vini madidum applicabat ossi nudato; deinde huic imponebat leve digestivum, quod sic os non tangebat, sed labiis vulneris integumentorum proderat. Sic aer arcebat, omnis putredo praecavebatur, & roborante vi spiritus vini impediabatur, ne in fungosam excrementiam degenerarent pulpola haec & tenerrima vascula. Optimo cum successu mastiche, olibani, sarcocollae, myrrhae, colophonae, & similibus tenerrimum pollinem ossibus nudatis inspergi constat, quae crusta balsamica tegunt, nec tamen pinguedine nocent; interim pulcherrime defendunt ab aere & omnibus liquidis in vulnus effusis partes suppositas. Eodem cum fructu horum pulvis in spiritu vini debiliore coctus [alcohol enim combureret illico haec vascula] plumaceolis excipitur, & ossi nudo applicatur.

3. Nihil enim hic magis metuitur, quam liber aeris accessus, qui frigore & exsiccatione omnibus vulneribus, sed imprimis capitis, nocet. Unde rara deligatio adeo commendatur in his casibus. *Belleste* in exemplis modo citatis primum apparatus per biduum relinquebat, & postea tantum singulis tribus diebus renovabat. Si ergo nullus pruritus, nec major calor circa vulnus sentiantur, nullus addit soetor, nihil saniosi exeat, tuto sine deligatione relinquitur tale vulnus. Ubi vero novus apparatus applicari debet, fiat hoc citissime: mollissimis plumaceolis lenissimo appressis imbibatur pus, mox applicentur eadem, & tegatur vulnus: curiosa enim & diuturna talis vulneris inspectio, & imprudens deterfio rudius facta, destruent mucum illum hic haerentem, qui nil nisi vasculorum renascentium compages est. Pulcherrime prodest, si, antequam detegeatur vulnus, utrimque ponatur testula viam prunam accensam continens, cui succinui, mastiche, olibani, vel similibus suffumigiorum pauculum inspergitur; sic tepida aëmosphæra, gratissimo roborante aromatico sumo dives, undique detectum vulnus alluet.

§. 253. **Q**UA arte ex punctis fodicatis [252.] & undique; emergit nova substantia quasi carnea cito, tumque reliqua [249.] sanantur, ut dictum, (245. 246. 247. 248.)

Qua significatione ex punctis terebratis enascens substantia caro dicatur, explicatum fuit §. 158. N. 9. *Belleste* [p] qui tam nitide omnia descripsit, quae ad hanc methodum pertinent, apta satis phrasi dicit, foramina ossis post secundum diem incipere germinare [*germer*]. Incipit enim ex his foraminulis elevari sensim rucus quasi, qui microscopio lustratus tenerrima vascula exhibet; imo & arteriolarum motum in hoc muco distinguere licet. Vasculosa compages per haec foraminula emergens, simili substantiae ex vicinis foraminulis ascendenti occurrens, retexit perditam membranam, &

qui-

quidem tam cito, ut septem dierum spatio cranii partem nudatam, quae floreni circiter amplitudinem aequaret, testam iterum observaverit *Belleste* in exemplis praecedenti paragrapho citatis.

Quatuordecim jam elapsi sunt anni, cum in raro satis casu occasionem habui accurate examinandi pulsam illam vasculosam per facta sic in offe foramina emergentem. Homini quinquagenario, in febre acuta continua metastasi subita unius noctis spatio siderabatur pedis dextri pars extrema tota ad illum circiter locum usque, ubi metatarsi ossa cum tarsi ossibus contigua sunt. Pars affecta sphacelo perfectissimo correpta erat sic, ut ad ossa usque adacto scalpello nullus doloris sensus nasceretur, nihilque sanguinis exiret. Applicatis remediis, quae partem mortuam a putredine fervarent, & viva sic munirent, ne proserperet minax malum, tam felix fuit successus, ut sisteretur sphacelus, & quinque diebus elapsis crena, vivas partes separans a mortuis, appareret, quae curae spem non exiguam pejora haecenus omnia metuentibus dabat. Postquam integra separatio corrupti a viva parte facta fuerat, tendinibus tenacissimis torrice resectis a dexterrimo Chirurgo, separata fuit tota pedis pars anterior, & ex periculosissimo morbo evasit aeger hac parte mutilatus, adhuc hodie superstes. Tuncque apparebat manifeste ossa tarsi, quae metatarsi ossibus sphacelatis contigua fuerant, contraxisse, non exiguam labem. Satis enim notabilis horum pars, extra aequabilem mutilati membri superficiem prominens, nigra penitus novas parabat molestias. Tenui ferra rescissum fuit de ossibus corruptis, quantum sine lachione partium incumbentium poterat tolli. Sed & sic ossium horum superficies mortua manebat, & separari debebat, antequam bona cicatrice claudj posset vulnus.

Minutis tunc cuneolis peritissimus Chirurgus terebravit totam hanc corruptorum ossium superficiem, plurimis & satis sibi invicem vicinis locis: & jucundo spectaculo vidimus post biduum singula haec foraminula humescere, deinde microscopio insipientibus distinctissime apparuit, micare in omnibus his punctis vascula vera systole & diastole, quae perfecte respondebant aegroti pulsibus eodem tempore in manuum carpis exploratis. Unde evidenter nobis constitit, emergentem hanc ex foraminulis factis substantiam esse veram vasculosam compagem.

Ubi autem hac methodo nova membrana os nudatum testum fuit, reliqua sanatio perficitur, uti dictum fuit in numeris hic citatis.

§. 254. **S**I Calvaria laesa est, pro varietate causae, fissa, fracta, contusa, intropressa, vel evulso fragmento spoliata erit, atque haec vel in una, vel in utraque ejus tabula.

Postquam consideratum fuit, quid accidat integumentis communibus, & Pericranio laesis, nunc agendum est de vulneribus capitis, quae ipsum calvariae os laedunt; & primo recensentur hac paragrapho varii modi, quibus cranii os laesum fuisse observatum est, pro varia figura instrumenti laedentis, ejusque majori, vel minori impetu.

FISSA. Fissura dicitur solutio continui in offe, oblonga utplurimum, angu-

angustissima plerumque, & cum aliqua adhuc partium cohaesione. In his fissuris jam magna varietas obinet, pro magnitudine varia, recto vel obliquo decursu, pro varia ossis cranii parte, quam occupant: quaedam enim in externa tabula haerent, aliae vero in interna cranii tabula, quamvis externa integra appareat. Aliquando & fissura non est in loco, cui instrumentum laedens applicatum fuerit, sed in alia, & saepe opposita calvariae parte; vocatur tunc contrafissura. Qualia exempla plurima habentur apud auctores. Sic Tulpus (q) narrat, hominem sclopeto in capite ictum, frustra statim etiam perforata calvaria, sexto die periisse. Post obitum calvaria, quamvis foris illaesa appareret, ostendit tamen intus varias fissuras. Paracus (r) binis exemplis hanc rem confirmat. Homini lapidis ictu valida contusio, & tumor cum parvo vulnere in bregmatis osse dextro facta fuerat: dilatato vulnere os subiectum apparuit integrum, & vulnecratu periiit vigesimo primo die post inflictum vulnus. Post mortem, scrra resecto cranio, apparuit oppositi lateris bregmatis os fissum fuisse. In alio nobili viro post validam contusionem capitis, quamvis galca tecti, mortuo apparuit tabula cranii interior fracta sic, ut fragmenta abrupta cerebri substantiae infixae haeserint, licet externa cranii tabula omnino integra inveniretur. Hippocrates jam hoc notaverat, & postquam varios modos, quibus calvaria laedi posset, recensuit, addidit ultimum, quando nempe os laeditur alia capitis parte, quam qua vulnus est; & dicit, huic calamitanti nullam superesse medelam, quia non potest detegi, quam in parte capitis haereat (s): unde Cellus (t) dixit, *si graviter aliquis percussus est, si mala indicia subsequuta sunt; neque ea parte, qua cutis discissa est, rima reperitur, non incommodum est, parte altera considerare, num quis locus mollior sit, & tumeat, illumque aperire, siquidem ibi fissum os reperitur. Nec tamen magno negotio cutis sanescit, etiamsi frustra facta est.* Incerta tamen haec omnia sunt, cum saepe in eodem osse, sed non in ipso vulneris loco tamen, fissura inventa fuerit. Sic homini fuisse percusso in fronte prope supercilium dextrum, & inde mortuo, nihil erat in loco vulneris mutatum in osse, sed in oculi dextri orbita contrafissura apparebat sesquipollicaris longitudinis versus sellam Turcicam tendens (u). Imo aliquando observatum fuit, fissuram ex vulneris loco porrectam fuisse ad aliam etiam capitis ossa. Talem casum narrat Ruyschius (w), ubi a validissima contusione ossis bregmatis sinistri fissura per totum os pergebat, deinde per suturam squamosam ossis temporum, totum os petrosum, & os occipitis, usque ad magnum hujus ossis foramen, quod medullam oblongam transmittit. Ex quo casu simul apparet, futuras non impedire, quominus fissura in quodam cranii osse facta propagari posset ultra hujus ossis limites, uti multi voluerunt.

FRACTA. Differt fractura calvariae a fissura, quia in fissura proprie dicenda super.

(q) Observat. Med. lib. I. cap. 2. (r) Lib. X. cap. 8. (s) Hippoc. de Capit. vulner. cap. X. Charter. Tom. XII. pag. 119. (t) Lib. VIII. cap. 4. (u) Joh. Bohn. de renunciat. vulner. pag. 141. [vv] Observat. Anatom. Chirurgic. Centur. observ. 47.

superest adhuc alia cohaesio, in fractura autem integra obtinet solutio: unde fissura angustam in osse rimam facit, fractura majorem separationem partium antea unitarum supponit. Potest jam fractura talis esse, ut fragmentum a reliquo osse liberum sit omnino, posierit & quadam sui parte adhuc unitum manere. Si integra talis solutio facta fuerit per causam vulnerantem, fere semper fragmentum liberum introprimitur, & cerebrum laedit. Potest etiam ad fracturam referri illud, quod Hippocrates vocavit sedem, sive teli vestigium [*ἄσπερ*], dum v. g. acinacis ictu vulnus inflictum difficilis calvariae integumentis omnibus ipsum os laeserit. Dicit enim (x): *sedes [teli] autem dicitur, cum, osse in sua natura permanente, telum ossi infixum manifestum fecerit, quia infederit;* & postea addit, quod *Præcisio* [*ῥακτομή*], *quantamcumque longitudinem, & latitudinem ossis occupet, ad teli vestigium referatur, modo alia ossa, quae præcisionem circumambiunt, maneat in sua natura, neque una cum præcisione desiderant* [intropremanantur]. Tunc enim voluit, non amplius teli vestigium dicendum esse, quando os undique solutum mutat locum, & intro subdidit, sed vocavit tunc *intropressum*, quando nempe os abruptum undique introcedit [*ὑ*].

CONTUSA. Quando nempe a gravi, & obtuso instrumento calvaria laeditur sic, ut nulla rima tamen, nec fractura appareat. Sicut enim contusio partium mollium plurima vasa frangere potest, integra manente cute; sic etiam idem in osse contuso obtineri potest, quod nempe vasa inter lamellas osseas media laedantur a contusione, licet integrum omnino os appareat. Difficilis cognitio hujus mali saepe, nisi sero, ubi malignis symptomatibus ortis os pessime affectum fuisse cognoscitur. Hoc malum *ῥακτομή* vocavit Hippocrates, & simul monuit, non posse oculis dijudicari, an plus minusve ossis substantiam laeserit contusio, an magis vel minus profunde penetraverit talis laesio (x). Si enim vasa dispersa per diploen, inter binas tabulas osseas calvariae mediam, tali contusione fracta fuerint, integro quamvis osse, facile patet, ab extravasatis, & corruptis humoribus pessima produci posse mala, erodi posse internam tabulam, & vicium sic communicari posse meningibus & ipsi cerebro.

INTROPRESSA. Fit hoc duplici modo: vel enim ossis pars fracta, & undique libera a vicinis ossibus, subdidit; vel os, integrum manens in sua cohaesione, intropremitur. Quod imprimis in juniorum calvariis ab obtusa causa vulnerante accidit: in his enim ossa magis flexilia adhuc cedunt facilius sine ruptura. Tamen & talis intropressio in adultis observata fuit. Osseae enim cranii in homine vivente humida, & longe minus friabilia sunt, quam quidem in scheleto eadem ossa exsiccata apparent. Rarius tamen in adultis observatur talis intropressio, quin simul rima vel fractura addit.

VEL EVULSO FRAGMENTO SPOLIATA SIT. Quod saepe caesim inflicto vulnere fit, quando nempe una cum integumentis ossis portio instrumento vul-

[x] Hippocr. de capit. vulner. cap. 9. Charter. Tom. XII. pag. 119. (y) ibid. cap. 8. pag. 118. (z) ibidem cap. 7. pag. 118.

vulnerante abscinditur. Vocaverunt tunc dedolationem cranii: qualem casum habet *Scultetus* (a) ubi ad magnitudinem Thaleri Imperialis fragmentum calvariae ablatum fuerat, & feliciter tamen curatus fuit vulneratus. Constitit pariter, post validas contusiones capitis exsiliisse fragmenta ossa de tabula cranii interna, & subjectum cerebrum laesisse: quale exemplum ex *Paræo* paulo ante in eadem hac paragrapho allegatum fuit.

Omnia jam haec mala recensita possunt vel solam externam tabulam cranii, vel internam solam, vel utramque afficere: semper autem eo pejora, quo magis versus interiora penetraverint. Longe enim tunc difficiliorem, medelam esse facile patet.

§. 255. SIC affecta (252.) scitur 1. causa vulneris forti. 2. vulneris magnitudine collata figurae loci vulnerati. 3. specillo. 4. atramento affuso. 5. strepitu inter mordendum. 6. visu fracti, contusi, vel punctis pallidis colorati cranii. 7. tactu ipso. 8. symptomatibus integumentorum; carne circa septimam diem abscedente, dolore, natura puris tenui, & graveolente, vulneris malignitate aliena.

Quia autem pessima mala sequi possunt calvariae laesionem, uti patebit sequenti paragrafo; ideo omni cura inquirendum est, an calvaria a causa vulnerante aliquam noxam acceperit, an non. Tumultuarium autem in his casibus examen non sufficere novimus, moniti Hippocratis ipsius infortunio, qui ingenue fassus est, se hic deceptum fuisse, dum teli vestigium non distinxerat a futura, uti dictum §. 172. N. 3. De hoc autem constabit sequentibus signis.

1. Patet facile, validum ictum capiti impactum, sive obtuso, sive acuto instrumento vulnerante, necessario calvariam laedere. Facilius autem huc oculis patet, si acuto instrumento diffectis integumentis calvaria detegatur, quam si obtuso telo integra cute, vel parvo tantum vulnusculo conspicuo, laesio facta fuerit.

2. De hac re dictum fuit §. 240. N. 3. In illis enim locis, ubi cranii ossa plana sunt, potest esse magnum vulnus sine ossis laesione; sed ubi magna adest horum ossium convexitas, vel in illis locis, ubi eminentem angulum formant, non potest esse vulnus magnum, quin prominentem ossis partem laeserit, nisi circumtorquendo quasi instrumentum vulnerans vulnus inflictum fuisset, quod rarissime fit.

3. Chirugi periti, dum ad tales vulneratos vocantur, aqua tepida cum vini exigua copia, & aliquot salis granulis abluunt leviter vulnus; tunc prudenter diductis labiis inquirunt, an aliqua laesio in osse appareat. Deinde specillum politissimum obtuso apice donatum immittunt vulneri, quod satis tenue & molle esse debet, quale optimum paratur ex purissimo argento candefacto, & dein sensim refrigerato. Sic undique perterritando ferunt primo, an os nudatum sit, quod facile ex sonitu specilli ad sursum

os

os noſcitur: deinde oberrando per omnem offis detecti ſuperficiem explorant, an aliquid aſperi occurrat. Ut hoc fiat ſine erroris metu monuit Celiſus (b): ſpecillum oportet eſſe nec nimis tenue, neque acutum; ne, cum in naturales quosdam ſinus incidit, opinionem fracti offis fruſtra faciat; neque nimis plenum, ne parvulae rimulae fallant. Ubi ſpecillum ad os venit, ſi nihil niſi laeve & lubricum occurrat, integrum id videri poſſe: ſi quid aſperi eſt, atque qua futurae non ſint, fractum os eſſe teſtatur. Unde patet, ſummopere attendi debere ad loca ſuturarum, quae aliquando in variis hominibus, & in varia aetate differunt. Sic futura ſagittalis in junioribus os frontis uſque ad radicem naſi biſariam dividit; in adultioribus ſenſim obliteratur: tamen in quibusdam hominibus ſatis etiam proveſtae aetatis adhuc obſervata fuit; unde in vulneribus fronti inſiſtis de hac futura cogitandum eſt. In ſummo ſenio ſaepe omnes futurae evaneſcunt; & aliquando citius. Poſt pugnam Plataeſenſem cum in unum locum offa carne nudata comportarentur, inventum fuit caput nullam futuram habens, ſed ex uno offe conſiſtens (c), imo & quibusdam obſervatis conſtitit, in junioribus etiam aliquando ſuturas obliterari penitus. Sic in cranio pueri octo circiter annorum nullum veſtigium ſagittalis, nec coronalis futurae apparebat, nec in interna aequae ac externa calvariae ſuperficie. Imo & in junioribus adhuc inceptam harum ſuturarum obliſationem ſaepe obſervavit celeberrimus Hanauld, qui ideo credidit, non adeo raros hos caſus eſſe, ac quidem vulgo putatur (d). Praeterea quibusdam locis cranii naturalis eſt ſcabrities, uti v. g. in occipitis offe. Et aliquando futurae ipſae miro modo differunt in diverſis hominibus: ſic v. g. calvariam ſervo, cujus futura ſagittalis prope occiput, & frontem anguſta penitus erat, ſed in vertice mitis ambagibus decurrens pollicis fere latitudinem occupabat. Merito hinc in ipſo libri ſui de Capitis vulneribus initio monuit Hippocrates, quod *bo-minum capita neque inter ſe ſimiliter babeant, neque futurae capitis omnibus in eodem loco ſitae ſint* (e).

Saepe ergo multum adhuc dubii manet, poſt explorationem ſpecillo factam; & diſſicillima detectio laeſionis in offe, ubi vulnus, circa ſuturarum loca inſiſtum eſt: quali in caſu ipſe etiam Hippocrates ſe deceptum fuiſſe faſtus eſt: *more ſcilicet magnorum virorum, & fiduciam magnarum rerum habentium. Nam levia inceperat, quae nihil habent, nihil ſibi detrabant. Magno ingenio, multaque nihilominus habitura, convenit etiam ſimplex veri erroris conſeſſo, praecipue in eo miniſterio, quod utilitatis cauſa poſteris traditur, ne qui decipiantur eadem ratione, qua quis ante deceptus eſt* (f).

4. Ubi ex cognita cauſa vulnerante, & vehementia, qua vulnus inſiſtum fuit, uti & ex peſſimis ſymptomatibus poſt vulneris inſiſtentionem ſecutus, vertigine, lapſu, alto ſopore &c. metuendum videbatur, quod calvaria noxam contraxerit, & tamen loco detecto, nec oculis, nec ſpecillo detegeretur rima, vel contuſio in offe, voluit Hippocrates alia adhuc methodo la-
tens

(b) Lib. VIII. cap. 4. pag. 514. (c) Herodot. Calliope pag. 540. [d] Academ. des Sciences P^{ar}is 1734. Hiſt. pag. 59. (e) Hippocrat. de capit. vulner. cap. 1. Charter. Tom. XII. pag. 315. [f] Celiſus Lib. VIII. cap. 4. pag. 515.

tens forte malum detegere, quod neglectum postea summa faceret mala. Juber enim medicamento aliquo nigro liquato os obducendum, & vulnus subiecto linteo oleo madefacto, deinde cataplasmate ex maza imposito, deligandum. Postridie vero soluto vulnere, & depurato os radendum voluit: si enim tunc os fissum, vel collisum fuerit, in illo loco nigrum illud manebit, cum reliqua ossis superficies alba apparebit (g). Patet ergo tantum hic requiri, ut coloratum liquidum ossi detecto imponatur, quo dein abrafo, vel deterfo apparebit, si alicubi os fissum fuerit, vel contusum, quia ibi illud coloratum profundius penetrans non poterit abstergi, vel deradi tam facile, quam in reliqua ossis nudati superficie.

An vero atramento scriptorio usus fuerit Hippocrates, ex hoc loco minime constat. Cellus tamen (b) sic hunc locum vertisse videtur, dicens. *At, si ne tum quidem rima manifesta est, inducendum super os atramentum scriptorium est, deinde scalprio id deradendum, nigritiem enim continet, si quid fissum est.*

Apud Aeginetam (i) tamen, ad latentem angustam, & capillarem fissuram detegendam, proponitur medicamentum aliquod liquidum nigrum, vel & scriptorium (*φαρμακίον τι μύκας ὕδατος, ἢ καὶ αὐτὸ τὸ γραμμικὸν ὑγχιμετρικόν*). Praeterea, & sepius liquore, & aliis forte atramenti scriptorii loco usi fuerunt veteres. Sæpe illud, quod hodie in vulgari usu est, nisi valde dilutum fuerit, minus ad hanc rem convenire videtur, cum vitriolo, gallis quercinis, corticibus granatorum, & similibus adstringentissimis constat, quæ ossi nudo applicata tenerrima vascula illico sic constringerent, ut postea separari deberet lamella destructis vasculis mortua. Et certe nulla necessitas juber, ut atramento scriptorio utamur, cum quodcumque aliud coloratum liquidum eundem effectum præstare possit; atque etiam, si color niger magis arideret, ex ossibus ad nigredinem combustis, in tenuissimum pollinem tritis, & aqua dilutis, nigrum tale liquidum confici posset, uti & ex aliis plurimis.

Praeterea videtur sufficere, si os nudum tali liquido tingatur, & deinde iterum spongia detergeatur; neque videtur requiri, ut abradatur tota superficies scalprio, cum tunc iterum nova separatio superficiei derasæ, expectanda sit; uti dicitur §. 266. Sicur jam exploratio per specillum fallere poterat circa futuras, & in illis locis, ubi naturaliter ossis superficies aspera est; sic pariter, & hæc methodus decipere posset, coloratum enim liquidum se insinuabit suturarum interstitiis, & adhaerebit calvariae inaequalitatibus.

5. Apud Hippocratem in Coacis Praenotionibus (κ) habetur, quod ubi ambiguum sit, an calvaria rupta sit nec ne, tunc vulneratus debeat alphodeli, vel serulae caulem inter maxillas prehendere, & manducare, simulque animadvertere, an alicubi calvaria strepitum edere ipsi videatur; fracta enim strepere videntur. Sed facile patet, strepitum talem percipi

non

(g) Hippocrat. de capit. vulner. cap. 23. Charter. Tom. XII. pag. 124. 125.

(b) Lib. VIII. cap. 4. pag. 515. [i] Lib. VI. cap. 90. pag. 56. vers.

(k) N. 501. Charter. Tom. VIII. pag. 881.

non posse, nisi satis magna fractura fuerit: certe fissura calvariae hoc signo nunquam cognosci poterit. Tota enim hujus signi efficacia in eo consistit, quod muscoli temporales, inter mordendum magna vi maxillam inferiorem apprimentes ad superiorem, oriantur lato ambitu utrimque a parte laterali calvariae, quae sit a processu superiori ossis jugalis, a vicino latere ossis frontis, a processu maximo ossis sphaenoidis, ab osse bregmatico, & squamosa ossis temporis parte: hinc dum agunt hi muscoli, si in vicinia insertionis magna fractura fuerit, poterunt ossa fracta moveri, & strepitum edere; cumque tot cranii ossibus diversis inserantur, & satis late pateat horum musculorum ambitus, poterunt fracturae in pluribus calvariae locis sic cognosci, si nempe satis magnae fuerint. Solent Chirurgi clavem ferream mordendam exhibere vulneratis ob eandem causam; vel & chordam jubent dentibus prehendere, quam dein manu extendunt, & tenfam digito percutiunt, & dein jubent vulneratum animadvertere, an aliquem motum, vel strepitum in calvaria percipiat.

6. Si nempe sponte, vel arte vulnus satis pateat, ut os nudum oculis lustrari possit; tunc rimae, vel fracturae, si adfuerint, satis apparebunt. Ubi autem sine cohaesionis separatione os contusum fuerit, hoc difficilius detegitur, quod jam monuit Hippocrates (1), uti dictum fuit praecedenti paragrapho.

Praecipuum signum, quod habetur, est, si os naturalem suum colorem mutaverit, qui iuberubescens leviter, vel & parum subcaerulescens plerumque est. Si jam puncta pallida intercurrent, signum est, vasa subiecta, quae pellucidae utrumque lamellae osseae colorem dabant, mortua esse, neque amplius liquidis transmittendis pervia; unde separatio lamellae valis succumbentibus destitutae expectanda est.

7. Monendum imprimis hic est, digitorum attactum saepe fallere, sic ut os intropressum credatur, licet nihil talis mali adsit. In validis contusionibus integumenta cranii ruditer ad durum os suppositum appressa saepe sic laeduntur, ut plurimis vasis fractis sub integra cute fiat collectio magna, & subita effusio liquidis. Si tali casu tangatur digito ambitus talis tumoris prope sanam partem, apparet, ac si os suppositum subsideret. Ratio haec est: integumenta cranii satis crassa sunt, & imprimis cutis: haec autem ab effusis humoribus turgente membrana cellulosa elevatur a subiectis partibus; hinc circa ambitum talis tumoris cutis adhuc applicata manet subiectis, paulo procedendo ad partem tumentem, cum cutis elevetur ibi, sentitur in margine, qui limitem facit inter partem sanam, & locum contusum, ac si os depressum foret, tantum ideo, quia crassa cutis ibi loci elevatur a subiecto osse, & Pericranio. Hoc autem saepe Chirurgo etiam satis peritos sesellit: imo Ruyschius fatetur (m), quod digitis explorans ingentem frontis tumorem, post validam contusionem natum, credidisset, cranium intropressum esse, uti praelens Chirurgus volebat; nisi multiplici experientia didicisset, attactum in tali casu sic fallere posse.

8. Ex.

(1) De vulner. Capit. cap. 7. Charter. Tom. XII. pag. 118. (m) Observ. Anatom. Medic. Genur. Observ. LX.

8. Ex his signis quidem noscitur, cranium laesum esse, sed saepe nimis fero: cum pessima symptomata saepe praeter opinionem Medici, & Chirurgi tunc orta aegrum de medio tollant. Quando sine laesione calvariae vulnera inflicta fuerunt, si oblierventur illa, quae dicta fuerunt §. 245., & 252., sanantur saepe satis cito, licet maxima fuerint. Ubi autem calvaria laesa fuit, nec tamen per modo recitata signa hoc cognosci potuit, tanquam simplex capitis vulnus solet tractari, & primis diebus saepe omnia satis bene procedere videntur. Interim os subiectum laelum incipit corrumpi, integumentum ab osse affecto abscedunt, dolor augeatur, puris cocti nihil apparet amplius, sed tenuis tantum, & saepe satis olidus ichor, vulnusque ad omnia etiam optima remedia rebelle latentis mali certam notam exhibet. Omnia autem haec symptomata serius, vel citius accidunt, pro varia mali magnitudine, vulnerati temperie, & imprimis majori minorive aeris calore. Pulchre haec omnia notavit Hippocrates (n). Postquam enim signa recensuit, quibus calvariae fractura posset cognosci, addit: *Progressu vero temporis fractura partim septimo, partim decimoquarto, partim etiam aliter significationem praebet. Nam & carius ab osse abscissus fit, & os lividum, & dolores, ictericibus effluentibus. Haec autem aegro jam auxilium admittunt. Et alibi (o) ubi signa recenset, quae docent perituum esse ex capitis vulnere hominem, dicit: si os fractum, aut fissum, aut contusum fuerit &c. neque per errorem raserit, aut fecerit, tanquam sectionem non possit, sed sanum os existat, ante decimum quartum diem hyeme plerumque febris invadet, aestate vero post septimum. Et ex illo paucus ichor effluit, & quod in eo inflammatum est, moritur: ubi illud conigerit, & ulcus decolor fit, & glutinosum, & apparet instar fassamenti (αἰματὶνὸν) colore fulvum, sublividum, & os deinde corrumpi (σφαιδίζου) incipit, & nigrescit, laeve existens, ad extremum autem subpallidum, & exalbicans evadit. Cum vero jam purulentum exsisterit, pustulae in lingua exoritur, & delirans moritur. Omnia sic accuratissime in his locis Hippocrates descripsit. Quamdiu enim labia vulneris rubent, parum etiam inflammata, non multum mali metuunt Chirurgi periti; sed ubi vivus ille color perit, & incipiunt vulneris labia habere talem colorem, quem habent carnes emarcescentes, vel saepe diu conditae, norunt satis pessima instare mala. Ideo post Hippocratem Medici peritissimi (u i dictum §. 240. N. 4.) gravia etiam mala, statim post vulnus capiti inflatum apparentia, non adeo metuebant; sed quae postea apparent, & imprimis circa septimum diem, adeo damnabant.*

Ob eandem causam valde lethale dixit Hippocrates (p) in capitis vulnere febrem quarta, septima, aut undecima die incipere.

Cum ergo ossis Cranii laesionem, etiam satis levem, plurima, & gravissima sequantur mala saepissime, de quibus dictum fuit, uti & illa, quae sequenti paragrafo enumerabuntur, patet, omni cura inquirendum esse, ut hoc in initio detegatur, & curetur; signa jam recensita sunt, quorum plura imprimis si concurrant satis firma diagnosi habetur. Illa autem, quae ul-

D d 2

timo

(n) Coac. praenot. N. 501. Charier. Tom. VIII. pag. 81. (o) De capitis vulnere, cap. 31. Charier. Tom. XII. pag. 127. (p) Protrhet. Lib. II. Charier. Tom. VIII. pag. 818. 819.

timo hujus paragraphi numero recensentur, certam quidem dant notam, os laesum esse, sed tunc saepe lero noscitur malum, quod latuit haecenus, quod citius cognita medelam accipere potuisset.

Et ex haecenus dictis patet, quare periti Chirurghi nullum capitis vulnus, quantumvis leve videatur, negligant, vel perfunctorie curent; cum saepe latens ossis laesio vel periculosissimos fallere possit, & aliquando, solis integumentis laesis, subiectum os tamen a pure, aere &c. afficiatur.

§. 256. **E**ffectus hujus mali (254.) 1. partis osseae separatae mors. (249. 250. 251.) 2. infectio vicinorum. 3. hinc saepe totius ossis infecti putrefactio. 4. Caries diploes. 5. Integumentorum cranii, & cerebri corruptio. 6. inde mala affecti cerebri, convulsio, sopor, paralysis, apoplexia, mors.

1. Mors in osse fit a destructione arteriarum periostei ad os deferentium vitales humores, uti & venarum referentium eisdem humores simili abolitione. Quando ergo haec vasa omni effectu carent, lamella ossis mortua est, cui haec vasa prospiciebant. Sive jam pericranio laeso destructa fuerint vasa ad os tendentia, sive ossis ipsius laesione vasa inter ejus lamellas ex pericranio dispersa, vel & illa, quae per singularia foramina externa cranii tabulae insculpta ad diploen pergunt, fuerint destructa, effectus erit idem: nempe mors partis, vasis vitalibus humores adducentibus, & reducentibus orbatæ. Sed omnis pars corporis omni influxu humorum vitalium carens nunquam poterit recrelescere cum partibus vivis, sed semper debeat separari a partibus vivis vicinis; unde & lamellae osseae mortuae sic secidunt, & expelluntur, uti dictum fuit in Commentariis ad §. 249.

2. Cranii ossa variis lamellis sibi invicem incumbentibus constant, inter quas vasa tenerrima media feruntur; saltem antequam provecta ætate arctissime appressis ad se invicem lamellis haec vasa delata fuerint. Probatur hoc fuit in Commentariis ad §. 249., & confirmavit hoc pulcherrima illa methodus, qua leviter pertundebatur os, non tamen ad diploen usque; & tamen ex punctis pertulis emergebant vascula, quorum efficacia separabatur corruptum, & regenerabatur destructum Pericranium; uti dictum fuit in Commentariis ad §. 252. Adfuerunt ergo vasa in ipsa substantia ossea tabulae externae, quae, liberata incumbentibus lamellis osseis, & elongata, constituebant hanc vasculorum ex punctis fodicatis emergentium compagem. Mira habetur observatio apud Tulpium (9), quae hoc confirmat. Homini sclopeto in occipite icto, licet calvaria nullas rimas egisset, ob gravissima symptomata trepanum applicabatur; & dum terebram in capite circumageret Chirurgus, eruperunt per integrum os innumerae sanguinis guttulae, roris instar universam calvariam cooperientes; quibus spongia aliquoties deterfis, continuo novae repullulabant. Patet ergo, ex ipsa ossis substantia vasorum continuitate patere viam sanguini, ut per integri ossis extimam superficiem roris instar exire possit: si ergo superior lamella ossis v.g. mortua

tueri,

(9) Observat. Medic. Lib. I. cap. 2.

fuerit, malum hoc facile communicabitur vasculis subjectis, a quorum laesione afficitur sequens lamella; sicque malum poterit propagari per omnes lamellas tabulae externae, dein poterit ipsa diploe affici, & tabula interna simili modo corrumpi &c.

3. Ex modo dictis satis patet, destructis vasis vitam tolli in parte, unde corruptio mortui sponte sequitur. Et in commentariis ad §. 242. tale exemplum fuit allegatum, ubi post validam contusionem capitis, decem jam mensibus elapsis subito mortuo homine, inventum fuit cranium plane putridum, & foetidum. Apud Paraeum (r) habetur mirabilis casus, quo constat, cranium sic penitus putrescere posse, & putrescens separari, vita superstitente. Bregmati sinistro hominis ense vulnus inflictum fuerat, cum ossis laesione, quae tamen ad interiorem cranii tabulam non penetrabat. Consolidato jam fere vulnere, dum cum sodalibus calidissimis cibis, & potui meracioris vini liberalius indulerat vulneratus, acuta febre corripitur, cum sensuum, & loquacae abolitione, & ingenti capitis, & faciei tumore. Post aliquot dies apostema hic natum lanceola apertum dedit maximam ichoris copiam, & calvariae os subjacens nigrum, putridum, & foetidum apparuit per totam sui substantiam, & postea vivi vermes plurimi nidum hic fecerant. Os corruptum ad volae manus magnitudinem secessit; nec minus tamen a tam periculoso malo integre sanatus fuit, nisi quod cicatrix diu adhuc debilior, & admodum sensibilis remanserit.

4. Quando ossa corrupta in tenuem quasi pulverem fatiscunt, vocatur caries ossium, distincta omnino a separatione lamellarum corruptarum, quae per exfoliationem fit. Diploe inter binas tabulas cranii media, vasq; plurimis, & cellulosa ossis fabrica constat: adest hic & oleum medullare, tam cito corruptendum. Unde siue laesio ossis propagatione mali tandem ipsum diploen intecit, siue osse integro post validam contusionem fracta in diploe vasa humores suos effuderint; poterit ab utraque causa corruptio stagnantium, & extravasatorum liquidorum hic nasci, ab his corruptis vasa tenerima adhuc integra erodi possunt, sicque augeri malum: quod per cellulas diploes inter binas tabulas osseas proropens latissime se dispergere poterit: & simul facile apparet, diploe sic affecta, utramque calvariae tabulam pariter corrumpi posse, unde mala plurima sequuntur.

5. Pericranium convexam calvariae partem tegit; dura mater, internum cranii periosteum, concavae ejusdem parti firmiter adhaeret: utraque haec membrana vasa in os coniguum demittit, & ex osse recipit: & videtur admodum probabile, Pericranii vasa externam tabulam penetrantia in diploe communicare, & uniri similibus vasis a dura matre emissis, & per tabulam internam a diploen tendentibus. Dum ergo corruptum os cranii fuerit, & imprimis si diploe ipsa sic affecta fuerit, poterunt calvariae integumenta externa, & interna aequae affici continuitate vasorum; quam rem & confirmant historiae paulo ante memoratae. Sed, internis cranii integumentis sic affectis, contiguum molle cerebrum facillime afficitur, & corrumpitur; uti plurima observata docuerunt.

Omnes

D d 3

(r) Lib. X. cap. 22.

6. Omnes sensus, & motus arbitrarii a cerebro pendent, uti constat ex Physiologicis. Cerebro ergo corrupto, vel laeso, poterunt omnes ejus actiones, vel quaedam tantum turbari & aboleri, prout malum totam cerebri molem, vel qualdam tantum ejus partes, insecerit. Ubi autem lente prosperens malum ab osse laeso sensim ipsum cerebrum infecerit, saepe ordine hic recitato symptomata sequuntur. Aliquando nec opinantem hominem subita morte sic periisse testantur plurima observata. Sufficit hic notare, quod a levissima vertigine ad lethalem apoplexiam usque omnia cerebri affecti mala observata fuerint ab hac causa ortum duxisse.

§. 257. **E**X quibus (254. 255. 256.) & cognitio, & praedictio hujus morbi noscuntur.

Ex omnibus illis, quae paragraphis hic citatis dicta sunt, poterit determinari, quantum per artem licet, an calvaria laesa fuerit, an non: licet tamen, si causa vulnerans satis valida fuerit, semper aliquis metus sit latentis mali, quamvis sensibus nullo modo detegi possit: Dum v. g. calvaria in alio loco saepe finditur, quam ubi laesio facta fuit, uti dictum §. 254. Ubi autem per signa data constitit, calvariam laesam esse, tunc in Prognosi omnia illa metuenda sunt, quae praecedenti paragrapho enumerantur: non quod haec semper sequantur talem laesionem, sed tamen aliquando sequi possint. Prudentia postulat, ut haec omnia vulnerati amicis proponantur, ne postea sequentia mala medentis incuriae, non autem vulneris malignitati, adscribantur. Praeterea, & vulneratus & amici, qui ejus curam gerunt, moniti, tam gravia mala sequi posse capitis vulnera, etiam quae satis levia apparent, longe majori cura observabunt illa, quae tam in diaetae regimine, quam in cura vulneris, requiruntur; a quorum neglectu toties inopinato mors secuta fuit, cum omnia in vado crederentur.

§. 258. **E**T indicatur ad curationem. 1. loci laesi detectio: 2. mundatio. 3. terebratio ossis 4. ejus periosstei regeneratio 5. reliqui vulneris sanatio.

1. Multum dubitari potest, an semper absolute necessarium sit detegere locum laesum, licet magna suspicio adsit, calvariam laesam esse. An non posset cranium vulneratum, vel fissum iterum coire, uti in aliis ossibus corporis fit? Hinc videtur hic utrumque extremum vitandum esse, dum quidam Chirurghi omnibus capitis laesionibus, nullo fere discrimine habito, sectionem adhibent; alii vero nimis meticulosi vix etiam in gravissimis casibus hoc facere audent. Ruyschius (1), qui annofo artis usu in populosissima urbe tam multos casus viderat, dicit, etiam in vera cranii fractura, in qua symptomata non augentur, non statim ad incisionem, & terebrationem esse pergendum; sed post venae sectionem fomentis cephalicis calidis, larga copia applicatis, curam tentandam esse; additque, se sic felicissime operi tulisse

(1) Observat. Anatom. Chirurg. Centur. Observ. LX.

tulisse multis, quibus jam scalpellum imminabat. Apud Celsum (1) hoc jam habetur. Dicit enim, antiquiores Medicos in omni fisso, vel fracto osse statim ad foramenta venisse, quibus id exciderent. Sed multo melius est, ante Emplastra experiri, quae calvariae cunsa componuntur &c. Voluit sic debere hoc tentari usque ad diem quintum: si autem caruncula increscere coeperit. & febricula aut soluta fuerit, aut levior, & cupiditas cibi reverteris, fassit quo somni accedat, in eodem medicamento erit perseverandum &c. Hoc ratione saepe rimae callo quodam implentur, estque ea ossis velus cicatrix. Et latius fracta ossa, si qua inter se non cohaerebunt, eodem callo glutinantur. Estque id aliquanto melius velamentum cerebro, quam caro, quae exciso osse increfcit. Si vero sub prima curatione febris intenditur, brevesque somni, & iidem per somnia tumultuosi sunt, ulcus madet, neque alitur, & in cervicibus glandulae oriuntur, magni dolores sunt, cibique super haec fastidium increfcit; tum deum ad manum scalpumque veniendum est.

Unde patet, imprimis ex symptomatum vehementia, & malignitate, determinari, an osse laeso locus affectus detegi debeat, an vero ipse fit, ossis lacionem sine sectione posse curari.

2. Quae hic intelligitur mundatio, vel artificialis est, per quam nempè tolluntur omnia illa, quae in vulnere facto inveniuntur talia, ut cum vivis partibus amplius uniri, & recrefcere nequeant: verbi gratia thrombi sanguinis concretis, fragmenta ossis undique libera, membranae corruptae &c.: vel est naturalis, quando per suppurationem factam secedunt omnia illa, quae vivis partibus licet adhuc aliquatenus, cohaereant, tamen illis iterum uniri, & concrefcere non possunt. Utroque modo tolluntur illa, quae vulneris consolidationem impedirent, quamdiu in vulnere haerent.

3. Agitur hic de illa terebratione, quae minutis cuneolis fit, uti dictum §. 252. non autem de illa perterebratione cranii, qua magnus orbiculus ex calvariae osse excinditur trepano proprie dicto.

4. Nunquam enim integumenta ossi accrescunt, quamdiu nudum est; sed prius debet recrefcere nova membrana ablato periosteo similis, quae vasa in os subiectum deducit, & inde redeuntia recipit. Hoc autem fit minutis foraminulis perforata calvaria, ut vasis vivis subiectis detur exitus, quae tunc elongata retexunt talem membranam.

5. Omnibus his peractis, quae numeris praecedentibus dicta sunt, sanatio vulneris satis facilis est, & perficitur illa methodo, quae descripta fuit §. 245.

§. 259. **L**ocus detegitur. 1. incidendo tegumenta laesa per scalpellum recta, angulosa perpendiculari, decussata sectione, in os usque impressa, caute in fractis, & vacillantibus fragmentis, varia electa pro varietate loci, & mali. 2. separando a cranio exacte per scalpum. 3. infarctu carpti lintei.

D d 4

Postquam

(1) De Medicin. Lib. VIII. cap. 4. pag. 517.

Postquam vulneris conditio, & symptomata vulnus secuta docuerunt, locum affectum debere sic detegi, ut oculis, manibusque pateat tota vulneris superficies, tunc hoc fit sequenti modo.

1. Capillis prius novacula derasis, exploratur loci laesi magnitudo, & situs respectu futurarum, musculorum, tendinum &c.; tuncque primo determinatur, quali sectione opus sit; an, v. g., una sectio per medium locum laesum sufficiat, an vero requirantur binæ sectiones; quæ iterum pro vario modo, quo concurrunt, maiorem, minoremve ossis partem denudabunt. Si enim binæ sectiones sic concurrant, ut angulum forment, poterit denudari os toto spatio, quod hujus anguli lateribus comprehenditur: si vero una sectio ducatur per lineam tangentem loci laesi, & altera perpendicularis per medium locum laesum ducatur ad priorem, patet facile, duplo majus spatium sic nudari: si jam eadem perpendicularis sectio producat, ut secet priorem in puncto medio, patet, quatuor sic angulos nasci, unde quadruplo majus spatium nudabitur ac in illa sectione, ubi binæ lineæ concurrunt in unum angulum. Vocatur hæc decussata, sive cruciformis integumentorum sectio: quæ cum omnium maximum spatium denudet, hinc illam commodissimam esse voluit Celsus (u), quæ duabus transversis lineis litteræ X. figuram accipit, ut deinde a singulis procedentibus angulis cuius subsequatur. Eligitur jam sectio talis, quæ sufficit, ut locum affectum nudet: & patet, simplicem sectionem requiri, ubi tam parvus est locus laesus, ut dehiscenribus vulneris facti labiis in conspectum venire possit. Angulosa autem sectio conveniet, ubi locus laesus non quidem valde magnus est, major tamen, quam ut simplici sectione nudari possit. Ubi autem majus spatium detegi debet, usum habet sectio recta, ducta tangentis instar ad limitem loci affecti, cui deinde altera perpendicularis additur per medium locum laesum transiens. Ubi vero amplius admodum locus detegi debet, sectione recta per medium locum affectum ducta, altera similis priori perpendicularis, illamque per medium secans, superadditur; sicque quatuor dissectorum integumentorum angulis elevatis totum illud spatium, quod binis illis sectionibus continetur, nudari potest.

Debet autem sectio fieri cultello acuto, & satis forti, ne acies facile obundatur; dura enim, & callosa est calvariae cutis, & validam satis sectionem requirit. Cultelli autem acies statim debet ossi ipsi imprimi, & sic ipsum os radendo dissecandi simul pericranium una, & eadem sectione; ne quid ex ipsa membranula, quæ sub cute calvariam cingit, relinquantur: siquidem hæc scalp, teretibusve lacerata vehementes febres cum inflammationibus excitat (v). Nisi enim firmiter ipsi ossi maneat appressus cultellus, dum integumenta dissecantur, debebit postea Pericranium adhuc dissecandi. Verum quidem est, sic cultello crenam duci in ipso osse; sed hoc evitari nequit, & detecto loco illa ossis laesio poterit satis facile curari.

Cum igitur ad hanc rem requirantur, ut satis valida manu cultellus ipsi ossi apprimatur, patet, summa cautela prius explorandum esse, an forte calvaria sic fracta sit, ut fragmentum posset deprimi, dum cultellus ossi appri-

(u) De Medic. Lib. VIII. cap. 4. pag. 516. (v) Celsus ibidem.

apprimitur; unde pessima mala, & mors ipsa, sequi possent; uti aliquando tristibus exemplis constitit. Ubi ergo digitis undique palpiando aliquid vacillare deprehendimus, sectio sic dirigitur, ut ille locus eviteatur. Ubi autem simul valida contusio magnum tumorem in loco affecto fecit, saepe non sine difficultate explorari potest, an os fractum vacillet, an non.

Simul cavendum est, quantum fieri potest, ne majores arteriae, per integumenta dispersae, dissecentur; simulque vitari debent insignes nervorum rami hic dispersi, v. g., in fronte supra oculi orbitam &c. ut & musculi, tendines, suturae &c. Horum omnium situs ex Anatomicis cognoscitur.

2. Pericranium satis firmiter cranio vasis emissis, & receptis adhaeret, uti antea dictum est; hinc licet omnia integumenta una cum Pericranio discissa fuerint, tamen lata adhuc superficie cranio cohaerebunt; unde, antequam nudum os in conspectum venire possit, Pericranium a calvaria separari debet. Aliquando elevatis angulis dissectis Pericranium sequitur, & ab osse secedit, imprimis, quando laxius osse adhaeret, ut in senioribus observatur. Dum vero fortius adhaeret, uti saepissime fit, eburneo imprimis, & politissimo scalpro citissime abraditur a calvaria, non sine summo dolore, nisi aeger hebes penitus, aut soporosus fuerit, uti saepe in gravioribus capitis vulneribus contingit. Optandum ergo foret, ut juniores Chirurgi in vitulinis, vel ovillis capitibus se exercerent, ut discant scalpro subducto Pericranium a calvaria subito separare; in hominibus enim hoc addiscere crudele est, & periculosum.

3. Separatis sic omnibus integumentis, sanguis effluens plerumque impedit, quominus accurate detegi possit osse nudati laesio; unde, nisi summum periculum urgeat, solet differri ulterior investigatio in sequentem diem, vel saltem per aliquot horas expectari. Ne autem partes recenti vulnere divisa iterum concrecant, quod citissime fieri observatur, plumaceola plana mollissima nudo osse imponuntur sub integumentis elevatis, sic hoc impeditur, & sedata Haemorrhagia, amotisque plumaceolis, tota superficies osse nudati in conspectum venit, elevatis integumentis dissectis. Sic enim minimo labore amplissimum vulnus sequenti die futurum monet Hippocrates (w), qui etiam jubet cataplasma imponi, ex polenta tenuissima aceto incocta, donec quammaxime glutinosa fiat, ad praecavendam nempe nimiam inflammationem. Plumaceola enim haec sicca absorpto cruore, vel aliis liquidis, tument, & dilatant vulnus factum, quod semper quandam irritationem, & inflammationem facit.

§. 260. CRUOR, pus, sanies, sordes, spongiolis absorbentur; fragmenta, festucae, squamae ossis, si parva, libera ab omni membrana, oculo mox patentia, sunt, eximuntur vossella; vel solvuntur forfice; quae mundatio artificialis.

Amotis

Amotis dein plumaceolis, absterfo cruore, omnibusque aliis sordibus, quae impediunt, quominus ossis detecti superficies undique oculis pateat, omni cura investigandum, an aliquid lateat mali, quod tolli, vel corrigi debet. Si vero in osse nudato nihil fracti, vel confusi appareat, & nulla detegatur rima, nec ulla suspicio sit, sub calvariae osse extravasatos haerere humores, qui cranio in hoc loco perterebrato educi possint, vulnus factum iterum consolidandum est. Peritissimis enim Medicis aequae ac Chirurgis aliquando contigit hic errasse, licet ex signis evidentibus conclusissent, sub loco jam aperto haerere aliquid mali. Plurima apud Obiervatores habentur exempla, quae hanc rem confirmant: monuerat Hippocrates in loco allegato §. 254., quod aliquando os frangatur alia capitis parte, quam qua vulnus est: & in Commentariis ad §. 254. quaedam ex optimis Auctoribus recensitae fuerunt observationes, quae evincunt, semper hic aliquid dubii esse posse. Praestat ergo, vulneratum, ejusque amicos praemonere, quod quidem omnia signa doceant, locum affectum discendum esse, ut latens malum detegatur, posse tamen aliquando in alio, & saepe satis disto calvariae loco, haerere noxam. Unde prudentes Chirurgi semper Medicum, vel alios Chirurgos vocari jubent, ut communi consilio concludatur, quid agendum sit in similibus casibus; sicque testes habeant, omnia secundum artis regulas peracta esse, quamvis eventus non respondeat votis.

Ubi vero constat os nudatum laesum esse, indicatio generalis (§. 185. N. 1.) docet, auferenda esse illa omnia, quae curam vulneris impedire possent. Liquida effusa hic haerentia spongiosis, vel linteis carptis siccis facile absorbentur: fragmenta vero ossis, vel & festucae, & parvae squamulae secedentes, vel inde separatae per instrumentum vulnerans, possunt considerari tanquam corpora heterogenea, quae ibi relicta nocere possent, saltem vulneris curam multum retardare. Sed uti dictum fuit (§. 186. 187.) primo expendendum est, an sine damno tolli possint; an vero tutius ibi relinquantur, donec sponte separentur, & excidant. Si enim fragmenta haec ossis parva fuerint, nec vivis partibus cohaereant adhuc, nulla spes est iterum uniri posse, & tuto auferri possunt instrumentis idoneis. Cum autem a libero accessu aeris ossa, periosteio nuda, pessime afficiantur, uti dictum est §. 250.; requiritur praeterea, ut haec fragmenta oculis sic pateant, ut statim tolli possint, neque opus sit diu instrumentis tale vulnus scrutari. Periculololum pariter, fragmenta ossea membranulis adhuc haerentia vi avellere; cum & magnus dolor, & nexus pericranii cum dura matre, imprimis circa suturas, pessima possent producere mala; tunc enim melius, si tolli debeat, forcice abscinduntur.

Illam autem depuratio vulneris, quae sic manu, vel instrumentis fit, vocatur mundatio artificialis; ut distinguatur ab illa, quae sponte orta supuratione perficitur, & naturalis ideo vocatur.

§. 261. **E**Adem nimis magna, haerentia vivis, abscondita, relinquantur, nam vel sponte separentur, vel recrecent ad viva. Haec mundatio naturalis.

Ubi

Ubi autem fragmenta calvariae magna valde sunt, examinandum est, an sic corrupta fuerint jam, ut nulla spes sit, quod iterum uniri possint reliquo ossi. Hoc autem imprimis cognoscitur ex colore mutato. Si enim fragmentum tale flavum, fuscum, vel jam nigrum est, non recreset; sed vel sponte separabitur postea, vel tollendum est statim, si commodè fieri possit. Quando autem colorem adhuc naturali similem habent talia fragmenta, & imprimis si adhuc cohaereant cum pericranio, magna spes est, quod recrefcere possint. Accidit aliquando in majorum ossium fracturis, tibiae v. g., vel femoris os binis locis sic fractum esse, ut medium fragmentum ab utraque parte liberum sit; & tamen observatum fuit saepius, tale fragmentum iterum concrevisse cum reliquo osse: unde patet, non desperandum esse in similibus cranii fracturis. Observationes Chirurgicae hanc rem omnino evincunt. Homini solea ferrea mulus tam validum ictum capiti impeg erat, ut frontis os fractum, & intropressum esset. Trepano excidebatur orbiculus ex calvaria, ut os fractum, & intropressum commodè elevari, & tolli posset. Cum autem fractura a medio frontis ad oculi cantum minorem pergeret, non audebat tollere Paraeus tantam ossis portionem, sed elevavit os fractum sic, ut duram matrem non amplius posset comprimere; & feliciter curatus fuit vulneratus (*). Sed & integre separatum a reliqua calvaria ossis fragmentum, cohaerens tamen adhuc Pericranio, iterum recrevit. Capiraneo cuidam ense ossis frontis magna portio abscissa fuerat, circiter trium digitorum longitudine, & latitudine, sic ut nulla esset omnino dura mater. Tam magnum ossis fragmentum, Pericranio adhuc cohaerens, una cum integumentis supra faciem reclinabatur horrendo spectaculo; & jam cogitabat Paraeus, ut totum reseccaret: metuens tamen, ne tanto vulnere nudata dura mater pessime afficeretur, detergo sanguine, qui duram matrem tegebat, iterum adaptevit os abscissum una cum integumentis, & levi sutura in tribus locis firmavit, ne loco facile moveri posset. Pulcherrimus successus docuit, quantum sperari possit in similibus casibus, cum tam ingens ossis integre resecti portio in homine pluribus adhuc aliis plagis saucio recrefcere posuerit (†).

Quamdiu ergo vivis partibus adhuc cohaerent talia fragmenta, relinquenda videntur; spes enim est, iterum uniri posse reliquo ossi: & si hoc non succedat, & signa docuerint, ossa haec separata incipere corrumpi, semper poterunt eximi, vel & sponte separabuntur. Unde simul patet, noxium esse, nimis curiose scrutari capitis vulnera, ut fragmenta ossis, quae non statim oculis occurrunt, tollantur. Si enim adhuc aliqua sui parte cohaereant vivis, poterunt uniri, vel sponte per suppurationem secedent, si recrefcere nequeant. Naturam saepe solam sibi sufficere etiam in periculosissimis casibus, docet sequens Historia. Puellae novem, vel decem circiter annorum caesim ense inflicta fuerant octodecim vulnera capiti, praeter alia quaedam, quae brachia, & truncum corporis laeserant. Omnia haec capitis vulnera calvariam laeserant, ossisque portiones quaedam ad diploen usque ablatae

(*) Les Oeuvres d'Ambroise Paré liv. X. chap. 6. (†) Ibid. chap. 7.

ablatae erant; aliis in locis tota calvaria ad duram matrem usque ablata erat. Idoneo apparatu deligabatur tam misere vulneratum caput, & singulis binis diebus tantum denudabantur vulnera. Singulis autem deligationibus ossis frustula plumacolis adhaerebant, & sic secedebant sine molestia. Illa fragmenta autem, quae Pericranio adhuc cohaerebant, concredebant iterum, & prompte replebantur loca, ubi calvaria integre ablata fuerat; sic ut quia, quae septimanarum spatio tot plagis faucibus convalesceret haec puella (2). Sed in hoc casu nulla mundatio artificialis locum habuit, sponte per supurationem separata fuerunt omnia illa, quae recrescere non potuerant.

Prudentissimum ergo est monitum Hippocratis, dicentis: *Quae vero ossa intus subsederunt a naturali suo statu, fracta, aut late omnino praecisa, minus haec periculosa sunt, si membrana integra fuerit: & rimis pluribus, & latioribus intus confracta minus periculosa sunt, & facilius eximuntur; neque quidquam horum sectione (serrae) indiget; neque cum periculo tentandum est ossa auferre, priusquam sponte sursum cedant &c. (a).*

§. 262. **S**I os contusum, album, fuscum, lividum, fissumve apparet, minutis hinc inde foraminulis perterebrandum, ut praescriptum (252.), ita enim viva exeunt, & mortua expellunt cito.

Aliquando contingit, ut ablatis integumentis nulla quidem fractura in osse reperiatur, & tamen os male affectum sit. Hoc imprimis observatur, ubi obtusum fuit instrumentum vulnerans, vel quando homo ex alto de-lapsus planae superficiei valide impeerit caput. Tunc enim vel inditur os cranii; saepe integris licet manentibus capitis integumentis; vel pericranium, inter resistens obstaculum, & duram calvariam subiectam, sic premitur, & atteritur, ut frangantur vasa, quae ex Pericranio in calvariam tendunt, & vicissim ex hac in Pericranium redeunt; unde aboletur omnis vitalis influxus in lamellam calvariae Pericranio contiguam. Patet satis ab iisdem causis posse laedi vasa, quae inter lamellas cranii media decurrunt, unde augmentum mali fit. Cognoscitur autem, talem contusionem, & destructionem vasorum in cranii osse obtinere, ex colore ossis mutato. Naturaliter enim ossa viva, & sana colorem subrubellum, vel ex albo caeruleascentem habent; quia vasa vitalia, colorato liquido plena, per albam ossis lamellam, & prae tenuitate pelluentem, talem colorem exhibent. In omnibus illis ergo locis, ubi a contusione destructa sunt vasa supposita lamellis ossis, albedo erit: unde & §. 255. N. 6. inter signa calvariae laesae numerabatur, si punctis pallidis coloratum cranium appareret: & Belloste (b), postquam nudam Pericranio calvariam minutis foraminulis perterebraverat, primum signum felicitis successus memorat, quod os inciperet subrubescere; manifesto nempe indicio, vitam redire in osse, antea vitali humorum influxu privato. Ubi autem os vasis suis destructis incipit corrumpi,

(*) Belloste Chirurgien d'Hôpital pag. 82. (a) Hippocrat. de Capit. vulner. cap. 28. Charter. Tom. XII. pag. 126. (b) Chirurgien d'Hôpital pag. 76. 78.

corrumpi, tunc color albus in flavum, fuscum, lividum, imo nigrum omnino mutatur; eo semper majori corruptelae gradu, quo magis a naturali colore recedit, uti dictum fuit in Commentariis ad §. 249.

Cum ergo in tali casu metus sit, ne ossis haec corruptio subjectas lamellas contiguas similiter inficiat, ad ipsamque diploea pergat, unde & subjecta tabula vitrea, & deinde ipsum encephalon infici poterunt, imprimis cum fractis valis effusi humores, & corrupti per integram contusi ossis superficiem exire nequeant: apparet iterum pulcherrimus usus methodi §. 252. descriptae, qua nempe minutis hinc inde foraminulis perterebratur calvaria, ut effusi humores exire possint, & vasa viva supposita, duro hoc tegmine mortui ossis libera, emergere, & separare illud, quod mortuum, & corruptum est. A vivis enim valis suppositis solum expectandam esse separationem ossis corrupti, jam indicavit Hippocrates (c): postquam enim monuerat, ossa fracta non esse educenda cum periculo, nisi sponte sursum cedant, dicit: *sursum autem cedunt, carne subnascente; subnascentur autem ex diploe ossis, & ex sano (osse), si superior tantum ossis pars corrupta fuerit.* Sola observatione sic didicit Hippocrates illud, quod postea recentiorum industria confirmavit: carnem enim vocaverunt antiqui Medici, (& etiam recentiores eodem vocabulo usi sunt) vascularem illam compagem, quae in vulneribus renata iacturam substantiae restituit. Et pulchre addidit, hanc ex diploe succrescere, per quam adeo manifesta vasa disperguntur; imo &, superioribus tantum lamellis corruptis, talem carnem renalcem ex sano osse supposito, non ex diploe, manifeste indicat.

Ubi autem fissura adest, eadem haec methodus pariter prodest. Omnia enim mala, quae fissuram sequuntur, imprimis ab eo pendunt, quod plurimorum vasorum ruptura facta fuerit, nec pateat facilis exitus liquidis extravasatis; unde corruptela ossis, & omnia, quae inde pendunt mala, sequuntur. Minutis vero foraminulis circa fissurae locum pertuso osse, exitus patet extravasatis humoribus, & facilis habetur via, qua vasa viva elongata prodire possunt, & retexere novum Pericranium.

Quam subito autem hac methodo perficiatur cura etiam in satis notabili ossis laceratione, patuit ex illis, quae dicta sunt in Commentariis ad §. 252., & 253.

§. 263. **Q**UO ipso (262.) periostei regeneratio cita (252.).

§. 264. **S**Anatio tum reliqui descripta est (245. 246. 247. 248. 253.).

De his omnibus in numeris hic citatis dictum fuit. Simulac enim novum Pericranium sic recrevit, tunc reliquum curari debet instar vulneris capitis, quod sola integumenta laesit communia.

§. 265.

[c] De Capit. vulnere. Cap. 28. Charter. Tom. XII. pag. 126.

§. 265. Inde patet, cur angusta fissura periculofior faepe, quam ingens cranii contusio (256.).

Omnes Medici, & Chirugi periti in hoc consentiunt, fissuram calvariae faepe longe majus discrimen adferre, quam validam contusionem, imo & fracturam ossis.

Fissura enim difficilior cognoscitur, & faepe non detegitur, nisi sero, imprimis si circa futuras haereat, vel & externa calvariae tabula integra manente sola interna tabula fissā sit; uti & dum alio loco calvariae os fissum est, quam ubi vulnus haeret. Accedit, quod fissura, licet oculis appareat, saepe longius excurrat, quam ut tuto tota possit detegi discissis integumentis. Omnia autem haec aliquando sic contingere, probatum fuit fidelissimis observationibus in commentariis ad §. 254 memoratis. Dum vero ingens laesio ossis facta fuit, sponte patet; & magnitudine mali incitati Medici, & Chirugi omne molimen artis adhibent, ut praecaveant metuenda mala. Fissura tam faepe latens, imo quandocumque nullo signo detegenda, vel periculosissimos fallere potest, quod de se ipso Hippocrates tam ingenue fassus est.

Alterca causa, quare angusta fissura tam periculosa habeatur, est, quia non potest certo cognosci, quo usque penetraverit, an ad diploen usque, an etiam profundius. Si jam ad diploen usque fissā fuerit calvaria, magna satis vasa fracta erunt; effusi humores non poterunt per angustam ossis rimam transire; corrumpuntur; destruent teneram illam cellulosa ossis partem, quae diploen constituit; proserpere poterit malum inter binas calvariae tabulas, & corrumpere omnia. Erofa dein interna cranii tabula, Encephalon ipsum poterit affici, & sic subito perit homo, dum nullum creditur latere malum; & post mortem totum os corruptum invenitur. Plurima talia habentur apud Observatores Exempla. Ubi autem ingens cranii laesio facta fuit, patet exitus humoribus extravasatis, vel per artem fieri poterit, & vasa viva supposita omne corruptum poterunt separare. Ideo tam felix saepe cura fuit gravissimorum etiam capitis vulnerum una cum insigni ossis laesione; dum levis fissura, sero tantum cognita, nihil mali metuentes faepe inopinato de medio sustulit. Ideo Hippocrates ausus fuit pronunciare: *si os (calvaria) fractum fuerit, & contusum, periculo caret &c. si vero fissum fuerit, & fissura intro procedat, admodum est periculosum (d)*. Additque, ferram adhibendam esse, ne sanies per ossis fissuram affluens meningem putrefaciat. Et alibi (e) ossa capitis fracta, vel late admodum praecilia, vel rimis pluribus, & laioribus divisa, minus periculi habere affirmat. Accedit praeterea, quod nunquam findi possit calvaria, quin simul plus minusve contusa fuerit (f): unde eo major numerus valorum, in ipsa ossis substantia, vel per diploen decurrentium, frangitur; hinc omnium malorum augmentum.

§. 266.

(d) Hippocrat. de locis in homine cap. 11. Charter. Tom VII. pag. 371.

(e) Hippocrat. de Cap. vulner. cap. 28. Charter. Tom. XII. pag. 126.

(f) Ibid. cap. 6. Charter. Tom. XII. pag. 118.

§. 266. **E**T patet, hanc methodum (252. 262.) praefere-
dam usioni, scalpris, trepanis Veterum in his
malis. (249. 254. 256. 262.)

Ex illis, quae dicta sunt in commentariis ad §. 252. patuit, levem illam
perterebationem calvariae pluribus foraminulis cito, & tuto simul sanare
haec mala; unde videtur merito praeferenda esse reliquis methodis. Licet
autem apud Hippocratem, uti dictum fuit, jam hujus rei vestigium habeat-
ur, tamen frequenter usi fuerunt scalpris, ut deraderent ossis male affecti
partem. Si tamen perpendantur omnia, quae necessario sequuntur hanc ossis
affecti ablationem, patebit, minus tutum hoc esse, & longe tardius sic cu-
ram perfici. Ussionem ferro candenti commendaverunt quidem Chirurgi,
ut os corruptum separaretur: sed non memini, apud Hippocratem in lachione
calvariae, uti nec apud Celsum, hujus mentionem factam fuisse; & certe
difficile admodum foret sic adurere partem ossis corruptam, ut non lae-
deretur pars integra ossis subiecta; quae ergo iterum separari deberet, ante-
quam curatio posset expectari.

Ubi autem angusta rima in osse cranii fisso apparebat, vel & teli vesti-
gium in osse relictum erat, tunc scalpris variae magnitudinis, & figurae,
pro varia mali magnitudine, & figura, utebantur, quibus os radebant,
donec rima, vel teli vestigium deleveretur. Et, ut certi essent rimam talem
sic delatam esse, prius atramento scriptorio, vel alio nigro liquore (vide
§. 255. N. 4.) tingebant os nudatum, ut coloratum tale liquidum in rimam
penetrans ostenderet, quo usque penetraret; pergebant enim radendo, donec
totum illud nigrum deleveretur. Ubi vero altius descendebat rima, neque
radendo tolli poterat, tunc terebram adhibebant, ut magnam ossis partem
excinderent (g). Ubi vero latior locus calvariae contusione laesus fuerat,
& signa docerent os corruptum esse, tunc utebantur trepano exfoliatorio
dicto, quod binis cuneis contraria directione positis constabat, quibus cir-
cumrotatis abradebatur calvariae superficies orbiculari plaga. Quia convexa,
& in quibusdam locis inaequalis est cranii superficies, facile patet non adeo
aequaliter sic posse abradi illud, quod corruptum est. Sed praeterea post-
quam radendo scalpris, vel tali trepano exfoliatorio rima deleta erat, vel
ablata ossis corrupti pars, tunc superficies ossis abraha mortua est, destructis
nempe omnibus valis; hinc separari debet, antequam iterum noverit illi
increlescere Pericranium. Apparet ergo ab his operationibus non multum boni
expectandum esse. Illa autem methodo §. 252. pulchre fenestratio corrupti
perficitur, eademque opera regeneratur perditum brevi tempore.

§. 267. **C**Ranium in junioribus intropressum, in adultiori-
bus post fracturam intropulsum, Cerebrum pre-
mit; pro varietate loci pressi, pro varia magnitudine, pro-
fun-

(g) Ibidem cap. 23. & 24. Charter. Tom. XII. pag. 224. 225.

funditate , acutie , punctura prementis , producit hebetudines , sopores , vertigines , tinnitus , caligines , deliria , vomitum bilis , dolores capitis , convulsiones , paralyfes , lotii , faecumque spontaneum exitum , apoplexias , febres , mortem .

Postquam dictum fuit de illis malis , quae ossis cranii laesioes sequuntur , sequitur , ut videamus , quid futurum sit , si calvaria intropressa , vel post fracturam intropulsa , contentum encephaloo compresserit , vel laeserit . Constat ex Geometricis , circum inter figuras Isoperimetros maximam habere aream ; sed calvariae figura ad sphaericam accedit : hinc intropressa calvaria , minuetur ejus capacitas . Notum est porro ex Physiologicis , cranii cavum semper plenissimum esse io sanitate ; unde reflecta calvaria statim contentum encephalon exsurgit sic , ut nunquam possit iterum adaptari reflecta pars , nisi vi adhibita . Patet ergo , quod simulac mutata fuerit calvariae figura per intropressionem , necessario comprimantur contenta ejus cavo .

Sive jam figura cranii convexa mutata fuerit per intropressionem sine fractura , sive os fractum loco suo pulsus depressum fuerit ; effectus erit idem , nempe cerebri contenti compressio . In Juuioribus talem intropressionem possibilem esse siue fractura calvariae , molities io hac aetate fere persuadet : longe major firmitas in adultis difficilior hoc fieri posse sine fractura docet . Hippocrates (*b*) , varias fracturarum calvariae species recensens , tertio loco eoumerat hanc introcessionem , quam *τετραευ* vocavit ; dicitque , semper tunc simul rimas adesse : *Quod enim introprimitur , ab alio osse naturaliter se habente abruptum fractumque introcedit ; itaque sane huic intropressioni rimam accedere necesse est* . Longe tamen mollior est os sium humani corporis in vivente substantia , quam in sceletis exsiccata : apparet : hinc forte non omnino impossibilis , licet rarior , calvariae depressio in adultis , non decrepitis tamen , sine fractura .

Cum autem ab illis , quae cranii cavo continentur tota vita , & humanitas peodeant , totumque encephalon molle sit , & facile comprimendum ; patet , intropresso cranio turbari posse , imo & integre deleri omnes functiones , quae ab encephali integritate pendent . Quia autem cerebellum firmiter substantiae est , & tutius reconditur , quam ipsum cerebrum ; hinc damna , a calvariae intropressionem orta , semper fere cerebri actiones laedunt primario , tandemque propagato malo cerebelli actionem , a qua vita peodet , tollunt . Simul patet , effectus hujus mali admodum varios esse posse , prout diversa cerebri loca comprimuntur , & prout causa comprimens majori , minoore vi agit ; vel etiam dum abrupta ossis fragmenta acuta cerebri substantiam ipsam vulnerant majori , vel minori profunditate . Levem etiam cerebri compressionem turbare posse ejus actionem , raro constitit Exemplo . Mulieri dimidia cranii olla ablata fuerat , quam circumferebat ossiatum stipem petens : nudam duram matrem dum digiti apice leviter quis tangeret , vali-

(*b*) De Capit. vulner. cap. 8. Charter. Tom. XII. pag. 118.

valide exclamavit dicens; se millenas videre candelas (i). Symptomata autem, quae compressionem encephali ab hac causa factam sequuntur, enumerantur sequentia.

HEBETUDINES. Quae levissimam tantum cerebri compressionem sequuntur. In omnibus illis, quibus a lenta, & frigida causa apoplexia nascitur, prius talis insolita hebetudo sensuum omnium, & tarditas ad motus musculares exercendos, observantur: quae designat, sensum accumulari in cranio tales humores, qui levi compressione obtundunt sensuum omnium vivacitatem, tandemque aucta copia penitus tollent. Si jam calvaria intropressa leviter sic cerebrum compresserit, simile malum oritur, aliquando tota vita manens, si non tollatur causa comprimens. Tale exemplum habetur apud Hildanum (k). Puero decem annorum, felicissimo ingenio praedito, casu cranium circa futuram Lambdoideam impressum fuerat; cum nulla graviora symptomata sequerentur, neglectum fuit a parentibus hoc malum, mansitque haec ossis impressio: incepit sensum memoria, & intellectus imminui, sic ut nihil addiscere potuerit, vivitque sic stupidus omnino ad quadragesimum aetatis annum, tuncque peste correptus perit. Similis hebetudo etiam observatur, quando sanguis nimia copia distendit vasa majora in plethoricis, vel in morbis acutis velocitate aucta, & majori rarefactione dilatat vasa sic, ut pulposa cerebri substantia incipiat comprimi.

SOPORES. Qui auctam cerebri compressionem indicant: simulae enim illae causae, quae hebetudinem fecerant, augentur, oritur somnolentia, & tandem profundissimus somnus, & lethalis, nempe apoplexia. Unde inter illa signa, quae docent capite vulneratum periculose affici, recenset Hippocrates altum soporem, & tenebrosam vertiginem [l].

VERTIGINES, CALIGINES. Vertigo omnium fere morborum cerebri levissimus est, & plerique capitis morbi, imo fere omnes inde incipiunt; & curati pro ultimo symptomate vertiginem relinquunt. In omni vertigine plerumque est rotatio apparens rerum extra nos positarum, & naturaliter quiescentium; aliquando videntur omnia ex alto deorsum labi, & contra. Quando increvit malum, incipiunt apparere colores varii in objectis; mox sequitur vacillatio omnium musculorum; incipiunt sic affecti metuere ne labantur, obvia quaequeprehendunt, ut se sustineant, enervatur totum corpus uno momento sic, ut cadant, simulque tenebrae densissimae omnem sensum vitium tollunt; hocque est ultimum, quod sentiunt: si enim pergat malum, in Apoplexiam, Epilepsiam, vel animi deliquium terminatur.

Levissima ergo vertigo est, ubi omnium objectorum rotatio apparet; aucto malo, tenebrae fiunt, tunc *enervatur*, id est, tenebrosa vertigo vocatur: tandem cadunt sic affecti. Tria haec in loco modo citato notavit Hippocrates, signa graviter capite vulneratorum recensens. Si tenebrae circumfundantur, & vertigo, vel & ceciderit. Dum Antiochus hostem in fronte sic

(i) Academie de Sciences l'An 1700. Hist. pag. 57. (k) Observat. Chirurg. Censur. 3. observ. 22. (l) De vulner. Caput. cap. 15. Charter. Tom. XII. pag. 231. E. e.

fic vulnerat, ut lanceae cuspidis os penetraret, tenebrae oculos cooperuerunt, dixit sapiens Homerus (m).

Simplex ergo vertigo levem tantum compressiunculam cerebri indicat; tenebricosa vero auctum malum designat: sublata autem causa comprimentis, tollitur. Unde dum in morbis acutis impetu, & copia sanguinis distenta vasa majora cerebrum comprimunt, oritur talis tenebricosa vertigo, quae narium Haemorrhagia tollitur, uti monuit Hippocrates in Praenotionibus Coacis (n) dicens: *Tenebriosas vertigines ab initio sanguinis e naribus fluxus solvit*. Ut distingueret nempe a simili vertigine, quae non adeo in morbi initio, sed tardius saepe apparet, corrupta per morbum bile, vel aliis fordibus circa praecordia collectis.

TINNITUS. Vertiginem tenebricosam fere semper comitatur molestissimus in auribus sibilus, ac si millepae tinnientes campanulae audirentur. Ubi autem sine causa externa talis sibilus percipitur, vocatur tinnitus aurium. Ille autem aliquando oritur ipsius organi auditus vitio, illoque etiam levissimo; tunc digito auriculari in meatum auditorium immisso, & agitato, vel & trago auriculae compresso, tolli solet satis cito; neque tunc aliquid mali portendit. Ubi vero ab ipso cerebro affecto aurium tinnitus oritur, tunc non facile cedit, & per annos saepe molestus est; apoplexiae tandem secuturæ, vel & Epilepsiae signum: uti in Coacis Praenotionibus habetur (o). Eandem causam agnoscit hoc symptoma, ac vertigo, & graviores capitis laesiones fere semper sequitur.

DELIRIA. Cerebrum esse illud organum corporeum, a cujus integritate idearum perceptio, illarum combinatio, judicium inde sequens, animi affectus &c. pendent, ex Physiologicis notum est. Ubi autem idearum ortus non respondet externis causis, sed ab interna cerebri mutati dispositione pendent, delirium adesse dicitur. Compresso autem cerebro ob mutatam calvariae figuram turbari possunt omnia, quae ab hujus organi illibata actione fiunt in corpore. Observatur enim, plerisque, qui a nativitate fatui sunt, vitiatam habere capitis figuram: & Hippocrates, ubi recenset funesta symptomata, quae sequuntur calvariae laesionem quancunque, si non adhibeatur debita cura, tandem addit, quod delirantes moriantur (p). Ex alibi saepius delirium post capitis plagas, tanquam malum signum, damnavit. *A plaga in caput accepta stupor, aut delirium malum [q]. Ab esse percussio delirium, si in vacuum penetraverit [r] &c.*

VOMITUM BILIS. Mirum symptoma, quod in capitis vulneribus cerebrum laesum, vel compressione, aut concussionem male affectum, semper denotat. Constat enim certissimis, & quotidianis observatis, cerebri insignes mutationes, etiam in sanissimis hominibus, biliosum talem vomitum excitare non tantum, sed etiam saepe bilem miro modo mutare momento fere temporis.

Non

(m) Τὸν δὲ οὐκ ἐπὶ τῷ ὀφθαλμῷ. Iliad. Lib. IV. pag. 74. (n) N. 141. Charter. Tom. VIII. pag. 871. (o) N. 161. (p) Hippocrat. de Capir. vulner. cap. 31. Charter. Tom. XII. pag. 127. (q) Item Aphor. 14. Sect. VII. Charter. Tom. IX. pag. 228. (r) Ibid. Aphor. 24. Sect. VII. pag. 303.

Non affuetus homo navis agitationi, post vertigines, & summam anxietatem, bilem aeruginosam vomit: idem fit, si sanissimus homo subito in gyrum rotetur: & tunc etiam vertigo praecedat, cerebrum affectum denotans. Et Vicissim bilis corrupta, circa praecordia haerens, omnes cerebri actiones turbare potest miris modis, vertigines, deliria, convulsiones &c. excitando: excussa hac saburra, illico cessant omnia haec mala. Ex quibus patet, mirum commercium obtinere inter caput, & praecordia, sic ut in se mutuo efficacissime agant: nec haecenus hoc ex cognita corporis fabrica explicari facile poterit, licet certissimis experimentis constet, rem se sic habere. Sic Scultetus observavit, omnes fere capite vulneratos de oris amarore conqueri [s].

Sulpectum hinc semper fuit in capitis vulneribus hoc signum. Quibus cerebrum vulneratur, febris plerumque, ac bilis vomitus accedit, & corporis sideratio, & tales perniciose habent [s]. Quibus pericissimum fuerit cerebrum, necesse est his febrem, & bilis vomitum supervenire [u]. Bilis vomitus vulnere succedens, malum: & maxime in capitis vulneribus [v]. Imo etiam, dum ab internis causis cerebrum incipit premi, vel alio modo male affici, bilis, & imprimis aeruginosae, vomitus, inter mala signa recensetur. In capitis doloribus aeruginosi vomitus, cum surditate, & pervigilio, cito vehementer infamare faciens [vv]. Huiusque pronunciati veritas in Epidemicis [x] exemplo Philistae probatur, cui symptomata haec omnia eo ordine, ut recensita fuerunt, acciderunt; & quinto die morbi perit.

Patet ergo, cerebrum tam ab externis, quam internis causis male affecto, bilis vomitum sequi frequenter, & quidem malo omine. Tamen hoc notandum est, cum & leviores cerebri perturbationes aliquando sequatur bilis vomitus, non semper pessima quaeque praedicenda esse, dum hoc symptoma adest, nisi & alia mala signa concurrant. Accidit enim saepe, dum ex alto delapsi homines caput duro obstaculo impingunt, quod fiat vomitus a sola concussione cerebri, licet postea nihil gravioris mali sequatur. In illo enim casu §. 258. ex Celeberrimi Ruylchii observationibus Anatomico-Chirurgicis recensito, cum Chirurgus mulierem; post lapsum ex curru in humum gelu duratam, aliquoties vomuisse intelligeret; pessima quaeque suspicatus contusum in fronte locum cruciali incisione detexisset, nisi Ruylchius accedens hoc prohibuisset, qui solis fomentis capiti applicatis brevi sanavit totum hoc malum.

DOLORES CAPITIS. An ipsa cerebri, vel cerebelli substantia doleat, dum male afficitur, nondum constat experimentis. Cerebri corticem sine dolore laedi posse, imo impune rescindi, dum in fungum excrescit, certo novimus. Medullam laesam convulsionem facere pariter constat; sed tunc illico

(s) Sculteti Armament. Chirurg. pag. 198. (t) Hippocrat. in Coacis Praenotion. N. 500. Charter. Tom. VIII. pag. 881. (u) Idem. Aphor. 50. Sect. VI. Charter. Tom. IX. pag. 281. (v) Idem in Coacis Praenot. n. 507. Charter. Tom. VIII. pag. 822. (vv) Hippocrat. Piorrhēt. lib. I. Praedict. 10. Charter. Tom. VIII. pag. 766 & Coac. praenot. n. 170 ibid. pag. 861. (x) Hippocrat. Epid. 3. agnot. 4. Charter. Tom. IX. pag. 212.

illico sic turbantur omnia, ut non possit determinari, an tunc simul dolor adfit. Interim tamen constat, calvariae integumenta externa, imprimis pericranium, & expansionem tendinosam huic incumbentem, (de qua dictum §. 239.) uti & hujus Periosteum internum, sive duram matrem, dolere, dum laeduntur. Unde Celeberrimi in arte viri dixerunt, cephalalgiam calvariae ejusque integumentis proprium esse malum; uti delirium cerebro (y). Cum ergo calvariae intropressio, vel ejusdem post fracturam intropulsio non possit fieri sine laesione, vel saltem distractione integumentorum, & ipsius durae matris, patet facile, dolores capitis sequi tale malum; nisi simul sit compressum fuerit ab ossis introcessione encephalon, ut omnes sensus aboleantur penitus. Unde dolores capitis in tali casu adhuc aliquid boni denotant, nempe cerebri functiones non esse penitus deletas.

CONVULSIONES. Quas semper fere docent, cerebrum sic compressum, vel laesum esse, ut acquabilis spirituum influxus in nervos, motibus muscularibus inservientes, turbatus sit; de qua re dictum fuit §. 230. & sequentibus.

PARALYSES. Quando nempe sic laesum fuit cerebrum, ut influxus spirituum in nervos musculorum motores omnino sit impeditus. Hoc malum jam, prout vel omnes musculos, vel unum tantum latus corporis, vel denique quosdam tantum particulares musculos affecerit, varia nomina accipit, uti postea dicitur. Prout enim varia loca cerebri laesa, vel compressa fuerint, diversus erit effectus. Mali semper ominis est Paralysis, capitis vulnera sequens; quia denotat, ipsam medullarem substantiam cerebri compressam, vel laesam esse.

LOTII, FAECUMQUE SPONTANEUM EXITUM. Resolutis nempe sphincteribus ani, & vesicae: & inter pessima signa, & in morbis, & in capitis vulneribus, hoc habetur. Nervi enim sphincteribus his inservientes ex ultimis nervis spinalis medullae, per ossis sacri foramina exeuntibus, originem ducunt; unde ipsius spinalis medullae originem laedi jam in cerebro patet. Distinguendum tamen est inter hanc resolutionem ani, & vesicae, per quam urina, & faeces sensim, & continuo elabuntur, & ubi in apoplecticis aliquando, uti & in morbis acutis inflammatoriis capitis, urina emittitur in vesica prius notabili copia collecta, singulis forte sex horis, inscio quidem aegro, tamen sine resolutione sphincteris vesicae, quia tanto tempore retinetur collecta in vesica clausa urina.

Longe enim gravius malum est, quando resoluta vesicae sphinctere sic clam elabitur urina, quam si notabili copia collecta effluit non recordantibus aegris. Ultimum enim illud incommodum pueris etiam sanis satis frequens, imo & adultis aliquando accidit, licet nihil sinistri inde sequatur. Videtur & haec distinxisse Hippocrates (z) dicens: *Urinae non recordantibus emissae perniciose; nam & ab his mejuuntur, ac si sedimeutum conturbaveris.* Ubi quidem magnum malum inde metuendum voluit; cerebrum enim oppressum significat. Sed in alio loco (a) dixit. *Quibus urina clam elabi-*

tur

(y) Lind. Durerus in Coacas Praenot. Hippocrat. pag. 87. (z) Proorthoticor. Lib. I. praedict. 28. Charter. Tom. VIII. pag. 718. & in Coac. Praenot. N. 590.
(a) Coac. Praenot. n. 474. ibid. pag. 878.

per ad pudendum, exsolvantur desperati (ἀδύνατοι). Sic enim legendam voluit hanc sententiam Foësius [b], licet in textu vulgatam lectionem retinuerit, quae habet. *Quibus clam urina decidit, & pudendum contrahitur, desperati sunt.* Pro ἀδύνατοι legitur ἀδύνατοι apud Cornarium; & Duretus [c] pariter huic sententiae accedit. Unde patet, longe gravius malum indicari, si urina sic clam delabatur, resoluta vesicae sphinctere, quam si copia quadam collecta non recordantibus aegris excernatur. Et ob hanc causam Hippocrates [d] postquam varias urinae proprietates quo ad colorem, crassitiam, & contenta recensuit tanquam perniciosas, absolute damnavit urinam, qualemcumque, quae occulte mingitur (λεπταίνε ἀρραίνου).

APOPLEXIAS, FEBRES, MORTEM. Haec enarrata phaenomena designant, cranii intropressionem leviori compressione turbasse cerebri actiones quasdam; ubi vero eo usque aucta fuerit haec compressio, ut omnes sensus interni, & externi delecti fuerint, una cum motibus voluntariis, tunc simul adest profundi, & perpetui somni imago, & vocatur apoplexia; quam semper comitatur fere pulvis fortis, & celerior, superfluit adhuc, imo & aucta cerebelli actione; quod sub expansio durae matris velo tuto defensum minus facile comprimitur: tandem, & cerebello similiter compresso, vel aucto motu destructa ejus fabrica (dum cerebro compresso omnis sanguinis per encephalon pellendi impetus fere tantum in cerebellum agit) mors sequitur.

§. 268. **Q**uin & ipsum Cerebrum ita laesum, corruptum hinc inflammatione, suppuratione, gangraena, fungo, haemorrhagia, similia mala (267) parit.

Praecipua malignitas vulnerum capitis inde pendet, quod vicinum cerebrum facile afficiatur: si ergo laesio tanta fuerit, ut ad cerebrum ipsum pertingat, facile patet, pessima quaevis metuenda esse mala. Tota enim humanitas a mollis, & pulposi hujus visceris integritate pendet. Interim constat ex Anatomicis, & Physiologicis, totum encephalon vasis constare, in quibus ergo compressis, vel laesis obstructio, inflammatio, omnesque horum morborum sequelae obtinere poterunt; uti & illa mala omnia, quae ab extravasatis humoribus premendo, vel ab iisdem corruptis rolando, excitari poterunt. Observationes autem Chirurgicae docent, haec omnia cerebri laesiones secuta fuisse.

Homo acinace vulneratur in parte posteriori capitis cum laesione calvariae: cumque in initio ab imperito Chirurgo tractatus fuisset, qui ruditer examinans vulnus specillum per calvariae rimam in ipsam cerebri substantiam ad tertiam partem longitudinis specilli adegit; ideo prudentiores postea accedentes Chirurgi noluerunt trepanum adhibere, ne haec operatio, quae plurimis salutaris fuerat, infamaretur. Post varia symptomata miser vigesimo tertio die moritur; & aperto cranio deprehenditur abscessus magnus

in

E e 3

[b] Foësi Hippocrat. Opera omnia pag. 193. (c) Lud. Duretus in Coacas Praej. not. Hippocrat. pag. 363. (d) Coac. praenot. in 380.

in sinistro cerebri latere, proprio folliculo circumseptus; quo pertuso, gens copia puris foetidi effluxit (e). Paraeus (f) testatur, se frequenter observasse, dum cadavera mortuorum ex capitis vulneribus lustraret, ut de vulnere renunciaret ad iudicem, ingentem puris copiam, imo ipsius cerebri substantiae corruptionem. Imo addit aliam Historiam, quae docet, suppuratione intra calvariae cavum facta superstitem tamen fuisse aegrum. Puer caput implegerat pavimento lapideo tam vehementer, ut statim omni sensu privaretur: successit febris, delirium, & alia pessima symptomata. Septimo die ingens sudor accessit, & sternutatio, simulque magna copia puris per os, nares, & aures effluxit, cum levamine omnium malorum; & sanatus fuit puer.

Mirum exemplum habetur (g), ubi post lapsum ex alto, laeso cranio, per foraminulum suturae sagittali inhaerens, exibat puris fatis magna copia; qua evacuatione per aliquot dies quandoque suppressa, convellebatur arger saepius de die; exeunte pure cessabant convulsionem; tandem quinquagesima die moritur. In cadavere invenitur lata fissura sex pollices longitudine superans, sed jam coacta; in dura matre nullum vitium apparebat, sed totus lobus sinister cerebri erat suppuratus, dextro ejusdem lobq, & cerebello integerrimis.

Plura similia exempla habentur apud Observatores; haec sufficient, ut demonstretur, veram suppurationem in ipsa cerebri substantia obtinere posse. Et simul apparet, licet semper admodum periculosa sit suppuratio hic orta, non tamen semper mortem inde sequi.

Ubi autem loco benignae suppurationis, quae omne, quod legibus circulationis amplius obedire nequit, separat, gangraena cerebrum ipsum occupat, patet facile, nihil sperandum esse. Tale autem malum cerebri lachiones sequi aliquando, testantur observata. Miles post gravissimam capitis contusionem sine vulnere in Nosocomium recipitur, & post novem septimanas, dum nullum amplius dolorem, nec aliud malum perciperet, jamque reditum in patriam meditaretur, noctu in lecto subito moritur. In cadavere nulla omnino laesio in calvaria detegitur, sed cerebri substantia, loco percusso subiecta, ad digiti crassitiem, pomi instar putrefacti, corrupta apparebat, cum enormi, & ad ventriculos anteriores fere penetrante, putredine: levis praeterea corruptio piaë matris aderat, reliqua omnia apparebant illaesa (h). Dum gravissima capitis vulnera in cerebri substantia penetrantia acceperat homo mense Octobri, moritur post bidden. Ablatis fasciis post mortem teter adeo exibat ex vulneribus odor, ut nullus ferre posset, vel ad cadaver accedere auderet (i). Tam enormis putredo bidui tempore in sanissimo homine, frigida fatis tempestate, nasci potuit.

Ipsam encephalon corrumpi posse Hippocrates monuit, & vocabulo *φρενιλική* usus est, ut hanc corruptionem designaret. Sic dicit: *Cerebro*

cor-

(e) *Scoliet. Armamentar. Chirurg.* pag. 217. (f) *Liv. X* chapit. 23. (g) *Academ. des Sciences l'An 1700. Hist.* pag. 36. 37. (h) *Scoliet. Armamentar. Chirurg.* pag. 207. (i) *Hildan, Obsciv. Chirurg. Genur. 2. Observat. 25.* pag. 103.

corrupto, quidam in tribus, alii in septem diebus moriuntur: illas autem si effugerint, servantur: Quibus autem sectione adhibita os disjunctum apparet, hi pereunt (κ), & in Aphorismis (1); quibus encephalon corruptum (sideratum vertunt etiam *σφαλισθῆναι*) fuerit, in tribus diebus pereunt, si vero has effugerint, sani fiunt. In his autem locis indicat, possibilem adhuc esse sanationem, licet encephalon corruptum fuerit. Patebit postea, ipsam cerebri substantiam, in fungos protuberantem, posse tolli secando, rodendo &c. superflite vita non tantum, sed & omnibus cerebri functionibus illaesis manentibus postea.

Dictum fuit antea §. 158. N. 5. discissa cute, pinguedinem subiectam, aequabili pressione cutis non amplius coercitam, assurgere, & degenerare in carnem, fungosam dictam, in vulneribus. Simile malum in vulneribus capitis obtinet, quando & cranium ipsum, & dura mater percissa sunt. Naturaliter enim calvariae cavum semper plenissimum est, uti aliquoties jam monitum fuit: ubi ergo cranii, & durae matris vulnere non amplius coercentur contenta, incipiunt protuberare; & quia arteriae, antequam cerebri substantiam ingrediuntur, tunicas suas crassas elasticas deponunt, ideo impulsis vi cordis satis propinqui fluidis minus resistere possunt, unde dilatantur quam maxime, & miros tumores faciunt. Et quia praeter omnem expectationem citissime emergunt tales tumores, & postquam ultra vulneris labia externa emerferunt, latissime expanduntur, in ipso vulnere magis contracti, ideo & a figurae similitudine, & a subito incremento, fungos cerebri vocaverunt hos tumores. Omnium autem maximi tales fungi nascuntur, si valida febris impetum, & velocitatem liquidi impulsu in vasa cerebri tam facile dilatanda auxerit. Quamdiu autem dura mater adhuc integra est, raro tales fungi nascuntur: haec enim membrana satis firma coerctet suppositam cerebri substantiam. Dum vero pia mater simul laesa fuit, longe magis adhuc fungi illi protuberant: nam videmus etiam in cadavere, levi vulnuscule pertusa pia matre, illico corticem cerebri per vulnus factum emergere.

Plurima jam habentur observata Chirurgica, quibus constat, dissecto cranio, & dura matre, cerebri substantiam in mirabiles tales tumores excrescere, unum alterumve tale observatum adduxisse sufficiet.

Nobili juveni lapidis jactu dextrum bregmatis os frangitur: exit statim ipsa substantia cerebri ad dimidiae avellanae magnitudinem: cumque junior quidam Medicus praefens negaret esse cerebri partem, sed pinguedinem esse diceret, experimentis probavit Paraeus (m) prodiisse de vulnere ipsam cerebri substantiam. Docet hoc exemplum, vulnere laesi cranio, & coercentibus cerebri membranarum, citissime protuberare posse ipsam cerebri mollem fabricam.

Puero quatuordecim annorum globulo ligneo inter ludendum sinistra ossis frontis pars percutitur: mox concidit, bilem vomit, & postea perrexerit omnia fere ingesta evomere. Post binos menses, cum admodum male se habere pergeret, cranium trebratur: cum impetu per foramen factum pus

E c 4

eru-

(k) In Coac. praenot. N. 188.

(l) Aphorism. 50. Sect. VII. Charter. Tom.

IX. pag. 319. [m] Livet X. chap. 21.

erupit. Postea ipsa cerebri substantia incipit emergere, nec potuit coerceri; unde filo circumstricto resecebatur: mox similis substantia fungi instar ad trium digitorum altitudinem erupit, iterum simili methodo ablata. Hocque saepius factum fuit, sic ut fungi omnes resecti pugni magnitudinem acquaverint: tamen postea curatus fuit (*).

Septem annorum puer ex equo delapsus gravi vulnere dextrum bregmaticis os laesit. Quinto die fungus excrevit ex cranio pertuso digitum crassus, pollicem longus: Parentes accuratam vulneris inspectionem ut crani depreffionem, noluerunt admittere, & constanter asseruerunt, se malle filium mitiori cura tractatum mori, quam incerto cum eventu crudelis operationis molestias subire. Hinc solis exsiccantibus fere fungum tollere conati fuerunt Medicus, & Chirurgus. Mansit sic fungus vix mutatus per tres integros menses; symptomatibus autem pessimis, quae in initio adfuerant, penitus mitigatis, imo fere integre abolitis: omnes actiones vitales, animales, naturales restituebantur, sic ut corporis habitus augetur, & solitis ludis puer tempus falleret. Circa quarti mensis initium fungus multum increvit: pulvere tamen ex Euphorbio, & alumineusto insperso sublatus fuit; sed intra viginti quatuor horas alius fungus ovi gallinacei magnitudine excrevit, cum exacerbatione omnium malorum. In hoc fungo valida pulsatio arteriarum apparebat, & rarius tractatus sanguinem copiosissime fudit. Frustrata tentatum fuit rodentibus consumere luxuriantem fungum; unde angustiorum cervicem fungi filo circumducto constrinxit Chirurgus; sed oriebatur pulsatio tam enormis arteriarum in fungo, ut tota ejus moles subsilire videretur. Constringendo tamen hac methodo perrectum fuit, & maxima fungi pars cum intolerabili foetore una cum filo decidit. Residuum fungi nigricans, sordidissimum, penitus corruptum horrendo aspectu apparuit: convulsiones, tremores, hemiplegia secuta fuerunt. Tamen post aliquot dies omnes illae partes fungi corruptae deciderunt; sed alius fungus cineritii coloris, nucem juglandem magnitudine aequans, indolens, cum pulsa manifesto arteriarum, per fungosam hanc substantiam dispersarum, ex vulnere emerfit, qui post paucos dies sponte subsedit, & ingens hiatus in ipsam substantiam cerebri penetrans apparuit. Post bidduum unius noctis spatium totum hoc cavum novo fungo oppletum fuit, & paucis diebus postea, prius opisthotono terribili per bidduum extruciatus, misellus puer, quarto mense post acceptum vulnus finito moritur: sensus tamen omnes, loquela, & ratiocinium consisterunt ad vitae finem usque (§).

Mirabilis haec historia docet, fungos tales cerebri ipsius substantia vasculosa, mirum in modum dilatata, constare, & cito renasci, licet ablati fuerint. In cadavere deprehensum fuit, cerebri corticem in loco vulneris penitus consumum fuisse, & pure copioso omnia dissuere.

HAEMORRHAGIA. Vasa sanguinea triplicis imprimis generis in encephalo solent considerari. 1. illae arteriae, quae per duram matrem dispersae, sa-

tis

(*) Eildan. observat. Chirpurg. Genus. IV. Observ. III. pag. 187.

(§) Mukli. curios. Decur. II. libro 9. Observ. CLXXIV. pag. 121.

tis fortes, & validae, & duplicatura hujus membranae defensae, tuto satis locantur: Arterias autem hic satis insignes esse, docent sulci ab his arteriis cranio impressi. 2. vasa sanguinea per piam matrem dispersa, quae tota vasculosa esse injectionibus Anatomicis demonstratur. Arteriae autem illae, crassis tunicis depositis, antequam piam matrem ingrediuntur, tenerrimae sunt, hinc facilius laedendae. Simulac vero vasa illa sanguinea ex pia matre in cerebri corticem contiguum pervenerunt, jam non amplius sanguinem rubrum habent, sed longe tenuius fluidum. Naturaliter enim in cortice cerebri nihil rubri sanguinis unquam apparet. 3. Per ipsam medullarem substantiam cocephali vasa sanguinea disperguntur, nudo oculo etiam conspicua, quae blando calore tenerrima stamina medullosa foveant. Similia satis magis etiam medullam oblongatam ambiunt. Et ideo cavis cerebri ventriculis mirabiles illi processus pia matris haerent, qui plexus choroidei dicuntur, oculi parti ventriculorum cerebri accreti, sed libere ibi fluctuantes, & toti vasculosi, uti & injectio Anatomica, & sine his nudus oculus etiam docet. In omnibus his locis per vulnera laedi possunt haec vasa, & sanguinem effundere: & licet causa vulnerans non adeo profunde penetraverit, solo tamen cocussu valido, tenerrima vasa per piam matrem, & in cerebri ventriculis &c. dispersa poterunt frangi, & effusus sanguis comprimeodo cocephalo poterit omnes actiones cerebri turbare, imo integre delere; uti innumeris observatis constitit.

Qualicumque demum ovis causa fuerit, quae cerebrum laeserit, vel compresserit, vel denique inflammado, suppurado, putrefaciedo destruxerit ejus fabricam, poterunt sequi omnia illa mala, quae §. 267. recensentur, a levissima vertigine ad lethalem apoplexiam usque.

§. 269. **I**D vitii (267.) noscitur tactu, visu, ablatis integumentis (259).

In prima deligatiooe vulnerum capitis omnia haec sedulo examinanda sunt, quantum fieri potest: symptomata enim, capitis vulnus secuta, saepe eadem sunt, licet diversae partes laesae fuerint. Nam dum cranium intropressum, vel post fracturam intropulsam, comprimit encephalon, poterunt adesse omnes cerebri morbi; atque iterum, dum crasio illaeso, fractis vasis, v. g. pia matris, effusus sanguis contectum premit cerebrum, omnia eadem mala sequi poterunt: sed cum per sensus cognosci possit, an calvaria laesa fuerit, an non; hoc primo explorandum est. Quod sit, si capillitio prius derafo locus affectus digitis mollissime undique pertractetur, ut appareat, an convexa calvariae figura mutata fuerit, an non. Magnam tamen in hoc examioe cautelam requiri, & tactum saepe fallere posse, dictum fuit §. 255. n. 7. Si vero tam magna fuerit intropressio calvariae, ut visus foveam impressam facile detegat, ollum dubium manet. Et dum ob symptomata vehementiora, discussis integumentis, nudatur calvaria, facile detegitur, an tale malum obtineat, an non.

§. 270. **A**blatio pungentis, restitutio prementis in statum naturalem, conservatio hujus status, sufficienti curationi.

Generalis indicatio curationis tribus his continetur. Aliquando enim accidit, fractum cranium, & intropullum acuto fragmento laedere subiectum encephalon; quandoque, obtuso, & imprimis rotundo obstaculo dum caput impingitur, orbiculare frustum ex calvaria excutitur, quod intropressum cerebrum comprimit, non aut. m. punit, vel lacerat. Imo aliquando contingit, externa tabula calvariae illacsa internam tabulam in fragmenta dissiluisse, quae pungendo, & lacerando subiectum cerebrum mortem intulerunt. Talem casum refert Paraeus (p). Nobili viro caput casside armatum globo plumbeo percutitur sic, ut ferreum illud capitis tegumentum intropremetur; nihil tamen in externa cute laesum apparebat, nec ulla calvariae intropressio poterat detegi. Sexto tamen die moriebatur apoplecticus: in cadavere apparuit, calvariae tabulam internam, externa licet integra, in fragmenta dissiluisse, quae in cerebri substantiam penetraverant. Idem se in alio simili casu vidisse, & celeberrimis Archiistris praesentibus ostendisse dicit. Apparet facile difficultas detegendi tale latens malum: ubi autem cognoscitur adest, summa cum prudentia acutum tale fragmentum extrahendum est; cavendo, ne circumtorquendo, vel fortius movendo, laedatur magis cerebrum. Ubi vero calvaria intropressa, vel intropulsa in statum naturalem restituta fuerit, tunc requiritur, ut in hoc situ retineatur, & impediatur, ne iterum intropcedere facile possit. Causa tunc comprimente sublata, sequabilis humorum circuitus per partes jam liberas restituet naturalem usum: ars in hoc casu tantum in situm naturalem reducit illa, quae inde devierant.

§. 271. **E**rgo detectum cranium (259.) molle in pueris, emplastro tenaci elevatur; in adultis, si firmum, elevatorio attollitur; si vacillans terebram non sustinet, perforanda juxta fracturam calvaria, ut vesi possit attolli intropressum vacillans; juvat sternutatio, & animae retentio.

Raro deprimitur cranium sine fractura, nisi in junioribus, in quibus mollia adhuc ossa facilius cedere possunt sine ruptura. Ut autem elevetur cranium sic intropressum, excogitaverunt Chirurgi hanc methodum, ut sursum perpendiculariter tractis integumentis os intropressum elevetur. In juniore enim aetate pericranium firmissime ossibus adhaeret, vas in omni puncto emissis, & receptis; procedente vero aetate plurima talia vasa s. nsm obliterantur, upde observatur in summo senio minor cohaesio Periostei cum ossibus. Cum ergo in junioribus firma adhaesio Pericranii, & ossium flexibilitas magnam spem faciant, sic elevari posse depressum cranium, haec methodus tentanda erit, antequam ad operosiora artis molimina procedatur: saltem nunquam nocebit hoc

hoc prius tentasse. Duplici autem modo hoc fiti vel enim loco affecto imponitur cucurbita, quae ubi firmiter adhaeret, subito perpendiculariter sursum avellitur; sic magna vi trahuntur sursum omnia integumenta, & simul elevari poterit intropressum cranium (g). Vel cuti in loco affecto applicatur tenax emplastrum ex pice, vel alio quocumque, quod firmiter adherere possit; & monet Hildanus (r) capillos non omnino abradendos esse, ut magis haereat Emplastrum; & simul voluit Emplastri magnitudinem non debere esse tantam, ut totum locum intropressum tegat, sed tantum tertiam circiter ejus partem, sic enim tota vis, dum elevatur Emplastrum, loco intropresso applicabitur. Simul debet per medium Emplastrum funiculus transire, quo prehensio possit perpendiculariter sursum trahere Emplastrum Chirurgus, postquam prius firmissime loco affecto adhaesit.

Ubi vero frustra tentata fuit haec methodus, vel in adultis nulla spes est, posse sic restitui calvariae depressionem; tunc dissectis integumentis nudato ossi applicant illa instrumenta, quae elevatoria dicuntur. Varia talia habentur descripta apud auctores chirurgicos, & omnium optima videntur illa, quae spiralem terebram habent; quae leniter circumtorquendo suspensa manu medio centro loci depressi infigitur, & deinde, ubi haeret satis firmiter, sursum trahitur una cum cranio intropresso. Varia talia instrumenta delinantur, illorumque usus indicatur apud Hildanum (r), Scultetum (s), Paracelum (u) &c. Imo Hildanus ibidem narrat, dextrimum Chirurgum dum aliis instrumentis careret, felicissimo successu adhibuisse spiralem terebram, qua dolarii untur, & rudi hoc instrumento non tantum elevaré depressum cranium, sed & fragmenta nonnulla extraxisse.

Quamvis autem suspensa manu infigatur loco depresso talis terebra, tamen aliqua pressio requiritur, ut applicari possit: hinc, si vacillet os depressum, periculum foret, ne profundius descendens cerebrum pessime laederet. In tali casu alia opus est methodo: si rima tam patula adsit, ut vestis intromitti possit, tunc sic elevatur os depressum, curando, ut vestis hypomochlium firmæ calvariae innitatur. Ubi vero non patet talis vestis aditus, ut depresso ossi submitti possit, per artem facienda via est. Excinditur tunc trepani modio juxta locum fractum, & depressum foramen, per quod immisso veste os depressum elevari poterit; & si unum tale sufficere non videatur, plura similia excindenda forent. In maxima cranii depressione septies modiolis cranium in depressionis circumferentia perforare se coactum fuisse fateatur Scultetus (v), & deinde foraminum interstitia forfice excindere debuit, ut tolleret os depressum, quod elevare non poterat. Et quamvis tantum decimo sexto post acceptum vulnus die tam periculosa institueretur operatio, perfectissime tamen homo sanatus fuit; sic ut octo circiter septimanis post haec peracta militare munus suum iterum potuerit obire.

JUVAT STERNUTATIO, ET ANIMAE RETENTIO. In sternutatione sentitur levissima, & grata titillatio circa nares, vel & aliquando simile quid per-

(g) Paré Livre X. Chapit. 5. Hildan. Observat. Chirurg. Centur. 2. Observ. 5. pag. 81. (r) ibid. pag. 81. 84. (s) Observat. Chirurg. Centur. 2. Observ. 4. pag. 80. 81. 82. 83. (t) Armamentar. Chirurg. tab. 3. pag. 9. (u) Lib. vte X. Chapit. 5. (v) Armament. Chirurg. Observat. VII. pag. 198.

percipitur circa prae cordia: simulac alterutrum, vel utrumque ex his sentitur, homo cogitur suspendere omnes actiones corporis, & expectare, quid futurum sit; momento post ingens convulsio omnium musculorum expirationi inservientium fit cum impetu non coercendo, & subitissime contractus pulmo omnem aerem contentum expellit sonoro cum sibilo. Illo ergo momento, dum validissima illa exspiratio fit, sanguis per pulmonem transire nequit; hinc sanguis venosus a capite rediens impeditur, quo minus se libere in cor dextrum evacuet, unde distenduntur omnia encephali vasa, simulque validissimo hoc concussu arteriosi sanguinis impetus augetur; sicque a binis his concurrentibus causis satis valide distenditur totius encephali moles. Rem autem sic se habere patet, quia repetita sternutatione incipiunt vacillare omnes sensus, & motus musculares, turget facies, lacrymae exprimuntur, nasus stillat; imo si frequentius recurrat, saepe omnes cerebri functiones mirifice turbantur. Dum vero anima retinetur, sanguinis transitus per pulmonem, retento aere, & per calorem dilatato compressum, pariter impeditur; unde venae jugulares se evacuae non possunt, & hinc omnia eadem fiunt, quae in sternutatione dicta fuerunt, cum hac tamen differentia, quod tempore inter binas sternutationes medio liber iterum fiat transitus sanguinis per pulmonem; quamdiu autem anima retinetur, augetur omni momento pulmonis compressio, aere retento in pulmone, mora plus calefacto, & dilatato. Si ergo ossa adhuc flexilia fuerint in junioribus, vel in adultis sic soluta, ut levi vi mobilia sint, turgens retento sanguine encephalon poterit elevare depressam cranii partem, vel saltem adjuvare hanc elevationem, dum alia methodo tentatur,

Neque adeo levem esse hanc vim, qua distentum encephalon urget coercentem calvariam, docuit mirabilis calus. Puellae tredecim annorum, tegulis ex scissili lapide factis (leyen) ex altissimae domus tecto in caput delapsis, adeo magna fiebat impressio calvariae illo in loco, ubi futura sagittalis cum coronali concurrat, ut quatuor pollices aequaret diameter loci laesi. Cum pessima symptomata urgerent, praemissa venae sectione, statim applicabatur trepanum; dumque tentaret periculosissimus Chirurgus elevare, depressa calvariae frusta, invenit omnia sic separata esse a vicinis, ut tolli debuerint. Sic ingens hiatus patebat, tam magna parte calvariae ablata; felix tamen tanti vulneris cura trimestri spatio perfecta fuit. Debiliior tamen locus lamina plumbea defendebatur, quam per binos menses gessit haec puella, posteaque neglexit, nihil amplius mali metuens; sicque per septem adhuc menses sana vixit. Mala fortuna correpta fuit tussi convulsiva tunc Epidemica, quae tanta cum vehementia miseram hanc puellam in lecto de nocte decubentem exagitavit, ut cicatrix sanati vulneris dilaceraretur, & ultra binas uncias ipsius cerebri substantiae exprimeretur de vulnere: statim paralytica facta fuit omnibus suis membris, loquela tamen, & ratiocinio manentibus integris, & quinta die post triste hoc infortunium periit (w). Satis notum est, in molestissima illa tussi sic impediri omnem sanguinis transitum per pulmonem, ut horrendo spectaculo livescat, imo nigrescat saepe tota facies sic affectorum, cum nihil sanguinis venosi ab externis aequae

aeque ac internis capitis partibus cor dextrum, ob convulsos pulmones, plenissimum, ingredi possit, pergente interim corde sinistro urgere sanguinem per arterias. Unde distentissima Encephali moles dirupit cicatricem vulneris in jam per novem menses sanati. Atque hinc patet, quanta efficacia distenta encephali vasa urgeant calvariam.

§. 272. **I**N situ tenetur cavendo pressionem externam apta deligatione.

Altera pars indicationis curatoriae §. 270. descriptae erat, ut pars intro-pressa, jam restituta in statum naturalem, sic conservaretur. Hoc autem latis facile fieri poterit, modo tantum praecaveatur, ne aliqua pressio externa in hunc locum agere possit. Tota enim moles encephali, calvariae eavum naturaliter semper replens, a comprimente parte calvariae intro-pressae libera, assurgit, & sustinebit restitutum os, ne propria gravitate iterum demergatur. Unde non videtur hic opus esse magno molimine, nec instrumentis, ut restitutum os in situ retineatur. Apud Hildanum (*) delineatur instrumentum, quo restituti ossis subsidientiam praecavere nititur. Spiralis nempe cerebra cranio infigitur, quae in parte superiori variis foraminibus perforatur, per quae stylus ferreus transmitti posset varia altitudine, ut hujus styli transversi cranio incumbens ope sustineri posset vacillans ossis pars, voluitque splenis suppositis utrique styli extremitati in omni calvariae loco hoc fieri posse. Apparet facile, molestum esse, tamdiu cerebrum hanc calvariae infixam relinquere; & ex modo dictis patuit, hoc minime necessarium esse. Sufficit ex charta, vel linteo contorto, aut alio simili quocumque corpore, annulum facere, paulo majorem loco affecto, illumque apta deligatione sic firmare, ut immobilis haereat, totumque locum affectum suo ambitu contineat. Sic cavebitur, ne ligatura capiti circumducta locum affectum premere possit; neque, dum in somno pulvinaribus, vel aliis ob- staculis alliceret caput vulneratus, poterit comprimi locus laesus.

§. 273. **I**llo, fracto, contusove cranio, si arteriae, venae, lymphatica vasa sub cranio rupta effuderint suos humores, hi premendo cerebrum producant mala (267), tum putrescendo in pus, ichoremve, insciunt tenerrima vicina cerebri, unde rursum similia. Haec vasa ex cranio in duram, ex hac in piam, inde in cerebrum, sinus, ventriculos decur- rentia variis locis varia periculo, & sanatione damna producant /

Si tanto cum impetu causa vulnerans capiti fuerit applicata, ut durum calvariae os findere, frangere, vel & valida contusione laedere potuerit; patet facile, summum esse metum, ne vasa sanguinea, vel & alia, quae tenuioribus liquidis replentur, per cerebri membranas, vel ipsam ejus sub-

stant.

(*) Observat. Chirurg. Centur. 2. observ. 4. pag. 82.

stantiam ubique dispersa franguntur; his fractis, effusi humores, collecti sub cranio, comprimant contentum encephalon. Ut enim jam aliquoties dictum fuit, totum calvariae cavum semper exactissime plenum est; hinc non possunt effusi humores hic colligi, quin fiat ab eisdem compressio contenti encephali. Omnia ergo illa mala, quae ab hac compressione fiunt, & enumerata fuerunt §. 167., metuenda sunt. Nihil enim refert, hoc respectu, quatenus sit causa comprimens: sive cranii figura mutata minuat ejus cavum, sive humores effusi, manente eadem calvariae amplitudine, spacium occupent, quod antea a solo encephalo replebatur exactissime; effectus semper erit idem; nempe turbatio, vel abolitio functionum encephali, compressa ejus substantia.

Vasa sanguinea, quae per duram matrem disperguntur, satis firma sunt, tunicis nempe callosis instructa, uti in reliquo fere toto corpore, unde difficilius franguntur. Sed si consideretur, duram matrem ubique calvariae firmiter adhaerere, facile patet, causae vulnerantis impetum, in calvariam agentem, substantiae continuitate quasi facilius communicari durae matri: accedit, quod fissi, vel fracta calvaria, summum periculum sit, ne adhaerens dura mater simul laceretur, vel a fragmentis offeis acutius vulneretur. Vasa autem sanguinea, satis magna, per piam matrem, ipsamque medullarem substantiam dispersa, tenerrima sunt (depositis nempe callosis tunicis suis huc perveniunt, uti ex Physiologicis constat) hinc facilius rumpi poterunt, licet tutius recondantur.

Practerea humores fractis vasibus effusi, stagnantes, spontanea degeneratione corrumpuntur; & acres facti tenerrimam encephali pulvram inflammando, tuppurando, rodendo, destruent; unde iterum omnia eadem mala nascuntur, quae a compressione fieri observata fuerant; sed longe pejora; quia ablata causa comprimente spes erat restitui posse functionum integritatem; destructa vero ipsa organi fabrica, erosio tenerrimis vasibus, immedicabile malum est. Ab effusis autem, & corruptis humoribus talia mala fieri, constat ex illis, quae dicta sunt in commentariis §. 170. n. 1. B. & §. 168.

Ex his etiam patet, gravissima capitis vulnera dum fracta calvaria exitus patet effusis humoribus, saepe minus periculosa esse, quam ubi leviori vulnere sub calvaria effusi humores retinentur. Vide commentaria in §. 165.

Arterias autem, venasque sanguineas ruptas, sanguinem effudisse sub calvaria, nemo dubitat; & ab hoc sanguine effuso, encephalon comprimente, orta fuisse omnia illa mala recensita, constat certissimis observatis. An vero lymphatica vasa, per encephali fabricam dispersa, a similibus causis rupta, tanta copia lympham fundere possint, ut ab hac lymphae collecta comprimatur encephalon, magis dubium videri posset; cum haec vasa tam exigua sint, & rarius accidat, quod integris manentibus vasibus sanguineis per encephalon dispersis, sola lymphatica rupta fuerint. Talia tamen vasa adesse, quae tenuissimam lympha vehunt, satis constat. Tota superficies durae matris quae pia matri accumbit, semper humida apparet; uti, & tota externa encephali superficies: ventriculorum cerebri omnis ambitus tenuissimo tali liquido madet, quod nisi adesset, contiguae superficies partium brevi

con-

concreferent inter fe. Illud tenuiffimum fluidum, continuo halitus forma per tenerima valcula expulfum, nifi reforbeat venulis, accumulatur, & omnes cerebri morbos producere poterit; uti obfervata plurima apud auctores docent, lympham talem collectam fuiſſe in duram matrem, & cerebrum, inter piam matrem, & arachnoideam ipſi accumbentem, in ipſis cerebri ventriculis &c. Obſervatum enim fuit, omnem ventriculorum cerebri ſuperficiem tegi membrana tenerima, quae injectionibus Anatomicis, & per inflammationem hic natam, vaſculoſa eſſe detegitur [γ]. Sed haec valcula naturaliter tenuem lympham, non vero rubrum ſanguinem, continent. Praeterea vaſa lymphatica vulgo Anatomicis dicta, quae ſemper venoſa ſunt, hic pariter inventa fuerunt, & a *Ridley* delineata [ζ]. Cum ergo, & in aliis corporis partibus vulneratis aliquando ſequatur incredibilis lymphae tenuis effluxus videtur, & idem in encephalo obtinere poſſe; illudque obſervatis Medicis confirmatur. Puer ſeptennis, baculo caput percuſſus, poſt cephalalgias, vigilias, ſomnolentiam, vertiginem &c. vigelimo ſexto die moritur. Ventriculi anteriores cerebri inveſiebantur ſero lymphidiſſimo diſtenti (α). Illuſtriſſimus Princeps ex alto delapſus capitis ſiniſtram partem tam valide gradibus allidit, ut ſemianimis ſine ſenſu, motu, loquela jaceret per integrum fere diem; Venae ſectiōne inſtituta parum ad ſe rediit. Ingens dein oritur capitis dolor, dies nocteſque torquens immaniter, omnemque ſomnum impediens. Comuni Medicorum peritiſſimorum conſilio trepanum adhibendum eſſe concludum fuit; dumque illud jam jam applicandum eſſet, incipit ſeroſus latex ex aure ſiniſtra exſtillare, & pergit ille effluxus, donec octo librae ſic prodirent (β). Plura ſimilia habentur obſervata; ſed tamen in omnibus illis caſibus notabili temporis intervallo poſt vulnus inſiſtens talis lymphā inventa fuit in cerebro, vel effluxit per aures &c. unde adhuc aliquod dubium manet, an a ruptura vaſorum Lymphaticorum, an vero alia de cauſa hujus Lymphae accumulatio facta fuerit.

HAEC VASA EX CRANIO IN DURAM &c. Prout jam liquida, fractis vaſis effuſa, haerint in variis locis encephali, poterunt comprimendo, vel rodendo, laedere diverſas functiones. Sic v. g. dum effuſi in ventriculis cerebri humores ad quartum ventriculum perveniunt, qui initium eſt rimae decurrentis per totam longitudinem ſpinalis medullae, poterunt hac via delabi, & varias paralyſes particulares, hemiplegiam &c. producere. Caeteris autem paribus, ſemper erit eo pejus malum, & difficilius curandum, quo profundius haerint humores extravalaſci. Sanguis enim collectus inter cranium, & duram matrem, perforata calvaria, ilatim exiit; ſi inter duram matrem, & piam haerit, non niſi peruſa dura matre educi poterit. Si in ipſis ventriculis cerebri, vel & circa baſim calvariae haereant effuſi humores, patet facile ſummum diſcrimen, & curae difficultas; ſaepe etiam omnino impoſſ.

(γ) VVinslov. *Expoſition Anatomique* &c. pag. 613. [z] *Ridley Anst. Cereb.* F. 5. l. 44. (α) *Bohnus de tenuitat. vulner.* pag. 182. [β] *Miſcell. cur. ſciol. decur.* 1. an. 6. obſerv. 22. pag. 22.

impossibilis est, dum nequit exitus conciliari per artem effusis liquidis encephalon comprimentibus.

§. 274. **C**oncussus validus capitis, integro faepe cranio; eadem (273.) facit rumpendo; comprimendo.

Aliquando accidit, lapsu ex alto, vel capitis valida contusione obtuso instrumento facta integro cranio sic laedi cerebrum, ut omnia sequantur mala, quae haftenus enumerata fuerunt. Dum enim v. g. quis ex alto delapsus duro impingit obstaculo, cerebrum calvaria contentum eadem velocitate deorsum fertur, sed obstaculum resistens calvariae motum sistit primo, unde cerebri moles, adhuc illo momento priorem motus directionem habens, valide poterit allidi ad duram calvariam, & sic insigniter laedi. Eodem modo, ac dum quis navi vehitur, & obstaculum occurrens navis motum sistat, perget moveri antrosum, & cadet. Verum quidem est, cum encephalon calvariam exacte repleat, multum minui hujus impulsus vehementiam: tamen inde posse frangi vasa encephali, humores effundi, & omnia, quae inde pendunt, mala sequi, docent observata Medica. *Palebra virgo, Nerei filia, annorum viginti ab amica muliercula ludente lata manu syncipus percussa est, ac tunc tenebrosa vertigine prebensa est, nec respirabat; cumque donum pervenisset, illam flavim febris prebendit, & caput doluit, & ruber erat circa faciem. Septima die ad aurem dextram pus prodit graveolens, subrubrum, cyatho amplius; & videbatur melius se habere, & levata est &c. nona die perijt (c).* Facile apparet, levi tali percussione, lata manu facta, calvariam fractam, vel fissam aut intropressam minime fuisse; sed ipsum encephalon sic fuisse laesum, ut fractis valis effusis humores in foetidum subrubellum ichorem degeneraverint, & tandem mors ipsa secuta fuerit. Plurima similia apud recentiores Observatores habentur exempla, quibus constat, illaeso cranio, posse tamen valida capitis percussione sic laedi encephalon, ut fractis valis majoribus, & sanguine effuso intra calvariae cavum, mors sequatur. Unicum tale adduxisse sufficiet. *Puellae sexdecim annorum, ex lapsu quarto die defunctae, cadaver iustravit Bobbins [d], ut de mortis causa renunciaret ad Judices: & licet post lapsum viventi adhuc puellae ex ore, & naribus copiosus manasset cruor, ac post mortem adhuc manare pergeret, nihil omnino violenti effectus in capite observabatur. Aperta calvaria, & elevato cerebro, carotidum ramus sinister anterior ruptus inveniebatur. Docet hoc exemplum, magnam arteriam, tuto sub ipsa basi cerebri reconditam, solo concussu tali, calvaria illaesa, posse rumpi, unde apparet, simile malum reliquis encephali vasis accidere posse. Cum autem constet ex Physiologicis, arterias per piam matrem dispersas, simulac corticem cerebri ingrediuntur, in tomentosam tenuitatem abire, & vasculis his tenerimis corticalibus continuari medullosas fibras minimas; facile patet, valido tali concussu posse frangi, vel comprimi tenerima illa encephali stami-*

aa,

(c) Hippocr. Epid. lib. 2. textu 32. Charter. Tom. IX. pag. 344.

(d) De Renuciat. vulner. pag. 172.

na, unde vita, & humanitas pendent: atque inde varia laesio, vel & abolitio omnium encephali functionum sequi possunt; licet nulla laesio, aut humorum effusio, intra cavum calvariae detegatur: omnem enim sensum haec minutissima fugiunt. Juvenis robustus, ut evitaret rocae supplicium, in carcere prono capite, manibus post tergum reiectis, tanta vi impigit in parietem validissimo cursu, ut illico conciderit mortuus nullo verbo, vel clamore edito. Dum cadaver lustrabatur, nulla contusio, nullus tumor, nulla fractura apparebant in capitis vertice, quo impigerat in parietem (uti testantur alii eodem loco inclusi). Inegumentis omnibus ablatis, in illorum parte interiori, qua calvariae accumbunt, nulla laesio apparebat; neque in ipsa calvaria, praeterquam quod pars squamosa ossis temporum parum secessisset ab osse bregmatis, cui incumbit; tamen inde nullo modo tam subita mors sequi poterat. Serra diltisso cranio nullum omnino damnum apparebat, sed encenhalon non replebat exacte calvariae cavum, ut solet, & totius encephali substantia firmitior, & solidior apparebat, quam aliter observatur (e). Patet ex hac historia, subitam mortem, validam capitis percussionem talem secutam, tantum adscribi potuisse huic encephali totius subsidentiae, per quam tenerissima illa stamina, vel fracta fuerunt, vel sic intorta aut complicata, ut non amplius pervia manserint subtilissimis totius corporis liquidis. Simul etiam colligitur ex dictis, diversas posse functiones encephali laedi, prout variae partes hujus organi tali concussionem laesae fuerint. Hippocrates dixit (f), *Quibus cerebrum quadam occasione concussum fuerit, illos quam primum voce privari necesse est*, & alibi (g) addidit, *talem nec videre nec audire necesse est*. Et Heurnius in Commentariis suis ad hunc Aphorismum (h) dicit, se novisse quosdam, qui, cum in occiput lapsi fuissent, tota vita gustum, & odoratum amiserint. Quatuor annorum puer, sine ulla difficultate loquens, de scamno in caput decedit; nullum omnino observatur damnum: tertio die surgens puer incipit balbutire, caeterum sanus; sequentibus diebus augetur malum; deinde fomentis cephalicis capiti applicatis, aliisque quibusdam remediis interne datis, rediit loquelaе integritas (i). Homini cuidam post capitis percussionem per plures annos mansit summa difficultas loquendi, quando decumberet (k). Neque tantum talis cerebri concussio fit, percussio capite; verum etiam accidere poterit, dum quis ex alto delapsus aliis corporis partibus impigerit. Tale exemplum habetur apud Galenum (l) de homine, qui ex alto delapsus dorso initium terrae impigerat; tertio die postea exiguum vocem emittit, quarta omnino obmutuit, & resoluta simul fuerunt crura, manibus omnino illaesis &c., septima die redierunt vox, & crurum motus. Galenus quidem solius spinalis medullae affectionem hic culpavit, sed cum paralysis solos inferiores artus occupaverit,

(e) Académ. des Sciences l'an 1705. Histoire pag. 68. 69. (f) Aphor. 78. Sect. VII. Charter. Tom. 9. pag. 325. (g) Hippocrat. de Morbis Lib. I. cap. 20. Charter. Tom. VII. pag. 531. (h) pag. 504. (i) Miscell. Curios. dec. 1. ann. 2. observ. 120. pag. 198. (k) Académ. des Sciences l'an 1732. Hist. pag. 431. (l) De Locis affectis Lib. I. cap. 6. Charter. Tom. VII. pag. 395.

rum, facile patet, spinalis medullae initium non fuisse laesum, aliter & manus paralyticae fuissent. Unde vocis ablatio in hoc casu cerebri concussioni potius videtur adscribenda esse.

§. 275. **C**ognoscuntur mala haec (273. 274.) ex nota causa; ejus impetu; loco excipiente; vomitu bilioso; visu, auditu, olfactu, gustu, tactu minutis, depravatis, sublatiis; vertigine, caligine, lapsu; sopore, stertore; resolutione; convulsione; delirio; lethargo; apoplexia; horripulatione; febre geminata; cruento per os, nares, aures effluente; rubore faciei, & oculorum.

Agitur hac paragrapho de signis, per quae cognosci potest, effusus humores sub cranio premendo, vel rodendo acrimonia stagnando acquisita, encephalon laedere; vel etiam concussione sic mutatum esse tenerum hujus organi fabricam, ut ejus functiones inde turbentur, vel deleantur.

EX NOTA CAUSA, EJUS IMPETU, LOCO EXCIPIENTE. Omnia enim haec, si cognita fuerint, magnam lucem affundent latentium malorum inquisitioni. Obusum enim instrumentum vulnerans, valido impetu capiti impactum, semper metum facit fissurae, vel fracturae cranii. Prout jam vario loco capitis laesio facta fuerit, iterum majus minusve periculum erit. Quibusdam enim in locis calvaria tenuissima est, aliis locis longe crassior. Satis notabiles arteriae durae matris in profundis sulcis calvariae haerent in certis locis, unde causa laedens, his locis applicata, facile frangere poterit haec vasa, & effusus sanguis comprimere encephalon.

VOMITU BILIOSO. Ille enim vulnera capitis sequens fere semper male affectum cerebrum designat; si ab effusus humoribus compressum fuerit, siue concussione valida turbata fuerit ejus actio. De hoc vomitu autem dictum fuit §. 267.

VISU, AUDITU, OLFACTU, GUSTU, TACTU MINUTIS, DEPRAVATIS, ABLATIS. Constat ex Physiologicis, cerebri integritatem requiri, & liberum commercium inter cerebrum, & nervos his sensibus inservientes, ut fiat perceptio idearum, quae per sensus externos menti repraesentantur. Unde patet evidenter, si post vulnera capitis minuatur, aut depravetur, vel & integre aboleatur horum omnium, vel quorundam tantum actio, cerebrum sic affectum esse, ut origo nervorum, his sensibus intervientium, compressa, vel alio quocumque modo laesa, non amplius transmittat subtilissimos spiritus cerebri fabrica secretos, & ad sensuum integritatem requisitos.

VERTIGINE, CALIGINE, LAPSU. Dictum fuit in Commentariis §. 267. levissimum cerebri morbum esse vertiginem, siue apparentem rotationem corporum vicinorum; ubi vero augetur malum, tunc simul tenebras apparere: & vocatur tunc vertigo tenebrosa: simul sic resolvitur tunc omne corporis robur, ut incipiant vacillare omnia membra, & tandem cadat homo. Illud autem designat, quod non tantum illa pars sensorii communis affecta sit, quae nervis sentientibus originem dat, sed etiam malum pertigerit ad illa loca, unde nervi, moribus muscularibus inservientes, oriuntur. Unde

in loco allegato in commentariis §. 240. n. 4. Hippocrates signa enumerans, quibus cognoscitur, an aliquis graviter capite vulneratus fuerit, tria haec conjungit, tenebras circumfusas, vertiginem, lapsum. Et alibi (=) monet, quod in omnibus alicujus momenti capitis vulneribus rogare oporteat, an conciderit homo, vel in altum soporem delapsus fuerit: si enim horum quidpiam factum fuerit, majori custodia opus est. Rationem dein addit, non quod haec designent semper, cerebrum ipsum vulnere laesum esse, sed simpliciter, quod Encephalon vulnus tunc perceperit (*τὸ ἐνκεφάλῳ τραυματιστὸν ἢ τραυματιστὸν*).

SOPORE, STERTORE. In locis citatis inter mala signa semper profundus sopor numerabatur; si vero simul stertor accesserit, pessimum est: quando nempe toto prostrant pectore somnum, ut in Apoplecticis fit; tuncque designat, per vulnus omnes actiones cerebri deletas esse; solas autem cerebelli functiones integras mansisse; imo plerumque auctas, dum, libero humorum transitu per cerebrum impedito, tanto fortior, & velocior liquidorum trajectio per cerebelli fabricam fit.

RESOLUTIONE, CONVULSIONE. Cum a cerebri integritate pendeat exercitium muscularis motus, quatenus voluntatis imperio subjacet; hinc ejus laesione poterunt omnes, vel aliqui muscoli corporis paralytici fieri; & quia tunc muscoli sic affecti flaccidi, & penduli fiunt, hinc dicuntur resoluti. Ubi autem muscoli voluntarii violenta, & alterne repetens contractio fit, sed invita; tunc convulsio adesse dicitur: quae plerumque tunc oritur in hoc casu, quando per quaedam loca cerebri manet libera spirituum transmissio, per alia vero impeditur. Possit etiam hoc malum a spinis offeisis, pungentibus medullarem cerebri substantiam, vel & humoribus effusis, acerbis factis, & rodentibus &c. excitari. Utrumque hoc malum semper cerebrum affectum in vulneribus capitis designat.

DELIRIO. Quando nempe ideae excitatae in mente non respondent objectis externis, sed ab interna sensorii communis mutatione ortum ducunt, tunc dicitur homo delirare, unde apparet, in vulneribus capitis delirium semper malum signum esse, quia designat cerebrum ipsum affectum esse. Quod etiam monuerat Hippocrates in locis allegatis in commentario ad §. 267.

LETHARGO. Otiola quasi oblivio dicitur hoc malum, quod motum, & sensum tollit cum inexpugnabili necessitate dormiendi: ita tamen, ut sic decumbentes omnibus illis, quae validissime sensus afficiunt, adhuc excitari possint; sed mox iterum in somnum relabuntur. Unde cerebri functiones omnes maxime impeditas designat hoc malum, ideoque semper magnum periculum denotat.

APOPLEXIA. Omnia, quae hactenus enumerata fuerunt, symptomata docebant cerebrum affectum esse quidem, sic ut quaedam ejus functiones depravatae vel abolitae fuerint: ubi vero omnes omnino cerebri actiones silent, omnes sensus interni, & externi, motusque voluntarii cessant, superfluit sola actio cerebelli, quod vitalibus motibus inservit; tunc apoplexia adesse dicitur: quae summus cerebri morbus est, & plerumque in capitis vulneribus ab effusis humoribus compressum esse cerebrum indicat.

F f 2

Hor.

(=) Protheticon. Lib. II. Cap. 20. Charter. Tom. VIII. pag. 818.

HORRIPULATIONE. Quae fere semper designat in hoc casu sanguinem ruptis vasibus exire, praesertim si sine ordine recurat, neque febrem incipientem comitetur. Videmus etiam frequenter in morbis, magnas mutationes secuturas horripulationem talem praecedere; unde in vulneribus capitis semper illa horripulatio suspecta est, cum designet intima quasi sensorii communis perturbari, unde tales concussus in toto corpore fiunt.

FEBRE GEMINATA. Dictum fuit §. 158. n. 6. omni vulnere alicujus momenti illo tempore, dum pus sit, levem adesse febriculam; quae ergo nihil funesti designat; sed ubi haec febricula subito augeatur; vel postquam haec cessaverit, nova & vehemens febris insurgit; semper designat, magnum latere malum. Monuit ideo Hippocrates (n): *Quibus cerebrum vulneratur, febris plerumque, ac bilis vomitus accedit, & corporis sideratio, atque tales perniciose habens.* Et in Prorrheticis (loco allegato §. 240. n. 4.) dicit, optimum quidem esse, si capite vulneratus non febricitet &c. si vero quid horum apparuerit, securissimum est, ut in principio fiat &c. at incipere febrem in capitis vulnere quarta, aut septima, aut undecima die, valde lethale est. Talis enim febris novam inflammationem, aut validam suppurationem, hic adeo periculosa, designat. Unde & in illa Historia, quae ex Hippocrati libro secundo Epidemiorum praecedenti paragrapho allegata fuit, talem febrem geminam pessima symptomata, & mors ipsa secuta sunt. Puella enim illa, leviter manus palma sinciput percussa, statim quidem febricitavit; sed dum septimo die pus graveolens subrubrum cum levamine effluxisset, iterum crescebat febris, somnolenta fiebat, loquelam perdidit, faciei pars dextra contrahebatur, respiratio difficilis, tremor, convulsus &c. nona die periit. Dum examinantur historiae vulnere capitis apud observatores, plurima talia occurrunt exempla, quae docent, febrem sic subito post aliquot dies incrementem, vel & de novo ortam, mali fuisse ominis; & fere semper encephalon laesum, vel compressum fuisse.

CRUORE, PER OS, NARES, AURES EFFLUENTE. Non videtur sanguis sub calvaria effusus per has vias exire posse, cum dura mater adeo accurate omnem internam cranii superficiem investiat, ut nullus detur exitus. Verum quidem est, quod constat observatis medicis, saepe chronica capitis mala levata fuisse, dum per has vias exirent humores, quod notavit Hippocrates (o) dicens: *Capite laboranti; & circumquaque dolenti, pus, aut aqua, aut sanguis effluens per nares, vel aures, vel os, solvit morbum.* Nondum tamen per Anatonem hodie cognitam detectae sunt illae viae, per quas humores calvariae cavo contenti sic exire possent; forte per morbum factae fuerunt, licet naturaliter non praestiterint. Sic & in aliis morbis tales exitus humorum observantur, licet haecenus lateant viae. Pleuritis enim sic sputis, per pulmonemeductis, solvitur &c. Certe si tam facilis foret exitus sanguini sub calvaria effuso, non indigeremus cranii perturbatione; quam tamen tot experimentis necessariam, & utilem fuisse constat. Sed sanguis per os, nares vel aures effluens, denotat maximo impetu causam vulnerantem caput percussisse; cum arteriae potuerint

(n) Coac. praenot. n. 500. Charter. Tom. VIII. pag. 681. [o] Aphor. 10. Sc& VI. Charter. Tom. IX. pag. 251.

tuerint frangi per hanc vim: ideoque summus metus est, etiam illa vasa sanguinea, quae per encephalon decurrunt, tunicis callosis suis orbata rupta esse.

RUBORE FACIEI, ET OCULORUM. Sanguis ex corde per arterias carotides pulsus partim ad interiora capitis per internas dictas carotides pergit, partim per externas carotides distribuitur, quae faciei, & externis capitis partibus prospiciunt. Ubi ergo, effuso sanguine cerebrum comprimente liber tractus humorum per cerebrum impeditur, tanto majori copia per carotides externas feretur; unde facies magis rubicunda, tensa, & florida apparebit. Et quia carotis interna, postquam ex canali osseo, per quem transmittitur, emergit; ramos dat, qui ad oculi orbitam, ipsumque oculum tendunt, ibique cum externae carotidis ramis communicant; ideo impedito libero transfluxu sanguinis per cerebri vasa, oculi imprimis rubent, qui statim major copia sanguinis per ramos illos carotidis internae, qui ad oculos tendunt, derivatur. Ideo faciei, & oculorum rubor tam suspectum signum dat in omnibus capitis morbis. Fortissima Apoplexia decumbentes turgidam, inflatam, & rubicundam faciem habent. In phreniticis floridus ille vultus adeo damnabatur ab Hippocrate: & in puella illa, cujus historia ex Hippocrate habetur praecedenti paragrafo, & quae a levi oëpitis percussione periit, aderat faciei rubor. Pluribus in locis apud Hippocratem damnatur oculorum rubor, & facies illa florida. Sic (p) dicit: *Qui caput dolet, cum supore delirantes, alvo suppressa, feroci oculorum aspectu, floridi, opisthotonici sunt.* In quo loco per ferocem illum aspectum turgentibus oculis, & sanguine suffusi, uti in summa iracundia fit, intelliguntur. Et in subsequente leantentia addit (q). *Quae caput concutit, oculi praerubri, & manifeste delirantia, perniciofa.*

§. 276. **Q**UIS vero locus intra cranium sit laesus scitur. 1. ex sensibilibus externis (249.254.255.256.262.267.269.) si adlunt. 2. invento loco cranii laeso (255) per artem 3. ex tumore, & rubore cutis capillis orbae ad applicationem emplastris. 4. ex motu spontaneo manus ad certam capitis partem. 5. ex symptomatibus lateris unius paralytici, alterius convulsi.

Postquam constitit ex praecedentibus signis, encephalon per vulnus laesum esse, siue instrumentum vulnerans ad interiora penetraverit, siue intropressa calvaria, aut effusis humoribus, illud compressum fuerit; quaeritur, in quo loco encephali damnum haereat. Patet facile, quod summi momenti res sit, hoc recte cognoscere: cum cranii perturbationi non possit institui cum fiducia, nisi prius constet, in quo loco haereat malum. Saepe tamen satis difficile est locum affectum determinare. Nam aliquando laesio in alio longe loco inventa fuit, quam ubi causa vulnerans applicata fuerat, uti dictum fuit in commentariis §. 254. Saepe etiam nec aegri, nec adstantes, indicare possunt, quanam capitis pars istum exceperit. Neque a functionibus laesis observatis post capitis plagam hoc certo determinari poterit. Inde enim qui-

F f 3

dem

(p) Coac. Praenot. n. 163. Charter. Tom. VIII. pag. 861. (q) ibid. n. 163.

dem concluditur, encephalon laesum esse, sed nullus inde auderet semper certo concludere, quisnam encephali locus laesus esset. Quis auderet terminare loca cerebri, unde singuli nervi, sensibus externis inservientes, primam suam originem ducunt, quis memoriae, ratiocinii &c. sedem in mirabili hoc, & intricatissimo organo demonstrare poterit? Celeberrimi viri miras hic quidem finxerunt hypothese; sed eventus docuit, summa etiam ingenia, dum speculationibus indulgent, turpiter errare posse. Magnus STENO, tanta peritia in Anatomicis, & dexteritate valens, candide in publico Eruditissimorum virorum consensu falsus est, se cerebri fabricam ignorare omnino (r): & in pulcherrima illa dissertatione vana omnia signa destruxit, & veram monstravit viam, qua sensum ad cognitionem huius organi ascendere posset humana industria. Interim tamen per signa hac paragrapho descripta, quantum per artem hodie cognitum licet, in locum affectum encephali inquirendum est. Et si omnibus his accurate examinatis tamen quis erraverit, non erit artificis vitium, sed artis ipsius defectus; quem forte sequentium saeculorum inventa emendabunt.

1. De his dictum fuit in Paragraphis hic citatis.

2. Numero hic citato recensita fuerunt ordine omnia illa signa, per quae cognoscebatur ipsius calvariae laesio: si ergo per haec constiterit, cranium in quodam loco laesum esse, & simul appareant symptomata, quae docent encephalon affectum esse; habetur admodum probabilis ratio concludendi, encephali laesionem haerere illo in loco, quem cranium male affectum demonstrat.

3. Ubi per signa §. 275. recensita constat, encephalon laesum esse, neque tamen ullum indicium adsit, quo locus effectus determinari possit; tunc sequenti methodo conantur invenire Chirurghi locum laesum. Omne epiploon novacula abradunt; deinde toti capiti applicant Emplastrum aromaticum quodcumque, illudque per aliquot horas relinquunt. Deinde ablato Emplastro omni cura totum caput lustrant, an aliquid tumidi, vel inflammati appareat in quodam loco; quot si inveniat, tunc magna suspicio est, huic loco subesse laesionem. Dum enim hoc Emplastrum cuti capitis adhaeret, & blando stimulo aromatico paulo maiorem motum excitat, si quot confusi fuerit, facilius hoc apparebit orto tumore. Ubi non poterat dereg, quoniam in loco capitis laesio haereret, huic calamitati nullis remediis posse subveniri Hippocrates pronuntiavit (s).

4. Qua ratione hoc fiat, quis dixerit? Rem tamen sic se habere, quotidiana, & certissima docent observata. Ipso hoc die, quo haec scribo, hominem ex alto lapsum vidi, sine ullo sensu jacentem, qui dextra capitis, & faciei parte duro obstaculo impeggerat, cum valida contusione, & levibus vulnusculis harum partium; continuo manu dextra in altum sublata tangebatur, imo fricabatur satis fortiter affectas partes. Postquam valida missione sanguinis ad se rediisset post bi'hori, nullius omnino rei

se

se memorem esse dixit, postquam lapsus fuerat. Dum ergo videbant Chirurgi, quod automatico tali motu manus sic vulneratorum deferrebat ad locum laesum, probabili conjectura concluderunt, ubi nulla laesio externa conspiciebatur, indicari pariter locum affectum, si ad certam, & semper eandem capitis partem spontaneo tali motu manus decumbentis ferretur. In Apoplecticis idem illud Phaenomenon saepe apparet. Videtur certe signum hoc magnum pondus habere, cum observentur plurimi tales motus automatici, qui nullo modo a voluntatis imperio pendent, neque a mente conscia praedeterminantur; per quos illud, quod noceret, tollere conatur corpus nostrum mirabili hao proprietate a Creatore instructum.

5. Illud organum corporeum, unde in nobis sensus, & motus voluntarii pendent, videtur in sua origine, collectione, distributione, & operatione duplex esse. Carotis enim arteria dextra, & sinistra est, vertebralis dextra, & sinistra est: Ex his oritur hemisphaerium cerebri dextrum, & sinistrum, distinctissima a se invicem, tota medullae collectio in sinistram, & dextram dividitur; quod in corpore calloso, formice, cruribus medullae oblongatae, nervis opticis, olfactoriis &c. imo etiam in ipsa medulla spinali, & nervis inde derivatis, evidentissime apparet. Licet tamen omnia haec sic duplicia inveniantur, tamen unus, & simplex est homo, qui sentit: bini nervi olfactorii, adeo distincti in sua origine, & progressu, tamen eundem sensum olfactus faciunt. Dum binis oculis revera bis videmus idem objectum (uti patet limite medio inter binos oculos posito, vel leviter tantum pressio digitis alterutro oculi bulbo) tamen unica visio fit: idem in auditu verum est.

Cum ergo illud organum sentiens, & movens duplex sit, hinc una pars potest integra manere, dum altera, quoad corpoream speciem manens, impotens omnino fit ad omnia: uti patet in Hemiplegia: in quo morbo dimidium corporis sic resolvitur, ut nullus motus a mentis arbitrio pendens ibi superstit; tamen manet illa facultas conscia, sentiens, & cogitans motum; & licet homo sic affectus omni nixu velit movere latus affectum, nullus tamen sequitur motus in musculis; imo etiam aliquando in pessima morbi huius specie simul omnis sensus aboletur in latere affecto.

Hippocrates (†) jam monuerat hoc dicens: *Cerebrum hominis duplex est, uti etiam in omnibus aliis animalibus; medium autem ipsius dividit membrana tenuis: quare non semper eandem capitis parte doles, sed particulatim alterutra, aliquando vero totum.* Oritur jam subtilis quaestio, an origo sentiens, & principium illud movens, locentur in parte opposita illi loco, ubi effectus suos edunt; an vero in eodem latere corporis: id est, an motus, & sensus origo, qui parte corporis sinistra exercentur, haereat in parte cerebri dextra, an in sinistra. Hoc autem subtilissimorum Anatomicorum observatis, & Experimentis determinari debet: illud cognitum ubi fuerit, magnam lucem affundet, ut in capitis vulneribus, ex sensuum, & motuum laesione in alterutro corporis latere, determinetur locus encephali, ubi laesio haeret.

F f 4

Mol.

(*) D: Morbo Sacro cap. 3. Charter. Tom. X. pag. 478.

Mollis, & pulpofa cerebri fabrica femper magnam difficultatem fecit in demonftrationibus Anatomicis; omnium autem minimam confidentiam habet in junioribus. In fenefcure, & imprimis in illis hominibus, qui valido labore corpus exercuerunt, firmius eft, & melius tractari poteft. In talibus cadaveribus, poft diuturnam macerationem diffoluta pro maxima parte corticali, cinerea, encephali fubftantia, luculenter apparuit, medullares fibras, in dextra cerebri parte ortas, ad finiftram partem tendere, & viciffim. Ille autem fibrarum decurfus potiffimum triplici in loco animadverfu potuit; in utraque fcilicet priore, & posteriore annularis protuberantiae crepidine, atque maxime in imo medullaris caudicis, qua in fpinalem abit: omnium evidentiffime duabus circiter lineis infra pyramidalia, & olivaria corpora hoc apparet: fi enim leniter a fe mutuo deducantur pyramidalia corpora, non tenues decuffari fibrillas, fed validos earundem fafciculos in adverfam partem tendere evidentiffime demonftratur (u). Hoc fere totum eft, quod Anatome circa decurfum fibrarum medullarium cerebri detexit.

Plurima jam habentur Obfervata Medica, quae decuffatam illam cerebri actionem confirmant. Serva duodecim annos nata cranium contufum, & ruptum habuit; feftione per ferram, non ut decebat, adhibita, decimo quarto die perijt. *Convulfo autem manu finiftram occupat, in dextra tamen parte potius vulnus habebat (v). Quibus tempora fecantur, ex adverfa feftionis parte convulfo contingit (vv).* Et in pulcherrimo de Capitis vulneribus libro (x) idem confirmat Hippocrates monens, temporum regionem non temere fecandam efle, quia feftionem talem convulfo fequitur, dicitque. *At fi finiftra tempora fefta fuerint, dextra convulfo prebendit; fi vero ad dextra fuerint fefta tempora, finiftra convulfo prebendit.* Et in eodem libro (y), ubi figna recenset, quibus nofcitur, ex capitis vulnere perituro efle hominem, dicit: *Plerofque etiam altera corporis parte convulfo occupat. Si quidem finiftra capitis parte ulcus habuerit, dextram corporis partem convulfo prebendit. Si vero dextra capitis parte ulcus habuerit, finiftram corporis partem convulfo prebendit.* Sic jam antiquiffimis Medicinæ temporibus talia fuerunt obfervata, quae huic fententiae favent.

Inter recentiores auctores Fabricius Hildanus, qui fimpliciter plerumque narrat illa, quae vidit, nulla admifcens ratiocinia, plures habet obfervationes, quae hanc fententiam confirmant. Homo quadragenarius globo ferreo, qui ultra libram cum dimidia pendeat, bregma finiftrum percuflus fuit, cum infigni cranii depreffione, & fractura. In terram quali mortuus procidit, loquelam, vifum, & auditum penitus amisit, quin etiam ex oppofita auxilii paralyfi correptus fuit. Elevato cranio depreffo, & reliquis idoneis auxiliis fanitati reftitutus fuit (z). Homini fexagenario lapidis iclu os frontis in finiftro latere illo in loco, ubi capilli prodire incipiunt, profundius impreffum erat.

(u) Santorin. Obfervat. Anatom. cap. 3. pag. 61. 62. (v) Hippoc. lib. V. epidem. textu 23. Charter. Tom. IX. pag. 141. (vv) In Coacis Praenot. n. 458.

(x) Cap. 19. Charter. Tom. XII. pag. 123. (y) Cap. 31. ibid. pag. 127.

(z) Hildan. Obfervat. Chirurg. Centur. 2. Obferv. 3. Exempl. 1. pag. 78.

erat. Ipso momento ictus in terram procidit, vomuit, simul loquelam, intellectum, visum ac auditum amiserat, totoque latere opposito paralyti correptus fuerat. Amici noluerunt, disseclis integumentis cranium intropressum restitui, & paucis diebus postea periit. (a).

Mulier vulnus contusum in dextro osse bregmatis cum fractura, & intropressione cranii acceperat. Evomuit mox ab initio biliosum humorem, & cibum indigestum, sinistrum latus resolutum est, in dextro autem convulsiones patiebatur. Convaluit tamen, licet multum de ipsa cerebri substantia per vulnus eductum fuisset (b). Juvenis robustus baculo vulnus ad sinistrum bregma cum ossis fractura recepit: dilatato vulnere, & cranii fragmentis eductis, post quinque septimanas vulnus fere cicatrice obductum fuit. Ille tunc cum scorto rem habuit, paucisque horis postea recidit in febrim, & dolorem capitis vehementiorem, quam ante. Latus item oppositum resolutum est, brachium vero lateris aegrotantis spasmo correptum, & quarto die postea periit (c). Puer ex alto delapsus caput laeserat; in initio levius putabatur malum. Os in medio vulnere postea incepit nudari, & in sutura sagittali parvum foramen apparuit, per quod copiosum pus exibat: Puris illa excrecio aliquando sistebatur per aliquot dies, tuncque quater, vel quinques de die fortiter convellebatur spatio quadrantis horae brachium dextrum, uti & maxilla ejusdem lateris. Simul ac rediret puris excrecio, cessabant haec convulsiones. Moritur tandem puer, & totus lobus sinister cerebri fuit inventus suppuratus, dextro lobo, & cerebello integerrimis (d).

Vallatva (e) testatur, se quam plurimis cadaverum sectionibus semper invenisse, quod, ubi alterius medietatis corporis resolutio facta fuerat, causa semper haerit in opposita cerebri parte, testisque eruditissimos, qui his sectionibus adfuerant, recenset. Et si aliquando ad alteram etiam cerebri partem extensam laesionem iavenerit, haec tamen erat in opposita parte multo notabilior. Inter illos autem viros doctos, & graves, qui his experimentis adfuerant, nominat & Petrum Mollinellum *Philosophiae, & Medicinae Doctorem*, cujus habetur notabile experimentum (f), quod sic se habet: sinistram cranii partem vivo cani aperuerat, tum duram matrem iterum, & saepius pungens observaverat, canem variis quidem torqueri convulsionibus, praesertim cum illa pars durae matris pungeretur, quae maxime ad os adhaerebat, nunquam tamen apoplexia corripitur. Postremo sinistri cerebri locum penitus extraxit. Cecidit extemplo canis, non quidem in sinistrum latus, quemadmodum expectandum videbatur, sed in dextrum, & relevatus iterum ad eandem partem procubuit. Simul dextra pars corporis omni sensu carere visa fuit, contra quam accidit in sinistra, quae & sensum retinuit, & motum. Addit deinde, quod noverit, alios idem experimentum summis eodem exitu; & ex his omnibus concludit, quod Celeberrimi viri *Morgagnus, & Lanciscus* jure merito statuerint, facile posse conjici, utra pars cerebri

offen-

(a) Ibid. Exempl. 3. [b] Ibid. Centur. 1. Observat. 13. Exempl. 1. pag. 31.

(c) Ibid. Observat. 19. pag. 25. [d] Academie des Sciences, l'an 1700. hist. pag. 56. 57. [e] De Aue Humana pag. 85. 86. cap. 5. [f] In Commentariis de Bononiensi scientiarum, & artium instituto pag. 249.

offensam acceperit, si attendatur, in quodam latius procubuerint Hemiplectici.

Plurima similia observata possent adduci, quae & in morbis, & in Capitis vulneribus hanc sententiam confirmant; haec tamen enarrata sufficere posse credo. Imprimis magnum pondus huic opinioni addit illud ultimum in vivo cane tentatum experimentum. Nec tamen dissimulandum est, qualsdam occurrere apud auctores observationes, quae huic sententiae repugnant; quarum unam alteramve breviter recensebo.

Puer undecim annorum in lethargum gravissimum incidit, & dum profundissimo somno detinebatur, tota pars dextra corporis paralyti resoluta nec movebatur, nec sentiebat. Forestus vocatus, cum nulla alia remedia aderant, thymum contritum cum aceto nari dextrae imposuit, indeque non nihil reviviscere videbatur puer: simul ex nare materia crassa, valde corrupta, sanguinolenta, & viscosa instar putridae saniei exibat. Praedixit hinc Forestus, abscessum una cum sphacelo dextram partem cerebri occupasse. Brevi moritur puer, dumque jam ante obitum, rebus omnino conclamatis, discessum meditaretur Forestus, Nobilis Matrona, quae curam pueri habebat, utroque parente absentibus, illum retinuit, ut cadavere inciso mortis causa detegi, & parentibus remitti posset. Cranio ablato cerebrum, & cerebellum in parte dextra vergens ad posteriorem partem, omnino saniosum, putridum, corruptum, & sanguinolentum inventum fuit; sinistra vero pars cerebri album, sanum, incorruptum habebat. Sic in cadavere praelagii veritas detecta magnam famam Foresto conciliavit (g). Casus ille sollicitate descriptus directe repugnat ante memoratis, & videtur magnum pondus habere.

Juvenis laeditur in regione bregmaticae sinistri; postridie dextri lateris convulsivi motus, & sinistri paralyti ob servantur. Tota regio bregmaticae sinistri confusa deprehendebatur, ut sua sponte octo ossa separarentur, de quibus unum acutius in ipsam substantiam cerebri per utramque meningem depressum inveniebatur (h). In hoc casu resolutio ejusdem lateris partem, convulsio oppositum latus tenebat; contraria ergo directione, ac in casibus paulo ante recensitis.

Valsalva [i] candidè monuit, nihil dissimulare volens, in uno alterove casu in utroque Hemisphaerio cerebri aequalem laesionem sibi apparuisse; frequentissime tamen vidisse oppositam lateri resolutio plagam cerebri affectam esse.

Si tamen consideretur, saepe nihil detectum fuisse post mortem in cerebro, licet gravissimae laesiones functionum hujus visceris adfuerint ante mortem; cum levis tantum mutatio, vel compressio in tenerimis his staminibus sufficiat ad pessima quaeque producenda mala, uti pulchro experimento docet *Valsalva* in loco citato.

Nervi Cordis ad jugulum canis filo arte restricti, & illico soluti, adeo in structura sua insensibili labefactati fuerunt, ut canis intra aliquot dies eodem

(g) Forest. Observat. lib. X. obs. 11. Tom. I. pag. 414. (h) Bonet. Sepulcrer. f. Anatom. Pract. lib. I. Sect. XV. Observ. 27. pag. 373. (i) De Aure Humana cap. 5. pag. 86.

dem modo, ac si nervi illi amputati essent, moreretur; licet iidem nervi rursus inspecti nullum sensibilis laesionis vestigium ostenderent. Unde potuit in talibus casibus a solo etiam concussu oppositum cerebri hemisphaerium in sua fabrica laesum fuisse, licet sensibus nihil mali detegi post mortem potuerit. Quod adhuc magis probabile apparebit, si consideretur, saepe duram calvariam in opposita parte findi, dum illa pars, quae ictum excipit, integra manet, uti dictum fuit in commentariis §. 254.

Cum ergo numerosissimae observationes celeberrimorum Auctorum, & experimenta in vivis animalibus capta decussatam illam cerebri sententis, & moventis actionem confirment; pauca tantum habeantur Exempla, quae repugnent huic sententiae, illaque adhuc possint sic explicari, ut saltem minus repugnare videantur; patet, si non omnino certam, saltem maxime verosimilem esse hanc opinionem, qua statuitur, quod si unum latus paralyticum, alterum convulsum fuerit, tunc mali origo haereat intra cranium in illa parte, quae lateri paralytico opponitur. Si vero convulsio v. g. in dextro latere corporis appareat, & nullum omnino vitium adsit in latere sinistro, tunc ob eandem causam admodum videtur probabile, sinistram cerebri partem affectam esse sic, ut aequabilis influxus spirituum in musculos dextri lateris turbetur quidem, non tamen impediatur omnino. In Exemplis modo memoratis tales casus habentur.

Notandum tamen quam maxime, in nervis illam oppositionem directionis non obtinere, quae in cerebro per haec experimenta detegitur: nam nervi in dextra parte orti eidem lateri prospiciunt. Celeberrimi Anatomici fuerunt in alia opinione, & imprimis crediderunt, nervos opticos se mutuo decussare, & ad oppositi lateris oculum tendere singulos; multisque opticis Phaenomenis explicandis hoc inservire posse arbitrati sunt Philosophi. Fortuitus tamen casus docuit contrarium. Celeberrimus *Santorini* [κ] dissecebat cadaver hominis, cui dexter oculus jam dudum caecus fuerat vera Amaurosi, nullo deprehenso vicio conspicuo oculi. Nervus opticus huius oculi inventus fuit aequo gracilior, & colore obscurior, utpote cinereus; quem cum anxie persequeretur dextrerrimus ille Anatomicus, invenit illum nervum coloris diversitate facile distinguendum, semper dextrum latus tenere; & simul evidentissime vidit, nervorum opticorum fibras, non modo non decussari, sed ne implicari quidem, sed tantum hos nervos sibi mutuo accumbere, & dein iterum disjungi.

§. 277. **T**UM 1. cruor effusus illico tollendus 2. loca infecta depuranda. 3. ossicula forte infixia cerebro evellenda.

Quando jam constitit, causam laedentem quamcumque capiti fuisse applicatam cum tali effectu, ut functiones encephali laesae fuerint, primo examinatur, qualis fuerit haec laesio, an ab intropulsâ calvaria contentum cerebrum premente, vel acuris fragmentis pungente, vel lacerante, an ab effusis

sub

sub cranio humoribus; an vero a valido concussu hoc factum fuerit. Quibus autem signis hae causae variae detegantur, praecedentibus explicatum fuit. De cura intropressae calvariae dictum fuit §. 271. 272. Per concussionem validam tenerrima encephali pulpa sic potest affici, ut compressis hoc concussu minimis vasculis liber transitus humorum per haec impediatur: sed si non fuerint fracta, vel destructa omnino haec vasa, aequabilis humorum circumductio aperiet iterum collapsos hos canaliculos, & post aliquot horas sensim redibunt functiones; ubi autem sub calvariae olla haeret aliquid, quod comprimere, vel laedere potest encephalon, indicatio curatoria generalis jubet haec tollenda esse, ut facile patet: tuncque ad tria haec in hac paragrapho enumerata attendendum est.

1. Patet evidenter: omne enim extravasatum liquidum, quod hic haeret, semper comprimet encephalon; cum naturaliter omnia hic adeo plena sint: & si diu maneat haec causa comprimens, contigua minimorum canaliculorum latera concrefcere poterunt, & impervia manere tota vita; unde postea immedicabilis orietur laesio functionum encephali.

2. Quando nempe humores effusi, corrupti, in pus, ichorem, vel saniem mutati, insecerunt vicina loca, quibus accumbunt; uti & ubi solidae partes sic affectae fuerint, ut sanitatis legibus amplius obedire nequeant.

3. Observationes enim docuerunt, haec infortunia aliquando contigisse; unde & haec tollenda erunt.

6. 278. **E**xtravasatus sanguis aufertur. 1. resorbendo. 2. dissipando. 3. perforando cranium.

1. In contusionibus, dum sub integra cute sanguis vasis fractis effusus haeret, & nigra, vel, caerulea macula locum affectum deturpat, videmus saepissime sensum disparere omne illud extravasatum; vasis nempe bibulis venosis resorptura, & allabentibus humoribus tenuioribus attenuatum. Quare ergo & illud hic loci fieri non possit? sanguis autem extravasatus in loco clauso, ubi nullus datur aeri accessus, haerere potest diutissime sine corruptela.

2. Quando nempe extravasatus cruor diluentibus, resolventibus remediis sic attenuatur, ut vasis bibulis venosis, in omni interna aequae ac externa corporis superficie patulis, resorptus dissipetur, & sensum dispareat.

3. Ubi tanta copia est effusi sanguinis, ut valida compressione encephali functiones maxime laedat, non daretur tempus, ut lenta tali resorptione, & dissipatione tollatur extravasatum: prius-enim saepe periret homo. Unicum tunc superest, quamvis crudele, auxilium, ut calvaria perforata exitus detur sanguini extravasato.

Jam examinandum est, quomodo singula haec fieri debeant.

§. 279. **R**esorbetur, si in venas, largo missu sanguinis, & succenturiata purgatione alvi, evacuatās, vi vitae repellitur.

Dum

Dum vivi animalis junioris (quā in his facilius cranium tolli potest) calvaria aperitur, apparet manifeste undique transpirans halitus, tota superficie utriusque meningis humida est, omnis ambitus ventriculorum tenui rore madet. Assiduo ergo tenuissimis valis exhalantibus efflatur tenuissimum tale liquidum, quod omnia humectat, & fovet. Sed nisi pariter adessent venulae resorbentes in illis locis, accumularetur sensim ibi latex, & totam encephali actionem comprimendo tolleretur. His ergo osculis venosis debet resorberi extravasatus sanguis. Mirum forte videri posset, sanguinem, statim concreverem, dum extra vasa haeret, tenuissimas has fistulas ingredi posse, sed si consideretur, sanguinem concretum, de vena missum, sensim iterum resolvi, & deliquescere in tenuius liquidum; & quidem citius hoc fieri, dum blando calore fovetur, & praeterea exhalante tenuissimo rore continuo dilui coagulatum cruorem; & simul, plena cum calvaria semper sit, valide premi, & arteriosam fabricam encephali, & imprimis durae matris vasa, sanguine impulsio vi cordis nunc distendi, mox iterum se contrahere, patebit, extravasatum cruorem hic omni momento premi, atteri, tenuissimo liquido dilui, & tandem sic attenuari posse, ut minima oscula venarum absorbentium ingredi valeat. Cum autem absorbentes hae venulae resorptos humores majoribus venis tradant; facilius fiet haec resorptio extravasati, si venae majores depletas fuerint; & ob hanc causam larga missio sanguinis hic commendatur; porro per purgantia talia, quae fortiter evacuant, & simul sine aucto motu, vel majori stimulo potenter solvunt, & subducuntur de corpore humores, attenuantur autem illi, qui remanent, & minus ergo distendunt vasa, dum facilius per omnia transire possunt. Sic faciliis patet ingressus resorptis humoribus in venas depletas, & post illas evacuationes siccius redditum corpus in omni superficie interna, & externa avidè absorbet contigua liquida. Sic observatur post validas alvi subductiones sitim ingentem nasci, & statim hausta liquida citissime resorberi venosis osculis in cavo ventriculi, & intestinorum hiantibus. Quantum autem possit haec methodus, ut extravasatus sanguis resorbeat, ad oculum apparet in validis contusionibus. Tumorem talem, qui caput infantis aequaret, in natibus post lapsum ex curru, hac methodo integre dissipatum vidi; licet tota pars nigresceret ab effuso sub integra cute haerente sanguine. Nemo autem facile dicet, extravasatum hunc cruorem transpirasse per cutim illaesam: si enim eo usque attenuari possit coagulatus sanguis, ut per exhalantia cutis vascula exire posset, facile patet, quod commode ingredi poterit absorbentium venularum oscula. Apparet ergo multum boni ab hac methodo merito sperari posse.

§. 280. **H**inc statim ad maximam copiam, aegro tolerabilem, utraque haec evacuatio instituenda (279), & si juvat, pro re nata repetenda, iterumque, si post has administratas minuuntur symptomata (275).

Nunquam nocebit, modo vires consent, largas tales evacuationes facere; & imprimis maxima Venae sectio, & repetita quidem, hic tanti usus est.

Visum

Visum enim fuit saepissime, ubi omnia signa docebant, sanguinem effusum sub calvaria cerebrum comprimere, audacissima Venae sectione illico remississe symptomata, licet jam de trepano applicando cogitaretur. Et licet malum non crederet his remediis, & trepanum postea deberet institui, nunquam nocebit per hanc methodum corpus reddidisse inflammationi minus obnoxium: sic enim pessima symptomata, perforationem calvariae quandoque sequentis; & imprimis fungorum cerebri generatio multum praecavebuntur. Haec ergo primo tentanda videntur, antequam ad trepanationem ipsam perveniat. Si jam his evacuationibus incipiunt minui illa mala, quae compressum ab effusis humoribus cerebrum sequuntur, novimus magnam spem esse, ut repetito horum usu, (semper habito respectu ad decumbentis vires) tollantur penitus. In gravissimis certe casibus pulcherrimos hujus methodi successus me saepius vidisse laetus recorder: & Paræus (1) audacter repetitae sanguinis missionis notabile Exemplum habet. Juvenis 28. annorum lapsu bregmatis os sinistrum lapidi valide impeggerat: aderat contusio, sed nulla cranii fractura. Septima die febris valida, delirium, inflammatio magna, tumor ingens totius capitis, faciei, & colli; loquela, visu, deglutitione impeditis. Sequenti die duodecim uncias sanguinis detraxerat Chirurgus: postmodum Paræus vocatus, dum videbat pessima haec symptomata non remittere, & validas esse vires, quadraginta & duas uncias sanguinis de vena missit: sequenti die, auctis adhuc porius malis, iterum duodecim uncias subduxit; & postea adhuc binis sanguinis missionibus quindecim uncias eduxit: sic ut intra quadriduam ultra octoginta uncias sanguinis amiserit aeger, & a tam periculoso malo integre curatus fuerit. Monuerat quidem magnus Hippocrates (m), *evacuationes ad extremum duces periculosas esse*; & hinc videretur forte temerarium tantam copiam sanguinis subducere; sed eadem Sectione (n) axioma sequens posuit: *ad extremos morbos extrema remedia ad amissam optima*. Cum ergo hic vita periclitetur, nisi subita medela adhibeatur, patet ratio, quare validae adeo evacuationes adhibeantur. In levioribus enim malis nemo prudens haec tentare auderet.

§. 281. **D**issipatio attenuati perficitur. 1. resorbendo (279. 280.) partem dissipandi. 2. attenuando per diluentia aquosa, & resolventia calide pota. 3. parti affectae rasae imponendo emplastra, cataplasmata, fomenta, ex discutientibus nervinis, cephalicisque. 4. auribus, naribusque eadem applicando.

Dissipatio vocatur, quando extravasatus sanguis sponte, vel per artem, ita dissolvitur, ut minima absorbentium vasorum oscula ingredi, sique sensim quasi evanescere possit.

1. De his dictum fuit.

2. Si Sanguinem sani hominis de vena missum, & coagulatum, in aqua tepida quis conquassaverit, sensim minuetur illud coagulatum, aqua assula rube.

(1) Liv. X. Chap. 13. pag. 237. (m) Aphor. 3. Sect. 1. Charter. Tom. IX. pag. 7. (n) Aphor. 6. Charter. Tom. IX. pag. 11.

rubefcet, & ultimo tam parum illius massae coagulatae supererit, ut vix credi posset: remanebit tamen semper aliquid, forte quia libero aeri tam diu expositus fuit sanguis. Videmus enim quotidie in contusionibus extravasatum sanguinem dissolvi sic, ut integre dissipetur. Ob hanc causam, post sanguinis missiones, & purgantia, datur tanta copia decoctionum aquosorum, quantam corporis vires ferre, & mobilem reddere possunt: sic sanguis omnis diluitur, & exhalanti fluido copiosa materia suppeditatur, ut resolvatur sensim illud coagulatum, & solum resorbeatur verulius minimis absorbentibus. Quia autem aquosa sola potata, imprimis post magnas evacuationes, corpus enervant sic, ut haec assumpta inciperent colligi in cavis corporis, & corpus ad hydropem disponderent; ideo simul his decoctis adduntur levis aromata, quae blanda solvendi vi commendantur, & simul levi stimulo parum plus movent; quod nunquam nocebit post has evacuationes praegressas. Totus enim scopus est sanguinem reddere sic dilutissimum, ut copia tenuis liquidi per exhalantia valcula continuo applicetur extravasato cruori, & ille sic dilutus, & attenuatus resorberi possit venosis osculis. Formula palis decocti in Materia Medica habetur.

3. Verum quidem est, quod horum omnium efficacia non directè, & immediae agere possint in extravasatos humores, qui sub calvaria haerent, cum externa capitis fere tantum a carotide externa suos humores excipiant. Proderunt tamen, dum externis capitis partibus sic socis, & laxatis minuitur humorum impetus versus interiora capitis; uti & dum horum remedium pariter per venas resorbentes externae cutis sanguinem ingreditur, & postea communi circulationis lege ad locum affectum deferri potest. Neque videtur semper anxie disputandum esse, quomodo, & per quas vias remedia applicata agant, modo constet profuisse. Sic in morbis acutis inflammatoriis capitis interiora obdientibus, fomenta ex aqua, aceto, nitro tanto cum fructu deorsum prius capiti applicantur. Unde in periculoso tali malo, omnia artis molimina adhibentur, per quae aliquid emolumenti, quantumvis etiam leve hoc fuerit, sperari potest. In usu tamen horum semper animadvertendum est ad illas cautelas, de quibus dictum fuit §. 245. 246. 247. semperque curandum, ut Cataplasmata, vel fomenta talia applicata, in debito calore retineantur; quod pannis calidis saepe applicatis fieri poterit. Talis Emplastri, & fomenti formula in Materia Medica ad numerum 247. habetur.

4. Verum quidem est, duram matrem omnem superficiem internam cranii exactissime obducere, sic ut totum encephalon in proprio quasi territorio seculum ab omnibus aliis haereat. Tamen per observata Medica constat, bina haec loca esse cerebri quasi spiracula, per quae saepe miris modis humores exeunt. Dictum fuit in commentariis ad §. 275. Chronica saepe capitis mala levare citissime, dum per nares, vel aures, aqua, pus &c. effluunt; illudque Hippocratis testimonio confirmatum fuit. Notum est, in omnibus morbis capitis, qui ab insarctis encephali vasis a nimia plenitudine, vel & inflammatoria humorum densitate fiunt, sanguinis per nares effluxum adeo prodesse. Enarrata fuerunt Exempla in commentariis ad §. 273., quibus constat, post gravissimas capitis lacerationes, lymphae per aures effluxum sanasse etiam

etiam, ubi communi expertissimorum Medicorum, & Chirurgorum consilio jamjam trepanum applicandum erat. Hinc proximus ad interna capitis hic videtur patere aditus. Certe summis naribus incumbit tenuis ossis Ethmoidis lamella, foraminulis pertusa; quae quidem in homine vivo durae matris vaginulis emissis, & nerveis fibrillis, oppletur exactissime; tamen quam tenue est illud sepimentum, quod calvariae cavum a naribus hic dividit! unde vapores per nares attracti fere immediate encephalo applicantur.

§. 282. **Q**uae (279. 280. 281.) si statim non tollunt; minuuntve valde symptomata (275.), sed haec vel persistunt, vel augentur, illico perforandum cranium, ut exitus detur humoribus [273. 277. 1.), & facultas depurationi (277. 2.), & evulsioni fragmentorum (277. 3.):

Crudele videtur, & temerarium omnino illico semper calvariam perforare; ubi signa docent, post capitis vulnera encephali functiones valide laesas esse. Nisi enim certo constet, cranium depressum esse, vel fragmenta excussa encephalon laedere sic, ut non possint tolli haec mala sine perforatione calvariae, praestat semper prius per aliquod horas solum expectare, & interim validis evacuationibus tentare, an leventur symptomata. Plurimi enim tales casus occurrunt quotidie, ubi ex alto delapsi homines omni sensu, & motu privati jacent, & paucis horis postea sensim reviviscunt, valido tali concussu turbato cerebro, licet nulli humores effusi fuerint. Et licet trepanum applicari deberet, valida sanguinis missio prius facta noceret nunquam; sed e contra summopere proderit. Unde videtur methodus, tribus praecedentibus paragraphis recensita, prius semper tentanda esse; & si intra duodecim horas ab his remediis applicatis nullum levamen percipiatur omnino, sed omnia mala potius augeantur; tunc unicum auxilium superest, nempe ut perforata calvaria detur exitus humoribus effusis. Monendi tunc sunt amici vulnerati, certam mortem instare, anceps tantum hoc, & operosum superesse remedium, a quo jure merito multum boni expectari potest; tamen nunquam certa cura promittenda est. Poterunt enim effusi humores haerere in talibus locis, ut aperta calvaria exire tamen nequeant: possunt valido concussu fracta esse tenerissima illa stamina medullae encephali, unde tota vita, & humanitas pendet. Ubi vero haec operatio requiritur, quo citius tunc perficitur, eo melius: pergunt enim liquida effluere fractis vasibus; major fiet compressio encephali sic omni momento aucta copia liquidi extravasati, unde saepe medullosae fibrae tenerissimae, soli tenuissimo torvis corporis liquido perviae, compressis lateribus, & contiguis sacculis definunt esse canales aperti, & postea, educitis quamvis liquidis comprimentibus, aequabili liquidorum circumductione contigua semel facta latera minimorum horum vasculorum non amplius a contactu removeri poterunt; unde conrescent inter se, & sequetur immediata laesio omnium illarum functionum, quae a subtilissimi liquidi motu per minima haec vascula pendebant. Praeterea humores effusi, diu hic relictii

pote.

poterunt corrumpi, & acquisita acrimonia rodere omnia vicina. Ex quibus omnibus patet, semper hic in mora periculum esse: licet tamen observationes fideles docuerint, magno etiam post vulnus inflatum temporis intervallo perforationem cranii institutam fuisse summo cum fructu. Homo capite vulneratus fuerat, cum nulla adessent mala symptomata, intra quatuordecim dierum spatium vulnus hoc curatum fuit. Diu post ingens capitis dolor, vertigo, caligo oculorum, dexterique brachii Paralysis latere hic malum evidenter demonstrabant; & Scultetus (s), vigesima nona post vulnus inflatum septimana, detecto cranio, angustam rimam videns, binis foraminibus perforavit calvariam, & medium inter haec foramina interstitium serra versatili exscidit: parula tali apertura evacuabatur collectus sub calvaria humor; & mensis spatio felicissime pristinae sanitati restituebatur vulneratus. Sed facile apparet ex hac historia, non fuisse in initio extravasati liquidi sub calvaria copiam, sed angusta rima hisso cranio, sensim hic collectum fuisse pus vel sanie. Sed ubi fractis vasis statim copia effusi liquidi sub calvaria colligitur, patet facile, non posse diu differri hanc operationem sine magno periculo. Unde dixit Hippocrates (p), in illis casibus, ubi perterebranda erat calvaria, *intra triduum ad sectionem veniendum esse, neque ultra hoc tempus expectandum esse, praecipue si calida anni tempestate quis ab initio curam susceperit.* Tamen agebatur hic loci tantum de laesione calvariae, quae scilicet eradi non poterat; Ab effusis autem humoribus sub cranio magis praeceptis discrimen imminet.

Perterebratio cranii solebat etiam institui, uti dictum in commentario §. 271., ut os depressum & vacillans veste posset elevari: sed in hoc casu triplex inde potest expectari utilitas, nempe ut extravasatis liquidis liber pateat exitus, deinde si per suppurationem deberet aliquid separari a vivis partibus; ut puri facto pateret via; ultimo ut ossis fragmenta, encephalon pungendo; lacerando &c. laudentia, commode possint tolli.

§. 283. **L**ocus, ubi terebra applicanda, cognoscitur. 1. ex loco laesionis noto [276.] ubi optime fit, si nihil vetat.

Postquam conclusum fuit, calvariam terebra perforandam esse, ut concilietur exitus effusis humoribus, tunc inquiritur, cuinam loco calvariae terebra applicari debeat. Apparet facile, postquam per signa descripta §. 276. detectus fuit locus laevis, ibi debere terebram applicari, quia maxime verosimile est, ibi haesurum effusum sanguinem. Sed sequenti paragrapho patet, plurima esse loca, ubi cranii perterebratio vel impossibilis omnino, vel periculosa admodum est; unde sub hac tantum limitatione generalis haec regula locum habet. Maturo autem consilio, nec festinanter determinari debet locus, cui terebra applicabitur, ne postea crudelis haec adeo apparens adstantibus operatio [vulnerati enim ipsi fere semper stupidi & hebetes in

G

his

[s] Armament. Chirurg. Observ. 23. pag. 211, 212. (p) De Capite. Vulner. cap. 22. Charrret, Tom. XII. pag. 124.

his casibus vix dolorem sentiunt] repeti debeat; sicque aliquando ansa detur illis, qui percussoris causam defendunt, imputandi mala secuta Chirurgis, & Medicis.

§. 184. **V**Etat 1. futura. 2. muscoli plurimi. 3. cavitates ossis frontis. 4. arteria major ossi inserta. 5. inferior situs loci. 6. vacillatio fracti; contusi, carioli ossis. 7. inaequalitas eminentis & excavati iterum cranii.

1. Dum in cadavere serra undique divisum cranium elevare nituntur Anatomici, vident evidenter, duram matrem in omni fere puncto calvariae adhaerere; sed in locis suturarum hanc adhaesionem tam validam esse experientur, ut veste ferreo interposito vix summa vi avellere possint. Patet ergo, quod, si terebratio his locis instituitur, non posset orbiculus ossis excisus tolli sine magna dilaceratione durae matris; unde dolor ingens, convulsio, & alia pessima mala sequi possent. Hinc communi omnium Auctorum consensus illa loca vitantur, potiusque ab utroque latere suturae terebratur cranium, quam in suturae loco. Dum homini grave vulnus securi infictum fuerat illo in loco, ubi futura sagittalis cum coronali unitur, post gravissima symptomata, plurimis fragmentis ossis extractis, convaleuit quidem, sed nulla arte potuit evitare Hildanus (g), quin fistulosum ibi maneret ulcus: unde & curae difficultatem recenset inter illa argumenta, quibus improbat trepani applicatio in loco suturarum. Hanc tamen operationem in futuris institutam, se vidisse, dum studiorum causa in Italia versaretur, testatur Celeberrimus Medicus *Johannes Federicus Verdenbergius* in Epistola ad Hildanum de hac re data (r). Apparet tamen evidenter ex modo dictis, periculosum semper esse, trepanum ipsis futuris applicare.

2. Notum est circa occiput validissimos musculos calvariae infigi, & lateralem partem cranii utrimque occupari temporalibus musculis. Unde merito videtur & illa loca vitanda esse, si fieri possit. Monuerat Hippocrates (s): *Caput secanti reliqua quidem capitis tuto discindere licet, tempora autem, & quod adhuc supra est, juxta venam, quae per tempora fertur, secari non debent, Convulsio enim sectum prebendis*. Et in loco allegato in commentariis §. 24. dicit, quibus tempora secantur, illis ex adversa sectionis parte convulsio contingit [r]. Ex quibus concludere licet, semper periculosum fore, hos musculos laedere; quamvis tamen non semper lethalia mala inde sequantur. Plurima enim observata evincunt, sectos fuisse musculos temporales, applicatum fuisse trepanum illi loco, quem occupant, & tamen curatos fuisse argros. Ex magnis similium observatorum numero unum alterumve Exemplum recensebo. Homo acinace vulneratur in tempore sinistro, cum fissura calvariae adeo patente, ut digitum indicem facillime caperet: tamen a tanto vulnere brevi tem-

poris

[g] Observat. Chirurg. Centur. 1. Observ. 2. pag. 84. (r) Ibid. pag. 86. 87.

(s) De Capit. vulnerib. cap. 19. Charter, Tom. XII. pag. 121. (t) Cons. praenot. num. 498.

poris spatio incolumis evasit (u). Riverius in observationibus, ipsi communicatis a Samuele Formio Chirurgo Monspeliensi, qui quinquaginta annorum spatio artem exercuerat, habet casum (v) sequentem. Mulier vulnus acceperat ictu lapidis in tempore sinistro: cum trepanum necessarium videretur, ad consilium vocatus exercitissimus ille Chirurgus non dubitavit cruciali incisione discindere temporalem musculum, & loco detecto trepanum applicare; neque ullum grave symptoma inde ortum esse testatur. Similem casum, ipsi communicatum ab alio Chirurgo, habet alibi (w). In puero duodecim annorum ex alta arbore delapso os temporis adeo confractum fuit, ut coactus fuerit Chirurgus notabilem partem musculi temporalis tollere, ut latens malum posset deregi, & trepanum applicari. Felix tamen fuit curae successus; praeterquam quod maxilla inferior parum versus latus oppositum distorta manserit (x). Ubi ergo necessitas urget, praestat etiam in his locis trepanum applicare, quam certae morti relinquere vulneratum.

3. Notum est ex Anatomicis, ossis frontis tabulas a se invicem ductas facere sinus frontales dictos, plerumque satis capaces variae magnitudinis in variis hominibus; supra oculorum orbitas fere ad media supercilia productos; aliquando ossis lamellis in minora cava distinctos; qui binis satis magnis aperituris ad utrumque septi narium latus parent, & sic narium internam capacitatem augent. Sinus illi membrana illa, quae nares internas investit, undique obducitur. Si ergo trepanum hic applicaretur, externa tabula perforata, illico occurreret membrana illa internam ejus superficiem investiens, quae tolli deberet; uti & illa ejusdem membranae pars, quae internam tabulam simili modo investit, antequam posset terebra perforari interna tabula. Patet facile, hoc difficillimum, si non penitus impossibile esse, cum membrana haec, narium cava investiens, adeo sensibilis sit, ut vel levissima plumulae agitatione in naribus irritata, sternutatione excitata, totum corpus convelli faciat. Simul notandum, quod vix unquam ad cicatricem perducí possit vulnus, quod ad sinus frontales penetravit. Hoc jam apud Cellsum (y) habetur, qui monet, omnibus capitis locis perterebratis commode cicatricem induci, excepta illa frontis parte, quae paululum super id est, quod inter supercilia est. Ibi enim vix fieri potest, ut non per omnem aetatem sit exulceratio, quae limbo, medicamentum habente, contenda erit. Postea recentiorum observata hoc confirmaverunt. Haec ergo loca, ex Anatomicis cognita, in applicatione trepani vitanda esse patet.

4. Si consideretur calvaria humana mundata, in interiori ejus superficie plurima apparent impressa, saepe etiam satis profunde, vestigia, quae majorum arteriarum, per duram matrem distributarum, ramificationibus respondent; si autem major talis truncus, dum terebra in osse circumducitur, ejus dentibus laceretur, valida poterit nasci Haemorrhagia, quae plurimum turbat operationem, & saepe difficulter compesci potest. Summa tamen difficultas est in

G g 2

his

(u) Sculteti Anatomiar. Chirurg. Observ. 3. pag. 195. 196. (v) Riverii Opera pag. 572. observ. 19. (w) ibid. pag. 580. (x) Garengeot Operat. de Chirurg. Tom. III. observ. XV. pag. 131. (y) Lib. VIII. cap. 4. in hoc pag. 521.

his locis determinandis, quia in diversis hominibus situs majorum horum truncorum variat; tamen quaedam loca sunt, in quibus hi sulci majores in plurimis calvariis deprehenduntur; quae ergo vitanda sunt. Sic v. g. in utroque osse bregmatico, prope suturam coronalem in laterali inferiori parte, talis magnus sulcus apparet, qui ascendendo sensim minuitur &c. Illa autem loca, comparando diversas calvarias inter se, potissimum cognoscuntur.

5. Si enim circa basim calvariae haereant effusi humores, vix ulla spes est, educi posse illos cranii perturbatione, cum illa non possit fieri nisi in multo altiore loco. Verum quidem est, quod, cum calvaria plenissima semper sit, posset aliquando pressione encephali, replentis calvariae cavum, humor effusus sensim ascendere versus foramen factum, & sic evacuari; sed apparet simul, hoc satis difficile esse. Talem casum habet Tulpus (2) de senē septuagenario ebrio, qui ex alto elapsus tam amplum vulnus contraxit in calvaria, ut commodè per ejus hiatum educeretur, quidquid inhaereret externae cerebri membranae. Aderant tamen illico vertigo, vomitus & stupor: postridie quidem ad se rediit febris expertus, & immunis omnium aliorum symptomatum; sed die quarto, excreta prius sputis purulentis, praeter omnem spem, inopinato periit apoplecticus. In cadavere invenitur frequens humor, replens ventriculos cerebri, & prope sellam equinam ingens ossis cuneiformis fragmentum, separatim a reliquo osse, apparebat, & plurimum sanguinis coagulati. Dum ergo per tam amplum vulnus hiatum circa basim cerebri effusus sanguis exire non poterat; pater per perforatione calvariae non multum boni expectari posse in tali casu. Unde Celsus merito dixit: *Servari non potest, cui basis cerebri percussa est* (a).

6. Dum terebra applicatur calvariae, non poterit excindi orbiculus ex cranio, nisi apprimatur terebra: ossi: si ergo illud solutum integre fuerit, vel parum tantum adhuc cohaeserit, introprimetur, & turpi errore encephalon subiectum comprimetur. Idem infortunium metuendum est, si lues Venerea, v. g., os eroderit; vel ab alia quacunque causa cranium cariem contraxerit: tunc enim minima etiam vi adhibita terebra per integram ossis crassitiam illico penetraret. Aliquando sic post capitis vulnera corrumpi calvariae os, patuit Exemplis memoratis in commentariis §. 242. & 256. n. 3.

7. Dum calvariae cavum osseum sedulo examinatur, apparet evidenter, non esse ubique aequabilem superficiem; sed in quibusdam locis assurgere, in aliis magis excavari, ut contento encephalo, vasis, sinubus &c. fe quasi accommodet, unde varia saepe crassities ossis in variis calvariae locis. Optimum ergo foret, dum de loco deliberatur, ubi trepanum applicandum est, plures considerare calvarias; & videre, quibus in locis illae inaequalitates maxime inveniuntur; & deinde illa loca vitare, si fieri possit.

Quamvis autem ex artis regulis & Anatomica cognitione partium satis evidenter pateat, septem illa recensita hac paragrapho in trepani applicatione vitanda esse, tamen optimi Artis magistri monuerunt, si aliter fieri nequeat,

ten.

(a) Obser. Medic. Lib. I. cap. 3. pag. 6. (2) A. Corn. Celsi Medici. Lib. V. cap. 26. n. 2. pag. 281.

tentandam esse operationem, licet aliqua ex recensitis incommodis adfuerint; praestat enim saepe anceps experiri auxilium, quam nullum, dum certa mors praevidetur. Vix enim credibile videtur, omnes has cautelas potuisse observari, dum puellae duodecim annorum, ex alto delapsae, duodecim distinctis locis calvaria perterebrata fuit, paucorum dierum spatio; quae tamen puella perfectissime curata fuit, licet totum bregmatis os, & pars ossis temporalis, valido lapsu omnino fracta fuissent. Mirabilem hunc casum refert Dionisius [6], cujus filius quarta vice in hac puella operationem perfecerat.

§. 285. **T**UM, qui laeso cognito [276.] proximus, applicandae terebrae locus optimus est.

Ubi ob causas paragrapho praecedenti enumeratas non potest perforari calvaria in loco laesionis, omnium optimus erit ille, qui carens his obstaculis loco tamen laeso proximus est. Circa hanc rem tamen notanda sunt quaedam satis magni momenti. Dura mater undique quidem calvariae adhaeret, sed omnium fortissime in locis suturarum, uti dictum fuit paragrapho praecedenti n. 1.: unde sanguis effusus, haerens inter calvariam, & duram matrem, poterit illam separare a cranio, sed ubi suturae sunt, ibi hoc fieri non poterit; unde certis limitibus haerebit semper sanguis effusus inter cranium, & duram matrem, nec poterit facile ultra suturarum loca pergere. Si jam v. g. locus laesus esset in ossis bregmatis illa parte anteriori, quae ob viciniam suturae coronalis, per quam frontis ossi jungitur, & ob magnam arteriam, plerumque hic locatam, tuto perterebrari non posset; tunc quidem locus proximus eligendus esset, talis tamen, qui ipso bregmatis osse contineretur. Si enim in osse frontis ad alterum latus suturae coronalis terebratio fieret, non posset sanguis, durae matri sub bregmatis osse incumbens, exire, quia dura mater in loco suturae coronalis firmissime haerens impediet, quo minus illuc venire posset. Unde sub hac limitatione tantum generalis haec regula locum habet, quae jubet locum proximum eligendum esse, si in ipso laesionis loco terebratio fieri non possit. Sanguis enim intra cranium, & duram matrem effusus sic in diversis quasi cameris haerere potest, quae penitus distinctae, cum aliis non communicant. Omnium maximum tale spatium sub ossibus bregmatis haeret, sutura sagittali in medio divisum in binas tales distinctas cameras. Idem etiam in fronte verum est, quod iterum distinctum tale spatium habet; & cum os frontis media sutura ad radicem nasi plerumque divisum sit in junioribus, imo saepe etiam in adultis, patet, & illud spatium sic bifariam dividi.

Ubi vero sanguis effusus haeret intra duram & piam matrem, iterum notandum est, totum calvariae cavum internum bifariam dividi. Durae enim matris processus, falciformis dictus, a crista ossis Ethmoidis per totam longitudinem suturae sagittalis pergit usque ad processum durae matris transversalem, [qui cerebellum regit & ab incumbens cerebri pressione defendit]

G g 3

&

& intra bina cerebri haemisphaeria profunde demersus, dividit bifariam. internum cranii cavum, & impedit, quo minus sanguis in dextro latere, effusus ad sinistram pergere possit. Unde & in illo casu ad hanc rem pariter attendendum est.

§. 286. **Q**uin, urgentibus symptomatibus (273. 275.), licet nullus locus certo inveniri queat [276.], tamen trepanum applicandum & ab una, & ab altera parte cranii, in finem descriptum [277.].

Aliquando accidit, omnia signa quidem docere, quod effusus sub calvaria sanguis comprimat encephalon; interim tamen non adsunt certa indicia, quibus determinari posset, in quonam loco cranii haereat: tunc nihil superest, quam vulneratum certae morti tradere, vel incerto penitus eventu cranium, perterebrare. Potest enim sanguis effusus ipsam basin calvariae occupare; potest in ipsis ventriculis cerebri haerere, potest in longe alio loco accumulatus esse, quam est ille, cui terebra applicabitur. Videtur tunc, praemonitis prius de ambiguo successu vulnerati amicis, melius esse anceps remedium experiri, quam nullum; praeteritum cum innumeris observatis consisterit, trepani applicationem, rite administratam, non esse adeo periculosam; & vulnerati tales plerumque omni sensu careant: sic ut narret Dionisius (c), se nobili juveni, trepano applicato, effusum sub calvaria sanguinem eduxisse; nec noverat tamen vulneratus se hanc operationem passum fuisse, donec perfecte curato hoc indicabatur. Hinc licet adstantibus adeo crudele videatur, dum frustra instituta haec operatio in alio loco calvariae repeti debet; tamen decumbentibus non adeo molesta esse solet. Ubi autem nihil omnino cognoscitur de loco affecto, tunc solet os bregmatia perterebrari; quia & maximam partem ossis calvariae constituit, & satis magna vasa huic ossi supponuntur. Si nihil inveniat, in oppositi lateris osse bregmatis idem tentatur. Apud Hippocratem non invenitur, quod repetitis vicibus in eodem aegro trepanum applicuerit: sed quantum potui colligere ex pulcherrimo ejus libro de vulneribus capitis, non perforavit calvariam, ut humoribus sub cranio effusis viam faceret, sed tantum ut calvariae male affectae partem tolleret. Notavit quidem, quod os calvariae male affectum pus colligere possit, illudque infra ad cerebrum transfundere (d), sed de extravasatione humorum, vasis fractis sub integra calvaria, nullam mentionem fecit. Unde non videtur applicuisse trepanum, nisi ubi constaret, calvariam viciatam esse, & cognitus esset locus laesus: & ideo, ubi os fractum erat alia capitis parte, quam qua vulnus erat, huic calamitati nullis remediis subveniri posse asseruit (e). Celsus tamen talem sanguinis extravasationem novisse videtur, dicit enim: *rara, sed aliquando tamen, evenit, ut os quidem totum integrum maneat, intus vero ex ictu vena aliqua, in cerebri membrana rupta, aliquid sanguinis mittat, isque*

(c) Opera, de Chirurgia pag. 370. (d) Hippocrat. de capit. vulner. cap. 4. Charter. Tomi. XII. pag. 117. (e) ibid. cap. 10. pag. 129.

ibi concretus magnos dolores moveat, & oculos quibusdam obcaecet. Sed fere contra id dolor est, & eo loco cute incisa, pallidum os reperitur, ideoque id quoque os excidendum est (f). Et in eodem Capite jubet pluribus foraminibus cranium perforandum esse, si rima longius patet.

Plurima Exempla habentur apud recentiores Chirurcos, quibus constat, felici successu pluribus locis perterebratam fuisse calvariam. Homini ex equo delapso vulnus in osse bregmatis apparuit: applicato trepano, multum sanguinis exivit, sed sine levamine symptomatum: Post triduum tumor in occipite apparuit; quo aperto, alterum trepanum osse occipitis applicatum fuit: copiosius exibat ex foramine facto sanguis; & dum ille efflueret, incepit ad se redire, & perfecte convaleuit. Haec historia pulchre confirmat illa, quae dicta sunt paragrafo praecedenti; quod sanguis intra duram matrem, & calvariam effusus in distinctis cameris haereat, quae non communicant inter se (g). In eodem loco idem auctor alium casum narrat puellae, cui in utroque osse bregmatis trepanum applicuerat, felici etiam cum successu. In maxima cranii depressione septies in circumferentia depressionis cranium modiolis perforare coactus fuit Scultetus (h) una & eadem die in Capiteano, qui tamen binorum mensium spatio a tam gravi vulnere curatus munus suum militare cum laude exercere potuit. Et in mirabili illa historia, de qua dictum fuit in commentario §. 284. duodecim annorum puellae cranium duodecies perforatum fuit, cum integra tamen sanatione. Longe adhuc mirabiliorem historiam narrat Celeberrimus suo tempore Chirurgus *Sölingen* (i): Philippus Nalsavius ex illustri Auriacorum stemmate oriundus, ex equo delapsus sic caput impigit stipiti, ut calvaria variis locis fracta fuerit; & ideo vigelles septies ipsi cranium trepano perforatum fuit a Chirurgo Neomagensi; tamen inde convaleuit: huiusque rei testimonium, sanati nobilissimi viri autographo confirmatum, vidit *Sölingen*; additque, illum postea adeo pancreaticae valuisse, ut inter pocula tres compositatores postea morti tradiderit.

Ex quibus omnibus patet, tutam satis esse, quamvis frequenter repetitam, trepani applicationem, si rite instituat, quod quomodo fieri debeat, in sequentibus dicitur.

§. 287. **I**Nvento loco (276. 283. 284. 285. 286.), abrado capitulitio, inciduntur integumenta (259.), separantur a cranio, elevantur labia, siccatur os, tegitur carptis linteis, sistitur cruor [218.], lenitur dolor [227. 228. 229.], prohibetur inflammatio (235.), & si non urget valde malum, rite facta deligatione in diem sequentem relinquitur apparatus.

Postquam determinatus fuit locus, cui trepanum applicabitur, requiritur, ut calvaria integumentis suis nudetur perfecte, ne modioli dentes molles partes

G g 4

[f] A. Corn. Celsi Medic. Lib. VIII. cap. 4. pag. 516. (g) Dionis Operat. de Chirurg. pag. 140. (h) Armamentar. Chirurg. Observ. 7. pag. 198. (i) Manuale Operatione de Chirurgie &c. celsæ Deel cap. 7. pag. 59.

tes relictas lacerent; imprimis sollicite cavendo, ne aliquid de Pericranio relinquatur: illud enim, scalpro terebrisve laceratum, vehementes febres cum inflammatione excitare, jam Celsus monuerat (κ). Unde crinibus abrasis integumenta ad os usque cruciali incisione dissecantur; uti dictum §. 259. Anguli quatuor vulneris sic facti elevantur, & digitis, vel scalpro pericranium a calvaria separatur; mollissimis plumaceolis parum calefactis abstergitur cruor ab ossis nudati superficie; dein simile plumaceolum, pauculo malthices tenuissime tritae insperso applicatur nudae calvarie: similiter & lintea carpta supponuntur elevatis integumentis, ut magis ab osse nudo secedant. Haemorrhagia plerumque levis esse solet, & brevi cessat: si vero major parum, ramus arteriosus discissus fuerit, alcohole calido compesci poterit; vel idonea ligatura leviter comprimendo per aliquot horas sistetur sanguinis fluxus: vel etiam, si urgerent symptomata, filo transmissio per integumentorum locum, ubi haeret arteria discissa, poterit satis commode ligari. Patet enim facile, non posse trepanum applicari, quamdiu Haemorrhagia durat: sanguis enim, effusus continuus impediret, quo minus explorari posset, quousque perforatio calvariae processisset. Dolor, si adest, leniri poterit levi inunctione Unguenti Populei, quod mollissimum, & simul anodynum est: plerumque tamen tales vulnerati hebetes, & stupidi jacent. Si inflammatio metuatur, & imprimis si non statim applicabitur trepanum, sed in sequentem diem differetur operatio, posca fovere locum convenit. Sic Hippocrates, loco in commentariis §. 259. n. 3. allegato, dum detegenda erat calvaria, discissis integumentis, iussit vulnus linamentis implendum esse, ut haec in vulnere relictis quam minimo labore illud amplissimum exhiberent: sed simul monuit, quamdiu haec linamenta adhibentur, cataplasma applicandum esse ex tenuissima polenta, aceto subacta & incocta, ut inflammatio nimia praecaveatur.

Quaeritur nunc, an, detecto jam cranio, ejus perforatio differri debeat per aliquot horas, vel in diem sequentem; an vero statim perfici debeat? Videtur semper haec operatio citissime instituenda esse; raro enim adhibetur, nisi in urgenti malo. Binae plerumque sunt causae, quare differri voluerunt operationem quidam Chirurghi. Primo: quia capillorum abrasio, integumentorum dissectio, & separatio a cranio, satis temporis requirunt; unde amici vulnerati saepe aegre ferrent, diuturniori cruciati torqueri miserum. Secundo: ob haemorrhagiae post dissectionem integumenta metum, & denique, quia dissectione partes sponte retrotractae vulnus factum magis patulum reddent, unde facilius patebit terebrae aditus. Sed si consideretur, plerumque tales vulneratos omni sensu carere, vel saltem admodum hebetes jacere; haemorrhagiam idoneis remediis satis cito posse compesci, saltem ad hoc tantum tempus requiri paucarum horarum moram: & dissectione labia, modo satis firmis fuerit locus discissus, posse facile sic diduci, ut terebrae via pateat; apparebit facile, omnium optimum esse, si statim post nudationem cranii ad ejus perforationem pergatur.

Nec obstat huic sententiae Hippocratis auctoritas: ille enim dissectionis integumentis,

gumentis, ut ossis lacionem investigaret, voluit hoc examen in posterum diem differri (1): verum, uti præcedenti paragrapho dictum fuit, non videtur perforationem calvariae instituisse, ut extravasatis humoribus daretur exitus; sed tantum, ut male affectam cranii partem tolleret: quod malum certe longiorem moram fert sine tanto discrimine. Ubi vero vasa fracta humores contentos pergunt effundere; nisi subito liber fiat his exitus, summus metus est, ne sic comprimitur encephalon, ut postea functiones læsæ restitui nequeant, licet perforata calvariaeducti fuerint humores extravasati. Tamen & Hippocrates in eodem libro (m), postquam recensuit illa signa, quæ indicant capite vulneratum hominem periturum esse, dicit: *si cognoveris febrem occupasse, vel aliud aliquod signum adesse, minime differendum est; sed os ad membranas usque ferra secandum, aut scalprio eradendum est.*

§. 288. **T**Um capite firmato, auribus obturatis, aere calefacto, deterso ossi terebra cum stylo applicatur, æquabili, æqualiter, & modice acta, fronti supposita, terebratio: ne agitur, donec vestigium rite sit impressum.

Ut instituat haec operatio cum successu, attendendum imprimis ad sequentia. Caput aegri debet sic firmari, ut penitus immobile haereat: unde lectulus, in quo decumbit, sic ponendus est, ut ab omni parte Chirurgus & ministri commodè accedere possint. Pulvinari, cui caput aegri incumbit, solent supponere asserem, vel patinam stanream, aut simile quid; ne inter operandum cedat molle pulvinar, & sic turbetur operatio. Præterea certus debet esse Chirurgus de constantia illorum, qui caput vulnerati immobile retinebunt: nisi enim assueti fuerint intrepido animo hominum calamitates intueri, sæpe in animi deliquium labuntur, dum haec operatio satis crudelis videtur, & sæpe satis notabili tempore durat. Solent quoque plerumque aures vulnerati gossypio obturari, ne ingratum ferræ stridorem audiat: monet tamen Dionisius (n), sæpe hoc neglectum fuisse sine ullo damno; nec mirum, cum plerumque illi, quibus trepanum applicabitur, sine sensu jaceant.

Omnibus illis instrumentis, quæ ad hanc operationem requiruntur, prius ordine dispositis, & calefacto aere vicino, & repleto fumis accensis succini, mastiches, & similium, cereo ellychnio commodissime illuminatur locus, cui terebra applicanda erit. Terebra autem, qua ad hanc rem utuntur, cavum orbiculum refert: atque tali cava terebra Hippocratem jam usum esse satis patet (o). Celsus vocavit modiolum, ferramentum concavum, teres; imis oris serratum, per quod medium clavus, ipse quoque interiore orbe cinctus, demittitur. Videtur autem tantum usus fuisse modiole, dum locum

(1) Hippocrat. de Vulner. Capit. cap. 20. & 21. Charter. Tom. XII. pag. 124. [m] cap. 31. 32. ibid. pag. 127. 128. (n) Cours. d' Operations de Chirurgie pag. 355. (o) Hippocrat. de Capit. Vulner. cap. ultimo Charter. Tom. XII. pag. 129.

eum ossis corrupti poterat comprehendere modiolus: ubi vero latius vitium erat, tunc terebra fabrilis, vel simili huic instrumento, foramen faciebat in ipso sine ulla ossis atque integri deinde alterum non ita longe, tertiumque, donec totus is locus, qui excidendus est, his carui cinctus sit &c. Tum excisorius scalper ad altero foramine ad alterum malleolo adactus id, quod inter utrumque medium est, excidit; ac si ambitus similis ei sit, qui in angustiore orbem modulo imprimitur (p).

Si jam comparentur illa instrumenta, quibus veteres in perturbatione calvariae usi fuerunt, cum illis, quae hodie in usu sunt, apparebit facile, magnam perfectionem his instrumentis accessisse, dum sensim vitia, quae usus demonstrabat, correcta fuerunt. Diu enim adhuc usi fuerunt trepanis cylindricis: sed sic magnum periculum erat, ne circa finem operationis depresso terebra duram matrem laederet: unde postea conicae figurae trepana adhibuerunt, quae sensim latelcentia sustinebantur marginibus ossis disseci, neque facile poterant demergi, & duram matrem laedere. Sed facile patet, conicam talem modiolum non posse descendere, dum circumagitur, nisi ejus latera acuta marginem ossis radere possent, & sic viam facere latiori sensim facto modio. Unde pulchro invento modiolum talem eavum hodie faciunt ex plurimis lamellis chalybeis, a parte superiori, & latiori oblique descendentibus, & sibi mutuo incumbentibus, omnibusque versus eandem partem inclinatis; singulae hae lamellae in acutum apicem desinentes dentem serrae faciunt; ex quibus dentibus inferior orbiculus trepani constat: latera autem harum lamellarum acuta, radendo marginem orbiculi disseci, viam faciunt sensim descendenti modio; & obliqua harum lamellarum ad invicem inclinatione efficitur; ut ossis derasi scobs sursum emergat sponte, & excidat, quae aliter impediret terebrae liberam circumductionem. Interna modiole superficies politissima, & conicae figurae esse debet; sic enim disseci ossis orbiculus eavum modiolum facillime poterit ingredi; & circa finem hujus operationis ad hoc illudve latius poterit inclinari terebra, prout requiritur; quod fieri non posset, si cavitas modiole cylindrica foret, uti facile patet. Figurae trepani cum omnibus suis requisitis, apud auctores expressae, meliorem dabunt ideam hujus instrumenti, quam quidem ex sola descriptione haberi posset. Videatur *Garengot* (q), apud quem omnia haec habentur.

Si nihil vetat, modiolus major praefendus erit minori; nullum enim periculum metuitur a foraminis excidendi majori amplitudine: & liberrima via sic datur effusis sub cranio humoribus, qua exire possent. Ut autem caveatur, ne vacillet terebra, dum calvariae applicatur, in medio posuerunt stylum chalybeum inferius acutum, paulo eminentem ultra ferratum modiole extremum; qui stylus calvariae innitens sic firmat modiolum, ut non aberraret; sicque poterit serrae vestigium rite calvariae imprimi. Vocatur tunc *Trepanum par*, quando in medio talem stylum habet; qui si absit, dicitur *Trepanum foemina*. Olim solebant semper habere binos ejusdem magnitudinis modiolos; quo.

[p] A. Corn. CelG Medic. Lib. VIII. cap. 3. pag. 510. 511. (q) Nouveau traité des Instrumens de Chirurg. Tom. II. pag. 98. 118. 114. 115.

quorum unus talem stylum habebat, alter non, quia non poterat ad finem operationis stylus ille adesse, ut facile patet: citius enim penetraret calvariam, & duram matrem laederet, quia ultra marginem serratum modiolus eminet. Hodie sic haec instrumenta conficiuntur, ut stylus ille auferri commodissime possit, postquam vestigium calvariae impressum fuerit. Praestatur tamen semper binos, modiolos ejusdem magnitudinis habere, ne turbetur operatio, si forte casu frangeretur lamella quaedam ex illis, quae modiolis serratum ambitum constituunt.

Omnibus illis sic rite paratis, in medio centro orbiculi excindendi, trepano, perforativo dicto, leve vestigium imprimitur, quod stylum trepani maris excipiet, licet etiam hoc omitti possit, si stylus ille trepani maris bene paratus fuerit: tunc enim facile una alterave terebrae circumductione stylus ille sibi viam faciet. Perpendiculariter tunc applicatur terebra, stylo suo instructa, loco excindendo: deinde sinistrae manus index digitus cum pollice summatim verticuli trepani sic applicantur, ut cavum forment circum, cui frontem imponit Chirurgus, qui operationem perficiet; vel & mentum, ut alii volunt, ut minimam etiam terebrae aberrationem statim sentire possit, & corrigere: deinde dextra manu prehensio verticuli manubrio, terebram lente, & aequabiliter circumducit aliquot gyris, donec, stylo medio sensim profundius adacto, dentes modiolus calvariae radere incipiant; sicque pergit, donec crena talis calvariae insculpta fuerit, quae sine vacillationis periculo, stylo exempto, terebram postea sustinere poterit.

§. 289. **E**xemto tunc stylo pergitur, terebra lente adacta, scobe assiduo erasa, donec cruor erumpens, ossis molities, mutatio soni, diploen attachmentam doceant; quae saepe non praesens frustra exspectatur.

Postquam tale vestigium terebra cranio insculptum est, tunc stylus modius tollitur, ne citius penetrans duram matrem laedat. Videtur in antiquorum trepanis jam stylus ille mobilis fuisse; dicit enim Celsus (r) hanc operationem describens: *At, ubi jam iter modiole impressum est, medius clavus educitur, & ille per se agitur.* Si autem postea, uti dicitur §. 291., orbiculus calvariae excisus cochlea eximitur, praestatur hanc jam applicare, antequam ad diploen usque penetraverit terebra; quia aliter, dum hujus instrumenti circumrotatione spiralis ductus imprimitur ossis substantiae, posset aliquando tabula cranii externa separari ab interno; & tunc difficilior foret orbiculi discessus educio: unde prius hoc instrumentum applicandum est, ut viam in osse faciat, dum adhuc binae tabulae cranii firmiter cohaerent: quo facto eximitur iterum, & applicato modiole lente, & prudenter pergitur terebrando: *est enim, [uti Celsus (r) monuit], quidam prevencendi modus, ut & foretur, & circumagatur: quia, si leviter imprimatur, parum proficit, si graviter non movetur.* Veteres, qui non videntur adeo

(r) Lib. VIII. cap. 3. pag. 510. (f) ibidem.

adeo adhibuisse trepanum, ut effusos sub calvaria humores educerent, sed potius, ut corrupti ossis partem tollerent, pergebant terebrando, donec crederent modiolum penetrasse ad sanam ossis partem usque: unde dixit Celsus (*), cum sanitas inferioris partis scobe cognita est, modiolus removetur; Os enim vitiatum alieno colore inficitur: hinc quamdiu terebra in corrupta ossis parte circumagitur, scobs abrasa similis coloris est; ubi autem profundius penetrans terebra sanam ossis partem radit, color scobis mutatus hoc docet. Cum autem hodie trepanum hanc ob causam rarissime adhibeatur, sed tantum ut perforata calvaria exitus detur humoribus effusis, vel ut depressum cranium commodius elevari possit, & fragmenta avulsæ tolli &c., ideo pergitur, donec ad diploen perventum fuerit. Cum autem lente, & prudenter circumducatur terebra, & saepius tollatur, ut scobs in crena collecta, & inter lamellas trepani haerens auferri possit; non videtur adeo magnus metus esse, ne terebra a valido attritu nimis incalcescet. Dum illud metuebat Hippocrates (u), iussit, terebram inter secundum saepius auferendam esse, & in aquam frigidam demergendam, ne os incalcescat. Terebra enim, dum circumducitur, incalcescit, os calefaciens, & exsicicans incendit, & facit, ut plus abscedat ab osse in sectionis ambitu, quam abscedere debebat. Eandem cautelam adhibendam voluit Celsus (v), dum terebra cranium perforabatur; ubi vero modiolus applicabatur, dixit: neque alienum est, instillare paululum rosae, vel lactis, quo magis lubrico circumagatur (w).

Ad diploen autem pervenisse terebram cognoscitur mutato sono, dum non amplius per duram ossis substantiam modiolus circumducitur; unde & minor resistentia sentitur: & cum vasa sanguinea saepe satis insignia per cellulosam hanc ossis fabricam decurrant; his laceratis ferrae dentibus, cruor erumpit; vel saltem scobis derafas color, albus prius, tunc mutatur in rubrum. Huc usque audacter terebram circumduci posse, dixerunt fere omnes, nullumque omnino periculum subesse, antequam ad diploen penetraverit modiolus: imò in initio parum festinandum esse voluerunt plurimi, cum circa finem adeo lente, & suspensa manu procedendum sit. Sed constat certissimis observatis, aliquando diploen deesse, imprimis in senili aetate: & vidi tales calvarias, in quibus diploe in quibusdam locis aderat, in aliis aberat omnino; unde sic turpissimus error committi posset. Videtur jam Celsus hoc monuisse, dum dicit: sed tunc majori cura agendum est, cum jam aut simplex os dimidium perforatum est, aut in duplici superius. Illud spatium ipsum, hoc sanguis significat (x). Licet enim in hoc capitulo, uti & in praecedenti, de ossium vitiiis in genere videatur agere; tamen illa, quae mox sequuntur, evincunt quod de cranii perforatione hic loquatur: cum dicat, metum esse, ne mucrone cerebri membrana laedatur &c.

(*) Ibid. pag. 517. [u] De Capit. vulner. cap. 35. Charter. Tom. XII. pag. 229.
[v] Lib. VIII. cap. 3. pag. 512. [w] Ibid. pag. 510. (x) A. Gora. Celsi
Medic. Lib. VIII. cap. 3. pag. 512.

§. 290. **E** Loto tum cruore, & per alcohol calidum compresso, exemta accurate scobe, summa cum cautela, lente, patienter, uno alterove gyro tantum agendus modiolus, assiduo everrenda scobs, perpetuo inspiciendum, an color in circulo exarato mutetur, assiduo exploranda fundi aequabilitas, tum variata pressione terebrae, pro vario colore apparente, os solvitur eo usque, ut parum adhaereat, & aequabiliter.

Ubi ad diploen penetravit modiolus, apparet facile, quanta cautela opus sit: sola enim interna tabula cranii, vitrea dicta, superest; quae saepe tenuissima est in quibusdam calvariis, in aliis iterum multo crassior. Praeterea arteriae durae matris, in profundis sulcis, cranii internae tabulae insculptis, locantur; unde si pars talis sulci in orbiculo illo dissecto haereret, posset terebra in illo loco jam penetrare calvariam, & insigne tale vas laedere; cum in aliis locis satis crassa adhuc pars cranii perterebranda restaret. Inaequalis in plurimis locis cranii crassities pariter in causa est, quare tanta hic tarditate, & prudentia opus sit. Si ergo, dum terebra per diploen transit, sanguis copiosior erumpat, ille alcohole calido sisti debet: impediret enim liberum conspectum crenae in osse fastae. Scobs continuo everrenda est, post unam alteramve terebrae circumductionem, & attendendum ad coloris mutationem, quae in scobe abrafa apparet: quamdiu enim in diploe terebra circumagitur, tamdiu scobs rubicunda apparet; ubi vero terebra internam cranii tabulam incipit radere, scobs iterum alba incipit fieri. Saepissime stylo immisso orbiculi dissecti fundus explorandus est, an ubique aequabilis sit; an in omni loco os resonet ad styli attractum; an vero in quodam loco, dissecto jam osse, mollis membrana tangatur. Simul attendendum est, admoto cereo ellychnio, an in fundo crenae color albus ubique aequabilis appareat; an vero, pellucente per tenuem ossis lamellam, dura matre, in quodam loco mutetur jam color. Ex omnibus enim his peritus Chirurgus novit, quibus locis major terebrae appressio conveniat, quibus vero non; sicque sensim summa cum prudentia pergit, donec, tenuissima tantum lamella superlit: integre enim excindere orbiculum periculosum foret, quia vix sine laceratione durae matris, cranio cohaerentis, fieri posset; unde graves inflammationes cum periculo mortis oriri monuit *Celsus* {y}.

Ob hanc causam Hippocrates, qui [uti jam dictum fuit] hanc operationem adhibuit, ut ossis vitia tolleretur, non ut exitum faceret effusis sub calvaria humoribus, noluit os ad membranam usque secandum esse, si quis in initio curam suscepit; ne in ipso opere terebra membranam vulneret: verum ubi parum abest, quin os totum jam dissectum sit, illudque jam vacillet, desistendum jubet, & permittendum esse, ut os sponte sua abscedat. Secto enim ossi ad talem profunditatem nihil mali contingere posse asserit; quia

quia tenue est illud, quod relinquitur (α). Ubi vero per initia curationem quis non susceperit, sed ab alio traditam tardius perficere debeat; tunc ad membranam usque os excidendum esse jubet: & pulcherrime recenset omnes illas cautelas, quas adhuc hodie adhibent prudentes Chirurgi, ne in tali casu duram matrem serrae dentibus laedant. Specillo enim terebrae circuitum saepius tentandum jubet, & in partem ossis crassissimam, terebram semper adigendam monet; simulque saepe tentandum esse, an dimovendo os educi possit, antequam nempe integre dissectum fuerit. Omnia haec eadem observanda monet, si quis ab initio suscepta curatione os ad membranam usque excindere voluerit (α).

Simul patet, quantum usum habeat conica interni modioli cavitas: nam os dissectum ascendit facile in latiore semper factum modiolum, & inclinari facile potest modiolus in omni ambitu, dum circa finem operationis non amplius aequabiliter circumduci debet, sed hanc aliamve crenae partem, ubi crassius esse os specillo detegitur, fortius radere. Si enim cylindrica foret interna modioli cavitas, non posset inclinari, quin apprimeretur os dissectum cavitatis internae parietibus; impediretur libera terebrae circumductio, & saepe feceretur superior calvariae tabula a diploe; unde postea residuum os difficilius tolli posset. Hoc aliquando accidisse patet ex Celso [6]; sive de industria hoc factum fuerit, dum solam externam tabulam tollerent, non alius penetrante ossis affectione; sive vitio instrumenti hoc contigerit: Dicit enim: *ubi totum os ejectum est, circumradendae levandaeque sumi orae, & si quid scobis membranae insedit, colligendum. Ubi, superiore parte sublata, inferior relicta est, non orae tantum, sed os quoque totum levandum est, ut sine noxa postea cutis increseat; quae aspero ossi innascens praeveniat sanitatem, sed novus doloris movet.* Simul apparet, si ullibi, certe in hac operatione, periculosissimam esse festinationem; imprimis circa finem; & omnium optimum esse, ut tenuis lamella relinquitur: poterit enim tunc vacillans jam ille orbiculus sine periculo tolli: quod quomodo fieri debeat, docebit sequens paragrahus.

§. 291. **U**BI color caeruleus, ejus per totum ambitum aequalitas, segmenti vacillatio docent, fere perforatum esse cranium, segmentum vestae, cochlea, vel cochleari eximendum.

Postquam constitit signis hic recensitis, modiolum eo usque penetrasse, ut sine periculo laesionis durae matris ulterius pergi non possit; tunc pars ossis dissecti educenda est. Hoc autem tentaverunt variis modis: vel enim veste parum incurvo, immisso intra orbiculum dissectum, tentabant elevare jam fere ab omni cohaesione liberum os; sed tunc facile patet, quod, dum ab uno latere elevatur, in opposita parte necessario deprimitur, atque ita dura mater laedi posset aspero margine ossis sic diffracti: & licet prudenter in omni
am.

(α) Hippocrat. de capit. vulner. cap. 24. Charter, Tom. XII. pag. 128. (α) ibid. Cap. ultimo pag. 229. (β) Lib. VIII. cap. 2. pag. 512. 513.

ambiru tali vesti frangeretur cohaerens adhuc ossis pars, tamen adhuc cohaerebit firmiter durae matri vas emissis & receptis; & sic hac methodo difficultas tolli poterit. Omnium optimum videtur, si perpendiculariter sursum trahendo educi posset: quod fieri poterit, si cavo semicirculari instrumento, utrimque intra crenam immisso, prehendatur dissectus orbiculus, & deinde haec simul sursum ducantur; dum calvariae margo instar hypomochlii his instrumentis infervit. Si autem in vicinia fracta fuerit calvaria, facile patet, neque hoc tuto fieri posse. Pulcherrime fit, si cochlea spiralis applicetur medio centro orbiculi dissecti, ubi vestigium est a stylo trepani maris impressum; [uti dictum fuit in commentario §. 289.] deinde illa leniter circumtorquendo sic infigatur ossi, ut firmiter haereat: potest ita commodissime, tunc leniter hinc inde moveri dissectus orbiculus; & postea, ubi vix amplius cohaerere videtur, perpendiculariter sursum educi.

§. 292. **D**Ein asperitas lateralis ossis radenda lenticulari cultello, scobs demenda, via paranda cruari, & foridibus exituris per sternutationem, animae retentionem, & depressorium prudentissime & raro, foramen implendum, tegendumque tenui, molli linteo, imbuto medela membranis amica, & apta lamella plumbi ansata.

Cum operatio haec, si ex arte instituta fuerit, semper relinquit marginem foraminis facti asperum, & ossis festucis hirtum; quia orbiculus excisus tenui adhuc parte cohaerens sursum vi evellitur; & statim contentum calvariae encephalon in hunc locum assurgat; laederetur ab his aculeis dura mater, nisi statim cultello lenticulari [sic dicto, quia obtusum ejus extremum lentis figuram refert] abradatur omne illud, quod in margine foraminis facti eminet. Illa autem, quae in figura hujus instrumenti, & vii quam maxime observanda sunt, videri possunt apud *Garengeot* (c). Scobs sic abrafa, durae matri, jam nudatae incumbens, postea tollitur.

Aliquando accidit, ut, perforata calvaria, statim sanguis, vel pus aut ichor, inter cranium, & duram matrem collecta, prodeant; saepe etiam, licet haec adint, nihil exit. Dura mater enim ubique cranio adhaeret, uti jam saepius dictum fuit: hinc si v. g., in quodam loco calvariae effusi humores duram matrem a cranio separaverint, & trepanum non fuerit directe applicatum huic loco; poterit sic dura mater, undique adhaerens, coercere collectos humores, ut non possint per foramen factum, quamvis satis etiam vicinum fuerit, exire. Tuncque nihil superesset, quam in alio loco iterum cranium perforare. Tamen antea tentatur animae retentio, vel & sternutatio; quia sic major copia sanguinis distenditur encephalon, [reditu libero per venas impedito, affluxu interim per arterias manente, uti explicatum fuit in commentario §. 271.] illudque distentum effulos humores versus foramen factum premet,

met, ubi minor resistentia est. Aliquando & observatum fuit, licet statim non exiverint per foramen factum collecti humores, sequenti die sponte illos produsse. Ut vero promoveatur facilis exitus effusi liquidi, cum prudentia lenissime deprimunt Chirurgi duram matrem instrumento, quod Meningophylax vocatur, ac si diceret membranae custodem. Instrumentum illud obtusum talem apicem habet, uti cultellus lenticularis, qui rotundo cylindro politissimo continuatur. Hoc instrumento, parum tepefacto prius, ne frigore his partibus detectis insolito noceat, lenissime premittitur dura mater, ut ab ambitu foraminis exsecti parum recedat, sicque facilis via pateat humoribus in vicinia foraminis effusis: simul etiam sic impeditur, ne dura mater, dum animam retinet vulneratus, acuto foraminis margini appressa laedatur. Simile quidem nomine instrumentum, sed diversae structurae, & usus, apud Celsum (d) describitur: Erat enim lamina aenea firma, paulum resima, ab exteriori parte laevis, qua utebatur, ut, factis prius in calvaria foraminibus, eorundem septa media scalpro tuto excidere posset; loco enim excidendo submittatur haec lamina inter cranium, & duram matrem, ne scalprum malleolo percussum hanc membranam laederet. Eadem hac lamina etiam utebatur; ut os depressum attolleret (e).

Postquam humores effusieducti fuerunt, notandum quammaxime, quod in loco foraminis facti desit calvaria coercens; & cum ejus cavum semper plenum sit, nisi cautela adhibeatur, incipiet attolli in hoc loco encephalon; imprimis si dura mater simul laesa fuerit, & in fungum excrecere. Et quamvis dura mater illaesa fuerit, tamen, nisi idoneo apparatu coerceatur, inciperet sensim attolli, & super ossa eminere, ut Celsus monuerat (f). Unde apta ligatura compensari debet deficiens pressio. Sumitur orbiculus ex linteo molliissimo, parum major, quam est foraminis excisae amplitudo, ille applicatur durae matri, & sub limbo foraminis inter duram matrem, & cranium in omni ambitu subducitur, sicque cavetur, ne acuto margini foraminis appressa dura mater laedi posset. Centro hujus linteae filum adhaeret, ut postea commode semper tolli posset. Instillantur tunc aliquot guttulae balsami Peruviani tepidi, vel alterius similis balsami vulnerarii, deinde foramen repletur plumaceolis rotundis, ejusdem cum foramine diametri, & simili balsamo madidis: repleto sic foramine, applicantur plumaceola parum majora, integumentorum dissectis labiis molliissima digestiva applicantur; dein idonea ligatura firmatur totus apparatus.

Pulchrum laudatur inventum peritissimi Chirurgi *Belleste* (g), qui lamellam plumbeam ejusdem diametri, ac est foramen trepano factum, binis ansis utrimque instructam, parvis foraminulis perforatam, & balsamo vulnerario tepido madidam, immittebat foramini; deinde huic lamellae imponebat plumaceola molliissima, quae effluentes humores imbibere; ansas utrimque resectabat supra calvariam, deinde apta ligatura firmabat apparatus. Sic leni tali pressione impediatur, ne exurgeret in foramen dura mater: poterant

reno. --

(d) Lib. VIII. cap. i. pag. 312. (e) Ibid. cap. 4. pag. 319. (f) Ibid. pag. 320. (g) *Act. Chirurgica d'Hopital*, pag. 69. &c.

renovari plumaceola, relicta hac lamella plumbea; quae tamen etiam, si opus videretur, facile tolli, & reponi poterat. Hac lamella per quatuordecim dies utebatur, deinde tollebat, ne ossis consolidationi noceret diutius relicta.

Quia autem, nisi idonea ligatura retineat, a tumente encephalo posset elevari haec plumbea lamella, imprimis cum foramen conico modiolò excisum ab inferioribus sursum semper lateat; ideo & alia methodò usi fuerunt Chirurgi. Sumplerunt nempe laminam plumbeam, quae foraminis inferiorem diametrum aequabat: hanc filo instructam in medio centro applicabant durae matri, dein huic transversim imponebant plumbeam lamellam, lineam Geometricam circiter latitudine aequantem, & longitudine parum excedentem diametrum prioris laminae: hujus lamellae extremae utrumque sub cranio prudenter demittebant, quae ergo impediēbat, quominus encephali pressio posset elevare orbiculum illum plumbeum. Huic lamellae pariter filum affigebatur, ut commode tolli posset (b).

§. 293. CURatur dein ut vulnus membranae (185. ad 239.).

Illā, quae in generali vulnerum cura dicta sunt, sufficiunt, ut habeatur cognitio illorum, quae requiruntur, ut fiat sanatio perforatae calvariae; imprimis si simul considerentur illa, quae habentur in commentario ad §. 245. Maxime hic requiritur aeris moderatus tepor, dum nudatur plaga; & rara deligatio; praeterquam in initio, dum adhuc prodeunt extravasata liquida; uti etiam quamdiu valida adeit suppuratio. Nimis humida, & laxantia, uti & pingua, fere semper noxia fuerunt; Olibanum, mastiche, sarcocolla, & similia lenia roborantia, in tenuissimum pollinem trita, & vulnere aspersa, pulcherrime profuerunt. Haec methodus confirmatur Hippocratis (i) auctoritate, qui, postquam monuerat, omnia capitis vulnera, ubi repurgata sunt, siccantibus tractari debere, subiungit: *Eadem quoque est ratio membranae cerebrum ambientis: illa enim protinus ossi scilicet, & exempto denudata quam citissime purgari, & siccare debet; ne, si diutius madescat, nimia uligine tabescat, & in tumorem exurgat. His enim ita se habentibus periculum est, ne ipsa putrescat.* Summa quies animi, & corporis, diæta tenuis, imprimis commendanda sunt: cum levia etiam vitia in usu sex rerum non naturalium in capitis vulneribus adeo noceant; uti in praecedentibus pluribus exemplis confirmatum fuit.

§. 294. Ita enim intra 40., & 50. dies separati sunt margines ossei foraminis; quotidie enascitur caro cavum replens, quae sensim durior, tandem calli ossei, cavati, vel

H h

emi-

(b) Garengeot *Traité des opérations de Chirurgie* pag. 212.
vulner. cap. 26. *Chirur. Tom. XII.* pag. 126.

(i) De Capitis

eminentis formam adipiscitur; ubi debilitas, & dolor aliquis remanent.

Omnis ambitus foraminis, excissi serrae dentibus, & abrasione per cutellum lenticularem, contusus fuit: hinc omnis illa superficies ossis quasi gangraenosa est, & separari debet, antequam poterit fieri regeneratio perditum. Optime hoc notavit Cellus, dicens: *Si quod etiam os adustum est, (a terebra calefacta, dum circumagitur celeriter) a parte sana recedit; subitque inter integram, atque emortuam pariem caruncula, quae, quod abscessit, expellat. Eaque fere, quia testa tenuis, & angusta est, davis, id est squama a Graecis nominatur (k).* Haec separatio iterius, oculumve fit; imprimis pro varia aetate vulnerati; incipitque tunc tota superficies foraminis fulca fieri, imo aliquando nigrescere: totum tamen illud sponte benigna suppuratione separatur; tuncque incipiunt ab omni ambitu foraminis, imprimis a diploe, & ab ipsa dura matre, vasa viva elongari, sibi mutuo occurrere, implicari, & retexere sic perditam ossis substantiam. Pulcherrime hanc rem notavit Cellus (l), dicens: *Ubi bene res cedit, incipit ab ipsa membrana; vel, si os eo loco duplex est, inde quoque caro excrefcens id, quod inter ossa vacuum est, replet: nonnunquam etiam super calvariam excrefcit.* Renata haec substantia primo tenerum mucum refert; sensim in calum mutatur, & tandem ossam fere duritiem acquirit; sed nonnisi longiori mora. Si aequabilis pressio semper adhibita fuerit, pulchra satis erit cicatrix; si minor pressio luxuriare fecerit renascentia haec vascula, eminebit callus supra aequabilem superficiem calvariae; si nimia pressio, vel valida exsiccantia applicata fuerint, cava erit cicatrix. Plerumque intra quadraginta, vel quinquaginta dies haec cura absolvitur, si nihil sinistri acciderit, quod consolidationem retardaverit.

Observatione quammaxime dignum est, quod, quamvis perfectissime videatur recrevisse callus, raro tamen totum foramen integre repletum sit tali substantia, quae ossam duritiem acquirit: plerumque in medio mollior locus manet, ubi carnea magis substantia, durae matris forte propago, concurret cum illa, quae ex ossis ambitu undique recrevit: unde plerumque in medio talis cicatricis debilior locus adest, forte nunquam in perfectum os indurefcens. Hoc in pluribus calvaris defunctorum, qui hanc operationem passi fuerant, se observasse testatur *Garengot (m)*, & praesertim in calvaria hominis, cui ante viginti annos celeberrimus Chirurgus trepanum applicuerat; invenit enim in illo loco foramen inaequale, quod minus pisum transmittere poterat. Non mirum ergo, si debilitas in hoc loco cranii, & aliquis dolor saepe remaneant; imprimis a subita tempestatum mutatione: simulque apparet, debere locum illum, quamvis sanatum, diu adhuc muni, ne ambientium injuriis laedatur. Alia occasione, in commentario ad §. 271., dictum fuit de memorabili illo casu, quo tredecim annorum puellae, magna parte calvariae ablata, post novem

(k) Cels. Lib. VIII. cap. 3. in fine pag. 513.

(l) Lib. VIII. cap. 4. circa

finem pag. 521. (m) Traité des opérations de Chirurgie Tom. III. pag. 214. 215.

vem menses elapsos post integram consolidationem, cicatrix rupta fuerit a vehementissima tussi, sic ut binæ unciae ipsius cerebri substantiae expressae fuerint; & post quinque dies inde perierit.

Curam autem bene procedere monet Celsus (n), si membrana mobilis, ac sui coloris fuerit; caro increfcat rubicunda; facilis motus maxillae, atque cervicis. Mala signa sunt, membrana immobilis, nigra, vel livida, vel aliter coloris corrupti, dementia, acris vomitus, nervorum vel resolutio, vel distentio, caro livida, maxillarum rigor, atque cervicis. Et paulo post subiungit: capite fracto, donec jam valida cicatrix sit, vitentur sol, ventus, frequens balneum, major vini modus.

§. 295. **I**nflammatiō, suppuratio, gangraena, fungus excre-
scens raro membranarum, & ipsius etiam corticis
imprimis cerebri, tolluntur remediis, quae his malis propria,
tum applicatione antiphlogisticorum, detergentium, antiepi-
corum, filo, & lamella plumbea (292.). Caeterum malignitas
vulnere capitis censetur. 1. loco. in occipite, vertice, pariete,
futuris, pessima. 2. symptomatibus. febris post septimam cum fri-
gore, tremore, vulnere pallido, arido, livido, osse aspero, fla-
vo, hemiplegia, convulsione. 3. aetate. 4. temperie. 5. tempe-
state anni. 6. malignitate impuri, putrisque aeris.

Supereſt jam, ut conſiderentur illa ſymptomata, quae poſt inſtitutam cal-
variae pertorationem aliquando ſequuntur, & magnum ſaepe periculum in-
ducunt. Cum enim ablato oſſe, ob calvariae plenitudinem, contentum en-
cephalon una cum dura matre per foramen factum affurgat, niſi hoc cavea-
tur illis, quae dicta ſunt §. 292., ad margines duri oſſis appreſſa dura matre,
impediatur liber tranſitus ſanguinis per ejus vaſa, oriatur inflammatio, &
omnia, quae illam ſequi poterunt, mala; imprimis ſuppuratio, & gangrae-
na. Multum huc facit inſolitus aeris, imprimis frigidi, actus. Idem
malum fieri poterit in piaë matris valis, ipliſque cerebri corticali ſubſtan-
tia, unde omnes encephali functiones laedi poterunt. Generalis cura inflam-
mationis, de qua dicitur poſtea, tollere praefens malum poterit; tutius vero
praecavere, antequam natum fuerit. Venae ſectio larga, Epileptica pedi-
bus applicata, clyſmata leniſſima, tenuis victus, potus copioſus ſeri lactis,
hydrogaleae &c. corpus ſic diſponent, ut ab inflammatione alieniſſimum ſit.
Eadem haec natam inflammationem tollere valebunt, audacter etiam repeti-
ta, ſi urgeant ſymptomata. Periculoſiſſimam enim hic eſſe ſuppurationem,
lethalem ſere ſemper gangraenam, nullus dubitat; unde omni artis mol-
imine praecavendi ſunt hi inflammationis exitus.

Frequens ſaris, & valde metuendum malum ſolet ſequi calvariae perfora-
tionem; fungoſa nempe, & ſubitiſſime increſcens encephali dilatatio: quae
raro,

H h 2

(*) Lib. VIII. cap. 4. pag. 520. 521.

raro, vel nunquam forte contingit, quamdiu dura mater integra est; hac vero discissa, vel erosa, pia mater, adeo tenuis coeere nequit huc affurgentem cerebri substantiam: quae adhuc citius protruberabit, si pia mater simul laesa fuerit. Ob incrementi celeritatem, & figurae similitudinem, fungi vocantur, uti dictum in commentario §. 268. Cellius videtur simile malum observasse, sed credidit esse tumentem duram matrem. Aperto enim cranio, & detecta dura matre, dicit: *Quod si membrana per inflammationem intumescit, infundenda erit rosa sepeida. Si usque eo tumeat, ut super ossa quoque emineat, coarcescit eam bene trita lenticula, vel folia vitis contrita, & cum recenti vel butyro, vel adipe anserino mista (o).* Videtur autem omnibus observatis constare, fungos illos fieri a corticali pulposa cerebri substantia, coercentibus membranis, & osseo tegmine orbata, & immaniter dilatata ab impulsis arteriosis vi humoribus; omnino maxime, si febris circulationis velocitatem auxerit. Cum autem cortex cerebri naturaliter nihil rubri sanguinis habeat, ideo & hi fungi secti, & erosi, raro sanguinem fundunt, nisi maxima dilatatione horum vasculorum diametri eo usque auctae fuerint, ut rubrum sanguinem admittant: quod raro quidem fit, tamen aliquando factum fuisse testantur observata. In mirabili enim illo casu, in commentario §. 268. recensito, fungola talis excrefcens, pertuso cranio, moles valide pulsantes habebat arterias, & radius tractata sanguinem copiosissime fundebat. Ob hanc causam, imminuto circulationis impetu, fungi illi ante mortem saepe subsident, uti in eodem casu aliquot ante mortem diebus observatum fuit; fungus enim nucem juglandem aequans, coloris cineritii, indolens, sponte subiecit, paucis ante mortem diebus; & ingens hiatus in cerebri substantia apparuit. Scultetus in homine, acinace caput vulnerato, rimam cranii magnam, & satis latam cum duobus fungis invenit: post mortem autem, dum vulnus inspiceret, vidit fungos subiecitse quamplurimum (p). Quae omnia confirmant, quod fungosae tales excrefcenciae a corticali vasculosa encephali substantia, ab impulsis humoribus dilatata, nascantur.

Quaeritur jam, quid agendum sit in tali casu? ubi fungus talis eminet, retroprimi nequit, encephalon enim comprimeretur, & pulposa haec vascula levi etiam pressione destruerentur; unde putredo summa, & pessima mala. Abscindere, vel erodere ipsam cerebri substantiam periculosum nimis forte videbitur. Tamen innumera observata docuerunt, fungos tales resectos fuisse, superflite vita non tantum, sed & omnibus encephali functionibus illaesis manentibus postea. Puero quatuordecim annorum, post trepani applicationem, talis fungus ex foramine calvariae emerfit: filo circumstricto abscissus fuit; renascebatur similis, eodem modo resectus; hoc cum aliquoties factum fuit, ad pugni magnitudinem de substantia cerebri sic perisset constitit: tamen a tanto malo incolumis evasit; licet, & quaevis obvia fumeret pauperculus, & satis negligenter ipsum vulnus a mulierculis curatum fuerit, dum Chirurgus abesset (q). Puero ejusdem aetatis a ponderoso lapide, in dextrum latus capitis ex alto delapso, ingens cranii fra-

Etura

(o) A. Corn. Cels. Medic. cap. 4. pag. 320. (p) Sculteti Armament. Chirurg. Observ. 19 pag. 217. (q) Hildani Observat. Chirurg. Centur. IV. Observ. 3. pag. 287.

Æura accidit. Cum, exemplis pluribus calvariae fragmentis, omnia pulcherrime cedere viderentur, & cum pars duræ matris, a cranii fragmentis impressis lacerata, separata fuisset, elapso die vigesimo, enatus fuit de vulnere fungus, qui intra viginti quatuor horas ad magnitudinem ovi gallinæ extra cranium eminit: tamen asperso pulvere aromatico exsiccante, & emplastro ex similibus compositi &c. intra quatuordecim dies totus fungus subleuit, & postea plenissime convaluit vulneratus (*). Plura Exempla, quæ docent impune tolli posse hos fungos, apud eundem Auctorem habentur. Acrioribus tamen remediis fungos tales tentare videtur periculosum: & eodem in loco Hildanus casum narrat, quod rudis Chirurgus, contempto prudentioris consilio, fungo tali pulverem vitrioli, & aluminis usti insperferit, unde statim dolor vehementissimus, febris acutissima, inflammatio, delirium, & paucis diebus postea mors ipsa secuta fuit.

Si consideretur mirabilis ille apparatus, quo arteriæ ad encephalon tendentes ubique communicant inter se, postquam calvariam ingressæ sunt; & simul notetur, quod injectiones docuerint, piæ matris arterias ubique anastomosibus inter se uniri; idemque in tomentosis illis ultimis corticis vasculis obtinere ex analogia admodum sit probabile; patebit raro, quare, magna etiam parte corticalis substantiæ cerebri ablata, functiones cerebri illibatae manere possint. Simul notandum, quod parva etiam corticis cerebri moles, coercentibus tegumentis libera, in immanem molem possit extendi; cum vasculis adeo teneris, & facillime dilatandis constet.

Optimum videtur ergo majores fungos filo circumducto reserare prope calvariae foramen; ubi semper angustiores sunt; minores vero exsiccantibus compescere; cui scopo spiritus vini, cum mastiche, vel olibano coctus, pulchre convenire videtur; vel & pulverem mastichis, sarcocollæ &c. fungo inspergere.

Licet autem fungus ablatu fuerit, recrefcat brevi, uti innumeris observata constitit; nisi restituatur æquabilis pressio, quæ impediatur nimiam luxuriantiam vasorum distensionem; simulque adeo moderata fiat circulationis velocitas, & impetus, ut non nimis urgeantur tam facile dilatanda vascula. Prius perficietur linteis carptis replendo foramen; vel & applicando lamellam illam plumbeam, de qua dictum §. 192.; & deinde idonea ligatura hæc sic firmando, ut in loco maneant. Posterius impetrabitur, si missione sanguinis minuatur copia distendentis liquidi: quiete corporis & mentis; diluentibus antiphlogisticis magna copia potatis; victu tenui, & blando; lenibus anodynis poterit compesci nimia circulationis velocitas. Clysmata ex similibus facta, somenta applicata partibus inferioribus, epispastica &c. derivabunt impetum versus inferiora.

Ex tota hac vulnere capitis historia, uti & ex illis quæ de vulnerebus in genere dicta sunt, satis constitit, levia sæpe capitis vulnera præter omnem expectationem funestum habuisse exitum; atque iterum gravissimas non tantum calvariae, sed etiam ipsius encephali læsiones, sine ulla abolitione, vel læsione functionum, aliquando curatas fuisse. Plurimæ observationes

H h 3

nes

(*) Ibid. Censur. I. Observ. 15. pag. 22. 23.

nes ex optimis Auctoribus enarrae fuerunt, quae haec confirmant. Unde videtur pro axiomate haberi posse, quod nullum capitis vulnus, quantumvis leve videatur, perfunctorie tractandum sit; neque facile desperandum esse, etiam in gravissimis malis. Ut tamen, quantum per artem hodie cognitum licet, vulnere capitis Prognosis habeatur, sequentia considerata sunt.

1. OCCIPITE. Validissimi hic muscoli calvariae insiguntur; cerebellum, a quo tota vita pendet, hic reconditur; sinus magni transversales hic ponuntur. Effusus si fuerit vas fractis sanguis, difficillime hic educi poterit; imo si sub expanso durae matris velo, quod cerebellum tegit, & a pressione incumbentis cerebri tuto defendit, haeserint effusi humores, impossibilis omnino videtur horumeductio.

VERTICE. Calvaria enim omnium tardissime ibi osseam duritiem acquirat; in junioribus diu membranaceus talis locus manet, quem fontanelam vocant. Falciformis durae matris processus satis valide adhaeret ibi, & sinus longitudinalis supponitur: unde facile patet magnum discrimen vulnerum, quae huic loco insiguntur.

PARIETE. Quia satis saepe tenuia plerumque inveniuntur bregmatica ossa, inprimis circa medium centrum, & sulci impressi his ossibus docent, satis magnas arterias durae matris hic locari. Praeterea haec ossa capitis pro maxima parte solis integumentis communibus teguntur; unde Hippocrates (*) magis periculosa huic parti inflicta vulnera conclusit, quia os imbecillum, minima carne testum, & plurimum cerebrum subest.

SUTURIS. Quia pericranium hic cum dura matre videtur uniri, & cranium hic fortissime cum dura matre cohaeret; unde mala in externis partibus substantiae continuitate, ad interiora facile propagari poterunt. Accedit, quod si effusi humores, perforata calvaria, educi debeant, nunquam haec operatio possit institui in loco suturarum, semperque magnum dubium adsit, si inter cranium, & duram matrem effusus haereat sanguis, a quo futurae laterae calvariae perterebrari debeat, cum dura mater firmissime adhaerens futuris in diversis quasi cameris locare possit extravasata liquida, uti latius dictum fuit in commentario ad §. 285.

2. Symptomata, post vulnus inflictum orta, docent, quanam functiones laesae fuerint, & majus minusve metuendum ex vulnere periculum: quod ergo plura haec, quo graviora fuerint, eo major semper metus. Sed dictum fuit in commentariis §. 240. n. 4., gravia symptomata, statim post vulnus inflictum apparentia, saepe minus formidolosa esse illis, quae post aliquot dies elapsos apparent; illudque Hippocratis testimonio confirmatum fuit. Pessimi semper ominis habita fuit febris, quae post septimum diem a vulnere inflicto oritur; novam enim inflammationem, vel suppurationem, hic adeo metuendam, fere semper designat; & ab Hippocrate [x] damnatur haec febris, tanquam signum male affecti cranii, & neglectae ejus curae. Vulneris autem ruber color mutatus in pallidum, vel lividum; uti & quando instar carniū emarcidarum, vel sale diu conditarum, labia vulneris apparent, &

(*) De Capit. vulner. cap. 1. Charter. Tom. XII. pag. 116. 117. [x] De Capit. vulner. cap. 31. Charter. Tom. XII. pag. 117.

& arida sunt; designat, omnia hic in mortem, & corruptionem tendere, uti fufius dictum fuit in commentariis §. 255. n. 8. Cum autem cranium laeve, & coloris candidi rubelli, aut subcaerulefcantis naturaliter fit; ejus afperitas, & mutatus color in flavum, vel & fufcum, docent, illud corruptum effe, & natura, vel arte fepearari debere fic affectam partem: videantur de his illa, quae dicta funt in commentario §. 249. Hemiplegia autem, uti & convullio, cerebrum ipfum affectum effe docent; five illud compreffum fuerit ab intropreffa calvaria, uti dictum §. 267.; five ab effufis fub cranio humoribus, preffione, vel corruptela laedatur cerebrum; vel & fola valida concuffione, fine notabili liquidorum effufione, tenerriima encephali fabrica infigniter mutata fuerit, vel deffrufta: de quibus vide §. 273. 274. 275.

3. In junioribus offa molliora facilius cedunt, & minus refiftere poffunt caufis vulnerantibus: in adultis omnia haec firmiora funt: in fenibus dura quidem funt omnia offa, fed maxime fragilia. Praeterea offa omnia in juniori aetate magis vafculofa funt, & hinc majori humiditate faecant; cum procedente aetate plurima vafa complanata concrefcant; uti pulchre notavit Hippocrates, (u) dicens: *Puerorum vero offa & tenuiora funt, & molliora ideo, quod fanguine magis redundent &c.* unde ab eodem, vel & leviori vulnere, junioris pueri os magis, & citius, minorique temporis fpatio purulentum evadit, quam fenioris. Et fi aliqui ex vulnere moriendum fit, juuor feniore citius perit. Accedit quod juniores mobiliffimum habeant totum fyftema nervofum; unde etiam levioribus de caufis adco facile convelluntur; ideoque a capitis vulneribus in hac aetate majus periculum imminet. In fenibus vero tardior feparatio offis affecti, & difficilior regeneratio perditu obfervatur femp: quia minor numerus vaforum vitalium in offis fubftantia in hac aetate; imo faepe integra diploe, quae tota fere vafculofa eft, in fummo fenio evanefcit.

4. Temperies vulnerati dupliciter confiderari poteft: vel enim eft temperies fana, vel morbofa. Unicuique enim homini privata, & propria fanitas eft; quae tantum ratione hujus fingularis corporis talis dici poteft: & videmus diverfiffima in folidorum compage, & fluidorum attributis corpora tamen fana effe. Haec vocatur fanitas temperiei, quam inf. calidam, & frigidam, humidam, & ficcam &c. diftinxerunt veteres Medici. Patet facile inde magnum difcrimen obtinere in omnibus vulneribus, & imprimis capitis: in calidis enim, & biliofis hominibus longe validior inflammatio, & multo major degeneratio humorum extravafatorum expectanda funt: in frigidis, mucofis, debilibus hominibus, contrarium obtinet. Temperies autem morbofa ex praedominante cacochymia cognofcitur: peffima autem in capitis vulneribus illa temperies morbofa, quae offa inficere, & corrumpere folet; uti fcorbutica, rachitica, Venerea &c.

5. Summus aestus, & glaciale frigus, femp capitis vulneribus noxia; vernus tepor imprimis prodeft. Aeftivos tamen calores hyemali frigore,

H h 4

magis

magis noxios damnavit Hippocrates (v), dicens: *Et hyeme diutius vires homo, quam aestate, si quis caeteroquin periturus sit ex vulnere, quacumque denum capitis parte vulnus habeat.* Et alibi (w), postquam signa recensuit, quibus cognoscitur, capite vulneratum perituum esse, dicit: *aestate ante septimum diem, hyeme ante decimum quartum pereunt.* Longe etiam facilius acre frigus accenso loco temperari potest, quam intensus calor. Forte & ob hanc causam in calidis regionibus capitis vulnera difficilius curari observatum fuit: sic in Italia hoc constitisse Ludovicus Duretus monet. Aliam tamen & hujus rei ratio data fuit in commentariis §. 245.

6. Dictum fuit in Commentariis §. 245., aeris inprimis frigidiusculi, liberum accessum capitis vulneribus nocere: & in commentariis ad §. 200. demonstratum fuit, purum aerem, saepe renovatum, & ab omnibus putridis exhalationibus liberum, omnibus vulneribus tam pulchre prodesse. Unde post confictus bellicos, qui frequentissime aestivis caloribus coarctantur, dum in nosocomiis ingens vulneratorum numerus decumbit, tot exhalationibus putridis repletur aer, ut plurimi pereant, inprimis illi, qui ex capitis vulneribus decumbunt. Unde periclitissimus Chirurgus *Belleste* inter utilitates praecipuas, quas pulchra ejus methodus minutis cerebris calvariam nudatam, & male affectam perforandi, descripta §. 252. 253. 262., habet, recenset, quod vulnerati sic longe citius curentur; nec cogantur diu languere in nosocomiis, ubi a malignis illis exhalationibus robustissima etiam corpora pessime affici, quotidianis experimentis constat: & affirmat, se centies vidisse, sanatos jam, & abitu meditantes, putridis febribus, haemorrhagiis, diarrhoeis &c. correptos periisse (x).

§. 296. **S**I cruior, pus, sordes sub membrana latentes deprehenduntur post perforatum cranium, audacter incidenda, pertundenda erit membrana coercens.

Perforata calvaria exitus quidem patet humoribus effusis inter hanc, & duram matrem; sed si sub dura matre extravasata liquida haeserint, facile patet, haec non posse educi, nisi discindatur, vel pertundatur dura mater. Verum quidem est, quod omnes Medici, & Chirurgi semper sollicitissime caveant, ne modioli dentes, dum calvaria perterebratur, duram matrem laedant; inde enim graves inflammationes cum periculo mortis oriri testatur Celsus (y): sed aliud quid est dentibus ferrae lacerare hanc membranam, aliud cuspidē lanceolae acutissimae prudenter pertundere. Nec aliud in tali casu superest: si enim relinquatur haec extravasata liquida, corrumpentur, & destruent tenebram encephali fabricam, vel dura mater corrupta, & gangraenosa facta secedet; qualem casum refert Scultetus (z). Videtur autem hoc satis tuto fieri posse,

(v) De Capitis vulnere. cap. 4. Charter. Tom. XII. pag. 117. (w) Ibid. cap. 31. pag. 128. (x) Belleste Chirurg. d'Hopital pag. 67. (y) Lib. VIII. cap. 3. pag. 512. (z) Arment. Chirurg. Observ. 2. pag. 195.

posse, cum constiterit observatis, magna etiam parte duræ matris rescissa in periculossimo vulnere, profunde in ipsam substantiam cerebri penetrante, sanatum fuisse aegrum. Illud patuit in mirabili illo casu memorato in commentariis §. 187., ubi bis applicato trepano ingens pars calvariae exscindebatur, & simul dura mater dissecabatur per omnem ambitum tam magni foraminis. Dum vero sanguis effusus coagulatus haeret sub dura matre, saepe color niger per hanc membranam pellucet; & dum forcipe tollere vellet grumum sanguinis Chirurgus, arriperet duram matrem. Si de hac re dubitatur, digito saliva madido leviter tantum fricetur ille locus; colore enim sanguineo digitus tingetur, si thrombus coagulati sanguinis nudus ibi haereat; si vero sub dura matre recondatur, non colorabitur digitus. Ubi vero pertusa fuit dura mater, ex ante dictis patet, periculum esse, ne fungus cerebri nascatur, quod ergo idonea pressione praecavendum erit. Si autem humores effusi non haeruerint inter duram, & piam matrem, sed profundius in ipsis v. g. cerebri ventriculis locentur, nulla medela superest. Quis enim auderet cerebri ipsius fabricam perturbare? Unica spes est, pressione encephali, calvariam semper exacte replentis, alibi haerentes effusos humores posse sensim forte derivari versus aperturam factam.



VULNERA THORACIS.

§ 297. **V**ulnera Thoraci inflicta, nec in cava penetrantia, cognoscuntur adpectu, stylo, aere nulla arte exiliente, injectae tepidae repullu, corporis situ, ut in accepto vulnere, eodem, signis certis adnati pulmonis ad illum locum pleurae, quem transit ictus.

Thorax vocatur illa pars trunci corporis, quae antè sterno, postè dorsi vertebri duodecim, a latere arcuatis costis, superius costis binis superioribus terminatur, & inferius per diaphragma a cavitate abdominis separatur. Cum autem diaphragma arcuatum fornicem faciat, & oblique positum, sic ut antèr fatis alte assurgat, postèr autem profundius descendat, patet, thoracis cavum versùs postèriora multo amplius esse. Interne tota haec cavitas membrana politissima, pleura dicta, undique investitur, quae binas quasi cava vesicas formans, uti dictum §. 170. n. 4., sibi mutuo accumbentes prope sternum, Thoracis cavum bifariam dividit. Inter binas illas pleuras locatur Pericardium una cum corde incluso, quod teriam thoracis cameram constituit.

In omni vulnere thoracis primo quaeritur, an in cava thoracis penetret, an non? ubi instrumentum vulnerans pleuram membranam, vel pericardium perforaverit, tunc dicitur in cava thoracis penetrasse, aliter non. Plurimae autem laedi possunt partes, & quidem magno cum periculo, licet vulnus thoraci inflictum non penetret in ejus cava. Utriusque enim lateris pleura, ubi pervenit ad latus columnae vertebrarum utrimque, secedit a finibus ultimis costarum, & assurgens inde spatium satis amplum relinquit, quod cellulosa membrana occupatur, per quam oesophagus, aorta, ductus thoracicus &c. pergunt. Omnes ergo partes hic positae possunt laedi, licet vulnus non penetret in cava thoracis. Rarius tamen hoc fieri posse facile patet, quia a parte postèriori vertebrarum columna tuto defenduntur. Vulnus autem in pectoris cava non penetrasse, sed sola externa lacsse, cognoscitur sequentibus signis.

ASPECTU. Si nempe vulnus satis patulum fuerit, & recta penetraverit.

STYLO, ex plumbo, vel argento mollissimo, sine ulla vi adhibita per vulneris aperturam introducto. Sed facile patet, mutatum situm corporis, pinguedinem vulnus obstruentem, thrombum sanguinis &c. stylo viam facile sic impedire posse, ut resistentia inveniatur, quamvis vulnus in cavum thoracis penetret.

AERE NULLA ARTE EXILIENTE. In commentariis §. 170. n. 4. demonstratum fuit, quamdiu thoracis cavum clausum est, pulmonem pleurae semper

semper exacte contiguum esse, nullumque omnino aerem inter pulmonem, & pleuram haerere: ubi vero instrumentum vulnerans pleuram penetravit, aer ingredi potest, pulmo illius lateris collabitur; & spatium sic natum repletur aere ingresso. Ille aer autem, calore rarefactus, iterum per vulnus pro parte exiit, novus aer iterum ingreditur, sicque ibit, & redibit hanc viam; imprimis si vulnus pleurae non nimis patulum fuerit; tunc enim aliqua adhuc dilatatio pulmonis ab aere per glottidem ingresso fieri poterit, uti latius dictum fuit in loco modo allegato. Omni jam cura periti Chirurgi in vulneribus thoracis inquirunt, an aer cum impetu per vulnus exeat, imprimis sequenti modo. Postquam Chirurgus pollice, vel digito vulneris labia sic compressit, ut nullus aer ingredi, vel exire possit, jubet vulneratum valide inspirare aerem, & inspiratum aerem in pulmone retinere, clausa larynge: deinde, antequam expiret vulneratus, candelulam ceream prope vulnus ponit, tuncque subito labia vulneris diducit: si jam aer cavum pectoris ingressus fuerit, ille cum impetu efflabitur de vulnere, & movebit flammulam candelulae cereae. Dum enim aer, pertusa pleura, in cavo pectoris haeret, clauso vulnere, a corporis calore rarefiet; simul, si valida inspiratione adhuc parum dilatari tantum possit pulmo illius lateris, aer in pulmone, clausa glottide, retentus, & rarefactus expandet pulmonem; hinc urgebitur eo magis aer in cavum pectoris ingressus; qui ergo, simulac aperto vulnere libera datur via, cum impetu, & sibilo exiit. Facile autem apparet, certissimum quidem esse, si per vulnus infictum hac methodo aer exeat, quod vulnus in cavum thoracis penetraverit; interim tamen accidere posse, quod thorax quidem percussus sit, & nullus aer tamen ingressus sit, pinguedine, imprimis post mutatum corporis situm, replente statim viam instrumento vulnerante factam; vel etiam, licet pauculum aeris sic ingressum fuerit, ille non facie poterit iterum exire per vulnus ob eandem causam. Imprimis autem hoc fiet, si angustum vulnus in thoracis cavum penetraverit. Ex his ergo apparet, qualem hoc signum certitudinem dare possit.

INJECTAE TEPIDAE REPULSU. Tutissima videtur haec methodus, & omnium certissima. Exploratio enim per stylum facta saepe fallere potest, cum aliquando mutato corporis situ, imprimis in obesis, membrana cellulosa viam impediat, quo minus stylus immixtus ad fundum vulgeris possit peringere. Aliquando etiam insigni longitudine stylus poterit immitti, nec tamen penetrare in pectoris cavum vulnerante instrumento supra costas per pinguedinem adacto, uti constitit observatis Chirurgicis. Studiosius in singulari certamine gladio sic vulnerabatur in dextro thorace, ut vulnus, quod obliquo corpore a latere infictum fuerat, in sinistro thorace exiret, nec tamen penetraret in pectoris cavum, ense supra costas gliscente. Aqua tepida syringa per vulneris orificium leni vi injicitur: si insignis aquae copia sine resistantia sic immitti possit, nullusque tumor in vicinis partibus a collecta aqua in membrana cellulosa oriatur, novimus aquam in pectoris cavum per viam vulnere factam intrasse; si vero statim magna resistantia sentiatur, & redeat aqua injecta per vulneris orificium, contrarium patet. Neque ullum inde metuitur malum, licet aqua tepida per syphonem injecta in pectoris
cavum

cavum sic delabatur. Facile enim inde poterit educi idoneo situ corporis, vel aliis methodis, de quibus dicitur §. 303. Imo, licet ibi relinqueretur, vasis bibulis venosis, omnem thoracis interni, & pulmonum superficiem occupantibus, reforescitur. Sic enim contenta in thoracis cavis liquida dissipari posse, frequentissimae docuerunt observationes. In Empyemate, pus resorptum per sputa, urinas, vel alvum, evacuatum fuisse aliquando constat; uii & idem pus, venas ingressum, sanguini mistum, metastasi ad varia corporis loca delatum fuisse. Dum ex amaris paratum medicamentum injiceretur thoracis cavo Paraeus, ut detergeretur, & mundaretur haec loca ab extravalato, & corruptio sanguine, mirabatur, paulo post vulneratum percipere summum amarorem, & vomendi conatum [a]; ideoque postea ab his abstinuit.

CORPORIS SITU &c. Quantum usum habeat in determinanda vulneris inflicti natura, & praefagio malorum, quae a vulnere metuenda sunt, cognoscere situm corporis, quem habuit vulneratus, dum vulnus accepit, dictum fuit in commentario §. 168. n. 1. Saepe enim omnino impossibile foret indagare viam, qua instrumentum vulnerans penetravit inter corporis partes, nisi in eodem situ reponatur vulneratus, quem habuit, dum vulnus ipsi inflictum fuit. Varia enim musculorum actio miris modis mutare potest partium situm; uti pulcherrime expressit Eustachius in tabulis suis Anatomicis: ibi enim trigesima tabula dextrum brachium elevatum, flexo cubito, apparet, sinistrum vero extenso cubito deorsum porrigitur. Si in hac figura conferatur dextrum thoracis latus cum sinistro, patebit insignis differentia in positura partium.

SIGNIS CERTIS ADNATI PULMONIS &c. Cum pulmo toto vitae tempore pleurae contiguus maneat, & in inspiratione pariter, ac in expiratione, uti ex Physiologicis constat; tamen naturaliter undique liber est in pectoris cavo, asperae arteriae cohaerens per vasa sua aerea, vasis vero sanguineis cordi uniur; caeterum in nullo puncto pleurae adhaeret. Praecipua autem causa, quare non concrecant hae partes inter se, videatur esse haec, quod in omni puncto pleurae, & pulmonis fistulae minimae arteriosae omni vitae tempore exhalanti tenuissimum rorem, qui impedit, ne pulmo cum pleura concrecat. Quam rem Hippocrates concinna brevitate, ut solet, pulcherrime expressit, dicens: *Omnis enim non concretum, sive cute, sive carne tegitur, cavum est, impleturque sanum quidem spiritu, infirmum vero ichere* (b). Ubi autem, inflammatione distentis vasis majoribus, minima haec compressa non efflant tenuissimum illud liquidum, siccat superficies concrecant inter se satis cito; unde post Pleuritidem, Peripneumoniam, Empyema, toties invenitur pulmo pleurae accretus. Si ergo constet, vulneratum hos morbos passum fuisse, de hac re cogitandum est. Si enim vulnus inflictum fuerit tali loco, ubi pulmo cum pleura concrevit, poterit instrumentum vulnerans pulmonis substantiam penetrare, nec tamen intrare pectoris cavum. Cognosci poterit, si aqua per siphonem injecta in vulneris orificium

(a) Les Oeuvres d' Ambroise Paré Liv. X. Chapit. 32. pag. 251. (b) Hippocrati. de arte cap. 8. Charter. Tom. II. pag. 150.

cium tussiculam excitet, & per asperam arteriam expellatur, tunc enim vulnus in pulmonem quidem, sed non in pectoris cavum penetravit.

Haec sunt illa signa, quibus solet concludi, vulnus sola externa laesisse, non autem penetrasse in pectoris cavum. Accidere tamen aliquando potest, ut omnia haec, sollicitissime quamvis observata, fallant tamen; imprimis si angusto instrumento vulnus inflictum fuerit: tunc enim educto instrumento poterit pinguedo sic obturare vulnus factum, ut nec aeri, nec stylo, nec aquae injectae pateat via, & tamen pulmonis vasa laesa v.g. poterunt effundere sanguinem in pectoris cavitatem. Unde simul attendendum est, an respiratio laesa fuerit: si enim vel aere ingresso, vel sanguine extravasato, pectoris cavum angustetur, semper erit difficilis respiratio: quae ergo si observetur post vulnera pectoris, semper videtur periculum indicare, quamvis nullo alio signo appareret, vulnus ad interiora thoracis penetrasse. Summa enim in his cautela opus est, ne saepe detrimentum accipiat Medicus, vel Chirurgus, dum periculolum, & saepe lethale vulnus leve, & nullius fere momenti habuerint.

§. 298. **S**I obliqua descendunt illa (297.) supra, vel intra costas, saepe dein pleura erosa in cava Thoracis pus deponunt, maxime, si puri ad externa egressuro via quacun- que arte impeditur. Tumque Empyema fit, & inde multa mala.

Licet jam conspiceretur, vulnus non penetrasse in pectoris cava, tamen, inde pessima mala oriri possunt. Si enim vulneris fuerit talis conditio, ut ejus orificium altiori loco ponatur, interim fatis profunde inter musculos descendat; humores effusi hic colliguntur, mora, & stagnatione acriores fient, sinus formabunt varios; tandemque poterunt, erosa pleura, in pectoris cavum delabi: quotidie ex tali sinuoso ulcere collectum pus depluet, augebitur cavo thoracis contentorum liquidorum copia, fiet Empyema, pulmo maceratus pure, quotidie acriori facto, tabesceat, unde post summas miseras toleratas tandem mors ipsa sequetur. Omnium molestissima haec mala sunt, quando fistulosae tales cavitates pone costas descendunt; tunc enim nec dilatationi, nec compressioni ullus fere locus superest. Praeterea sterni, & costarum substantia ossea, vel cartilaginea laesa si fuerit, poterunt inde multa mala sequi, & curatio saepe erit difficillima; uti patebit, ubi de ossium morbis agetur. Memorabilem historiam, quae haec confirmat, habet Galenus (c). In palaestra puer ictus fuerat in sterno: neglectus primo fuit, nec postea pulchre curatus. Post menses quatuor pus in parte percussa apparuit: Medicus incidit locum, & satis cito, ut credebatur, ad cicatricem perduxit. Postea nova inflammatione orta iterum seclusus fuit puer, nec potuit amplius ad cicatricem deduci factum vulnus. Galenus postea, cum pluribus aliis Medicis advocatus, invenit sterni os fideratum; cumque omnes recusarent curam aggredi, Ga-

lenus

(c) De Anatom. administr. Lib. VII. cap. 23. Charter. Tom. IV. pag. 162.

lenus sterni partem corruptam excidit, subjecti Pericardii partem putridam invenit, & nudum cor vidit; & tamen brevi satis tempore puer sanatus fuit. Ex de hoc casu videtur etiam locutus fuisse in ipso initio libri primi de Placitis Hippocratis, & Platonis (qui liber primis quatuor capitulis truncus tantum habetur), dum dicit, se in tali puero tam aperte cor vidisse, uti in animalium dissectionibus, ubi consulto, & data opera id denudatur; additque, puerum hunc servatum fuisse [d]. Omnium maxime haec mala metuenda sunt, quando vel vulneris situ, vel perverti arte, impeditur exitus puris versus exteriora.

§. 299. **Q**Uare in curatione abstinendum ab omni turunda, emplastice, comprimentibus; contra depurantibus, balsamicis, plumaceolis, levi ligatura utendum, & situ corporis apto.

Cum ergo tot, & tanta mala oriri possint in thoracis vulneribus ab humoribus extravasatis retentis in vulneris cavo, ibique novas saepe vias sibi facientibus per membranam cellulosam, patet evidenter, liberum exitum his procurandum esse omni modo. Quondam communi omnium fere Chirurgorum via plerisque vulneribus, & imprimis thoracis, immittebantur turundae; ut scilicet impediretur orificii vulneris subita nimis consolidatio, nondum concreta interna vulneris superficie; & ut facilis esset exitus corporum heterogeneorum in vulnere relictorum; & simul ut facile ad fundum vulneris usque venire possent remedia vulneraria. Peritissimus Chirurgus *Belkote* (cui etiam praecipue debetur pulchra illa methodus ossa periosteio suo nudata minutis foraminulis perterebrandi, uti dictum fuit §. 252. 262.) huic torrenti se opponere ausus fuit, & solidissimis argumentis demonstravit noxium turundarum usum, imprimis in thoracis vulneribus [e]: simul pulcherrimis exemplis ostendit, rerum usum confirmare illa, quae ratio dictaverat. Turundae enim, ex linteis carptis contortis, vel similibus paratae, vulneris orificio immixtae, effusis humoribus resorptis tument, & nisi tenaci emplastro, vel ligatura firmentur, expelluntur brevi: si vero coercescantur sic, ut exire nequeant, turgentibus lenta dilaceratione vulneris orificium dilatant non sine magno dolore, & irritatione partium; & simul, dum vulneris orificium obturant, impediunt exitum puri, aliisque liquidis effusis; quae ergo novas sibi vias facient, & vulnus in ulcus pessime sinuosum poterunt convertere: imo &, pleura erosa, poterunt delabi in pectoris cava; unde tristicissima fient mala. Praeterea singulis vitae momentis mutatur thoracis capacitas, moventur costae, illisque affixi muscoli, etiam in placidissima respiratione; unde nunquam quiescit tale vulnus, & continuo vulneris labia turundae affricantur; unde dolor, inflammatio, & tandem callositas nascitur in labiis vulneris, quae postea tolli debebit, antequam ad consolidationem vulnus deduci poterit. Ex quibus omnibus satis apparet, nihil boni, a turundarum in vulneribus thoracis usu expectari posse. Forte tantum

(d) Galen. De Hippoc & Platon. placit. Lib. I. cap. 5. Charter. Tom. V. pag. 74. (e) *Belkote* Chirurgien d'Hopital pag. 1—43.

tum prodesse possent, si vulneris orificium nimis angustum dilatari deberet, quamvis tamen, uti dictum fuit §. 238., cultro facilius hoc fiat: & si huic viui inservire debeant turundae, uno, alterove die applicatae hoc efficere poterunt, neque ideo necesse sit illas toto curae tempore applicare. Quinimo turunda ex spongia rite praeparata (uti ibidem dictum fuit) orificio vulneris immissa paucis horis poterit insignem dilatationem facere. Ob eandem rationem patet, quare & tenacissima Emplastra hic nocent: quia nempe liberum humorum per vulnus effluxum impediunt. Optime ergo vulneribus thoracis applicantur plana plumaceola, balsamo vulnerario, vel pro re nata mollissimis digestivis inuncta: his dein imponitur Emplastrum non nimis tenax, foraminulis plurimis pertusum; & idonea dein applicatur ligatura, si opus videatur; hac cum cautela, ut spleniis applicatis, vel alio quocumque modo impediatur, ne fasciae circumductae, vulneris aperturam comprimendo, exitum extravasatis humoribus impendant.

Monuerat Hippocrates: (f) *Quicumque thoracem vulnerati externa parte vulneris sanati sunt, interna non, periclitantur, ne suppurati fiant. Quibus autem debilis intus facta fuerit cicatrix, facile disrumpitur.* Unde apparet, summam cautelam adhibendam esse, ut interna vulneris superficies consolidata fuerit, antequam externum ejus concrescat orificium. Hinc forte videretur concludi posse, quod turunda, impediens concretionem orificii externi, prodesse possit. Sed si consideretur, turundam sic vulnus obturare, ut pus collectum in cavo vulnere exire nequeat; patebit impediri concretionem vulneris interni, dum pus retentum in vulnere a contactu removel partes uniendas, & idem copia auctum novas vias sibi faciet, & sic augebit vulneris interni superficiem. Non autem fuisse Hippocratis mentem, ut turundis occluderetur in tali casu vulneris orificium, ex alio memorabili loco ejusdem auctoris patet, qui pulehre Coacam Praenotionem modo allegatam explicat. Dicit enim: *quicumque a vulneribus purulenti sunt* [ubi eodem vocabulo *purulentos* utitur, ut in Coaca praenotione, illudque vocabulum frequentissime sumitur pro collectione puris in thoracis cavis] *siro basta, vel pugione, vel jaculo intus vulnerati sunt, quamdiu quidem ulcus foras respirationem habeat per autem vulnus. & hoc frigidum in se attrahat, calidum vero a se emitat, tum pus facile, tum sane si quid aliud, expurgatur. Et si quidem interna, & externa pars simul sanescant, omnino sanus evadit. Sin vero externa quidem puri sanescat, interna vero non, purulentus (purulentus) fit. At vero si simul tum interna, tum externa pars sanata sint, cicatrix autem intus debilis aspera, & livida existat, quandoque refricatur ulcus, & ab hoc purulentus evadit (g).*

Ex quo loco satis patet, non per turundas tentari debere curam, ut interna, & externa aequabiliter, & firmiter consolidentur; sed situ corporis tali, ut contenta cavo vulneris liquida proprio pondere verius aperturam externam delabantur; & ubi fundus vulneris demissior est ejus orificio, nec tamen situ vulnerati hoc corrigi possit, tunc spleniis, vulneris fundo applicatis; & idonea ligatura poterunt pelli humores contenti versus vulneris orificium, & sic uniri partes in vulneris fundo, liquidis expulsi, ut contiguae factae concre-

cant

(f) Io Coacis Praenot. n. 430. (g) Hippocrat. de morbis Lib. I. cap. 9. Character. Tom. VII. pag. 542.

cant facile. Interim pus, continuo exiens per orificium vulneris, facile impedit, ne illud concreascit, antequam interiora sanata fuerint. Si autem vulneris interna superficies, sordida facta, prius requirat depurationem, antequam consolidatio expectari possit; tunc applicari possunt illa auxilia, quae §. 207. enumerata sunt; de quibus etiam postea dicitur in Fistularum curatione. In horum usu pergitur, donec pus album, blandum, viscidum, laeve, aequale, inodorum adsit; & postea leni compressione, sensim a vulneris fundo ad ejus orificium procedente, tentatur consolidatio puri jam vulneris.

§. 300. **I**N cava Pectoris adire scimus 1. considerata causa cum amplitudine vulneris. 2. Specillo corpori, in situm vulnerandi reposito, applicato. 3. Aeris in pulmonem inspiratu forti, dum clausum vulnus, mox naribus, & ore clausis nixu exspirantis edito, tumque detecto subito vulnere, expiratione, & saepe sono ejus agitati in cavo pectoris. 4. Iniectione. 5. Emphysemate, quando aer thoracis cavo contentus; pertusi pulmonis actione assidue auctus; calefactus; rarefscens; pressus inspiratu; exire impeditus libere ex vulnere; in labiis vulneris actus per membranam cellulosam; auctus, facit, ut saepe totus homo, hinc inde ad 11. pollices, tumore pellucido, levi tumeat; solis plantis pedum, manuumque volis exceptis. Ac. reg. Sc. 1713. hist. p. 15. 18. Item 4. 14. & 119. 120. ubi emphysema lethale a costis fractis illaesa cute. 6. cruoris spumosi exitu.

Magna cautela opus est, dum determinabitur, an vulnus inflictum in pectoris cavum penetraverit, an non. Nam thoracis cavum anteriori multo altius ascendit, a parte posteriori profundius descendit. Unde saepe turpes errores acciderunt, dum credebantur vulnera thoracem penetrasse, cum tamen in abdominis cavum transirent. Sic habetur apud *Ruysechium* [6], quod temerarius Chirurgus, in loco quodam suburbano habitans, thoracis paracentesin cum instituire vellet, ipsum in consilium vocari iusserat; cum autem Ruysechius ob adversam valetudinem venire non posset, ille Chirurgus solus thoracem, ut putabat, perforavit. Mox hydatides multae eruperunt; quibus visis territus Chirurgus turundam immisit vulneri facto. Paulo post misera foemina periit, aperto cadavere patuit, nihil li- quidi praeternaturalis in thoracis cavis hacere, sed ignarum Chirurgum abdomen perforasse, non thoracem, & hepar vulnerasse, quod ibi, peritonaeo accretum, in hydatides degenerasse visum fuit, quae per vulnus factum eruperant. Unde patet, ex Anatomicis diaphragmatis situm, & nexum rite cognosci debere, ut certi quid hic statui possit.

Vulnera

(b) Observat. Anatom. Chirurg. Centur. Observat. LXV.

Vulnera autem possunt in pectoris cava penetrare, dum abdomini infixa per diaphragma transeunt: cuius rei certa signa non habentur, & fere tantum post mortem in cadaveribus hoc apparuit: quales casus enarrati fuerunt in commentario §. 170. n. 4. Vel vulnera thoracem proprie dictum perforantia in cava ejus transeunt, de quibus hic agitur, illudque cognoscitur sequentibus signis.

1. Cum fere omnia instrumenta, quibus punctim vulnera infliguntur, conicae fuit figurae; patet, vulneris amplitudinem, collatam cum instrumento vulnerante, docere posse, quousque penetraverit instrumentum vulnerans. Fallere tamen in hoc casu posset hoc signum, si vulnus supra costas inter musculos adactum fuerit: potest enim tunc instrumentum vulnerans magna sui parte penetrasse, nec tamen ingredi thoracis cavum.

2. De hac re dictum fuit §. 168. n. 1. & §. 297. ibique patuit, mutato situ corporis musculos alio modo positos, & pinguedinem in vulnus pressam, facillime aditum stylo exploratorio impedire posse.

3. De hoc signo etiam dictum fuit §. 297. Imprimis hic cavendum, ne hac exploratione aer ingreditur pectoris cavum: diductis enim vulneris labiis, & dilatato per inspirationis nixum thorace, posset facile ingredi aer, licet huc usque nondum intrasset. In obesius enim, infixto vulnere in cavum thoracis penetrante, pinguedo saepe educto instrumento vulnerante illico viam sic obturat, ut aer ingredi nequeat. Unde dum hoc tentatur, primo sollicite comprimenda sunt vulneris labia; deinde forti inspiratione haustum aerem retineat vulneratus; tuncque naribus, & ore clausis nixum expirationis edat. Aer tunc retentus, calore expansus, validissime dilatabit pulmonem; hinc comprimet aerem, qui inter pleuram, & pulmonem haeret, calore loci pariter admodum rarefactum: detecto tunc vulnere, nullus metus est, aerem per externum vulnus posse ingredi in thoracis cavum, quia pulmo dissentissimus applicabitur undique pleurae, si nullus haecenus aer in cavo pectoris haeret; si vero aer jam ingressus fuerit, ille calore rarefactus, a pulmone dilatato pressus, praevalere atmosphaerae pressioni, & cum impetu exibat de vulnere. Si autem vulnus tale fuerit, ut liber satis aeri ingressus in thoracis cavum pateat, nec tam patulum fuerit, ut glottidis aperturam multum superet (vide §. 170. n. 4.), ibit, & redibit aer cum sibilo manifesto per vulneris aperturam: tuncque nullum dubium superest.

4. De hoc signo etiam dictum fuit §. 297.

5. In §. 244. de mirabili hoc symptomate dictum fuit, quatenus vulnera capitis aliquando sequatur. Longe tamen frequentius pectoris vulnera, in cavum penetrantia, hoc malum sequitur, & tunc brevi satis temporis spatio per totum corpus mirus talis tumor dispergi poterit. Dum enim per vulnura ingressus fuit aer in thoracis cava, & orificium externum per emplastra tenacia, vel pinguedinem clausum fuerit; calore loci rarefactus aer viam sepe sibi facit per panniculum adiposum. Imprimis autem maximi tales tumores oriuntur, si pulmonis vasa aerea, per vulnus laesa, inspiratum aerem in pectoris cava deposuerint; tunc enim omni momento augetur malum. Mirabilem casum habet Paraeus, qui huc referri potest, quem jam memoravi in commentariis §. 249. Ubi constitit, aspera arteria laesa in collo, aerem per vul-

vulnus hujus elapsum se insinuasse in panniculum adiposum, & miro modo se intumuisse faciem, ut nasus & oculi penitus disparent quasi. Cumque vulneratus jam pro derelicto haberetur, peritissimus Chirurgus, profundis scarificationibus hinc inde factis, ingresso panniculum adiposum aeri viam fecit, & ex ipsis orci faucibus vulneratum eripuit (1). Mirabile emphysema, post vulnus thoracis penetrans, & pulmonis substantiam lædens, habetur in Aëtis Parisiæ (κ). Homini triginta annorum, sanguineae temperiei, & valde carnosus habitus, infligebatur vulnus in pectoris cavum penetrans, a quo quinta die periit. Ante mortem totum corpus miro tumebat emphysemate, exceptis plantis pedum, & volis manuum, & capitis vertice. In pectore tumor ille undecim pollices crassus erat, in ventre novem, in collo sex, in reliqua autem corporis superficie quatuor pollices aequabat. Oculi in cadavere pro parte externa orbitas eminebant, aeris magna copia distenti in tunica cellulosa. Rarissimus alter casus observatus fuit (1), ubi integra cute collis fractis emphysema lethale ortum fuit. Homini sexaginta annorum, carpenti rotis super pectus transeuntibus, quarta & quinta costa vera lateris sinistri in medio fractæ erant: paulo post in loco affecto tumor notabilis apparuit ab aere ingresso panniculum adiposum; qui quotidie una cum difficultate respirationis incresecebat, donec quarta die post hoc infortunium moreretur homo. In cadavere patuit, Emphysema totam corporis superficiem occupasse, exceptis plantis pedum, & manuum volis. Discissa cute, & reliquis integumentis, quæ incumbabant collis fractis, in musculis intercostalibus parva, & vix perceptibilis apertura inventa fuit, sine ulla ecchymosi; aperto vero thorace, membranae externae pulmonem investientis exigua particula lacerata apparebat, quæ partim adhuc cohaerebat pulmoni, partim affixa erat costæ fractæ: nihil autem sanguinis extravasati in pectoris cavo inveniebatur.

Ex quibus omnibus satis patet, emphysema pectoris vulnera sæpissime sequi; imprimis si vulnus aerem quidem admisit in pectoris cavum, sed interim quacumque de causa impediatur liber exitus aeris ingressi ex vulneris orificio. Omnium autem maximos tales tumores fieri docent hæc observata, si simul pulmo læsus aerem inspiratum in pectoris cavum dimiserit; præcipue si simul non adsit magna hæmorrhagia: tunc enim sanguis, in cavum thoracis delapsus illudque replens, impedit, ne tanta copia aeris in pectoris cavo accumulatur, quæ toti corpori inflando sufficeret. Simulque apparet evidens ratio, quare, si vulnus thoracis subito lequatur tale emphysema, merito concludatur, illud penetrasse in pectoris cavum.

6. Hoc signum denotat certo pulmonem esse læsum: sanguis enim tunc, læsis sanguineis vasculis effluens in aërea vasa pulmonis, cum aere mistus spumescit; unde tunc vel per alperam arteriam eruant spumolus cruorem, vel undatim talis sanguis de vulnere externo effluit. Sed pulmo lædi nequit, nisi instrumentum vulnerans in pectoris cavum penetraverit; nisi forte pulmo illo in loco pleurae fuisset accretus: de qua re dictum fuit §. 297. Pulcherime

(1) Les Oeuvres d'Ambroise Paré Liv. X. chapit. 90. pag. 249. [1] Acad. des Sciences l'an 1713. Mem. pag. 5. &c. [1] ibid. Mem. pag. 154. &c.

rime hoc expressit Virgilius [m], ubi Antiphaten a Turno vulneratum, describit:

. Volat Italia cornus
Aera per tenerum, stomachoque infixâ sub altum
Pectus abit: reddit specus atris vulneris undam
Spumantem, & fixo ferrum in pulmone tepefcit.

Ob eandem causam, si sanguis spumofus in morbis per os rejicitur, ex pulmone illum prodire concluditur.

§. 301. **E**ffectus talis vulneris facpe 1. aeris ingressi pressio in pulmonem, respirationi hinc, & circulationi ineptum. 2. Effusus cruor in Thoracem, & accumulatus. 3. ejus extravasati, calefacti, moti, clausi undique, putrefactio. 4. hinc pleurae, pulmonum, mediaſtini, diaphragmatis, pericardii maceratio, erosio, corruptio, foetor. 5. infiniti ex his oriundi morbi. 6. cruoris exſurgatio.

Enumerantur jam illa mala, quae observata fuerunt aliquando sequi vulnera thoracis in cavum penetrantia, quae omnia imprimis ab aeris admissione, vel extravasatis humoribus pendent.

1. In commentariis §. 170. n. 4. demonstratum fuit, inter pulmonem, & pleuram in homine sano naturaliter nunquam aerem esse; hocque requiri necessario, ut pulmo, pectore dilatato, distendi posset aere per glottidem irruente. Unde, simulac per vulnera thoracis aer in cavum pectoris admittitur, patet, liberam pulmonis expansionem impediri, imo a patulis vulneribus integre tolli. Eodem loco per varia experimenta constitit, quousque & quam sub limitatione hoc verum sit. Si enim aer liberrime per vulnus factum ingredi possit, non poterit dilatari pulmo; si angustiori vulnere ingrediatur minor aeris quantitas, quam per rimam glottidis apertam intrare potest, fiet aliqua pulmonis expansio, non tamen tanta ac in sanitate fieri debet. Quam rem pulcherrime expressit *Galenus* (n) dicens: *Notum vero est, inspiratione per animalis os facta, tantum necessario perire ob vulnus, quantum ejus loco extrinsecus insuit circumſtus aeris in thoracem. Quanto autem minus inspiraveris per os ad necessitatem, tanto etiam minus efflati: quantum autem efflatio decreveris, tanto vocem sequi breviorē necesse est.* Si jam aer, ingressus pectoris cavum, quacumque de causa iterum per vulneris orificium exire nequeat, ille calore rarefactus expandetur, pulmonemque fortiter comprimendo impedit inspirationem, & dilatationem pulmonis inde factam, quae in homine nato requiritur, ut sanguis, corde dextro expulſus, libere per arteriæ pulmonalis angustias transire possit. Omnium autem ho-

1 i 2

rum

(m) Aeneid. lib. IX. versu 700. &c. [n] De Anatom. administrat. lib. VIII. cap. 3. Chatter. Tom. IV. pag. 172.

rum ratio facile deducitur ex cognitis aeris proprietatibus, & illis requisitis, quae ad respirationem peragendam, & liberum sanguinis circulum per pulmonis vasa, necessaria esse in Physiologicis demonstrantur.

2. Si arteriae intercostales laesae fuerint v. g. sanguis ingenti copia colligi poterit in thoracis cavo; vicinum enim cor magna vi sanguinem in has arterias pellit; motus thoracis per respirationem impedit, ne arteriae laesae quiescant, & se contrahere tam cito possint. Si jam pulmonis vasa sanguinea diffecta fuerint, facile patet, subito ingentem cruoris copiam accumulari debere: si vero ex corde egressa vasa maxima laedantur, brevi mors sequetur. Sanguis autem sic effusus, nisi per vulneris aperturam externam effluat, colligitur in thoracis cavo, & impedit liberam pulmonis dilatationem; unde summa anxietas, & respirationis impedimentum.

3. Cruor sic effusus haeret in loco calido, & humido, & per respirationem affuso moto; hinc facillima degeneratio in putridam corruptelam hic obinet; imprimis cum per vulnera, in cavum thoracis penetrantia, sere semper aer ingreditur; uti etiam, si pulmo in aereis suis vasis laesus fuerit, & aerem inspiratum in pectoris cavum dimiserit. Observata jam Chirurgica docent, parvo satis temporis spatio putrescere hic effusum sanguinem. In commentariis §. 172. n. 3., ubi agebatur de illis malis, quae vulneratis accidere observantur aliquando ex neglectu vel errore Chirurgi, enarratus fuit ille casus, quo militi thoracem vulnerato sic, ut sanguinem cum tussu per os rejiceret, imperitus Chirurgus vulneris labia sutura univerat ita, ut nihil exire posset. Sequenti die advocatur Paraeus, qui illico futuram rescidit, & digito immisso thrombum sanguinis coagulati, vulneris orificium obturantem, removit, & eduxit de pectoris cavo uncias octo sanguinis, jam corrupti, & foetentis. In nobili viro, thoracem vulnerato gladii ictu in cavum penetrante, post septem vel octo libras sanguinis perditas, dum circa finem primae diei post vulnus inflictum removeret apparatus *Belloste* [e], eduxit sex septemve uncias sanguinis jam semicorrupti. Dixerat Hippocrates (p). *Quod si sanguis ex vulnere, aut vena fluxerit in superiorem ventrem, necesse est illud pus fieri.* Sed demonstratum fuit in commentariis §. 172. n. 1., ubi ex Aphorismis similis locus allegatus fuit, quod hic suppurationis nomine intelligatur quaecumque sanguinis corruptela; uti & *Galenus* in explicatione illius Aphorismi monuerat.

4. Tam brevi temporis spatio nata corruptela effusi sanguinis augebitur omni momento: calor enim hic summus ob viscerum vitalium viciniam adest; hinc in putridissimum liquamen mutabitur cruor. Pulmo, in hoc gangraenoso corrupto liquore haerens, macerabitur, & putrescet; sic & pericardium, pleura &c. Praecedentii numero constitit, citissime cruorem effusum in pectoris cava corrumpi posse; sed & summum corruptelae gradum acquirere posse, docuerunt observata. Homini in dorso sic percussio, ut per pectoris cavum, transiens ensis in pectore sinistro mammam penetraret, cum pessima urgerent symptom.

(*) Le Chirurgien d'Hopital pag. 93. (p) De Morbis cap. 2. circa finem Charter. Tom. VII. pag. 533.

symptomata, applicata fuit paracentesis; & sexto die post inflictum vulnus notabilis satis copia effluxit puris, sed tam foetidi, ut nullus in cubiculo manere auderet, ubi decumbebat vulneratus (g). In alio vulnerato, dum, tertia die post inflictum vulnus, illud dilatasset Scultetus, ex cavo thoracis effluxit libra sanguinis, sed adeo calidi, ut profluens patientem magis ureret, quam candela accensa (r). Unde non mirum, viscerum, tam putrido tabo immerforum, substantiam consumi, & erodi posse, quod in ipsius cordis adeo firma substantia contigisse legitur apud Hildanum (s). Rusticus plaustris foeno onusti everionem, & ruinam corpore exceperat, & de doloris aliquo sensu, cordis quadam compressione, & spirandi difficultate conquestus fuit: post quadriduum tamen ad consuetos labores rediit. Aliquot diebus elapsis ardenti febre, asthma, delirio, vigiliis, lipothymia &c. correptus, undecima die morbi vitam finivit. In cadavere invenitur Pericardium plenum sanioso pure, cui velut immersum cor magna sui parte, ad utramque potissimum antriculam, partim exesum, partim emarcidum inveniebatur. Pulmo ejusdem labis pariceps apparuit.

5. Humores effusi poterunt comprimendo, vel & nata acrimonia putrida rodendo, turbare, vel & abolere omnes functiones illorum viscerum, quae hic locantur. Inde dyspnoeae pessimae, immanes cordis palpitatioes, anxietates intolerabiles, inflammationes, exulcerationes, gangraenae &c. harum partium nasci possunt. Sed & sanguis effusus, mora & calore putrescens, & attenuatus, venis bibulis, in superficie harum partium locatis, resorberi poterit, sanguini misceri, & putridam cacochymiam pessimam inducere: unde febres acutae putridae, & resorpti tabi putridi ad alia corporis loca mirae metastases, phthisis, atrophia, mors. Unde merito concluditur, innumeros morbos, illolique pessimos, ab extravasatis in pectoris cavis humoribus nasci posse.

6. Si statim post vulnus inflictum sanguis excreatur, designat pulmonem laesum esse; imprimis si spumescens exeat: unde in cavum pectoris ex pulmonis vasis laesis delabi poterit sanguis, nisi forte pulmo in loco vulneris pleurae fuerit accretus. Si aliquot diebus post vulnus inflictum cruenti quid expuitur, poterit hoc fieri, quia sanguis extravasatus, mora & calore attenuatus, pulmonis vasis resorptus fuerit. Quomodo hoc fiat, non dispero: certum tamen est, ipsum Empyema per sputa purulenta sanarum fuisse. In vera pleuritide sputa flava cum striis sanguineis pulmone excreta morbum toties sanaverunt, uti innumeris observatis practicis constat. Unde patet possibilitas, quod sanguis, effusus in cavum thoracis, sputa cruenta facere possit.

(g) Scolet. Armament. Chirurg. Observ. 41. pag. 277. [r] ibid. Observ. 50. pag. 262. (s) Observat. Chirurg. Centur. 2. Observ. 27. pag. 106.

§. 302. **E**ffusi hic cruoris signa. 1. orthopnoea. 2. decubitus in dorsum commodior, in latus laesum difficilis, in sanum impossibilis. 3. sequelae descriptae (301.). 4. pondus in Septo. 5. fluctuatio materiae. 6. natura, & situs, vulneris insitit. 7. debilitas ingens, cum pallore, sudore frigido. 8. omnium fere symptomatum incrementum perpetuum.

Postquam jam constitit, vulnus in thoracem penetrasse, alia quaestio magni momenti proponitur; an nempe, vas discissis, notabilis copia sanguinis effusi in cavo thoracis haereat? Neque semper adeo facile est, hoc determinare, cum multa signa, mox recensenda, fallere possint; hinc requiritur concursus plurium signorum, ut quid certi de hac re statui possit. Multum autem mali posse nasci, si in hac Diagnosti fallatur Medicus, vel Chirurgus, patet, quia sanguis effusus tolli debet vel per vulnus factum, vel per novam aperturam: si vero hoc tentatur, dum nihil sanguinis haeret in pectoris cavo, aer admittitur, semper hic nocens, vulnus irritatur &c. unde summa cautela ad omnia attendendum est, ne vulneratus inutilem molestiam patiatur, vel medentes famae periculum incurrani.

1. Orthopnoea vocatur anhelosia, difficilis, & stertens, cervice & thorace erectis tantum absolvenda, respiratio; quae semper designat, liberam pulmonis expansionem ab aere inspirato impeditam esse, a quacumque demum causa hoc fiat. Cum autem sanguis effusus in thoracis cava illud spatium occupet, quod dilatatus pulmo replere debebat, patet facile, difficilem respiracionem hinc fieri. Dum autem erecto corporis situ vulneratus haeret, sanguinis effusi pondere depressum diaphragma thoracis cavitatem auget, unde tunc poterit adhuc aliqua pulmonis expansio fieri; saltem major, quam in alio situ corporis. Signum autem hoc, si solum consideretur, fallere possit: aer enim cavum pectoris ingressus, impediens liberam pulmonis expansionem, orthopnoeam facere posset. Spasmodica pulmonis contractio in Asthmaticis simile malum efficit: unde, si vulneratus tali morbo obnoxius sit, non multum certi daret hoc signum.

2. Magnum pondus habet hoc signum. Diaphragma enim versus posteriora corporis profunde descendens capacitatem thoracis multum auget; unde sanguis effusus in cavum pectoris, dum homo decumbit, sponte inferiorem, & posteriorem thoracis locum occupat, & illa pars diaphragmatis facilius cedit deorsum: pars enim media tendinea diaphragmatis, cui pericardium lata basi accrescit, deorsum deprimi non facile poterit, uti dictum in commentariis §. 170. n. 4. Unde patet, in hoc situ sanguinem extravasatum omnium commodissime locari. Dum vero in latus laesum decumbit, difficilior quidem, sed ferenda tamen, est corporis positura: sed si in latus sanum decumbat vulneratus, sanguis effusus pondere suo premet mediastinum. & pericardium versus alterum pectoris cavum; unde mihi puer, & hujus capacitatis, & augebitur respiracionis difficultas: quam dum sentiunt sic decumbentes, statim vel inviti corporis situm mutant, ob suffocationis metum.

3. Sequelae illae imprimis a corruptela sanguinis extravasati pendent, & labo

labe visceribus impressa, quae putridus talis tabus alluit: unde his cognoscitur quidem sanguinis extravasati praesentia, sed saepe nimis sero.

4. Dum erecto corporis situs ponitur aeger, sanguis effusus toto suo pondere diaphragma premit deorsum: unde ponderis incumbentis sensus tunc percipitur, & dolor circa illa loca, quibus diaphragma nectitur. Saepe etiam a diaphragmate depresso in illo latere abdominis tumor apparet. Hinc aliquando in Emphyemate a copia puris aggesti depresso diaphragma, & sensim magis magisque distentum, sic abdomen protuberare facit, ac Alcitern mentiatum morbus.

5. Ubi suspicio aderat, in pectoris cavis pus accumulatum haerere, jubet Hippocrates (1) aegrum multa calida lotum in sella stabili collocari; & dum alter manus tenet, Medicus, agitato humero auscultet, quoniam in latere affectio strepitum edat. Eandem methodum adhibebat, ut detegeret latentem in pectoris cavis Hydropem (u), & determinaret locum, quo aperto accumulatum in pectore serum educi posset. Apparet autem facile, hoc signum, aliquando fallere posse, dum sanguis extravasatus in pectoris cavis colligitur, ille enim stagnando grumescit, & hinc difficilius ejus fluctuatio percipitur: praeterea si magna copia cruoris repletur pectus, ob plenitudinem nullus audietur, concussio thoracis, sonus: Unde prudenter hoc monuit Hippocrates (v) dicens: *Quibus suppuratis, dum concutuntur humeri, multus strepitus fit; minus puris habent, quam quibus, difficultus spirantibus & melius coloratis, exiguus. Quibus autem strepitus nullus fit, valida tamen spirandi difficultas adest; & ungues lividi, pleni sunt pure, & perniciose habent.*

6. Dum enim locum vulneris, & viam instrumenti vulnerantis per partes novimus, ex Anatomicis scitur, an magnae arteriae, vel venae laesae sint, an non. Sic trunci majores arteriarum intercostalium prope marginem inferiorem costarum decurrunt; Mammariae internae ad latus sterni utrumque, transversus digiti distantia ab hoc osse, pone costarum cartilagine ponuntur. Magna vena Azygos ad dextrum latus. vertebrarum dorli locatur &c.: Ex quibus omnibus bene cognitis majus minusve periculum vulneris determinatur.

7. Sunt homines tam pusillanimes aliquando, ut, dum alienum vulnus videtur, in animi deliquium cadant: talibus vulneratis etiam levissime omnia haec symptomata accident. Sed facile in tali casu ad se redeunt aqua frigida reperi, vel stimulante cardiaco exhibito, neque adeo diu durat debilitas inde orta. Ubi vero post vulnus in thoracis cavum penetrans ingens debilitas, contracta, & pallida facies, oculi pallidi languidi, sudor frigidus guttatim in cute collectus haerens, imprimis in facie & pectore, pulsus vix observabilis, deprehenduntur; tunc novimus, discissis vasis tantam copiam sanguinis effundi, ut vix ullus ad eor redeat, sed omnis fere extra corpus profundatur, vel in cavis pectoris collectus haereat. Unde tunc summum periculum imminere

(1) De Morbis Lib. II. cap. 16. Charter. Tom. VII. pag. 568. (u) ibid. cap. 24. pag. 576. & de internis affectionibus cap. 24. ibid. pag. 656. (v) In Coacis Prae. not. n. 412. Charter. Tom. VIII. pag. 877.

monendum est; saepe enim subito tunc moriuntur. Pulchre hoc monuit Hippocrates (w) dicens: *sanguinem profundentia cum sudatiunculis vulnera maligna. Tales enim loquentes occulte pereunt.* In Coacis Praenotionibus (x) idem pronunciatum habetur, praeterquam quod loco *ἐπιπύρρα* ibi legatur *ἐπιπύρρα*; sed & alibi rigores succedere largis haemorrhagiis monuit (y), & dixit, rigorem sanguinis fluxionem sistere: sed patet in hoc loco ex praecedentibus, quod de narium haemorrhagia ibi agat. Ubi autem in thoracis vulnere magna vasa, cordi adeo vicina, laesa fuerint, patet facile, rigorem quidem largam haemorrhagiam sequi posse, sed non ideo sanguinem sisti in hoc casu.

8. Vasa sanguinea maxima hic sunt, & cordi admodum vicina: hinc, illis laesis, perget sanguis effluere in thoracis cava: unde compressio pulmonum, anxietas, dyspnoea &c. augebuntur perpetuo, donec minutis viribus vulnerati, vel contracto vase discisso, cesset effluxus sanguinis. Multa etiam symptomata adesse possunt vulneratis in hoc casu a comitante terrore, ira &c. quae sensim minuuntur, illa autem mala, quae ab effuso sanguine sunt, pergent, quamdiu durat Haemorrhagia; & ideo symptomatum augmentum perpetuum recensetur merito inter illa signa, quibus cognoscitur, sanguinem in thoracis cava effundi. Ubi autem signa docent, vulnus in corporis cava majora penetrasse, & simul merito metuitur, ne vasa discissa pleno rivo sanguinem effundant interius, licet nulla haemorrhagia externe appareat, summa cautela opus est in Prognosi determinanda, ne fama Medici vel Chirurgi periclitetur, si nihil metuendum pronunciarerint, saepe enim tales vulnerati inopinato pereunt, & mors vulnerati eorum ignorantiae imputabitur ab his, qui illius, qui vulnus infixit, causam defendunt. Quanta autem cura attendendum sit ad omnia phaenomena, ut determinari rite possit, an cruor extravasatus in thorace haereat, an non; patet inde, quod & periclitissimi aliquando hic decepti fuerint. *Mery* [τ] ingenue fatetur, quod in juvene, cui ens vulnus infixitum fuerat parti anteriori, & superiori brachii dextri, jam tribus horis post vulnus infixitum tot viderit & tanta symptomata, ut non dubitaret, quin pectoris cavum cruore extravasato plenum foret, unde de paracentesi thoracis instituenda serio cogitabat. Postea tamen eventus docuit, nihil tale factum fuisse, cum ostidui spatio perfecte sanatus fuit vulneratus. Admodum autem verosimile videbatur, tendinem pectoralis musculi laesum te- cisse dolorem summum pectoris, respirationem difficillimam &c.

§. 303. **E**stque tum illico educendus. 1. situ, motu, nixuque corporis. 2. suctu per tubum flexilem, ad latera perforatum, obtusum ad finem. 3. injectu liquoris diluentis, resolventis, depurantis. 4. dilatatione vulneris. 5. alia apertura inter secundam & ter-

(vv) Prorrhet. Lib. I. num. 130. Charter. Tom. VIII. pag. 791. (x) n. 328. Charter. ibid. pag. 870. (y) Prorrhet. Lib. I. n. 152. Charter. ibid. pag. 799. (z) Académie des Sciences l'an 1713. Mémoires pag. 159.

tertiam costam veram inferiorem, ad distantiam quatuor digitorum a vertebra, & ab angulo inferiori omoplatae, facta instrumendo secante, sectione costis parallela, inter has media, deorsum directa acie.

Postquam constitit ex signis praecedenti paragrapho recensitis, sanguinem extravasatum in thoracis cavis haerere, indicatio curatoria quidem jubet, illum tollendum esse illico, ne compressione, vel corruptela noceat; tamen simul quam maxime notandum est, illam sanguinis effusi educationem fieri non debere, antequam constiterit, vasa laesa non amplius sanguinem fundere. Quid enim proderit educere cruorem, si motu corporis, suctu, iniectione &c. sic irritentur vasa laesa adhuc patula, ut pergant sanguinem fundere? Si jam pulsus sit fatis fortis, & aequabilis, calor ad extrema corporis usque addit, nullus singultus, nulli spasmus appareant, & virium simul addit constantia, novimus cessare internam Haemorrhagiam, & tuto teneri posse, illa artis molimina, quae requiruntur ad educationem sanguinis in cavis thoracis haerentis.

Dubitari praeterea posset, an semper arte educi debeat sanguis extravasatus, cum fidelissimis observatis constiterit, sanguinem, pus, aquam &c. ex thoracis cavis evanuisse sensim, resorpta in venas, & per sudores, urinas &c. deinde excreta. Talis casus recensetur ab *Hieronymo Fabricio ab Aquapendente* (a). Amicus ejus thorace vulnerabatur tam angusto vulnere, ut stylo non potuerint detegere Medici, quod in thoracis cavum penetraret; illud tamen patuit ex sputo sanguinis, ponderis sensu diaphragma prementis, tussis, febris, respiratione impedita &c. Cum autem nihil ex vulnere poterat educi, Medici statuerant, thoracis Paracentesin sequenti die instituendam. Interea accidit, ut aeger cyathum cruoris plenum mejeret, unde a dolore, febre, & omnibus symptomatibus levatus est. Alter casus similis habetur apud *Belliste* (b). Centurioni vulnus infistum fuerat in thoracis penetrans cavum cum laesione pulmonis, stipatum omnibus symptomatibus, quae similia vulnera solent comitari. Dum vena secabatur, loco sanguinis verum pus exivit, cum levamine omnium malorum. Casum hunc sibi a peritissimo Chirurgo narratum, & pluribus fide dignissimis testibus oculatis confirmatum fuisse, testatur auctor. Urinae copiosam excretionem, & sudorem profusum profuisse in similibus casibus, observatum fuit saepius (c). Plura talia observata occurrunt; sed haec sufficiunt, ut probetur, miris modis naturam, quae toties sibi soli sufficit, sanasse talia vulnera. Tamen rarius haec contingunt, & prudentiae medicae quidem est sedulo attendere, an signa quaedam doceant, naturam tale quid moliri: interim tamen, si soli naturae hoc opus relinquatur, certum est, plurimos perituros, corrupto extravasato cruore viscera vitalia tabefaciente, qui per artem, hoc cruore educito, servari potuissent. Illa autem educitio tentatur sequentibus modis.

1. Si,

(a) Opera Chirurg. part. 1. lib. II. cap. 22. pag. 214. (b) Chirurgien d'Hopital. pag. 265. (c) ibid. pag. 94-95.

1. Si sanguis adhuc fluidus in thoracis cavo haereat, vulnusque satis patulum non oblique decurrat per integumenta, sed directe penetret; si tunc vulneratus ponatur in tali situ, ut propria gravitate versus vulneris aperturam sanguis descendere possit, effluet sponte. Unde & peritissimi Chirurgi in tali casu per aliquot horas nihil imponunt omnino vulneris orificio, ut sanguis liberrime exire possit. Hominem ense sub mamma dextra thoracem perfoissum sic tractavit Dionisius (d). Cum enim inveniret pectoris cavum sanguine plenum, dilatato prius vulneris orificio, tota nocte plagae incumbere possit, & sequenti mane vacuum omni sanguine invenit thoracis cavum; & optime sanatus fuit vulneratus. Pedibus elevatis, capite declivi, hominem similiter vulneratum jussit poni Paraeus (e), sicque digitiis per orificium vulneris immisis, remota thrombo coagulati cruoris, eduxit sanguinem effusum, & ab imminente suffocatione liberavit vulneratum.

Multum juvatur haec sanguinis extravasatieductio per vulneris orificium, si abdomen fascia lata, vel manibus comprimatur, & inspiratum aerem diutissime retineat vulneratus; interimque causa glottide expirationis nixum faciat; sic enim dilatato quam maxime pulmone, & sursum presso diaphragmate, exprimitur per vulneris aperturam sanguis in thoracis cavum effusus.

2. Cum saepe incommodum admodum sit in multis thoracis vulneribus aegrum in tali situ retinere, ut propria gravitate extravasatus sanguis per vulneris aperturam exeat, ideo excogitaverunt aliam Methodum. Tubum nempe flexilem ex auro (f) ad latera multis foraminulis pertusum, stylo aureo ejus cavum obturante instructum (ut possit commode flecti sine angustatione sui cavi) caute per vulneris orificium dimittebant in thoracis cavum quam profundissime; deinde vel suctu, vel siphone applicato extrahebant effusum sanguinem. Obtusus apex talis tubi requirebatur, ne pulmonem laederet. Similis tubus ex plumbo, uti & ex corio flexili, & balaenae osse, parari posset in eisdem usus. Tali instrumento in angulum curvato, extracto deinde stylo obturante, sine ulla suctione adhibita magnam sanguinis extravasati copiam de thorace eduxit Sculterus (g).

3. Facile patet, binas praecedentes methodos tantum locum habere, ubi sanguis extravasatus adhuc fluidus est: si vero in grumos concreverit, non poterit facile exire per vulneris orificium, multo minus ingredi foramina tubi immisi. Verum quidem est, quod sanguis coagulatus sponte quidem dissolvatur posset, sed tunc simul putrescit, quod hic summo opere noceret: & saepe ob compressum pulmonem tanta urget anxietas, ut spontanea illa sanguinis concreti resolutio expectari non possit. In tali casu in thoracis cavum injiciunt aquam tepidam cum melle, & salis pauculo, addito sapone Veneto (de quibus dictum fuit in commentario §. 236.), deinde illud liquidum immisum respirationis motu agitur, & conteritur quasi cum grumis illis concretis, qui sic solvuntur, ut una cum injecto liquido per vulneris aperturam exire possint.

(d) *Operations de Chirurgie* pag. 295. 296. (e) *Livre X. chap. 12. pag. 371.*
(f) *Sculter. Armament. Chirurg. Tab. XII. fig. 9. & 10.* (g) *ibid. Obiciv.*
49. *Pag. 248.*

possint. Pro varia jam indicatione liquidum illud injiciendum diversis ingredientibus medicatum redditur. Dilutioni, & resolutioni concreti sanguinis sufficit aqua tepida, cum melle, & pauxillo salis; ubi vero jam putrescere incepit cruor extravasatus, infusum Scordii, Rutae, Marrubii, & similium an-tilepticorum, & leviter detergentium, cum pauxillo aceti, convenit.

4. De hac dictum fuit §. 238.

5. Ubi vulneris talis est conditio, ut non possint educi per illud collecta in thoracis cavo liquida, tunc nihil aliud superest, quam novum vulnus facere salu in loco thoracis, versus quem sponte sua ob thoracis interni figuram liquida haec delabuntur. Hoc imprimis requiritur, ubi superiori thoracis parti vulnus inflitum fuit, tunc enim vix possibile est, ut effusus sanguis per vulneris aperturam exeat. Cum autem thoracis cavum a posterioribus ob inclinatum diaphragmatis posituram profundius descendat, hinc in posteriori parte thorax perforatur, loco tam demisso, ac fieri potest sine periculo laesionis diaphragmatis, quod inferioribus costis adnascitur, & a posteriori parte thoracis versus anteriora adscendens angulum satis acutum cum vertebrarum corporibus format. Ne autem laedantur validi illi muscoli, Sacrolumbalis, Longissimus dorsi &c., qui ad utrumque spinæ dorsi lateris positi per lumbos, & dorsum adscendunt; apertura illa thoracis quatuor transversis digitis a vertebra distare debet ad minimum. Plerumque solet haec apertura fieri inter secundam & tertiam, vel inter tertiam, & quartam costam spuriam, ab inferioribus sursum numerando. Cum autem diaphragma in dextra parte altius adscendat in thoracem ex Anatomicis constat (b), ideo in dextro latere thoracis dum instituitur Paracentesis, solet illud fieri inter tertiam, & quartam costam, in sinistro vero latere, inter secundam, & tertiam costam spuriam fieri posset, uti monuit *van Solingen* (i). Forte ob hanc causam Hippocrates inquirens, cuiusnam pectoris lateri sectio adhibenda esset in Empyemate, optabat, pus haerere in latere sinistro (κ). *Dionysius* etiam inter tertiam, & quartam costam hoc fieri iussit (l). Unde videtur in textu hujus paragraphi error subrepsisse, dum locus incidendus inter secundam, & tertiam costam veram indicatur, cum & mox sequentiis locum longe inferiorem indicent, & §. 1191. 7., ubi de thoracis perforatione in cura Empyematis agitur, indicetur locus inter costam quintam & sextam, vel quartam & quintam ab inferioribus numerando; quem locum *Aegineta* (m) etiam in cura Empyematis indicat a quibusdam dissectari, licet ab hac operatione, vel subitaneam mortem, vel insanabiles fistulas praeclagiat. Unde crederem in textu legendum esse, INTER SECUNDAM ET TERTIAM COSTAM SPURIAM INFERIOREM: nisi forte hic intelligereur perforatio thoracis in anteriori parte facienda, quae certe optime inter secundam & tertiam costam veram, ab inferioribus numerando, tunc in-

(b) B. Siegf. Albini *Hist. Musculorum hominis Lib. III. cap. 81. pag. 300.* [i] *Manuale Operatum &c. (verede) Dec. cap. 1. pag. 118* (k) *Hypocr. de Morbis lib. II. cap. 16. Charac. Tom. VII. pag. 568* (l) *Dionis Cours d'Operations de Chirurgie Demonstret. §. pag. 296.* (m) *Paul. Aeginet. lib. VI. cap. 44.*

institueretur, uti & habet Dionisius [w], qui unicuique tantum Paracentesis in hoc loco institutae commodum memorat, quod nempe vulneratus, absente Chirurgo, proprium vulnus curare posset. Sed major thoracis in posteriori parte profunditas, & declivis sponte via sanguinis effusi versus aperturam factam, dum decumbit homo, facile persuadent, perforationem thoracis in parte posteriori, & inferiori praefendam esse. Hippocrates (o) de Empyematis curatione agens, non quidem exacte definit locum incidendum, tamen determinat, hoc infimo loco, & a parte posteriori faciendum esse. Dicit enim: *At si prae crassitudine & copia (paris) nullum strepitum ediderit, quo illud deprehendatur [sit enim hoc aliquando] utrumlibet latus intumuerit, ac negis doluerit, illud infima parte secare [oportet] a posteriori magis tumoris parte, quam ab anteriori, ut facilis tibi sit puris effluxus. Secare vero inter costas &c.* Ex alibi (p) de eodem morbo agens dicit: *secare aut urere oportet quam proxime ad septum transversum, cavendo tamen ipsum septum, ne laedatur nempe.*

In pectoris hydrope, dum aqua educenda erat, jubet Hippocrates (q) tertiam ab ultima costam ad os ulque secari, dein terebra acuta perforari, & dum perforata fuit, aquae pauculum educi jubet &c. Ex quo loco satis patet, infimum thoracis locum elegisse Hippocratem, ut illo perforato contenta liquida educerentur.

Locus ille sic determinatus facile invenitur, nudato corpore aegri, costas numerando: in obelis autem, uti etiam si Emphysema adfuerit, difficilior hoc cognoscitur. Unde alia methodo conati fuerunt Chirurgi locum incidendum determinare. Quidam filum a cartilagine ensiformi recta ad spinam dorsii ducebant, deinde illud filum dividebant in tres partes aequales, & tunc locum determinabant in tali distantia a sterno, quae binas tertias longitudinis sili haberet [r]. Dionisius (s) mensurabat quatuor digitorum transversorum distantiam ab infimo angulo omoplae, & ad similem distantiam a spina dorsii notabat locum incidendum. Cum autem scapula mobilis sit, & locum mutare possit varia actione musculorum ipsi affixorum, patet, non adeo certam semper esse hanc methodum. Unde praestat, loco sic invento, digitis percutere, an quidem costarum interstitio respondeat.

Solet tunc locus incidendus, jam cognitus, atramento notari, ne postea lateat. Sed, cum mobiles costae sint, patet facile, mutata corporis positione cutis situm etiam mutari. Unde merito monuit Hippocrates (t): *Quum vero secare aut urere voles, nota impressa, fac ut eandem figuram servent inter secandum aut urendum, ne fallas cutis figurae mutatione sursum, vel deorsum vergens.* Apertura tunc fieri debet instrumento secante; non autem pungente, uti fit in paracentesi abdominis, quae stylo chalybeo cannulae argenteae cavae immisso perficitur; quia magnum periculum foret, ne pulmo vulneraretur sic pun-

(w) Cours d'Operations de Chirurgie &c. pag. 196. (x) De Morbis Lib. II. cap. 16. Charier. Tom. VII. pag. 568. (y) ibid. Lib. III. cap. penultimo pag. 593. (z) De internis affectionibus. cap. 24. Charier. Tom. VII. pag. 656. (r) Van Swingen Manuale Operarum in velle de cap. 1. pag. 118. (s) Cours d'Operations de Chirurgie demonstrat. §. pag. 296. (t) De Morbis Lib. III. cap. penult. Charier. Tom. 7. pag. 593.

pungendo. Ut autem instrumentum secans penetret in cavum thoracis, debent diffecari cutis, panniculus adiposus, latissimus dorsi, intercostales musculi, & pleura; quod ut tuto fiat, parum reclinato versus posteriora corpore aegri, ut cutis laxa sit, digitis elevat Chirurgus omnia integumenta communia, & simul, si fieri possit, latissimum dorsi; & illa sic elevata simul & semel satis lata plaga diffecat ad trium quatuorve digitorum transversorum longitudinem. Hoc facto, antrorsum, & simul parum in oppositum latus sectatur corpus aegri, ut costae a se mutuo plus recedant, & tendantur musculi intercostales; tunc scalpello leniter incurva, cujus dorso in tota longitudine applicatur digitus index, & simul apex scalpelli digiti extremo tegitur, tenso musculos intercostales & pleuram diffecat, caute in cavum penetrando parvo vulnere, ne pulmonem laedat: simul ac diffecta pleura est, statim pulmo collabitur & a costis recedit; unde tunc tuto vulnus dilatari potest. Sectio autem fit costis parallela, & medio inter binas costas loco, acie scalpelli deorsum directa, ut vitentur vasa intercostalia, quae costae superioris imae parti, in sulcum cavatae, adjacent.

His cautelis tutissime perficitur haec operatio. Quaedam praeterea monita circa hanc rem apud auctores occurrunt, quae minoris momenti videntur. Sic *Hiernonymus Fabricius ab Aquapendente* (u) voluit, illo temporis momento, dum pleura pertunditur, debere expirare aegrum, ut nempe pulmo a pleura recedens hoc tempore scalpello non laedatur. Sed ex Physiologicis hodie novimus, & in inspiratione, & in expiratione pulmonem semper pleurae contiguum esse, illumque pectoris dilatationem sequi. Monuerat Hippocrates (v) quod, si Empyici, vel hydropici, uruntur aut secantur, & pus, vel aqua confertim emittatur, moriantur omnino: hinc & voluerunt quidam, non simul & semel omnem extravasatum sanguinem educendum esse, sed partitis vicibus. Sed in Empyemate, vel hydrope pectoris, pulmo diu maceratus fuit pure vel sero extravasato undique alluente, unde tota hac colluvie simul & semel educta, sanguis subito dilatans fere tabefacta pulmonis vasa, illa rumpere posset; unde subita mors. In vulneribus autem thoracis dum haec operatio instituitur, raro tam diu solet differri, ut hoc metuendum sit: & plurimis observatis Chirurgicis constitit, tuto omnem sanguinem extravasatum sic subito eductum fuisse. Multum faciliat hanc operationem, quod extravasati humores pulmonem comprimendo, & diaphragma suo pondere deprimendo, faciant, ut, pleura pertusa, non adeo facilis fiat laesio harum partium.

Dictum fuit §. 297. pulmonem aliquando pleurae adhaesi: si jam mala fortuna acciderit, illo in loco, ubi paracentesis facta fuit, pulmonem pleurae accrevisse, patet facile, magnam inde oriri difficultatem. Plerique Chirurgici auctores, qui de hac re scripserunt, sibi hoc accidisse testantur; & tunc jubent, ut Chirurgus digito per vulnus immisso prudenter separet pulmonem a pleura, cui cohaesit. Certe nihil aliud superest, quam hoc tentare, licet cru-

cru-

(u) Operat. Chirurg. cap. 45. pag. 490. 491. [v] Aphor. 27. Sect. VI. Charter. Tom. IX. pag. 261.

crudelle videtur in vivente homine partes concretas sic lacerare; nisi enim hoc fiat, frustra instituta sunt Paracentesis. Mirus habetur apud Hippocratem (vv) locus, qui huc facere videtur. Describit enim illa mala, quae oriuntur, quando pulmo in latus procidit [*ὁ πνεύμων ὑποκείται ἐν τῇ πλευρῇ*] quae, satis conveniunt cum illis phaenomenis, quae post morbos acutos inflammatorios pectoris, pulmone pleurae accreto, apparent: & medela, quam ad hunc morbum sanandum commendat, satis etiam respondet. Postea autem addit: si vero ex vulnere illud fiat, aut Empyio secto [*sic enim*] hinc vestem fistulae alligans, flatu implere, & intus immittere, & penicillum stannum solidum imponere, & ulterius repellere oportet. Ex quo loco sorte concludi posset, quod Hippocrates, ut pulmonem a pleura divelleret, vesicam complicatam per vulnus immiserit, dein inflaverit, ut illa flatu distenta in cavo pectoris avellet pulmonem a pleura, cui concreverat. Saltem hoc videtur inde deduci posse, quod tentata fuerit jam antiquitus haec separatio, pulmonis concreti cum pleura membrana. Ob metum huius concretionis voluerant nonnulli, integumentis discissis musculis intercostales prudentissime dissecandos esse sine laesione pleurae, & tunc pleurae locum nudatum examinandum esse sedulo, an ex erassitie ejus insolita, & callositate metuendum sit, pulmonem huic loco accrevisse; in quo casu magis conduceret, sectionem parum producere, donec liber ab hac cohaesione locus inveniatur. Sed facilis sic demonstratur in cadavere talis operatio, quam in vivente homine instituitur, in quo tandem talem sectionem per strata quasi facere crudele admodum videtur. Mirabiles vero tales concretiones pulmonis cum pleura aliquando observantur. Quasi irritam omnino facerent hanc operationem: Vidi sic in cadavere nobilis juvenis, post haemoptysin subita apoplexia extincti, pulmonis dextri medium lobum undique pleurae ita accretum, ut thoracis dextra cavitas in bina cava distinctissima divideretur. Si tali in casu vulnus superiori parti pectoris dextri inflictum fuisset, facile patet, paracentesim nullo modo profuturam, si solito loco institueretur. Rari autem hi casus sunt; & error inde natus non artificii, sed arti adscribendus foret, cum nullis indiciis latens tale malum cognosci posset.

Perforato sic thorace, omnia illa, quae praecedentibus numeris huius paragraphi memorata fuerunt, adhiberi poterunt, ut sanguis extravasatus educatur. Si autem liquida, concretum sanguinem dissolventia, immitti debent, satis commode per vulnus prius inflictum injiciuntur, quia altiore locum thoracis occupat, & deinde facile per novam aperturam factam exire poterunt.

§. 304. **S**i nullis distenduntur turundis, raro deteguntur, aer arcetur, fustu artificioso, & nixu respirationis debito expellitur aer admissus, frigus caute vitatur, brevi & optime sanantur, si curabilia sunt.

Expositae fuerunt §. 299. illae rationes, ob quas turundarum usus in vulneribus

neribus thoracis non penetrantibus damnabatur; nec videntur minus obesse in vulneribus thoracem penetrantibus. Ubi autem conducere videtur, non simul & semel, sed partitis vicibus educere contenta cavis pectoris liquida, quod rarius fit in pectoris vulneribus, sed aliquando, pure vel aqua in thorace collectis, juxta monitum Hippocratis observatur, tunc turunda vulnerei facti immittitur, ut pro lubitu evacuari possit stagnans in pectore liquidum. Etiam post institutam Paracentesim, prima die turundam applicari debere, ne recenti vulnere divisa pleura concreseat, monuit Bellosse (x), qui in aliis casibus ubique fere turundarum usum tanquam perniciosum damnavit. Postea autem semper nocere videntur, dum tumentes absorptis humoribus dilatantur, & a motu thoracis affricantur lateribus vulneris, quae inde callosa facta difficilem curam faciunt. Aeris accessum ad interiora thoracis sic prohibere voluerunt; sed remota in singulis deligationibus turunda, per patulum foramen aer liberrime ingreditur, ejusque exitu dein nova turunda intrusa impedit, calore dilatatus miras saepe vias sibi facit, & pessima Emphysemata producere poterit. Praestat ergo potius plano plumaceolo vulnus tegere, & liberam viam relinquere humoribus per vulnus factum elapsuris; & si vulnera satis patula fuerint, sollicito cavendo, ne plumaceola imposita in cavum pectoris delabantur, quod turundis immixtis aliquoties accidisse testantur auctores. Nobili Dano vulnerato, & negligencius a Chirurgo habito, turunda in thoracis vacuum delapsa fuit; & post sextum mensem ore excreta, & postea tamen integra sanitate fruebatur (y). Homini dextrum pectus prope axillam, gladio, inter secundam & tertiam costam veram, perfoctum fuerat; ex quo vulnere per quindecim dies sanguis fluxit, & simul sanguinem tussiendo excreabat. Post varia, illaque satis gravia symptomata vulnus tandem cicatrice obductum fuit. Mansit tamen respirationis difficultas, tussis continua, & puris foetidi & viridis excreatio. Tribus mensibus elapsis a curato vulnere, tussiendo una cum multo pure ejecit binas turundas, diverso tempore in vulnere curatione sub Emplastro deperditas (z).

Alterum, quod hic requiritur, est, ut aer arceatur, ne per vulnus in cavum pectoris ingreditur; vel, si ingressus fuerit, inde educatur. Quamdiu nondum extravasata liquida educta sunt ex pectoris cavis, impossibile est aerem arcere, cum liber exitus requiratur humoribus effusis; sed ubi nihil amplius de vulnere exit, tunc aer, in thorace haerens inter pleuram, & pulmonem, educendus est, & omni cura cavendum, ne postea iterum ingrediar. Constat enim ex Physiologicis, requiri ad liberam pulmonis ab inspiratione aere expansionem, ut nullus aer in pectoris cavo haereat. Hoc autem fieri potest, vel sugendo, vel omnium optime sequenti methodo. Detrecti vulneris labia digitis adducuntur, ut nullus aer ingredi possit, deinde aeger lenta, & profunda inspiratione magnam copiam aeris hauriat, illumque retineat in pulmone, quamdiu hoc commodum facere poterit: aer ille sic retentus, calore rarefactus expandet pulmonem, & comprimetur aer inter pleuram, & pul-

(x) Chirurgien d'Hopital. part. 3. Chapit. 6. pag. 218. (y) Tulp. Observ. Medic. Lib. II. cap. 15. pag. 123. 124. (z) Hildan. Observ. Chirurg. Cent. 1. Obser. 46. pag. 41.

pulmonem haerens. Si tunc, antequam expiret aeger, diducantur vulneris labia, pars magna aeris, contenti in cavo thoracis, exprimeretur: statim iterum claudenda vulneris labia, & tunc expiret aeger, non prius. Dum hoc repetitur aliquoties, omnis omnino aer ex pectoris cavo expelletur, & sentiet vulneratus statim, se longe commodius respirare. Omni aere sic expulso, subito vulnere applicatur tenax Emplastrum illo tempore, dum aeger inspiratum aerem in pulmone retinet, tunc enim pulmo distensus, pleurae contiguus, obturabit viam aeri per vulnus ingressuro. Relinquitur autem hoc Emplastrum diutissime; & si renovari debeat apparatus, aliud simile Emplastrum iterum imponitur iisdem cum cautelis: & si ullibi, certe in talibus thoracis vulneribus rara deligatio summam utilitatem adfert. Methodi hujus efficaciam probant etiam illa experimenta in vivis animalibus capta, quae §. 170. n. 4. enarrata fuerunt. Dum enim, perfoſſo utrimque thorace pistulo vulneri, cessaret omnino respiratio, & animal mortuum videretur: simili arte educto aere illapſo ex pectoris cavis, reviviscebatur animal, & vox perditā redibat statim.

Cum autem omnes partes thorace contentae, caloris fonti, cordi nempe, proximae, blando tempore soveantur semper, summopere cavendum est, ne detecto vulnere insolitum frigus sentiant; unde aer semper calidus hic requiritur, imprimis, quando renovabitur apparatus.

Hac Methodo vulnera thoracem penetrantia, licet periculosissima fuerint, & saevius symptomatibus stipata, aliquando sanantur, neque facile desperandum esse, mira observata docuerunt, & §. 170. plura talia exempla ex fidelissimis auctoribus enarrata fuerunt. Magnum quidem malum semper ab his vulneribus metuendum esse nullus dubitat, cum vitalia viscera, cor nempe & pulmones, & maxima totius corporis vasa sanguinea hic locentur: sed tamen non semper absolute lethalia sint ipsius etiam cordis vulnera, (de quo dixerat Plinius (a) *quod solum hoc viscerum vitium non maceratur, nec supplicia vitae trahit, laesumque mortem illico affert*), patet, etiam in gravissimis vulneribus saepe spem aliquam superesse; cum etiam, maximis valis laesis, per mortuis derelicti homines aliquando emerſerint, dum nulla illorum cura gereretur, nullisque refocillarentur cardiacis. Non autem solum constat, gravissima talia vulnera sanata fuisse, sed etiam brevi admodum tempore. Centurioni gladio pectus dextrum perfoſſum fuerat prope axillam, & satis subito septem vel octo libras sanguinis perdiderat; nec cessabat Haemorrhagia, licet idoneo apparatu vulnus religatum esset. Pulsus debilis, inaequalis, frequentia animi deliquia, febris &c. acerbam prognosin faciebant. Postridie, nondum cessante haemorrhagia, cogeatur vulneratus locum mutare, unde omnes illum in itinere expiraturum credebant. Tamen dum tertia die solo Emplastro tegebatur vulnus, copiosa urinae evacuatione, & sputis sanguineis eductis, & profuso sudore sequenti nocte adeo levabatur, ut omnia symptomata evanescerent, vulnusque solo Emplastro, incarnativo dicto, curaretur brevi, & quinta die post vulnus infectum equo satis commode veheretur, neque amplius de-

(a) C. Plinii Secundi Natur. Hist. Lib. XI. cap. 37.

decumberet de die (6). Apud eundem Auctorem plura talia exempla habentur, quae docent, gravissima thoracis vulnera, pessimisque stipata symptomatibus, sine turundis, & rara deligatione felicissime, & fatis brevi tempore curata fuisse.

§. 305. **T**umque praecaventur omnia illa, & saeva symptomata (301.).

Pessimae sequelae, quae post vulnera thoracis apparent, fere tantum oriuntur ab aere admissio in pectoris cavis, vel ab extravasatis liquidis pectoris cava angustantibus, aut illorum corruptela, qua nocent visceribus contentis. Dum vulnera haec non obturantur turundis, effusus sanguis libere effluit, rara deligatio, & cautelae modo expositae aeris ingressum impediunt, idemque jam admissus methodo dicta educi poterit. Unde felix successus semper curae sequitur, nisi tales partes lesae fuerint, sine quarum integritate vita consistere nequit: simulque patet, historiam, & curam, vulnere thoracis magnam lucem affundere multis morbis pectoris, & viscerum contentorum; uti postea in Empyemate, pectoris Hydrope &c. patebit.

(6) Belloste Chirurgien d'Hôpital part. 2. chap. 8. pag. 92.



VULNERA ABDOMINIS.

§. 306. **A** Bdominis vulnera non penetrantia in cavitatem noscuntur. 1. stylo, & situ. 2. injectu. 3. caula vulnerante cognita, & natura vulneris.

Truncus corporis in duas magnas cavitates dividitur, quarum superior, & minor thorax, inferior, & major abdomen vocatur. Abdominis autem cavum a thorace per diaphragma dividitur. Omne ergo, quod in trunco corporis diaphragmati subjacet, ad abdomen pertinet, live partes continentes fuerint, live contentae. Omnis thoracis ambitus costis tegebatur; sed abdominis maxima pars mollibus integumentis tantum defenditur. Si enim exceperis superiorem lateralem utrimque partem abdominis, quae costis spuriis circumvallatur, pone quas magnum hepar, & lien, adeo friabilia viscera, tuto reconduntur; & vertebrarum columnam, posteriora abdominis pro parte occupantem; denique inferiorem, & lateralem partem, quae ossibus innominatis utrimque defenditur; reliqua omnia abdominis mollia sunt. Uti jam thoracis cavitas pleura dicta membrana undique cingebatur, sic & totum abdominis cavum undique simili membrana obducitur, quae Peritonaeum vocatur. Atque inde iterum generalis divisio vulnerum abdominis sumitur: omnia enim vulnera, quae partes abdominis continentes laedunt, integro manente peritonaeo, vocantur non penetrantia; ubi vero peritonaeum perforatum simul est, tunc in cavum abdominis penetrare dicuntur. An autem penetraverint vulnera, cognoscitur sequentibus signis.

1. De hac re dictum fuit in commentariis §. 300. n. 2. sed in abdomine adhuc major adest difficultas, inprimis in obesis ob magnam pinguedinis molem, quae in his abdomen tegit. Unde & peritissimi Chirurgi styli exploratione nihil cerii hic detegi posse dixerunt: mutatus enim partium situs, tumor labiorum vulneris, sanguinis thrombi vulnus obturantes, pinguedo in vulnus pressa, viam stylo, per vulneris aperturam immisso, impediunt. Accedit, quod vulnerati saepius ignorent, vel male indicent posituram corporis, quam habuerunt, dum vulnus infligebatur.

2. Dum aqua tepida syphoniae vulneris aperturae injicitur: de qua re dictum fuit in commentariis §. 300. n. 4.

3. Si enim ex figura instrumenti vulnerantis, comparata cum amplitudine vulneris, constiterit satis profunde illud adactum fuisse, & recta penetrasse: possumus concludere, illud in cavum abdominis ivisse; & contra, si ex iidem signis pateat, non satis profunde adactum fuisse, vel obliqua via. Sed patet facile, in illis, quibus pinguis aqualiculus propenso selquipedo existat, instrumentum vulnerans profunde posse adigi sine perforatione tamen peritonaei.

§. 307. **S**I profunde fere usque ad peritonaeum penetraverint, debilitatis ibi tegumentis, herniae occasionem praebent in corpore robusto; Pejus nihil, quam, si oblique decurrentia inter integumenta abdominis fistulosa vulnera effecerint.

Quantum possit extendi peritonaeum in gravidis, & ascite laborantibus, satis patet. Unde vulnera abdominis non penetrantia aliquid singulare habent; quod neglectum saepe pessima produxit mala. In singulis enim inspirationibus depresso diaphragmate contenta abdominis omnia comprimuntur, musculi abdominales in expiratione iterum reprimunt; unde patet, contenta abdominis continuo a diaphragmate, & musculis abdominalibus premi. Si ergo, discissis profundo vulnere integumentis abdominis fere ad peritonaeum usque, tollatur aequabilis pressio in quodam loco, per vim respirationis expandetur adeo facile dilatabile peritonaeum, & saccum formatum, quem intestina, omentum &c. ingredientur; & sic facient herniam: quae nil aliud est, nisi dilatatio peritonaei in quodam loco; quem locum dilatatum contenta abdomine viscera ingrediuntur. Rarissime enim, si unquam, a rupto peritoneo herniae fiunt; fere semper ab eodem in saccum expanso; licet in alia opinione videatur fuisse Celsus (c): & observata certissima docuerunt, in omni abdominalis ambitu hernias posse nasci, modo aequabilis pressio deficiat in quodam loco. In cadavere mulieris inventa, fuit hernia ad latus sinistrum lineae albae, quatuor digitis transversis supra umbilicum, omenti, & intestini coli portionem continens. Ortum duxerat haec hernia a valida percussione abdominis in hoc loco (d). Mirabilem casum habet Sennertus (e), qui docet, debilitato abdominis quodam loco, immanes tumores herniosos posse nasci. Viatoris uxor, cum maritum impetiga incurvanda juvaret, ab illa resiliente percussa fuit ad sinistrum inguen. Paulo post in hoc loco parvus tumor oritur, sed brevi tempore admodum increvens; & postea evidenter apparuit, miserae huic foeminae gravidae, uterum tumentem dilatata abdominis integumenta in saccum ingentem ingressum fuisse; poteratque & visu, & tactu in hoc loco vivi infantis motus percipi: & cum nihil aliud superesse videretur, partus tempore instanti, dissecto utero eductus fuit vivus infans; tuncque praeciens Sennertus vidit, dissectis communibus integumentis peritonaeum ingressum fuisse, non disruptum, sed ab uteri mole insigniter dilatatum. Post sanatum abdominis vulnus, in plagae loco insignis hernia nascebatur in homine, qui hanc negligentius tractans post sex annos gangraena hic orta periit (f). Quo jam robustior fuerit homo sic vulneratus, eo majus herniae futurae periculum, quia tanto fortior pressio in reliquo abdomen agit, unde facilius, & citius dilatabitur debiliior locus. Accedit, quod robusti corpus validis exercitiis movere solent, unde majore respirationis nixu magis dilatabitur pars minus resistens.

K K z

PEJUS

[c] Lib. VII. cap. 4. pag. 413. & ibid. cap. 17. pag. 454. (d) Acad. des Sciences l'an 1714. Mem. pag. 259. (e) Lib. IV. part. 2. l. c. 2. Tom. III. pag. 39. (f) Tulp. Observat. Medicar. lib. III. cap. 20. pag. 211.

PEJUS NIHIL &c. Notum est, semper magnam pinguedinis copiam abdomen occupare, nisi macilentissimus homo fuerit, haec autem pinguedo non tantum musculus abdominalibus imponitur, sed & inter illos ubique locatur; si ergo vulnus inter abdominis integumenta obliquo ductu decurrat, humores extravasati, vel pus hic collectum, si non possint ob quamcumque causam libere exire per vulneris aperturam, miro saepe modo viam faciunt in paniculo adiposo, & inter musculorum interstitia profundos cuniculos agunt; tuncque ingens fit curae difficultas: imo saepe omnino impossibile est fistulosa talia ulcera, ex vulneribus abdominis nata, curare, cum ad hoc requiratur, ut vel pressione artificiosa fundus talis fistulae comprimatur, libera manente apertura; vel sectione detegantur omnes ejus anfractus. Utrumque autem in his casibus saepe fieri non posse, patet facile consideranti membranae adiposae magnam crassitiem in abdomine, ejusque insertionem inter musculorum abdominalium interstitia. Celsus (g) monuerat, pessimas hic fistulas nasci, dicens: *Ventri nullum os subest; sed ibi perniciosae admodum fistulae sunt: adeo ut Sofstratus insanabiles esse credidit. Id non ex toto ita se habere usus ostendit.*

Imprimis autem abdominis fistulas periculosas credit, quia, dum exciduntur, herniae occasionem praebent; & ideo dixit (b): *Tumor fistula est contra secur, & lienem, & ventriculum, quam contra intestina; non quo perniciosior ibi res sit, sed quo alteri periculo locum faciat.* Fistulam in inguine puellae incurabilem soluit Tulpus (i), quae longa, & anfractuosa via a costa spuria cariosa ortum duxerat. Plures tales calus observantur, de quibus in Capitulo de *Fistulis* latius dicitur: unum, alterumve exemplum hic adduxisse sufficiet. Capitaneo ense vulnus infligebatur ad distantiam duorum digitorum transversorum ab umbilico, versus superiora, & posteriora vergens: cumque non penetraret in cavum abdominis, plumaceolo plano, & simplici emplastro tectum fuit vulnus, & sequenti die clausum erat. Post sex dies abdomen miro modo tumebat, & dolebat; sed post venae sectionem, & mollissima fomenta abdomini applicata, leniebatur dolor, & sequenti die in loco vulneris tumor parvus eminens apparuit, quo aperto, incredibilis copia puris effluxit, & oclidui spatio perfecte convaluit (k). In alio vulnerato gladius ad binorum digitorum distantiam a linea alba in epigastrio intraverat: cumque planus esset, & facile plicabilis sine ruptura, secundum ductum costarum ad vertebrae dorsi usque penetraverat, unde fistulosum ulcus nascebatur, cujus fundo aperto felix curatio sequebatur (l).

§. 308. **Q**Uare futura, ligaturaque his prospiciendum: in caeteris curatio communis vulnere sufficit.

Ille, quae dicta sunt de generali cura vulnere, hic conveniunt; & sufficerent, nisi herniae, vel fistulae metus foret. Angusta, & profunda simul integumentorum vulnera facile in fistulas degenerant; unde idoneo situ vulnerati,

(g) Lib. VII. cap. 4. pag. 413. (b) Ibidem. (i) Observ. Medic. lib. III. cap. 28. pag. 230. 231. (k) Traité complet de Chirurgie par Mr. de la Motte. Tom. III. pag. 57. (l) Ibid. 102—113.

aerati, & artificiosa pressione impediri debet, ne humores collecti in panniculo adiposo sinus forment. Latiora autem integumentorum vulnera summum periculum herniae faciunt, unde convenit illa lutura unire (vide §. 214.), & fasciis, splenisque ex arte applicatis debilem hunc locum sic firmare, ut contenta abdominis huc pressa non possint dilatare peritonaeum. Cum autem omnis nixus validus respirationis hic adeo noceat, sollicitè vitanda sunt illa omnia, quae faciunt, ut homo fortius respiret: imprimis cavendum, ne inspiratum aërem clausa larynge diu retineat, uti fit v. g. in alvo exoneranda, maxime si duras faeces magno molimine excerni debeat. Unde leni clysmate eluenda alvus: dein victus talis debet institui, unde minima copia crassiorum faecum in intestinis colligitur: v. g. ex jure carniurn, quo solo vita sustineri potest; & tamen per integrum mensem sine damno stricta poterit esse alvus, cum vix ullas faeces inde in intestinis accumulentur. Ob eandem causam urina diutius retinenda, ut sponte fere, & minimo nixu exeat. Tussis, si forte adsit, compellenda diacodiatis: clamor, risus, sternutatio &c. vitanda, quantum fieri potest: quies summa debet imperari ob eandem rationem.

§. 309. **A**T eadem in cavitatem Abdominis ire liquet. 1. Stylo, & situ. 2. Injectu. 3. Causa vulnerante cognita, & natura vulneris. 4. egressu contentorum.

De signis illis, quae tribus prioribus numeris recensentur, actum fuit §. 306., & 300. n. 1. 2. 4.

4. Si per vulnus factum exeant illa, quae abdominis cavo contineri novimus, nullum potest manere dubium, quin vulnus in cavum abdominis penetraverit. Imprimis autem perosso abdomine, intestina, vel omentum excidunt. Intestina elapsa facile cognoscuntur, sed in obesis pinguedo, dissectae cutis pressione liberata, per vulneris aperturam extuberat, & pingue omentum refert; unde in vulneris diagnosi nasci posset error. Simul etiam vulnus, in cavum abdominis penetrans, pinguedine huc pressa, sic posset obturari, ut nec stylo, nec injectione aquae tepidae hoc detegeretur. Si jam contenti visis, & visceribus abdominalibus humores exeant, ut sanguis, urina, bilis &c., de quibus dicitur §. 312.; evidens habetur signum, vulnus in cavum abdominis penetrasse non tantum, sed etiam abdominis contenta laesisse.

§. 310. **S**I tum omnia Symptomata levia, dolor, febris, inflammatio absunt, posito in vulnus aegro cruor non exit, injectus liquor immutatus redit, interiora illaesa scimus.

Postquam jam ex signis constat, vulnus penetrasse in cavum abdominis, tunc inquirendum est, an contenta abdominis cavo viscera, & vasa laesa fuerint, an non. Cum autem singula viscera suis functionibus conspirent ad sanitatem, patebit primo, nihil alicujus momenti hic laesum esse, si non observentur multae functiones turbatae esse, quae ab integritate horum viscerum pendent. Quia autem viscera abdominalia praecipue chylopoiesi in-

serviunt, hinc cibi, & potus receptio, retentio, mutatio in chylum, hujus resorptio, & faecum residuarum excretio, si fiant illa lege, ut in sanitate fieri solet, certi sumus, causam vulnerantem, licet in abdominis cavum penetraverit, tamen non laesisse haec viscera. Cum autem, (licet minus proprie, quia extra peritonaei ambitum locantur) & organa illa, quae urinae secretendae, & excernendae interviunt, uti & generationi dicatae partes multae in abdomine dicantur haerere; hinc & attendendum est, an symptomata, vulnus secuta, has partes laesas esse demonstrent.

Præter has viscerum abdominalium laesiones aliquando accidit, mesenterii nervos discissos solos gravissima symptomata, & mortem ipsam producere; uti ex Ruysschii observatis in commentariis §. 170. n. 3. dictum fuit: sed tunc immanis dolor, inflammatio, & febris satis docent, periculum adesse. Unde haec si adsunt, optima spes facilis curationis habetur. Sed magna vasa sanguinea, chylosa, & lymphatica, per abdominis vulnera laedi possunt; unde aegro in vulnus decumbente satis patulum, si nihil effluit sanguinis, vel aliterius liquidi, novimus vasa haec illaesa esse: quia autem sanguis effusus, & coagulatus in cavo abdominis haerere possit, nec exire tamen, ideo aquam tepidam syphone per vulneris aperturam injiciunt, quae si non mutata redeat, nihil tale metuitur. Notandum tamen, in homine vivente, & sano abdomen semper halitu plenum esse, qui aperto mæstatorum animalium ventre tam manifeste apparet: ille frigore aeris admixti, vel alia quacumque de causa, condensatus, & collectus lymphae tenuis specie de vulnere possit exire, licet interiora omnia illaesa forent.

§. 311. **I**llico arcendus aer, ingressus suctu, & expirationis nixu excludendus; gastroraphia consuenda integumenta, turundae auferendae; balsami illitu, decubitu in vulnus, quiete corporis, victu leni, humido, parco, rara deligatione percurabitur.

AER ARCENDUS &c. Ubi per modo dicta constitit, interiora omnia abdominis illaesa esse, talis vulneris cita consolidatio requiritur. Sed notandum est, aerem per vulnus aliquando ingredi, & in cavo abdominis retentum, calore rarefactum immaniter expandi posse, & comprimere omnia viscera, si per vulnus exire impediatur. Ab eodem aere, in panniculum adiposum se insinuante, mira Emphysemata oriri possunt, uti in thoracis vulneribus §. 300. n. 5. dictum est. Unde antequam de consolidatione vulneris talis cogitetur, debet constare, nullum aerem in cavo abdominis haerere; & si adsit, debet prius educi. Hoc autem fit simili modo, ac §. 304. dictum fuit: inspiratum nempe aerem vulneratus retinet, quam diu ferre potest; & tunc, clausa larynge, expirationis validum nixum facit: sic enim depresso diaphragmate, simulque agentibus in expirationis nixu muscularibus, contenta abdominis valide premuntur, & aer contentus per vulneris aperturam expellitur. Ne autem eodem tempore omentum, vel intestina exprimantur, linteo raro tegitur vulnus, quod aerem quidem transmittit, reliqua autem egressura coercet.

Exclusio

Excluso sic aere requiritur ex generali indicatione in cura omnium vulnerum (§. 185. n. 3.) ut partes, per causam vulnerantem separatae, uniantur iterum, & in hac adunatione retineantur: quod fit in vulneribus abdominis in cavum penetrantibus peculiari methodo, nempe.

GASTROGRAPHIA CONSUENDA INTEGUMENTA. Antiquis jam descripta fuit haec operatio, & uti videtur, diversis etiam tentata modis. Galenus (m) metuens, ne peritonaei dissecti labia difficulter concrecerent inter se, cum membranam nervosam, & exsanguem esse crederet, sic instituit hanc operationem, ut peritonaei discissi labia abdominis dissecti oppositis lateribus concrecerent. Jubeat enim, acum ab externa parte per cutim introrsum adigendam esse, non pertundendo peritonaeum, & deinde in latere opposito vulneris peritonaeum una cum omnibus incumbentibus segmentis ab interiori parte extrorsum eadem acu transfiggat; & postea in eodem vulneris latere cutim, & musculos iterum pertundeat acu ab exteriori parte introrsum, vivando peritonaeum; sed tunc vicissim in opposito latere peritonaeum cum omnibus incumbentibus acu ab interiori parte extrorsum transadacta perforabat. Hac methodo conabatur efficere, ut peritonaeum discissum concreceret cum musculis abdominis discissis lateris oppositi. Tamen & ibidem Galenus aliam methodum Gastrographiae recenset, qua cognatae naturae partes inter se uniantur, & coalescant; peritonaeum nempe peritonaeo, musculi musculis &c., & quae ob hanc causam etiam melior esse videtur. Celsus (n) hanc operationem describens, illam sic fieri iussit, ut prius interiori membranae sutura injiciatur, deinde hoc facto eadem fila, eademque acus, ad cutem transferebantur, similique modo etiam futura uniebantur vulneris labia: dicit enim, futuram summae cutis, neque interioris membranae, per se satis proficere, sed utriusque. Voluit etiam e duobus linis faciendam esse futuram, & spissiore. quam alibi; quia & rumpi facilius motu ventris potest, & non aequae magnis inflammationibus haec pars exposita est. In hac futura perficienda imprimis requiritur, ut minimo cum dolore, & sine periculo laesionis omenti, vel intestinorum, fiat; neque ullus metus sit, ne sutura facta ob continuum abdominis motum laceretur. Quia autem cutis abdominis tenacissima est (uti experiuntur omnes, qui cadaverum apertorum ventres consunt), & difficillime perforanda; ideo acus valde acutae, & a latere inciscentes, requiruntur, ad tertiam circiter suae longitudinis partem incurvae, caeterum rectae. Filum forte, vel & plura fila simul, non contorta inter se, sed in eodem plano posita, transmittuntur, suis extremis per binarum talium acuum capita; deinde acus unius cuspis; pulpa indicis digiti occultata, caute sub peritonaeo in abdominis cavum dimittitur, ne laedantur intestina, vel omentum; perforatur peritonaeum, & integumenta, transadigendo hanc acum ad digiti circiter transversi distantiam a vulnere. Simili modo per oppositum vulneris labium altera acus adigitur, & fila transmissa prius suppositis spleniolis nodo constringuntur. Repetitur

K k 4

pm

(m) Method. Med. lib. VI. cap. 4. Charret. Tom. X. pag. 140. 141. (n) Lib. VII. cap. 16. pag. 453.

jam haec futura, prout vulneris amplitudo requirit. Reliqua autem, quae in Gastroraphiae applicatione notanda sunt, apud *Garengeot* [o], & alios Auctores habentur: videantur & illa, quae dicta sunt in commentario §. 214.

TURUNDAE AUFERENDAE. Illae enim in hoc casu semper nocerent, cum requiratur partium separatarum unio, quam semper impedit quoddamque corpus heterogeneum interpositum. Noxium autem in abdominis vulneribus turundarum usum, ratione, & experimentis pulchre probat *Bellosse* [p].

BALSAMI ILLITU, DECUBITU IN VULNUS &c. Cum autem per sururam adductis labiis requiratur illorum unio, ad hanc sufficiet, si secundum dicta in vulnerum cura generali §. 204. balsamo vulnerario leni leviter illinantur, vel & plumaceolum tali balsamo madidum superimponatur. Situs autem vulnerati talis inprimis requiritur, ut vulnere incumbat, ut sponte sua pus, & alia forte extravasata huc tendant. Quies summa hic requiritur, quia corporis motu, tussi, risu, sternutatione, alvi exoneratione difficiliore, augetur respirationis vis; & periculum foret, ne futura laceraretur, vel saltem rudiori tali abdominis motu distracta fila irritarent partes, per quas transmittuntur: unde inflammatio, dolor, & alia inde sequentia mala oriri possent. Ob eandem causam victus lenis, & humidus requiritur, parca copia simul, ne repleto ventriculo distendatur abdomen: inprimis carniū junculae hic commendantur, uti dictum fuit in commentariis §. 308. Si jam nullus dolor, aut pruritus, nulla inflammatio &c. superveniant, rara deligatio curam accelerabit; uti dictum fuit in generali vulnerum cura.

§. 312. **SI** acutus dolor, febris, inflammationis signa, cruor, ichor, potus, cibus, chylus, bilis, pus, urina, stercus, foetor, ex vulnere exeuntia; causa vulnerans, situs, & natura vulneris; pallor, sudor frigidus, inquietudo, animi deliquia, pulsus defectus, praesentia considerantur, docebunt, laesa vasa, vel viscera abdominalia, & quae.

Haftenus considerata sunt vulnera abdominis, quae vel sola communia integumenta laeserant, integro manente peritoneo; uti & illa, quae in cavum abdominis penetraverant quidem, sed tamen non laeserant contenta vasa, vel viscera. Sequuntur jam illa signa, quibus noscitur, interiora laesa esse; simulque ex iisdem concluditur, quatenam partes, abdominis cavo contentae, vulneratae fuerint. Signa autem haec desumuntur vel ex illis, quae de vulnere exeunt, vel ex functionibus laesis.

ACUTUS DOLOR. Suspectum quammaxime in vulneribus abdominalibus signum,

signum, denotans partes membranaceas, vel nervosas esse laesas. Quantum autem ex illarum partium læsione imminet periculum, demonstrant illa, quae dicta sunt in commentariis §. 170. n. 3. Ibi enim conflictit ex *Ruysschii* observationibus, vulnera mesenterio inflicta, sine læsione aliarum partium, post enormes dolores abdominis, intra duos, tresve dies fuisse lethalia: simulque apparuit, admodum probabile esse, a nervis mesenterii laesis omnia haec mala orta fuisse. *Celsus* (§) inter signa vulnerati jecinoris recenset punctiōnes, doloresque usque ad jugulum, junctumque ei latum scapularum os, intentos. In renibus vulneratis dolorem ad inguina, & testiculos descendere monet: Percussa vulva dolorem in inguinibus, coxis, & feminibus esse dicit &c.

FEBRIS. Quae, si non ex animi perturbatione ortum duxerit in vulneratis, semper vel acerbis doloris comes est, vel inflammationem natam sequitur; quae in nervosis illis partibus, mesenterio nempe, intestino &c. semper periculosa.

INFLAMMATIONIS SIGNA. Horripilatio nempe, illamque sequens calor febrilis, sitis, anxietas, respiratio laboriosa, pulsus durus, lingua sicca, &c. Quam funesta autem sit inflammatio plurimorum viscerum abdominis, docent ileus, & herniae suffocatae, a quibus morbis vel robustissimi homines saepe paucarum horarum spatio pereunt.

CRUOR. Designat vasa sanguinea majora laesa esse, si cum impetu erumpat, & quidem arteriosa, si coccineo colore fulgeat; venosa vero, si magis nigricans appareat.

ICHOR. Ex variis partibus, per vulnus abdomini inflictum laesis, tenuis talis aquosus liquor prodire possit. Lymphatica hic plurima vasa sunt, quae talem lympham fundere possent. Ductus pancreaticus, porus hepaticus, renum pelvis, si vulnerata fuerint, possent incredibilem copiam talis ichoris in cavum abdominis effundere. Imo halitus in abdomine sani animalis ex vasis perspirantibus expulsi, condensati frigore admissi aeris per vulnus, nec relorptus iterum per venas, hinc collectus, per aperturam vulneris possent exire saepe satis notabili copia, licet interiora omnino illaesa forent.

POTUS, CIBUS. Haec designant, ventriculū esse laesum: cujus vulnera periculosa semper esse, non tamen absolute lethalia constitit ex illis, quae dicta sunt in commentariis §. 170. n. 5. Quibus addi possit & illud, quod habetur in *Miscellaneis Curiosis* (r), exemplum hominis, cui ventriculus vulneratus per undecim annos partem cibi, & potus per vulneris aperturam, callosis factis labiis non consolidatam, emittebat.

CHYLUS. Si per vulnus exeat, intestina tenuia esse laesa docet, vel ductus chylicos, in quibus candidissimo colore distinguitur a chylo intestinorum semper magis griseo, vel & flavescente, si intestinum tenue vulneretur prope illum locum, in quo bilis chylo miscetur.

BILIS. Designat læsionem ductus communis, vel cystici, vel intestinum forte duodenum vulneratum esse circa illum locum, ubi ductus communis huic

K K 5

(§) Lib. V. cap. 26. pag. 286. (r) Decad. 2. Ann. V. pag. 2.

huic intestino inferitur: imprimis autem magna copia bilis in abdominis cavum effluit, si ipsa vesica fellis laesa fuerit. Rarus admodum talis casus habetur in Actis Anglicanis (1) de milite, cui vulnere in cavum abdominis penetrante vesicae fellae fundus perfoctus fuerat, absque ulla notabili laesione vicinarum partium. Mira satis symptomata secuta fuerunt hoc vulnus: statim enim distendebatur abdomen, ac si Tympanitide, vel Ascite laboraret: neque augebatur, vel minuebatur tumor ille ad mortem usque, quae septimae diei initio post inflictum vulnus contigit. Nulli tamen ructus, flatus, aut borborygmi aderant, & alvus toto hoc tempore manebat pertinacissime stricta, licet acria satis purgantia, & clysmata adhiberentur. Somnus vix ullus aderat, licet opiata satis magna dosi exhibita fuissent. Vulnus externum flaccidum, pallidum, sine pure. Pulsus erat fortis, aequalis, tardus, pridie ante mortem leviter subinde intermittens; mens constabat ad mortem usque, levis singultus, & nausea adfuerant quinta die post vulnus inflictum. Ex hac historia patet, pessimum signum esse, si bilis per vulnus abdominis exeat.

Pus. Designat factam jam suppurationem internarum partium a vulnere inflicto; nisi forte praeexistiterit vomica purulenta instrumento vulnerrante nunc aperta.

URINA. Si exeat ex vulnere, pelvis, ureterum, vel & vesicae laesio- nem significat, ut facile patet.

STERCUS, FOETOR. Constat ex Physiologicis, ingesta alimenta actione ventriculi, & intestinorum tenuium sensum sic emulgeri, & per bibula venarum mesentericarum, & vasorum lacteorum oscula resorberi partem maxime solubilem, ut circa finem intestini ilei solae fere faeces non solubiles residuae in caecum dictum intestinum delabuntur; inde per totam coli intestini longitudinem sensim propulsa ad rectum intestinum perveniunt, & alvo excluduntur. Simul observatum fuit, nullibi percipi foetorem illum stercorem, incipientis putredinis indicium, nisi in caeco, colo, & recto; nunquam autem in tenuibus intestinis. Ideo in caeco intestino *federe stercorum fermentum, corruptionis opus, non nutritionis*, dixit Helmontius (2). Ubi ergo stercus exit per vulnus inflictum, vel foetor talis de vulnere exspirat, concluditur, crassa intestina laesa esse. Unde Celsus (3), postquam dixerat, communes esse notas jejuni intestini, & ventriculi vulnerati, subiungit: *Cetera intestina illa vel stercus, vel ejus odorem exhibent.*

CAUSA VULNERANS, SITUS, ET NATURA VULNERIS. Instrumentum, quo vulnus inflictum fuit, si haberi possit, saepe docet, quo usque vulnus penetraverit, si comparetur cum vulneris inflicti amplitudine: simul patet, multum differre vulneris inflicti naturam pro varia directione, qua instrumentum vulnerans in cavum abdominis penetravit, sursum, deorsum, ad latera &c. sed praeterea abdominalium viscerum situs multum differre poterit,

(1) N. 414. pag. 341. Abridgem. Tom. VII. pag. 571. 572. (2) Ortus Medicin. pag. 179. n. 81. in fine capituli *Septuplex digestio alimenti humani.* (3) Lib. V. cap. 26. pag. 227.

rit, pro varia positura corporis, quam vulneratus habuit illo tempore, dum vulnus infligebatur, uti etiam aliis de causis. Sic notavit accuratissimus Anatomicus *Winslow* (v), hepar in homine ligamentis suis quidem sic firmari, ut non facile ab uno latere in aliud dilabatur, neutiquam tamen ab his suspensi, sed sustineri a ventriculo, & intestinis; imprimis quando haec viscera repleta sunt. Unde post diuturnam inediam proprio pondere depresso hepar trahit diaphragma, & molestum sensum facit; quem ventriculo male adscribi credit idem auctor. Unde si vacuo ventriculo, stanti homini vulnus infligatur ad binorum digitorum distantiam sub costis spuriis lateris dextri, poterit laedi hepar in tali casu ultra costarum limbum prominens: quale Exemplum refert *Garengot* (w) hominis sic vulnerati, in cujus cadavere apparuit abscessus in hepate a vulnere inflicto natus. Idem jam verum est de ventriculo, qui repletus admodum satis profunde saepe descendit.

PALLOR, SUDOR FRIGIDUS, INQUIETUDO, ANIMI DELIQUIA, PULSUS DEFECTUS. Omnia haec signa vitam deficientem denotant, & plerumque largam sanguinis jacturam sequuntur: unde, licet nihil sanguinis per vulnus effluat, si haec signa adsint, de interna Haemorrhagia cogitandum est, & magna vasa sanguinea laesa esse concluditur: sanguine enim sic in cavum abdominis effluente, parca copia tantum ad cor redit: hinc ejus vires imminuuntur, unde pulsus incipit vacillare, intermittere, & tandem penitus deficere in perfecta syncope. Inde & pallor collapsis vasibus sanguine vacuis, & frigidus sudor, resolutarum virium certum indicium. Incipit tunc illa lucta vitae cum morte, quam agoniam vocaverunt: anxietas nempe summa, & inquietudo, sic ut continuo situm corporis mutant, quantum vires permittunt; tandemque animi deliquium, vel & mors ipsa sequitur. Videantur & illa, quae dicta sunt in commentariis §. 302. n. 7.

Aliquando forte & haec symptomata oriri possunt a nervorum, per viscera abdominalia disperiurum, laesione. Magnum enim hos nervos habere imperium in vitales functiones docent subitaneae mortes, etiam in sanis simis, & robustissimis hominibus ab herniis suffocatis, intestinorum susceptionibus &c. in quibus morbis omnia haec signa apparent, & paucarum saepe horarum spatio mors sequitur. Unde & *Celsus* (x), signa ventriculi vulnerati enumerans, dicit: *Venarum motus elanquefcunt, sudores tenues oriuntur, per quos extremas partes frige fcunt*. Et statim addit, communes jejuni intestini, & ventriculi vulnerati notas esse.

Ex his omnibus signis cognoscitur, partes abdominis cavo contentas laesas esse; & saepe ex iisdem satis evidenter patet, quanam partes laesae fuerint: unde ex his Diagnostis horum vulnerum habetur. Sequens paragra phus Prognosin docebit.

(v) Exposition Anatomique &c. Traité du bas ventre n. 267. 268. pag. 350.

(w) Traité des Operations de Chirurgie Tom. I. pag. 84.

(x) Lib. V. cap.

26. pag. 297.

§. 313. **T**um infinita mala sequuntur, partim 1. a natura viscerum, tenui vasculosa, non musculosa, diffillimae circulationis, nec nisi clauso abdomine absolvendae. 2. a functione laesa visceris. 3. ab effusi cruoris copia, corruptione. 4. ab aeris ingressu, rarefacti, prementis, actione.

1. Constat ex Physiologicis, omnia viscera abdominalia, quae chylopoiesi inserviunt, venosum suum sanguinem deferre ad sinum venae portarum, qui dein in ramos divisus per omnem hepatis molem venosum hunc acceptum sanguinem distribuit sic, ut non amplius ab angustis ramis in latiores fluat, sed ut in arteriis a latiore basi in angustos fines pellatur. Unde patet, difficillimam hic humorum circulationem esse, cum sanguis venosus, qui maximam partem motus, a corde, & arteriis accepti, amittit, hic iterum per angustias convergentium valorum transire debeat. Sed circulum humorum juvat actio diaphragmatis, & musculorum abdominalium, per quam omnia viscera abdominalia premuntur alternis vicibus. Inspirationis enim, tempore diaphragma deorsum tendens cavum abdominis arstat, & omnia contenta comprimit, expirationis vero tempore contracti muscoli abdominales eodem modo reagent. Hinc omni vitae momento alternis his pressionibus promovetur sanguinis circulatio per abdominalia viscera. Unde in illis hominibus, qui otiosam vitam degentes salubre corporis exercitium negligunt, toties circa hepar, & alia abdominalia viscera difficiles nascuntur obstructions, & pessimi morbi chronici. Ubi ergo per vulnus laeditur, vel turbatur actio diaphragmatis, vel musculorum abdominalium, patet, tolli hoc adminiculum, quod requirebatur omnino ad expeditam humorum circumductionem per abdominalia viscera. Hoc apparet evidenter in vivis animalibus dissectis: dum enim cani decussata sectione dissecantur muscoli abdominales, & peritonaeum, post aliquot momenta venae omnes viscerum abdominalium apparebunt distensissimae, quia non potest commodè sanguis venosus per hepatis angustias pelli, deficiente actione musculorum abdominalium. Facile interim patet, non ab omnibus abdominis vulneribus hanc noxam expectandam esse, sed tantum ab illis, quae diaphragmatis, vel musculorum abdominalium actionem insigniter laedunt. Accedit, quod per patula vulnera aer illapsus insolito frigore quammaxime nocere possit abdominalibus visceribus; & a binis his causis videtur deduci posse, quare omentum, vel intestina, extra vulnus dilapsa tam facile gangraenescant.

2. Singula haec viscera proprios usus habent ad chylicificationis opus conspirantes: uno ergo, vel pluribus laesis, turbabitur chylicificatio. Sic v. g. intestino tenui dissecto prope pylorum, omnis chylus in cavum abdominis decidet, vel per vulnus exiit, nutrimento suo defraudabitur corpus, & vero peribit malissimo. Fells vesicula laesa, ut dictum fuit praecedenti paragrafo, bilis in cavum abdominis decidebat, & alvus manebat pertinacissime trista, nullis remediis aufcultans, cum subita, & permanente abdominis inflatione: quae mala non facile quis praevideret futura a tali vulnere.

Unde

Unde simul patet, quanta sit bilis necessitas ad abdominalium viscerum plurimorum actionem. Sed bilis ex sanguine venoso viscerum chylopoieticorum, in singulia forte diverso, & mire mutato per hepatis fabricam, conficitur; unde laesis visceribus abdominalibus saepe tolluntur quaedam requisita ad bonae bilis secretionem; quae ergo a naturali sua indole degenerans chylopoiesin miris modis turbare poterit. Sic hepar, & lien quasi spongiae sanguine plenae apparent: ab horum ergo laesione copiosa cruoris effusio, inflammatio, suppuratio, in amurcam quasi horum viscerum substantiam converteas &c. expectari poterunt.

3. Dismissis vasis sanguineis, quae tam numerosa, & facis ampla per abdominis viscera distribuuntur, ingentem sanguinis copiam in cavum abdominis posse effundi, facile patet. Ille copia sua premendo viscera nocere potest, uti & nata corruptela; imprimis, si simul aer libere accesserit, tabescere possit omnia. Modicam vero sanguinis effusionem, sine visceris ullius nobilioris laesione; & impedito libero aeris accessu, non adeo periculosam credidit Ruyschius (y), edoctus experimento in vivo animali capto. Cani enim medioeris magnitudinis, prius ligatis vasis splenicis, lienem exciderat: neglexerat autem ligare arteriolam Epiploicam, quae tantam tamen sanguinis copiam fundebat, ut jamjam moriturus canis videretur. Hanc tamen arteriolam sine ligatura abdomini intrusit, ubi procul dubio perrexit sanguinem fundere: sutura vulnus abdominis univit, & vulnere intra sex, septemve dies consolidato canis convaluit. Ex hoc experimento conclusit, sanguinem extravasatum in cavo abdominis, modo secludatur aer, posse resorberi sic, ut nihil inde mali postea sequatur.

4. Si per vulnus aer in cavum abdominis intraverit, & interim ejus exitus a pinguedine, vulneris orificium obturante, vel alia quacumque de causa, impeditur, calore corporis rarefactus aer distendere poterit abdomen in molem immensam: sed & simul eadem vi comprimet omnia contenta abdominis cavo viscera; imprimis autem ventriculum, & intestina, illaque penitus complanare poterit: unde miserrima mala, sola eductione rarefacti aeris sananda.

§. 314. **U**nde lethalia saepe sunt. At intestina laesa, & pertractationi oblata, consuenda, si magnis; sibi linquenda, si parvis vulneribus laesa sunt, & reliqua peragenda, ut (311.) dictum est.

Ex omnibus praedictis patet, quantum discrimen sit vulnorum in cavum abdominis penetrantium, una cum laesione contentorum vasorum, vel viscerum. Si jam simul considerentur illa, quae de vulnorum lethaliitate dicta sunt §. 170. n. 3. & 5. uti & illa mirabilia mala, quae diaphragmatis laesionem sequi observata fuerunt, de quibus ibidem n. 4. agebatur; patebit facile, mortem inevitabilem saepe vulnura abdominalia sequi.

Sequitur jam, ut considerentur illa, quae fieri debent in cura abdominalium vulnorum, si intestina laesa fuerint, & manibus pertractari possint.

Hippo-

(y) Observat. Anatom. Chirur. 66.

Hippocrates (2) tenuium intestinorum vulnera lethalia pronuntiavit: Galenus tamen in suis commentariis non quaelibet vulnera tenuium intestinorum lethalia esse voluit, sed rarissime sanari dicit illa, quae in cavum usque intestinorum penetrarent. In alio Aphorismo (a) Hippocrates dixit, non coalescere intestinum tenue dissectum. Celsus (b) pariter dixit: *Si tenuius intestinum perforatum est, nihil profici posse. Latius intestinum sui potest: non quod certa fiducia sit, sed quod dubia spes certa desperatione sit potior: interdum enim glutinatur.*

Hodie tamen plurimis, Aliisque fidelissimis observatis constat, intestina tenuia etiam integre discissa fuisse, & tamen superstites fuisse vulneratos. Si ergo intestinum laesum fuerit, neque vulnus adeo magnum sit, ut patula via contenta intestini cavo in abdomen delabi possint, sibi relinquenda sunt; spongiae enim tunc solent sanari. Simulac enim intestina per vulnus abdominis erumpunt, solent valide distendi statibus, si integra fuerint; & tunc tenuia, & membranacea apparent: ubi vero in naturali statu considerantur, satis crassa, & solida apparent; unde parvum vulnus non adeo nocere poterit. Exemplo hominis Maniaci, (de quo dictum fuit §. 170. n. 5.) qui octodecim vulnera proprio abdomini infixerat, constitit, sanari sponte tales intestinorum etiam tenuium laesiones, uti docuerunt cicatrices sanatorum vulnorum in cadavere postea reperiae. Dum cani majori (uti ibidem dictum fuit) intestinum tenue secundum longitudinem dissecaretur, nulla sutura intestini in abdomen retrufi facta, animal tamen convaluit. Imo observata docuerunt, larga latis intestinorum vulnera, per quae contenta exiebant, sponte sanata fuisse. Homini globo plumbeo majori vulnus infictum fuerat in cavum abdominis penetrans cum insigni laesione intestini coli; sic ut per bimestre spatium excrementa per vulnus exirent: tandem tamen sine ullo artis adminiculo illud vulnus consolidatum, & homo sanatus fuit (c). Insigni decoctiori vulnus abdomini infligebatur cultro, sic ut acies penetraret in latius dextri lateris intestinum; quod, licet ultra triginta horas penderit extra corpus, jam abunde refrigeratum, reductum tamen fuit in locum suum sine ullo malo. Profluebant quotidie per vulnus hiatum faeces alvinæ, & licet perditus helluo nullam dietæ rationem servaret, felicissime tamen intestini vulnus consolidabatur, uti post sextum annum a vulnere inficto in cadavere apparuit (d).

Ubi autem vulnera intestinis inficta tam magna sunt, ut inde jure metendum sit, ne contenta in cavum abdominis delabantur, ibique accumulata, & putrefacta corrumpant omnia; tunc, si detur manus pertractandi tale intestinum vulneratum occasio, haec conluenda sunt. Solent Chirurgi in tali casu uti sutura, quam pellionum vocant: quia solent pelliones laceras animalium pelles tali sutura unire. Haec autem sutura fit, dum ambo vulnerati intestini labia simul acu pertunduntur, quam sequitur filum sericeum planum: deinceps punctura similiter fit ad distantiam binarum linearum a priore, semper

(2) Aphor. 18. Sect. VI. Charter. Tom. IX. pag. 357. (a) ibid. 24. Sect. VI. pag. 361. (b) Lib. VII. cap. 16. (c) Belloste Chirurgien d'Hopital pag. 100. part. 3. chapit. 15. (d) Tulpii Observat. Medicar. Lib. III. cap. 20. pag. 212.

per ab eodem latere intestini incipiendo: hoc repetitur, donec labia vulneris contigua sint: sic spirali circumvolutione filum continet vulnerati intestini labia, & fili pars satis longa ex vulnere pendula relinquitur, ut postea consolidato intestino commodè educi possit. Ob hanc causam etiam majoribus intervallis puncturæ faciendæ sunt, nec fili extrema subducenda spirabilibus gyris ejusdem fili per intestini labia circumductis, ut multi auctores voluerunt: tunc enim postea non posset protrahi filum sine cor rugatione violenta intestini confusi: unde acerrimi dolores, inflammatio, gangraena &c. sequerentur. Videatur de hac futura *Garengot* (e), ubi optima methodus hanc perficiendi describitur.

Putet facile, nonnihil urgente necessitate hanc futuram instituendam esse, cum requirat intestini extra abdomen protracti satis longam moram in aere exteño, & rudiozem ejusdem intestini pertractationem. Unde & notaverunt auctores, sæpe funestum eventum sequi. Exempla tamen illa, quæ in commentariis §. 170. n. 5. allegata fuerunt, ubi ipse ventriculus, vulnere divisus, consuebatur; uti & illa, quæ dicuntur postea in commentario §. 317., probant satis, non posse hanc operationem tanquam damnosam, aut inutilem repudiari.

§. 315. **S**I per latum vulnus illacsum intestinum exit, fovetur animalibus vivis dissectis applicatis, vel fomento idoneo; reponatur; fiant reliqua, ut (311.).

Intestina, quamdiu in abdomine haerent, semper undique tepido rore exhalante humectantur, & simul pingui subtilissimo lubricantur; uti solus etiam tactus docet in animalibus vivis dissectis. Ubi ergo per vulnus infixitum intestina evolvuntur, carent blanda, & tepida atmosphæra; unde refrigerantur, siccantur, & satis cito sæpe in mortem tendunt: quod imprimis mutato colore cognoscitur. Pulcherrime hanc rem expressit *Celsius* dicente: *Proinus considerandum est, an integra ea sint; deinde, an his color suus maneat &c.* Tum, si utramlibet intestinum (*crassum nempe, & tenue*) lividum, aut pallidum, aut nigrum est; quibus illud quoque necessario accedit, ut sensu carcat, medicina omnis inanis est. Si vero ea adhuc sui coloris sunt, cum magna festinatione succurrendum est: momento enim alienamur, externo, & insueto spiritu circumdata (f). Quod autem pulchre intellexerit *Celsius*, intestina naturaliter irrigari non tantum tenui lymphâ, sed & pingui simul oleo, pater evidenter, quia paulo post addit sequentia: *Ac, si jam sicciora sunt intestina, perluenda aqua sunt, cui paulum admodum olei sit adjectum* (g). Ubi ergo paulo de vulnere intestinorum orbes evolvuntur, statim reponenda sunt, si nondum refrigerata, vel exsiccata fuerint. Multum facilitatur hæc repositio intestinorum, si tali situ ponatur vulneratus, ut contenta abdominis non urgeant propria gravitate locum vulneris; unde resupinandum hominem, coxis erectioribus, voluit *Celsius* [b]. Hac enim positura corporis contenta abdo-

(e) *Traité des Operations de Chirurgie* Tom. I. pag. 105. &c. (f) *A. Cora. Celsi Medicin. lib. VII. cap. 26. pag. 454.* (g) *ibidem.* (b) *ibidem.*

abdominis cavo viscera diaphragma premunt in thoracis cavum, sicque abdominis capacitas augetur; unde facilius possunt egressa intestina recondi. In hac repositione intestinorum iterum pulchre monet *Celsus* (i), quod *Medicus* priora semper intestina, quae posteriora prolapsa sunt, condere debet sic, ut orbium singulorum locum servet. Repositis omnibus leniter lomo concutendus est, quo fit, ut per se singula intestina in suas sedes reducantur, & in his confidant. Nisi enim hoc observetur, tormina validissima, & plurima alia mala sequi possent.

Aliud adhuc monitum, & satis magni momenti, habetur apud *Garengeot* (k); nempe, quod si vulnus esset in abdomine medio sub umbilico, per rectum abdominis musculum in alterutro latere penetrans, tunc intestinum, vel omenti pars prolapsa saepe possent recondi sub musculo recto, inter hunc, & ejus vaginam tendineam, quae musculum sub umbilico admodum laxè ambit, & male crederetur, haec reposita esse in cavum abdominis. Facile patet, a tali errore pessima mala sequi debere; intestini nempe, sic valide a musculo incumbente pressi, inflammationem, dolorem &c.

Ubi autem intestina prolapsa jam refrigerata fuerunt, vel & ab aere exsiccata, tunc omnium optimum est, si blando prius tepore foveantur, & humectentur simul. Nihil tunc melius excogitari potest, quam si abdomine dilcisso vivum, & sanum animal imponatur elapsis intestinis; tunc enim naturali quammaxime foru calefunt, & humectantur. Unde etiam in ileo, terribili adeo morbo, saepe tantum solamen habetur, uti & in henniis incarceratis reducendis. Si viva animalia praesto non sint ad hunc usum, aqua calida cum lacte dulci, & pauxillo olei blandi, decoctum carnis vitulinae supingue; decocta emollientium herbarum &c. adhiberi possunt in eisdem usus, modo semper tepida retineantur. Verum quidem est, quod intestina prolapsa, & refrigerata, si recondantur abdominis cavo, ibi calefcent, & humectabuntur; sed debemus prius certi esse, antequam haec reponantur, vitam rediisse in his partibus, jam refrigeratis, & semimortuis: aliter enim, si jam gangraena adesset, pessima corruptio expectanda foret: & licet separatio corrupti fieret, contenta intestinali fistula in cavum abdominis delaberentur: unde post summas misérias toleratas tandem mors sequeretur.

§. 316. **S**I per parvum exeuns foramen, tumens flatu, inflammato, faece, reduci non possit; foru, punctu, dilatatu vulneris, reponitur.

Quando amplo vulnere abdomen perfoctum est, intestina facile evolvuntur; sed etiam tunc sine magna difficultate reponi possunt. Ubi vero per angustum vulnus pars intestini expressa fuerit, longe periculosius malum est. Intestinum enim egressum comprimitur vulneris ambitu, & inflammabitur, & brevi tumebit distentum flatibus, vel & ingestis alimentis motu peristaltico huc pulsus, nec redire potentibus, ob intestini angustationem in vulneris loco.

(i) Ibidem pag. 451. (k) *Traité des Operations de Chirurgie* Tom. I. pag. 102.

co. Unde suffocatio, & gangraena fatis cito sequuntur; uti in herniis incarcerationis toties visum fuit. Facile patet, non posse reduci intestinum, nisi minuatur illius distensio, vel dilatetur vulnus. Prius semper tentandum est, quia dilatio vulneris non sine molestia fieri poterit. Fomenta illa, de quibus dictum fuit praecedenti paragrapho, calide applicantur; dein leniter manibus palpando tentatur, an status, vel coacta in tubo intestinali possint iterum propelli per vulnus, tunc enim detumescet intestinum, & reduci poterit. Si autem status distentum fuerit, & per aliquot horas fomenta talia frustra applicata sint, tunc acu hinc inde pertundendum est intestinum distentum, ut status exire possint. Neque aliquid metuendum videtur ab his vulnusculis, nam statu expulso contrahetur intestinum, & disparescent parvalae tales aperturae, nihilque contentorum intestini per illas poterit egredi. Tales intestini puncturas se felici cum successu initiuisse dicit Paraeus (1). Ne tamen ignaris detur occasio culpandi hanc intestinorum perforationem, praestat hoc clam perficere; quod facile fieri poterit. Funestus enim talis vulneris eventus aliquando adscriberetur Chirurgis, licet ex arte hoc fieri debere in tali casu fatis pateat.

Si autem ne sic quidem detumescat intestinum, sola dilatio vulneris superest; quam Cellsius etiam in hoc casu commendavit dicens: *Si angustius vulnus est, quam ut intestina commode refundantur, incidendum est, donec satis pateat* (m). Summa autem cautela hic opus esse facile patet, quia intestinum elapsum in loco vulneris artissime comprimitur a peritoneo, & integumentis, unde facile laedi posset. Ut hoc evitetur, specillum sulcatum introducunt in abdominis cavum, parum etiam protrahit, si opus sit, intestino; tunc ut Chirurgus certus sit, intestinum non esse interceptum inter specillum, & vulneris marginem, parum adhuc protrahit intestinum; deinde cultellum sulco specilli imponit, & caute discindit peritoneum: hoc facto elevat specillum una cum cultello jam in ejus sulco haerente, & discindit integumenta abdominis, donec pateat satis vulneris amplitudo, ut commode intestina prolapsa refundi possint in cavum abdominis. Si vero tanta sit strangulatio intestini prolapsi, ut impossibile sit specillum sulcatum introducere, tunc indicis digiti pulpa premitur intestinum, ut parum recedat a vulneris margine; & deinde supra unguem ejusdem digiti indicis parum discinduntur integumenta, & peritoneum, ut via fiat specillo sulcato introducendo.

Ut quam tutissime hoc fieri posset, pulcherrima instrumenta excogitaverunt celebres Chirurghi. Sic specillum sulcatum habetur, quod crena sua abscondit cultellum, pressio elatere pro lubitu Chirurghi emergentem, cujus figura habetur apud Heisterum (n). Solo cultello recto, obtuso apice instructo, utebatur Petrus, cujus cultelli acies obtusior erat: cultellus ille perpendiculariter abdomini immergebatur, nec poterant inde laedi viscera, quia globosum habebat apicem, & vix scindere poterat; sufficiebat tamen cultelli

(1) Livre X. Chapitre 36. pag. 256. (m) A. Corn. Cels. Medic. Lib. VII. cap. 16. (n) Instit. Chirurg. part. 2. cap. 114. tab. 24. pag. 797.

cultelli acies, ut discindere posset tenfa admodum abdominis integumenta (e). Simplicitas hujus methodi placuit multis: alii Chirurgi maluerunt prioribus uti.

Dilatato sic vulnere, repositisque intestinis elapsis, omnia illa dein fieri debent, quae §. 311. dicta sunt.

§. 317. **S**I vulnere, suppuratione, gangraena, fistulae intestinalis pars ablata est, pars superior se offerens, vel prudenter adducta, assuenda foramini vulneris.

Ubi autem intestinum integre dissectum est, vel per vulnus angustum exiens, nec in tempore reductum, gangraena, vel suppuratione partem sui amisit, tunc continuitas fistulae intestinalis sublata est, & si resunderentur in cavum abdominis disjuncta extrema, facile patet, effuso chylo intestinorum in abdominis cavum, ibique accumulato, & corrupto, miseriam sequi debere, & inevitabilem mortem. Idem verum est, si intestinum integrum quidem adhuc, sed jam in parte quadam gangraenosum, reponeretur: illud enim postea separari deberet. tuncque omnia eadem fierent mala. Torum fere, quod tunc habet ars, est, ut affigat externi vulneris margini discissi intestini extremum; sique tota vita manebit hic turpis cloaca, quae ani vicem supplebit. Separata enim intestini extrema coalescere iterum posse, ne quidem sperare quondam audebant Medici, & Chirurgi, cum Hippocratis obstat auctoritas, dicentis: *Si intestinum venne dissectum, non concrevit* (p). Mira tamen observata docuerunt, non semper etiam de hac concretionem desperandum esse. Homo robustus jam ab octo annis laboraverat hernia, quae tamen ipsi non admodum molesta fuerat; subito intumuit hernia una cum duritie summa, quam frustra cataplasmatibus emollire tentabat Chirurgus. Tandem suppurabatur tumor, illoque aperto, partem intestini putrefacti quatuor digitis longam abscidit Chirurgus; postea simili longitudinis pars intestini sponte secessit. Cum jam crederetur, quod hoc in loco apertura maneret, quae ani vice fungeretur tota vita, praeter omnem expectationem incepit minui humorum per vulnus effluxus, & triginta trium dierum spatio percuratum fuit, & sanissimus postea vixit (q). Alter casus adhuc evidentiùs docuit, coalescere posse intestina integre divisa. Homini hernia laboranti tubi intestinalis portio, sex pollices longitudine aequans, gangraena corrupta perierat. Filo transmissio per melenarium pariter illam, quae intestino corrupto cohaeserat, utrumque intestini extremum in vulneris apertura retinebatur hac spe, ut accrescerent vulneris margini, & extremum intestini superius ani vice fungeretur; altero extremo inutili manente: sed praeter spem mensis spatii sic uniebantur haec extrema, ut ingesta alimenta consueta via iterum per annum excernerentur: & convaleuit homo, hoc tantum habens incommodi, quod, si nimium

(e) Garengeot Traité des Operations De Chirurgie Tom. I. pag. 119. [p] Aphorism. 24. Sect. VI. Charact. T. m. IX. pag. 264. & in Coxis Praenot. n. 503. [q] Académie des Sciences l'an 1753. hist. pag. 41. &c.

mum manducasset, dolore colico corripetur, qui a vulneris loco incipiens sensim diminuebatur. Videtur autem hoc factum fuisse, quia in loco, ubi bina extrema concreverant, tubus intestinalis angustior parum erat, & firmior substantiae, nec tam facile cedere poterat (r). Hanc rem confirmat aliud mirabile Exemplum. Serenissimi Ducis Brunsvicensis Chirurgus aulicus *Ramabrus* foeminae, post herniam incarcerationam sponte ruptam, insignem partem tubi intestinalis corrupti abstulit; deinde extremum superius intestini immisit inferiori extremo, & levi sutura univit, & in abdomen reposuit. Ex ipsis orci faucibus erepta haec foemina postea sana vixit, sed post annum pleuritide correpta periit; atque inciso cadavere, patuit, intestini extrema inter se coaluisse. Intestina haec una cum parte abdominis, cui accreverant, a dexterrimo Chirurgo dono data, servat Heisterus (s).

Facile autem patet, divisi intestini unionem talem fieri non posse, si bina extrema in abdomine fluctuarent: sed requiri ad hanc rem, ut cuidam parti vicinae accreta maneant contigua. Ob hanc causam frequentius haec unio fit in herniis, quia per abdominalem anulum duplicatum intestinum exiens contigua habebit haec extrema, uti pulchre demonstratur, & figuris elucidatur a Celeberrimo *Morand* (t), qui ex structura partium concretionis rationem, & alia inde sequentia solidissime deducit. Ubi simul probatur, semper in loco unionis minorem esse capacitatem tubi intestinalis: quod etiam saepius post mortem in cadaveribus illorum, qui has calamitates passi fuerant, se vidisse testatur idem Auctor. Ob hanc causam, nisi duriusculis edulis abstineant, nec nimiam ciborum copiam ingurgient, periculum est, ne haec in illa angustia haereant; unde dolores acerrimi, imo saepe ruptura loci, jam consolidati dudum: quale Exemplum habetur foeminae ab hac causa mortuae, pluribus annis elapsis post integram sanationem: in cujus abdomine & ingesta alimenta, & medicamenta effusa reperiebantur, disrupto intestino in illo loco, ubi bina extrema intestini, antea divisi, concreverant (u).

Ubi vero nulla spes est, divisa intestinalis fistulae extrema posse simul uniri, & consolidari, tunc hoc solum superest, ut extremum superius aliquando sponte in vulnere haerens, vel & prudenter illuc adductum, assatur vulneris aperturae, ut ibi artificialis anus tota vita maneat. Alterum extremum ligatum, ne ejus contenta hoc tempore in abdomen delabantur, tota vita manebit inutile. Sic vita servari poterit, modo tanta adhuc sit longitudo intestinalis tubi a pyloro ad anum hanc artificialem usque, ut ex ingestis alimentis sufficiens copia chyli possit sanguinem ingredi, ut inde restituantur illa, quae inevitabili sanae vitae effectus quotidie de corporis substantia pereunt. Ut autem cognosci possit, quodnam ex binis extremis intestini dissecti sit illud, quod duodeno continuum superius dicitur, signa quaedam habentur, a clarissimo *Linné* recensita (v). Illud enim extremum manifestum motum vermicularem habet, materia chylosa repetitis vicibus per hoc extre-

umum

[r] Ibidem pag. 44. [s] Institut. Chirurg. part. 2. cap. 127. pag. 818. [t] Académie des Sciences l'an 1735. *Mém.* pag. 335. &c. [u] Ibidem pag. 343. [v] Académie des Sciences l'an 1700. *Mémoires.* pag. 394.

num exit, & illius parietes non apparent integre collapsi; vel si quandoque collabuntur, paulo post iterum elevantur a materia intestini cavo contenta, & huc propulsa. In altero autem extremo intestini diffecti, quod recto intestino continuatur, motus peristalticus deficit, nihilque exit inde, nisi in initio, vel quando convulsivo motu retrogrado ab inferioribus sursum aliquid exprimitur; quod nunquam tamen tam regulariter fit, ac in extremo superiori apparet. Illud extremum, quod duodeno continuum, esse sic deprehensum fuit, tribus in locis, quae ejus circumferentiam trifariam dividunt, unitur per suturam vulneris foramini, vel filis transmissis retinetur intestini extremum in vulneris apertura, donec ibi concreverit. Sic per artem vita servatur, sed non sine foedo satis incommodo, cum tota vita faeces hac via exire debeant. Quandoque etiam contigit, naturae solius beneficio extremum superius intestini diffecti vulneris aperturae accrescere. Sic *Mery* (w) in virgine viginti octo annorum, post herniam incarceratam, & gangraena corruptam, abscidit quinque pedum longitudine circiter putrefactum intestinum, & orificium superius accrescebat inguini, per quod tota vita postea faeces exibant; satis etiam durae, & figuratae, si facile digerendos cibos modica copia simul assumeret. Plures tales casus occurrunt post conflictus bellicos, dum milites pugionibus bombardis impositis in adversos hostes ruunt; unde frequentia satis abdominis vulnera cum intestinorum discissione contingunt. Memini, me ante viginti circiter annos vidisse militem, cui post talem plagam diffectum intestinum colon vulneris orificio exteriori accreverat: & facile patiebatur, cum ostiatum stipem peteret, ut examinaretur intestinum, aliqua sui parte extra vulneris aperturam prominens, ubi pulchre interior superficies intestini lustrari poterat. Jam decem elapsi tunc erant anni post vulnus inflictum, & videbatur optima sanitate frui.

§. 318. **S**I omentum exierit, & humidum, calidum, rutilo sanguine rubescens adhuc est, reponendum, ut [316].

Dixerat Hippocrates (x): *si omentum excidat, necesse est putrescere*. Certe tenerissima omenti fabrica non potest diu aeris externi frigori exponi, quia vitalis humorum circuitus per hanc partem laedatur insigniter; imo saepe integre destruitur. Unde, si fieri potest, reponendum illico. Notandum, tamen est, quod omenti membrana adeo tenuis sit, ut rudiorem pertrastationem sine laceratione ferre nequeat. Unde summa hic circumspexione opus est: aliter enim ruidius trastatum omentum, dum reponitur, fractis vasibus postea inflammatione, suppuratione, vel & gangraena corruptum pessima mala producere posset. Ob hanc causam potius dilatandum vulnus est, ut sine vi reponi possit. Humiditas, calor, & rutilus sanguinis, per tepera vasa omenti pelluentis, color docent, vitalem superesse adhuc humorum motum per omenti elapsi de vulnere substantiam.

§. 319.

(w) Ibid. Pan 1701. pag. 372. 373. (x) Aphorism. §8. Sect. VI. Charter. Tom. IX. pag. 189.

§. 319. **S**i siccum, frigidum, lividum, ligatura, sectione, fortū, curatum reponendum est.

Ubi vero omentum diu extra vulnus hæsit, solet emori, & quidem satia cito; quod ex frigore, siccitate, & livido, vel nigro colore cognoscitur. Mortuam talem partem abdomine recondere periculosum foret: illa enim postea a vivis partibus separata in abdominis cavo putresceret, & viscera omnia inficere posset. Unde voluit Celsus (y), ut, intestinis jam abdomine conditis, omentum consideretur, ex quo, si quid jam nigri, & emortui est, sperice excidi debet; si quid integrum est, leniter super intestina reduci. Si tamen, mutato quamvis colore, aliqua spes superesse videatur, vitam redire posse in hac parte, fomentis mollissimis, & inprimis vivis animalibus dissectis impositis, fovenda est, si signa vitæ redeuntis appareant, humiditas nempe, calor, & ruber color, in abdominis cavum reponenda; sin minus, tolli debet illud, quod corruptum est. Tamen celebres Chirurgi, si leviter tantum livesceret omentum elapsum, illud reposuerunt, nec alium inde damnum secutum fuisse testantur (z): tunc enim naturali corporis calore redibat facile vita in hac parte. Ubi autem mortua pars omenti tollenda est, tunc per partem ejus sanam filum transadigitur, deinde ligatur, & sub ligatura ad digitum circiter transversam distantiam abscinditur illud, quod corruptum est; reliquum abdomine conditur, curando, ut filii pars satis longa ex vulnere pendeat, ut separatione facta illud commodè tolli posset. Neque multum mali observatum fuit talem omenti resectionem sequi. Galenus [a] quidem dixit, ablata parte omenti frigidiora fieri ventriculum, & minus recte concoquere; illudque se vidisse affirmat in gladiatore, cui vulnerato fere totum omentum abutulerat, & qui postea coquebatur assidue lanis ventrem obvolvère, ne ab externo frigore læderetur. Tamen postea numerosissimis observatis constitit, omenti ablationem hæc mala non sequi [b]. Unde satis tuto tolli posse videtur. Quod etiam confirmatur, quia sæpe in cadaveribus omentum pro maxima parte deficit, licet functiones viscerum abdominalium satis integre fuerint in talibus hominibus.

§. 320. **M**issio sanguinis largior, clysmata in initio injecta, si crassa illaesa, diaeta, blanda respiratio, quies, situs, palmaria hic remedia.

Ex hætenus dictis quaedam generalia auxilia deducuntur, quæ etiam in periculosissimis vulneribus abdominalibus summopere semper profuisse certis experimentis constitit. Nempe

MISSIO SANGUINIS. Nihil plus hic metuitur, quam inflammatio viscerum

(y) Lib. VII. cap. 16. pag. 451. (z) Dionis Cours d'Operations de Chirurgie demonstret. 2. pag. 73. Garengcoeur Traité des Operations de Chirurgie. Tom. I. pag. 120. (a) De usu part. Lib. IV. cap. 9. Charter. Tom. IV. pag. 377. (b) Académ. des Sciences l'an 1725. hist. pag. 13.

rum abdominaliam, quae post enormes dolores cito in gangraenam tendens saepe subito necat: sed summum remedium praebet larga missio sanguinis, quae praesentem inflammationem tollere, futuram vero praeventure efficitur solet. Sic in hernia suffocata vix ulla remedia juvant, nisi audacissima sanguinis missio sic debilitentur vires, ut motus inflammatorii careant urgente nimis vitali impetu.

CLYSMATA &c. Si crassa intestina laesa essent, patet facile, Clysmata nocitura fore; liquidum enim sic injectum delaberetur in abdominis cavam. Ubi autem constat, haec illaesa esse, tunc omnium maxime convenit, clysmatibus injectis duras faeces, crassis intestinis contentas, educere; ne postea vulneratus cogatur alvum durum nixu valido exprimere. Dum enim alvus exoneratur, diaphragmate deorsum presso ob inspiratum, & retentum aerem, & simul agentibus mulculis abdominalibus, validissime comprimuntur omnia abdominis contenta; quae ergo urgebunt vulneris locum; sicque intestina, vel omentum exprimentur; vel dilacerabitur iterum. illud, quod jam inceperat consolidari. Unde patet facis clysmatom in vulneribus abdominis utilitas.

DIÆTA. In generali vulnere cura §. 192. dictum fuit, vulneratis prodesse illa imprimis alimenta, quae blanda; nec facile putrescentia, facili digestionis, atque assimilationis essent; si parca copia simul, repetitis vicibus, sumerentur. Sed in abdominis vulneribus praeterea considerandum est, saepe laesam esse actionem illorum viscerum, quae cruda ingestis efficacissimam mutationem imprimere debent, qua apta evadant, ut postea pulmonis, & vasorum efficacia in nostram mutantur naturam; simul etiam a majori copia assumptorum ventriculorum, & intestina statim distendi: unde patet, adhuc majori cautela hic opus esse. Sed praeterea summus usus est hic dare tassa, quae minimam copiam crassarum faecum in intestinis relinquunt, cum alvi exoneratio, per clysmata prius eductis omnibus faecibus, hic vitanda sit, quantum fieri potest. Omnibus his indicationibus nihil melius respondet, quam juleulorum ex carnis juniorum animalium usus: si enim omni bihorio unciae tres, quatuorve sumantur, addito pauxillo succi citri, ut nimis facilis in putredinem degeneratio caveatur; sustinebitur vita, nullaque fere actione ventriculi, & intestinorum opus erit ad haec ingesta mutanda; simulque vel nullae, vel paucissimae saltem, in intestinis accumulabuntur faeces, unde per plures dies, imo septimanas, sine molestia alvum retinere poterunt. Panis tostus poterit immergi, vel & ineoqui his juleulis; modo tollatur postea, ne faecum copia in crassis intestinis inde augeatur. Pro potu sola aqua, modica vini quantitate addita, sufficeret. Posset tamen & panis, vel hordei, aut avenae decoctum, vel & mollissima cerevisia concedi. Lac hic vitatur, quia nimiam copiam crassarum faecum relinquit: uti patet in infantibus, qui, solo materno lacte licet utantur, tamen duras, tenacesque admodum faeces saepe alvo depolunt.

BLANDA RESPIRATIO, QUIES, SITUS. In singulis enim inspirationibus distenduntur mulculi abdominales, & contrahuntur iterum expirationis tempore; unde vicissim omnia abdominis contenta premuntur; quo ergo paca-

tuor

tior fuerit respiratio, eo minus movebuntur partes vulneratae; ergo, & facilius consolidabuntur. Ob eandem causam quies hic summo opere est necessaria. Situs autem talis sit, in quo commodissime diu manere poterit vulneratus; nempe ut in lectulo, erecto parum corpore, sedenti fere similis ponatur, & quantum commode fieri poterit, declive sit vulneris orificium, ut pus, sanguis &c. facillime exire possint, neque accumulentur in cavo abdominis.

Haec sunt illa, quae in omnibus vulneribus abdominalibus conveniunt; uti etiam post calculi sectionem, vel fistularum ani. Nisi enim tunc caveatur alvi exoneratio, saepe felicissime peractam operationem pessima mala sequuntur. Gravissima etiam vulnera abdominalia, & pessimis symptomatibus stipata, hac methodo curata fuisse felicissime, constat observatis. Unicum tale adduxisse sufficiet, cujus jam alia occasione in commentariis §. 170. n. 5. mentio facta fuit. Maniacus homo sibi ipsi cultro ostodecim vulnera inflixerat abdomini, quorum octo penetrabant in cavum abdominis, & laedebant contenta viscera. Febris valida, tensio abdominis, respiratio difficilis, & dolens, nausea, vomitus, diarrhoea &c. acerbam dabant prognosin, sic ut fere pro derelicto haberetur. Septies repetita Venae sectio primis quatuor diebus; diæta tenuissima ex solis fere jusculis carniū, additis quandoque lactuca, cichoreo, portulaca, & similibus mollissimis oleribus; quies summa, lenibus emulsis diacodiatis, impetrata; rara, & prudentissima vulnerum deligatio, effecerunt, ut bimestri spatio a tot vulneribus incolumis emergeret non tantum, sed & mentem sanam in corpore sano haberet. Post septendecim menses iterum maniacus factus ex alto se praecipitem dedit, & illico mortuus fuit. In cadavere cicatrices inventae docuerunt, lobum medium hepatis laesum fuisse, uti & intestinum jejunum, ac colon (c). Haec historia docet, quantum ab hac methodo expectandum sit in periculosissimis etiam casibus.

(c) Academ. des Sciences l'an 1705. Mem. pag. 40. &c.

Errata corrig.

[illegible]

